

प्रकाशक,

विहारीलाल कठनेरा

प्रोप्राईटर—हिन्दी जैनसाहित्यप्रसारक कार्यालय;

हीराबाग पो० गिरगाँव—बम्बई ।



मुद्रक,

मंगेश नारायण कुलकर्णी

कर्नाटक प्रेस, नं० ४३४ ठाकुरद्वार रोड मुंबई.

निवेदन ।

यह महान् ग्रंथ हमने स्व० पंडित-प्रवर टोडरमलजीकृत भाषा-वचनिका सहित ही छपाया है । संस्कृत टीका इसमें इस लिए नहीं दी कि वह 'माणिकचन्द्र ग्रंथमाला'में मूलसहित छप चुकी है । कुछ लोगोंकी राय है कि पुरानी भाषाके ग्रंथ वर्तमान हिन्दीमें परिवर्तित कर दिये जाने चाहिये; परन्तु हमें भाषाकारके गौरवकी रक्षा करना इष्ट था; अतएव हमने उसका परिवर्तन कराना उचित नहीं समझा ।

हमारी बड़ी इच्छा थी कि इसके यंत्र-भागको ग्रंथके साथ ही लगा दिया जाता; परन्तु कुछ ऐसे कारण उपस्थित हो-गये जिनसे तत्काल यंत्रोंका तैयार करवाना कठिन हो गया । यंत्रोंके तैयार करानेमें कुछ विलम्ब अवश्य होगा; परन्तु तैयार होते ही उन्हें हम सब ग्राहकोंके पास पोष्ट द्वारा भेज देंगे । हम उन सज्जनोंसे प्रार्थना करते हैं कि जिन जिनके पास यह ग्रंथ पहुँचे वे एक कार्ड द्वारा अपना पता लिख भेजनेकी कृपा करें ।

इसका सम्पादन तथा संशोधन-कार्य श्रीयुत पं० मनोहरलालजी शास्त्रीने किया है । हमें जहाँ तक विश्वास है पंडितजीने अपनी जिम्मेवारीका ध्यान रख कर ही इस कार्यका सम्पादन किया है; और इस लिए दृष्टि-दोषकी साधारण भूलोंको छोड़ कर सैद्धान्तिक भूलोंका रहना बहुत कम संभव है । अतःपर भी कोई भूल रह गई हो तो उसका संशोधन कर हमें भी उसकी सूचना देनेकी कृपा करें; जिससे दूसरी आवृत्तिमें उसके संशोधनका ध्यान रक्खा जाये ।

उदयलाल काशलीवाल

हमारी छपाई पुस्तकें ।

रत्नकरंडश्रावकाचार—स्व० पं० सदासुखजीकृत भाषाटीकासहित । श्रावकाचारसम्बन्धी भाषा-टीकाके जितने ग्रंथ इस समय मिलते हैं, उन सबसे यह बहुत बड़ा ग्रन्थ है । यह खुले पत्रोंमें, जाड़े कागज पर, मोटे टाईपमें बड़ी सुन्दरतासे छपाया गया है । पृष्ठ संख्या ५७५ के लगभग है । मूल्य पाँच रुपया ।

पुण्यास्त्रव—इसमें मनोरंजक और धार्मिक भावोंसे परिपूर्ण कोई ५६ छोटी-मोटी कथायें हैं । हमने अब यह दूसरी बार छपाया है । पृष्ठसंख्या ३४० के लगभग । मूल्य तीन रुपया ।

भक्तामर कथा—(मंत्र-यंत्र-सहित) यह ग्रन्थ स्वर्गीय ब्रह्मचारी रायमल्लके बनाये भक्तामरके आधार पर बड़ी सीधी-साधी हिन्दी-भाषामें छपाया गया है । अन्तमें मंत्र, ऋद्धि और उनकी साधनविधि तथा अड़तालीस यंत्र भी दिये गये हैं । मूल्य कपड़ेकी जिल्दका एक रुपया छह आने, सादी जिल्दका एक रुपया ।

चन्द्रप्रभचरित—महाकवि—श्रीवीरनन्दी आचार्यकृत, संस्कृत जैन-काव्योंमें यह उच्च कोटीका काव्य है । इसमें आठवें तीर्थंकर श्रीचंद्रप्रभ भगवानका पवित्र चरित वर्णन किया गया है । मूल्य कपड़ेकी जिल्द सवा रुपया; साधी जिल्द एक रुपया ।

नेमिपुराण—यह ब्रह्मचारी नेमिदत्तके संस्कृत नेमिपुराणका हिन्दी अनुवाद है । इसमें बावीसवें तीर्थंकर नेमिनाथ भगवानका पवित्र चरित है । मूल्य कपड़ेकी जिल्द सवा दो रुपया, सादी जिल्द दो रुपया ।

सम्यक्त्वकौमुदी—यह भी कथाका एक सुन्दर ग्रन्थ है । इसमें सम्यक्त्वके प्राप्त करनेवाले, राजा उदितोदय, सुयोधन, अहंदास, चन्दनश्री, विष्णुश्री, नागश्री, पद्मलता, कनकलता और विद्युलताकी आठ कथायें हैं । मूल्य कपड़ेकी जि० एक रुपया छःआने, सादी जि० एक रुपया दो आने ।

सुदर्शनचरित—यह सकलकीर्तिकृत संस्कृत सुदर्शन चरितका हिन्दी अनुवाद है । सुदर्शन बड़ा हृद-निश्चयी था, कामी स्त्रियोंने उसके साथ अनेक प्रकारकी बुरी चेष्टायें कीं उसे शीलधर्मसे गिरानेका खूब ही प्रयत्न किया परंतु सुदर्शन अपने शीलधर्म पर सुमेरुसा अचल-अडिग बना रहा । मूल्य नौ आने ।

नागकुमारचरित—पटभापा कवि चक्रवर्ती मल्लिषेण सूरिके संस्कृत ग्रंथका अनुवाद । मूल्य छः आने ।

यशोधरचरित । महाकवि वादिराज सूरिके एक सुन्दर संस्कृतकाव्यका हिन्दी अनुवाद । इसमें यशोधरका सुन्दर चरित वर्णन किया गया है । पुस्तक करुण-रससे भरी हुई है । पढ़ते पढ़ते हृदय भर आता है । मूल्य मात्र चार आना ।

पवनदूत (काव्य) कालिदासके मेघदूतके समान रचा गया है, हिन्दी भाषामें है । कीमत चार आना ।
श्रेणिकचरितसार । ब्रह्मचारी नेमिदत्तके संस्कृत श्रेणिककथासारका यह अनुवाद है । मूल्य तीन आने ।
अकलंकचरित । इसमें अकलंक-स्तोत्र और उसका भावार्थ तथा हिन्दी पद्यानुवाद भी शामिल कर दिया है । मूल्य तीन आने ।

सुकुमालचरितसार । इसके बनानेवाले ब्रह्मचारी नेमिदत्त हैं । उन्हींके ग्रन्थका यह अनुवाद है । मूल्य डेढ़ आना ।

पंचास्तिकाय-समयसार । मूलग्रन्थके बनानेवाले भगवान कुन्दकुन्दआचार्य हैं । उस पर स्व० पं० हीरानन्दजाने दोहा, चौपाई, कवित्त, सवैया आदिमें छन्दोबद्ध टीका लिखी है । कीमत एक रुपया ।

चौबीसठाणा-चर्चा—यह गोम्मटसारके आधार पर लिखी गई है । इसमें चौबीस दण्डक भी शामिल कर दिये हैं । मूल्य आठ आने ।

छहढाला—(सार्थ) स्व० पं० दौलत रामजी कृत । ब्र० शीतलप्रसादजीकृत अर्थसहित है । तीन आने ।

नियमपोथी—इसे भी ब्रह्मचारी शीतलप्रसादजीने संग्रह किया है । मूल्य आधा आना ।

हिन्दी-भक्तामर—यह संस्कृत भक्तामरका खड़ी बोलीकी कवितामें सुन्दर अनुवाद है । मूल्य सवा आना ।

हिन्दी-कल्याणमन्दिर । भक्तामरके समान यह भी खड़ी बोलीकी कवितामें संस्कृत कल्याण मंदिरका अनुवाद है । मूल्य एक आना ।

कर्मदहन-विधान । इसमें कर्मदहन पूजा आदि सब छपे हैं । मूल्य पाँच आने ।



भापाटीकाकार पंडितवर
टोडरमल्लजी लिखित

भूमिका



इस शास्त्रकी संस्कृत टीका पूर्वे भई है तथापि तहां संस्कृत गणितादिकका ज्ञानविना प्रवेश होइ सकता नाहीं । तातें स्तोक ज्ञानवालोंके त्रिलोकके स्वरूपका ज्ञान होनेके अर्थ तिसही अर्थको भाषा करि लिखिए है । याविषे मेरा कर्तव्य इतना ही है जो क्षयोपशमके अनुसार तिस शास्त्रका अर्थको जानि धर्मानुरागतै औरानिके जाननेके अर्थ जैसे कोऊ मुखतै अक्षर उच्चारि करि देशभाषारूप व्याख्यान करै तैसे मैं हस्ततै अक्षरनिकी स्थापना करि लिखोंगा । बहुरि छंदनिका जोडना नवीन युक्ति अलंकारादिकका प्रगट करना इत्यादि नवीन ग्रंथकारकनिके कार्य हैं तैतौ मोतै वने ही नाहीं । तातें ग्रंथका कर्तापना भेरै है नाहीं । इहां कोऊ कहै तुम तौ अमूर्ताक आत्मा हो तुम करि लिखनेका कार्य कैसे वनेगा । ताका समाधान । मैं जु हों आत्मद्रव्य सो अनंत गुण पर्यायनिका पुंज हों तिनि विषे श्रुतज्ञान अर धर्मानुराग अर शक्तिपना इन भेरे पर्यायनिके निमित्ततै लिखनेरूप कार्य वने है । तातें कारणविषे कार्यका उपचार करि मैं लिखोंगा । ऐसा व्यवहार मात्र वचन जानना । निश्चय विचारतै मैं भेरे ज्ञानादि भावनिहीका कर्ता हों । लिखनेका कर्ता मैं नाहीं हों । बहुरि प्रश्न । इनके निमित्त नैमित्तिक संबंध कैसे होइ है सो कहौ ? तहां कहिए हैं । मेरा ज्ञान स्वभाव है सो ज्ञानावरणके निमित्ततै हीन होइ मतिश्रुत पर्यायरूप भया है । तहां मतिज्ञान करि शास्त्रके अक्षरनिका जानना भया । बहुरि मोहके उदयतै भेरे औपाधिक भाव रागादिक पाईए है । तहां प्रशस्तराग करि भेरे ऐसी इच्छा भई जो शास्त्रका अर्थ भाषारूप अक्षरनि करि लिखिए तौ इस क्षेत्रकालविषे मंद बुद्धि घने हैं तिनका भी कल्याण होइ । अर इस कार्यको करतै अप्रशस्त भावके अभाव करि किछू धर्म प्रवृत्ति होनेतै मेरा भी कल्याण होइ । तातें जैसे ताका लिखना वने सो करना । बहुरि प्रदेशनिको चलावनेरूप शक्तिपना भेरे पाईए है । तहां तिस इच्छाके वशतै जैसे तिस कार्यकी सिद्धि होइ । तैसे मैं भेरे प्रदेशनिको चंचल करौ हों । ऐसे इतने पर्याय तौ भेरै होइ हैं । बहुरि पुद्गल द्रव्य भी सक्रिय है । अर शरीर है सो पुद्गलपरमाणुनिका पिंड है । अर नामकर्मके निमित्ततै शरीरके अर भेरै एक बंधान है । तातें भेरे प्रदेश चंचल होनेतै तिनकी साथि हस्तादिक शरीरके अंग भी चंचल हो हैं । बहुरि हस्तादि अंगकरि भेरे हुए लेखनी आदि पुद्गल स्कंध हैं ते जैसे अक्षर लिखे जाय तैसे क्रियावान् होइ प्रवर्तै । तव अक्षरनिका आकार पत्रादि विषे स्थापन हो है । ऐसे यहू निमित्त नैमित्तिक संबंध जानना । ऐसे ही

अन्यकार्यनि विषे भी यथासंभव निमित्त नैमित्तिक संबंध जानने । यथार्थ आपा परका भेद विज्ञान हो है । सो इहां लिखनेका कार्य विषे भेरे ज्ञानादि पर्याय कारण भए । बहुरि व्यवहार विषे कारण कार्यके संबंध जानि परस्पर उपचार करिए है । तातें व्यवहार करि जैसे घटका कर्ता कुंभकार कहिए है तैसें मोकों लिखनेका कर्तापना जाननां । निश्चय करि लिखना आदि कार्य हें ते पुद्गलके हें भेरे नाहीं । तातें इस शास्त्रविषे कर्तापनेकों लीएं अहंकार भेरे नाहीं है । बहुरि इहां कोई पूछै है कि इस कार्य होने विषे अपना अर अन्य जीवनिका कल्याणके अर्थ तुमारे इच्छा भई सो कल्याण तौ धर्म साधनतें होइ सो इस शास्त्रविषे कोई निश्चय व्यवहाररूप धर्मका तौ निरूपण है नाहीं । या विषे तौ क्षेत्रादिकका प्रमाण वा स्थाननिका आकार वा नारकादि जीवनिका आयु काय इत्यादि निरूपण है ताकरि धर्म साधना कैसें होइ ? ताका उत्तर । मोक्षके कारण सम्यग्दर्शन ज्ञान चारित्र धर्म हें । तहां सम्यक्त प्रथम धर्म है सो सम्यक्तकी प्राप्ति संशय दूर भए होइ । सो त्रिलोकका स्वरूप जानें अथो मध्य ऊर्द्ध विषे जे जे जीव जिन स्थाननि विषे जैसे जैसे पाईए हें वा जैसी जैसी लोक विषे रचना है सो सर्व जानें तत्र संदेह न रहै । बहुरि अन्यवादी लोकका स्वरूप कल्पित वर्णन करे हें । लोकका कर्ता ईश्वरकों वा ब्रह्माकों वतावै हें बहुरि लोकका स्वरूप पुरुषाकार कहै है । बहुरि लोक रचना विषे काछिवाकी पीठि ऊपर आठ हस्ती वतावै हें । शेषनागकों वतावै हें ता ऊपर पृथ्वी वतावै हें । ताका प्रमाण तुच्छ कहै हें । ताविषे सात द्वीप सात समुद्र कहै हें । तहां जंबूद्वीप विषे नवखंड औरनिविषे सात खंड वतावै हें । बहुरि जंबूद्वीपके बीचि मेरुगिरि कहै हें । ताकी दशोदिशानि विषे दश दिक्पालनिकी नगरी वतावै हें । तहां यमकी नगरी विषे चउवीस नरक कुंड वतावै हें । तहां जीव मरि करि जाय है । तव उनका न्याय करना कहै हें । बहुरि अन्न जल अग्न्यादिककी नगरी कहै हें । बहुरि ज्योतिर्लोक विषे ऋषिनिका वा भक्तनिका स्थान कहै है । बहुरि उपरि वैकुण्ठ धाम वतावै हें । इत्यादि रचनाके विशेष उनके शास्त्रनि विषे लिखे हें । सो जिनमत विषे कहा त्रिलोकका जानें ते अन्यमतका कहा लोकका वा पुन्य पाप रूप आश्रव वंधके फल नर्क स्वर्गादि कहे तिनका विशेषकों जानें वा तिनके अभावतें संवर निर्जरा होइ ताका फल मोक्ष हो है । ताका स्थानादि विशेषकों जानें तौ तत्त्व श्रद्धान विषे संशय रहै नाहीं तव सम्यक श्रद्धान दृढ होइ । बहुरि दूसरा सम्यग्ज्ञान धर्म है सो इस शास्त्रका अभ्यास करनेतें मिथ्यात्वकी वा कपायनिकी वा हिंसादि पापनिकी वृद्धि न हो है, हानि ही हो है । तातें याका अभ्यास आप ही सम्यग्ज्ञान रूप है । बहुरि तीसरा सम्यक चारित्र धर्म है सो सराग वीतराग भेदकों लीएं है सो अशुभ प्रवृत्ति छूटि शुभ प्रवृत्ति भए सराग चारित्र हो हें । सो इस शास्त्रतें अशुभका फल नरकादिक जानें । शुभका फल स्वर्गादिक जानें तौ हिंसादि पापकों छोडि व्रतादि शुभ विषे प्रवर्तें । बहुरि राग द्वेष जातें उपजें ऐसा विचार दूर भए वीतराग चारित्र ही है । सो लोकका स्वरूपका विचार करतें किछू इस पर्याय संबधी प्रयोजन नाहीं । अर विना प्रयोजन राग द्वेष काहेकों उपजै तातें वीतराग भाव स्वयमेव ही होइ । इहां कोऊ कहै इतनां विकल्प लीएं वीतरागता कैसें रहै ? ताका उत्तर । जड भए

बेकल्प द्विर होइ । ज्ञानका स्वरूप तो सविकल्प ही है । काहू ज्ञेयकों जानेंहीगा तातें ज्ञेय जाननेके विकल्पतें वीतरागताका अभाव न हो है । जिसतें राग द्वेष उपजै ऐसे विकल्पनिर्तें वीतरागताका अभाव हो है । ऐसैं इस शास्त्रतें सम्यग्दर्शन ज्ञान चारित्र धर्मकी प्राप्ति हो है । तिसतें जीवका कल्याण हो है । तातें याकों लिखनेकी इच्छा भई है । ऐसैं इहां प्रश्न उत्तरका प्रयोजन यहू है । इस शास्त्रके अभ्यासकों कार्यकारी जानि याका पढना वाचना सीखना सुनना इत्यादि अभ्यास विपै तत्पर रहना योग्य है । बहुरि इहां कोऊ कहै तुहारी बुद्धि तो हीन है ऐसे गंभीर शास्त्रकी टीका कैसें करौगे । ताका उत्तर । मूळ शास्त्र कर्तातें टीकाकारकी बुद्धि हीन होय ही है । परंतु सर्व टीकाकार अपनी बुद्धि अनुसार टीका करै हें तैसें में भी अपनी बुद्धि अनुसार टीका करौंगा । बहुरि कोऊ कहै कहीं चूकौंगे तो दोष लागैगा । ताका उत्तर । जैसें यत्नाचारी मुनिकें प्रमत्त योग विना हिंसा होतें भी दोष नाहीं लागै है तैसें जिन आज्ञाकों प्रमाण करनहारोंकें विपरीत अभिप्राय विना कोऊ सूक्ष्म अर्थ विपै धन्यथापना होतें भी दोष नाहीं लागै है । ऐसैं विचार करि टीकाका प्रारंभ करौं हों । इस श्रीमत् त्रिलोकसार नाम शास्त्रके सूत्र नेमिचंद्रनामा सिद्धांत चक्रवर्ती करि विरचित हैं । तिनकी संस्कृत टीकाका अनुसार छेइ इस भाषा टीका विपै अर्थ लिखौंगा । कहीं कोई अर्थ न भासैगा ताकों न लिखौंगा । कहीं समझनेके अर्थि वधाय करि लिखौंगा । ऐसैं यहू टीका बनेगी ता विपै जहां चूक जानौं तहां बुध जन संवारि शुद्ध करियो । छदमस्थके ज्ञान सावर्ण हो है तातें चूक भी परै । जैसें जाकों थोरा सूझै अर वह कहीं विपम मार्ग विपै स्वच्छित होइ तो बहुत सूझनेवाला वाकी हास्य न करै । दयालु होइ तिस अर्थकों शुद्ध ही करौंगे । बहुरि बाल स्वभावी हास्य करौं तो करौं । प्रयोजन वाला तो क्रिया करैहीगा । उनके भयतें अपना कार्य करनां छोरै नाहीं । ऐसे विचारतें इस टीका करने विपै भेरें उत्साह ही वर्तै है । अब इस शास्त्रके वक्ता श्रोता कैसें चहिए सो कहिए है । प्रथम तो जिन वचनके श्रद्धानी होंहिं । जो श्रद्धानी न होहिं तो प्रत्यक्ष अनुमानतें अगोचर त्रिलोकका स्वरूप ताकों सत्य कैसें जानें । बहुरि धर्म बुद्धि होहिं । जो धर्म बुद्धि न होहिं तो शारीरक प्रयोजन तो यामें किछू है नाहीं काहेकों या विपै लगै । अर जो पांडित्य प्रगट करनेकों लागै तो कपाय भावतें उलटा वुरा हो है । बहुरि गणितादि ज्ञान सहित होइ जो ऐसे न होइ तो इस ग्रंथका अर्थ पर्याय न भासै । बहुरि प्रश्न उत्तर करिकें कथनका निर्णय करि तत्त्वज्ञान दृढ करनेहीका अभिप्राय जिनके होइ कोई वादादिकका अभिप्राय न होइ ऐसे होंहिं । जो ऐसैं न होइ तो ग्रंथ अभ्यासका फल उपयोग निर्मल करना ताकों न पावै । बहुरि क्षमा संतोष न्याय प्रवृत्ति आदि गुण सहित होहिं । जो ऐसे न होंहिं तो शोभा न पावै । इत्यादि गुण सहित वक्ता श्रोता जाननें । बहुरि कोऊ कहै इस शास्त्रकी प्रमाणता कैसें करिए । ताका समाधान । संभवद्वाधक प्रमाणके अभावतें याकों प्रमाण करिए । जिस अर्थका निषेध करण हारो कोई प्रमाण संभवता होइ ताका नाम संभवद्वाधक प्रमाण है । सो इस शास्त्र विपै जो व्याख्यान है सो कोई प्रमाण करि विरुद्ध न भासै है । तातें याका प्रमाण कीजिए है । बहुरि प्रश्न जो कीया कि प्रमाणता किस प्रमाण करि होइ ।

ताका उत्तर—जो अर्थ प्रत्यक्ष अनुमान गोचर होइ ताकों तौ प्रत्यक्ष अनुमान करि प्रमाण करनां । बहुरि जो प्रत्यक्ष अनुमानतैं अगोचर होइ ताकों आगम प्रमाण करि मानना । कोऊ कहै हें कि अन्यमतके आगम अप्रमाण तुम्हारा आगम प्रमाण ऐसा कैसेँ मानिए ? ताका उत्तर । आगम विपै केई अर्थ प्रत्यक्ष अनुमान गोचर हैं केई अगोचर हैं । तहां प्रत्यक्ष अनुमान गोचर अर्थ करि आगमकी परीक्षा करनी । जिस मतके आगम विपै प्रत्यक्ष अनुमान गोचर ही अर्थ विरुद्ध भासै तौ तिसका कह्या अगोचर अर्थ कैसेँ प्रमाण करिए । अर जिस मतका आगम विपै प्रत्यक्ष अनुमान गोचर अर्थ सत्य ही कहै भासै तौ तिसका कह्या अगोचर अर्थ भी सत्य ही होसी सो ऐसैं परीक्षा कीए अन्यमतके आगम अप्रमाण जैनमतके प्रमाण प्रतिभासैं हें । सो यहू शास्त्र जैनमतका आगम है तातैं प्रमाण है । या प्रकार इस शास्त्रकों फलदायक जानि वक्ता श्रोताका लक्षण युक्त होइ वांचो सुनो अर प्रमाणीक जानि याका श्रद्धान करो । याके अभ्यासतैं तत्त्व श्रद्धानी होइ तत्त्व-ज्ञानकों वधाइ रागादिककों घटाइ मोक्षमार्गी होऊ । बहुरि तिस साधनतैं तुम्हारें निरुपाधि आत्म-स्वभावकी सिद्धि है लक्षण जाका ऐसा सिद्ध अवस्था प्रगट होऊ ।



त्रिलोकसारकी विषयसूची ।

विषय.	पृष्ठ.	विषय.	पृष्ठ.
लोकसामान्याधिकार ॥ १ ॥		निक अद्वैतवादिके विधानके जाननेको करण	
मूल शास्त्रविषय मंगलाचरण करि	२	सूत्र कहे हैं ।	५१
तहां पंच अधिकारनिका सूचना करि... ..	४	लोकके व्यासादिकका अर जहां जितना व्यास	
सर्व आकाशविषयं लोकाकाशका वर्णन करि लोक-		पाईए ताका वर्णन	५३
को स्वरूप आकार	५	अधोलोकका आठ प्रकार करि ऊर्ध्व लोकका पांच	
तहां प्रसंग पाइ राज आदिका वर्णन	६	प्रकार करि क्षेत्रफलका वर्णन है	५५
मानका वर्णन है तहां ताके लौकिक अलौकिक		तहां चतुरस्रादि क्षेत्रके क्षेत्रफल करनेका विधान	
मेदनिके मेद कहि	७	वर्णन है	५६
अलौकिक मानविषय संख्यामानके जघन्य संख्या-		बहुरि लोकका परिधिका वर्णन है तहां करणा-	
तादिक इकईस मेदनिका वर्णन	८	दिक जाननेके करण सूत्र हैं	६२
तहां जघन्य परीत असंख्यातका ल्यावनेको		बहुरि वातवलयनिका वर्णन है । तहां तिनके	
कुंडनिका क्षेत्रफल	९	वर्णादिकका अर तिनकी जहां जैसी मुटाई है ताका	
तहां सरसौका प्रमाण कहनेको खात क्षेत्रफल...	११	अर इनकरि जैता क्षेत्र रोक्या है ताका वर्णन है	६३
सूर्वा क्षेत्रफलसरसौनिका वध इत्यादिकों कारण		बहुरि तनुवातवलयमें सिद्ध विराजे हैं तिनकी	
करणसूत्र	१२	अवगाहनाका वर्णन है	७१
श्रुत ज्ञानादिकके विषयनिका प्रमाणका वर्णन...	२३	बहुरि त्रसनालीके स्वरूप स्थान प्रमाणादिका वर्णन	७२
संख्यामानके विशेष लीणं सर्वधारा आदि चाँद-		बहुरि ताके अधो भागविषयं सात पृथ्वी हैं तिनके	
ह धारानिका वर्णन । तहां तिनके स्थाननिका अ-		नामका	७३
नुक्रमका अर जिस धाराका स्थानविषय जाका		अर तहां पहली पृथ्वी विषयं तीन भाग हैं	
प्रमाण आवै ताका अर सर्व स्थाननिके प्रमाण वर्णन	२४	तिनके नाम अर मुटाईके प्रमाणका अर पहला	
तिन विषयं द्विरूप वर्ग आदि तीन धारा है तिनके		भाग विषयं सोलह पृथ्वी हैं तिनके नामका अर	
स्थाननिका विशेष वर्णन है	३३	तीनों भागनि विषयं जे वर्स है तिनका अर छह	
तहां द्विरूप वर्गधाराका कथनके अनंतरि अर्द्ध-		पृथ्वीनिका मोटाईका वर्णन है... ..	७४
छेद वर्ग शलाका जाननेके करण सूत्र	३५	बहुरि पहली पृथ्वीका तृतीय भाग अर छह	
अर द्विरूप घनाघन धारा विषयं अमिकायिकं		नीचली पृथ्वीनि विषयं नारकनिके विल हैं । तहां	
जीवनिका प्रमाण विशेष करि कथा है	३८	तिन पृथ्वीनि विषयं पटलनिकी वा विलनिकी वा	
उपमा मानके पल्यादिक आठ मेदनिका वर्णन ...	४२	तहां शीत उष्ण विलनिकी वा इन्द्रकादिक विल-	
तहां पल्यके रोमनिकी संख्या जाननेको सूक्ष्म		निकी संख्याका वर्णन है	७५
खात फल करनेके करण सूत्रका अर रोम अंगुला-		बहुरि इन्द्रक विलनिके अर तिनके समीप श्रेणी-	
दिकका प्रमाणकी उत्पत्तिका अनुक्रमका वर्णन है	४३	वद्ध हैं तिनके नामका वर्णन है	७७
अक्षर सहाकरि अंक जाननेका उक्तं सूत्र मापा		बहुरि श्रेणीवद्धनिकी संख्या ल्यावनेका विधान	
विषयं कथा है ।	४५	है । तहां समान चयकारि वधता गच्छका जोड	
सागरोपमकं सार्थक कहनेके अर्थ लवण समुद्र-		देनेका वा पृथ्वीनि विषयं इन्द्रकनिकी संख्या	
का क्षेत्र फलादिकका वर्णन है ।	४७	ल्यावनेका कारण सूत्र कहे हैं	८०
सूच्यंगुलादिकका वर्णन है ।	४९	बहुरि प्रकर्णकनिकी संख्याका वर्णन है । बहुरि	
पल्यादिककी वर्ग शलाका अर अर्द्धछेदके प्रमा-		विलनिका विस्तार अर बाहुल्य अर अंतरालका	
णका वर्णन । तहां तिनके जाननेको वा प्रसं-		वर्णन है ।	८१

विषय.	पृष्ठ.	विषय.	पृष्ठ.
बहुरि पृथ्वीनिका अंत आदि पटलनिका अंतराल अरविलनिका तिर्यक अंतराल अर आकारादिक तिनका वर्णन है	८५	बहुरि भवन वासी व्यंतरनिका आयुका वर्णन बहुरि भवनवासीनिके कुलमेदविषै अर तिनकी देवी अर तिनके अंगरक्षादिक तिनके आयुका विशेष कहा है ।	१०९ ११०
बहुरि तहां दुर्गधताका अर उपजनेके स्थानका अर तिन स्थाननिके प्रमाणका अर उपजनेका स्वरूपका अर तहांते पडि उछलनेके प्रमाणका अर नवीन पुराण नारकीनिका कर्तव्यका अर तिन विलनि विषै क्रूर पर्वत नदी आदि पाइए है तिनका अर तहां नारकीनिकी प्रवर्तिका अर बाह्य दुःख साधनका अर तिनके दुःखका अर तिनके आहारादिकका अर तीर्थकर सत्त्ववालाकै तहां जब दुःख निवारण हो है ताका अर नारकीनके मरणका वा दुःख मेदनिका वर्णन है ।		अर तिन कुलनिविषै उश्वास आहारका अनुक्रम अर तिनके शरीरकी उचाईका वर्णन है । ...	१११
बहुरि पृथ्वी प्रति वा तिनके पटल पटल प्रति नारकीनका जघन्य उत्कृष्ट आयुका अर शरीरकी उचाईका वर्णन है ।		व्यंतरलोकका अधिकार ॥ ३ ॥	
बहुरि नारकीनके अवधि क्षेत्रका अर नारकी निकसि जहां उपजै अर जे पद न पावै ताका अर जे जीव जिस पृथ्वी ताई उपजै ताका अर तिनके दुःखकी अधिकताका वर्णन है ...	८७	तहां तिनकर प्रमाण करि गर्भित मंगल करि तिनके कुलनिका अर तिन कुल मेदनि विषै वर्णका अर चैत्य वृक्षकर अर तहां प्रतिमा मानस्तंभादिका वर्णन है ।	११३
ऐसै नरक वर्णन करि लोकका सामान्य वर्णन समाप्त कीया है ।	९३	बहुरि तिनके कुल मेदनि विषै मेद पाइए है तिनका अर कुलनिके इंद्र हैं तिनकी देवीनिके प्रमाणका अर कुलमेदनिविषै मेद हैं अर तिन विषै जे इंद्र अर इंद्रनिकी महादेवी हैं तिनके नामका वर्णन है ।	११४
भवननाधिकार ॥ २ ॥		बहुरि इंद्रनिके जुदे नाम कहि तिनके गणिका महत्तरी हैं तिनके नामका अर सामानिकादि देवनीकी संख्याका तहां अनीकके विशेषका वर्णन है	११६
तहां मंगल करि भवनवासीनिके कुल मेदनिके नामका अर तिनके इंद्रनिके नामका अर परस्पर ईर्षा जिनके है ताका अर असुरादिकनिके जे चिन्ह हैं तिनका अर चैत्यवृक्षनिके मेदनिका वा तहां प्रतिमा मानस्तंभादिकका अर तिनके भवननिकी संख्याका व स्वरूपका व स्थानका वर्णन है ।	९६	बहुरि इंद्रनिके नगरनिका स्थान नाम आयामका अर तिनके कोटादिकका वर्णन है । ...	११९
बहुरि देवनिके इंद्रादिक दश मेद हैं तिनका अर तिनके संभवनेका वर्णन है । बहुरि भवनवासीनिके इंद्रादिक दशमेद पाईए हैं तिनकी संख्यादिकका वर्णन है ।	९८	अर गणिकानिके नगरनिका अर कुल मेद अपेक्षा स्थाननिका वर्णन है ।	१२२
तहां सेनाकी संख्या ल्यावनेको गुणकाररूप जो स्थान तिनके जोड़ देनेका करणसूत्र कहा है ।	९९	बहुरि नीचोपपादादि वान व्यंतरनिका स्थान नाम आयुका वर्णन है ।	१२३
बहुरि इंद्रनिके वा अन्य देवनिका प्रमाणादिका वर्णन है ।	१०३	बहुरि व्यंतरनिके रहनेके निलय तिनके मेदका अर व्यंतरनिके सर्व क्षेत्रका अर ते निलय जैसे पाईए है ताका अर निलयनिके व्यासादिकका वा स्वरूपका अर व्यंतरनिके आहार उश्वासका वर्णन है ।	१२४
	१०६	ऐसै द्वितीय अधिकार समाप्त हो है । ...	१२६
	१०७	ज्योतिर्लोकका अधिकार ॥ ४ ॥	
		तहां ज्योतिष्क विवनिका प्रमाण गर्भित मंगल करि ज्योतिष्कनिके पंच मेद कहि प्रसंग पाइ तिनके आधार भूत केते इक द्वीप समुद्रनिके नाम कहि सर्व द्वीपसमुद्रनिके वलयव्यास सूचीव्यास ल्यावनेके विधान वा प्रमाणका अर तिनकी वादर सूक्ष्म परिधि अर वादर सूक्ष्म	

विषय.	पृष्ठ.
क्षेत्रफल ल्यावनेका विधान प्रमाणादिकका वा जंबूद्वीप समान औरनिके खंड प्रमाण ल्यावनेके विधानका वा समुद्रनिके रसादिक विशेषका अर तिन विषयें भोगभूमि कर्मभूमि क्षेत्रके विधानका अर कर्म भूमिविषयें उत्कृष्ट अवगाहना लीएँ एकेंद्रियादिक जीवनिके प्रमाणादिकका इत्यादि वर्णन है ।	१२७
बहुरि प्रसंग पाइ पृथ्वीकायादिकका आयु वा वेदनिका वर्णन है । ऐसैं प्रासंगिक वर्णन है । ...	१३७
ऐसैं प्रासंगिक वर्णन करि ज्योतिष्कनिका स्थानका अर तारानिका अंतरालका अर विचनिके स्वरूपका अर चौंढाई मोटाईके प्रमाणका अर किरणनिके प्रमाणका चंद्रमाकी वृद्धिहानि होनेके विशेषका विचनिके चलावने वाले देवनिके प्रमाणका गमन करनेके विशेषका जंबूद्वीपादि विषयें तिनके प्रमाणका वर्णन है । ...	१४१
तहां प्रसंग पाइ राक्षके अर्द्धछेद पडनेके स्थान कहि सर्ध ज्योतिष्कनिका प्रमाणका वर्णन है ...	१४९
बहुरि एकचन्द्रमाके परिवारका प्रमाणका अख्यासीग्रहनिका नामका जंबूद्वीपके तारानिके विभागका चन्द्रमा सूर्यका अंतराल वा चारक्षेत्रका अर दिन रात्रिके प्रमाण ल्यावनेके विधानका तहां ताप तम फैलनेका वा सूर्य दीखनेका इत्यादि अनेक वर्णन हैं । ...	१५८
बहुरि चन्द्रमा सूर्य ग्रहनिके नक्षत्रं भुक्ति ल्यावनेका विधान अर अयन तिथि मासादिकका विधान अर नक्षत्रनिके तारा धाकारादिक तिनका वर्णन है	१८३
बहुरि चंद्रमादिकके आयुका अर देवीनिका वर्णन है	२०२
बहुरि भवनत्रिक विषयें उपजनेवाले जीवनिका वर्णन है ऐसैं तृतीय अध्याय समाप्त हो है ...	२०४
वैमानिक लोकका वर्णन ॥ ५ ॥	
तहां मंगल करि स्वर्गादिकके नाम वा स्थान अर तहां विमाननिकी संख्या वा नाम स्थान वा तिनका विस्तारादिकका प्रमाण वर्णन आधार अर इन्द्रनिका स्थान वा चिह्न अर इंद्रनिका नगर आवासादिक अर इन्द्रनिके सामान्यादि देवनिका प्रमाण अर नगर विषयें रचना विशेष अर इंद्रादिककी देवी आदिका प्रमाणादिक अर इंद्रनिका आस्थान मंडप मानस्तंभादिक अर इंद्र वा	

विषय.	पृष्ठ.
देवांगनाके उपजनेके स्थान अर वैमानिकनिके प्रवीचार विक्रिया अवधिज्ञान अंतराल अर तहां उपजनेवाले जीव अर तिनका आयु । अर लौकांतिक देवनिका स्थान कुलादिक अर देवीनिका आयु देवनिके शरीर उश्वास आहारादिकका प्रमाण अर स्वर्ग जाने आवनेवाले जीव एका भवतारी जीव शलाका पुरुषनिकी आगति देवनिके उपजने रहनेका विधान बहुरि सिद्धनिका स्थान स्वरूप इत्यादि अनेक वर्णन हैं । ...	२०५
मनुष्य तिर्यग्लोकका अधिकार ॥ ६ ॥	
तहां मंगल करि पंच मेरुनिका स्थान कहि भरतादि क्षेत्र अर हिमवत् आदि कुलाचल अर कुलाचलानिके उपरि द्रह द्रहनिविषयें कमल, कमलनिके उपरि मंदिरनिविषयें परिवारसहित बसती देवी अर द्रहनिर्त निकसी गंगादि नदी अर नदीके पडनेके कुंड अर नदीनिका गमन अर समुद्रविषयें प्रवेश द्वारादिक तिनका स्वरूप स्थानादिकका वर्णन है । ...	२४३
बहुरि क्षेत्र कुलाशालानिका प्रमाण ल्यावनेका विधान कहि अर मेरुगिरि अर ताके वन अर वननिविषयें मंदिरादिक तिनके प्रमाण स्वरूपादिक का वर्णन है । ...	२५६
बहुरि परिवार सहित जंबू आदि दश वृक्षनिका स्थान स्वरूपादिकका वर्णन है । ...	२६९
बहुरि भोग भूमि कर्मभूमिक विभाग अर यमक गिर अर सीता सीतोदा विषयें पाईए है वीस द्रह अर तिनके निकटि कांचन गिरि अर दिग्गज पर्वत गजदंत पर्वतनिका वर्णन है । ...	२७२
बहुरि विदेह क्षेत्रके देशनिका विभाग अर वक्षार गिरि विभंगा नदी देवारण्य वन तिनका वर्णन	२७६
बहुरि विदेह क्षेत्रनि विषयें प्रामादिक अर उप समुद्र अर मागधादि तीन देव अर तहां वर्षादिक प्रवृत्ति अर तीर्थकरादि होनेकी संख्याका वर्णन है ।	२७९
बहुरि प्रसंग पाइ चक्रवर्ति वा राजादिक वा तीर्थकरकी विभूतिका वर्णन है ...	२८१
बहुरि विदेह देशनिके नाम अर तिन विषयें पाईए हैं पट खंड अर विजयार्द्र अर नदी तिनका स्थानादिकका वर्णन है । ...	२८३

विषय.	पृष्ठ.	विषय.	पृष्ठ.
बहुरि विजयाद्वकी श्रेणी विषै नगरादिक हैं अर म्लेच्छ खंड विषै वृषभाचल है । अर आर्य खंड विषै राजधानीके नगर हैं । बहुरि भोग भूमि विषै तिष्ठते नासिगिरिनका स्थान प्रमाणादिक अर कुलाचलनिके कूट वा वनादिक तिनका वर्णन	२८५	पलटै है ताका वर्णन है	३२०
बहुरि जंबू द्वीप विषै पर्वत नदीनिकी संख्या वा तिनकी वेदीनिकी संख्याका वर्णन है । बहुरि भरत ऐरावतका विजयाद्वके कूट अर गजदंतनिके कूट अर वक्षार गिरिनके कूट तिनका नाम प्रमाण स्थानादिक अर तिन कूटनि उपरि वसै है तिनके नामादिक तिनका वर्णन है ।	२९१	बहुरि द्वीप समुद्रनिका अंत विषै चौगिरिद वेदी है ताका वर्णन है । ऐसै जंबूद्वीपका वर्णन पीछे लवण समुद्रका वर्णन है ।	३४६
बहुरि गंगादि नदीनिकी परिवार नदी अर सर्व नदीनिका प्रमाण वर्णन है ।	२९९	तहां ताके अभ्यंतर पाताल हैं तिनका अर ताके जलकी उचाईका वधने घटनेका अर ताके व्यासका अर ताका जलके अर चंद्रमा सूर्यके अंतरालादिकका अर पातालनिके अंतरालका अर तिस समुद्रविषै वेलंधर नागकुमार वसै हैं तिनका अर पर्वतादिक हैं अर तिन विषै देव वसै हैं तिनका अर द्वीप हैं तिन विषै वेलंधर नागकुमार वसै हैं	३४९
बहुरि पूर्व पश्चिम अपेक्षा मेरु आदिका व्यास वर्णन बहुरि धातुकी खंड पुष्करार्द्ध विषै मेरु भद्रशाल विदेह देश गजदंत हैं तिनके व्यासादिकका वर्णन है	३००	तिनका अर तीन द्वीप हैं तिन विषै मागधादि देव वसै हैं तिनका अर द्वीपनिविषै कुभोगभूमियां वसै हैं तिनका स्थान नाम प्रमाणादिकका वर्णन है ।	३४९
बहुरि धातुकी खंड पुष्करार्द्ध विषै मेरु भद्रशाल विदेह देश गजदंत हैं तिनके व्यासादिकका वर्णन है	३०१	बहुरि धातुकी खंड पुष्करार्द्धका वर्णन है तहां च्यारि इक्ष्वाकार पर्वतनिका अर तहां पाईए है कुलाचल आदि तिनके प्रमाणका अर कुलाचल क्षेत्रनिके आकारका अर तिन द्वीपनिका परिधिका प्रमाण ल्याय कुलाचल क्षेत्रनिके व्यासका अर विदेह देशादिकके आयामका अर कुरु वृक्ष अर नदीनिका गमन विशेष है ताका वर्णन है ।	३६२
बहुरि पूर्व पश्चिम अपेक्षा मेरु आदिका व्यास वर्णन बहुरि धातुकी खंड पुष्करार्द्ध विषै मेरु भद्रशाल विदेह देश गजदंत हैं तिनके व्यासादिकका वर्णन है	३०१	बहुरि मातुपोत्तर पर्वतके प्रमाणादिकका अर ताके उपरि कूट है तहां देवादि वसै हैं तिनका वर्णन है	३७३
बहुरि जंबूद्वीपविषै देवकुरु उत्तरकुरु अर कुलाचल अर क्षेत्र अर भरत ऐरावत संबंधी विजयाद्व तिनका धनुः पृष्ठ वाण जीवा वृत्त विष्कंभ चूलिका पार्श्व भुजाका प्रमाण वर्णन है ।	३०३	बहुरि कुंडलगिरि रुचक गिरिका स्थान प्रमाणादिकका अर तिनके उपरि कूट है तिन विषै जे वसै हैं तिनका वर्णन है ।	३७४
तहां अनेक प्रकार जीवादिल्यावनेके कारण सूत्रनिका वर्णन है ।	३०५	बहुरि द्वीपसमुद्रनिके स्वामीनिका वर्णन है	३७५
बहुरि भरत ऐरावत क्षेत्र विषै कालादिक पलटनि हो है । अर तहां जैसे प्रवृत्ति हो है ताका वर्णन तहां इस भरत क्षेत्र विषै इस अवसापिणी काल विषै चौदह कुल कर चौबीस तीर्थकर वारह चक्रवर्ति नव नारायण प्रतिनारायण बलभद्र ग्यारह रुद्र भए तिनका नाम आयु आदिकका अर एक भए ताका अर तीर्थकरका वंश वर्णका अर दुखमाकाल विषै शक अर कल्की हो है ताका अर आदि अंतके कल्कीका कर्तव्यका अर दुखमा कालके अंति धर्मादि नाश होनेका अर दुखमदुखमा कालकी प्रवृत्तिका अर ताके अंति प्रलय होनेका तहां केई युगल वचनेका अर बहुरि दुखमाकाल होइ ताके अंति चौदह कुलकरिनिका अर दुखम सुखमा काल विषै तीर्थकर चक्रवर्ति नारायण प्रतिनारायण बलभद्र होसी तिनके नामादिकका अर जहां काल जैसा अवस्थित है अर म्लेच्छ खंडादि विषै जैसे काल	३१६	बहुरि नंदीश्वर दीप विषै वावन पर्वत तिन उपरि चैत्यालय अर सोलह वावड़ी चौसठि वन हैं । तिनका स्थान प्रमाणादिकका वर्णन है । तहां अष्टादिक पर्वका महोत्सव देव करै हैं ताका अर चैत्यालयनिके जघन्यादि प्रमाणका अर चैत्यालयनि विषै अनेक रचना है ताका अर जिन विवके स्वरूपका वर्णन है ।	३६०
बहुरि भरत ऐरावत क्षेत्र विषै कालादिक पलटनि हो है । अर तहां जैसे प्रवृत्ति हो है ताका वर्णन तहां इस भरत क्षेत्र विषै इस अवसापिणी काल विषै चौदह कुल कर चौबीस तीर्थकर वारह चक्रवर्ति नव नारायण प्रतिनारायण बलभद्र ग्यारह रुद्र भए तिनका नाम आयु आदिकका अर एक भए ताका अर तीर्थकरका वंश वर्णका अर दुखमाकाल विषै शक अर कल्की हो है ताका अर आदि अंतके कल्कीका कर्तव्यका अर दुखमा कालके अंति धर्मादि नाश होनेका अर दुखमदुखमा कालकी प्रवृत्तिका अर ताके अंति प्रलय होनेका तहां केई युगल वचनेका अर बहुरि दुखमाकाल होइ ताके अंति चौदह कुलकरिनिका अर दुखम सुखमा काल विषै तीर्थकर चक्रवर्ति नारायण प्रतिनारायण बलभद्र होसी तिनके नामादिकका अर जहां काल जैसा अवस्थित है अर म्लेच्छ खंडादि विषै जैसे काल	३१६	बहुरि अंतमंगल करि कर्ता अपना नाम सूचन करि पंच परम गुरुतै अभीष्ट फल कीया वाकारि ग्रंथ समाप्त हो है ।	३९३
बहुरि भरत ऐरावत क्षेत्र विषै कालादिक पलटनि हो है । अर तहां जैसे प्रवृत्ति हो है ताका वर्णन तहां इस भरत क्षेत्र विषै इस अवसापिणी काल विषै चौदह कुल कर चौबीस तीर्थकर वारह चक्रवर्ति नव नारायण प्रतिनारायण बलभद्र ग्यारह रुद्र भए तिनका नाम आयु आदिकका अर एक भए ताका अर तीर्थकरका वंश वर्णका अर दुखमाकाल विषै शक अर कल्की हो है ताका अर आदि अंतके कल्कीका कर्तव्यका अर दुखमा कालके अंति धर्मादि नाश होनेका अर दुखमदुखमा कालकी प्रवृत्तिका अर ताके अंति प्रलय होनेका तहां केई युगल वचनेका अर बहुरि दुखमाकाल होइ ताके अंति चौदह कुलकरिनिका अर दुखम सुखमा काल विषै तीर्थकर चक्रवर्ति नारायण प्रतिनारायण बलभद्र होसी तिनके नामादिकका अर जहां काल जैसा अवस्थित है अर म्लेच्छ खंडादि विषै जैसे काल	३१६	बहुरि अंतविषै केई समाचार कहि ग्रंथ पूर्ण । ऐसै इस शास्त्र विषै वर्णन है ।	३९४

त्रिलोकसारका परिशिष्ट ।

अब इस ग्रंथके अर्थ जाननेकों गणितका ज्ञान अवश्य चाहिए । जातैं यहू करणानुयोग-रूप शास्त्र है, या विपैं जहां तहां गणितका प्रयोजन पाईए है । तातैं पहलें गणित शास्त्रनिका अभ्यास करनां । सर्व शास्त्रनिका ज्ञान होनेकों कारणभूत दोय विद्या हैं । एक अक्षरविद्या एक अंकविद्या । सो व्याकरणादि करि अक्षर ज्ञान भए अर गणितशास्त्रनि करि अंकज्ञान भए अन्य शास्त्रनिका अभ्यास सुगम हो हैं । पहले श्रीऋषभदेवजी एक पुत्रीकों अक्षरविद्या एक पुत्रीकों अंकविद्या सिखाई । सो दोऊ ही विद्या कार्यकारी हैं । तहां जे तुच्छबुद्धी व्याकरणादि ज्ञानरहित हैं तिनके अर्थि यहू भाषा रचना करी । अब इस विपैं जे जीव गणितज्ञानरहित हैं तिनके अर्थि इहां प्रयोजनमात्र शास्त्रोक्त गणित विधान वर्णन करिए हैं । बहुरि अन्य शास्त्र-नितैं विशेष जाननां । तहां एकादिक गणनां अर तिनके अंक मांडनेका विधान प्रवृत्ति विपैं प्रसिद्ध है सो सीखलेनां । बहुरि प्रवृत्ति विपैं पहले अंकका नाम इकवाई दूसरे अंकका नाम दाहाकी तृतीयादि अंकनिका नाम सैंकडा हजार दशहजार लाख दशलाख कोडि कहिए है । संस्कृत विपैं इनका नाम एक दश शत सहस्र अयुत लक्ष दशलक्ष कोटि ऐसे नाम हैं । बहुरि याके उपरि दशकोडी शतकोडि सहस्रकोडि इत्यादि नाम जोडिलैने । बहुरि अंकनिका वाई तरफसौं गति है । तातैं इकवाईका अंक लिख ताके पीछें पीछें दाहाकी आदिकके अंक लिखनें । जैसें दोयसैं छप्पन लिखनें होइ तहां इकवाईका छक्का लिखना ताके पीछें दाहाकीका पांचा अर ताके पीछें सैंकडाका दूवा लिखनां । बहुरि तहां छक्काकों पहला अंक कहिए पांचकों दूसरा अंक कहिए दूवाकों अंतका अंक कहिए ऐसें परिपाटी जाननी । बहुरि परिकर्माष्टककों सीखना । सो संकलन १ व्यवकलन १ गुणकार १ भागहार १ वर्ग १ वर्गमूल १ घन १ घनमूल इनकों परिकर्माष्टक कहिए है । तहां प्रवृत्ति विपैं जाका नाम जोड देनां है ताका नाम इहां संकलन जाननां । जाकों जोडिए ताका नाम धनराशि कहिए, जाविपैं जोडिए सो मूलराशि जाननां । सो मूलराशिके धनराशितैं अधिक कहिए । बहुरि मूल राशिके उपरि धनराशि लिखिए जैसें पांच अधिक पिचाणवै ऐसें लिखिए ६५ तहां मूलराशि धनराशिके अंकनिकों यथास्थान जोडिए । इकवाईका अंक दाहाकीका अंक विपैं दाहकीका ऐसे ऋमतैं जोडिए जो इकवाई आदिकके अंक जोडैं अधिक प्रमाण आवै तौ तहां इकवाईका अंक मांडि दाहकी आदि-कका अंक अवशेष रहै ताकों दाहकी आदिकके अंकनि विपैं जोडि दीजिए । याका नाम प्रवृत्ति विपैं हाथिलागा कहिए है । इहां उदाहरण । जैसें दोयसैं छप्पनविपैं चौरासी जोडना होइ तहां इकवाईके अंक छह च्यारि जोडैं दश भए तहां इकवाईकी जायगा विंटी मांडि अवशेष एका अर दाहकी के अंक पंच आठ जोडैं चौदह भए सो एकाके पीछे दाहकाकी जायगा चौका लिखि अवशेष एका अर दोय जोडैं तीन भए सो ताके पीछें सैंकडाकी जायगा लिखनां । ऐसें इनका जोड तीनसैं चालीस ३४० भया । अथवा दूसरी तरफसैं जोडिए तौ सैंकडाकी

जायगा दूया मांडि दाहकीके अंक पांच आठ जोडें तेरह भए सो दाहकीकी जायगा तीया लिखि एक सैकडा विषै जोडें ऐसा भया ३३। बहुरि इकवाईका छह च्यारि जोडें दश होइ तहां इकवाईकी जायगा विंदी लिखि एक दाहकीका अंक विषै जोडें ऐसा ३४० भया। या प्रकार औरनिकाभी संकलन जाननां। बहुरि व्यकलन नाम राशि विषै घटावनेका है प्रवृत्ति विषै याका नाम वाकीका काढना है। तहां जाकों घटाई ताका नाम ऋण राशि है। जाविपै घटाईए ताका नाम धनराशि है वा मूलराशि है। तिस ऋणराशि करि मूलराशिकों हीन वा सोधित इत्यादि कहिए। सो मूलराशिके उपरि ऋणराशिकों लिखि ताके आगैं पूछडीकासा आकार विंदी सहित करिए जैसे द्योय घाटि द्योयसै ऐसैं लिखिए ३८० अथवा मूलराशिके आगैं ऐसैं — सहनानी करि आगैं ऋणराशि लिखिए। जैसे ताहीकों ऐसैं लिखिए २००—२ अथवा मूलराशिके नीचै विंदी लिखि ताके नीचै ऋणराशि लिखिए जैसे ताहीकों ऐसैं लिखिए ३९० बहुरि अन्यत् प्रकार भी लिखना हो है। तहां मूलराशिके अंकनिमेंस्यौं धनराशिके अंक यथास्थान क्रमतें घटाईए इकवाईके अंकनिमेंस्यौं इकवाईके अंक दाहकीके अंकनिमेंस्यौं दाहकीके अंक ऐसैं क्रमतें घटाईए। बहुरि जो इकवाई आदिका अंक मूल राशितै ऋणराशिका अधिक होइ तौ मूलराशिका दाहकी आदि अंकमेंस्यौं एक घटाइ इकवाई आदि अंकविषै दश जोडि तामें ऋणराशिका अंक घटाईए। इहां उदाहरण—जैसे तीनसै चालीसमेंस्यौं चौरासी घटावना होइ तहां इकवाईकी जायगा मूलराशिकी विंदीमें ऋणराशिका चौका घटै नाहीं तातें दाहकीका अंक मूलराशिका चौकामें एक घटाइ इकवाई विषै दशकरि तामें च्यारि घटाए छह रहे सो इकवाईकी जायगा लिखै। बहुरि दाहकीका अंक मूल राशिका तीया रह्या तातें ऋणराशिका आठका अंक बधता सो घटै नाहीं तातें मूलराशिका सैकडाका तानका अंकमेंस्यौं एक घटाइ दाहकीका तीया विषै दश जोडें तेरह भए तामें ऋणराशिका आठा घटाए पांच रहे सो दाहकीकी जायगा लिख्या। बहुरि मूलराशिका सैकडाका अंक दूया रह्या तामें घटाने योग्य ऋणराशिका अंक सैकडाका कोई नाहीं तातें सैकडाकी जायगा दूया लिख्या ऐसैं अवशेष बाकी द्योयसै छप्पन रहे २५६। अथवा ऐसैं ही अंतादि अंकनिमेंस्यौं विधान करिए तोभी इतनां ही प्रमाण आवै है। जैसे मूलराशिका सैकडाका अंक तीया तामें ऋणराशिका सैकडा कोऊ बध्या नाहीं तातें तीया रह्या। बहुरि इसही मूलराशिका चौकामें ऋणराशिका आठा घटै नाहीं तातें सैकडाका तीयामें एक घटाय तहाँ दूया करनां। तिसकी दशदाहकी चौकेमें मिलाए चौदह होय तामें आठ घटाए छह रहे तब ऐसा भया २६ बहुरि इकवाई विषै मूलराशिकी विंदी विषै च्यारि घटै नाहीं तातें दाहकीका छक्कामें एक घटाय तहां पांचा करनां ताका दश विंदीमें मिलाए दश ही भए तामें च्यारि घटाए छह रहे ऐसैं कीएं २५६ द्योयसै छप्पन ही प्रमाण आवै है। ऐसैं ही अन्यत्र भी विधान जाननां। बहुरि गुणनेका नाम गुणाकार हैं। जैसे प्रवृत्ति विषै रुपैयानिके टके फलाईए हैं। बहुरि एकादिककी पाटिनिकी पद्धति है सो गुणनरूप जाननी जैसे पच्चीस आठ द्योयसै, ऐसा कह्या तहां पच्चीसकों आठकरि गुणें द्योयसै हो हैं। ऐसैं अर्थ जाननां। तहां जाकों गुणिए ताका नाम गुण्य है।

जाकरि गुणिए ताका नाम गुणक वा गुणाकार है । बहुरि गुण्य हूवा राशिका नाम गुणित वा हत वा न्न इत्यादि जानने । सो गुण्य आगे गुणकको लिखिए जैसे चौसठि गुणां एकसो अठारसको ऐसे लिखिए १२८।६४ अत्र गुणनेका विधान कहिए हैं । गुणकारके अंकनिकरि पहलें गुण्यका अंत अंकों गुणिए तहां गुणकारका इकवाइका अंक करि गुणें अंक आवैं तिन विषे इकवाइका अंकों तिस अंत अंकके उपरि लिखिए । दाहकी आदिके अंक आवैं तौ ताके पीछें पीछें लिखिए । बहुरि जो गुणकारका अंक दाहकीका होइ तौ तिसकरि तिस गुण्यका अंत अंकों तैसे ही गुणिए तहां पूर्वे इकवाइका अंक आया था ताके पीछें तिसको लिखिए । वा पूर्वे तहां अंक होइ तौ जोड़ दीजिए । बहुरि ऐसे ही गुणकारके सैकड़ा आदि अंक होंइ तौ तिनकरि क्रमते गुणि जो प्रमाण आवैं ताको पीछें पीछें लिखिए वा जोड़िए । ऐसे अंत अंकका गुणन किया । बहुरि जो गुण्यके अनेक अंक होइ तौ तैसे ही उपांत आदि अंकनिकों क्रमते तहां गुणें इकवाइका अंक आवैं सो तौ - पूर्व इकवाइका अंक लिख्या था ताके आगे लिखिए अर अन्य अंक आवैं तिनको पूर्व अंकनि विषे अनुक्रमते जोड़ते जाइए । ऐसे कीएं जो प्रमाण आवैं सो गुण्य हूवा राशि जाननां । इहां उदाहरण । जैसे एकसो अठारसको चौसठि करि गुणना तहां प्रथम गुण्यका एकाको चौसठि करि गुणिए तहां गुणकारका चौका करि गुणें च्यारि भया सो एका उपरि लिख्या छक्का करि गुणें छह भया सो ताके पीछें लिख्या तत्र ऐसा भया ६३६ । बहुरि गुण्यका उपांत अंक दूवा ताको चौसठि करि गुणिए । तहां चौका करि गुणें बत्तीस होइ तहां दूवा तौ पूर्व अंकनिके आगे लिख्या अर हाथिलगे तीन सो पूर्व अंकनि विषे जोड़्या । बहुरि छक्का करि गुणें अठतालीस होइ सो पूर्व अंकनि विषे जोड़िए तत्र ऐसा भया ६३३ ऐसे गुण्य हूवा प्रमाण इक्यासीसै वाणवै भया । ऐसे ही अन्यत्र जाननां । बहुरि अन्य विधान कहिए हैं । गुणाकारके अंकनि करि गुण्यके प्रथम अंकों गुणें जो प्रमाण आवैं सो जुदा लिखिए अर गुण्यका द्वितीय अंकों गुणें जो प्रमाण आवैं ताके आगे एक विंदी देइ जुदा लिखिए ऐसे ही क्रमते गुण्यका चतुर्थादि अंकनिकों गुणें जो जो प्रमाण आवैं ताके आगे च्यारि आदि विंदी देइ जुदे जुदे लिखिए । बहुरि तिन सवनिकों जोड़िए जो प्रमाण आवैं सो गुण्य हूवा राशि जाननां । जैसे चौसठि करि एकसौ अठारसको गुणनां तहां गुण्यका आठको गुणें पांचसै बारह भए सो लिख्या अर दूवाको गुणें आगे एक विंदी दीएं बारहसै असी भए सो लिख्या अर एकाको गुणें आगे दोय विंदी दीएं चौसठिसै होई इनको जोड़ें ६३३ सोइ इक्यासीसै वाणवै आवैं हैं । अथवा यंत्रविधान करि गुणन हो है सो जेते गुण्यके अंक होंइ तितनी पंक्तिनि विषे जेते गुणकारके अंक होंइ तितने तितने कोठे करने । बहुरि तिन कोठानिकों ब्योढे चीरिए बहुरि गुणकारके प्रथमादि अंकनि करि गुण्यका प्रथम अंकों गुणें जो जो अंक आवैं तिनको प्रथम पंक्तिके प्रथमादि कोठेनिविषे लिखिए । तहां गुणें जो एक ही अंक आवैं तौ जो कोठा ब्योढा चीराथा ताका उपरिम भागविषे विंदी अर नीचला भागविषे अंक लिखिए अर जो दोय

अंक आवै तौ, दाहकीका अंक उपरिम भाग विषै इक्काईका अंक द्वितीय भाग विषै लिखिए । बहुरि ऐसैही गुणकारके प्रथमादि अंकनि करि गुण्यके द्वितीयादि अंकनिकों गुणि द्वितीयादि पंक्तिनि विषै लिखने । बहुरि तिस यंत्रका ब्योढा जोड दीजिए जो प्रमाण आवै सो गुणित राशि जानना । उदाहरण—जैसै एक अठाईसकों चौसठि करि गुणना होइ तहां ऐसा यंत्र करिए । बहुरि याकों ऐसै ब्योढा चीरिए.....बहुरि याविषै छक्का चौका करि गुण्यका प्रथम अंक एककों गुणि प्रथम पंक्ति विषै द्वितीय अंक दूवाकों गुणि तृतीय पंक्ति विषै लिखने..... बहुरि इनका ब्योढा जोड दीजिए तब दूवाका दूवा लिख्या अर आठ तीन आठकों जोडें उगणीस ताका पीछै नांवां लिख्या हाथ एकलागा सो अर च्यारि दोय च्यारि जोडें ग्यारह भए ताका ताके पीछै एका लिख्या बहुरि हाथि लगा एक अर एका छक्का जोडें आठ भया सो वाके पीछै लिख्या ऐसै इक्यासीसै वाणवै प्रमाण आवै हैं । अथवा संभेदन करि गुणन हो हैं । तहां जैसै सुगम गुणन होय तैसै गुण्यका वा गुणकारका खंडकरि जुदे जुदे तिन खंडनिकों गुणि जोड दीजिए । उदाहरण । जैसै एकसौ अठाईसकों चौसठि करि गुणना होइ तहां चौसठिकों दोय खंड कीये साठि अर च्यारि तहां साठि करि गुणें छिहंतरिसै असी होइ अर च्यारि करि गुणें पांचसै बारह होइ, बहुरि ताकों सोलह करि गुणें इक्यासीसै वाणवै ही होइ । बहुरि जहां गुण्यगुणकार बहुत होइ तहां परस्पर गुणन करना । जैसै च्यारि सोलह चौसठि दोय ऐसै च्यारि राशि ४।१६।६४।२ गुण्य गुणकार हैं । इनकों परस्पर गुणिए तहां च्यारिकों सोलह करि गुणें चौसठि बहुरि याकों चौसठि करि गुणें च्यारि हजार छिनवै याकों दोयकरि गुणें इक्यासीसै वाणवै । अथवा गुण्य गुणकारनि विषै काहूका गुणकार रूप संभेदन करिए । काहूकों किसी करि गुणि लिख दीजिए पीछै तिनकों परस्पर गुणिए । जैसै तिन गुण्य गुणकारनि विषै चौसठिका संभेदन करि च्यारि गुणा सोलह लिख्या । बहुरि पूरवै च्यारिका अंक था ताकों इस च्यारिका अंक करि गुणें सोलह भए । ऐसै कीएं ऐसा १६।१६।१६।२ राशि भया इनकों परस्पर गुणें भी इक्याससीसै वाणवै होइ । ऐसै विधान जानना । संभेदनादि करनेका प्रयोजन इस शास्त्र विषै आवैगा तिसतै इहां स्वरूप दिखाया है । ऐसै वा अन्य प्रकार भी गुणन विधान जानना । बहुरि इहां इतना जाननां गुण्यगुणकार विषै कोई राशि विषै एक घटाईए वा वधाईए तो अन्य राशि एक ही होइ तौ तितनेही घटै वधै । अर अन्य राशि बहुत होइ तौ तिनकों परस्पर गुणें जितने होइ तितने घटै वधै । जैसै चौसठि करि एकसौ अठाईसकों गुणें इक्यासीसै वाणवै होइ अर जो चौसठिमैस्यों एक घटाईए वधाईए तौ तिस प्रमाणमैस्यों एकसौ अठाईस घटै वधै । अर एकसौ अठाईसमैस्यों एक घटाए वधाए चौसठि घटै वधै । बहुरि जैसै च्यारि सोलह चौसठि दोय ऐसै गुण्य गुणकार होइ तिनकों परस्पर गुणें इक्यासीसै वाणवै होइ । बहुरि जो सोलहमें एक घटाए वधाए अन्य राशि च्यारि चौसठि दोय इनकों परस्पर गुणें जितने होइ तितने घटै वधै । बहुरि एक घटाए वधाए जेता प्रमाण घटै वधै तहां आधा आदि वा दोय आदि घटाए वधाए तिस प्रमाणतै आधा आदि

वा दूणां आदि प्रमाण घटे वधे ऐसा जानना । ऐसैं और भी विशेष अनेक प्रकार हैं । ते यथा-संभव जाननें । बहुरि भाग देइ प्रमाण ल्यावनेका नाम भागहार है । जैसे प्रवृत्ति विपै टकानिके रूपये फलाइए । बहुरि राशिके वट करनेकी पद्धति है । सो भाग हार रूप जाननी । जैसे दोयसैंका आठ वट कीए पचीस कहा तहां दोयसैंकों आठका भाग हार जानना अर जाकों भाग दीजिए ताका नाम भाज्य है वा हार्य है । जाका भाग दीजिए ताका नाम भाजक वा हार वा भागहार इत्यादि कहिए हैं । बहुरि भाग दीए राशिका नाम भक्त वा भाजित इत्यादि कहिए । बहुरि लिखनेमें भाज्यकों ऊपर लिखिए भाजककों ताके नीचे लिखिए । जैसे इक्यासीसै वाणवैका चौंसठिवां भागकों ऐसैं लिखिए १६:२ । अब याका विधान कहिए हैं—भाज्य राशिके अंतादिक जेते अंकनिकरि भाजक राशितें प्रमाण वधता होइ तितने अंकरूप राशिकों भाजकका भाग दीजिए । बहुरि जिस अंक करि भाजककों गुणें जाकों भाग दीया था तामें घटाइ अवशेष तहां लिख दीजिए अर वह पाया अंक जुदा लिखिए । बहुरि जेठें भाज्यके अंक रहे तिनके अंतादि अंकनिकों तैसैं ही भाग देइ जो अंक आवै ताकों तिस पाया अंकके आगैं लिखिए । ऐसैंही यावत्सर्व भाज्यके अंक निःशेष होइ तावत् विधान करै तहां पाए अंकनिकरि जो प्रमाण आवै सो तहां भाग दीए जो राशि भया ताका नाम लब्धराशि है ताकर प्रमाण जानना । इहां उदाहरण । इक्यासीसै वाणवैकों चौंसठिका भाग दीया ८५:२ तब याकों दोय आदि अंक करि गुणें तौ बहुत प्रमाण होइ तातैं एक करि गुणें चौंसठि हूवा ताकों इक्यासीमें घटाय तहां सतरह लिख्या अर पाया अंक एका जुदा बहुरि वह राशि ऐसा १७९२ भया तहां आदि तीन अङ्क करि एकसौ गुण्या भाजकतैं वधता प्रमाण होइ ताकों चौंसठिका भाग दीजिए १७९३ तब तीन आदिकरि ताकों गुणें जो वधता प्रमाण होइ तातैं भाजककों दोय करि गुणें एकसौ अठईस होय सो घटाए तहां इक्यावन रखा सो लिख्या अर पाया अंक दूवा तिस एकाके आगैं लिख्या । बहुरि वह राशि ऐसा ५१२ भया ताकों चौंसठिका भाग दीजिए १३ तहां ताकों आठ गुणा कीए पांचसै वारह होइ सो भाज्यमेंस्यौं घटाए राशि निःशेष होइ अर पाया अंक आठ तिस दूवाके आगैं लिख्या ऐसैं पाया अंकनिकरि लब्धराशि एकासौ अठईस होइ ऐसैं ही अन्यत्र जानना । बहुरि जहां भाग टूटि जाय भाजककों किसी अंक करि गुणें भाज्यके अंक आये पहलें ही अंक निःशेष होइ जाय तहां अंक घटनेतैं भाग टूट्या कहिए सो जहां भाग टूटे तहां पाया अंकके आगैं विंदी लिखि बहुरि तैसैं विधान करना । जैसे छह हजार चारिसै चोईसकों आठका भाग दीया ६४:४ तहां चौंसठिकों आठका भागदीए आठ पाया सो आठकों आठकरि गुणें चौंसठि होइ सो चौंसठिमें घटाए निःशेष भया तहां पाया अंक आठके आगैं विंदी लिखि बहुरि चौईसकों आठका भाग दीए तीया पाया सो लिख्या तब लब्धराशिका प्रमाण आठसै तीन आया । ऐसैं ही अन्यत्र जानना । बहुरि कहीं भाग देते भाज्यराशि निःशेष न होइ कि अवशेष रहिजाय तहां लब्धराशि प्रमाणके आगैं अवशेषकों भागहारकर भाग लिख देना । जैसे इक्यासीसै चौराणवैकों चौंसठिका भाग दीया ८५:३ तहां

पूर्वोक्त प्रकार एकसौ अठारस लब्धिराशि भया । अर भाज्य विपै दोग्य रहे ताको चौसठिका भाग तिसके आगै लिखना १२८६३ ऐसै ही अन्यत्र जानना । वहुनि कहीं सुगम करनेके अर्थ अपवर्तन करि भाग देना भाज्यको भाग दीए जो प्रमाण आवै सो तौ भाज्य लिखना अर तिसही प्रमाणका भाजकको भाग दीजिए जो प्रमाण आवै सो भाजक लिखना । ऐसै समप्रमाण करि भाज्यभाजकको अल्प करिए ताका नाम अपवर्तन है । जैसे इक्यासीसै चौराणवैको चौसठिका भाग होइ तहां दोग्यका अपवर्तन संभवै है । जातै इक्यासीसै चौराणवैको दोग्यका भाग दीए भाज्यराशि च्यारि हजार सत्याणवै भया, अर चौसठिको दोग्यका भाग दीए भाजकराशि वत्तीस भया १०३५ तहां पूर्वोक्त विधान कीए लब्धिराशि एकसौ अठारस अर एकका वत्तीसवां भाग आया सोई पूर्वे प्रमाण आया था तहां दोग्यका चौसठिवां भाग अधिक कहा था । अर इहां दोग्य करि अपवर्तन करनेतें एकका वत्तीसवां भाग कहा सो दोऊनिका एकार्थ है । ऐसै ही अन्यत्र जानना । वहुनि कहीं भाज्यराशि वा भाजकराशि विषै गुण्यगुणाकार होइ तहां जिसका जिसकरि अपवर्तन संभवै तिसका तिस ही करि, अपवर्तन करना । जैसे चौसठि सत्ताईस पांच तीन इनको परस्पर गुणें जो होइ सो तौ भाज्यराशि अर तीन नव सत्रहको परस्पर गुणें जो होइ सो भाजकराशि ६४३१५३ तहां भाज्यका तीन अर भाजकको तीनका अपवर्तन कीए दोऊ जायगा तीनका अभाव भया अर भाज्यका सत्ताईस अर भाजक नव इहां नवकरि अपवर्तन कीए सत्ताईसकी जायगा तीया भया नवकी जायगा एका भया । ऐसै करते ए भया ६४३१५३ इहां गुणन कीए भाज्य नौसै साठि भाजक सत्रह होइ १६३ अथवा भाजकका तीन अर नवका अभाव होइ तहां ऐसा होइ ६४३१५३ तहां भी गुणन कीए पूर्वोक्त भाज्य भाजक होइ १६३ तहां पूर्वोक्त विधान करि लब्धिराशिका छप्पन अर आठका सत्रहवां भाग आवै है ५९७ ऐसै अनेक प्रकार अपवर्तन हो हैं सो यथा संभव जानना । वहुनि कहीं सुगमता होनेके अर्थ भाज्य भाजक राशि विषै दोऊ जायगा समान प्रमाण करि गुणनादि कीजिए जैसे पूर्वोक्त राशि ऐसा ६४३१५३ इहां भाज्यका पांचको दोग्यकरि गुणि दश कीजिए । अर भाजकका तीयाको दोग्य करि गुणि छह कीजिए । तब ऐसा होय ६४३१५३ वहुनि भाजकका छह नवको परस्पर गुणें चौवन होइ अर भाज्य सत्ताईस इनका अपवर्तन कीए भाजक विषै छह नवकी जायगा दूवा भया अर भाज्य विषै सत्ताईसका अभाव भया तब ६४३१५३ ऐसा भया । वहुनि इहां चौसठि भाज्य विषै है ताको भाजक विषै दोग्य है ताकरि अपवर्तन कीए भाज्य विषै चौसठिकी जायगा वत्तीस रखा अर भाजक विषै दोग्यका अभाव भया तब ऐसा भया २११३३ इनको परस्पर गुणें नौसै साठिको सत्रह भाग आया १६ ऐसै ही अन्यत्र जहां जैसा विधान संभवै तहां तैसा जानना । इस शास्त्र विषै अपवर्तनादिकका प्रयोजन आवैगा तातै इनका स्वरूप दिखाया है । वहुनि समान रूप दोग्य प्रमाणनिका परस्पर गुणना ताका नाम वर्ग है । जैसे प्रवृत्ति विषै समान लंबाई चौडाईका मुकसर १ करिए है । वहुनि बड़ा एकानिकी पाटी सो वर्ग रूप है । जैसे पच्चीस पच्चीस छसै पच्चीसां कहा तहां पच्चीसका वर्ग छसै पच्चीस जानना । ऐसै ही अन्यत्र जानना । ऐसै समान दोग्य राशिनिका परस्पर गुणनेका नाम वर्ग है वा

कृति है । बहुरि वर्ग कीण जो प्रमाण आवै ताकों वर्गित कहिण तहां एक राशि मांडि ताके आगि दूसरा राशि लिखिण । जैसे चौंसठिके वर्गकों ऐसैं लिखिण ६४।६४ अब याका विधान कहिण हैं—जो गुणाकार विपै विधान कद्या सोई वर्ग करने विपै विधान जानना जातैं दोय राशि समान लिख्या तिन विपै एक राशि गुण्य अर एक राशि गुणकार स्थापि तहां गुणकार करि गुण्यकों गुणें जो प्रमाण आवै सोई वर्गित राशिका प्रमाण जानना । जैसे चौंसठिकों चौंसठि करि गुणें च्यारि हजार छिनवै ४०९६ सोई चौंसठिका वर्ग जानना । बहुरि इतना जानना । वर्ग राशिके गुणकार वा भागहार वर्गरूप ही हो है जैसे च्यारि हाथ लंबा च्यारि हाथ चौडा क्षेत्र तहां च्यारिका वर्ग सोलह हाथ मुकसर क्षेत्र भया । अब याके अंगुल करने सो एक हाथके चौईस अंगुल हो हैं तातैं चौईस करि गुणना । सो वह सोलह प्रमाण वर्ग रूप है तातैं याका गुणाकार चौईस सो भी वर्गरूप ही जानना । तातैं चौईसका वर्ग कीण पांचसैं छिहत्तरि होइ ताकरि सोलहकों गुणें । १६।५७६ तिस क्षेत्रका नव हजार दोयसैं सोलह अंगुल हो हैं । बहुरि जो इतने अंगुल प्रमाण क्षेत्रके हाथनिका प्रमाण करना होइ तहां चौईसका वर्ग पांचसैं छहत्तरि ताका भाग दीण ३३३६ लब्धराशि मात्र तिस क्षेत्रके सोलह हाथ हो हैं । ऐसैं ही अन्यत्र जानना । बहुरि समानरूप तीन राशिनिका परस्पर गुणना ताका नाम घन है । जैसे प्रवृत्ति विपै समान लंबाई चौडाई उंचाई विपै मुकसर करिण । तहां च्यारिका घन ऐसा करिण तहां च्यारिकों तीन जायगा मांडि परस्पर गुणें चौंसठि होइ सो च्यारिका घन है । ऐसैं ही अन्यत्र जानना । तहां तांनों राशि बरोवरि लिखिण । जैसे चौंसठिका घनकों ऐसैं ६४।६४।६४ लिखिण । अब याका विधान कहिण हैं । जो गुणाकार विपै विधान कद्या सोई घन करने विपै विधान जानना । जातैं तीन राशि समान लिख्या तिन विपै एक राशि गुण्य अर दूसरा राशि गुणकार स्थापि तहां गुणकार करि गुण्यकों गुणिकरि बहुरि गुणें जो प्रमाण भया ताकों गुण्य स्थापना अर तीसरा राशिकों गुणाकार स्थापना तहां गुण्यकों गुणकार करि गुणें जो प्रमाण होइ सोई तहां घन राशिका प्रमाण जानना । जैसे चौंसठिका घन करना तहां चौंसठिकों चौंसठि करि गुणें च्यारि हजार छिनवै होइ । बहुरि इनकों चौंसठि करि गुणें दोय लाख वासठि हजार एकसौ चवालीस होइ सोई चौंसठिका घन जानना २६२१४४ बहुरि इतना जानना । घन राशिके गुणाकार भागहार घनरूप ही होइ । जैसे च्यारि धनुष लंबा च्यारि धनुष चौडा च्यारि धनुष ऊंचा क्षेत्रका क्षेत्रफल कीया तव चौंसठि धनुष दूबा । याके हाथनिका प्रमाण करना तहां एक धनुषके च्यारि हाथ होइ तहां च्यारि करि गुणना । परंतु वह राशि घनरूप है तातैं याका गुणकार च्यारि सो भी घनरूप जानना । सो च्यारिका घन कीण चौंसठि होइ तिस करि ताकों गुणें ६४।६४। च्यारि हजार छिनवै हाथ होइ । बहुरि च्यारि हजार छिनवै हाथ प्रमाण घनक्षेत्रके धनुष करने तहां च्यारिका भाग देना परंतु वह राशि घनरूप है तातैं वाके भागहार भी घनरूप होइ तातैं च्यारिका घन चौंसठि करि ताकों भाग दीण । १६६६ लब्ध राशि चौंसठि धनुष होइ । ऐसैंही अन्यत्र जानना । बहुरि जो राशि जाका

वर्ग कीएं होइ तिसका सो वर्गमूल जाननां । जातैं दोयसै छप्पन हैं सो सोलहका वर्ग है । अव याका विधान कहिए हैं । जिस राशिका वर्गमूल करना होइ तिस, राशिके पहला अंक विषम दूजा सम तीजा विषम चौथा सम ऐसैं जे अंक होइ तिन उपरि विषम समकी ऊभी आढी लीककी सहनानी करनी जैसैं च्यारि हजार छिनवैके अंकनिकी ऐसी ४०९६ सहनानी कोजिए । बहुरि तिन विषैं अंतका विषम अंक विषैं अथवा जो अंत विषम न होइ तौ अंतका सम अर उपांत विषम इन दोऊ अंकनि विषैं कृति छोडिए । कृति छोडना कहा ? जिस अंकका वर्ग उस प्रमाणतैं बधता होइ तिस अंकका वर्ग करि उस प्रमाणमेंस्यो घटाय दीजिए । बहुरि जाका वर्ग कीया था तिस अंकों जुदा लिखिए बहुरि घटाइए पीछैं जै अंक रहे तिनके आगैं सम अंक होइ तिन करि जो प्रमाण भया ताको जो अंक जुदा लिख्या था तातैं दूणा प्रमाणका भाग दीजिए जो लब्ध अंक होई ताको तिस जुदा लिख्या अंकके आगैं लिखिए अर तिस अंक करि जाका भाग दीया था ताको गुणें जो प्रमाण आया सो जाको भाग दीया था तामें घटाय अवशेष तहां लिखिए । बहुरि अवशेष रहे अंक अर ताके आगैं विषम अंक होइ तिन विषैं जो वह लब्ध अंक आया था ताका वर्ग कीएं जो प्रमाण होइ सो घटाइ दीजिए अवशेष तहां लिखिए । बहुरि अवशेष रहे अंक अर तिनके आगैं सम अंकनितैं दूणा प्रमाणका भाग दीजिए । जो लब्ध अंक होइ ताको जुदे लिखे अंकनिके आगैं लिखिए तिस अंक करि भागहारको गुणें जो प्रमाण होइ सो भाव्यमें स्यो घटाय अवशेष तहां लिखनां । बहुरि अवशेष अंक सहित तिनके आगैं विषम अंक होइ ताविषैं लब्ध अंकका वर्ग घटावनां । बहुरि पूर्ववत् विधान यावत् राशि निःशेष न होय तावत् करना । ऐसैं करते जुदे लिखे अंकरूप वर्गमूलका प्रमाण जाननां । इहां उदाहरण । जैसैं च्यारि हजार छिनवैका वर्ग-मूल काटना होइ तहां ताके च्यारि अंकनिके उपरि विषम समकी ऐसैं ४०९६ सहनानी करि बहुरि इहां अंत अंक विषम नाहीं तातैं दोय अंक ग्रहे चालीस प्रमाण है । तहां सतादिकका वर्ग तौ बहुत होइ तातैं छहका वर्ग छत्तीस तामें घटाए च्यारि रहे सो च्यालीस एका जायगा लिख्या तब ऐसा ४९६ छक्का सू जुदा लिख्या । बहुरि अवशेष अंक चौका अर ताके आगैं सम अंक नौवां इनको ग्रहें गुणचास ताको जुदा लिख्या अंक छक्का तिसतैं दूणा प्रमाण वारह ताका भाग दीएं च्यारि पाए सो छक्काके आगैं लिखै ६४ अर च्यारि करि वारहको गुणें अठतालीससो गुणचासमेंस्यो घटाएं एका रखा सो तहां लिख्या तब ऐसा ३६ भया । बहुरि अवशेष अंक एका रखा आगैं छक्का तिन करि सोलह तामें पाया अंक चौका ताका वर्ग सोलह घटाए राशि निःशेष भया । जैसैं जुदे लिखै अंकनि करि च्यारि हजार छिनवैका वर्गमूल चैंसठि । बहुरि दूसरा उदाहरण । जैसैं पैंसठि हजार पांचसै छत्तीसका वर्गमूल करना तहां ऐसा ६५५३६ सहनानी करि इहां अंतका छक्का विषम है तातैं यामें दोयका वर्ग घटाएं दोय रहे । अर दूवा जुदा लिख्या बहुरि अवशेष सहित आगिला सम पचीस तामें जुदा अंकतैं दूणा च्यारिका भाग दीएं छह पावै परंतु आगैं विषम सहित अंकनि विषैं इस पाया अंक याका वर्ग

घटावनेका निर्वाह नहीं तातै पांच पाया ताकरि च्यारिकों गुणें बीस घटाए तहां पांच रहे । बहुरि पाया अंक पांचा तिस दूवाके आगें लिख्या । बहुरि इस पांचाका वर्ग पच्चीस ताकों तिस अवशेष सहित आगिला सम पचावन तामें घटाए तहां तीस रहे । बहुरि जुदा लिख्या पच्चीसतें दूणा पचास ताका भाग तिस अवशेष सहित आगिला सम तीनसै तीन ताकों दीए छह पाया तिस करि पचासकों गुणें तीनसै भए सो घटाए तहां तीन अवशेष रह्या । बहुरि पाया अंक छक्का सो जुदा तिस पांचके आगें लिख्या बहुरि याका वर्ग छत्तीसकों तिस अवशेष सहित विषम छत्तीस विषै घटाए राशि निःशेष होइ । ऐसै पूर्वोक्त प्रमाणका वर्गमूलके जुदे अंक लिखे तिन करि दोयसै छप्पन हो है । बहुरि जिस राशिका वर्गमूल कीए वह राशि निःशेष होइ तहां अवशेष रहै ताका अंक करि पूर्वोक्त विधान करिए । जैसे सत्रहका वर्गमूल करना तहां ऐसा लिखि १७ इहां अंत विषमके अभावतें दोऊ अंकनि विषै च्यारिका वर्ग सोलह घटाए तहां एक रह्या अर च्यारि जुदा लिख्या । बहुरि तिस एककों जुदा लिख्या अंकतें दूणा प्रमाण आठका भाग दीए अष्टमांश पावै । परंतु आगें इस पायाकी वर्ग छोडनेका निर्वाह नहीं तातै किंचित् ऊन अष्टमांश अधिक च्यारि तिसका वर्गमूल जाननां । सामन्यपने किंचित् ऊनकों न गिनिए तौ अष्टमांश अधिक च्यारि हो हैं । तातै सत्रहका वर्गमूल किंचित् ऊन जाननां । बहुरि इतना जाननां । जिस राशिका जो वर्गमूल होइ तिस राशिका सो तौ प्रथम वर्गमूल कहिए । अर प्रथम वर्गमूलका जो वर्गमूल होइ ताकों तिसही राशिका द्वितीय वर्गमूल कहिए ऐसै द्वितीयादि वर्गमूलनिकों तृतीयादि वर्गमूल कहिए हैं । जैसे पैसठि हजार पांचसै छत्तीसका प्रथममूल दोयसै छप्पण द्वितीयमूल सोला तृतीयमूल च्यारि चतुर्थमूल दोय जाननां । ऐसै वर्गमूल कहा । बहुरि जो राशि जिसका घन कीए होइ तिस राशिका सो घनमूल जाननां । प्रवृत्ति विषै याकी प्रगटता थोरी है जैसे चौंसठि च्यारिका घन कीए होइ तातै चौंसठिका घनमूल च्यारि है । अत्र याका विधान कहिए है । जिस राशिका घनमूल करना होइ तिसका प्रथम अंक घनस्थान दूजा तीजा अघनस्थान ऐसै एक घनस्थान दोय अघनस्थान तिनकी सहनानी ऊभी आडी लोक अंकनिके ऊपरि करनी । जैसे एक कोडि सडसठि लाख सतहतरि हजार दोयसै सोलाका घनमूल काढना होइ तहां पहलें ऐसै सहनानी करनी १६७७२१६ बहुरि अंतका घन अंक विषै वा अंतका घन अंक न होइ तौ अंत अर उपांत दोय अंकनि विषै उपांत भी घन अंक न होइ तो अंतादिक तीन अंकनि विषै जाका घन कीए उन अंकरूप प्रमाणतें वधता प्रमाण न होय तिस अंककों घनका जो प्रमाण सो घटाईए अवशेष तहां लिखिए । अर तिस अंककों जुदा लिखिए । बहुरि तिस अवशेष सहित अगला अघन अंकरूप प्रमाणकों जुदा स्थाप्या अंकका वर्ग करि तिससै तिगुणे प्रमाणका भाग देनां जो लब्ध अंक होइ ताकों तिस जुदा स्थाप्या अंकके आगें लिखनां अर इस अंकतें गुण्य हूवा भागहारकों भाग्य विषै घटाइ अवशेष तहां लिखनां । बहुरि इस अवशेष सहित अगला अघन अंकरूप प्रमाण विषै तिस लब्ध अंकका वर्ग करि ताकों पूर्व पंक्ति विषै लिखे अंकनि करि गुणि ताकों तिगुणा कीए जो प्रमाण आवै

सो घटाइ अवशेष तहां लिखनां । बहुरि इस अवशेष सहित अगला अघन अंकरूप प्रमाण विषै तिस लब्ध अंकका वर्ग करि ताको पूर्व पंक्ति विषै लिखै । लिखे अंकनि कारि गुणि ताको तिगुणा कीएं जो प्रमाण आवै सो घटाइ अवशेष तहां लिखनां । बहुरि इस अवशेष सहित अगला घन अंकरूप प्रमाण विषै तिस ही लब्ध अंकका घन कीएं जो प्रमाण होइ सो घटाय अवशेष लिखनां । बहुरि इस अवशेष सहित अगिला अघन अंकरूप प्रमाणको जे जुदे पंक्ति विषै अंक लिखे थे तिनका वर्गको तिगुणा करै जो प्रमाण होइ ताका भाग देनां । तहां जैसे पूर्ववत् घटावनेका निर्वाह होइ तैसे संभवता लब्ध अंक पूर्व जुदे लिखे अंकनिके आगे लिखनां । अर इस अंक कारि भागहारको गुणें भाज्यमें घटाय अवशेष लिखनां । बहुरि पूर्ववत् घटावनेका विधान करनां । ऐसे यावत् राशि निःशेष होइ तावत् करनां । तहां जो जुदे पंक्ति विषै अंक लिखे तिस प्रमाणरूप घनमूल जाननां । इहां उदाहरण । जैसे पूर्वोक्त राशि ऐसा १६७७२१६ इहां उपांत अंक घन हैं तातें दोय अंकरूप प्रमाण सोलह विषै तीन आदिकका घन तौ बहूत होइ तातें दोयका घन आठ घटाए तहां अवशेष आठ लिखे अर मूल अंक दूवा जुदा लिखा बहुरि अवशेष सहित अगला अघन सित्यासी ८७ ताको जुदा स्थाप्या । दूवाका वर्ग च्यारि ताको तिगुणा कीएं बारह ताका भाग दीए सात पावै परंतु आगे घटावनेके विधानका निर्वाह नहीं तातें पांच पाए सो जुदा लिख्या दूवाके आगे लिख्या । या कारि बारहको गुणें साठि भए तहां अवशेष सत्ताईस रहे इस सहित अगिला अघन दोयसै सतहत्तरि २७७ तामें पाया अंक पांच ताका वर्ग पचास ताको पूर्व अंक दूवातें गुणें पचास ताकरि तिगुणां ड्योढसै घटाए तहां अवशेष एकसौ सत्ताईस रहे इस सहित अगिला घन बारहसै सतहत्तरि १२७७ तामें पाया अंक पांचका घन एकसौ पच्चीस घटाएं अवशेष ग्यारहसै बावन रहे । इस सहित अगिला घन बारहसै सतहत्तरि १२७७ ग्यारह हजार पांचसै वाईस ११५२२ याको जुदा पंक्ति विषै अंकरूप प्रमाण पच्चीस ताका वर्ग छसै पच्चीस ताको तिगुणा कीएं अठारहसै पिचहत्तरि ताका भाग दीए जैसे अगिला विधान निर्वाह होइ तैसे छह पाए याकरि भागहारको गुणें ग्यारह दोयसै पचास सो भाज्य विषै घटाए तहां दोयसै बहत्तरि अवशेष रहे । बहुरि तिस सहित अगिला अघन दोय हजार सातसै इकईस २७२१ यामें पाया अंक छक्का ताका वर्ग छत्तीस ताको पूर्व अंक पच्चीसतें गुणें नवसै ताका तिगुणां दोय हजार सातसै घटाएं अवशेष इकईस रहे । बहुरि इस सहित अगिला घन दोयसै सोलह २१६ तामें पाया अंक छहका घन दोयसै सोलह घटाएं राशि निःशेष होइ । ऐसे जुदी पंक्ति विषै लिखे अंकनिका प्रमाणरूप दोयसै छप्पन दूवा सोई एक कोडि सतसठि लाख सतहत्तरि हजार दोयसै सोलहका घनमूल जाननां । ऐसे ही अन्यत्र जाननां । बहुरि घनमूल कीएं जहां राशि निःशेष न होय तहां अवशेषके अंश करि तहां पूर्वोक्त विधान करना । जैसे नवका घनमूल दोय आवै एक अवशेष रहै । ताको दूवाका वर्ग तिगुणां भाग दीएं । एकका बारहवां भाग आवै परंतु अगले विधानका निर्वाह नहीं तातें तहां किंचित् ऊन जाननां ऐसे नवका घनमूल

किंचित् ऊन एकका वारहां भाग अधिक द्योय जाननां । - ऐसैं परिकर्माष्टकका वर्णन कीयां । अव-भिन्न परिकर्माष्टक कहिए है । अंशहाररूप गणनाका नाम भिन्न गणित है । तहां जेते अंश होइ तिन्का नाम अंश कहिए वा छव कहिए अर जेथवां अंश होइ तिनका नाम हार कहिए वा हर कहिए वा छेद कहिए । जैसे पांच छठा भाग कहा तहां पांचका नाम अंश है वा छव है । अर छहका नाम हार है वा हर है वा छेद है । इहां पांचका छह भाग विषैं एक भागका नाम पांच छठा भाग जाननां । अथवा एकका छह भाग करिए तामें पांच भाग होइ ताका नाम पांच छठा भाग जाननां दोउनिका अर्थ एक है । बहुरि अंशकों उपरि लिखि ताके नीचैं हार लिखिए जैसे पांच छठा भागकों ऐसैं लिखिए $\frac{5}{6}$ अत्र इनका संकलनादि करनेका विधान कहिए हैं । तहां भिन्न संकलन व्यवकलनके विधान विषैं भागजाति प्रभागजाति भागानुबंध भागापवाह ऐसैं च्यारि प्रकार हैं । तिन विषैं इहां विशेष प्रयोजनभूत जानि समछेद विधान करि संकलन व्यवकलन कहिए हैं । अनेक राशिनिके जैसे छेद समान होइ तैसे विधान करनां सो समछेद विधान जाननां । तहां अनेक राशिनिके जुदे जुदे अंश हार लिखि तिन विषैं एक एक राशिके अंश हारनिकों अन्य राशिनिके हारनिकारि गुणिए । तहां छेदनिका परस्पर गुणन होनेतैं सव-निके छेद समान होइ । बहुरि जो संकलन करनां होइतौ एक राशिके अंशनि विषैं अन्य राशिके अंशनिकों जोड दीजिए । अर व्यवकलन करना होइ तौ महत राशिके अंशनि विषैं अन्य राशिनिके अंश घटाइ दीजिए । इहां उदाहरण । जैसे पंद्रह आठवां भाग अर च्यारि तीसरा भाग द्योय छठा भाग इनका संकलन करनां $\frac{15}{8} + \frac{4}{3} + \frac{2}{3}$ तहां पंद्रहकों अन्य राशिके हार तीन अर छह तिन करि गुणि द्योयसै सत्तरि होय अर च्यारिकों अन्य राशिनिके हार आठ छह तिन करि गुणें एक सौ वाणवै होइ अर द्योयकों अन्य राशिनिके हार आठ तीन तिन करि गुणें अठतालीस होइ । बहुरि आठ तीन छह हारनिकों परस्पर गुणें सर्वत्र एकसौ चवालीस भया । ऐसैं समान छेद लीएं तीनों राशि ऐसैं $|\frac{20}{8} + \frac{10}{8} + \frac{4}{8}|$ बहुरि तीनों राशिके अंश जोडें पांचसै दश होइ । अर छेद समान है तातैं पांचसै दशकों एकसौ चवालीसका भाग दीजिए इतना जोड तिन तीनों राशिका हो है सो तीन अर अठहत्तरि एकसौ चवालीसवां भाग इतना प्रमाण आया । इहां छह करि अपवर्तन कीएं अठहत्तरिकी जायगा तेरह भया अर एकसौ चवालीसकी जायगा चौईस भया ऐसैं तीन अर तेरह चौईसवां भाग $3\frac{3}{4}$ इतना तिनका जोड आया । बहुरि जैसे पंद्रह आठवां भाग विषैं च्यारि तीसरा भाग द्योय छठा भाग घटावना होय तहां पूर्ववत् समछेद करि महतराशि $\frac{20}{8} + \frac{10}{8} + \frac{4}{8}$ के द्योयसै सत्तरि अंशनि विषैं एकसौ वाणवै अर अठतालीस घटाए तीस रहे । अर भाग हार एकसौ चवालीसका है ही $\frac{30}{8}$ तहां छहकरि अपवर्तन कीएं पांच चौईसवां भाग प्रमाण अवशेष रखा $\frac{3}{8}$ ऐसैं ही अन्यत्र जानना । बहुरि कहीं अन्य प्रकार भी समान छेद होइ तौ अन्य प्रकार समछेद करिलेने । जैसे च्यारि तीसरा भाग विषैं द्योय छठा भाग जोडना होइ $\frac{4}{3}$ तहां तीन हारनिकों दूणा कीएं छह हार होय तब दोउनिके समान छेद होइ । तातैं तीन हारनिकों अर याके च्यारि अंशनिकों

दूणा करि तहां आठ छठा भाग मित्या $\frac{1}{2}$ या विपै दोय छठा भाग मित्याए दश छठा भाग तिनका जोड भया । याका दोय करि अपवर्तन कीएं पांच तीसरां भाग प्रमाण हो हैं । अथवा छह हारनिकों आधा कीएं तीन हार होइ तव समान छेद होइ तातैं छह हारनिकों अर याके दोय अंशनिकों आधा करि तहां एकका तीसरा भाग लिख्या $\frac{1}{3}$ याकों च्यारि तीसरा भाग विपै मिलाएं पांच तीसरा भाग मात्र प्रमाण आया । बहुरि हजार चवालीसवां भाग विपै दोयसै बाईसवां भाग पच्चीस ग्यारहवां भाग घटावना होय $\frac{1000}{99} = \frac{1000}{99} \times \frac{100}{100} = \frac{100000}{9900}$ तहां बाईसकों दूणा कीएं ग्यारह, ग्यारहकों चौगुणा कीएं समान छेद होइ । तातैं दोयसै अंश अर बाईस हार इनके दूणे कीएं च्यारिसै चवालीस भाग भए अर पच्चीस अंश ग्यारह हार इनको चौगुणे करिए सत्र चवालीस भाग भए $\frac{1000}{99} = \frac{1000}{99} \times \frac{100}{100} = \frac{100000}{9900}$ बहुरि च्यारिसै अर सत्र जोडें पांचसै भए सो हजारमें घटाएं अवशेष राशि पांचसै चवालीसवां भाग हो है । ऐसैं ही अन्यत्र जाननां । इहां इतनां जाननां । अंश अर हार इन दोऊनिकों समान प्रमाण करि गुणें समानका भाग दीएं जेतका तेताही प्रमाण रहै है । जैसे जो पंद्रह आठवां भागका प्रमाण सोई दोयसै सत्तरि एकसौ चवालीसवां भागका प्रमाण है । दोऊ जायगा अष्टमांश करि हीन दोय प्रमाण हैं । इहां अंश अर हारनि विपै दोऊनि विपै अठारहका गुणाकार वा भागहार है । बहुरि समान छेद करनेका प्रयोजन यहू है सो समान छेद भए पीछैं समानरूप अंश होइ जाय तहां पीछैं अंशानिकों अंशनि विपै मिलावना होइ तौ जोड दीजे । घटावना होइ तौ घटा दीजे । बहुरि जहां कोई राशिकें हार न होय तहां हारका प्रमाण एक कल्पना । जातैं ऐसा कख्या है ' कल्पो हरो रूपमहारराशेः ' जैसे दश अर पांच तृतीय भागका समछेद करनां होइ तहां दशके नाँचें एकका हार लिखना $\frac{1}{10}$ बहुरि पूर्वोक्त विधान कीएं तिनका जोड पैंतीस तृतीय भाग आया । अर दश विपै पांच तृतीय भाग घटाएं अवशेष पच्चीस तृतीय भाग प्रमाण आवै है । बहुरि जहां ऐसी राशि गुणकारादि विधान विपै होइ तहां पहले ऐसैं विधान करि पीछैं गुणनादि करनां । जैसे गुणकारादि विपै कोई राशि एकका सोलहवां भाग अधिक पंद्रह प्रमाण होइ तहां समछेद विधानतैं पंद्रह विपै एकका सोलहवां भाग जोडें दोयसै इकतालीसका सोलहवां भाग हो हैं सो तहां स्थापि गुणनादि करनां । बहुरि भिन्न गुणकार विपै गुण्य गुणकारकों अंशनिका अंशनि करि अर हारनिका हारनि करि गुणन करनां । जैसे पंद्रह आठवां भागका पांच तृतीय भाग करि गुणनां होइ $\frac{15}{8} \times \frac{3}{5} = \frac{45}{40} = \frac{9}{8}$ तहां पंद्रह अंशनिकों पांच अंश करि गुणें पिचहत्तरि अंश होइ अर आठ हारकों तीन हार करि गुणें चौईस हार होइ ऐसैं तिनका गुणन कीएं पिचहत्तरि चौईसवां भाग आया । बहुरि एक हजारकों दोय तृतीय भाग तीन दशवां भाग करि गुणनां होइ तहां एक हजारके भाग हार नाहीं हैं तातैं तहां एक भागहार कल्पि $\frac{1000}{99} = \frac{1000}{99} \times \frac{100}{100} = \frac{100000}{9900}$ तहां अंशनिकों अंशनिकारि हारनिकों हारनि करि परस्पर गुणन कीएं छह हजारका तीसवां भाग आया दोयसै है । बहुरि एकका तृतीय भागको एकका अष्ट भाग करि गुणना होइ तहां पूर्वोक्त विधानतैं एकका चौईसवां भाग प्रमाण आवै है । इहां इतनां जाननां एकतैं हीन करि गुणन कीएं गुण्य राशिका प्रमाणतैं घटता प्रमाण

आवै है । वहुरि जैसेँ एकका चौथा भाग अधिक बीसकों पांच कारि गुणनां होइ तहां समछेद विधानतैं बीस विपैँ एकका चौथा भाग जोडें इक्यासीका चौथा भाग भया अर पांचके भाग हार नहीं है । तहां एक भाग हार कल्पि पूर्ववत् गुणन कीएँ च्यारिसैँ पांचका चौथा भाग प्रमाण हो हैं । ऐसैं ही अन्यत्र जाननां । वहुरि भिन्न भाग हार विपैँ भाज्यके अंश हार होइ तिनकों तौ तैसैं ही रखिए अर भाजकके अंश हार होहि तिनकों पलटि दीजिए । अंशनिकों हार कीजिए अर हारनिकों अंश कीजिए । ऐसैं स्थापि अंशनिकों अंशनि करि अर हारनिकों हारनि करि गुणिए यों करते जो प्रमाण आवैँ सो लब्ध राशि जाननां । जैसेँ पिचहत्तरि चौईसवां भागकों पांच तृतीय भागका भाग देना $\frac{200}{3}$ तहां भाजकके पांच अंशनिकों हार कीजिए अर तीन हारनिकों अंश कीजिए $\frac{200}{3}$ वहुरि अंशनिकों अंशनि करि अर हारनिकों हारनि करि गुणन कीजिए तव दोयसैँ पचीसकों एक सौ बीसका भाग आया । तहां पंद्रह करि अपवर्तन कीएँ पंद्रह आठवां भाग प्रमाण लब्धराशि आवैँ है । वहुरि दोयसैँको दौय तिहाई अर तीन दशव भागका भाग देना $\frac{200}{3}$ तहां पूर्ववत् दोज भाजकनिके अंशहारनिकों पलटनां अर दोय सैँके हार हैं नहीं तातैं तहां एक हार कल्पनां $\frac{200}{3}$ ऐसैं स्थापि अंशनिका अंशनि करि हारनिका हारनि करि गुणन कीएँ छएँ हजारका छठा भाग आया सो एक हजार लब्धि राशि जाननां । वहुरि जैसेँ एकका चौईसवां भागकों एकका आठवां भागका देना $\frac{200}{3}$ तहां पूर्ववत् भाजकके अंशहार पलटि $\frac{200}{3}$ गुणन कीएँ आठका चौईसवां भाग हो है । वहुरि इहां आठ करि अपवर्तन कीएँ एकका तृतीय भाग मात्र लब्धराशि हो है । इहां इतनां जाननां एकतैं घाटिका भाग दीएँ भाज्य राशितैं लब्धराशिका प्रमाण बहुत आवैँ है । वहुरि जैसेँ दोयसैँको सात सोलहवां भाग अधिक सोलहका भाग देनां होइ तहां दोयसैँके नीचैं भागहार नहीं तातैं तहां एक भागहार कल्पना अर सात सोलहवां भागकों सोलह विपैँ समछेद विधानतैं जोडें दोयसैँ तरैसठिका सोलहवां भाग भया सो लिखनां $\frac{200}{3}$ वहुरि भाजकके अंशहार पलटि पूर्ववत् गुणन कीएँ वत्तीससैँको दोयसैँ तरैसठिका भाग आया सो लब्धराशि जाननां । ऐसैं ही अन्यत्र जाननां । वहुरि भिन्नवर्ग विपैँ जेतेका वर्ग करनां होइ ताका अंश अर हार दोज दोय जायगा मांडि गुणकारवत् अंशनिकों अंशनिकारि हारनिकों हारनि करि गुणन करनां जैसेँ पचीस छठा भागका वर्ग करना तहां तिस प्रमाण दोय राशि मांडि $\frac{200}{3}$ अंशनिकों अंशनिकारि हारनिकों हारनि करि गुणन कीएँ छसैँ पचीसका लत्तीसवां भाग भया ताका तेरह छत्तीसवां भाग अधिक सतरह प्रमाण वर्ग भया $\frac{200}{3}$ वहुरि एकका आठवां भागका वर्ग करना $\frac{200}{3}$ तहां पूर्ववत् विधान कीएँ ताका वर्ग एकका चौसठिवां भाग हो है । वहुरि दोयका आठवां भाग अधिक तीनका वर्ग करनां तहां समछेद करि तिनकों जोडें छत्तीसका आठवां भाग भया ताका पूर्ववत् विधान कीएँ छसैँ छिहतरिका चौसठिवां भाग भया ऐसैं ही अन्यत्र जाननां । वहुरि भिन्न घनविपैँ जेतेका घन करनां होइ ताका अंश अर हार दोज तीन जायगा स्थापि गुणकारवत् अंशनिकों अंशनिकारि हारनिकों हारनि करि गुणन करनां । जैसेँ पचीसका चौथाईका घन करनां होइ त

तीह प्रमाण तीन राशि स्थापि २५, २५, २५ अंशानिकों अंशानिकारि हारनिकों हारनिकारि गुणें पंद्रह हजार छसै पच्चीसका चौसठिवां भाग प्रमाण घनराशि हो है । १५६३ बहुरि एकका आठवां भागका घन कीएं ११११ पूर्ववत् विधानतैं एकका पांचसै वारवहां भागमात्र ६३२ घनराशि हो हैं । बहुरि चतुर्थ भाग अधिक दोगका घन करना । तहां समछेद करि जोड़ें नवका चतुर्थ भाग भया ताका पूर्ववत् घन कीएं ११११ सातसै गुणतीसका चौसठिवां भाग मात्र ताका घन भया । ऐसैं ही अन्यत्र जाननां । बहुरि भिन्न वर्गमूल विषै जाका वर्गमूल करना होइ ताके अंशनिका वर्गमूल काढें जो प्रमाण आवै सो तो ताके वर्ग मूलविषै अंश जाननां । अर हारनिका वर्गमूल काढें जो प्रमाण आवै सो तहां हार जाननां । इहां भी वर्गमूल काढनेविषै विपम समकी सहनानी करि अंत विपम विषै वर्ग घटावनां इत्यादि पूर्बे विधान कह्या सोई जाननां । जैसे छसै पच्चीसका छतीसवां भागका ६६३ वर्गमूल करना तहां पूर्ववत् विधान कीएं छसै पच्चीस अंशनिका वर्गमूल पच्चीस सो तो अंश अर छतीसका वर्गमूल छह सो हार ऐसैं ताका वर्गमूल पच्चीस छठा भाग मात्र २६ आवै है । बहुरि जहां राशि निःशेष न होय तहां अवशेषके अंश करने जैसे दोगसैका छठा भागका वर्गमूल करना होइ तो पूर्वोक्त विधानतैं दोगसैका वर्गमूल चौदह अर किंचिदून च्यारिका अठाईसवां भागमात्र आवै है । तहां अपवर्तन कीएं एकका सातवां भाग मात्र भया ३५७ इहां समछेद करि जोड़ें किंचिदून निन्याणवैका सातवां भाग मात्र आया सो १७ तौ अंश जाननां अर छहका वर्गमूल किंचिदून दोग अर दोगका चौथा भाग आवै है । इहां भी अपवर्तन करि अर समछेदतैं जोड़ें पांचका दोग भाग मात्र आवै है सो हार जाननां ५ अर इहां निन्याणवैका पांच अर सात दोऊ हार भए तातैं तिनकों परस्पर गुणें पैतीस तौ हार हूवा अर भागहारका भागहार राशिका गुणकार होइ इस न्याय करि निन्याणवैको दोग करि गुणें एक सौ अठ्याणवै अंश हूवा । ऐसैं तिस राशिका वर्गमूल किंचित उन एकसौ अठ्याणवैका पैतीसवां भागमात्र हो है । ११६ ऐसैं ही अन्यत्र जाननां । बहुरि भिन्न घनमूल विषै जाका घनमूल काढना होइ ताके अंशनिका घनमूल कीएं जो प्रमाण आवै सो तो ताके घनमूलके अंश अर हारनिका घनमूल कीएं जो प्रमाण आवै सो तहां हार जाननें । इहां भी घनमूल काढनेका विधान पूर्बे जैसे घन अघनकी सहनानी करि अंत घनस्थानतैं घन घटावनां आदि विधान कह्या था सोई जाननां । इहां उदाहरण—जैसे च्यारि हजार छिनवैका सताईसवां भागका घनमूल काढना होइ १३६ तहां पूर्वोक्त विधानतैं च्यारि हजार छिनवै अंशनिका घनमूल काढें सोलह आए सो तो अंश अर सत्ताईसका घनमूल काढें तीन हार भए ऐसैं ताका घनमूल सोलहका तृतीय भागमात्र आया १६ बहुरि जहां राशि निःशेष न होइ तहां अवशेष विषै अंश कल्पनां जैसे वर्गमूल विषै कही थी तैसैं इहां यथा संभव करनां । या प्रकार भिन्न परि कर्माष्टक जाननां ॥ अब शून्य परिकर्माष्टक कहिए हैं । इहां विंदीका संकलनादि जाननां तहां संकलन विषै अंक अर विंदीका जोड दीएं अंक ही रहै कछू वधे नाही । जैसे पचावन विषै दश जोड़े एकस्थानीय पांचा विषै विंदी जोड़ें पांच ही रह्या अर दशस्थानीय पांचा अर एका जोड़ें छह भया ऐसैं पैसठि हो है । अर विंदी विषै विंदी जोड़ें विंदी ही रहै

जैसे दश विपै बीस जोड़िए तहां एकस्थानीय विदीविपै विदी जोड़ें विदी होइ । अर दशस्थानीय एक अर दोय जोड़ें तीन होइ ऐसे तिनका जोड़ तीस हो है । बहुरि व्यवकलन विपै अंक विपै विदी घटाएं अंक ही रहै । कल्लु घटे नहीं जैसे पैसंठि विपै दश घटाएं एकस्थानीय पांचा विपै विदी घटै पांच ही रह्या अर दशस्थानीय छक्का विपै एक घटै पांचा भया ऐसे अवशेष पचावन रहैं हैं । बहुरि विदी विपै विदी घटाएं विदी रहै है । जैसे तीस विपै दश घटाएं एकस्थानीय विदी विपै विदी घटाएं विदी रहै । अर दशस्थानीय तीन विपै एक घटाएं दूवा रह्या अवशेष बीस रहैं हैं । बहुरि गुणाकार विपै विदीकों अंक करि वा अंककों विदी करि गुणें विदी ही हो है । जैसे पचासकों पांचकरि गुणना ५०।५। तहां गुण्यका अंत अंक पांचताकों गुणाकार पांच करि गुणें पचास भया अर ताके आगैं विदीकों पांचकरि गुणें विदी भई ऐसे दोयसै पचास भया । अथवा जैसे पांचकों बीस करि गुणना ५ २० तहां दूवा करि पांचकों गुणें दश भया अर आगैं विदी करि पांचकों गुणें विदी भई ऐसे एक सौ हूवा । बहुरि विदीकों विदीकरि गुणें विदी ही होइ । जैसे बीसकों तीस करि गुण्या तहां दूवाकों तीस करि गुणें साठि हूवा । अर विदीकों गुणें विदी भई सो आगैं लिखी ऐसे छहसै भया । बहुरि गुण्यराशि अर गुणकार राशिनके आगैं विदी होइ तौ तिन सर्व विदीनकों मिलाय करि आगैं लिखिए अर जे अवशेष गुण्य गुणकारनिके अंक रहैं तिनकों परस्पर गुणें जो प्रमाण आवै ताकों तिन विदीनिके पीछें लिखिए । ऐसे गुणित राशि आवै हैं । जैसे बीस अर पांचसै इनका गुणन करना २०×५०० तहां दोऊ राशिकी एक दोय विदी मिलाएं तिन विदी भई सो आगैं लिखी । अर दूवा पांचकों परस्पर गुणें दशभया सो तिनके पीछें लिख्या ऐसे गुणित राशि दश हजार प्रमाण आया । बहुरि जैसे आठ अर दोयसै अर पंद्रह लाख परस्पर गुणन करना ८×२००×१५०००००० तहां इनकी विदी मिलाएं सात विदी भई सो आगैं लिखी अर अंकनिकों परस्पर गुणें दोयसै चालीस हूवा सो पीछें लिख्या । ऐसे दोयसै चालीस कोडि प्रमाण गुणित राशि हो है । ऐसे ही अन्यत्र जानना । बहुरि भागहारविपै विदीकों अंकका भाग दीएं विदी ही होइ । जैसे पचासकों पांचका भाग दीया ५ तहां भाज्य राशिका पांचकों पांचका भाग दीएं एका पाया सो लिख्या बहुरि ताके आगैं विदीकों पांचका भाग दीएं विदी होइ सो लिखी ऐसे लब्ध राशि दश आवै है । बहुरि अंककों केवल विदीका भाग दीएं अवक्तव्य प्रमाण है । जातैं एकतैं घटता प्रमाणका भाग दीएं लब्धराशि भाज्य राशितैं बधता होइ सो एकका लाखवां भागका भाग दीएं लब्धराशि भाज्य राशितैं लाख गुणा होइ । एककों कोडिवां भागका भाग दीएं कोडि गुणा होइ । ऐसे भाग हार घटतैं लब्धराशि बधता होता जाय । जहां विदीका भाग दीया तहां भागहार अवक्तव्य-पनै घटता भया तहां लब्धराशिका प्रमाण अवक्तव्य हो हैं । याकों खहर कहिए । ख कहिए विदी सो है हर कहिए भागहार जाका ऐसा यहुं राशितैं इतना कहिए । बहुरि विदीकों विदीका भाग दीएं विदी ही आवै है ताका उदाहरण आगैं वर्गमूल घनमूलके कथनविपै लिख्या है सो जानना । बहुरि जहां भाज्य वा भागहार राशिके आगैं विदी होय तहां जेती विदी भागहारके आगैं होय

तितनी विंदिनीका अपवर्तन करना । जैसे बारह हजारको आठसैका भाग होइ १२६९९ तहां दोय विंदिनीका अपवर्तन कीएं एकसौ बीसको आठका भाग रखा तहां लब्ध राशि पंद्रह आवै है ऐसै ही अन्यत्र जानना । वहुरि वर्ग अर घनविषै गुणकारवत् विधान जानना । जातै दोय जायगा समान राशि मांडि परस्पर गुणन कीएं वर्ग हो है । तान जायगा राशि मांडि परस्पर गुणन किए घन होइ है । जैसे दोयसै एकका वर्ग चालीस हजार च्यारसै एक हो है, वहुरि एकसौ एकका घन दशलाख तीस हजार तीनसै एक हो है । वहुरि जिस राशिके आगे विंदि होय तिस राशिका वर्ग करना होय तौ अंकनिका वर्ग करि आगे जेती विंदि थीं तिनतै तिगुना विंदि लिख देंनी । जैसे दोयसैका वर्ग करना होय तहां दोयका वर्ग च्यारि लिखि आगे दोयतै दूणी च्यारि विंदि लिखनी अर तिनका घन करना होय तौ दोयका घन आठ लिखि आगे दोयतै तिगुनी छह विंदि लिखनी । ऐसै ही अन्यत्र जानना । वहुरि वर्गमूल अर घनमूल विषै पूर्व जैसे सहनानी करि वर्गमूल घनमूल काढनेका विधान कहा था सोई जानना । इहां जहां विंदिको अंकका भाग आवै तहां विंदि लिखि देंनी । जैसे चालीस हजार च्यारिसै एकका वर्गमूल काढना होइ तह १२६९९ अंतविषम चौकाका मूल दोय लिख्या ताके आगे सम विंदि ताको पाया अंक दोय ताको दूणा करि चौकाका भाग दीएं विंदि पाई वहुरि इस विंदिका वर्ग विंदि ताको च्यारिमें घटाएं कछु न घब्या वहुरि अवशेष चौका सहित अगिला सम चालीस ताको जुदी पंक्ति विषै बीस थे तिनतै दूणें, चालीसका भाग दीएं एका पाया वहुरि अवशेष एका रखा तिस विषै एकका वर्ग एक घटाएं राशि निशेष भया । ऐसै ताका वर्गमूल दोयसै एक हो है । वहुरि जैसे दसलाख तीस हजार तीनसै एकका घनमूल काढना १२६९९९ तहां अंतघन एकका घनमूल एका लिखि एका दूरि कीया आगे घनविंदि ताको पाया अंक एकाका वर्गतै तिगुणा तीन ताका भाग दीएं विंदि पाई सो तिस एकाके आगे लिखी वहुरि ताके आगे अघन ही तीया ताविषै पाई जो विंदि ताको पूर्वै एका था ताकरि गुणें विंदि भई ताको तिगुणा किए भी विंदि रही ताको घटाएं भी तहां तीन ही रखा । वहुरि इस अवशेष सहित आगे घन तीस ताविषै पाई विंदि ताका घन भी विंदि सो घटाएं तीस ही रखा । वहुरि इस सहित अगिला अघन तीनसै तीन ताको जुदी पंक्ति विषै दश थे तिनका वर्ग करि तिगुणा कीएं तीनसै हूवा ताका भाग दीएं एका आया सो दशके आगे लिख्या । अवशेष तहां तीन रखा । वहुरि इस अवशेष सहित अगिला अघन तीस तामें पाया अंक एकाको पूर्व पंक्ति विषै तिष्ठते दश करि गुणि तिगुणा कीएं तीस होय सो घटाएं तहां किछु न रखा । वहुरि ताके आगे घन एक ताविषै पाया अंक एकका घन एक घटाएं राशि निशेष भया । ऐसै ताका घनमूल एकसौ एक आवै है । वहुरि जिस राशिका वर्गमूल वा घनमूल कीएं राशिके अंक तौ निशेष होय जाय और विंदि ही रहि जाय तौ तहां वर्गमूल विषै तौ जेती विंदि अवशेष रहै तातै आधी विंदि जुदी पंक्तिके आगे लिखनी अर घनमूल विषै तिहाई विंदि लिखनी । इहां उदाहरण । जैसे—चालीस हजारका वर्गमूल काढना होइ तहां वर्गमूल काढें दोय पाया । अर च्यारि निशेष हूवा । तहां आगे च्यारि विंदि थीं ताकी आधी दोय विंदि

दूवा आगें लिखनीं । ऐसैं दोयसैं वर्गमूल आया । बहुरि सत्ताईस हजारका घनमूल काढना होइ तहां घनमूल काढें तीया- पाया अर सत्ताईस निःशेष दूवा । आगें तीन विंदी थीं ताकी तिहाई एक विंदी तीयाके आगें लिखनी ऐसैं घनमूल तीस आया सो पूर्व विधानतें भी ऐसैं ही सिद्ध हो हैं । परंतु सुगमताके अर्थि एक यहु भी विधान कहा है । ऐसैं ही अन्यत्र जाननां । या प्रकार सून्य परिकर्माष्टक कहौ ॥

बहुरि अज्ञात राशि आदि जाननेके अनेक विधान गणित ग्रंथ विपैं हैं सो इहां विशेष प्रयोजन न जानि न कहा । बहुरि त्रैराशिकका स्वरूप इस शास्त्र विपैं प्रयोजन भूत जानि कहिए हैं । तहां प्रमाण फल इच्छा ए तीन राशि जाननैं । जिस प्रमाण करि जो फल निपजै सो तौ प्रमाण राशि अर फल राशि हैं । बहुरि जितनी अपनी इच्छा होइ ताका नाम इच्छा राशि है । इहां प्रमाण राशि इच्छा राशिकी तौ एक जाति है । अर फल राशिकी अन्य जाति है । सो ऐसैं ए तीन राशि स्थापि तिन विपैं फल राशिकों इच्छाराशि करि गुणिए बहुरि ताकों प्रमाण राशिका भाग दीजिए जो प्रमाण आवैं सो इहां लब्ध प्रमाण जाननां । फल राशिकी अर इस लब्ध राशिकी एक जाति जाननी । इहां उदाहरण । जैसे च्यारि हाथके छिनवै अंगुल होयं तौ दश हाथके केते अंगुल होयं । ऐसैं त्रैराशिक किया । इहां प्रमाण राशि हाथ च्यारि अर अर फल राशि अंगुल छिनवै अर इच्छा राशि हाथ दश । तहां दशकों छिनवै करि गुणि च्यारिका भाग दीएं दोयसैं चालीस अंगुल लब्ध राशि भया । बहुरि जैसे तिहाई अधिक पंद्रह रुपैयानिका सवा पचीस मण अन्न आवैं तौ आध पाव दश रुपैयोका केता आवै इहां भिन्न गणित आश्रयतें अंशानिकों जोडें प्रमाण राशि छियालीसका तीसरा भाग फल राशि एकसौ एकका चौथा भाग इच्छा राशि इक्यासीका आठवां भाग प्र. $\frac{1}{3}$ फ. $\frac{1}{4}$ इ. $\frac{1}{8}$ इहां भिन्न गणित विधानतें फलकों इच्छा करि गुणें आठ हजार एकसौ इक्यासीका बत्तीसवां भाग भया याकों प्रमाणका भाग दीएं चौईस हजार पांचसैं तियालीसकों चौदहसैं बहत्तरिका भाग आया । ताका सोलह अर किंचिदून दोय तिण मात्र प्रमाण आया । ऐसैं ही अन्यत्र जाननां । बहुरि जहां जिस राशिका प्रमाण वधे फल थोरा होइ प्रमाण वटें फल बहुत होइ तहां व्यस्त त्रैराशिक हो है । इहां प्रमाण राशिकों फल करि गुणि इच्छाका भाग दीएं लब्ध राशिका प्रमाण हो है । जैसे जिस वस्तुका दोय वरस पुराणीका सौ रुपैया आवै तो दश वरस पुराणीका केता रुपैया आवै । इहां प्रमाण राशि दोयकों फल राशि सौ करि गुणि इच्छा राशि दशका भाग दीएं बीस रुपैया आवै सो लब्ध-राशि जाननां । ऐसैं ही अन्यत्र जाननां । बहुरि पांच राशि सत्तराशि आदि विपैं प्रमाणराशि संबंधी दोय तीन आदि राशि होय सो तो एक तरफ नीचें नीचें लिखिए अर वाहीके नीचें फल राशि लिखिए । अर इच्छा राशिसम्बन्धी दोय तीन आदि राशि होइ सो दूसरी तरफ लिखिए । बहुरि प्रमाणका फल राशि होइ ताकों इच्छा राशिकी तरफ लिखि दोऊ तरफ जे राशि होइ तिनका जुदा परस्पर गुणन करि बहुत प्रमाणकों स्तोक प्रमाणका

भाग दीएं जो प्रमाण आधे सो इच्छा राशिका फलभूत लब्धराशि जाननां । इहां उदाहरण । जैसे एक मास विपै सौ रुपैयांका दोय रुपये व्याज आधे तां पांच मासविपै दोयसै पैसठि रुपैयांका कितना व्याज आवै । ऐसै पंचराशिक भया । तहां एक अर सौ तां प्रमाण राशि ताको एक तरफ लिखै अर ताके नीचें दोय फलराशि लिखै अर पांच दोयसै पैसठि इच्छाराशि सो एक तरफ लिखै । ३१/३६ वहरि फलराशिकों तहांतें दूसरी इच्छाकी तरफ लिखै पेसा १०/३६ वहरि परस्पर दोऊनिकों जुदे जुदे गुणें एक तरफ सौ भये एक तरफ छव्वीससै पचास भए । वहरि बहुत राशिकों तुच्छ राशिका भाग दीएं साढा छव्वीस रुपैयां आए सोई इच्छा राशिका फलभूत लब्धराशि जाननां । वहरि जो प्रमाणादि अंश अर हाररूप होइ तां तहां पूर्ववत् फल राशिकों पलटि पीछें दोऊ तरफके हारनिकों परस्पर पलटि दीजिए । वहरि दोऊ तरफके जुदे जुदे हार अंश होहिं तिनों परस्पर करि गुणि बहुत राशिकों अल्पराशिका भाग दीएं । लब्ध राशिका प्रमाण आधे है । इहां उदाहरण । जैसे—सवामास विपै साढासात रुपैयांका आधा रुपैयां व्याज आधे तां साढा छह महीना विपै सवावारह रुपैयांका केता व्याज आवै । इहां भिन्न गणिततें अंश अंशनिकों मिलाएं प्रमाणराशि पांचका चौथा भाग अर पंद्रहका दूजा भाग भया फलराशि एकका दूजा भाग है इच्छा राशि तेरहका दूजा भाग अर गुणचासका चौथा भाग भया । सो ऐसै लिखि ५/३३/३/३३/३३/३३ फलराशिकों पलटि हारनिकों पलटै ऐसा भया ५/३३/२/३३/३३/१ वहरि अंश हारनिका गुणन कीएं एक तरफ तां बारहसै ३३/३३ आए । एकतरफ पांच हजार छिनवै आया । वहरि बहुत राशिकों अल्प राशिका भाग दीएं किंचित ऊन सवा च्यारि रुपैयां लब्धराशि आया ऊनका प्रमाण एकका तीनसै भाग कीजै तामें एक भागमात्र जाननां । ऐसैही अन्यत्र जाननां । वहरि इसही विधानतें सत्रराशिक नवराशिक एकादशराशिक हो है । सो इहां विशेष प्रयोजन न जानि नाहों लिखें हैं । वहरि मिश्रक व्यवहारका विशेष प्रयोजन इहां नाहीं लिख्या हैं । कहीं प्रयोजन आवैगा तो तहां ही वर्णन लिखेंगे ॥

वहरि श्रेढी व्यवहार लिखिए है । जहां अनेक राशिनि विपै समानरूप वधता व घटता प्रमाण होइ अथवा गुणकार होइ तहां श्रेढी व्यवहार गणितका विधान हो है । जैसे आदि विपै पांच अर स्थान प्रति च्यारि च्यारि वधता वा घटता होइ अथवा च्यारिका गुणाकार होइ । ऐसै दशस्थान होइ तहां आदि श्रेढी व्यवहार गणितका विधान हो है तहां संज्ञा कहिए हैं । जो आदि विपै प्रमाण होइ ताका नाम आदि हैं वा मुख है वा प्रभव हैं । वहरि अंत विपै प्रमाण होइ ताका नाम अंत है वा भूमि है । वहरि स्थान स्थान प्रति जितना वधै वा घटै ताका नाम चय है वा उत्तर है । वहरि जो स्थान स्थान प्रति गुणकार होय तो जेतका गुणकार होय ताका नाम उत्तर है वा गुण है । वहरि चयकरि वधता वा घटता अथवा गुणकाररूप जेतै राशिरूप स्थान होइ ताका नाम पद है वा गच्छ है । वहरि सर्व स्थानानिके जोड़का नाम सर्वधन है वा पदधन है । वहरि चयनिकों जुदे राशि आदि स्थान प्रमाण सर्व स्थान स्थापि तिनको जोड़का नाम आदि धन है । वहरि सर्व चयनिकों जोड़ें जो प्रमाण होय


ताका नाम चयधन है वा उतरधन है । बहुरि मध्यस्थान त्रिपै जेता प्रमाण होइ ताका नाम मध्यधन है । इत्यादि ऐसैं संज्ञा जाननी । बहुरि अनेक प्रमाण जाननेके साधनभूत करणसूत्र गणित शास्त्रनि त्रिपै कहे हैं तहां जानने । अर इस शास्त्र त्रिपै जाका प्रयोजन आवैगा ताका करणसूत्र इस शास्त्र ही त्रिपै लिखे हैं । तातैं जहां प्रयोजन आवै तहां ही तिनकों जानि लेंने । बहुरि क्षेत्र व्यवहार कहिए है । इस शास्त्र त्रिपै क्षेत्रका अधिकार है तातैं क्षेत्रव्यवहारका ज्ञान अवसि चाहिए । तहां प्रथम संज्ञा कहिए है । लंबाई चौडाई उचाई इन तीनां त्रिपै जहां एक ही की विवक्षा होइ दोगकी न होइ तहां सूची क्षेत्र कहिए । बहुरि जहां दोगकी विवक्षा होइ एककी न होइ तहां प्रतरक्षेत्र कहिए वा वर्गरूप क्षेत्र कहिए । बहुरि जहां तीनांकी विवक्षा होइ तहां खात क्षेत्र कहिए वा घन क्षेत्र कहिए । ऐसैं तीन प्रकार क्षेत्र कहा । तिनमें सूची क्षेत्र त्रिपै तौ आकारादि विशेष वा क्षेत्रफलादिक विशेष हैं नाहीं । जेता लंबाईका प्रमाण सोई तिस सूची क्षेत्रका प्रमाण है । जैसे—पच्चीस हाथ डोरि कहिए । बहुरि प्रतर क्षेत्र त्रिपै आकार विशेष है सो कहिए है । तीन च्यारि कूणें जिनमें पाईए तिन क्षेत्रनिका क्रमतैं त्रिकोण चतुःकोण नाम जानने । बहुरि एक कोणतैं दूसरा कोण पर्यंत जेता क्षेत्र होइ ताका नाम मुजा है सो त्रिकोण क्षेत्रत्रिपै तीन मुजा हो हैं तातैं ताका नाम त्रिमुज भी कहिए । चतुःकोण त्रिपै च्यारि मुजा हैं तातैं ताका नाम चतुर्मुज भी कहिए । बहुरि इन मुजानि त्रिपै काहूका नाम मुज वा काहूका नाम कोटि भी कहिए है । जैसे त्रिमुज क्षेत्र त्रिपै एक मुजाको कोटि कहिए दोगे मुजानिकों मुज कहिए । चतुर्मुज क्षेत्र त्रिपै सन्मुख दोगे मुजानिका नाम कोटि कहिए । अवशेष दोगे मुजानिका नाम मुजा कहिए । बहुरि इन त्रिमुज आदि क्षेत्रनिका तिस्र चतुस्र आदि भी नाम हैं । भाषा त्रिपै तिकूटा चौकोर इत्यादि नाम हैं । बहुरि ए त्रिमुजादिक क्षेत्र अनेक प्रकार हैं । तहां जिस त्रिमुज क्षेत्रके दोगे मुजा सूधी एक ठेढी ऐसी..... होय ताकों जाति त्रिमुज कहिए । तहां जो यह ठेढी मुजा है ताका नाम कर्ण है वा श्रुति है । जैसे पांच हाथ ऊंचा वांसके उपरितैं, सूत्र लगाय तिस वांसतैं सात हाथ परैं पृथ्वी त्रिपै सूत्र स्थाप्या तिस सूत्रका जेता प्रमाण ताका नाम कर्ण जाननां । बहुरि जहां एक मुज सूधी दोगे ठेढी होय तहां.....सिंघाडाकासा ऐसा त्रिमुज क्षेत्र होइ । याका मध्यतैं दोगे भाग करिए सो दोगे जाति त्रिमुज होइ जाय । बहुरि इन तीनों मुजानि त्रिपै समान प्रमाण होइ वा अधिक हीन होइ तौ तहां सम विषम संज्ञा यथासंभव जाननां । बहुरि चतुर्मुज क्षेत्र त्रिपै जहां समान प्रमाण लीएं च्यारों मुज ऐसैं होइ.....ताका नाम सम चतुर्मुज कहिए । बहुरि लंबाई चौडाई त्रिपै एकका प्रमाण हीन एकका अधिक ऐसा.....होइ ताका नाम आयत चतुरस्र कहिए । बहुरि जहां च्यारों मुजानि त्रिपै काहूका प्रमाण हीन काहूका अधिक ऐसैं.....होइ ताका नाम विषम चतुर्मुज है । बहुरि जिस क्षेत्रके पांच कूणे छह कूणे आदि होइ ताका नाम पंचकोण षटकोण कहिए । भाषात्रिपै पंच पहल छह पहल इत्यादि नाम हैं । तहां पंच कोणादि क्षेत्रनि त्रिपै सम प्रमाण भए समसंज्ञा विषम प्रमाण भए विषम संज्ञा इत्यादि संज्ञा जाननी । इन क्षेत्र-

निके गिरदका जो प्रमाण ताका नाम परिधि है । बहुरि जहां गोलाकार लिये क्षेत्र ऐसा होइ ० ताका नाम वृत्त क्षेत्र वा गोलक्षेत्र कहिए । तिस क्षेत्र विषै वीचमें जेता प्रमाण ताका नाम वृत्त विष्कंभ है वा विस्तार है वा व्यास है । बहुरि इसके गिरदका जेता प्रमाण होइ ताका नाम परिधि है । बहुरि जो गोलक्षेत्रके चौगिरदा गोलक्षेत्र ऐसा ० होइ तहां याके अभ्यंतर तटतै वाह्य-तटपर्यंत जेता प्रमाण होइ ताका नाम वलय व्यास है । बहुरि अभ्यंतर दोऊ तटनिके वीचि जेता प्रमाण होइ ताका नाम अभ्यंतर सूची व्यास है । अर वाह्य दोऊ तटनिके वीचि जेता अंतराल ताका नाम वाह्य सूची व्यास है । बहुरि अभ्यंतर तटके गिरदका जो प्रमाण ताका नाम अभ्यंतर परिधि है । वाह्य तटका गिरदका जो प्रमाण ताका नाम वाह्य परिधि है । इत्यादि संज्ञा जाननी । बहुरि जो धनुषके आकार ऐसा.....क्षेत्र होइ ताका नाम धनुषाकार क्षेत्र कहिए वा चापक्षेत्र कहिए तिसक्षेत्र विषै जो सूधा प्रत्यंचावत् लंबाईका प्रमाण ताका नाम जीवा है वा ज्या है । बहुरि तिस जीवाकी एक तरफतै लगाय दूजी तरफ धनुषकी पीठिवत् आधा गोल क्षेत्रकी परिधि रूप गिरदका प्रमाण ताका नाम धनुःपृष्ठ है । बहुरि तिस जीवाकी मध्यतै लगता धनुःपृष्ठा मध्यवर्त्तपर्यंत वाणवत् सूधा क्षेत्र ताका प्रमाणका नाम वाण है । बहुरि जो जीवाकी चौडाई बहुत होय तौ तिस जीवाकी छोटा तटतै बड़ातट दोऊ तरफ जितनां जितनां बवता होइ ताका नाम चूलिका है । बहुरि बड़ा तटतै छोटा तटपर्यंत जेता परिधिका प्रमाणरूप धनुः पृष्ठ रूप होय ताका नाम पार्श्वभुजा है । इत्यादि संज्ञा जाननी । बहुरि अन्य अनेक आकार लीएं क्षेत्र हैं तिनका स्वरूप संज्ञादिक गणित शास्त्रनि विषै क्षेत्रव्यवहार विषै कल्ला है वा इस शास्त्र विषै जाका वर्णन होइगा ताका तहांही स्वरूप संज्ञादिक लिखेंगे ते जाननें । बहुरि ऐसैं जे ए क्षेत्र हैं तिनिका विवक्षित योजनादिरूप चौडा लंबा खंड कल्पना करि प्रमाण कीजिए ताका नाम क्षेत्र फल है । प्रवृत्ति विषै याका नाम मुकसर करना कहिए हैं । जैसे च्यारि हाथ लंबा पांच हाथ चौडा क्षेत्र ताका क्षेत्रफल बीसहाथ हूवा । तहां ऐसा भाव जाननां । तिसक्षेत्रके एक हाथ लंबा एक हाथ चौडा ऐसे खंड कीजिए तौ बीस होइ । ऐसैं ही अन्यत्र जाननां । ऐसैं प्रतर क्षेत्रका स्वरूप संज्ञादिक कहे ॥ अब घन क्षेत्रका कहिए है । जहां ऊंचाई तथा ओंडाई भी होइ तहां घन क्षेत्रहो हैं ऊंचाई ओंडाईका भाव एक है । नीचेतै ऊपरकी विवक्षा होइ तौ ऊंचाई कहिए । ऊपर तै नीचेकी विवक्षा होइ तौ ओंडाई कहिए । सो याका नामा वेध है वा खात है वा उच्चत्व है इत्यादि नाम हैं । बहुरि जो याका क्षेत्रफल करिए ताका नाम खात फल वा घन फल जानना । इहां विवक्षित चौडा लंबा ऊंचा खंड कल्पना करि प्रमाण कीजिए । जैसे च्यारि हाथ लंबा च्यारि हाथ चौडा पांच हाथ ऊंचा क्षेत्रका खात फल अस्सी हाथ होइ तहां ऐसा भाव जाननां । एकहाथ लंबा एक हाथ चौडा एक हाथ ऊंचा ऐसैं खंड कीजिए तौ अस्सी होइ । बहुरि जो समभूमि उपरि अनादिकका राशि करिए ताका क्षेत्रफलको सूची फल कहिए है । बहुरि कोई गिदडीके आकारि क्षेत्र होई कोई वावडीके आकार होइ इत्यादि घनरूप विषै भी अनेक आकार पाईए है । ऐसैं ही और भी संज्ञा स्वरूप जाननां । बहुरि जो क्षेत्र अनेक आकार लीएं होइ तिसक्षेत्र विषै

संभवते जुदे जुदे आकार कल्पना करने । जैसे ऐसा.....आकार रूप क्षेत्र विषै एक चतुर्भुज एक त्रिभुज.....ऐसे द्वाय खंड कल्पने बहुरि तिन खंडनिके जुदे जुदे क्षेत्रफल करि जोडे तिसका क्षेत्रफल हो है । बहुरि कहीं त्रिभुज क्षेत्र विषै अनेक प्रकार खंड कल्पना करि तिनके क्षेत्रफल करि जोडि तिस क्षेत्रका क्षेत्रफल कहिये है । ऐसे क्षेत्र व्यवहार विषै केता इक संज्ञा वा तिनका स्वरूप इहां कहां बहुरि इन विषै किसीका प्रमाण जानि किसीका प्रमाण जाननेके अर्थि करणसूत्र हो हैं । जैसे त्रिभुजक्षेत्र विषै भुजकोटि कहि करण जाननेको करणसूत्र कहिए । वा गोल क्षेत्रविषै व्यास कहि परिधि जाननेको करणसूत्र कहिए सर्व विधि क्षेत्रनि विषै प्रमाण जानि क्षेत्र फल जाननेको करणसूत्र कहिए । सो करणसूत्र गणित शास्त्रनि विषै कहे हैं । अर इस शास्त्र विषै जिनका प्रयोजन पाईए है ते करणसूत्र इस ही शास्त्र विषै भी कहे हैं । सो जहां वर्णन होइगा तहां तिनको जानने । ऐसे क्षेत्र व्यवहार कहां । या प्रकार कछु गणित वर्णन इहां लौकिक गणित अपेक्षा कीया ॥

बहुरि अलौकिक गणित अपेक्षा अलौकिक गणितनिकी संदृष्टि वा संकलनादिककी संदृष्टिका वर्णन गोमट्टसार शास्त्रकी भाषा टीका विषै संदृष्टि अधिकार कीया है तहां लिखी है सो तहांतें जाननी । उहां विशेष प्रयोजन जानि विशेष लिखी है । इहां स्तोक प्रयोजन जानि स्तोकसा वर्णन लिखिए है । तहां अलौकिक गणित लिखनेमें ऐसी संदृष्टि जाननी । सामान्यपनै संख्यातकी ऐसी....असंख्यातकी ऐसी....अनंतकी ऐसी ख । विशेषपनै जघन्य संख्यात द्वाय ताकी ऐसी २ मध्यम संख्यातकी अनेक प्रकार उत्कृष्ट संख्यातकी ऐसी १५ अथवा ऐसी १६ । इहां जघन्य परीतासंख्यात विषै एक घटावनेकी ऊपर सहनानी है ऐसै ही अन्यत्र जानना । बहुरि जघन्य परीता संख्यातकी ऐसी १६ मध्य परीतासंख्यातकी नाना प्रकार उत्कृष्ट परीता संख्यातकी ऐसी ३ जघन्य युक्तासंख्यातकी ऐसी २ यह ही आवलीकी सहनानी हैं । मध्य युक्तासंख्यातकी नाना प्रकार उत्कृष्ट युक्तासंख्यातकी ४ जघन्य असंख्यातासंख्यातकी ऐसी ४ सोई प्रतरावलीकी सहनानी हैं । मध्य असंख्यातासंख्यात विषै आठ उपमा प्रमाण पाईए है । तिन विषै पत्यकी ऐसी ५ सागरकी ऐसी सा सूच्यंगुलकी ऐसी २ प्रतरांगुलकी ऐसी ४ घनांगुलकी ऐसी ६ जगच्छेणीकी ऐसी—जगत्प्रतरकी ऐसी=घनलोककी ऐसी ≡ बहुरि इहां ही जगच्छेणीको सातका भाग दीएं श्रेणीरूप राजू हो है ताकी ऐसी ७ जगत्प्रतरको गुणचासका भाग दीएं प्रतर राजू हो है ताकी ऐसी ४९ घनलोकको तीनसै तियालीसका भाग दीएं घनरूप राजू हो है ताकी ऐसी ३४३ बहुरि अन्य भेदनिकी अनेक प्रकार उत्कृष्ट असंख्यातासंख्यातकी ऐसी २५५ अथवा ऐसी २५६ बहुरि जघन्य परीतानंतकी ऐसी २५६ मध्य परीतानंतकी नाना प्रकार उत्कृष्ट परीतानंतकी ऐसी ज ज अ जघन्य युक्तानंतकी ऐसी ज जु अ मध्य युक्तानंतकी नाना प्रकार उत्कृष्ट युक्तानंतकी ऐसी ज जु अ व जघन्य अनंतानंतकी ज जु अ व मध्य अनंतानंत विषै जीव राशिकी ऐसी १६ इहां भी संसारी जीव राशिकी ऐसी १३ सिद्ध राशिकी ऐसी ३ पुद्गल राशिकी ऐसी १६ ख अन्य भेदनिकी यथा योग्य अनेक प्रकार उत्कृष्ट अनंतानंतकी केवलज्ञान प्रमाणरूप ताकी ऐसी (के) ऐसै अलौकिक

गणित विषय संदृष्टि जानना । बहुरि इनके संकलनादि विषय जैसे लौकिक गणित विषय लिखनेका विधान कहा तैसे ही इहां जानना । जैसे पंच अधिक हजार ऐसे लिखिए ५३० तैसे ही सूच्यगुल अधिक जगछणीकों ऐसे लिखिए २ । बहुरि जैसे पांच गुणा हजार ऐसे १०००।५ लिखिए तैसे ही असंख्यांत गुणा लोक ऐसे लिखिए $\frac{9}{9}$ इत्यादि जानना । बहुरि राशि ऊपर किंचित् मिलावना होइ तहां उपरि ऊभी लोक करि दीजिए । जैसे किंचित् अधिक लोककी संदृष्टि ऐसी $\frac{9}{9}$ बहुरि राशि विषय किंचित् घटावना होइ तहां आगे आडी लोक करि दीजिए । जैसे किंचि-दून जीव राशिकी संदृष्टि ऐसी १६—बहुरि गुणकारादि विषय जैसे लौकिक गणित विषय वर्णन किया है तैसे ही जानना । विशेष इतना इहां जैसा जहां संभवे तैसा तहां अलौकिक संदृष्टि रूप प्रमाण जानना । बहुरि कहीं अक्षरादि रूप संहनानी है । जैसे अर्द्धछेदनिकी संदृष्टि ऐसी (छे) बहुरि अन्य अनेक प्रकार लौकिक संदृष्टि जानना । ऐसे अलौकिक गणित विषय संरूप दिखाया सो इस शास्त्रविषय जहां प्रयोजन आवैगा तहां लिखन होगा सो जानना ॥



इति परिशिष्ट समाप्त.

श्रीमन्नेमिचंद्राचार्यविरचित

त्रिलोकसार

पंडितवर श्रीटोडरमल्लकृत हिंदीभाषाटीका सहित ।



दोहा—त्रिभुवनसार अपारगुन, ज्ञायक नायकसंत ।
त्रिभुवनहितकारी नमों, श्री अरहंत महंत ॥ १ ॥
तीनभवनके मुकुट मनि, गुन अनंतमय शुद्ध ।
नमों सिद्ध परमात्मा, वीतराग अविरुद्ध ॥ २ ॥
तीनभुवनथिति जानिके, आप आपमय होय ।
परतें भये विरक्त अति, नमों महामुनि सोय ॥ ३ ॥
तीनभुवन मंदिर विषे, अर्थ प्रकासन हार ।
जैनवचनदीपक नमों, ज्ञानकरन गुनधार ॥ ४ ॥
तीनभुवनमहिं जे लसैं, चैत्यचैत्यग्रहसार ।
ते सब वंदौं भावजुत, सुभकारन सुखकार ॥ ५ ॥
ऐसैं मंगलरूप सब, तिनके वंदे पांय ।
अब किछु रचना कहत हौं, नानाविधि सुखदाय ॥ ६ ॥

अथ मंगलाचरण करि श्रीमत् त्रिलोकसार नाम शास्त्रकी भाषाटीका करिए हैं । अब संस्कृत-टीका अनुसार लिए मूलशास्त्रका अर्थ लिखिए हैं ।

कवित्त—तीनभुवन शाशि जिनपतिकों अति भक्तिभावतें करि नति सार,
ग्रंथ त्रिलोकसारकी टीका परकासों विधितें सुखकार ।
किंचिन्मात्र ज्ञानके धारी भव्य जीव जे हैं रुचिधार,
तिनके संवोधनकों कारण ऐसा जानहु भव्यविचार ॥ १ ॥

अडिछ—अकलंकादिक सूरि भूरि गुणमंत हैं, अतुलधर्मके धारक जगि जयवंत हैं ।
जिनमततें विपरीत कुमतमत वादधर, वादिसमूह नमाए जैन उद्योतकर ॥ २ ॥
जातें सर्व बुधनिकों विस्मयकारिणी, जाकी भई प्रवृत्ति महागुन धारिणी ।
दोष रहत जिनमतसो दूरि करो सदा, सघनकुमतितम पुंज बहुरि होइ न कदा ॥ ३ ॥

१ यहाँसे आगे “इस शास्त्रकी संस्कृतटीका पूर्व” इत्यादि पाठ परिशिष्टमें लगाया जायगा । पाठक-गण वहाँ ही देख लें ।

ऐसें संस्कृत टीकाकार मंगलाचरण कहैं हैं । श्रीमान् बहुरि काहूकरि हण्पा न जाइ बहुरि प्रतिमान जो मर्यादारूप प्रमाण ताकरि रहत बहुरि प्रतिपक्षी कर्मकरि रहत बहुरि इंद्रियसहायकरि रहित बहुरि इंद्रियवत् अनुक्रमतें जाननेतैं रहत ऐसा जो केवलज्ञानरूपी तीसरा नेत्र ताकरि अवलोके हैं सकल पदार्थनिका समूह जिहिं ऐसा, बहुरि संसारदुःखतैं राखे हैं देवेंद्रनरेंद्र मुनींद्रनिका समूह जिहिं ऐसा, बहुरि तीर्थंकर प्रकृतिरूप पुण्यकी महिमाका अवलंबनतें उत्पन्न भया है समवसरण आठ प्रातिहार्य चौतीस अतिशय आदि बहिरंग लक्ष्मीकी विशेष जाकें ऐसा, बहुरि निर्मूलकीए हैं अठारह दोष जानें ऐसा, बहुरि सर्वांगपनें करि आलिंगनरूप करी है अनंत चतुष्टयादिक गुण समूहरूप अंतरंग लक्ष्मी ताकरि प्रकट किया है परमात्मस्वरूप प्रभाव जानें ऐसा जो श्रीवर्धमान नामा तीर्थंकर देव तींह तो सर्व भाषामई दिव्यध्वनि करि जाका अर्थ किया है । बहुरि सात ऋद्धिनिकरि संपूर्ण जो गोतमस्वामी समस्त विद्याका परमईश्वर केवली तींह जाका शब्दरचनाका विशेष रच्या है । बहुरि तिस अर्थका ज्ञान अर कवित्वादि विज्ञानकरि संयुक्त बहुरि पापतें भयभीत ऐसो जु गुरु तिनकी परंपराका अनुक्रमतेंकरि विच्छेदरहित प्रवृत्तिरूप है । बहुरि सूत्रका अर्थ अन्यथा होइ नष्ट न भया है तातैं केवल ज्ञानहीके समान है-ऐसा जु करणानुयोग नामा परमागम ताहि कालके अनुसार संक्षेपरूपकरि निरूपण करनेका है अभिलाप जाका ऐसा जो भगवान् नेमिचंद्र नामा सैद्धांतदेव चारि अनुयोगरूपी चारि समुद्रनिका पारगामी सो चामुंडरायके संबोधनेका मिसकरि समस्त शिष्यजननिके संबोधनेके अर्थ त्रिलोकसार नामा ग्रंथकों रचतासंता ताकी आदिविषै प्रथम ही निर्विघ्नपनैं शास्त्रकी समाप्तता होइ इत्यादि फलसमूहकों विचार विशिष्ट जो अपना इष्टदेवता ताहि स्तवै है;—

वलगोविंदसिहामणिकिरणकलावरुणचरणहकिरणं ।

विमलयरणेमिचंद्रं तिहुवणचंद्रं णमंसांमि ॥ १ ॥

वलगोविन्दशिखामणिकिरणकलापारुणचरणनखकिरणम् ।

विमलतरनेमिचंद्रं त्रिभुवनचंद्रं नमस्यामि ॥ १ ॥

अर्थ—कहिये हैं । नमस्यामि कहिए नमस्कार करौं हौं । किसहिं नमस्कार करौं हौं । विमलतरनेमिचंद्रं विगत कहिए विनष्ट भया है मल कहिए द्रव्यभाव भेदकों लिए आत्माके गुणका घातक कर्म वा शरीरका मल धातु जातैं सो विमल जानना । बहुरि आप विशुद्धताका जु उदय ताकी परम उत्कृष्टताकों प्राप्त होतसंता अन्य जे आपकों आश्रित भए भव्य जीव तिनिके भी कर्ममलके दूरि करनेकों कारण हैं तातैं अतिसय करि विमल है सो विमलतर जानना । इस विशेषणकर अपाय अतिशय प्रगट किया । अपाय नाम नासका है सो इंद्रादिक भी जाके नाश करनेकों समर्थ नाहीं ऐसे कर्ममलका नाश किया ऐसा अतिशय भगवंतविषै ही है । ऐसा इस विशेषणका अभिप्राय है । बहुरि नेमिनाथ नामा बावीसवां तीर्थंकर परमदेव सो नेमिचंद्र जामना । विमलतर जो नेमिचंद्र ताहि नमस्कार करौं हौं । कैसा है विमलतर नेमिचंद्र । त्रिभुवनचंद्रं त्रिभुवन कहिये तीन लोक तिनका चंद्र कहिए चंद्रभावत् प्रकास करनहारा है । भावार्थ—तीन लोकके

स्वरूपका उपदेस दाता है वा तीन लोकके स्वरूपका ज्ञाता है । इस विशेषणकर वाक् अतिशय वा प्राप्ति अतिशय प्रगट किया है । तहां वाक् नाम बानीका है, सो गणधर इंद्रादिकनिके वचनतैं अगोचर ऐसा तीन लोकका स्वरूप बानीकरि कहिये हैं ऐसा वाक् अतिशय भगवंत विपैं है । बहुरि प्राप्ति नाम लाभका है सो गणधर इंद्रादिकके ज्ञानतैं अगोचर ऐसा तीन लोकका ज्ञायक केवल ज्ञानका लाभ भया है ऐसा प्राप्ति अतिशय भगवंतविपैं है । बहुरि 'त्रिभुवनचंद्र' ऐसा विशेषण इस अवसर विपैं योग्य है जातैं तीन लोकके स्वरूपका निरूपण विपैं किया है उद्यम जानैं ऐसा जो आचार्य ताकैं शब्द व्योतिकरि वा ज्ञानज्योतिकरि तीन लोकके स्वरूपका प्रकाशकों ही नमस्कार करना योग्य ही है । बहुरि कैसा है विमलतर नेमिचंद्र । बलगोविंदशिखामणिकिरणकलापारुण-चरणनखकिरणं बलगोविंद कहिए अपने चरणकमलकों नमस्कार करते जे बलभद्र नारायण तिनका शिखामणि कहिए मुकुटका अग्रभागविपैं लगा हुआ पद्मरागमणि ताकी जु किरणकलाप कहिये प्रभातका सूर्यवत् किरणनिका समूह ताकारि अरुण कहिए अतिरक्त भया है चरणनखकिरण कहिए चरणकमलके नखनिकी किरणनिका पुंज जाका ऐसा है । इस विशेषणकर भगवंतका पूजा अतिशय और अतिशयनिका सहचारी प्रगट किया । पूजा नाम पूजनेका है सो जिनको लोकविपैं पूज्य मानिए हैं ऐसे बलभद्र नारायण तेऊ भगवंतके चरणकमलकों पूजैं हैं ऐसा पूजा अतिशय भगवंतविपैं है । इहां प्रासंगिक श्लोक कहिए हैं "अपाय" इत्यादि । याका अर्थ—अपायप्राप्ति वाक् पूजारूप अतिशय बहुरि निरालंब विहार वा स्थिति वा आहारादिक विना शरीरकी प्रवृत्ति इत्यादिक ये प्रगट जिनदेवके अतिशय हैं । अथवा अन्य अर्थ कहिए हैं 'नमस्यामि' कहिए नमों हों । काहि "विमलतरनेमिचंद्र" नेमि ऐसा नाम चक्रधुरा जो पद्माकी धुर ताका है । सो जैसे चक्रधरा रथके चलनेकों कारण है तैसे धर्मरथके प्रवृत्तनेकों कारण हैं तातैं नेमि कहिए । बहुरि चंदयति कहिए तीन लोकके भव्य जीवनिके नेत्र अर मनकों आल्हाद करैं हैं तातैं चंद्र कहिए । भावार्थ—इंद्रादिककैं भी न संभैव ऐसा जो रूप अतिशय ताकारि संयुक्त हैं । नेमि अर सोई चंद्र सो नेमिचंद्र अर विमलतर कहिए अतिशयकर निर्मल ऐसो जो नेमिचंद्र सो विमलतर नेमिचंद्र कहिए । अथवा नयति कहिए यथार्थ पदार्थ ताकाँ जानैं ऐसा जु नेमि कहिए ज्ञान बहुरि विगत भया है मल कहिए अज्ञान जातैं सो विमल अतिशय कर विमल होइ सो विमलतर कहिए । विमलतर जो नेमि सो विमलतर नेमि सकल विमल केवलज्ञान जानना । तिह करि संयुक्त जो चंद्र कहिए आल्हादकारी सो विमलतर नेमिचंद्र कहिए । अथवा विमलतराः कहिए रत्नत्रयकर पवित्र भया है आत्मा जिनका ऐसे जु आचार्यादिक तेई भए नेमि कहिए नक्षत्र तिनका चंद्र कहिए जैसे नक्षत्रनिका स्वामी चंद्रमा है तैसे जो स्वामी सो विमलतर नेमिचंद्र कहिए । ऐसैं विमलतर नेमिचंद्र जो अंतका वर्द्धमान तीर्थकर देव वा चौबीस तीर्थकरनिका समुदाय ताहि नमों हों । कैसा है । त्रिभुवनचंद्र त्रिभुवन कहिए तीन लोकविपैं तिष्ठता विनयवान् तिनका चंद्रमावत् अज्ञान अंधकार नाश करैं हैं ऐसा है । बहुरि कैसा है ।

'बलगोविंद' इत्यादि, जंबूद्वीपका परिवर्तनरूप जो पराक्रम सामर्थ्य सो बल अथवा प्रती-द्रादिक देवनिका सैन्य सो बल वा अतिमनोहर रूप सो बल जाके पाइए ताकाँ बल कहिए । यहां

प्रासंगिक श्लोक “ बल ” इत्यादि है । याका अर्थ—शक्ति अर सैन्य अर स्थूलपनों अर रूप इनका नाम बल है सो यह बल शब्द नपुसंकलिगी है बहुरि बल वीर्य अर दैत्य अर काक्र अर बलवान् इनका नाम बल है । सो यह बल शब्द पुरुषकलिगी है सो यहां बलशब्द करि शक्ति सैन्य रूप—ए तीन अर्थ ग्रहे । बहुरि गां कहिए स्वर्ग ताहि विंदति कहिए पालै सो गोविंद देवनिका इंद्र जानना । बल अर सोई गोविंद सो बलगोविंद ताकी शिखामणिकी किरणनिका समूहकरि अरुण भए हैं चरणनिके नखनिका किरण जाकी ऐसा है । भावार्थ—भक्तिके समूहतैं नम्रीभूत भए इंद्रादिक समस्त देव तिनिकी मुकुटमणिकी किरणनिकी पंक्तिकरि रक्त किया है चरणके नखनिकी किरण जाकी ऐसे भगवंत हैं । अथवा अन्य अर्थ कहैं हैं । नमस्यामि कहिए नमौं हौं । कांहि ? विमलतरनेमिचंद्र पच्चीसमलरहित सम्यक्ततैं युक्त हैं वा विशुद्धज्ञानकरि पूर्ण है वा अतीचार रहत मनोज्ञ चारित्र करि पवित्र भया है तातैं विमलतर कहिए । विमलतर जो नेमिचंद्र नामा आचार्य सो विमलतर नेमिचंद्र कहिए ताहि नमौं हौं । ऐसैं चामुंडराय अपने गुरुकों नमस्कारपूर्वक इस शास्त्रकों प्रारंभै है । कैसा है । ‘ त्रिभुवनचंद्र ’ तीनलोकके जीवनकैं चंद्रमासमान धर्मरूपी अमृतके श्रवनेतैं चंद्रमा समान है । अथवा चंद्र सोनां तिह समान आदर करने योग्य है । बहुरि कैसा है । “ बल ” इत्यादि, बल कहिए बहत्तरि नियोगकी पृथक्तरूप पराक्रम वा हस्ती आदि सैन्य जाके पाइए ऐसा चामुंडराय बहुरि गां कहिए पृथ्वी ताहि विंदति कहिए पालै ऐसा गोविंद कहिए राचमहृदेव राजा इन दोउनिकी मुकुटमणिकी किरणनिका समूह करि लाल किया हैं चरणनिके नखनिकी किरण जाकी ऐसा है । ऐसैं प्रथमसूत्रका अर्थ जानना ॥ १ ॥

आगैं पहली दूसरी जो दोय गाथा तिनकरि किया जो जिन अर जिनबिंब अर जिनमंदिर-नकों नमस्कार तींहकरि अर्हत सिद्ध आचार्य बहुश्रुत साधु जिनवच जिनधर्म जिनबिंब जिनमंदिर—ए जो नवदेवता तिनकों नमस्कार करता संता इस ग्रंथविषै पांच अधिकार हैं ताकी सूचना करता संता गाथा कहै है;—

भवणव्यंतरजोइसविमाणरतिरियलोजिणभवणे ।

सव्वामरिंदणरवइसंपूजियवंदिए वंदे ॥ २ ॥

भवनव्यंतरज्योतिर्विमाननरतिर्यग्लोकजिनभवनानि ।

सर्वामरेंद्रनरपतिसंपूजितवंदितानि वंदे ॥ २ ॥

अर्थ—भवनवासीनिके भवन बहुरि व्यंतरनिके स्थान बहुरि ज्योतिष्कनिके विमान बहुरि मानुषोत्तरके अभ्यंतर मनुष्यलोक, बाह्य तिर्यचलोक इनविषै जे जिनभवन हैं सर्व देवेंद्र अर नरपति राजा तिनकरि पूजनीक हैं अर वंदनीक हैं तिनकों मैं वंदौं हौं । इस ही क्रमतैं इस ग्रंथविषै भवनवासी व्यंतर जोतिषी वैमानिक मनुष्य तिर्यच लोकका वर्णनरूप पांच अधिकार जानने । बहुरि पहले जो (भूमिकामें) मान आदिकका वा लोकादिकका वा नारकनिका वर्णन किया है सो प्रसंग पाइ किया है ॥ २ ॥

आगैं तिन जिनमंदिरनिका आधारभूत लोक सो कहां है ऐसी आशंका होत संतैं सूत्र कहैं हैं;—

सन्वागासमर्णतं तस्स य बहुमज्जदेसभागम्हि ।

लोगोसंखपदेसो जगसेद्विघणप्पमाणो हु ॥ ३ ॥

सर्वाकाशमनंतं तस्य च बहुमध्यदेशभागे ।

लोकोऽसंख्यप्रदेशो जगच्छ्रेणिघनप्रमाणो हि ॥ ३ ॥

अर्थ—सर्व आकाश अनंत प्रदेशी है ताका बहुमध्यप्रदेशभागे, वहवः कहिए अतिसयरूप वा रचनारूप असंख्याते जे आकाशके मध्यप्रदेश सोई भाग कहिए आकाशका खंड तिह विपै लोक है अथवा बहु कहिए आठ जे गऊका स्तनके आकारि आकाशके मध्यप्रदेश ते हैं मध्यदेशविपै जाके ऐसे खंडविपै लोक है । लोकके प्रदेश समरूप गिणती लिए हैं तातैं मध्यविपै एक प्रदेश होइ नाहीं तातैं दोय प्रदेश मध्य कहनें । अर लोक घनरूप हैं तातैं दोय प्रदेशनिका घनरूप क्षेत्र आठ प्रदेश प्रमाण होइ तातैं आठ हैं मध्यप्रदेश जाके ऐसा लोक कहा है । जैसें सौ हाथ चौडा सातसै हाथ लंबा चौदासै हाथ ऊंचा क्षेत्रविपै मध्यवर्ती आठ हाथ ही होय तैसें जानना । सो लोक असंख्यात प्रदेशी है सो आगे जाका स्वरूप कहिए हैं ऐसी जो जगच्छ्रेणी ताका जु घन तीह प्रमाण जानना ॥ ३ ॥

आगे लोकके स्वरूपका अन्यथा श्रद्धान दूरि करनेकौं कहैं हैं;—

लोगो अकृत्रिमो खलु अणाइणिहणो सहावणिव्वत्तो ।

जीवाजीवेहिं फुटो सन्वागासवयवो णिच्चो ॥ ४ ॥

लोकः अकृत्रिमः खलु अनादिनिघनः स्वभावनिर्वृत्तः ।

जीवाजीवैः स्फुटः सर्वाकाशावयवः नित्यः ॥ ४ ॥

अर्थ—लोकका तो अधिकार था ही वहुरि लोक शब्दका ग्रहण किया है सो लोककौं वारंवार कहि शून्यवादीके दूषनेके अर्थ लोक है ऐसा कहा है । इस विशेषण करि लोकका अभावकौं मानें है जो शून्यवादी ताका निराकरण किया । कैसा है लोक । अकृत्रिमः कहिए काहूकरि किया नाहीं है । इस विशेषण करि लोकका ईश्वरकौं कर्ता मानें है ताका निराकरण किया । वहुरि कैसा है । अनादिनिघनः कहिए आदि अंतकरि रहित है । इस विशेषण करि जो सृष्टि संहार मानै है ताका निराकरण किया । वहुरि कैसा है । स्वभावनिर्वृत्तः कहिए सहज स्वभावतें निष्पन्न है । इस विशेषण करि परमाणुनिकरि लोकका आरंभ हो है ऐसे माननेका निराकरण किया है । वहुरि कैसा है ? जीवाजीवैः स्फुटः कहिए जीव अजीव द्रव्यनिकरि भर्या है । इस विशेषणकरि मायामई लोककौं मानै है ताका निराकरण किया । वहुरि कैसा है । सर्वाकाशावयवः कहिए सर्व आकाशका अंग है । इस विशेषणकरि अलोकाकाशका अभाव मानें है ताका निराकरण किया । वहुरि कैसा है । नित्यः कहिए सास्वत है । इस विशेषणकरि लोककौं क्षणिक मानें ऐसा क्षणकमतका निराकरण किया । इतना कथनकरि लोक्यते कहिए जाविपै पट्द्रव्य देखिए सो लोक ऐसैं पट् द्रव्यका समुदायकौं लोकपना कहा है ॥ ४ ॥

आगे तिस पट् द्रव्यका समुदायका आधारभूत आकाशके लोकपना कहिए हैं;—

धम्माधम्मागासा गदिरागदि जीवपोग्गलाणं च ।

जावत्तावल्लोगो आयासमदो परमणंतं ॥ ५ ॥

धर्माधर्माकाशा गतिरागतिः जीवपुद्गल्योः च ।

यावत्तावल्लोक आकाशं अतः परमनंतम् ॥ ५ ॥

अर्थ—धर्मद्रव्य अधर्मद्रव्य आकाशद्रव्य अर जीव पुद्गलनिका गमनागमन अर चकारतें कालाणू जे ते आकाशकों अभिव्यापक होइ वैं तितनें आकाशकों लोक कहिए, याके परें अलोकाकाश है सो अनंत है संख्यातादिरूप नाहीं है ॥ ५ ॥

आगैं अन्यवादीनिकारि कल्पना किया हुवा लोकका आकार ताके निराकरण करनेकों कहैं हैं;—

उन्विभयदलेक्कमुरवद्धयसंचयसण्णिहो हवे लो गो ।

अद्धदयो मुरवसमो चोद्दसरज्जूदो सव्वो ॥ ६ ॥

उद्धूतदलैकमुरजध्वजसंचयसन्निभो भवेत् लोकः ।

अर्धोदयः मुरजसमः चतुर्दशरज्जूदयः सर्वः ॥ ६ ॥

अर्थ—ऊभी करी हुई आधी मृदंग सहित ऐसा ज्योड मृदंगके आकारि लोक है। कोऊ जानैगा जैसे मृदंग वीचिमं सून्य है तैसें लोक भी शून्य होगा तहां कहैं हैं कि ध्वजानिका जु समूह ताके समान मध्यविषैं भरितावस्था लिं लोक है। तहां अर्धमृदंगका उदयसमान अधोलोक अर एक मृदंगका उदयसमान ऊर्ध्वलोक मिलि सब लोक चौदह राजू ऊंचा जानना ॥ ६ ॥

आगैं प्रसंग पाइ राजूके स्वरूपकी प्रतीतिके अर्थ सूत्र कहैं हैं;—

जगसेदिसत्तभागो रज्जू सेढीवि पल्लछेदाणं ।

होदि असंखेज्जदिमप्पमाणविंदंगुलाण हदी ॥ ७ ॥

जगच्छेणिसत्तमभागः रज्जुः श्रेणिरपि पल्यच्छेदानाम् ।

भवति असंख्येयप्रमाणवृंदांगुलानां हतिः ॥ ७ ॥

अर्थ—अंकसंदष्टि दिखावनेके द्वारि गाथाका अर्थ वर्णिए हैं। जगच्छेणीका सातवां भाग प्रमाण रज्जु है। ऐसे अंकसंदष्टिकर जैसें जगच्छेणीका प्रमाण वादालकारि गुण्या हुवा एकही प्रमाण ताकों सातका भागदिएं एक भाग प्रमाण रज्जु होइ १८=४२=६ बहुरि जगच्छेणी कहा सो कहिए हैं। पल्यके जेते अर्धच्छेद हैं तिनकों असंख्यातका भाग दिएं एक भागविषैं जो प्रमाण आवै तितनें घनांगुल मांडि तिनकों परस्पर गुणें जगच्छेणी हो है। अंक संदष्टिकरि जैसें पल्यका प्रमाण सोलह ताके अर्धच्छेद चारि ताकों असंख्यातकी सहनानी दोय ताका भाग दिएं पाया दोय तहां घनांगुलका प्रमाण पण्ठी करि गुण्या हुवा वादाल प्रमाण इनकों दोय जायगा मांडि परस्पर गुणें वादालकारि गुणित एकही प्रमाण जगच्छेणी हो है ॥ ७ ॥

आगैं घनांगुलका स्वरूपकी प्रतीतिके अर्थ कहैं हैं;—

पल्लच्छिदिमेत्तपल्लाणण्णोणहदीए अंगुलं सूई ।

तव्वग्गघणा कमसो पदरघणंगुल समक्खादो ॥ ८ ॥

पत्यच्छेदमात्रपल्यानामन्योन्यहत्या अंगुलं सूची ।

तद्वर्गवनौ क्रमशः प्रतरवनांगुले समाख्याते ॥ ८ ॥ -

अर्थ—पत्यके जेते अर्धच्छेद होंहि तिनतें पत्य मांडि तिनकों परस्पर गुणें सूच्यंगुल हो है । जैसे पत्यका प्रमाण सोलह ताके अर्धच्छेद चारि सो चारि जायगा सोळा सोळा मांडि इनकों परस्पर गुणें ६५५३६ होइ सोई सूच्यंगुलका प्रमाण जानना । वहुरि सूच्यंगुलका जो वर्ग सो प्रतरांगुल जानना । जैसे पण्णट्टीका वर्ग वादाळ होइ सो प्रतरांगुल है । वहुरि सूच्यंगुलका घन घनांगुल जानना । जैसे पण्णट्टीका घन है सो पण्णट्टी करि गुणा हुवा जो वादाळ तिह प्रमाण हो है सो घनांगुल होय । ऐसें क्रमतें कहें हैं । इहां एकट्टी आदिक वा अर्धच्छेद आदि जे कहे हैं तिनका स्वरूप आगे कहिएगा सो जानना ॥ ८ ॥

आगें मानकीं प्रतीतिके अर्थ प्रक्रिया कहें हैं;—

माणं द्विविधं लोकिगं लोकोत्तरमेत्थं लोकिगं छद्धा ।

माणुम्माणामाणं गणिपडित्तप्पडिपमाणमिदि ॥ ९ ॥

मानं द्विविधं लौकिकं लोकोत्तरमत्र लौकिकं पोढा ।

मानोन्मानावमानं गणिप्रतितत्प्रतिप्रमाणमिति ॥ ९ ॥

अर्थ—मान दोय प्रकार है लौकिक मान अर लोकोत्तरमान । इहां लौकिकमान छह प्रकार है—मान, उन्मान, अवमान, गणिमान, प्रतिमान, तत्प्रतिमान, ऐसें जानना ॥ ९ ॥

आगें इन छहानिकी दृष्टांतपूर्वक उतपत्ति कहें हैं;—

पत्थतुलचुलयएगप्पहुदी गुंजातुरंगमोळादी ।

दब्बं खित्तं कालो भावो लोकोत्तरं चतुथा ॥ १० ॥

प्रस्थतुलाचुलकैकप्रभृति गुंजातुरंगमूल्यादि ।

द्रव्यं क्षेत्रं कालो भावो लोकोत्तरं चतुर्था ॥ १० ॥

अर्थ—प्रस्थ जो माणी इत्यादिककीं मान कहिए जैसे पाई माणी इत्यादिक करि अन्नादिकका प्रमाण करिए । वहुरि तुला जो ताखड़ी इत्यादिककीं उन्मान कहिए । जैसे ताखड़ीकरि तौलि प्रमाण करिए । चुलुक जो चट्ट इत्यादिककीं अवमान कहिए, जैसे चट्ट प्रमाण जल है इत्यादिक कहिए । वहुरि एक इत्यादिककीं गणिमान कहिए, जैसे एक दोय तीन आदि गणना करि प्रमाण करिए । वहुरि गुंजा जो चिरमटी इत्यादिककीं प्रतिमान कहिए, जैसे रत्ती मासा इत्यादि प्रमाण करिए । वहुरि तुरंगमोळि जो घोडेका मोल इत्यादिककीं तत्प्रतिमान कहिए, जैसे अवयवादिक देखि घोडेका मोल करिए । ऐसें लौकिकमान जानना ॥ वहुरिलोकोत्तरमानके भेद अब कहिए हैं । द्रव्य क्षेत्रं काल भाव—ऐसें लोकोत्तरमान चारि प्रकार है ॥ १० ॥

आगें तिन चारोंकी क्रमतें जघन्य उक्तृष्टकी प्रतीतिके अर्थ चारि गाथा कहें हैं;—

परमाणु संयलदब्बं एगपदेसो य सव्वमागासं ।

इगिसमय सव्वकालो सुहुमणिगोदेसु पुण्णेसु ॥ ११ ॥

परमाणुः सकलद्रव्यं एकप्रदेशः च सर्वमाकाशान् ।

एकसमयः सर्वकालः सूक्ष्मनिगोदेषु अपूर्णेषु ॥ ११ ॥

अर्थ—द्रव्यमानविषै जवन्य एक परमाणु उच्छ्रष्ट सर्व द्रव्यसमूह, क्षेत्रनानविषै जवन्य एक प्रदेश उच्छ्रष्ट सर्व आकास, कालमानविषै जवन्य एकसमय उच्छ्रष्ट सर्वकाल, भावमानविषै जवन्य सूक्ष्मनिगोदिया लब्धिव्यपयार्थककै पर्यायनामा ज्ञान जानना ॥ ११ ॥

णाणं जिणेषु य क्रमा अवरवरं मज्झिमं अणेषुविहं ।

द्व्वं दुविहं संखा उवमपमा उवम अट्टविहं ॥ १२ ॥

ज्ञानं जिनेषु च क्रमात् अवरं वरं मध्यमं अनेकविधम् ।

द्रव्यं द्विविधं संख्या उपमाप्रमा उपमनद्यविधम् ॥ १२ ॥

अर्थ—बहुिर उच्छ्रष्ट भावनान जिनेद्रविषै केवलज्ञान—ऐसे क्रमते जवन्य उच्छ्रष्टनान हैं । बहुिर मध्यममान अनेक प्रकार है, तहां भी द्रव्यमान दोय प्रकार है—संख्याप्रमाण, उपमाप्रमाण । तहां उपमाप्रमाण आठ प्रकार है । योरा कहना होय सो पहले कहिए इस न्यायकार जैसे क्रमते नान कहा था तैसे स्वरूपवर्णनविषै अनुज्ञान छोड़ि उपमाप्रमाणक भेद कहिए हैं । जो उपमा आठ प्रकार है ॥ १२ ॥

बहुिर कारणस्वरूप पहले जानै कार्यका स्वरूप जानिए इस न्यायकार उपमाको नौ छाँडे हैं—

तं उवरि भणिस्तामो संखेज्जमसंखणंतमिदि तिविहं ।

संखंतिल्लुदु तिविहं परित्तजुत्तंति दुगवारं ॥ १३ ॥

तां उपरि भणिष्यामः संख्येयं अनंत्यं अनंतमिति त्रिविधम् ।

संख्यं अंतिमद्विकं त्रिविधं परीतं युक्तं इति द्विकवारम् ॥ १३ ॥

अर्थ—तिस उपमा प्रमाणको आगे कहेंगे बहुिर अवशेष भेद कहिए हैं—संख्यात, असंख्यात, अनंत ऐसे तीन प्रकार संख्यामान है । तहां अंतका दोय जो असंख्यात अर अनंत सो तीन प्रकार है—परीत, युक्त, द्विकवार । भाचार्य—संख्यात तौ एकप्रकार ही है बहुिर असंख्यात तीन प्रकार है—परीतासंख्यात, युक्तासंख्यात, असंख्यातासंख्यात । बहुिर अनंत हू तीन प्रकार है—परीतानंत, युक्तानंत, अनंतानंत । ऐसे सात भेद भए ॥ १३ ॥

ते अवर मज्झ जेट्ठं तिविहा संखेज्जजाणणणिमित्तं ।

अणवत्य सलागा पडिमहासला चारि कुंडाणि ॥ १४ ॥

तानि अवरं मध्यं ज्येष्ठं त्रिविधा संख्येयज्ञाननिमित्तम् ।

अनवस्था शलाका प्रतिमहाशला चत्वारि कुंडानि ॥ १४ ॥

अर्थ—ते सातों ही स्थान जवन्य मध्यम उच्छ्रष्ट भेद करि तीन तीन प्रकार हैं । ऐसे इक-वीस भेद भए । तहां संख्यात ज्ञानके अर्थ अनवस्था, शलाका, प्रतिशलाका, महाशलाका ऐसे चारि कुंड कहना करि जानने ॥ १४ ॥

आगे इन चारों कुंडनिका व्यासादिककी प्रतीतिके अर्थ कहे हैं;—

जोयणलकवं वासो सहस्समुस्सेहमेत्थ सब्वेसि ।

दुप्पहुदिसरिसवेहि अणवत्था पूरयेदच्चा ॥ १५ ॥

योजनलक्षं व्यासः सहस्रमुत्सेधः अत्र सर्वेषाम् ।

द्विप्रभृतिसर्पपैः अनवस्था पूरयितव्या ॥ १५ ॥

अर्थ—लाख योजन प्रमाण व्यास अर हजार योजन प्रमाण उत्सेध तिन कुंडनिका जानना । कुंड गोल हैं । तहां वीचितें चौडाईका नाम व्यास है, उंडाईका नाम उत्सेध है बहुरि तिन कुंडनविपै दौय आदि जे सरसों तिनकारि अनवस्था नामा कुंड भरणा ॥ १५ ॥

दौय आदि सरसों कहे सो कहा इस संदेहको दूरि करता संता सूत्र कहे हैं;—

एयादीया गणणा वीयादीया हवंति संखेज्जा ।

तीयादीणं णियमा कदित्ति सण्णा मुणेदच्चा ॥ १६ ॥

एकादिका गणना द्वयादिकाः भवंति संख्याताः ।

त्रयादीनां नियमात् कृतिरिति संज्ञा मंतव्या ॥ १६ ॥

अर्थ—एककों आदि दैकरि तौ गणना है गिनती एकतैं लगाय करिए हैं । बहुरि दौयकों आदि दैकरि संख्यात हैं, जघन्य संख्यातका प्रमाण दौय है । बहुरि तीन आदिकनिकी कृति ऐसी संज्ञा नियमकरि है । जाकी कृतिविपै वर्गमूलकों घटाय अवशेष रहै ताका वर्ग किए वधै सो कृति कहिए, जैसें तीन विपै संभवता वर्गमूल एककों, घटाएं अवशेष दौय रहै ताका वर्ग कीएं च्यारि होय ऐसें वृद्धिकों पावै । बहुरि एक अर दौयविपै कृतिका लक्षण न संभवै है । तहां एककै तो कृतिपणों संभवै ही नाहीं जातैं एकमें एक घटाएं शून्य होइ जाइ । बहुरि दौयकैं अवक्तव्य कृति पणों है जातैं दौयमें संभवता वर्गमूल घटाएं एक अवशेष रहै ताका वर्ग कीएं एक ही होय किछू वधै नांही । तातैं तीन आदिक विपै ही कृतिका लक्षण संभवनेतैं कृति पणों कह्यौ ॥ १६ ॥

आगे कहा जो लक्षयोजन व्यासकों लीएं कुंड ताका समस्त क्षेत्रफल जाननेकों कहे हैं;—

वासो तिगुणो परिही वासचउत्थाहदो दु खेत्तफलं ।

खेत्तफलं वेहगुणं खादफलं होइ सव्वत्थ ॥ १७ ॥

व्यासत्रिगुणः परिधिः व्यासचतुर्थाहतस्तु क्षेत्रफलम् ।

क्षेत्रफलं वेधगुणं खातफलं भवति सर्वत्र ॥ १७ ॥

अर्थ—व्यासके प्रमाणकों तिगुणा कीएं परिधिका प्रमाण होइ, गोलक्षेत्रका गिरदका जो प्रमाण सो परिधि कहिए । सो इहां लक्ष योजनका व्यास है ताकों तिगुणा कीएं तीन लाख योजन परिधिका प्रमाण भया । बहुरि व्यासकी जु चौथाई ताकरि परिधिकों गुणें क्षेत्रफल होई । सो इहां व्यासकी चौथाई लाख योजनकों गुणें क्षेत्रफल होई । एक एक योजनका लंबा चौड़ा खंड कीएं इतने होंहि । बहुरि क्षेत्रफलकों वेध जो उंडाईका प्रमाण ताकरि गुणें खातफल हो है । सर्वत्र ऐसा विधान जानना । सो इहां कहा जो क्षेत्रफल ताकों हजार योजन उंडाई करि गुणे खातफल होई । एक एक योजनका लंबा चौड़ा ओंढा खंड कीएं इतनें होंहि सो खातफल इतना भया ३ ल

ल x x १००० यो । इहां तीन लक्षकी सहनानी ऐसी ३ ल, लक्षकी चौथाईकी ऐसी ३ ल, हजारकी ऐसी १००० इनकी चौथाईतै परिधिकीं गुणें क्षेत्रफल कक्षा सो ताका विधान-रूप वासनका वर्णन संस्कृत टीकातै जानना ॥ १७ ॥

आगें स्थूल खातफलविषै जे प्रमाण योजन कहे तिनका व्यवहार योजन करता संता सूत्र कहै है;—

धूलफलं व्यवहारं ज्योयणमपि सरिसवं च कादृच्वं ।
चलरस्सरिसवा ते णवसोडस भाजिदा वट्टं ॥ १८ ॥

स्थूलफलं व्यवहारं योजनमपि सर्पपथ कर्तव्यः ।

चतुरस्रसर्पपास्ते नवषोडश भाजिता वृत्तम् ॥ १८ ॥

अर्थ—तारतम्य विना स्थूलपनै करि जो क्षेत्रफल होइ सो स्थूलफल कहिए । सूक्ष्म परिधिकरि सूक्ष्म क्षेत्रफल हो है सो ताका विधान आगें वर्णन होईगा । इहां स्थूल क्षेत्रफलकी अपेक्षा ही वर्णन है सो इहां स्थूल क्षेत्रफलविषै प्रमाण योजन इतने हैं—३ ल ३, १०००। तहां एक प्रमाणयोजनके पांचसै व्यवहार योजन होइ तौ इतने योजननिका कितने व्यवहार योजन होइ ऐसै त्रैराशिक विधिकरि इनके व्यवहार योजन करनै । तहां अंगुल तीन प्रकार है—उत्सेधांगुल, प्रमाणांगुल, आत्मांगुल । तहां उत्सेधांगुलतै जहां योजनका प्रमाण होइ सो व्यवहार योजन जानना, बहुरि प्रमाणांगुलतै योजनका प्रमाण होय सो प्रमाणयोजन जानना । सो उत्सेधांगुलतै प्रमाणांगुल पांचसै गुणा है तातै योजनविषै भी पांचसै हांका गुणकार कक्षा । बहुरि अपि शब्दतै त्रैराशिक-विधिकरि ही एक योजनके च्यारिकोश, एक कोशके दोय हजार धनुष, एक धनुषके च्यारि हाथ, एक हाथका अंगुल चौबीस १, ४, २०००, ४, २४, इनकी परस्पर गुणें एक योजनके सात लाख अडसठि हजार अंगुल भए, ते करनै । बहुरि एक अंगुलका आठ यव, एक यवका आठ सरसौं करनै सो धनराशिके गुणकार वा भागहार धनरूप ही होइ, जैसे एक हाथ लंबा चौडा क्षेत्र होई ताकी अंगुल करिए तत्र एक हाथकी चौईस अंगुल । सो इहां चौईसका धनकीएं जो प्रमाण होइ तितना एक अंगुल लंबा चौडा जंडा खंड होइ तैसै इहां भी जो ए गुणकाररूप राशि कक्षा तिनका धन करना सो धन करनेके अर्थ तीन तीन जायगा मांडि परस्पर गुणन करना । तहां क्षेत्रफल ऐसा ३ ल । ३ । १००० याके गुणकार ऐसे ५००, ५००, ५०००, ७६८०००, ७६८०००, ७६८०००, ८, ८, ८, ८, ८, ८, इनकी परस्पर गुणें चौकोर सरसौंका प्रमाण होइ, इनकी नवका सोलहां भाग ३६ दिएं वृत्त जो गोल सरसौंका प्रमाण होइ । सो “ हारस्य हारो गुणकोशराशेः ” इत वचनतै भागहारका भागहार सो राशिका गुणकार होइ । जैसे हजारकी सौका चौथा भागका भाग दैना होइ तहां हजारकी च्यारिकरि गुणिए अर सौका भाग दीजिए सो इहां नवका सोलहां भागका भाग है सो पूर्वोक्त राशिकी सोला गुणांकरि नवका भाग दैना तातै सोला भी गुणकार ही भया । ऐसै करतै सर्व गुण्य गुणकार ऐसा भया ३०००००, १०००००, १०००, ५००, ५००, ५००, ७६८०००, ७६८०००, ७६८०००, ८, ८, ८, ८, ८, ८,

१६ इनकी परस्पर गुणनां अर याके नीचे चारिका अर नवका भागहार देना ४, ९। तहां गुणाकारके अंकनिर्विषे जहां आठका अंक था तहां दोगकरि विरलन करि आठकी जायगा तीन दूवा मांडिए २, २, २, जाते इनकी परस्पर गुणें भी आठ ही हो है। बहुरि इनि तीनों दूवानिकरि तीन जायगा पांचसै माड्या था तिनकी गुणें तीन जायगा हजार हजार हुवा, हर एक आठका गुणाकारका लोप हुवा तव ऐसा हुवा ३०००००, १०००००, १०००, १०००, १०००, ७६८०००, ७६८०००, ७६८०००, ८, ८, ८, ८, ८, १६। बहुरि इन विषे जे इकतीस विंदी हैं तिनकी तौ जुदी काटिए अर एकका गुणकारते किछू वधे नाहीं ताते एक जहां होइ ताका लोप करिए तव ऐसा होइ ३, ७६८, ७६८, ७६८, ८, ८, ८, ८, ८, १६, विंदी ३१। बहुरि इन विषे एक आठका अंककी दोगकरि फेरि विरलन करि तहां जे तीन दूवा भए तिन करि आठका जे तीन अंक तिनकी गुणें आठका अंककी तीन जायगा सोलह सोलहका अंक होइ अर एक आठका अंकका लोप होइ अर एक सोलहका अंक गुणकारविषे था ही। ऐसे चारि जायगा सोलहके अंक भए १६, १६, १६, १६। इनकी परस्पर गुणें पण्टी होइ। पैंसठि हजार पांचसै छत्तीसकी पण्टी कहिए हैं। तव ऐसा भया ३, ७६८, ७६८, ८, ६५५३६, विंदी ३१। बहुरि तीन जायगा सातसै अडसठिका अंक था तिनकी जायगा दोगसै छप्पन अर तीनका अंक करना, जाते दोगसै छप्पनकी तीन करि गुणें सातसै अडसठि होइ। बहुरि तीन जायगा दोगसै छप्पन लिखे तिन विषे दोग जायगाके दोगसै छप्पनकी परस्पर गुणें पण्टी होइ अर एक आगे पण्टी थी, इन दोलनकी परस्पर गुणें वादाल होइ। चारिसै गुणतीस कोडि गुणचास लाख सतसठि हजार दोगसै छिनवैकी वादाल कहिए। ताकी सहनानी ऐसी ४२=। ऐसे करते ऐसा भया ३, २५६, ३, ३, ३, ८, ४२=, विंदी ३१। बहुरि दोग जायगा तीनका अंक है तिनकी परस्परगुणें नव होइ। बहुरि एक जायगा आठका अंक है ताकी भागहारविषे चारिका अंक था तीहकरि अपवर्तन कीए आठ की जायगा दोगका अंक भया तीहकरि नवकी गुणें अठार भए, तव ऐसा २५६, ३, ३, १८ ४२=, ३१ विंदी। बहुरि दोग जायगा तीनका अंक है तिनकी परस्पर गुणें नव भए, ताकी भागहारविषे नवका अंक था ताकरि अपवर्तन कीए लोप भया। ऐसे करते ऐसा भया ४२=, २५६, १८, विंदी ३१। या प्रकार वादालकी दोगसै छप्पन अर अठारहकरि गुणि आगे इकतीस विंदी दीजिए। इतना सर्वे गोल सरसौनिकरि सो कुंड भरिए हैं ॥ १८ ॥

आगे नवका सोलहवां भागका भाग दीएं गोल होइ इसका वासनारूप निपज्या खातफलकी कहैं हैं;—

वासद्धघणं दलियं णवगुणियं गोलयस्स घणगणियं ।

सव्वेसिपि घणाणं फलत्तिभागप्पिया सूई ॥ १९ ॥

व्यासार्द्धघनः दलितः नवगुणितः गोलकस्य घनगणितम् ।

सर्वेषामपि घनानां फलत्रिभागात्मिका सूची ॥ १९ ॥

अर्थ—जितना व्यास होइ ताके आधाका घन करिए बहुरि ताकी आधा करिये। बहुरि नव करि गुणिए ऐसे करते गोल वस्तुका घनफल होइ। तहां विवक्षित व्यास एक ताका आधाका

घन ($\frac{1}{3} \frac{1}{3} \frac{1}{3}$) कीएं एकका आठवां भाग भया याकों आधा किए एकका सोलहवां भाग भया, याकों नवगुणा कीएं नवका सोलहवां भाग भया। ऐसैं करि नवका सोलहवां भागका भाग चौकोरको दीएं गोल वस्तुका घनरूप फल जाननां। बहुरि सर्वही घनक्षेत्रनिका फलकै तासैं भाग प्रमाण सूचीफल हो है। इहां सूचीफल नाम शिखाफलका जाननां। पृथ्वीकै उपरि भीति इत्यादिकका सहारा बिना आकाश विषै अन्नादिकका जो राशि करिए अथवा खाडा इत्यादिक भरि करि तहां पीछें ताकै उपरि जो आकाश विषै अन्नादिकका राशि करिए सो राशि जितने आकाशको रोकै तिसका नाम सूचीक्षेत्र वा शिखाक्षेत्र कहिए। ताका घनरूप क्षेत्र कहिए। ताका घनरूप क्षेत्रफलका प्रमाण करना सो सूचीफल वा शिखाफल कहिए। बहुरि नवका सोलहवां भागका भाग दीएं गाले कैसैं होइ ताकी वासनाका विधान संस्कृत टीकातैं जानना। बहुरि तहां नवका सोलहवां भाग प्रमाण चौकोर सरसौका एक गोल सरसौं भए पूर्वोक्त प्रमाण चौकोर सरसौनिका कितनां गोल सरसौं होइ ऐसैं त्रैराशिक विधान करि नवका सोलहवां भागका भाग दीया है। बहुरि त्रिभुज क्षेत्र चतुर्भुज क्षेत्र वृत्तक्षेत्र इनका 'मुह भूमी जोगदले' इत्यादि सूत्र करि। बहुरि 'भुज कोटि' इत्यादि सूत्र करि। बहुरि 'वासो तिगुणो परिही' इत्यादि सूत्रकरि अनुक्रमतैं क्षेत्रफलको अणाइ ताकी तीनका भाग दीएं जो जो प्रमाण आवैं सो सो तिस तिस क्षेत्रका सूचीफल जानना। जातैं क्षेत्रफल तौ उचाई विषै समानता अपेक्षा भया। इहां सूचीफल विषै उचाई क्रमहीन तीखी हैं। तातैं तासैं भागि सूचीफल कहा है ॥ १९ ॥

आगैं तिस कुंडका स्थूल क्षेत्रफलविषै जैते सरसौं माए तिस राशिकों कहै हैं:—

वादाळ सोलसकदिसंगुणितं दुगुणणवसमम्भत्यं ।

इगितीससुण्णसहियं सरिसवमाणं हवे पढमे ॥ २० ॥

वादाळ षोडशकृतिसंगुणितं द्विगुणनत्रसमन्यस्तन् ।

एकत्रिंशत्शून्यसहितं सर्पपमानं भवेत् प्रथमे ॥ २० ॥

अर्थ—वादाळ १२=कोँ सोलहका वर्ग दोयसैं छप्पन तीहकारि गुणिए बहुरि ताकीं दूणा नव अठारह तीह करि गुणिए बहुरि आगैं इकतीस विदी करि संयुक्त करिए। इतनां सरसौनिका प्रमाण प्रथम कुंड विषै हो है। सो वर्णन पूर्वें कीया ही था। ॥ २० ॥

आगैं ऐसैं कीएं कहा प्रमाण होइ सो कहै हैं:—

विधुणिधिणगणवरविणभणिधिणयणवलद्धिणिधिखराहत्थी ।

इगितीससुण्णसहिया जंवूए लब्धसिद्धत्था ॥ २१ ॥

विधुनिधिनगनवरविनभोनिधिनयनत्रलद्धिनिधिखरहस्तिनः ।

एकत्रिंशच्छून्यसहिताः जंबौ लब्धसिद्धार्थाः ॥ २१ ॥

अर्थ—यहां पदार्थनिके नामतैं तिन पदार्थनिका जो संख्या तिस संख्यारूप अंकका ग्रहण करना। सो विधु जो चंद्रमा सो एक बहुरि निधि नव बहुरि नग जो पर्वत सो सात बहुरि नवका अंक बहुरि रवि जो सूर्य सो राशि अपेक्षा वारह बहुरि नभ शून्य बहुरि निधि नव बहुरि नयन

द्वितीये प्रथमं कुंडं गच्छः तृतीये तु प्रथमद्वितीयद्विकम् ।

इति सर्वपूर्वगच्छाः तैः तैः सर्पपाः साध्याः ॥ ३१ ॥

अर्थ—दूसरा कुंड विषै माए हूए सरसौनिका प्रमाण ल्यावनैकै अर्थि पहला अनवस्था कुंड विषै जेते सरसौ भरे गए तीह प्रमाण गछ जाननां । बहुरि तीसरा कुंड विषै सरसौनिका प्रमाण ल्यावनैकै अर्थि पहला दूसरा अनवस्था कुंड विषै जेते सरसौ भरे गए तीह प्रमाण गछ जाननां । ऐसैही चौथा आदि अनवस्था कुंडनि विषै सरसौनिका प्रमाण ल्यावनैकै अर्थि सर्व पहला पहला प्रथम द्वितीय तृतीयादि अनवस्था कुंडनि विषै जेते जेते सरसौ भरे गए तीह प्रमाण गछ जाननां । बहुरि तिन गछनिका प्रमाण करि सरसौका प्रमाण साधनां । तीह तीह गछका प्रमाणकौं ग्रहि करि आगै कहिएगा जो 'रूजणाहियपद' इत्यादि करण सूत्र तीह करि सूची व्यासका प्रमाणकौं ल्याइ तिनका सूची व्यासका प्रमाणकौं ल्याइ तिनका सूची व्यास प्रमाण तिन द्वितीयादि कुंडनिका व्यासका प्रमाण जानि । बहुरि पीछै 'वासो तिगुणो परिही' इत्यादि पूर्वै करण सूत्र कहे तिन करि तिस तिस कुंड विषै सरसौनिका प्रमाण शिखासहित साधनां । इहां सन्मुख दोऊ तटनि विषै वीचिका जेता अंतराल ताका नाम सूचीव्यास जाननां ॥ ३१ ॥

आगै तिस कीया हूवा दूसरा अनवस्था कुंडकौं भरे कहा हो है सो कहै हैं;—

विदिए वारे पुणं अणवट्टिमिदि सलागकुंडमिह ।

पुणरपि णिक्खविदव्वा अवरेगा सरिसवाण सला ॥ ३२ ॥

द्वितीये वारे पूर्ण अनवस्थितमिति शलाकाकुंडे ।

पुनरपि निक्षेप्तव्या अवरेका सर्पपाणां शलाका ॥ ३२ ॥

अर्थ—दूसरी वार किया जो अनवस्थित कुंड सो तिन सरसौहीनि करि पूर्ण कीया तब शलाका कुंड विषै और एक दूसरी सरसौ नांखणी ॥ ३२ ॥

आगै ऐसै कीए भी कहा सो कहै हैं:—

एवं सलागभरणे रूवं णिक्खिवदु पडिसलागमिह ।

रिक्तीकदेवि भरिदे अवरेगं पडिसलागमिह ॥ ३३ ॥

एवं शलाकाभरणे रूपं निक्षिपतु प्रतिशलाकायाम् ।

रिक्तीकृतेपि भृते अपरैकं प्रतिशलाकायाम् ३३ ॥

अर्थ—ऐसैही वधता वधता व्यासकै लिए हजार योजनके उंडे, अनवस्था कुंड एक एक करि भरिए । तब एक एक सरसौ शलाका कुंड विषै नांखते जाईए । तहां अनवस्था कुंडके सरसौनिका ग्रहण करि जिस द्वीप वा समुद्रकी सूचीव्यास समान अनवस्था कुंड कीया तिस द्वीप वा समुद्रतै अगले द्वीप वा समुद्रनि विषै एक एक सरसौ गेरते जाईए जहां समाप्त होइ तहां तै ल्गाय जंबूद्वीपपर्यंत सर्व द्वीप समुद्रनिकै समान नवीन अनवस्था कुंड करि भरिए एक सरसौ शलाका कुंड विषै गेरिए बहुरि पूर्वोक्त प्रकारही कार्य करनां । ऐसैही करतै करतै पहला अनवस्था कुंड विषै जेता सरसौनिका प्रमाण कहा था तितनै अनवस्था कुंड भए शलाका कुंड भरे तब एक सरसौ

प्रतिशालका कुंड विधे गेरिए । बहुरि तित्त शलाका कुंडकों रीता करि पूर्वोक्त प्रकार करि ही वप्रता
वप्रता व्यासकों लोएं अनवस्था कुंड करि करि भरिए तत्र एक सरसौं शलाका कुंड विधे गेरिए ।
ऐसैं करतैं करतैं दूसरी बार नी शलाका कुंड भरै तत्र एक सरसौं और प्रतिशालका कुंड विधे निरे-
पण करनां । ऐसैंही एक एक बार शलाकाकुंडकों रीता करि करि भरिए तत्र तत्र एक एक सरसौं
प्रतिशालकाकुंड विधे नांखते जाईए ॥ ३३ ॥

बागैं ऐसैं भरै नी कहा तो कहैं हैं:—

एवं सावि य पुष्पा एगं णिकिखव महासलागमिह ।

एसावि कमा भरिदा चत्तारि भरति तक्काले ॥ ३४ ॥

एवं सापि च पूर्णा एकं निदिप महाशलाकायान् ।

एसापि क्रमाकृता चत्तारि त्रियंते तक्काले ॥ ३४ ॥

अर्थ—ऐसैंहां क्रमतैं पहला अनवस्था कुंड विधे जेतै सरसौं भरै गर दे तित्त प्रमाणका
वर्गकै समान अनवस्था कुंड भरें प्रतिशालका कुंड नी भन्या जाय तत्र एक सरसौं महाशलाका नामा
कुंड विधे नांखिए । बहुरि तित्त प्रतिशालका कुंडकों भरि ताकारि पूर्वोक्त प्रकार अनवस्था कुंडनिके
भरणे करि तो शलाका कुंडकों जर शलाका कुंडनिके भरणे करि प्रतिशालका कुंडकों एक एक बार
भरि एक एक सरसौं महाशलाका कुंड विधे गेरते जाईए । ऐसैं करतैं जत्र महाशलाका कुंड भां
भन्या जाय तीह काल विधे च्यार्यौ ही कुंड भरिये है । पहला अनवस्था कुंड विधे जेतै सरसौं नरे
गर थे तित्त प्रमाणका जु धन ताकै समान अनवस्था कुंड भर महाशलाका कुंडका भरप हो
है । सो ए सर्व अनवस्थाकुंड वप्रता वप्रता व्यास प्रमाणकों लोएं हैं । जातैं अनवस्था कुंडके सरसौं
ग्रहण करि अगले अगले द्वीप वा समुद्र विधे एक एक सरसौं दीए जित्त द्वीप वा समुद्र विधे ते
सरसौं समाप्त होइ तित्त ही द्वीप वा समुद्रका सूचां व्यासकै समान नवान कांया हूवा अनवस्था-
कुंडका व्यास हो हैं । यातैं ही याका नाम अनवस्थित कुंड है । उंडाई सर्व कुंडनिकां हजार योजन
हीकां जाननी ॥ ३४ ॥

बागैं इतनैं भरतैं करि कहा तो कहैं हैं:—

चरिमणवट्टिकुंडे सिद्धस्था जेतिया पमाणं तं ।

अवरपरीतमसंखं रुज्जणे जेट्ट संखेज्जं ॥ ३५ ॥

चरानस्थितकुंडे सिद्धार्थाः दावन्ति प्रमाणं तत् ।

अवरपरीतमसंख्यं रूपाने ज्येष्ठं संख्येयन् ॥ ३५ ॥

अर्थ—तहां अंतका जो अनवस्थित कुंड तीह विधे जेतै प्रमाणकों धरै सिद्धार्थाः कहिये
सिद्धा सहित सरसौं नरे गर तांह प्रमाण जघन्य परीतासंख्यात जाननां । यानैं रूप कहिए येक
बटाएं उत्कृष्ट संख्यात जाननां ॥ ३५ ॥

बागैं इसर्हाकां धरि असंख्यात अनंतका उत्पत्तिको नेद वा भेदनिके नेद तिनकां सोल्ह
गाथानि करि कहैं हैं:—

अवरपरित्तस्सुवरिं एगादीवद्धिदे हवे मज्झं ।
 अवरपरित्तं विरलिय तमेव दादूण संगुणिदे ॥ ३६ ॥
 अवरपरीतस्योपरि एकादिवद्धिते भवेन्मध्यम् ।
 अवरपरीतं विरलय्य तदेव दत्त्वा संगुणिते ॥ ३६ ॥

अर्थ—जघन्य परीतासंख्यातकै उपरि एकादि वधाएं मध्य परीतासंख्यात होइ वहुरि जघन्य परीतासंख्यातको एक एक करि विरलन करि रूप प्रति तिस ही जघन्य परीतासंख्यातको देइ परस्पर गुणन करिए । जैसे च्यारिको विरलन करिए तव च्यारि जायगा एक एक मांडिए । १।१।१।१ । वहुरि रूप प्रति च्यारिको दीजिये तव एक एककी जायगा च्यारि च्यारि लिखिए ४।४।४।४ । अब इनका परस्पर गुणन करिए तव दोयसें छप्पन होइ ऐसेही इहां विधान जाननां ॥३६॥
 सो ऐसें गुणनकीएं कहा सो कहै हैं:—

अवरं जुत्तमसंखं आवलिसरिसं तमेव रूज्जं ।
 परिमितवरमावलिकिदि दुगवारवरं विरुव जुत्तवरं ॥ ३७ ॥
 अवरं युक्तमसंखं आवलिसदृशं तदेव रूपोनम् ।
 परिमितवरं आवलिकृतिद्विकवारवरं विरुपं युक्तवरम् ॥ ३७ ॥

अर्थ—पूर्वोक्त विधान कीएं जघन्य युक्तासंख्यात होइ यहू ही आवली समान हैं । जातैं जघन्य युक्तासंख्यात समयनिका समूहको आवली कहिए हैं । सोई यहू एक घाटि हूवा उत्कृष्ट परीतासंख्यात जाननां । वहुरि आवली जो जघन्य युक्तासंख्यात ताकी जु कृति कहिए वर्ग कीऐं जो प्रमाण होइ सो जघन्य असंख्यातासंख्यात हैं । सोई जो घाटि होइ तौ उत्कृष्ट युक्तासंख्यात हो हैं ॥ ३७ ॥

अवरे शलागविरलणदिज्जे विदियं तु विरलिदूण तहिं ।
 दिज्जं दाऊण हदे शलागदो रूवमवणिज्जं ॥ ३८ ॥
 अवरे शलाकाविरलनदेये द्वितीयं तु विरलय्य तस्मिन् ।
 देयं दत्त्वा हते शलाकातः रूपमपनेतव्यम् ॥ ३८ ॥

अर्थ—जघन्य असंख्यातासंख्यातको शलाका विरलन दीयमान रूप करि तीन प्रकार करिए तहां दूसरा विरलन राशिको विरलन करि तीह एक एक विरलित विपै एक एक दीयमान राशिको देइ परस्पर गुणन करिए ऐसें करतैं शलाका राशितैं रूप काढि लीजिये ।

भावार्थ—जघन्य असंख्यातासंख्यातके समान तीन राशि करिए । शलाकाराशि, विरलन-राशि, देयराशि तहां विरलनराशिको एक एक करि जुदा जुदा बखेरि दीजिए, वहुरि तिस एक एक जायगा देयराशिको दे जाईएं तहां तिनि देयराशिनिको परस्पर गुणिए । ऐसें विधान करिकैं शलाका राशिमैस्यो एक घटाय दीजिए । जैसे च्यारि प्रमाणको लीएं शलाका विरलन देय तीन राशि करिए तहां विरलन राशिको एक एक करि लिखिये । १।१।१।१ । वहुरि एक एक प्रति देयराशिको दीजिए ।

४।४।४।४ । इनको परस्पर गुणिए तब दोयसैं छप्पन होइ । ऐसैं विधान करि शलाका राशिका प्रमाण च्यारि था तामैं एक घटाइ दीजिए । ऐसैंही इहां विधान जाननां ॥ ३८ ॥

तत्थुप्पणं विरलिय तमेव दाऊण संगुणं किच्चा ।

अवणय पुणरविं रूवं पुच्चिल्लसलागरासीदो ॥ ३९ ॥

तत्रोत्पन्नं विरलय्य तदेव दत्त्वा संगुणं कृत्वा ।

अपनयेत् पुनरपि रूपं पूर्वतनशलाकाराशितः ॥ ३९ ॥

अर्थ—जहां परस्पर गुणन कीएं भया था जो राशि ताकोँ विरलन करि रूप प्रति सोई देय करि परस्पर गुणन करि पूर्वशलाका राशितैं बहुरि एक घटावनां ।

भावार्थ—पूर्वें परस्पर गुणन कीएं जो राशि भया तीह प्रमाण विरलनराशि वा देयराशि करिए । विरलनराशिकौँ एक एक करि बखेरिए । बहुरि एक एक जायगा एक एक देयराशि दीजिए । बहुरि तिनि देय राशिनिकौँ परस्पर गुणिए । ऐसैं विधान करि पूर्वें जो शलाकाराशि था तामैं एक पहलैं घटाया था अब एक और घटावनां । जैसैं पूर्वें परस्पर गुणन कीएं दोयसैं छप्पन हूवा तिनकोँ विरलन करिए दोयसैं छप्पन जायगा एक एक लिखिए । बहुरि एक एक की जायगा दोयसैं छप्पन होय तामैं एक आगैं घटाया था अब एक और घटावनां । ऐसैं हीं इहां विधान जाननां ॥ ३९ ॥

एवं सलागरासिं णिष्ठाविय तत्थतणमहारासिं ।

किच्चा तिप्पडि विरलणादिज्जादी कुणदि पुच्च व ॥ ४० ॥

एवं शलाकाराशिं निष्ठाप्य तत्रतनमहाराशिम् ।

कृत्वा त्रिःप्रति विरलनदेयादि करोति पूर्वें व ॥ ४० ॥

अर्थ—याही प्रकार एक एक संगुणन कीएं जो जो प्रमाण होइ तीह तीह प्रमाण विरलन देय राशि करि पूर्वोक्त प्रकार संगुणन करि करि एक एक रूप पूर्वोक्त शलाका राशिमैं घटावतैं घटावतैं शलाकाराशिकौँ निष्ठापन करि पूर्ण करि तहां निपज्या जो अंत विषे परस्पर गुणन कीएं महाराशि तीह महाराशिप्रमाण शलाका विरलन देय राशि करि पूर्वोक्त प्रकार एक एक बार विरलन देय करि परस्पर गुणें एक एक शलाका राशिमैं स्यौँ घटावतैं घटावतैं दूसरा शलाका राशिका निष्ठापन होइ समाप्तपनां होइ । तहां अंत विषे जो परस्पर गुणन कीएं प्रमाण होइ तीह प्रमाण शलाका विरलन देय राशि करि पूर्वोक्त प्रकार एक एक बार विरलन देय करि परस्पर गुणें एक एक शलाका राशिमैंस्यौँ घटावतैं घटावतैं तीसरा शलाका राशिका समाप्तपनां होय । ऐसैं शलाकात्रयका निष्ठापनकोँ करैं ॥ ४० ॥

एवं विदियसलागे तदियसलागे च णिद्धिदे तत्थ ।

जं मज्झासंखेज्जं तहिमेदे पक्खिवेदव्वा ॥ ४१ ॥

एवं द्वितीयशलाकायां तृतीयशलाकायां च निष्ठितायां तत्र ।

यत् मध्यासंख्यातं तस्मिन् एते प्रक्षेप्तव्याः ॥ ४१ ॥

अर्थ—या प्रकार दूसरी शलाका बहुरि तीसरी शलाकाको निष्ठापनरूप होत सतैं तहां जो मध्य असंख्यातासंख्यातरूप प्रमाण भया तीह प्रमाण विपै ए आगैं कहिए जु हैं राशि ते प्रक्षेपण करनैं मिलावनैं जोड़नैं ॥ ४१ ॥

धम्माधम्मिगिजीवगळोगागासप्पदेसपत्तेया ।

तत्तो असंखगुणिदा पदिद्विदा छप्पि रासीओ ॥ ४२ ॥

धर्माधर्मकजीवकलोकाकाशप्रदेशप्रत्येकाः ।

ततः असंख्यगुणिता प्रतिष्ठिताः पडपि राशयः ॥ ४२ ॥

अर्थ—धर्मद्रव्य अधर्मद्रव्य एक जीवद्रव्य लोकाकाश इन च्यारथानिका प्रदेशनिका प्रमाण बहुरि अप्रतिष्ठित प्रत्येक वनस्पति जीवनिका प्रमाण तिस लोकाकाशके प्रदेशनिर्ते असंख्यात गुणां । बहुरि तातैं भी प्रतिष्ठित प्रत्येक वनस्पती जीवनिका प्रमाण असंख्यात लोक गुणां ए छहौं राशि पूर्वोक्त मध्य असंख्यातासंख्यातरूप प्रमाण विपै मिलाइ दीजिए ॥ ४२ ॥

तं कयतिप्पडिरासिं विरळादिं करिय पढमविदियसलं ।

तादियं च परिसमाणिय पुच्चं वा तत्थ दायव्वा ॥ ४३ ॥

तं कृतत्रिःप्रतिराशिं विरळादिं कृत्वा प्रथमद्वितीयशलाम् ।

तृतीयां च परिसमाप्य पूर्वं वा तत्र दातव्याः ॥ ४३ ॥

अर्थ—तिनको मिलाए जो मध्यम असंख्यातासंख्यातरूप प्रमाण भया तीह प्रमाण त्रिः प्रतिराशिं कहिए शलाका आदि तीन राशि करि बहुरि विरळादिं कृत्वा कहिए विरलन देय करि परस्पर गुणें शलाका राशिमें एक एक घटाइ प्रथम शलाका राशिकों समाप्त करि बहुरि तहां जो प्रमाण होइ तीह प्रमाण पूर्वोक्त प्रकार शलाकादि करि द्वितीय शलाका राशिकों समाप्त करि बहुरि तहां जो प्रमाण होइ तीह प्रमाण शलाकादि करि पूर्वोक्त प्रकार तृतीय शलाका राशिकों निष्ठापन करि तहां जो प्रमाण होइ तीह विपै ए राशि दैने मिलावनैं ॥ ४३ ॥

कप्पठिदिवंधपच्चयरसबंधञ्जवसिदा असंखगुणा ।

जोगुक्कस्सविभागप्पडिच्छिदा विदियपक्खेवा ॥ ४४ ॥

कल्पस्थितिवंधप्रत्ययरसबंधाध्यवसिता असंख्यगुणाः ।

योगोक्कट्टाविभागप्रतिच्छेदाः द्वितीयप्रक्षेपाः ॥ ४४ ॥

अर्थ—उत्सर्पिणी अवसर्पिणी मिलिकरि भया जु कल्पकाल ताके समयनिका प्रमाण संख्यात पत्यमात्र । बहुरि तातैं स्थिति बंधाध्यवसायस्थान असंख्यात लोक गुणां, बहुरि तातैं योगका उक्कट्टाविभाग प्रतिच्छेद असंख्यात लोक गुणां ए च्यारि राशि दूसरा प्रक्षेप जाननैं । दूसरी बार ए च्यारि राशि मिलावनैं ॥ ४४ ॥

तं रासिं पुच्चं वा तिप्पडि विरळादिकरणमेत्थ किदे ।

अवरपरित्तमणंतं रूऊणमसंखसंखवरं ॥ ४५ ॥

तं राशिं पूर्वं वा त्रिःप्रति विरलादिकरणं अत्र कृते ।

अवरपरीतमनंतं रूपोनमसंख्यासंख्यवरम् ॥ ४५ ॥

अर्थ—तीन चार्यौ राशिकौ मिलाएं जो प्रमाण भया ताकौ पूर्वोक्त प्रकार त्रिः प्रति कृत्वा कहिये शलाकादिरूप करि बहुरि विरलन आदिका करनां ताकौ करिए अर तीन शलाकानिका निष्ठापन करिए । ऐसैं करतैं जो प्रमाण होइ सो जघन्य परीतानंत जानना । सो जो एक घाटि होइ तौ उत्कृष्ट असंख्यातासंख्यात जाननां ॥ ४५ ॥

अवरपरित्तं विरलिय दाऊणेदं परोपरं गुणिदे ।

अवरं जुत्तमणंतं अभव्वसममेत्थ रूऊणे ॥ ४६ ॥

अवरपरीतं विरलयित्वा दत्त्वा इदं परस्परं गुणिते ।

अवरं युक्तमनंतं अभव्यसमं अत्र रूपोने ॥ ४६ ॥

अर्थ—बहुरि जघन्य परीतानंतकौ एक एक करि विरलन करि रूप प्रति तिसही जघन्य परीतानंतकौ देइ तिस राशिकौ परस्पर गुणें जो प्रमाण होइ सो जघन्य युक्तानंत जाननां । सो यहू अभव्य सम है ॥ अभव्य जीवनिका इतनां प्रमाण है । यामैं एक घटावतैं संतैं ॥ ४६ ॥

जेष्टपरित्ताणंतं वग्गे गहिदे जहण्णजुत्तस्स ।

अवरमणंताणंतं रूऊणे जुत्तणंतवरं ॥ ४७ ॥

ज्येष्ठपरीतानंतं वर्गे गृहीते जघन्ययुक्तस्य ।

अवरं अनंतानंतं रूपोने युक्तानंतवरम् ॥ ४७ ॥

अर्थ—उत्कृष्ट परीतानंत होइ । बहुरि जघन्य युक्तानंतका वर्ग ग्रहण कीएं जघन्य अनंतानंत होइ । जघन्य युक्तानंतकौ जघन्य युक्तानंत करि गुणें जघन्य अनंतानंत हो हैं । यामैं एक घटाएं उत्कृष्ट युक्तानंत हो है ॥ ४७ ॥

अवराणंताणंतं तिप्पडि रासिं करित्त विरलादिं ।

तिसलागं च समाणिय लद्धेदे पक्खिवेदव्वा ॥ ४८ ॥

अवरानंतानंतं त्रिःप्रतिराशिं कृत्वा विरलनादि ।

त्रिशलाकां च समाप्य लब्धे एते प्रक्षेप्तव्याः ॥ ४८ ॥

अर्थ—बहुरि जघन्य अनंतानंतरूप राशिकौ पूर्वोक्त प्रकार त्रिः प्रति कृत्वा कहिए शलाकादि रूप करि बहुरि विरलन आदिक क्रमतैं प्रथम शलाका द्वितीय शलाका तृतीय शलाकाकौ पूर्वोक्त प्रकार समाप्त करि इहां जो मध्य अनंतानंतरूप लब्ध प्रमाण भया तामैं ए राशि प्रक्षेपनें मिलावनें ॥४८॥

सिद्धा णिगोदसाहियवणप्फदिपोग्गलपमा अणंतगुणा ।

काल अलोगागासं लद्धेदेणतपक्खेवा ॥ ४९ ॥

सिद्धा निगोदसाधिकवनस्पतिपुद्गलप्रमा अनंतगुणाः ।

काल अलोकाकाशं षट् चैते अनंतप्रक्षेपाः ॥ ४९ ॥

अर्थ—सिद्ध राशि जीव राशिकै अनंतवै भागि प्रमाण । बहुरि तातैं अनंतगुणां पृथ्वी कायिकादिक च्यार । बहुरि प्रत्येक वनस्पति बहुरि त्रसरशि अर तीनि विना संसारी राशि प्रमाण निगोद जीवनिका प्रमाणरूप निगोदराशि । बहुरि यातैं प्रत्येक वनस्पतीका प्रमाण अधिक कीएं वनस्पती राशि । बहुरि जीव राशितैं अनंत गुणा पुद्गराशि । बहुरि तातैं अनंतगुणां कालके समयनिका प्रमाणरूप कालराशि । तातैं अनंतगुणां प्रदेश प्रमाणरूप अलोकाकाश राशि ए छह राशि अनंतरूप प्रक्षेप हैं । इन छहौंनिका प्रमाणकौं पूर्वोक्त प्रमाण त्रिपै मिलाईए ॥ ४९ ॥

तं तिणिणवारवर्गिदसंवर्गं करिय तत्थ दायच्चा ।

धम्माधम्मागुरुलघुगुणाविभागपडिच्छेदा ॥ ५० ॥

तं त्रिवारवर्गितसंवर्गं कृत्वा तत्र दातव्याः ।

धर्माधर्मागुरुलघुगुणाविभागप्रतिच्छेदाः ॥ ५० ॥

अर्थ—तिन छहौं राशिकौं मिलाएं जो राशि भया ताकौं तीन वार वर्गित संवर्ग रूप करि विरलनादिक विधानतैं गुणनादि करि प्रथम द्वितीय तृतीय शलाकाकौं पूर्वोक्त प्रकार समाप्त करि तहां जो प्रमाण भया तिस राशि त्रिपै धर्मद्रव्य अधर्मद्रव्यका अगुरु लघुगुणाका अविभाग प्रतिच्छेदनिका प्रमाण दैनां मिलावनां ॥ ५० ॥

लद्धं तिवार वर्गिदसंवर्गं करिय केवले णाणे ।

अवणिय तं पुण खित्ते तमणंताणंतमुक्कस्सं ॥ ५१ ॥

लब्धं त्रिवारं वर्गितसंवर्गं कृत्वा केवलज्ञाने ।

अपनीय तं पुनः क्षित्ते तमनंतानंतमुत्कृष्टम् ॥ ५१ ॥

अर्थ—मिलाएं जो लब्ध राशि भया ताकौं तीन वार वर्गित संवर्ग करि, भावार्थ-यहु जो पूर्वोक्त प्रकार विरलनादिक विधान अर तीन शलाकाकौं निष्ठापन करि जो प्रमाण होइ ताकौं केवलज्ञानका अविभाग प्रतिच्छेदनिका प्रमाणमैस्यौं घटाइ बहुरि ज्यूंका त्यूं सो प्रमाण केवलज्ञान त्रिपै मिलाइ दीएं जो राशि केवलज्ञान मात्र होइ ताकौं उत्कृष्ट अनंतानंत जानहु ।

भावार्थ—पूर्वोक्त क्रिया करतैं भी केवलज्ञान समान प्रमाण न भया तातैं पूर्वोक्त प्रमाण केवलज्ञानमैस्यै घटाइ ज्यूंका त्यूं मिलाय केवलज्ञानके समान उत्कृष्ट अनंतानंत कहा । ऐसैं इकईसं भेद संख्यामानके जाननैं ॥ ५१ ॥

आगैं श्रुतज्ञानादिकका विषयरूप स्थानकौं निरूपण करैं हैं:—

जावदियं पच्चक्खं जुगवं सुदओहिकेवलाण हवे ।

तावदियं संखेज्जमसंखमणंतं कमा जाणै ॥ ५२ ॥

धात्रकं प्रत्यक्षं युगपत् श्रुतावधिकेवलानां भवेत् ।

तावकं संख्येयमसंख्यमनंतं क्रमात् जानीहि ॥ ५२ ॥

अर्थ—यावन्मात्र विषय युगपत् प्रत्यक्ष श्रुत अवधि केवलज्ञानके हौंहि तावन्मात्र संख्यात असंख्यात अनंत क्रमतैं जानऊ ॥

भावार्थ—श्रुतज्ञानका संख्यात, अवधिका असंख्यात, केवलका अनंत प्रमाणकों लीए युग-
पत् प्रत्यक्ष प्रति भासनेरूप विषय जाननां ॥ ५२ ॥

आगै चौदह धारानिके नाम कहै हैं:—

धारेत्थ सव्वसमकादिघणमाउगइदरवेकदीविंदं ।

तस्स घणाघणमादी अंतं ठाणं च सव्वत्थ ॥ ५३ ॥

धारा: अत्र सर्वसमकृतिघनमातृकेतरद्विकृतिवृंदम् ।

तस्य घनाघनमादि अंतं स्थानं च सर्वत्र ॥ ५३ ॥

अर्थ—धारा हैं ते इस शास्त्रविषै निरूपिए हैं । सर्वधारा, समधारा, कृतिधारा, घनधारा, कृतिमातृकधारा, घनमातृकधारा, बहुरि समादिक धारातैं प्रतिपक्षी विपमधारा, अकृतिधारा, अघन-
धारा, अकृतिमातृकधारा, अघनमातृकधारा, जाननी । बहुरि द्विरूप वर्गधारा, द्विरूपघनधारा, द्विरूप-
पघनाघनधारा, ऐसैं ए चौदह धारा हैं । इनके आदि अर अंत अर स्थान भेद हैं ते सर्वत्र धारानि-
विषै कहिए है ॥ ५३ ॥

आगै सर्वधाराके स्वरूपकूं निरूपण करै हैं:—

उत्तेव सव्वधारा पुव्वं एगादिगा हवेज्ज जदिं ।

सेसा समादिधारा तत्थुप्पण्णेति जाणाहि ॥ ५४ ॥

उक्तैव सर्वधारा पूर्वं एकादिका भवेत् यदि ।

शेषा: समादिधारा: तत्रोत्पन्ना इति जानीहि ॥ ५४ ॥

अर्थ—कही सोई सर्व धारा है । जो पूर्वे एकादिक होइ तौ ।

भावार्थ—संख्यातादिक केवलज्ञान पर्यन्त जे सर्व संख्याके स्थान ते सर्व धारामयी हैं ॥
विशेष इतनां तहां दोगतैं लगाय कथन कीया था, इहां एक तैं लगाय एक एक वधता केवलज्ञानपर्यंत
सर्व धाराके स्थान जानने । इस सर्व धाराके स्थान अंक संदृष्टि करि ऐसैं हैं । १, २, ३, ४, ५, ६,
७, ८, ९, १०, ११, १२, १३, १४, १५ । केवलज्ञान १६ । इहां अंकसंदृष्टि करि केवलज्ञानरूप
उत्कृष्ट अनंतानंतका प्रमाण सोलह जाननां । बहुरि अवशेष समधारा आदि धारा हैं ते तिस सर्व
धाराही तैं उत्पन्न ऐसा तू जानि जातैं जे सर्व इस विषै गर्भित हैं ॥ ५४ ॥

आगै समधाराकों कहै हैं:—

वेयादि विउत्तरिया केवलपज्जंतया समा धारा ।

सव्वत्थ अवरमवरं रूउणुक्कस्समुक्कस्सं ॥ ५५ ॥

द्वयादि द्व्युत्तरिका केवलपर्यंतका समा धारा ।

सर्वत्र अवरमवरं रूपानोत्कृष्टं उत्कृष्टम् ॥ ५५ ॥

अर्थ—दोगकों आदि दैकरि दोग दोग वधते रूप केवलज्ञान पर्यंत समधारा कही हैं । सर्वत्र
संख्यातादि संख्यामानके भेद पूर्वे कहे तिनविषै सर्वधारा विषै तिष्ठता ऐसा जो जघन्य भेद सो
तौ इहां जघन्य जाननां । बहुरि सर्व धाराकों प्राप्त ऐसा एक घाटि उत्कृष्ट भेद सो इहां उत्कृष्ट

जाननां । जैसे संख्यातका जघन्यभेद दोय असंख्यातका अंक संदृष्टि अपेक्षा सोलह सो समसंख्या-
रूप है । तातैं तिनका जघन्य जो सर्वधारा विपै है सोई इस धारा विपै जाननां । बहुरि संख्यातका
उत्कृष्ट अंकसंदृष्टि अपेक्षा पंद्रह असंख्यातका दोयसै पचावन सो ए विपम संख्यारूप है । सो
इस धारा विपै बर्नै नाहीं तातैं तिनमें एक घटाएँ चौदह वा दोयसैँ चौवन रहैँ सो इस धारा विपै
संख्यातादिकका उत्कृष्ट जाननां । ऐसैँ भावार्थ जाननां । अंकसंदृष्टि करि याके स्थान ऐसैँ २,४,६,
८,१०,१२,१४, केवलज्ञान १६ ॥ ५५ ॥

आगैँ विपम धारा कहिए हैं:—

एगादि विउत्तरिया विसमा रूज्जणकेवलवसाणा ।

रूवजुदमवरमवरं वरं वरं होदि सव्वत्थ ॥ ५६ ॥

एकादि द्रुत्तरा विपमा रूपोनकेवलावसाना ।

रूपयुतमवरमवरं वरं वरं भवति सर्वत्र ॥ ५६ ॥

अर्थ—एककों आदि दैकरि दोय वधतारूप विपम धारा हैं सो एक घाटि केवलज्ञान पर्यंत
जाननां । जातैं केवलज्ञानके अविभाग प्रतिच्छेदनिका प्रमाण समसंख्यारूप हैं । ताभैँ एक घटाएँ
विपमधाराका अंत होइ । बहुरि सर्व धाराकों प्राप्त भये जो संख्यातादिक भेद तिनका जघन्य भेद
विपै एक मिलाएँ इहां तिनका जघन्य भेद होइ । बहुरि तहां जो उत्कृष्ट भेद है सोई इहां उत्कृष्ट
भेद होइ । जैसे संख्यातका जघन्य भेद दोय । असंख्यातका जघन्य भेद अंक संदृष्टि अपेक्षा
सोलह । ते ए समधारारूप हैं सो इस धारा विपै बर्नै नाहीं । तातैं इन विपैँ एक मिलाएँ तीन वा
सत्रह होइ सो इस धारा विपैँ संख्यात असंख्यातका जघन्य भेद जाननां । बहुरि उत्कृष्ट भेद अंक-
संदृष्टि अपेक्षा संख्यातका पंद्रह असंख्यातका दोयसैँ पचावन सो ए विपमरूप हैं । सो इस धारा
विपैँ बर्नै नाहीं हैं तातैं तहां जो संख्यातादिकका उत्कृष्ट भेद कया सोई इस धारा विपैँ संख्याता-
दिकका उत्कृष्ट भेद जाननां । ऐसा इहां अर्थ जाननां । इस विपम धाराके स्थान अक संदृष्टि विपैँ
ऐसैँ हैं । १,२,५,७,९,११,१३, एक घाटि केवलज्ञान १५ ॥ ५६ ॥

आगैँ समधारा विपमधाराके स्थाननिका प्रमाण बहुरि ताके ल्यावनेका विधानकों कहैँ हैं:—

केवलणाणस्सद्धं ठाणं समविसमधारयाण ह्वे ।

आदी अंतं सुद्धे वाड्ढिहिदे इगिजुदे ठाणा ॥ ५७ ॥

केवलज्ञानस्यार्थं स्थानं समविपमधारयोर्भवेत् ।

आदौ अंतं शुद्धे वृद्धिहते एकयुते स्थानानि ॥ ५७ ॥

अर्थ—केवलज्ञानका जु प्रमाण ताका आधा स्थान समधारा अर विपमधारा विपैँ जाननैँ ।
तहां स्थान ल्यावनेका विधानविपैँ करणसूत्र आदी अंतं सुद्धे इत्यादि जाननां । आदिका स्थान अर
अंतका स्थान इनकों शुद्ध करिए जाका अधिक प्रमाण होइ ताभैँ हीन प्रमाणकों घटाइ अवशेष
राखिए । बहुरि वृद्धि जो स्थान स्थान प्रति जेती जेती वधती होइ ताका भाग दीजिए । जो लब्ध
होइ ता विपैँ एक मिलाय दीजैँ यों करतां जो प्रमाण आवैँ सोई स्थाननिकों प्रमाण जाननां । सो

इहां अंक संदृष्टि अपेक्षा समधाराविषै आदिस्थान दोय अंतस्थान सोलह तहां सोलह मै दोय घटाएं रहे चौदह याकौं स्थान स्थान प्रति वृद्धिका प्रमाण दोयका भाग दीएं पाए सात यामें एक मिलाएं पाए आठ, सो आठ समधाराके स्थान हैं । बहुरि विषमधारा विषै आदि स्थान एक अंतस्थान पंद्रह आदिकौं अंतमें घटाएं अवशेष चौदह वृद्धि दोयका भाग दीएं सात तामें एक मिलाएं आठ स्थान जाननें । ऐसै ही जहां समान प्रमाणकौं मीं स्थान स्थान प्रति चय वधती होइ तहां स्थानकनिका प्रमाण ल्यावनैकौं करणसूत्र जाननां ॥ ५७ ॥

आगै कृतिधाराकौं कहै हैं:—

इगि चादि केवलंतं कदी पदं तत्पदं कदी अवरं ।
 इगिहीणतत्पदकदी हेद्विममुकस्स सव्वत्थ ॥ ५८ ॥
 एकं चत्वार्यादिः केवलांता कृतिः पदं तत्पदं कृतिः अवरं ।
 एकहीनतत्पदकृतिः अधस्तनमुत्कृष्टं सर्वत्र ॥ ५८ ॥

अर्थ—एक च्यारि इत्यादि केवलज्ञानपर्यंत कृतिधारा हो हैं । एक आदि एक एक वधता केवलज्ञानका प्रथम वर्गमूल पर्यंत जे वर्गमूल तिनका वर्ग कीएं जो जो राशि होइ सो सो इस धाराके स्थान जाननें । सो वर्गमूलनिका प्रमाण केवलज्ञानका प्रथम वर्गमूल प्रमाण जाननां । तितने ही इस धाराके स्थान हैं । बहुरि इस धारा विषै संख्यातकौं आदिदै करि संख्याके भेद तिनका जघन्यभेद तौ वर्गस्थान स्वरूप ही है । बहुरि संख्यातादिकनिका जो जघन्य भेद ताका वर्गमूलमें स्यौं एक घटाय अवशेष रहै ताका वर्ग कीएं जो प्रमाण होइ सो इस धारा विषै तिस संख्या भेदके अधस्तनवर्ती जो संख्यातादिक तिनका उत्कृष्टपनां जाननां । उदाहरण । जैसे अंकसंदृष्टि अपेक्षा जघन्य असंख्यातका प्रमाण सोलह सो तौ च्यारिका वर्गस्थानरूप है ही । बहुरि सोलहका वर्गमूल च्यारि तामें एक घटाएं तीन रहे ताका वर्ग कीएं नव भए सो असंख्यातके नीचें जो पहलें भेद संख्यात सो इस धाराविषै संख्यातका उत्कृष्ट नव ही हैं । यद्यपि दसकौं आदि दै करि पंद्रह पर्यंत संख्यात हीके भेद हैं तथापि ते भेद इस धारा विषै संभवै नहीं । तातैं इहां उत्कृष्ट नव ही कखा । ऐसै ही अन्यत्र भी जाननां । अंकसंदृष्टिविषै याके स्थान ऐसे १,४,९, केवलज्ञान १६। इहां एकका वर्ग एक सो प्रथम स्थान दोयका वर्ग च्यारि सो दूसरा स्थान तीनका वर्ग नव सो तीसरा स्थान केवलज्ञानका वर्गमूल अंकसंदृष्टि करि च्यारि ताका वर्ग सोलह सो अंतस्थान जाननां ॥ ५८ ॥

आगै अकृतिधारा कहिए हैं:—

दुप्पहुदि रूववज्जिदकेवलणाणावसाणमकदीए ।
 सेसविही विसमं वा सपदूणं केवलं ठाणं ॥ ५९ ॥
 द्विप्रभृति रूपवज्जितकेवलज्ञानावसानमकृतौ ।
 शेषविधिः विषम वा स्वपदोनं केवलं स्थानम् ॥ ५९ ॥

अर्थ—दोयकों आदि दै करि एक घाटि केवलज्ञानपर्यंत अकृतिधारा है । बहुरि या विपै अवशेष विधान संख्यातादिकका जघन्य उत्कृष्टपनां सो विपम धारावत् जाननां । जघन्य भेद विपै एक मिलाएँ इहां जघन्यभेद होइ । उत्कृष्ट भेद जो है सोई इहां है । जातैं इस धाराविपै वर्गरूप स्थानकनिका रहितपनां है । बहुरि इस धाराके सर्व स्थान केवलज्ञानका प्रथम मूल करि हीन ऐसा केवलज्ञान प्रमाण जाननां । अंकसंदृष्टि विपै याके स्थान ऐसैं हैं । २,३,५,६,७,८,१०,११,१२, १३,१४, एक घाटि केवल १५ । इहां सर्व धाराके स्थानकनि विपै कृतिधाराके स्थान दूरि करि अवशेष अकृतिधाराके स्थान कहे हैं ॥ ५९ ॥

आर्गं घनधारा कहिए हैं:—

इगिअडपहुर्दि केवलदलमूलस्सुवरी चडिदटाणजुदे ।

तग्घणमंतं विदे टाणं आसण्णघणमूलं ॥ ६० ॥

एकाष्टप्रभृति केवलदलमूलस्योपरि चटितस्थानयुते ।

तद्धनमंतं वृदे स्थानं आसन्नघनमूलम् ॥ ६० ॥

अर्थ—एक आठकों आदि दै करि १,८,२७ अंत घन स्थान जाईये ।

भावार्थ—एकका घन एक सो याका प्रथम स्थान दोयका घन आठ सो याका दूसरा स्थान तीनका घन सताईस सो याका तीसरा स्थान ऐसैं अनंत घनस्थान जाइ करि केवलज्ञानका आधा प्रमाण है सो घनस्थानरूपही है । ताका जो घनमूल ताकै उपरि चटितस्थान कहिए, उपरि उपरि प्राप्त भए जो घनमूलके स्थान तिनकी संख्या तिस घनमूल विपै मिलाएँ जो प्रमाण होइ सो इहां आसन्न घनमूल कहिए ताका घन कीएँ जो प्रमाण होइ सोई इस धाराका अंतस्थान जाननां । जातैं आसन्न घन तैं एक अधिकका भी घन ग्रहें केवलज्ञानतैं अधिक प्रमाण होइ जाइ सो है नाहीं । इस कथनकों अंकसंदृष्टि करि दिखाईए है । जैसें केवलज्ञानका प्रमाण पण्ठी ६५५३६ ताका आधा ऐसा ३२७६८ । सो यह घनस्थानरूप हैं । याका घनमूल बत्तीस । ३२ । ताकै उपरि घनमूल स्थान ऐसे ३३,३४,३५,३६,३७,३८,३९,४० । ए आठ स्थान बत्तीस में मिलाएँ चालीस हुवा याकों इहां आसन्न घनमूल कहिए । याका घन ६४००० । सोही इस धाराका अंतस्थान है । जातैं आसन्न घनमूल तैं एक अधिक इकतालीस ४१ । ताका भी घन ग्रहें अडसठि हजार नौसैं इकईस होय सो केवलज्ञानतैं अधिक राशि उपजै तातैं आसन्न घनमूलका जु घन ६४००० सोई घनधाराका अंतस्थान है । इसकों आसन्नघन कहिए है । याका घनमूलकों आसन्न घनमूल कहिए है । बहुरि इस धाराके सर्वस्थान केवलज्ञानके आसन्न घनमूल प्रमाण जाननें ॥६०॥

आर्गं केवलज्ञानका अर्द्धप्रमाण घनधारास्वरूप कैसें जानिएँ, ताका व्यवस्थानकों पूर्व आधा सूत्र करि दिखावता संता उत्तर आधामूत्र करि अघनधाराकों कहैं हैं:—

समकदिसल विकदीए दलिदे घणमेत्थ विसमगे तुरिए ।

अघणस्स दु सव्वं वा विघणपदं केवलं टाणं ॥ ६१ ॥

समकृतिशला द्विकृतौ दलिते घनः अत्र विपमके तुरिये ।

अघनस्य तु सर्वं वा विघनपदं केवलं स्थानम् ॥ ६१ ॥

अर्थ—द्विरूप वर्गधारा विपै जिस वर्गस्थानरूप राशिकी वर्गशलाका सम होइ, दोय च्यारि इत्यादिरूप होइ तिस राशिका आधा प्रमाण घनरूप होइ ही होइ । दोयका वर्ग तैं लगाय पूर्वपूर्वका वर्ग करतैं जेतीवार होइ तितनां ही ताकी राशि सोलह ताकी वर्गशलाका दोय सो समरूप है ताका आधा प्रमाण आठ सो दोयका घनरूप हैं । बहुरि राशि पण्ठी ताकी वर्गशलाका च्यारि सो समरूप है, ताका आधा प्रमाण बत्तीस हजार सातसैं सडसठि सो बत्तीसका घनरूप है । ऐसैं ही एकट्ठी आदि विषै भी जानि लेनां । बहुरि इस ही द्विरूप वर्गधारा विपै जिस राशिकी विपमरूप वर्गशलाका होइ तिस राशिका चौथा भाग घनराशिरूप हो है । जैसें द्विरूप वर्गधाराविपै राशि च्यारि ताकी वर्गशलाका एक है सो विपमरूप है । याका चौथा भाग एक सो एकका घनरूप है । ऐसैं ही बादालादिक विपै भी जानना । ऐसैं कहा जु न्याय तीह करि केवलज्ञानकी वर्गशलाका समरूप ही हैं, तातैं तीह केवलज्ञानका आधा प्रमाण घनस्थानरूप है ऐसा सिद्ध भया । बहुरि केवलज्ञानकी वर्गशलाका समरूप हैं ऐसा कैसें जानिए ? तहां कहिए हैं । जो केवलज्ञानकी वर्गशलाकारूप राशि भी द्विरूप वर्गधारा ही विपै उत्पन्न है, द्विरूप वर्गधारा विपै जो राशि है सो समरूप ही है । बहुरि प्रश्न, जो केवलज्ञानकी वर्गशलाका द्विरूप वर्गधारा विपै ही हैं ऐसा कैसें जानिए ? तहां कहिए हैं जो 'अवरा खाइयलद्धी वगसलागा तदो सगद्धिदी' ऐसा सूत्र आगैं कहिएगा, तिस सूत्र करि केवलज्ञानकी वर्गशलाका द्विरूप वर्गधारा विपै ही कहिएगी । बहुरि अत्र घनधारा कहिए है । अघनधाराके स्थान आदि प्रक्रिया सर्वधारावत् जाननी । इतनां विशेष, विघनपदं कहिए जो धनधाराविपै जे जे स्थान हैं ते ते धारा विपै नांही हैं और सर्वस्थान सर्व धारावत् जाननें । बहुरि काकका नेत्रका गोलक जैसें एक ही नेत्र विपै पाईए, तैसें जे सर्व धाराके स्थान हैं तिन विषै जो स्थान घनरूप है सो अघनरूप नांहीं, अघनरूप है सो घनरूप नांहीं, तातैं इस धारा के सर्व स्थान घनस्थानकनिका प्रमाण रहित केवलज्ञान समान हैं । अंकसंदष्टि विषै याके स्थान ऐसैं हैं २,३,४,५,६,७,८,९,१०,११,१२,१३,१४,१५,१६ ॥ ६१ ॥

आगैं वर्गमातृक धाराकौं कहै हैं:—

इह वग्गमाउआए सव्वगधारव्व चरिमरासी दु ।

पढमं केवलमूलं तट्टाणं चावि तच्चेव ॥ ६२ ॥

इह वर्गमातृकायां सर्वकधारा इव चरमराशिस्तु ।

प्रथमं केवलमूलं तत्स्थानं चापि तदेव ॥ ६२ ॥

अर्थ—इस वर्गमातृक धारा विषै सर्वधारावत् स्थानादिककी प्रक्रिया जाननी, विशेष इतना याका अंतस्थान केवलज्ञानका प्रथम मूल जाननां । जातैं वर्गके उपजावनेकौं समर्थ ऐसैं संख्या विशेष इस धारा विषै पाईए तातैं याका नाम वर्गमातृक धारा है । सो एकतैं लगाय केवलज्ञानका प्रथम मूलपर्यंत सबनिका वर्ग होइ सकै है; ताकै उपरि एक भी बघतीका वर्ग कीजिए

तौ केवलज्ञानतै उलंघि प्रमाण होइ सो है नाहीं, जैसे केवल ज्ञानका प्रमाण सोलह ताका वर्गमूल च्यारि तहां पर्यंत तौ वर्ग होइ अर उपरि पांचका वर्ग करिए तौ केवलज्ञान तै अधिक प्रमाण होइ जाय । तातैं याका अंतस्थान केवलज्ञानका प्रथम मूलही कहा । इस धाराके सर्व स्थानक तितने हीं केवलज्ञानका प्रथम मूल प्रमाण ही जाननां । अंक संदृष्टि विषै याके स्थान ऐसैं १, २, ३, केवल प्रथममूल ४ ॥ ६२ ॥

आगैं अवर्गमातृक धाराकौं कहैं हैं:—

अकदीभाउअ आदी केवलमूलं सरुवमंतं तु ।

केवलमणेय मज्झं मूलूणं केवलं ठाणं ॥ ६३ ॥

अकृतिमातृकाया आदिः केवलमूलं स्वरूपमंतं तु ।

केवलमनेकं मध्यं मूलोनं केवलं स्थानम् ॥ ६३ ॥

अर्थ—अकृतिमातृक धाराका प्रथम स्थान केवलज्ञानका प्रथम मूल एक करि सहित जाननां । जातैं केवलज्ञानका प्रथम मूल पर्यंत तौ सर्व अंक वर्गमूल रूप पाइए हैं, सबनिका वर्ग होइसकै है । वहुरि जिनका वर्ग कीएं केवलज्ञानतैं अधिक प्रमाण होइ जाइ तिनका ग्रहण इस धारा विषै हैं, तातैं याका प्रथम स्थान एक अधिक केवलज्ञानका प्रथम मूल कहा । वहुरि अंत स्थान याका केवलज्ञान है, मध्यस्थान अनेक प्रकार हैं । इस धाराके सर्व स्थान केवलज्ञानका प्रथममूल रहित केवलज्ञान प्रमाण जाननें । अंकसंदृष्टि विषै याके स्थान ऐसैं हैं, ५, ६, ७, ८, ९, १०, ११, १२, १३, १४, १५, १६ । इहां केवल ज्ञानका प्रमाण सोलह ताका प्रथम वर्गमूल च्यारि तातैं एक अधिकतैं लगाय स्थान कहे हैं ॥ ६३ ॥

आगैं घनमातृक धाराकौं कहैं हैं:—

घणमाउगस्स सव्वगधारं वा सव्वपच्छिमो रासी ।

आसण्णविंदमूलं तमेव ठाणं विजाणाहि ॥ ६४ ॥

घनमातृकायाः सर्वकधारा इव सर्वपश्चिमो राशिः ।

आसन्नवृंदमूलं तदेव स्थानं विजानीहि ॥ ६४ ॥

अर्थ—घनमातृक धाराकी स्थानादिककी प्रक्रिया सर्वधारावत् जाननीं, इतनां विशेष याका सर्व पश्चिम राशि कहिए अंतका स्थान सो केवलज्ञानका आसन्न घनमूल प्रमाण ही जाननें । इहां जिनका घन होइ ऐसैं घनमूलरूप संख्या विशेष ग्रहे हैं सो केवलज्ञानका आसन्न घनमूल पर्यंत तौ सबनिका घन होइ सकै है अर यातैं एक अधिकका भी जो घन कीजिए तौ केवलज्ञानतैं अधिक प्रमाण होइ जाय तातैं एक आदि केवलज्ञानका आसन्न घनमूलपर्यंत याके स्थान कहे हैं । अंक संदृष्टि करि याके स्थान ऐसैं हैं, १, २, ३, ४, ५, ६, ७, ८, ९, १०, ११, १२, १३, १४, १५, १६, १७, १८, १९, २०, २१, २२, २३, २४, २५, २६, २७, २८, २९, ३०, ३१, ३२, ३३, ३४, ३५, ३६, ३७, ३८, ३९, ४० । इहां केवलज्ञानका प्रमाणपण्ठी, ६५५३६ कहा, ताका आसन्न घन चौसठि हजार ६४०००, ताका प्रथममूल चालीस ४० सो अंतस्थान जाननां ॥ ६४ ॥

आगँ अघनमातृक धारा कहिए हैं:—

तं ख्वसहिदमादी केवलमवसाणमघणमाउस्स ।

आसण्णघणपदूणं केवलणाणं हवे ठाणं ॥ ६५ ॥

तत् रूपसहितं आदिः केवलमवसानमघनमातृकायाः ।

आसन्नघनपदोनं केवलज्ञानं भवेत् स्थानम् ॥ ६५ ॥

अर्थ—इहां जिनका घन कीएं केवल ज्ञानतैं अधिक प्रमाण होइ जाइ ऐसे संख्यात विशेषनिका ग्रहण है । सो घनमातृक धाराका जो अंतका स्थान सो रूपसहित कहिए, एक अधिक होइ तौ इस अघन मातृकधाराका प्रथम स्थान होइ, इहां तैं लगाय केवल ज्ञानपर्यंत सर्व स्थान इस धारा विपै जाननें । याके सर्व स्थान केवलज्ञानका आसन्न घनमूलरहित केवलज्ञान प्रमाण जाननें । अंक संदृष्टि विपै याके स्थान ऐसे ४१, ४२, ४३, इत्यादि अंतस्थान ६५= । इहां घन मातृकका अंतस्थान चालीस, तामैं एक अधिक कीएं याका आदि स्थान इकतालीस, अंतस्थान केवल ज्ञान सो पण्ठी प्रमाण । याके सर्व स्थान केवलज्ञान पण्ठी प्रमाण. ६५५३६, तामैं आसन्न घन चौसठि हजारका मूल चालीस घटाएं पैसठि हजार च्यारिसैं छिनवै ६५४९६ जाननें ॥ ६५ ॥

आगँ द्विरूप वर्गधाराकौं सात गाथानि करि कहैं हैं:—

वेख्ववग्गधारा चउ सोलस विसदसहियछप्पणं ।

पण्णट्ठी वादालं एकट्ठं पुव्वपुव्वकदी ॥ ६६ ॥

द्विरूपवर्गधारा चत्वार. पोटश द्विशतसहितपट्पंचाशत् ।

पण्णट्ठी द्वाचत्वारिंशत् एकाष्टी पूर्वपूर्वकृतिः ॥ ६६ ॥

अर्थ—द्विरूप वर्गधारा कहिए है । दोयका वर्ग तैं लगाय पूर्व पूर्व स्थानककौं वर्ग कीएं उत्तर उत्तरस्थान इस धारा विपै हो हैं, तातैं याका नाम द्विरूप वर्गधारा है । तहां याका आदिस्थान दोयका वर्ग च्यारि ४, ताका वर्ग दूसरा स्थान सोलह १६, ताका वर्ग तीसरा स्थान दोय सैं सहित छप्पन २५६, ताका वर्ग चौथास्थान पण्ठी, पण्ठी कहा ? 'पण्णट्ठी पंचसया छत्तीसा' पैसठि अर पांचसै छत्तीस इन अंकनितैं पण्ठी प्रमाण हो है, ६५५३६ याकी संदृष्टि ऐसी । बहुरि ताका वर्ग पांचवां स्थान वादाल । वादाल कहा ? 'वादालं चउणउदीछउणउदी विहत्तरीय छउणउदी' त्रियालीस, चौराणवै, छिनवै, बहत्तरी, छिनवै इन अंकनि करि वादाल हो है । ४२९४९६७२९६ याकी संदृष्टि ऐसी (४२=) । बहुरि याका वर्ग छठा स्थान एकट्ठी । एकट्ठी कहा ? 'एकट्ठं च चय छसत्तय च चय सुण्ण सत्त तियसत्ता । सुण्णं णव पण पंचय एकं छक्केकगोय छकं च । एक, आठ, च्यारि, च्यारि, छह, सात, च्यारि, च्यारि, शून्य, सात, तीन, सात, शून्य, नव, पंच, पंच, एक, छह, एक, छह इन अंकनि करि एकट्ठी हो है । १८४४६७४४०७३७० ९५५१६१६ । याकी संदृष्टि ऐसी (१८=) ॥ ६६ ॥

ऐसेही पूर्व पूर्व स्थानकका वर्ग कीएं उत्तर उत्तर स्थान हो हैं:—

तो संखठाणगमणे वग्गसलागद्धेदपढंमपदं ।

अवरपरित्तासंखं आवलि पदरावली यं हवे ॥ ६७ ॥

ततः संख्यस्थानगमने वर्गशलाकार्धच्छेदप्रथमपदम् ।

अवरपरीतासंख्यं आवलिः प्रतरावली च भवेत् ॥ ६७ ॥

अर्थ—ताते पूर्वपूर्वका वर्ग करतें संख्यात स्थान गए जघन्य परीतासंख्यातका वर्गशलाका राशि उपजै हैं । दोयका वर्ग तें लगाय जेती वार वर्ग कीए जो राशि उपजै तिस राशिका तितनां वर्गशलाका राशिक हो है । जैसे सोलहकी वर्ग शलाका दोय, जातें दोयका वर्ग च्यारि अर च्यारिका वर्ग सोलह, ऐसे दोय वार वर्ग भए सोलह राशि हो हैं, ऐसे ही अन्यत्र जाननां । बहुरि ताते संख्यात स्थान गए जघन्य परीतासंख्यातकी अर्द्धछेद राशि हो हैं । जिस राशिकों जेती वार आधा कीए एक अवशेष रहें तिस राशिके तितने अर्द्धछेद जाननं । जैसे सोलहके अर्द्धछेद च्यारि हैं । जातें एक वार सोलहको आधा कीए आठ होइ, दूसरी वार च्यारि होइ, तीसरी वार दोय होइ, चौथी वार एक होइ, ऐसे ही अन्यत्र भी जाननां । बहुरि ताते परें संख्यात स्थान गए जघन्य परीतासंख्यातका प्रथम मूल हो हैं । राशिका एक वार वर्गमूल कीजिए सो प्रथम मूल कहिए, जैसे सोलहका प्रथम मूल च्यारि हो हैं, ऐसे ही अन्यत्र भी जाननां । बहुरि तिस प्रथम मूलका एक वार वर्ग कीए जघन्य परीतासंख्यात राशि उपजै हैं । बहुरि ताते परें संख्यात स्थान जाइ जघन्य जुक्तासंख्यात प्रमाण आवली उपजै हैं । इहां 'उपज्जदि जो रासी' इत्यादिक सूत्र आगे कहेंगे तिस करि आवलीकी वर्गशलाकादिकका इस धारा त्रिपै निषेध जाननां । इहां संख्यात स्थान जाइ करि आवली उपजै है । ऐसा कहा सो कैसे है ? तहां कहिए हैं । देय राशिकें उपरि विरलन रूप करी जो राशि, ताके जेते अर्द्धछेद होंहि तितनं वर्गस्थान जाइ करि विवक्षित राशि उपजै है । जैसे देयराशि च्यारि ताके उपरि विरलन राशि च्यारिके अर्द्ध छेद दोइ, सो दोय वार वर्गस्थान गए विवक्षित दोयसै छप्पन हो है । जातें च्यारिका वर्ग सोलह सोलहका वर्ग दोयसै छप्पन हो है । सोई च्यारिका विरलन करि एक एक जायगा च्यारि च्यारि दीए, ४,४,४,४ परस्पर गुणें दोय सै छप्पन हो हैं । तैसे ही यहां देय राशि जघन्य परीतासंख्यातके अर्द्धछेद संख्यात, सो संख्याते स्थान गए ही विवक्षित राशि आवली उपजै हैं । बहुरि तिस आवलीका एक वार वर्ग भए प्रतरावली हो है ॥ ६७ ॥

गमिय असंखं ठाणं वग्गसलद्धच्छिदी य पढमपदं ।

पल्लं च सूअंगुल पदरं जगसेढिघणमूलं ॥ ६८ ॥

गत्वा असंख्यं स्थानं वर्गशलाद्धच्छिदिश्च प्रथमपदम् ।

पल्यं च सूच्यंगुलं प्रतरं जगच्छैणिघनमूलम् ॥ ६८ ॥

अर्थ—ताते परें असंख्यात स्थान जाइ अद्वापल्यका वर्गशलाका राशि उपजै है, ताते असंख्यात स्थान जाइ ताहीका अर्द्धछेद राशि हो है, ताते असंख्यात स्थान जाय ताहीका प्रथम मूल हो है । ताका एक वार वर्ग कीए अद्वापल्य हो है । बहुरि ताते परें असंख्यात स्थान जाय सूच्यंगुल उपजै हैं, जाते विरलनरूप राशिका अर्द्धछेद प्रमाण वर्गस्थान गए विवक्षित राशि होइ सो यहां सूच्यंगुलका प्रमाण त्रिपै देयराशि पल्य है । विरलन राशि पल्यका अर्द्धछेद हैं सो पल्यके अर्द्धछेदके अर्द्ध-

च्छेद असंख्याते हैं। तार्ति पत्यकं उपरि असंख्यात वर्गस्थान भणं सूच्यंगुल होइ ऐसा कहा है। इहां भी उपज्जदि जो रासी इत्यादि सूत्रका अभिप्राय करि विरलनदेयका अनुक्रम करि यह राशि भया है। तार्ति याके वर्गशलाका अर्द्धच्छेद राशि इस थारा विषय नाहीं कहे हैं। बहुरि तिस सूच्यंगुलका एक बार वर्ग भणं प्रतरांगुल उपजे हैं। बहुरि तार्ति असंख्यात स्थान जाइ करि जगच्छेणीका घनमूल हो उपजे है। जाका घन काणं जगच्छेणी होइ ऐसी प्रमाण हो हैं ॥ ६८ ॥

तिविह जहृण्णाणंतं वर्गशलादलच्छिदी सगादिपदं ।

जीवो पोग्गल कालो सेहीआगास तप्पदरं ॥ ६९ ॥

त्रिविधं जघन्यानंतं वर्गशलादलच्छेदाः स्वकादिपदम् ।

जीवः पुद्गलः कालः श्रेण्याकाशं तत्प्रतरम् ॥ ६९ ॥

अर्थ—तार्ति असंख्यात स्थान जाइ जघन्य परीतानंतका वर्गशलाका राशि उपजे हैं, तार्ति असंख्यात स्थान जाइ ताहीका अर्द्धच्छेद राशि उपजे हैं, तार्ति असंख्यात स्थान जाइ ताहीका प्रथम मूल उपजे है। ताका एक बार वर्ग भणं जघन्य परीतानंत हो हैं, तार्ति असंख्यात स्थान जाइ जघन्य युक्तानंत उपजे है। तार्ति देय राशिके उपरि विरलन राशिके अर्द्धच्छेद प्रमाण वर्गस्थान भणं विद्वक्षित राशि हो है, सो इहां देयराशि जघन्यपरीतानंत है ताके उपरि विरलन राशि जघन्य परीतानंत ताके अर्द्धच्छेद असंख्यात हैं, सो इतने ही वर्गस्थान भणं जघन्य युक्तानंत हो हैं। इहां भी पूर्वोक्त प्रकार वर्गशलाकादिकका निषेध जाननां। बहुरि तिस जघन्य युक्तानंतका एक बार वर्ग भणं जघन्य अनंतानंत हो है। बहुरि तार्ति अनंतस्थान जाइ जीवराशि प्रमाणकी वर्गशलाका हो हैं, तार्ति अनंतस्थान जाइ ताहीके अर्द्धच्छेद हो हैं, तार्ति अनंतस्थान जाइ ताहीका प्रथम मूल हो है, ताका एक बार वर्ग भणं जीवराशिका प्रमाण उपजे है। इस गाथा विषय वर्गशलाकादिकनिका उपलक्षण करि कथन है तार्ति इस जीवराशिते परे पुद्गलादिक जो जो राशि कहिए है तिनका जीवराशि विषय जैसे कथा तैसे वर्गशलाकादि जाननें। बहुरि तिस जीवराशिते अनंतस्थान जाइ पुद्गलराशिका प्रमाण उपजे हैं, तार्ति अनंतस्थान जाइ श्रेणी आकाश निपजे है। सर्व आकाशका लंबा प्रदेशनिका पंक्तिका जु प्रमाण सो श्रेणी आकाश कहिए। बहुरि ताका एक बार वर्ग भणं प्रतराकाश उपजे हैं। सर्व आकाशका लंबा वा चौड़ा प्रदेशनिका जु प्रमाण सो प्रतराकाश कहिए। इहां उंचाई न लीन्ही ॥६९॥

धम्माधम्मागुरुलघु इगिजीवागुरुलघुस्स होंति तदो ।

सुहमणिअपुण्णणाणे अवररे अविभागपडिच्छेदा ॥ ७० ॥

धर्माधर्मागुरुलघोरंकजीवागुरुलघोः भवंति ततः ।

सूक्ष्मनिगोदापूर्णज्ञाने अवररे अविभागप्रतिच्छेदाः ॥ ७० ॥

अर्थ—बहुरि तार्ति अनंतस्थान जाइ धर्म द्रव्य, अधर्मद्रव्यके अगुरुलघुगुणके अविभाग प्रतिच्छेदनिका प्रमाण हो है। जाका विभाग न होइ ऐसा जु कोई शक्तिका अंश ताको अविभाग प्रतिच्छेद कहिए है। बहुरि तार्ति अनंतस्थान जाइ सूक्ष्मनिगोद लब्धि अपर्याप्तक जीवके जो जघन्य पर्यायनामा श्रुतज्ञान है ताके अविभाग प्रतिच्छेदनिका प्रमाण हो है ॥ ७० ॥

अवरा खाइयलद्धी वग्गसलागा तदो सगद्धिदी ।
अडसगळ्पणतुरियं तदियं विदियादिमूलं च ॥ ७१ ॥
अवरा क्षायिकलब्धिः वर्गशलाका ततः स्वकार्धच्छिदिः ।
अष्टसप्तषट्पंचतुरीयं तृतीयं द्वितीयादिमूलं च ॥ ७१ ॥

अर्थ—बहुरि तातैं अनंत वर्गस्थान जाइ तिर्थेच गति विपै असंयत सम्यग्दृष्टीकै क्षायिक सम्यक्त्वरूप जो लब्धि ताके अविभाग प्रतिच्छेदनिका प्रमाण हो है । बहुरि तातैं अनंत वर्गस्थान जाइ केवलज्ञानकी वर्गशलाका हो है, तातैं अनंत वर्गस्थान जाइ ताहीके अर्द्धच्छेद हो हैं, तातैं अनंतवर्गस्थान जाइ ताहीके अर्द्धच्छेद हो हैं, तातैं अनंतस्थान जाइ ताहीका अष्टम मूल हो हैं । ताका एक वार वर्ग भए ताहीका सप्तम मूल हो है, ताका एक वार वर्ग भए ताहीका षष्ठम मूल हो है, ताका एक वार वर्ग भए ताहीका पंचम मूल हो है, ताका एक वार वर्ग भए ताहीका चतुर्थ मूल हो है, ताका एक वार वर्ग भए ताहीका तृतीय मूल हो है । ताका एक वर्ग भए ताहीका द्वितीय मूल हो है, ताका एक वार वर्ग भए ताहीका प्रथम-मूल हो है, राशिका वर्गमूलकों प्रथम मूल कहिए, प्रथम मूलके वर्गमूलकों द्वितीय मूल कहिए, द्वितीयमूलके वर्गमूलकों तृतीयमूल कहिए, तृतीयमूलके वर्गमूलकों चतुर्थ मूल कहिए ऐसैंही पंचमादि मूल जाननें । जैसें एकड्डीका प्रथममूल वादाळ, द्वितीयमूल पण्डी, तृतीयमूल दोयसैं छप्पन, चतुर्थमूल सोलह, पंचममूल च्यारि, षष्ठममूल दोय ऐसैं ही अन्यत्र जाननां ॥ ७१ ॥

सइमादिमूलवग्गे केवलमंतं पमाणजेद्वमिणं ।
वरखइयलद्धिणामं सगवग्गसला हवे ठाणं ॥ ७२ ॥
सकृदादिमूलवर्गे केवलमंतं प्रमाणजेष्टमिदम् ।
धरंक्षायिकलब्धिनाम स्वकवर्गशला भवेत् स्थानम् ॥ ७२ ॥

अर्थ—तिस केवल ज्ञानके प्रथम वर्गमूलका सकृत् कहिए एक वार वर्ग प्रहें केवलज्ञानके अविभाग प्रतिच्छेदनिका प्रमाण हो हैं । एतावन्मात्रही द्विरूप वर्गधारा विषैं अंतस्थान हो हैं ॥ यह ही उत्कृष्ट प्रमाण है—यहही उत्कृष्ट क्षायिक लब्धि नाम है । बहुरि इस द्विरूप वर्गधाराके सर्वस्थान केवल ज्ञानकी वर्गशलाका प्रमाण हैं ॥ ७२ ॥

आगैं द्विरूप वर्गधारादिक तीन धारा विषैं सर्वत्र विशेषरहित वर्गशलाकादिककी प्राप्ति विपै नियम है सो कहै हैं:—

उप्पज्जदि जो रासी विरलणदिज्जक्रमेण तस्सेत्थ ।
वग्गसलद्धच्छेदा धारातिदए ण जायंते ॥ ७३ ॥
उत्पद्यते यः राशिः विरलनदेयक्रमेण तस्यात्र ।
वर्गशलाधर्द्धच्छेदा धारात्रितये न जायंते ॥ ७३ ॥

अर्थ—जिस धारा विषैं विरलन देयका अनुक्रम करि जो जो राशिका वर्गशलाका अर्द्ध-च्छेद तिसही धारा विषैं न होइ, अन्य धारा विषैं होइ, ऐसी यह नियमरूप व्याप्ति सो द्विरूप वर्ग

धारादिक तीनों धाराविषै जाननी । अंकसंदष्टि करि उदाहरण, जैसे विरलन राशि पत्यकी सहनानी सोलह ताका विरलन करि एक एककी जायगा देयराशि भी सोलह सोलह मांडि परस्पर गुणन कीए एकट्ठी प्रमाण होइ, सो एकट्ठी प्रमाण द्विरूप वर्गधाराविषै पाईए है ताके अर्द्धच्छेद चौसठि (६४) अर वर्गशलाका छह (६) ते ए दोऊ राशि द्विरूप वर्गधारा विषै न पाईए है, ऐसैही अन्यत्र भी जाननां ॥ ७३ ॥

आगै तीन धारानि विषै उपरि उपरि राशि विषै अर्द्धच्छेदनिका प्रमाणकां कहै हैं:—

वग्गादुवरिमवग्गे दुगुणा दुगुणा ह्वंति अद्धच्छिदी ।

धारातय सट्टाणे तिगुणा तिगुणा परट्टाणे ॥ ७४ ॥

वर्गादुपरिमवर्गे द्विगुणा द्विगुणा भवंति अर्धच्छेदाः ।

धारात्रये स्वस्थाने त्रिगुणाः त्रिगुणाः परस्थाने ॥ ७४ ॥

अर्थ—वर्गतेँ उपरिके वर्गस्थान विषै दूणें दूणें अर्द्धच्छेद हो हैं । तीनों धारा विषै स्वस्थान विषै तो ऐसै है । बहुरि परस्थान विषै तिगुणा तिगुणा अर्द्धच्छेद हैं । ऐसी यह नियमरूप व्याप्ति सो द्विरूप वर्गधारादिक तीनों धारानि विषै जाननी । सो द्विरूप वर्गधारा विषै अंक संदष्टि अपनी बुद्धितै जाननी । तथापि उदाहरण कहिये है, तहां निज धाराहीकी अपेक्षा जहां होइ तहां स्वस्थान कहिए, परधाराकी अपेक्षा जहां होइ तहां परस्थान कहिए सो द्विरूप वर्गधारा विषै स्वस्थान अपेक्षा प्रथमस्थान च्यारि ताके अर्द्धच्छेद दोय हैं । ताकेँ उपरि वर्गस्थान सोलह ताके अर्द्धच्छेद च्यारि हैं, सो दोयतै दूणे भए । बहुरि तीसरा स्थान दोयसै छप्पन ताके अर्द्धच्छेद आठ हैं ते च्यारितै दूणें भए । ऐसेही नीचले स्थानतै उपरिके स्थान विषै स्वस्थान अपेक्षा दूणें दूणें अर्द्धच्छेद जानने । बहुरि परस्थान अपेक्षा द्विरूप वर्गधाराका प्रथम स्थान च्यारि ताके अर्द्धच्छेद दोय हैं । बहुरि द्विरूप धनधारा विषै दूसरा स्थान चौसठि ताके अर्द्धच्छेद छह हैं, ते दोयतै तिगुणे भए । बहुरि द्विरूप वर्गधारा विषै द्वितीयस्थान सोलह ताके अर्द्धच्छेद च्यारि हैं अर द्विरूप धनधारा विषै ताकेँ उपरि तृतीय स्थान च्यारि हजार छिनवै ताके अर्द्धच्छेद बारह हैं ते च्यारितै तिगुणें भए । ऐसैही नीचले स्थानतै उपरि स्थान विषै परस्थान अपेक्षा तिगुणे तिगुणे अर्द्धच्छेद जानने ॥ ७४ ॥

आगै वर्गशलाकादिकनिका आधिक्यादिकके संभवनेका विधान कहै हैं:—

वग्गसला रूवहिया सपदे पर सम सवग्गसलमेत्तं ।

दुग्माहदमद्धच्छिदी तम्मैत्तदुगे गुणे रासी ॥ ७५ ॥

वर्गशला रूपाधिकाः स्वपदे परस्मिन् समाः स्ववर्गशलामत्राम् ।

द्विकमाहत्तमर्धच्छेदाः तन्मात्रद्विके गुणे राशिः ॥ ७५ ॥

अर्थ—वर्ग शलाका है सो स्वस्थान विषै एक अधिक होइ बहुरि परस्थान विषै अपनै समान होइ । इहां उदाहरण स्वस्थान अपेक्षा, जैसे च्यारिकी वर्गशलाका एक, ताकेँ उपरि सोलह की दोय, ताकेँ उपरि दोयसै छप्पनकी तीन, ऐसै एक एक स्थान प्रति एक एक अधिक वर्ग-

शलाका जाननी, बहुरि परस्थान विषै जैसे द्विरूप वर्गधारा विषै प्रथम स्थानकी एक वर्गशलाका है तैसेही द्विरूप घनधाराका प्रथम स्थान आठ ताकी एक वर्गशलाका है । बहुरि जैसे द्विरूप वर्गधाराविषै द्वितीय स्थान सोलहकी दोय वर्गशलाका हैं तैसेही द्विरूप घनधारा विषै द्वितीय स्थान चौसठि ताकी दोय वर्गशलाका हैं । ऐसे परस्थान अपेक्षा स्वसमान वर्गशलाका जाननी । बहुरि अपनी वर्गशलाका जेता प्रमाण तितनां दूवा मांडि परस्पर गुणें अर्द्धच्छेद होंहि । जैसे दोयसै छप्पनकी वर्गशलाका तीन सो तीन जायगा दूवा मांडि २।२।२ परस्पर गुणें आठ होइ सोई दोयसै छप्पनके आठ अर्द्धच्छेद हैं । ऐसे अन्यत्र भी जाननां । सो यह नियम द्विरूप वर्गधारा ही विषै तौ पाईए है । बहुरि द्विरूप घनधारा अर द्विरूप घनाघनधाराविषै नियम ऐसा नाहीं हैं । बहुरि राशिके जेते अर्द्धच्छेद होंहि तितनें दूवे मांडि परस्पर गुणें राशि हो हैं । जैसे दोयसै छप्पनके अर्द्धच्छेद आठ सो आठ जायगा दोयका अंक मांडि (२,२,२,२,२,२,२,२,) परस्पर गुणें दोयसै छप्पन हो हैं । ऐसेही अन्यत्र जाननां, सो यह नियम तीनों धारा विषै जाननां ॥ ७५ ॥

आगें वर्गशलाका अर अर्द्धच्छेद इनका स्वरूप कहै हैं:—

वगिदवारा वगसलागा रासिस्स अर्द्धच्छेदस्स ।

अद्धिदवारा वा खलु दलवारा होंति अर्द्धच्छिदी ॥ ७६ ॥

वर्गितवारा वर्गशलाका राशे: अर्द्धच्छेदस्य ।

अर्धितवारा वा खलु दलवारा भवति अर्द्धच्छेदा: ॥ ७६ ॥

अर्थ—राशिका जो वर्गितवार कहिए दोयका वर्गितें लगाय पूर्व पूर्वका जेतीवार वर्ग कीएं जो राशि ताका तितनां वर्गशलाका राशि जाननां । जैसे च्यारिकी वर्गशलाका एक जातें एका वार वर्ग कीएं च्यारि हो हैं । पण्ठीकी च्यारि जातें दोयका वर्ग च्यारि, ताका वर्ग सोलह, ताका वर्ग दोयसै छप्पन, ताका वर्ग पण्ठी । ऐसे च्यारिवार वर्ग भए पण्ठी हो हैं । ऐसे ही जाननी । यह नियम तीनों धारा विषै हैं । विशेष इतनां द्विरूप घनधारा विषै दोयका घनतें लगाय अर द्विरूप घनाघनधारा विषै दोयका घनतें लगाय पूर्व पूर्वका वर्ग जेतीवार कीएं राशि होइ तितनी ताकी वर्गशलाका जाननी । अथवा राशिके जेते अर्द्धच्छेद होंहि तिन अर्द्धच्छेदनिके जेते अर्द्धच्छेद होंहि तितनी तिस राशिकी वर्गशलाका जाननी । जैसे दोयसै छप्पनके अर्द्धच्छेद आठ, आठके अर्द्धच्छेद तीन सो दोयसै छप्पनकी तीनही वर्गशलाका जाननी । सो यह नियम द्विरूप वर्गधारा विषै ही है । बहुरि राशिका दलवार कहिए जितनी वार राशिको आधा आधा करतें एक रहिजाय तितनां तिस राशिका अर्द्धच्छेद जानना । जैसे दोयसै छप्पनका आधा, एकसौ अठईस, ताका आधा चौसठि, ताका आधा बत्तीस, ताका आधा सोलह, ताका आधा आठ, ताका आधा च्यार, ताका आधा दोय, ताका आधा एक । ऐसे आठ वार आधा आधा भया । तातें दोयसै छप्पनके आठ अर्द्धच्छेद है । ऐसेही अन्यत्र भी जाननां, सो यह नियम तीनों धारा विषै हैं ॥ ७६ ॥

आगें छह गाथानि करि द्विरूप घनधारा कौं कहे हैं:—

बेरुवविंदधारा अड चउसट्टी चडित्तु संखपदे ।

आवलिघनमावलिया कदिविंदं चावि जायेज्ज ॥७७॥

द्विरूपवृंदधारा अष्ट चतुःषष्टिः चटित्वा संख्यपदानि ।

आवलिघन आवल्याः कृतिवृंदं चापि जायेत ॥ ७७ ॥

अर्थ—द्विरूप वर्गधारा विषे जो जो राशि वर्गरूप है तिनि राशिनिका जु घनरूप राशि तिनकी जो धारा सो द्विरूप घनधारा है । सो याका प्रथम स्थान आठ है, जातैं दोयका घन आठ है । बहुरि याका वर्ग द्वितीयस्थान चौसठि जातैं च्यारिका घन चौसठि ही है । बहुरियाका वर्ग तृतीयस्थान च्यारि हजार छिनवै, जातैं सोलहका घन च्यारिहजार छिनवै हो हैं । ऐसैं ही पूर्व पूर्व स्थानरूप राशिका वर्ग करतैं उत्तर उत्तर स्थान होइ, संख्यात स्थान जाइ जघन्य परीतासंख्यातका घन हो हैं । बहुरि देयराशिकैं उपरि विरलन राशिका अर्द्धच्छेद प्रमाण वर्गस्थान गएं यहु राशि हो हैं, सो जघन्य परीतासंख्यातके अर्द्धच्छेद संख्यात ही हैं । तातैं जघन्य परीतासंख्यातका घनतैं संख्यात जाइ आवलीका घन उपजै हैं । ताका एक वार वर्ग भए आवलीका वर्गका घन हो हैं ॥७७॥

पल्लघणं विंदंगुलजगसेढीलोयपदरजीवघणं ।

तत्तो पढमं मूलं सन्वागासं च जाणेज्जो ॥ ७८ ॥

पल्यघनं वृदांगुलजगच्छेणीलोकप्रतरजीवघनम् ।

ततः प्रथमं मूलं सर्वाकाशं च जानीहि ॥ ७८ ॥

अर्थ—तातैं असंख्यात स्थान जाइ पल्यकी वर्गशलाकाका घन हो हैं, तातैं असंख्यात स्थान जाइ पल्यका अर्द्धच्छेद राशिका घन हो हैं, तातैं असंख्यात स्थान जाइ पल्यका प्रथममूलका घन हो हैं । ताका एकवार वर्ग भए पल्यका घन हो हैं । बहुरि तातैं असंख्यात स्थान जाइ घनांगुल हो हैं । इहां 'उपज्जदि जो रासी' इत्यादिक सूत्र करि घनांगुलकी वर्ग शलाकादिकका अभाव इस धारा विषे जाननां । बहुरि तातैं असंख्यात स्थान जाइ जगच्छेणी उपजै है । इहां भी उपज्जदि जो रासी इत्यादिक सूत्रके अभिप्राय करि जगच्छेणीकी वर्गशलाकादिकका अभाव इस धारा विषे जाननां । बहुरि ताका एकवार वर्ग कीएं जगत्प्रतर उपजै है, तातैं अनंतस्थान जाइ जीवराशिकी वर्गशलाकाका घन हो हैं, तातैं अनंतस्थान जाइ जीवराशिका अर्द्धच्छेद राशिका घन हो हैं, तातैं असंख्यात स्थान जाइ जीवराशिका प्रथममूलका घन हो है, ताका एकवार वर्ग भए जीवराशिका घन हो हैं । बहुरि उपज्जदि जो रासी इत्यादिक सूत्रका अभिप्राय करि सर्व आकाशकी वर्गशलाकादिकनिका तौ अभाव है, तातैं जीवराशितैं अनंतस्थान जाइ सर्वाकाशका प्रथम मूल हो हैं । ताका वर्ग भए सर्वआकाश हो है । लंबा, चौड़ा, ऊँचा ऐसा सर्व घनरूप आकाशके प्रदेशनिका प्रमाण हो हैं ॥ ७८ ॥

संखमसंखमणंतं वग्गट्ठाणं कमेण गंतूण ।

संखासंखाणंताणुप्पत्ती होदि सन्वत्थ ॥ ७९ ॥

संख्यमसंख्यमनंतं वर्गस्थानं क्रमेण गत्वा ।

संख्यासंख्यानंतानामुत्पत्तिः भवति सर्वत्र ॥ ७९ ॥

अर्थ—जघन्य असंख्यातासंख्यातरूप राशि पर्यंत तौ संख्यात वर्गस्थान जाइ करि, बहुरि तातैं उपरि जघन्य अनंतानंतरूप राशि पर्यंत असंख्यात वर्ग स्थान जाय करि, बहुरि तातैं उपरि केवलज्ञान पर्यंत अनंतवर्गस्थान जाइ करि यथासंख्य क्रमतैं संख्यात वा असंख्यात वा अनंतानंत रूप राशि उपजै हैं सर्वत्र तीनों धारा विपै जाननां । भावार्थ—संख्यातरूप राशिकी उत्पत्ति विपै पूर्वस्थानतैं संख्यात वर्गस्थान जाइ करि राशिकी उत्पत्ति कहिए । बहुरि ऐसैं ही असंख्यात वा अनंतरूप राशिकी उत्पत्ति विपै पूर्वस्थानतैं असंख्यात वा अनंत वर्गस्थान जाइ करि उपजनां कहिए । परन्तु इतना विशेष है, जो देय राशितैं उपरि विरलन राशिका अर्द्धच्छेद मात्र वर्गस्थान गए राशि हो हैं, तातैं जघन्य असंख्यातासंख्यात पर्यंत असंख्यातरूप राशि विपै भी संख्यात वर्गस्थान जाइ करि ही राशिका उपजनां कहिए वा जघन्य अनंतानंत पर्यंत अनंतरूप राशि विपै भी असंख्यात वर्गस्थान जाइ करि ही राशिका उपजनां कहिए ॥ ७९ ॥

जत्युद्देशे जायदि जो जो रासी विरूधधाराए ।

घणरूपे तद्देशे उप्पज्जदि तस्स तस्स घणो ॥ ८० ॥

यत्रोद्देशे जायते यो यो राशिः द्विरूपधारायां ।

घनरूपे तद्देशे उत्पद्यते तस्य तस्य घनः ॥ ८० ॥

अर्थ—जिस उद्देश विपै, द्विरूप वर्गधारा विपै जो जो वर्गरूप राशि होइ तिस उद्देश विपै, द्विरूप घनधारा विपै तिस तिस राशिका घन उपजै है । जैसे द्विरूप वर्गधारा विपै दोगका वर्ग च्यारि थे इहां दोगका घन आठ है, तहां च्यारिका वर्ग सोलह थे इहां ताका घन चौंसठि जाननां । ऐसैं जो जो राशि द्विरूप वर्गधारा विपै कही है तिनका इहां सर्वका घन जाननां ॥ ८० ॥

एवमणंतं ठाणं णिरंतरं गामिय केवलस्सेव ।

विदियपदविंदमंतं विदियादिममूलगुणितसमं ॥ ८१ ॥

एवमनंतं स्थानं निरंतरं गत्वा केवलस्यैव ।

द्वितीयपदवृंदमंतो द्वितीयादिममूलगुणितसमः ॥ ८१ ॥

अर्थ—ऐसैं सर्वाकाशकै उपरि अनंत वर्गस्थान निरंतर जाइ केवल ज्ञानका द्वितीय मूलका घन हो हैं । सोई इस द्विरूप घनधाराका अंत स्थान है, सो कितनां है ? द्वितीय मूल अर प्रथम मूल कौं परस्पर गुणों जो प्रमाण होइ तीह समान है । जैसे पण्टीका प्रथम मूल दोगसै छप्पन, द्वितीय मूल सोलह, इनकों परस्पर गुणों च्यारि हजार छिनवै होइ सोई पण्टीका द्वितीय मूल सोलह ताका घन भी च्यारि हजार छिनवै ही होइ ऐसैं ही इहां जाननां ॥ ८१ ॥

यह ही अंत स्थान कैसें है सो कहे हैं:—

चरिमस्स दुचरिमस्स य णेव घणं केवलव्वदिक्कमदो ।

तम्हा विरूधहीणा सगवग्गसला हवे ठाणं ॥ ८२ ॥

चरमस्य द्विचरमस्य च नैव घनः केवलव्यतिक्रमतः ।

तस्मात् द्विरूपहीना स्वकवर्गशला भवेत् स्थानम् ॥८२॥

अर्थ—द्विरूप वर्गधाराका चरम राशि केवलज्ञान अरु द्विचरम राशि केवल ज्ञानका प्रथम मूल, तिनके घनका इहां ग्रहण नांही हैं । काहे तैं, जो इनके घनका ग्रहण करिए तौ केवल ज्ञानतैं अधिक प्रमाण होइ जाइ । बहुरि इस द्विरूप घनधाराके सर्व स्थान दोग घाटि केवल ज्ञानकी वर्ग-शलाका प्रमाण जाननैं । इहां अंक संदृष्टि भी जाननीं । जैसे केवल ज्ञानका प्रमाण पण्ठी ताका घन वा ताके प्रथम मूल दोगसैं छप्पनका घन करिए तौ पण्ठीतैं अधिक प्रमाण होइ जाइ तातैं न ग्रहण करनां ॥ ८२ ॥

आगैं अब द्विरूप घनधाराकों आठ गाथानि करि कहै हैं:—

तं जाण विरुवगयं घणाघणं अष्टविदतव्वग्गं ।

लोगो गुणगारसला वग्गसलद्धच्छिदादिपदं ॥ ८३ ॥

तं जानीहि द्विरूपगतं घनाघनं अष्टवृदतद्वर्गम् ।

लोको गुणकारशला वर्गशलार्धच्छेदादिपदम् ॥ ८३ ॥

तेजकाइयजीवा वग्गसलागतयं च कायठिदी ।

वग्गसलादित्तिदयं ओहिणिवद्धं वरं खेत्तं ॥ ८४ ॥

तेजस्कायिकजीवा वर्गशलाकात्रयं च कायस्थितिः ।

वर्गशलादित्रितयं अवधिनिबद्धं वरं क्षेत्रम् ॥ ८४ ॥

अर्थ—द्विरूप वर्गधारा त्रिवै जो जो राशि वर्ग रूप हैं ताका घनाघन इस द्विरूप घना-घन धारा विपै हैं । घनका जु घन ताकों घनाघन कहिए । कैसें सो कहैं हैं । याका प्रथम स्थान आठका घन जो पांचसै वारह सो जाननां, जातैं दोगका घनाघन इतनां हो हैं । बहुरि ताका वर्ग दोग लाख बासठिहजार एक सौ चवालीस (२६२१४४) सो याका दूसरास्थान जाननां जातैं च्यारिका घनाघन इतनां हो हैं । ऐसैंही पूर्व पूर्व स्थानकका वर्ग कीएं उत्तर उत्तरस्थान होइ सो इस क्रमतैं असंख्यात स्थान जाइ लोकाकाशके प्रदेशनिका प्रमाणरूप लोक उपजै हैं । याकी वर्गशलाकादिक इस धारा विपै नाहीं हैं तातैं न कहे । बहुरि तातैं असंख्यात स्थान जाइ तेज-स्कायिक जीवराशिकी संख्याका ल्यावनैकै अर्थि लोकका परस्पर जेतीवार गुणन होइ तीह प्रमाण रूप गुणकारशलाका उपजै है । तातैं असंख्यात स्थान जाइ तेजस्कायिक जीवराशिकी वर्गशलाका हो हैं, तातैं असंख्यात स्थान जाइ ताहीका अर्द्धच्छेद हो है, तातैं असंख्यात स्थान जाइ ताहीका प्रथममूल हो हैं । ताकों एकवार वर्गरूप कीएं तेजस्कायिक जीवराशिकी संख्या उपजै है । इहां तेजस्कायिक जीवराशिका गुणकार शलाकादिकनिकै वर्गशलाकादिकनितैं संख्या अल्प है ताकी व्यवस्थिति दिखावनै पूर्वक प्रमाण ल्याईए हैं । जगच्छ्रेणिका घनप्रमाण जो लोकका प्रदेशनिका राशि ताकों शलाका विरलन देयरूप, तीनप्रकार करि स्थापिए, तहां लोकप्रमाण विरलन राशिकों तौ एक एक रूप करि जुदा जुदा वखेरिये । बहुरि एक एक प्रति लोकप्रमाण देयरशि देइ

जाईए । बहुरि' ऐसैं ए भए लोकप्रमाण लोक तिनकीं परस्पर गुणिए । ऐसैं करि जो वह लोक-प्रमाण शलाकाराशि था तामैं एक घटाइए, ऐसैं परस्पर गुणतैं जो महाराशि भया ताकी गुणकार शलाका तौ एक भई जातैं एकवार परस्पर गुणन भया है । बहुरि वर्गशलाका पत्यकै असंख्यातवैं भाग प्रमाण भई । जातैं देयराशिकी वर्गशलाका, अर विरलन राशिके अर्द्धच्छेद इन दोऊनिकों मिलाए वर्गशलाकाका प्रमाण हो हैं । इहां अंकसंदष्टि कहिए हैं । लोककी सहनानी च्यारि ४, ताकीं शलाका विरलन देयरूप स्थापिए (श. ४, वि. ४, दे. ४) तहां विरलन राशिकों विर-ल्लिए १,१,१,१ रूप प्रति देयराशिकों दीजिए, ४,४,४,४ परस्पर गुणें दोयसैं छप्पन भए, तहां एकवार गुणन भया तातैं गुणकारशलाका एक । बहुरि देयराशि च्यारिकी वर्गशलाका एक, विरलन राशि च्यारिके अर्द्धच्छेद दोय मिलि करि दोयसैं छप्पनकी तीन वर्गशलाका भई । बहुरि देयराशिका अर्द्धच्छेद दोय तिनि करि विरलनराशि च्यारिकों गुणें दोयसैं छप्पनके आठ अर्द्धच्छेद भए, ऐसैं जानना । बहुरि जैसे अंकसंदष्टि विषै दोयसैं छप्पन भए तैसें परस्पर गुणें जो महाराशि भया ताकीं विरलन राशि अर देय राशि रूप स्थापिए । तहां विरलन राशिका विरलन करि अर रूप प्रति देय राशिकों देइ परस्पर गुणि जो लोकप्रमाण शलाका राशि था तामैं एक और घटाईए, तहां परस्पर गुणें जो महाराशि भया ताकी गुणकार शलाका दोय जातैं दूसरी वार गुणन भया । बहुरि वर्ग शलाका अर अर्द्धच्छेदतैं आलाप करि असंख्यात लोक प्रमाण हैं तथापि वर्गशलाका-नितैं अर्द्धच्छेद असंख्यात लोक गुणें हैं । बहुरि इस ही क्रमतैं परस्पर गुणनतैं जो जो महाराशि होइ तीह प्रमाण विरलनराशि. देय राशि स्थापि विरलन राशिका विरलन करि रूप प्रति देय राशिकों देइ परस्पर गुणन करि एक एक शलाका राशिमैं घटावतैं घटावतैं जहां लोक प्रमाण शलाका राशि समाप्त भए तहां परस्पर गुणन तैं जो महाराशि भया ताकी गुणकार शलाका तौ लोकप्रमाण हो हैं । जातैं लोकप्रमाण वार गुणकार भया । बहुरि वर्गशलाका अर अर्द्धच्छेदतैं पूर्वोक्त प्रकार हीन अधिक हैं तथापि आलापतैं असंख्यात लोक प्रमाण कहिए । ऐसैं पहिली वार स्थापन कीया जो शलाका राशि ताका निष्ठापन जो समाप्तपनां सो भया । बहुरि तहां परस्पर गुणें जो महाराशि भया ताकीं शलाका, विरलन, देय रूप तीन प्रकार स्थापिए । बहुरि जैसे प्रथम शलाकाका निष्ठापन कीया, तैसेंही अनुक्रमतैं दूसरी वार स्थापन करी जु यह शलाका ताका निष्ठापन करनां । बहुरि तहां परस्पर गुणन तैं जो महाराशि होइ तीह प्रमाण शलाका, विरलन, देय राशि स्थापि पूर्वोक्त प्रकार करि ही तीसरी वार स्थापन करी जु यह शलाका राशि ताका निष्ठापन करनां । बहुरि तहां परस्पर गुणें जो महाराशि भया तीह प्रमाण शलाका, विरलन, देय राशि स्थापि, पूर्वोक्त प्रकार करि जो चौथी वार इहां शलाका राशिका प्रमाण था तामैं पूर्वे तीन शलाकाका प्रमाण घटाइ अवशेष शलाकाका प्रमाणकों सामान्यपनैं आधी शलाका कही ताका निष्ठापन करनां । ऐसैं साढा तीन वार शलाका निष्ठापन भए अग्निकायिक जीवनिका प्रमाण हो हैं । ऐसैं विगतनौ तेजस्कायिक जीव राशिका गुणकार शलाकादिककै वर्गशलाकादिक नतैं अल्प संख्या दिखावनैं पूर्वक प्रमाण वर्णन कीयां । बहुरि तीह तेजस्कायिक जीव राशितैं असंख्यात स्थान

जाइ कायस्थितिकी वर्गशलाका हो हैं, तातैं असंख्यात स्थान जाइ ताहीके अर्द्धच्छेद हो हैं, तातैं असंख्यात स्थान जाइ ताहीका प्रथम मूल हो हैं, ताका एक वार वर्ग भए कायस्थितिका प्रमाण हो हैं । सो कहा ? अन्यकायतैं आय करि अग्निकायिकविषै कोई जीव उपज्या, सो उच्छ्रपनैं यावत् काल अग्निकायिकपणां छोडि अन्य काय विषै न उपजै तहांही अवस्थित रहै, अग्निकायहीके पर्याय धर्या करै, तिसकालके समयनिका प्रमाण सो इहां कालस्थितिका प्रमाण जाननां । बहुरि तातैं असंख्यात स्थान जाइ अवधिक्षेत्रकी वर्गशलाका हो हैं, तातैं असंख्यात स्थान जाइ ताहीके अर्द्धच्छेद हो हैं, तातैं असंख्यात स्थान जाइ ताहीका प्रथम मूल हो हैं, ताकोँ एक वार वर्गरूप कीएं सर्वावधिका विषयभूत उच्छ्र क्षेत्रके प्रदेशनिका प्रमाण हो हैं. यद्यपि अवधि रूपीहीकोँ जाने अर रूपी पदार्थ लोक विषै ही है । तथापि शक्ति अपेक्षा असंख्यात लोक प्रमाण क्षेत्र कहा है ॥ ८३।८४ ॥

वग्गसलागत्तिदयं तत्तो ठिदिबंधपच्चयट्टाणा ।

वग्गसलादीरसबंधज्जवसाणाण ठाणाणि ॥ ८५ ॥

वर्गशलाकात्रितयं ततः स्थितिवंधप्रत्ययस्थानानि ।

वर्गशलादिरसबंधाध्यवसानां स्थानानि ॥ ८५ ॥

अर्थ—तातैं असंख्यात स्थान जाइ ताहीके अर्द्धच्छेद हो हैं, तातैं असंख्यात स्थान जाइ ताहीका प्रथम मूल हो है, ताका एकवार वर्ग कीएं ज्ञानावरणादिकर्मनिका स्थितिवंधकोँ कारणभूत जे कषाय परिणाम तिनके स्थानकनिका प्रमाण हो हैं । बहुरि तातैं असंख्यात स्थान जाइ अनुभाग-बंधाध्यवसाय स्थानकी वर्ग शलाका हो है, तातैं असंख्यात स्थान जाइ तहांके अर्द्धच्छे हो हैं, तातैं असंख्यात स्थान जाइ तहांके अर्द्धच्छेद हो हैं, तातैं असंख्यात स्थान जाइ ताहीका प्रथम मूल हो है, ताकोँ एक वार वर्ग कीएं ज्ञानावणादि कर्मनिका तीव्रादि शक्तिकोँ लीएं रसबंध जो अनुभागबंध ताको कारण भूत कषाय परिणामनिके स्थानकनिका प्रमाण हो है ॥ ८५ ॥

वग्गसलागप्पहुदी णिगोदजीवाण कायवरसंखा ।

वग्गसलागादितयं णिगोदकायट्ठिदी होदि ॥ ८६ ॥

वर्गशलाकाप्रभृति निगोदजीवानां कायवरसंख्या ।

वर्गशलाकादित्रयं निगोदकायस्थितिर्भवति ॥ ८६ ॥

अर्थ—तातैं असंख्यात स्थान जाइ निगोद शरीर संख्याकी वर्ग शलाका हो हैं, तातैं असंख्यात स्थान जाइ ताहीके अर्द्धच्छेद हो हैं तातैं असंख्यात स्थान जाइ ताहीका प्रथम मूल हो है, ताकोँ एक वार वर्ग रूप कीएं निगोद जीवनिके सर्ध शरीर तिनकी उच्छ्र संख्या हो हैं, । नियत जे अनंत संख्याकोँ धरें जीव तिनकोँ गां कहिए क्षेत्र ताहि ददाति कहिए देव सो निगोद कर्म कहिए तीह संयुक्त जे जीव ते निगोद जीव कहिए, तिनके साधारण शरीर जेते लोकविषै उच्छ्रपनैं होंहि तिनकी संख्या ऐसी जाननी । बहुरि तातैं असंख्यात स्थान जाइ निगोद कायस्थितिकी वर्गशलाका हो है, तातैं असंख्यात स्थान जाइ ताहीके अर्द्धच्छेद हो हैं तातैं असंख्यात स्थान जाइ ताहीका प्रथम मूल हो हैं, ताकोँ एकवार वर्गरूप कीएं निगोद कायस्थिति हो है । सो यहां निगोद कायस्थिति ऐसा कहनें करि एक जीववा

निगोद विषै उत्कृष्ट रहनेका काल न ग्रहण करना । जातें एकजीव इतरनिगोदविषै उत्कृष्ट रहै तौ अढाई पुद्गल परावर्त्तन काल पर्यंत रहै सो काल अनंत है । तौ कहा ग्रहण करना ? निगोद शरीररूप परिणए जे पुद्गल ते तीह शरीररूप आकारको यावत्काल उत्कृष्ट पनैं छाड़ें नाहीं सो काल इहां ग्रहण करना ॥ ८६ ॥

ततो असंखलोग कदिठाणे चडिय वग्गसलतिदयं ।

दिस्संति सब्बजेद्वा जोगस्सविभागपडिच्छेदा ॥ ८७ ॥

ततो असंख्यलोकं कृतिस्थानं चटित्वा वर्गशलात्रितयम् ।

दृश्यंते सर्वज्येष्ठा योगस्याविभागप्रतिच्छेदाः ॥ ८७ ॥

अर्थ—बहुरि तीह निगोद काय स्थितितैं उपरि असंख्यात लोक प्रमाण वर्गस्थान चडि-
कारि सर्वोत्कृष्ट योगके उत्कृष्ट अविभाग प्रतिच्छेदनिकी वर्गशलाका हो हैं, तातैं असंख्यात लोक
प्रमाण वर्गस्थान चडिकारि ताहीके अर्द्धच्छेद हो हैं, तातैं असंख्यात लोकमात्र कृतिस्थान चडिकारि
ताहीका प्रथम मूल हो हैं, ताको एकवार वर्गरूप कीएं सर्वोत्कृष्ट योगके उत्कृष्ट अविभाग प्रति-
च्छेदनिका प्रमाण हो हैं । कर्म आकर्षण करनेकी शक्ति सो योग कहिए, ताके अविभाग प्रतिच्छेद
कहिए जिनका विभाग न होइ ऐसे सूक्ष्म अंश तिनका प्रमाण हो है ॥ ८७ ॥

जो जो रासी दिस्सदि विरुववग्गे सगिद्वुट्टाणम्हि ।

तद्वाणे तस्सरिसा घणाघणे णवणवुद्धिद्वा ॥ ८८ ॥

यो यो राशिः दृश्यते द्विरूपवर्गे स्वकेष्टस्थाने ।

तत्स्थाने तत्सदृशा घनाघने नव नव उद्दिष्टाः ॥ ८८ ॥

अर्थ—द्विरूप वर्गधारा विषै अपनां इष्ट स्थान जो विवक्षित स्थान तीह विषै जो जो
राशि वर्गरूप दीसै हैं, तीह स्थान विषै इहां द्विरूप घनाघन धारा विषै द्विरूप वर्गधाराका स्थान-
कै समान राशि नव नववार परस्पर गुणें राशि हो हैं ऐसा कह्या है । जैसें द्विरूप वर्गधारा विषै राशि
विषै द्वितीय स्थान च्यारिका वर्ग सोलह इहां च्यारिकौ नववार मांडि (४, ४, ४, ४, ४, ४, ४, ४, ४)
इनको परस्पर गुणें दोय लाख वासठि हजार एक सो चवालीस होइ, सो इस धारा विषै द्वितीय
स्थान जाननां । ऐसें ही सर्व द्विरूप वर्गधाराके स्थानक वर्गरूप हैं तिनको नववार परस्पर गुणें
द्विरूप घनाघन धाराके स्थान हो हैं ऐसा जाननां ॥ ८८ ॥

चडिद्वेषवमणंतं ठाणं केवलचउत्थपदविदं ।

सगवग्गुणं चरिमं तुरियादिपदाहदेण समं ॥ ८९ ॥

चटित्वैवमनंतं स्थानं केवलचतुर्थपदवृंदम् ।

स्वकर्वागुणश्चरमः तुरियादिपदाहतेन समः ॥ ८९ ॥

अर्थ—तीह योगका उत्कृष्ट अविभाग प्रतिच्छेद स्थानतैं अनंत वर्ग स्थान चडि करि
केवलज्ञानका चौथा मूल ताका घनको इस चौथा मूलका घनका वर्ग करि गुणें जो प्रमाण होइ सोई इस
धाराका अंतस्थान जाननां । सो यह चौथा मूल अर प्रथम मूलको गुणें जो प्रमाण होइ तीह

समान जाननां । याकों अंकसंघट्टि करि कहिए है । जैसे केवल ज्ञान पण्ठी प्रमाण (६५-५३६) ताका चौथा वर्गमूल दोय (२) ताका घन आठ (८) ताकों इस घनका वर्ग चौसठि करि गुणें पांचसैं वारा होइ (५१२) सोई पण्ठीका चौथा मूल दोय (२) अर प्रथम मूल दोयसैं छप्पन (२५६) इनकों परस्पर गुणें भी पांच सौ वारा होय (५१२) ऐसैं यह अंत स्थान जाननां ॥ ८९ ॥

औरनिके अंत स्थानपनां कैसें न संभवै सो कहै हैं:—

चरिमादिचउकस्स य घणाघणा एत्थ णेव संभवदि ।

हेट्टु भण्णितो तम्हा ठाणं चउहीणवग्गसला ॥ ९० ॥

चरमादिचतुष्कस्य च घनाघना अत्र नैव संभवन्ति ।

हेतुः भणितः तस्मात् स्थानं चतुर्हीनवर्गशलम् ॥ ९० ॥

अर्थ—केवलज्ञानादिक नीचैके द्विरूप वर्गधारा विपै कहे च्यारि स्थान केवलज्ञान १ ताका प्रथम मूल १, द्वितीय मूल १, तृतीय मूल १ इन च्यारोंका घनाघन इस द्विरूप घनाघन धारा विपै न संभवै है । जो इनका घनाघन करिए तौ केवल ज्ञानतैं अधिक प्रमाण होइ । अंकसंघट्टि करि जैसें केवल ज्ञान पण्ठी प्रमाण (६५५३६) ताका प्रथम मूल दोयसैं छप्पन (२५६) द्वितीय मूल सोलह (१६) तृतीय मूल च्यारि (४) इनके घनका घन करिए तौ पण्ठीतैं अधिक प्रमाण होइ जाइ, तातैं इस द्विरूप घनाघन धाराके सर्वस्थानकनिका प्रमाण च्यारि घाटि केवलज्ञानकी वर्गशलाका प्रमाण जाननें ॥ ९० ॥

आगें कहीं जु ए धारा तिनका संहार कहे हैं:—

ववहारुवजोग्गाणं धाराणं दरिसिदं दिसामेत्तं ।

वित्थरदो वित्थरुइसिस्सा जाणंतु परिचम्मे ॥ ९१ ॥

व्यवहारोपयोग्यानां धाराणां दर्शितं दिशामात्रम् ।

विस्तारतो विस्तररुचिशिष्या जानंतु परिकर्मणि ॥ ९१ ॥

अर्थ—संख्या व्यवहारकों उपयोगी ऐसे जु धारा तिनका स्वरूप इहां दिशा मात्र दिखाया । जैसें कोऊ अंगुली करि पूर्वादिक दिसाकों दिखावै तैसें इहां अति संक्षेप धारानिका स्वरूप दिखाया है । जे विस्तार विपै रुचिके धारक शिष्य हैं, ते विस्तार तैं बृहत्धारा परिकर्मा नामा शास्त्र विपै धारानिका स्वरूपकों जानहु ॥ ९१ ॥ ऐसैं संख्याप्रमाण समाप्त भया ।

अथ संख्याप्रमाणके विशेषभूत ऐसी जु चौदह धारा तिनकूं सविस्तर दिखाइ अब विवक्षित जो उपमा प्रमाणका अष्टक ताकों निरूपण करै हैं:—

पल्लो सायर सूर्इ पदरो य घणंगुलो य जगसेढी ।

लोयपदरो य लोमो उवमपमा एवमट्टविहा ॥ ९२ ॥

पल्यं सागरः सूची प्रतरं च घनांगुलं च जगच्छ्रेणी ।

लोकप्रतरश्च लोकः उपमाप्रमा एवमष्टविधा ॥ ९२ ॥

अर्थ—पत्य १, सागर २, सूच्यंगुल ३, प्रतरांगुल ४, वनांगुल ५, जगच्छ्रेणी ६ जगत्प्रतर ७, वनलोक ८ ऐसे उपमा प्रमाण आठ प्रकार हैं ॥ ९२ ॥

आगे इन विषय पत्यका भेदकों अपना अपना विषयका निर्णय पूर्वक कहै हैं:—

व्यवहारुद्धारद्वापला त्तिण्णोव होंति णायव्वा ।

संख्या दीवसमुद्रा कम्मद्विदि वण्णिदा जेहिं ॥ ९३ ॥

व्यवहारोद्धारद्वापल्यानि त्रीण्येव भवन्ति ज्ञातव्यानि ।

संख्या द्वीपसमुद्राः कर्मस्थितयो वर्णिता येः ॥ ९३ ॥

अर्थ—व्यवहार पत्य १, उद्धारपत्य २, अद्वापत्य, ३, ऐसे पत्य तीन प्रकार ही हैं ऐसा जानना । जिन तीन प्रकार पत्यनिकरि क्रमते संख्या अर द्वीप समुद्र अर कर्मस्थिति आदि वर्णन कीए हैं । तहां व्यवहार पत्य करि तौ रोमनिकी संख्या वर्णिए हैं, अर उद्धारपत्यकरि द्वीप समुद्रनिकी संख्या वर्णिए हैं, अर अद्वापत्य करि कर्मकी स्थिति वर्णिए हैं, आदि शब्दते और भी यथा-संभव जानना ॥ ९३ ॥

आगे पत्यके जाननेकों विधान कहै हैं:—

सत्तमजन्मावीणं सत्तदिणव्भंतरम्हि गहिदेहिं ।

सण्णदं सण्णिचिदं भरिदं वालगकोडीहिं ॥ ९४ ॥

सत्तमजन्मावीनां सत्तदिनाभ्यंतरे गृहीतैः ।

संनदं संनिचितं भरितं वालाप्रकोटिभिः ॥ ९४ ॥

अर्थ—सातवां जन्म जुक्त ऐसे जु ऊरणें गाढ़र तिनके जन्मते सात दिन मांही ग्रहे जु रोम तिनके अग्रभाग रूप खंड तिनके कोटिनिकरि संयुक्त किया बहुत संचयरूप किया भन्या ॥ ९४ ॥

ऐसा कहा सो कहै हैं:—

जं जोयणविस्तिण्णं तत्तिउणं परिरयेण सविसेसं ।

तं जोयणमुव्विद्धं पल्लं पारिदोवमं णाम ॥ ९५ ॥

यत् योजनविस्तीर्णं तत्रिगुणं परिधिना सविशेषम् ।

तत् योजनमुद्विद्धं पल्यं पल्लितोपमं नाम ॥ ९५ ॥

अर्थ— जो एक योजन प्रमाण तौ विस्तीर्ण कहिए चौडा, बहुरि ताते त्रिगुणा परिधि करि सविशेष ।

भावार्थ— जो सूक्ष्म परिधिकी अपेक्षा चौडाईते त्रिगुणां किछू अधिक परिधिकी प्रमाण करि संजुक्त, बहुरि एक योजन उंडा ऐसा जु कुंड सो रोमनि करि भन्या तीह विषे जो रोमनिका प्रमाण ताकी पत्योपम कहिए वा पल्लितोपम कहिए ॥ ९५ ॥

आगे परिधिका सविशेष ऐसा विशेषण कहा ताके जाननेकों सूक्ष्म परिधि करनेका कारणसूत्र कहै हैं:—

विक्रवंभवग्गदद्दगुणकरणी वद्दस्स परिरयो होदि ।

विक्रवंभवउव्वभागो परिरयगुणिदे हवे गणियं ॥ ९६ ॥

दिनके तीस मुहूर्त्त, एक मुहूर्त्तके तीन हजार सातसैं तहेत्तरि उश्वास, एक उश्वासकी संख्यात आवली, एक आवलीके जघन्य युक्तासंख्यात प्रमाण समय कीएं जेता समयनिका प्रमाण होइ तितनां व्यवहार पत्यका काल है ॥ ९९ ॥

आगैं उद्धार पत्यके कालकौं दिखावैं हैं :—

ववहारेयं रोमं छिण्णमसंखेज्जवाससमयेहिं ।

उद्दारे ते रोमा तक्कालो तत्तियो चेव ॥ १०० ॥

व्यवहारैको रोमः छिन्नो असंख्येयवर्षसमयैः ।

उद्दारे तानि रोमाणि तत्कालः तावान् चैव ॥ १०० ॥

अर्थ—व्यवहार पत्य विपै जे रोम कहे तिन विपै एक एक रोम असंख्यात वर्षके समयनिकै समान खंड रूप कीजिए । भावार्थ—असंख्यात वर्षनिके जेते समय होहिं तितनें तितनें एक एक रोमके खंड करिए यों करतैं जेते रोम खंड होहिं तत्र ते रोम उद्धार पत्यके हो हैं । बहुरि तिन रोमनिका अपहरण करणेका काल तितनां ही उद्धार पत्यका रोमनिकै समान ही जाननां । भावार्थ—जेते रोम खंड भए तिन विपै एक एक समय विपै एक एक रोम खंडकौं ग्रहण करतैं करतैं सर्व रोमखंड समाप्त जेते काल करि होई तितनां उद्धार पत्यका काल जाननां ॥ १०० ॥

आगैं अद्धारपत्यकौं निर्देश करैं हैं:—

उद्दारेयं रोमं छिण्णमसंखेज्जवाससमयेहिं ।

उद्दारे ते रोमा तत्तियमेत्तो य तक्कालो ॥ १०१ ॥

उद्धारैकं रोमं छिन्नमसंख्येयवर्षसमयैः ।

उद्दारे तानि रोमाणि तावन्मात्रश्च तत्कालः ॥ १०१ ॥

अर्थ— उद्धार पत्य विपै कहे जु रोम तिन विपै एक एक रोम असंख्यात वर्षके जेते समय होहिं तिनके समान खंड रूप करिए ते रोम अद्धार पत्यके हों हि तिनके अपहरण करणेका काल तावन्मात्र जानना, । एकएक समय विपै एक एक रोमकौं ग्रहण करतैं जेतैं कालकरि सर्व रोम समाप्त होहिं तितनां काल अद्धार पत्यका है । इहां कोऊ प्रश्न करै कि इहां असंख्यात वर्ष कहे सो कैसा असंख्यात है ? ताका समाधान—मध्यम असंख्यात का कोऊ भेद है, मध्यमके भेद घनें ते जुदे जुदे संज्ञादिक रूप वचन करि कहे न जाइ वा परोक्ष ज्ञानी जीवनि करि जुदा जुदा तिनका संज्ञा प्रमाणादिक जान्या न जाइ, तातैं सामान्यपनै असंख्यातका नाम कहा, यथासंभव जानि लेनां । लोक विषै भी जहां निर्णय न होइ तहां सामान्यवचन कहिए हैं जैसें देवदत्तके लाखां धन पाईए हैं, तहां यहू आया जो हजारोंतैं अधिक अर कोड्यौतैं हीन केतायक लाख प्रमाण धन है, तैसें इहां भी संख्याततैं अधिक अनंततैं हीन यथासंभव असंख्यात प्रमाण जाननां । अथवा द्विरूप वर्गधारादिक विषै अल्प बहुत्वका वर्णन करि हीन अधिक, पनौं जानि स्थूलपनै प्रमाणका ज्ञान करनां । सूक्ष्म तारत्तम्य प्रत्यक्ष ज्ञानी प्रमाण जानैं हैं । ऐसैंही अन्यत्र भी जहां सामान्यपनै संख्यात, असंख्यात, अनंत कहिए तहां यथासंभवपनां जानि लैनां ॥ १०१ ॥

आर्गं सागरोपमका स्वरूपकों सूचै है:—

एदोसिं पल्लणं कोडाकोडी हवेज्ज दसगुणिदा ।

तं सागरोपमस्स दु हवेज्ज एकस्स परिमाणं ॥ १०२ ॥

एतयोः पल्ययोः कोटीकोटी भवेत् दशगुणिता ।

तत् सागरोपमस्य तु भवेत् एकस्य परिमाणम् ॥ १०२ ॥

अर्थ—ए जु उद्धार पल्य अर अद्धापल्य तिनका दशगुणां कोडाकोडि जो होइ तौ सो विवक्षित पल्यकों विवक्षित एक सागरका प्रमाण होइ । भावार्थ—दश कोडाकोडी पल्यका एक उद्धार सागर हो हैं । वहरि दश कोडाकोडि अद्धापल्याका एक अद्धासागर हो है ॥ १०२ ॥

आर्गं याकों सागरोपम कखा सो सागर नाम समुद्रका है सो लवण समुद्रकी उपाय दिखाई, इस सागरोपम संज्ञाकों सार्थक दिखावनेके अर्थ कहै हैं:—

लवणंबुहिसुहुमफले चउरस्से एकजोयणस्सेव ।

सुहुमफलेणवहरिदे वटं मूलं सहस्सवेहगुणं ॥ १०३ ॥

लवणांबुधिसूक्ष्मफले चतुरस्से एकयोजनस्यैव ।

सूक्ष्मफलेनापहते वृत्तं मूलं सहस्सवेधगुणम् ॥ १०३ ॥

अर्थ—प्रथम लवणसमुद्रका क्षेत्रफल करनेकों ऐसा करण सूत्र जाननां । 'अंताइ सूइ जोगं रुंदद्धगुणित्तु दुप्पडिं किच्चा । तिगुणं हदे करणिगुणं वादर सुहुमं फलं वलए ॥ १ ॥' ऐसा सूत्र आर्गं आवैगा । याका अर्थ—अंतकी सूची अर आदिकी सूचीकों जोडि रुंदका आधा प्रमाण करि गुणन करें जो होइ ताकों दोय जायगा स्थापिए, एक जायगा तिगुणा करिए तब गोलक्षेत्र विषे वादर क्षेत्रफल होइ । वहरि दशकरणि गुणां करिए । दश करणि कहा ? भया जो प्रमाण ताका वर्ग करि ताकों दश गुणां करिए ऐसैं करतैं करणिरूप फल होइ, याका वर्गमूल प्रमाण सूक्ष्म क्षेत्रफल जाननां । सो इहां लवण समुद्रकी अंतसूचीका प्रमाण पांच लक्ष योजन (५ ल) अर आदिसूची का प्रमाण एक लक्ष योजन (१ ल) मिलाएं छह लाख भए (६ ल), ताकों रुंद जो व्यास ताका प्रमाण दोय लाख योजन ताका आधा लक्ष तीह करि गुणिए (६ ल), इनकों दोइ जायगा स्थापिए (६ ल, ६ ल) एक जायगा तिगुणां करें (१८ ल) वादर क्षेत्रफल होइ । एक जायगा दश करणि करि गुणें (६ ल, ६ ल १०) करणिरूप सूक्ष्म क्षेत्रफल होइ । याका वर्गमूलमात्र लवण समुद्रका सूक्ष्म क्षेत्रफल भया, एक एक योजनका लंबा, चौड़ा, चौकोर खंड लवण समुद्रके इतनें होहि । इहां इस प्रकार करि लवण समुद्रका सूक्ष्म क्षेत्रफल कैसें होइ सो ताकी वासनाका कथन संस्कृत ठीकातैं जाननां । वहरि एक योजन प्रमाण गोलकुंडका सूक्ष्म क्षेत्रफल ऐसा (१० $\frac{३}{४}$, $\frac{३}{४}$) जातैं एक योजनका वर्ग एक ताकों दश गुणां कीएं करणिरूप परिधि ऐसा होइ १०, ताकों व्यासकी चौथाई $\frac{३}{४}$ का वर्ग करि गुणें करणिरूप सूक्ष्मके क्षेत्रफल ऐसा (१०, $\frac{३३}{४}$) इतनां करणिरूप सूक्ष्म क्षेत्रफलका एक योजन प्रमाण गोल कुंड एक होइ तौ लवण समुद्रका करणिरूप सूक्ष्म क्षेत्रफल

विषै केते कुंड होहि, ऐसा त्रैराशिक करिए, तहां प्रमाण राशि ऐसा (१० ३।३ फल राशि १, इच्छाराशि ऐसा (६ लल, ६ लल, १०) इच्छाकौ फल करि गुणि प्रमाणका भाग दीएं दशका गुणकार वा भागहारका अपवर्त्तन कीएं लब्धराशि ऐसा होइ (६ लल, ३ ६ लल ३) । बहुरि ' हारस्य हारो गुणकोशराशेः ' इस वचनतैं भागहारका, भागहार राशिका गुणकार होइ सो यहां भागहार एक, ताका भागहार च्यारि है सो राशिका गुणकार भया तब ऐसा भया (२४-लल, २४ लल) ऐसैं वर्गरूप शलाका होहैं, याका वर्गमूल ग्रहण करिए तब एक लाख गुणां चौबीस लाख हूवा (२४ लल) याकौ लवण समुद्रकी उंडाई हजार योजन प्रमाण करि गुणें सर्व कुंडनिका प्रमाण ऐसा भया (२४ लल १०००) ॥ १०३ ॥

आगैं अन्यगुणकारकौ दिखावैं हैं:—

रोमहदं छकेसजलोस्सेगे पणुवीससमयात्ति ।

संपादं करिय हिदे केसेहि सागरूपत्ती ॥ १०४ ॥

रोमहतं षट्केशजलोत्सेके पंचविंशसमया इति ।

संपातं कृत्वा हिते केशैः सागरोत्पत्तिः ॥ १०४ ॥

अर्थ—बहुरि व्यवहार पत्यकैं रोम च्यारि, एक आदि अंकरूप तिनकी सहनानी ऐसी (४१=) बहुरि तिनि तैं असंख्यात गुणें उद्धार पत्यके रोम तिनकी सहनानी ऐसी (४१=४) बहुरि अद्धारपत्यके रोम तीह स्यौंभी असंख्यात गुणें तिनकी सहनानी ऐसी (४१=४४) इहां असंख्यातकी सहनानी ऐसी ४ जाननीं, सो एक कुंडमें इतने रोम पाईए तौ पूर्वोक्त प्रमाण कुंडनि विषै केते रोम पाईए ऐसैं त्रैराशिक करि पूर्वोक्त कुंडनिके प्रमाणको रोमनिके प्रमाण करि गुणिन करे लवण समुद्र विषै कल्पित किए सर्व कुंड तिन विषै रोमनिका प्रमाण होइ (२४ लल १०००, ४१=४४ बहुरि छह रोम जितनां क्षेत्र रोकैं, तितने क्षेत्रका जलकौ काढतैं पचीस समय होइ तौ पूर्वोक्त प्रमाण रोमनिका क्षेत्र संबंधी जलकौ उतासिचन करतैं केते समय हों हिं, ऐसैं त्रैराशिक करनां । तहां प्रमाण राशि छह रोम (६), फलराशि पचीस समय (२५), इच्छाराशि सर्व रोम (२४, लल १०००४१=४४) इहां इच्छा राशि विषै चौबीसको प्रमाण राशि छह करि अपवर्त्तन कीएं, अर फल करि इच्छा राशिकौ गुणें लब्ध राशि ऐसा (२५,४, लल १०००,४१=४४) बहुरि पत्यके समय पूर्वोक्त इतने (४१=४४) होइ तौ इतने समयनिके केते पत्य होइ तहां ऐसा (४१=४४) प्रमाणका अपवर्त्तन कीएं पचीस, अर लाख गुणां च्यारि लाख अर हजार इनकौ परस्पर गुणें दशको-डाकोडि भया सो इतने पत्य भए एक सागरकी उत्पत्ति हो है ॥ १०४ ॥

आगैं द्विरूप वर्गधाराविषै सागरोपमकी उत्पत्ति नाहीं तातैं सागरोपमके अर्द्धच्छेदकौ जना-वता संता सूत्र कहै है:—

गुणयारद्धच्छेदा गुणिज्जमाणस्स अद्धच्छेदजुदा ।

लद्धस्सद्धच्छेदा अहियस्स-च्छेदणा णत्थि ॥ १०५ ॥

गुणकारार्धच्छेदा गुण्यमानस्यार्धच्छेदयुताः ।

लब्धस्यार्धच्छेदा अधिकस्य छेदना नास्ति ॥ १०५ ॥

अर्थ—गुणकारके जेते अर्द्धच्छेद होंहि तं गुण्यमानराशिके अर्द्धछेदनिकरि जांडिए तत्र लब्धराशिके अर्द्धछेद होंहि । जैसे गुणकार आठ गुण्य सोलह सो गुणकार करि गुण्यकों गुणं लब्धराशि एकसो अट्ठाईस तहां गुणकार आठके अर्द्धछेद तीन अर गुण्य सोलहके अर्द्धछेद च्यारि ४ इन दोजनिकां जोडें लब्धराशि एकसो अट्ठाईसके अर्द्धछेद सात हों हि । तैसें इहां भी गुणकार दश कोडाकोडिके अर्द्धछेद संख्यात ते गुण्य जो पत्य ताके अर्द्धछेदनि करि जोडें लब्धराशि सागर ताके अर्द्धछेद हो हैं । बहुरि जातें अधिककी छेदना नाहीं है । तातें सागरोपमकी वर्गशलाका नाहीं है । भावार्थ—गुणयारद्धच्छेदा इत्यादि सूत्र करि गुण्यके अर्द्धछेदनि विषे गुणकारके अर्द्धछेद जोडें तहां जो गुणकारके अर्द्धछेद जोडें तिनकां अधिक छेद कहिये तिन अधिक छेदनिके अर्द्धछेद हों हि परंतु प्रयोजन नाहीं । तातें ऐसा कइया कि अधिक छेदनिके अर्द्धछेद नाहीं । प्रयोजन तौ यहू है जो राशिके जेते अर्द्धछेद हों हि तिन अर्द्धछेदनिके जेते अर्द्धछेद हों हि तावन्मात्र वर्गशलाका होइ । सो तौ यहां प्रयोजन है नाहीं जातें यहू राशि वर्गरूप नांही है तातें सागरोपमकी वर्गशलाकाका अभाव जाननां ॥ १०५ ॥

आगे गुण्यगुणकारके अर्द्धछेदनिका स्वरूप दिखावतें प्रसंग पाइ भाज्य भाजकके भी अर्द्धछेदनिका स्वरूपको दिखावें हैं—

भज्यस्सद्धच्छेदा हारद्धच्छेदणाहिं परिहीणा ।

अद्धच्छेदसलागा लद्धस्स ह्वंति सब्वस्थ ॥ १०६ ॥

भाज्यस्यार्धच्छेदा हारार्धच्छेदनाभिः परिहीनाः ।

अर्धच्छेदशलाका लब्धस्य भवंति सर्वत्र ॥ १०६ ॥

अर्थ—भाज्यके जेते अर्द्धछेद हों हिं तं हार जो भाजक ताके अर्द्धछेदनिकरि हीन करिए तत्र लब्धराशिकी अर्द्धछेदशलाका सर्वत्र होइ । अंक संदृष्टि विषे जैसे भाज्य चौंसठि ६४ हार च्यारि ४ हारका भाग भाज्यकों दीएं लब्धराशि सोलह १६ । तहां भाज्य चौंसठिके अर्द्धछेद लह ६ ते भाजक च्यारिके अर्द्धछेद दीय तिन करि हीन किए अवशेष लब्धराशि सोलहके अर्द्धछेद च्यारि जाननें । ऐसें ही अन्यत्र भी जाननां ॥ १०६ ॥

आगे सूच्यगुलके अर्द्धछेदकों दिखावता सूत्र कहें हैं—

विरलिज्जमाणरासिं दिण्णस्सद्धच्छिदीहिं संगुणिते ।

अद्धच्छेदा होंति हु सब्वत्थुप्पण्णरासिस्स ॥ १०७ ॥

विरल्यमानराशौ देयस्यार्धच्छिदिभिः संगुणिते ।

अर्धच्छेदा भवंति हि सर्वत्रोत्पन्नराशेः ॥ १०७ ॥

अर्थ—विरलनमान जो राशि ताकों देय राशिके अर्द्धच्छेदन करि गुणें उत्पन्न राशिके अर्द्धच्छेद सर्वत्र होहि । जैसे विरलन राशि च्यारि, देय राशि सोलह, तहां विरलन राशिका विरलन करि देयराशिकों रूप प्रति देइ १६।१६।१६।१६ । परस्पर गुणें पणष्टी ६५५३६ प्रमाण होइ तहां विरलन राशि च्यारि ताकों देयराशि सोलहके अर्द्धच्छेद च्यारि तिन करि गुणें उत्पन्न राशि जो पणष्टी ताके अर्द्धच्छेद सोलह हो हैं । तैसें इहां विरलनराशि पत्यके अर्द्धच्छेद तिनकों देयराशि पत्य ताके अर्द्धच्छेदन करि गुणें उत्पन्नराशिके अर्द्धच्छेद पत्यके अर्द्धच्छेदनिका वर्गप्रमाण हो है ॥१०७॥

आगैं सूच्यंगुलकी वर्गशलाकाकां दिखावता सूत्र कहैं हैं:—

विरलितरासिच्छेदा दिण्णद्धच्छेदछेदसंमिलिता ।

वग्गसलागपमाणं होंति समुत्पण्णरासिस्स ॥ १०८ ॥

विरलितरासिच्छेदा देयार्धच्छेदछेदसंमिलिताः ।

वर्गशलाकाप्रमाणं भवति समुत्पन्नराशेः ॥ १०८ ॥

अर्थ—विरलन राशिके जेते अर्द्धच्छेद होहि ते देयराशिके अर्द्धच्छेदनिके अर्द्धच्छेदन करि मिलाईए जोडिए । तत्र विरलनदेयका क्रम करि उत्पन्न भया जो राशि ताकी वर्गशलाका प्रमाण होइ । जैसे विरलनराशि च्यारि ताके अर्द्धच्छेद दोय वहरि देयराशि सोलहके अर्द्धच्छेद च्यारि ताके अर्द्धच्छेद दोय इनकों मिलाए उत्पन्नराशि जो पणष्टी ताकी वर्गशलाकाका प्रमाण च्यारि होइ । तैसें इहां विरलनराशि पत्यके अर्द्धच्छेद ताके अर्द्धच्छेद पत्यकी वर्गशलाका प्रमाण वहरि देयराशि पत्य ताके अर्द्धच्छेदनिके अर्द्धच्छेद भी पत्यकी वर्गशलाकातैं दूणी हो हैं । वहरि—वग्गादुपरिमवग्गे दुगुणा दुगुणा हवति अद्धच्छिद्धी । इस पूर्वोक्त सूत्रके न्याय कर सूच्यंगुलके अर्द्धच्छेदनतैं दूणे प्रतरांगुलके अर्द्धच्छेद हो हैं । वहरि—वग्गसला रूवहिया—इस पूर्वोक्त सूत्रके न्याय करि सूच्यंगुलकी वर्गशलाकातैं एक अधिक प्रतरांगुलकी वर्गशलाका हो है । वहरि द्विरूप वर्गधाराविपैं उत्पन्न जो सूच्यंगुल सो जिस स्थानविपैं उपजैं है तिसहीके समान स्थान विपैं द्विरूप घनधाराविपैं घनांगुल उपजैं हैं तातैं 'तिगुणा तिगुणा परट्टाणे'—इस पूर्वोक्त सूत्रके न्याय करि सूच्यंगुलके अर्द्धच्छेदनतैं तिगुणें घनांगुलके अर्द्धच्छेद हो हैं । वहरि 'सपट्टे पर सम'—इस पूर्वोक्त न्यायकरि सूच्यंगुलकी वर्गशलाकाके समान ही घनांगुलकी वर्गशलाका है । वहरि 'विरलज्जमाणरासि' इत्यादि सूत्रके न्याय करि विरलनमानराशि पत्यका अर्द्धच्छेदनिका असंख्यातवां भाग ताकों देयराशि घनांगुलके अर्द्धच्छेदन करि गुणें उत्पन्नराशि जगच्छेणी; ताके अर्द्धच्छेद हो हैं ॥ १०८ ॥

आगैं जगच्छेणीकी वर्गशलाका दिखावनैकों सूत्र कहैं हैं:—

दुगुणपरीतासंखेणवहरिदद्धारपल्लवग्गसला ।

विंदंगुलवग्गसलासहिया सेट्ठिस्स वग्गसला ॥ १०९ ॥

द्विगुणपरीतासंखेनापहताद्धारपल्लवग्गशलाः ।

वृंदांगुलवर्गशलासहिता श्रेण्या वर्गशलाः ॥ १०९ ॥

अर्थ—दूणी जघन्यपरीतासंख्यात करि भाजित जो अद्धारपल्यकी वर्गशलाका सो घनगुंलकी वर्गशलाकासहित जगच्छेणीकी वर्गशलाका हो हैं ।

भावार्थ—पत्यकी वर्गशलाकाको जघन्य परीतासंख्यातते दूणे प्रमाणका भाग दीए जो प्रमाण होइ ताकी घनांगुलकी वर्गशलाकासहित जोडिए तव जगच्छेणीकी वर्गशलाकाका प्रमाण हो है । इहां दूणां जघन्यपरीतासंख्यातका भाग कैसै दीया सो कहिए हैं । अद्वापत्यका अर्द्धच्छेद राशिके अर्द्धच्छेदपत्यकी वर्गशलाका प्रमाण है । वहुरि पत्यका अर्द्धच्छेदराशिका प्रथम वर्गमूलके अर्द्धच्छेदपत्यकी वर्गशलाकाके अर्द्धप्रमाण है । वहुरि ताहीका द्वितीय मूलके अर्द्धच्छेद ताते आवे है । तृतीय मूलके ताते आवे है ऐसै वर्गमूल वर्गमूल प्रति आवे आवे अर्द्धच्छेद तावत् करने यावत् पत्यका अर्द्धच्छेदराशिके नीचे जघन्य परीतासंख्यातका अर्द्धच्छेद एक अधिक प्रमाण वर्गमूलपर्यंत जाइ अंत विपे जो वर्गमूल होइ ताके दूणां जघन्यपरीतासंख्यात करि भाजित अद्वापत्यकी वर्गशलाका प्रमाण अर्द्धच्छेद होहि । इहांते उपरि उपरि वर्ग कीए जैसे दूणे दूणे अर्द्धच्छेद होहि तैसे उपरि ते नीचे नीचे वर्गमूलनि विपे आवे आवे अर्द्धच्छेद होहि । इस जुक्ति करि जघन्यपरीतासंख्यातका अर्द्धच्छेद एक अधिकप्रमाण वर्गमूलके अर्द्धच्छेद इतने भये । एक अधिक जघन्य परीतासंख्यात प्रमाण दूवा मांडि परस्पर गुणे दूणां जघन्य परीतासंख्यात होइ ताका भाग अद्धारपत्यकी वर्गशलाकाको दीए जो प्रमाण होइ तितने भए । भावार्थ—जगच्छेणीविपे विरलनराशि पत्यके अर्द्धच्छेदनिके असंख्यातवे भागि कहा सो पत्यकी अर्द्धच्छेदराशिके नीचे जघन्यपरीतासंख्यातका एक अधिक अर्द्धच्छेद प्रमाण जे पत्यके अर्द्धच्छेदनिके वर्गमूल तिन विपे अंतके वर्गमूलका प्रमाण जानना । ताके अर्द्धच्छेद दूणां जघन्यपरीतासंख्यातका भाग पत्यकी वर्गशलाकाको दीए जो प्रमाण होइ तितना भया । वहुरि ‘दिण्णद्धच्छेदछेदसम्मिलिदा’ इस वचन करि देयराशि घनांगुल ताके अर्द्धच्छेदनिके अर्द्धच्छेद जो घनांगुलकी वर्गशलाका सो तिन विपे जोडिए मिलाइए ऐसै करतै उत्पन्न राशि जो जगच्छेणी ताकी वर्गशलाकाका प्रमाण हो है ऐसै मनविपे विचारि ‘दुगुणपरीतासंखे’—इत्यादि सूत्र आचार्यने कहा है । वहुरि ‘वग्गादुवारिमवग्गे’ इत्यादि सूत्रके न्याय करि जगच्छेणीके अर्द्धच्छेदनिते दूणे जगत्प्रतरके अर्द्धच्छेद है । वहुरि ‘वग्गसला ख्वहिया’—इत्यादि सूत्रके न्याय करि जगच्छेणीकी वर्गशलाकाके एक अधिक जगत्प्रतरकी वर्गशलाका है । वहुरि ‘तिगुणा तिगुणा परिद्वाने’—इस सूत्रके न्याय करि जगच्छेणीके अर्द्धच्छेदनिते तिगुणे घनलोकके अर्द्धच्छेद है । वहुरि ‘सपदे परसम’ इस सूत्रके न्याय करि जगच्छेणीकी वर्गशलाकाके समान ही घनलोककी वर्गशलाका है ॥ १०९ ॥

आगे ‘तम्मेतदुगे गुणे रासी’ इस सूत्र करि जितना अर्द्धच्छेदनिका प्रमाण होइ तितना दूवा मांडि परस्पर गुणे राशि होइ । इहां जो साधिक अर्द्धच्छेद होइ तो कैसै होइ सो कहै हैः—

विरलिदरासीदो पुण जेत्तियमेत्ताणि अहियख्वाणि ।

तेसि अण्णोण्णइदी गुणगारो लद्धरासिस्स ॥ ११० ॥

विरलितराशितः पुनः यावन्मात्राणि आधिकरूपाणि ।

तेषां अन्योन्यहतिः गुणकारो लब्धराशेः ॥ ११० ॥

अर्थ—विरलनरूप राशिते यावन्मात्र अधिक रूप होइ तिन अधिक रूप प्रमाण दोयके अंक मांडि परस्पर गुणे जो प्रमाण होइ तितना लब्धराशिका गुणाकार जानना । जैसे सागरके अर्द्ध-

च्छेदनिका प्रमाण संख्यात अधिक पत्यका अर्द्धच्छेद प्रमाण हैं । तहां पत्यके अर्द्धच्छेदनिकों तौ विरलनरूपराशि कहिये । अर ताके उपरि संख्याते अर्द्धच्छेद तिनकों अधिक रूप कहिये । तहां अधिक रूप प्रमाण दौयका अंक मांडि परस्पर गुणें दश कोडाकोडि प्रमाण सो विरलनराशि प्रमाण दौयका अंक मांडि परस्पर गुणें भया जो पत्य प्रमाण लब्धराशि ताका गुणाकार जाननां । तहां पत्यप्रमाण गुण्यकों दश कोडाकोडि प्रमाण गुणकार करि गुणें सागरोपम हो है । अंक संदृष्टि विपै जैसे सागरके अर्द्धच्छेद सात तहां विरलनराशि तौ पत्यका अर्द्धच्छेद च्यारि ताके उपरि अधिक रूप तीनसो तीन जायगा दौयका अंक मांडि परस्पर गुणें आठ भया सो विरलनराशिप्रमाण दूवे मांडि परस्पर गुणें भया जो पत्यका प्रमाण सोलह लब्धराशि ताका गुणकार हो है । तहां सोलहकों आठ करि गुणें सागरोपमका प्रमाण एकसौ अठाईस हो हैं । ऐसैं ही अन्यत्र भी जानना ।

भावार्थ—इहां ऐसा है कि जैसे केतेइक अर्द्धच्छेदनि विपै केतेइक अर्द्धच्छेद मिलाए तहां मिलाए अर्द्धच्छेदनिकों अर्द्ध एकरूप कहे तैसैं तिन मिलाए अर्द्धच्छेद प्रमाण दूवा मांडि परस्पर गुणें जो राशि होइ सो मूल अर्द्धच्छेद प्रमाण दूवा मांडि परस्पर गुणें जो लब्धराशि होइ तिस विपै जोड़ने योग्य न हो हैं गुणकाररूप हो हैं ॥ ११० ॥

आगैं प्रसंगपाइ हीन अर्द्धच्छेदनिका कहा सो कहैं हैं:—

विरलिदरासीदो पुण जेत्तियमेत्ताणि हीणरूवाणि ।

तेसिं अण्णोण्णहदी हारो उत्पण्णरासिस्स ॥ १११ ॥

विरलितराशितः पुनः यावन्मात्राणि हीनरूपाणि ।

तेपामन्योन्यहतिः हार उत्पन्नराशेः ॥ १११ ॥

अर्थ—विरलनरूपराशितैं यावन्मात्र हीनरूप होइ तिन हीन रूप प्रमाण दूवे मांडि परस्पर गुणें जो प्रमाण होइ सो उत्पन्नराशि जो लब्धराशि ताका भागहार होइ । अंक संदृष्टि विपै याका उदाहण ऐसा । जैसे पण्ठी ६५५३६ के अर्द्धच्छेद सोलह तिन तैं च्यारि घाटि अर्द्धच्छेद च्यारि हजार छिनवैके हो हैं । तहां पण्ठीके अर्द्धच्छेदनिकों विरलित राशि कहिए, अर घाटि जे च्यारि अर्द्धच्छेद तिनकों हीनरूप कहिए । सो हीनरूपप्रमाण दूवा मांडि २।२।२।२ । परस्पर गुणें सोलह भए । सोई विरलनराशिप्रमाण दूवा मांडि परस्पर गुणें भया जो पण्ठी ६५५२६ प्रमाण लब्धराशि ताका भागहार हो है । तहां भाज्य पण्ठी ६५५३६ कों भागराशि सोलहका भाग दीएं इष्टराशि च्यारि हजार छिनवै हो है ।

भावार्थ—अर्द्धच्छेदनि विपै केतेइक अर्द्धच्छेद घटाए तिन घटाए अर्द्धच्छेदनिकों हीनरूप कहिए । सो हीनरूप प्रमाण दूवा मांडि परस्पर गुणें जो राशि होइ सो सर्व अर्द्धच्छेद प्रमाण दूवा मांडि परस्पर गुणें जो राशि होइ ताका भागहार हो है । भाग दीएं जो राशि आवै सोई घटाएं पीछैं अवशेष अर्द्धच्छेद रहे तिन प्रमाण दूवे मांडि परस्पर गुणें राशि हो है ऐसा जाननां ॥ १११ ॥

आगैं उत्तर कहिए जो प्रकरण ताकी पातनिका रूप गाथाकौं कहैं हैं:—

जगसेदीए वग्गो जगपदरं ह्योदि तग्घणो लोगो ।

इदि बोहियसंखाणस्सेत्तो पगदं परूवेमो ॥ ११२ ॥

जगच्छ्रेण्या वर्गः जगत्प्रतरो भवति तद्वनो लोकः ।

इति त्रोधितसंख्यानस्य इतः प्रकृतं प्ररूपयामः ॥ ११२ ॥

अर्थ—आठ प्रकार उपमा प्रमाण विषे पत्य और सागरका तौ वर्णन कीया ही । वहुरि सूच्यंगुल प्रतरांगुल घनांगुल जगच्छ्रेणीका वर्णन पूर्वे ही जगच्छ्रेणीका घनप्रमाण लोक है इस कथनका प्रसंग पाइ वर्णन कीया था । वहुरि जगच्छ्रेणीका वर्ग सो जगत्प्रतर है । वहुरि तिस जगच्छ्रेणीका घन सो घनलोक है । तहां पत्यके समयनिका प्रमाण सो तौ पत्य जानना । दश कोडा-कोडि पत्यका समूह सो सागर जानना, पत्यका अर्द्धच्छेद प्रमाण पत्य मांडि परस्पर गुणं सूच्यंगुल होइ सो एक अंगुल लंबे प्रदेशनिका प्रमाण जानना । ताका वर्ग प्रतरांगुल सो एक अंगुल लंबा एक अंगुल चौड़ा प्रदेशनिका प्रमाण जानना । तिस सूच्यंगुलका घन सो घनांगुल है सो एक अंगुल लंबा एक अंगुल चौड़ा एक अंगुल ऊंचा प्रदेशनिका प्रमाण जानना । वहुरि पत्यका अर्द्धच्छेदनिका असंख्यातवां भाग प्रमाण घनांगुल मांडि परस्पर गुणं जगच्छ्रेणी होइ सो लोकका मध्यतैं ऊर्ध्व वा अधः पर्यंत लंबे सात राजूके प्रदेशनिका प्रमाण जानना । वहुरि ताका वर्ग जगत्प्रतर सो जगच्छ्रेणी प्रमाण लंबे वा चौड़े क्षेत्रके प्रदेशनिका प्रमाण जानना । वहुरि तिसही जगच्छ्रेणीका घन सो घनलोक है सो जगच्छ्रेणी प्रमाण लंबा ऊंचा क्षेत्रका प्रदेशनिका प्रमाण जानना । सो इहां ऐसा प्रमाणहीका ग्रहण करनां किछू समय प्रदेशादिकतैं प्रयोजन नाहीं । जैसे काल वर्णन विषे जगच्छ्रेणी प्रमाणकाल कहै तहां तितने समयनिका ग्रहण करना किछू प्रदेशनितैं प्रयोजन नाहीं । ऐसैंही अन्यत्र जाननां । ऐसैं हम करि जान्या है संख्याका स्वरूप जानै ऐसा जु शिष्य ताके ताई यातैं परैं अत्र प्रकरणभूत जो लोकका वर्णन ताहि प्रमाणरूप करै हैं ॥ ११२ ॥

ऐसैं उपमा प्रमाणका प्रकरण समाप्त भया ॥

आगैं जो कथन करिए है ताकी पातनिका पूर्वे गाथाही करि कही सो जाननीः—

उदयदलं आयामं वासं पुन्वावरेण भूमिमुहे ।

सत्तेक पंचएक य रज्जू मज्झमिह हाणिचयं ॥ ११३ ॥

उदयदलं आयामः व्यासः पूर्वापरेण भूमिमुखे ।

सत्तैकं पंचैकं च रज्जुः मध्ये हानिचयम् ॥ ११३ ॥

अर्थ—लोकका उदय जो उंचाईका प्रमाण सो चौदह राजू पूर्वे कहा था ताका दल कहिए आधा सात राजू प्रमाण आयाम कहिए दक्षिण उत्तर दिसा विषे चौडाईका प्रमाण जानना जातैं पूर्व पश्चिम विषे चौडाईका हानिचयरूप आगैं कथन करिए है तातैं इहां दक्षिण उत्तर दिसा विषे नीचै तैं लगाय उपरि चौदह राजूकी उंचाई पर्यंत सर्वत्र सात राजू चौड़ा लोक जाननां । कहीं हीनाधिक नाहीं । वहुरि पूर्व पश्चिम दिसा विषे व्यास भूमि अर मुख विषे क्रमतैं सात राजू, एक राजू, पांच राजू, एक राजू, जानना ।

भावार्थ—पूर्वतैं पश्चिम पर्यंत लोक नीचैं ही नीचैं तौ सात राजू चौड़ा है । उपरि क्रमतैं घटता मध्यलोक विपैं एक राजू चौड़ा है । उपरि क्रमतैं वधता ब्रह्मस्वर्गके निकटि पांच राजू चौड़ा है उपरि क्रमतैं घटता अंतविपैं एक राजू चौड़ा है । तहां आदि प्रमाणकों भूमि कहिए अंत प्रमाणकों मुख कहिए तिन विपैं हानि अर चय हैं ते साधनै । हानि नाम घटनेका है चयनाम क्रमतैं जितनां जितनां वधै ताका नाम है ॥ ११३ ॥

आगैं तिन हानि चयके साधनेका विधान कहता संता सूत्र कहैं हैं:—

मुहभूमीण विसेसे उदयहिदे भूमहादु हाणिचयं ।

जोगदले पदगुणिदे फलं घर्णा वेधगुणितफलं ॥ ११४ ॥

मुखभूम्योः विशेषे उदयहिते भूमुखतः हानिचयं ।

योगदले पदगुणिते फलं घनो वेधगुणितफलम् ॥ ११४ ॥

अर्थ—मुख अर भूमि विपैं अधिक प्रमाणमें स्यौ हीन प्रमाण घटाएं जो अवशेष रहै ताकों उचाईका भाग दीएं भूमि मुखतैं हानिचय हो हैं । सो इहां अधोलोक विपैं नीचैं चौड़ा राजू सात सो भूमि कहिए । उपरि घटता घटता एक राजू रह्या सो मुख कहिए सो भूमिमें स्यौ मुख घटाएं छहराजू रहे तहां सात राजूकी उचाईमें छहराजू घटे तो एक राजू की उचाई में कितना घटे ऐसैं त्रैराशिक करें उंचाई सात राजूका भाग छहराजूकों दीजिए इतनां इतनां प्रमाण एकराजू उपरि जाइ चौड़ाईमें घटती हूवा तहां नीचैंही नीचैं सातराजू चौड़ा है तातैं एक राजू उपरि जाइ सातवीं नरक पृथ्वीके निकटि छह राजूका सातवां भाग घट्या ताकों समछेद विधान करि घटाएं गुणचासराजूका सात भागमें स्यौ छहराजूका सातवां भाग घटें तियालीस राजूका सातवां भाग प्रमाण व्यास रह्या । ऐसैं ही एक एक राजू उपरि जाइ छह राजूका सातवां भाग घटावतैं छठी नरक पृथ्वीके निकटि सैंतीसका सातवां भाग पंचमीके निकटि इकतीसका सातवांभाग चौथीके निकटि पचीसका सातवां भाग तीसरीके निकटि उगणीसका सातवां भाग दूसरीके निकटि तेरहका सातवां भाग प्रथम पृथ्वीके अंति मध्यलोक निकटि सातका सातवां भाग प्रमाण व्यास जाननां । बहुरि आधा ऊर्ध्व लोकका चय ल्यावनें विषैं मुख तौ मध्य लोकके निकटि एकराजू अर भूमि ब्रह्मस्वर्गके निकटि पांच राजू तहां भूमिमें स्यौ मुख घटाएं अवशेष च्यारि राजू । बहुरि मध्य लोकतैं ब्रह्मस्वर्ग तौ साढा तीन राजू ऊंचा अर सौधर्म युगल डेहराजू ऊंचा । सो जो साढा तीन राजूकी उचाईमें च्यारि राजू वधै तौ ड्योढ राजूकी उंचाईमें कितना वधै ऐसैं त्रैराशिक करिए तब भिन्न गणित करि वारह राजूका सातवां भाग प्रमाण वधती आया । याकों एक राजूका व्यास मध्यलोक विपै था तामें समछेद विधान करि मिलाएं सौधर्म युगलका अंतके निकटि उगणीसका सातवां भाग प्रमाण व्यास भया । बहुरि सौधर्म युगलतैं सनत्कुमारयुगल ड्योढ राजू ऊंचा तातैं पूवैं ड्योढ राजू विषैं वधतीका प्रमाण वारह राजूका सातवां भाग कह्या था सो इतना प्रमाणरूप चय उगणीसका सातवां भाग विषैं मिलाएं सनत्कुमार युगलका अंतके निकटि इकतीस राजूका सातवां भाग प्रमाण व्यास भया । बहुरि यातैं ब्रह्मयुगल आधा राजू ऊंचा सो साढा तीन राजूकी उचाई में च्यारि राजू वधै तौ

आधा राजमें कितना बधै ऐसैं त्रैराशिक कीए च्यारि राजूका सातवां भाग प्रमाण बधै सो पूर्व चय इकतीस राजूका सातवां भाग प्रमाणमें मिलाए ब्रह्मयुगलका अंतके निकटि पैतीस राजूका सातवां भाग प्रमाण व्यास भया । बहुरि अब उपरिका ऊर्द्धलोक विषैं हानि ल्याईए हैं । तहां ब्रह्मस्वर्गके निकटि तौ पांचराजू व्यास सो भूमि कहिए । अर लोकका अंतविषैं एकराजू व्यास सो मुख कहिए । भूमिमें स्यौ मुख घटाए अवशेष च्यारि राजू । बहुरि साढा तीन राजूकी उंचाईमें च्यारि राजू घटै तौ आधाराजूकी उंचाईमें कितना घटै ऐसैं त्रैराशिक करतैं च्यारि राजूका सातवां भाग आया, सो ब्रह्मयुगलतैं लंतवादि युगल आध आध राजू उंचे हैं तारतैं ब्रह्मस्वर्गके निकटि पैतीसका सातवां भाग प्रमाण चौडां था तामें च्यारि राजूका सातवां भाग घटाए लंतव युगलका अंतके विषैं इकतीस राजूका सातवां भाग प्रमाण व्यास रखा । यामें च्यारि राजूका सातवां भाग घटाए शुक्र युगलका अंतके निकटि सताईस राजूका सातवां भाग प्रमाण व्यास रखा यामें तितनाही घटाए सतार युगलका अंतके निकटि तेईस राजूका सातवां भाग प्रमाण व्यास रखा यामें तितनाही घटाए आणत युगलका अंतके निकटि उगणीस राजूका सातवां भाग प्रमाण व्यास रखा । यामें तितनाही घटाए आरण युगलका अंतके निकट पंद्रह राजूका सातवां भाग प्रमाण व्यास रखा । बहुरि इहांतैं लोकका अंत एक राजू उंचा है सो साढा तीन राजूकी उंचाईमें च्यारि राजू घटै तौ एक राजूकी उंचाईमें कितना घटै ऐसैं त्रैराशिक कीए आठ राजूका सातवां भाग आया सो पंद्रह राजूका सातवां भागमें स्यौ घटाए सात राजूका सातवां भाग रखा सो अप्रवर्तन कीए लोकका अंत विषैं एक राजू प्रमाण व्यास जाननां । ऐसैं पूर्व पश्चिमकी अपेक्षा लोकका व्यास हीनाधिक जाननां । बहुरि अधोलोकका समस्त क्षेत्रफल कहिए है । मुख अर भूमिका योग करि ताको आधा करि पदयोग छ तीह करि गुणिए तब क्षेत्रफल होइ । बहुरि याको वेध करि गुणिए तब घनफल होइ सो इहां पूर्व पश्चिम अपेक्षा नीचैं ही नीचैं व्यास प्रमाणरूप भूमि सो सातराजू अर अधो लोकका अंत विषैं व्यासका प्रमाण सो मुख एक राजू इन दोऊनिकों मिलाए आठराजू हूवा याको आधा कीए च्यारि राजू हूवा । बहुरि इहां दक्षिण उत्तर अपेक्षा सर्वत्र व्यासको पद कहिए सो सातराजू प्रमाण तीह करि गुणें अठाईस राजू प्रमाण क्षेत्रफल भया । बहुरि याको वेध जो अधोलोककी उंचाईका प्रमाण सातराजू तीह करि गुणें एकसौ छिनवै राजू प्रमाण घनफल होइ । अधो लोकका एक एक राजू प्रमाण लंबा चौडा उंचा खंड कल्पिए तौ एकसौ छिनवै खंड होइ ऐसा अर्थ जानना ॥ ११४ ॥

आगैं अधोलोकको क्षेत्र अपेक्षा आठ प्रकार भेदकरि कहैं हैं:—

सामणं दोआयद् जवमुर जवमज्ज मंदरं दूषं ।

गिरिगङ्गेण विजाणह अट्टवियप्पो अधोलोगो ॥ ११५ ॥

सामान्यं द्वयायते यवमुरजं यवमध्यं मंदरं दूष्यं ।

गिरिकटकेन विजानीहि अट्टविकल्पः अधोलोकः ॥ ११५ ॥

अर्थ—सामान्य १ ऊर्द्धायत १ तिर्यगायत १ यवमुरज १ यवमध्य १ मंदर १ दूष्य १ गिरिकटक १ ऐसैं आठ प्रकार अधोलोक जानहु । तहां आठौ ही प्रकार करि उंचाई अर पूर्व पश्चिम चौडाईकी अपेक्षा अठाईस रज्जु क्षेत्रफल कहिए है सर्वत्र दक्षिण उत्तरकी अपेक्षा सात रज्जु

करि गुणें एकसौ छिनवै रज्जु प्रमाण घनक्षेत्र जाननां । तहां सामान्यपनै क्षेत्रकी चौडाईको समान करि क्षेत्रफल इहां कहिए है सो सामान्य जाननां सो इहां ' मुहभूमी जोगदले, इत्यादि पूर्वोक्त सूत्रके अनुसार मुख तौ एक रज्जु, भूमि सातरज्जु इनका योग आठ रज्जु ताका आधा च्यारि रज्जु ताका पद जो उचाई सात रज्जु करि गुणें अठाईस रज्जु क्षेत्रफल भया । वहुरि ऊर्द्धता करि लंबा ऐसा चौकोर क्षेत्र कल्पिकरि जो क्षेत्रफल इहां कहिए है सो ऊर्द्धायत जाननां । सो अधोलोकको चौडाई का मध्यविषै छेदि दोय खंड करिए । वहुरि एक खंडको उपरि नीचै उलटा करि जैसे आयत चतुरस्र क्षेत्र होइ तैसें स्थापिए तब यहु क्षेत्र च्यारि राजू चौडा सातराजू ऊंचा ऐसा आयत चतुरस्र हूवा ताका 'भुजकोटि वध, इत्यादि सूत्र करि क्षेत्रफल करना । तहां आम्ही साम्ही दोय दिसा संबधी प्रमाणको भुज कहिए अवशेष दोय दिसा संबधी प्रमाणको कोटि कहिए इनको परस्पर गुणें क्षेत्रफल होइ सो इहां सातकरि च्यारिको गुणें अठाईस रज्जु प्रमाण क्षेत्रफल भया । वहुरि तिर्यगरूप लंबा ऐसा चौकोर क्षेत्र कल्पि जो इहां क्षेत्रफल करिए सो तिर्यगायत जानना, सो ' मुखभूमि समास इत्यादि सूत्र करि मुख एक रज्जु भूमि सात रज्जु इनका समास जो जोड़ सो आठ रज्जु ताका आधा च्यारि रज्जु प्रमाण हीनाधिक समान कीएं सर्वत्र चौडाईका प्रमाण होई । वहुरि सात रज्जुकी उंचाई विषै मध्य विषै छेदि आधा क्षेत्रको जुदा स्थापि ताके उपरि आधा क्षेत्र था ताको चौडाई विषै मध्यविषै छेदि जैसे तिर्यगायत क्षेत्र होई तैसें तिस आधा क्षेत्रके दोऊ पार्श्वनि विषै चौथाई क्षेत्र स्थापिए तब साढा तीन राजू ऊंचा अर आठराजू चौडा ऐसा तिर्यगायत क्षेत्र भया ताका 'भुज कोटि वध, इत्यादि सूत्र करि अठाईस रज्जु प्रमाण क्षेत्रफल हो है ॥ ११५ ॥

आगै यवमुरज क्षेत्रफलको ल्यावै है:—

रज्जुतयस्सोसरणे सत्तुदओ जदि हवेज्ज एकेसे ।

किमिदि कदे संपादे एकजउस्सेहमाणमिणं ॥ ११६ ॥

रज्जुत्रयस्यापसरणे सत्तोदयो यदि भवेत् एकस्य ।

किमिति कृते संपाते एकयवोत्सेधमानमिदम् ॥ ११६ ॥

अर्थ—यवनामा अन्नके आकारि अर मृदंगके आकारि क्षेत्र कल्पिकरि इहां क्षेत्रफल कहिए सो यव मुरज जानना तहां आधा यवका आकार तिकूटा जानना । ताकूं दूणा कीएं यवका आकार होइ । वहुरि उपरि नीचै हीनाधिक चौडाईका प्रमाण लीएं आधा मृदंगका आकार होइ ताकूं दूणा कीएं सम्पूर्ण मृदंगका आकार होइ । सो इहां अधोलोक विषै अठारह खंड तौ अर्द्ध यव आकारि कल्पनां अर एक खंड मृदंग आकारि कल्पनां । तहां यवाकार खंडका प्रमाण कहिए है । नीचै तौ सात राजू चौडा मध्यलोकके पार्सि एक राजू चौडा सो छह राजू घट्या सो दोऊ पार्श्व विषै इतना घट्या ताका आधा तीन रज्जु प्रमाण एक पार्श्व विषै घट्या सो तीन रज्जुके घटने विषै जो सात रज्जुकी उंचाई पाईए तौ एक रज्जुके घटने विषै केती उंचाई पाईए ऐसें त्रैराशिक कीएं सातरज्जुका तीसरा भाग प्रमाण एक यवकी उंचाई भई याको आधा कीएं सात रज्जुका छठा भाग प्रमाण आधायवकी उंचाई भई । वहुरि इस आधा

यवरूप क्षेत्रका क्षेत्रफल ' मुहभूमी जोग दळे, इत्यादि सूत्र करि कहिए हैं । मुख तौ शून्य जातैं तिकूटा क्षेत्र विपै मुखकी चौडाईका अभाव है । बहुरि भूमि एक रज्जु जोडें भी एकरज्जु ताका आधा आधारज्जु ताकों उचाई सातका छठा भाग करि गुणें सात राजूका वारव्हां भाग प्रमाण आधा यवका क्षेत्रफल भया । याकों अठारह गुणा कीएं साढा दस रज्जु प्रमाण क्षेत्रफल तौ यवाकार क्षेत्रनिका भया । बहुरि आधा मृदंगाकारका क्षेत्रफल ' मुह भूमी जोग दळे, इत्यादि सूत्र करि कहिए हैं । मुख तौ एक रज्जु भूमि च्यारि रज्जु जोडें पांच रज्जु ताका आधा अढाई रज्जु ताकों पद जो उंचाईका प्रमाण साढा तीन रज्जु करि गुणें पोंणानव रज्जु क्षेत्रफल भया । याकों दूणां कीएं साढा सत्रह रज्जु प्रमाण सम्पूर्ण मृदंग क्षेत्रका क्षेत्रफल भया यामें साढा दस रज्जु यव क्षेत्रफल मिलाएं अठईस रज्जु प्रमाण क्षेत्रफल भया । इहां यहु भाव जाननां । अधोलोक जहां च्यारि राजू चौडा हैं तहां मृदंगका मध्य ठहराया ताके उपरि अनुक्रमतैं हीन चौडा हैही सो आधा मृदंग तौ उपरि भया । बहुरि जैसें उपरि चौडाई है तैसें ही नीचें चौडाई मध्यतैं क्रमहीन रूप कल्पना करी सो आधा मृदंग नीचें भया ऐसें दोऊनिकों मिलाएं सम्पूर्ण मृदंग क्षेत्र भया । बहुरि नीचें दोऊ पार्श्वनि विपै चौडाई वधती रही तहां अठारह तिकूटा क्षेत्र अर्द्ध यवाकार कल्पना कीएं । इहां ऐसा आकार जानना । इहां नीचेतैं एक राजूकी चौडाई जहां घटी तहां पर्यंत अर्द्ध यव ठहराया । सो नीचें सात राजूकी चौडाई है तहां मध्य विपै एक राजू तौ मृदंगाकार विपै रखा अर एक पार्श्व विपै तीनि राजू रखा तहां तैं तीन तौ नीचें तैं क्रमहीनरूप आधे यव ठहराए । अर तिनके वीचि दोय उपरितैं क्रम हीनरूप आधे ठहराए । ऐसें पांच आधे यव भए । बहुरि तिनके उपरि सात राजूका छठा भाग प्रमाण उचाई नीचेतैं भए जहां दोय राजूकी चौडाई रही तहां तैं तैसेंही दोयतौ नीचेतैं क्रमहीनरूप एक उपरितैं क्रमहीनरूप ऐसें तीन आधे यव ठहराए, ताके उपरि तहांतैं तितना ही उचाई भए जहां एक राजूकी चौडाई रही तहां एक नीचेतैं क्रम हीनरूप आधा यव ठहराया । ऐसेंही दूसरे पार्श्व विपै नव आधे यव जाननें । ऐसें अठारह आधे यव भए । ऐसें एक मृदंग नव यव कल्पना करि क्षेत्रफल कहा । बहुरि यवहीके आकारि क्षेत्र कल्पिकरि इहां क्षेत्रफल कहिए है सो यव मध्य जाननां । सो अधोलोक विपै चौईस यवाकार क्षेत्रके खंड कल्पिए है । तहां आधा यवका क्षेत्रफल सात रज्जुका वारव्हां भाग कहा था ताकों दूणा कीएं सात रज्जुका छठा भाग प्रमाण एक यवका क्षेत्रफल होइ याकों चौईस गुणा कीएं अठईस रज्जु प्रमाण यव मध्य क्षेत्रफल हो है । इहां यहु भाव जाननां । जैसें पूर्वे पार्श्वनि विषै यवाकार कल्पना कीया तैसें इहां सर्व ही अधोलोक विपै अठतालीस अर्द्ध यवाकार ऐसें कल्पनें । इहां नीचें सात राजू चौडा तहां तैं पूर्ववत् नीचें तैं क्रमहीन तौ सात अर तिनिके वीचि उपरितैं क्रमहीन छह आधे यव ठहराए । तिनके उपरि पूर्ववत् उचाई होतैं छह, पांच, अर पांच, अर पांच, च्यारि च्यारि तीन अर तीन दोय अर दोय, एक, आधे यव कल्पना कीएं तिनके चौवीस सम्पूर्ण यव ठहराय क्षेत्रफल कहा है ॥ ११६ ॥

आगें मंदर क्षेत्रफल ल्यावनेकों कहिए है:—

अर्द्ध चउत्थभागो सगवारसमं तिदाल वारंसो ।

सग वारंस दिवडूं रज्जुदओ मंदरे खेचे ॥ ११७ ॥

अर्थ चतुर्थभागः तसद्वादश त्रिचत्वारिंशत् द्वादशांशः ।

सप्त द्वादशांशं द्व्यर्धं रज्जुदयो मंदरे क्षेत्रे ॥ ११७ ॥

अर्थ—मंदर जो मेरु ताका आकार कल्पि क्षेत्रफल जो इहां कहिए है सो मंदर जाननां । तहां अधोलोककी सात राजूकी उचाई है । तामैं आधारज्जु चौथाई रज्जु मिलाएं पौणरज्जु । बहुरि सात रज्जुका बारन्हां भाग बहुरि तियालीस रज्जुका बारन्हां भाग बहुरि ड्योढ राजू इतनां प्रमाण लीं जुदी जुदी उंचाई मंदर क्षेत्र विषैं कल्पिए । बहुरि ' मुहभूमीण विसेसे उदयहिदे, इत्यादि पूर्वसूत्रके अनुसारि मुख एकराजू भूमि सातराजू, । भूमिमैं स्यौं मुख घटाएं छहराजू भया सो सात राजूकी उंचाई विषैं छहराजू घटै तौं पौणराजूकी उंचाईमें केता घटै ऐसैं त्रैराशिक करि नवराजूका चौदह्वां भाग प्रमाण घट्या सो सात राजूमैं स्यौं घटाएं निवासी राजूका चौदह्वां भाग अवशेष रखा इतना नीचेतैं पौणराजू उपरि जाइ चौडाईका प्रमाण जाननां । ऐसैंही ताके उपरि सातराजूका बारन्हां भाग उपरि जाय सातराजूका चौदह्वां भाग घटि बियासीका चौदह्वां भाग प्रमाण आयाम रखा ताके उपरि तियालीस राजूका बारन्हां भाग उपरि जाय तियालीसका चौदह्वां भाग घटि गुणतालीस राजूका चौदह्वां भाग प्रमाण आयाम रखा ताके उपरि सात राजूका बारन्हां भाग उपरि जाय सातराजूका चौदह्वां भाग घटि वतीस राजूका चौदह्वां भाग प्रमाण आयाम रखा ताके उपरि ड्योढ राजू उपरि जाय नवराजूका सातवां भाग घटि चौदह राजूका चौदह्वां भाग ऐसा एक राजू प्रमाण आयाम मध्यलोकके निक रखा । तहां चूलिका ह्यावनेके अर्थ सातराजूका बारन्हां भाग प्रमाण उचाई रूप दोयक्षेत्र तिनको लंबा चौकोर जैसैं होइ तैसैं एकको सुलटा एकको उलटा स्थापि तिन दोऊ क्षेत्रनि विषैं अपनी अपनी भूमिमैंस्यौं मुख घटाएं सातराजूका चौदह्वां भाग प्रमाण घाटि होनेका प्रमाण कहा । सो अपवर्तन कीएं आध आध राजू भया तहां एक एकके दोय दोय खंड कीएं च्यारि खंड भए तहां एक खंडकी भूमि पाव राजू प्रमाण ताको तौ उपरि स्थापिए अर अवशेष तीन खंडनिका भूमि पौणराजू प्रमाण ताको उपरि स्थापिए अर अवशेष तीनि खंडनिका भूमि पौणराजू प्रमाण सो नीचे स्थापिए इतनां तौ चौडाईका प्रमाण । अर सातराजूका बारन्हां भाग उचाईका प्रमाण जाका भया ऐसी चूलिका करिए पीछैं विषम चतुर्भुज क्षेत्रका तौ क्षेत्रफल ' मुहभूमी जोग दले, इत्यादि सूत्र करि ल्याईए । अर आयत चतुरस्र क्षेत्रका क्षेत्रफल ' भुजकोटि वेध, इत्यादि सूत्र करि ल्याईए । बहुरि छहों क्षेत्रफलनिकों समच्छेद विधान करि जोडिए तब चौराणवै सै आठ राजूको तीनसैं छत्तीसका भाग दीजिए इतनां भया सो अठाईस राजू प्रमाण क्षेत्रफल भया । इहां ऐसा भाव जाननां । जैसैं मेरुगिरि नीचेतैं केतीइक उचाई पर्यंत तौ चौडाई क्रमतैं हीन रूप है ताके उपरि केतीइक उंचाई पर्यंत चौडाई समान रूप हैं । ताके उपरि केती इक उंचाई पर्यंत चौडाई क्रमतैं हीन रूप है ताके उपरि केतीयक उंचाई पर्यंत चौडाई समान रूप है ताके उपरि केतीइक उंचाई क्रमतैं हीन रूप है ताके उपरि चूलिका है सो क्रमतैं हीनरूप चौडाई लीं है ऐसैं यह आकार है तैसैं अधोलोककी उंचाई विषैं पांच भाग कल्पैं तहां पौण राजकी उचाई पर्यंत तौ चौडाई क्रमतैं हीन रूप ही ग्रहण कीन्हें इहां मेरु विषैं नीचे तैं केती

इक उचाई पर्यंत तो भूमि विषे कंद हैं । ताके उपरि भूमि उपरि उचाई है ऐसै दोंय भाग हैं । ताते आव राजू पावराजू उचाई रूप दोंय भाग काएं परंतु इहां पर्यंत क्रमते चौडाई हीन रूप ही है । ताते मिलाय पौण राजू कही । बहुरि ताके उपरि सात राजूका वारव्हां भाग पर्यंत क्रमहीन चौडाई है । तिस चौडाई विषे उपरि त्रियार्त्तसका चौदव्हां भाग प्रमाण चौडाई रहीं तिस प्रमाण समान चौडाई करणी । अर दोऊ तरफां ववती चौडाई रहीं सो जुदी राखी सो वह चौडाई दोऊ तरफका मिलाएं नीचें आवराजू उपरि क्रमते हीन तिकुंटी जाननी । बहुरि ताके उपरि त्रियार्त्तस राजूका वारव्हां भाग पर्यंत चौडाई क्रमते हीन रूप है सोई ग्रहण कीन्हीं । बहुरि ताके उपरि सातराजूका वारव्हां भाग पर्यंत चौडाई क्रमते हीन रूप है । तिस विषे पूर्ववत् वर्त्तीसराजू चौदव्हां भाग प्रमाण समान चौडाई ग्रहण कीन्हीं । अर दोऊ तरफांकी चौडाई पूर्ववत् प्रमाण लीएं जुदी राखी । बहुरि ताके उपरि खौद राजू उचाई पर्यंत क्रमते हीनरूप चौडाई है सोई ग्रहण कीन्हीं । बहुरि जो दोंय जायगा चौडाई जुदी राखी थी तिस विषे एक जायगाकी चौडाई मुलटा एक जायगा लटा स्थापे आधा राजू चौडा सात राजूका वारव्हां भाग प्रमाण ऊंचा क्षेत्र भया । तहां उपरिका चौडाई घटाय नीचें मिलाएं नीचें पौणराजू चौडा उपरि पावराजू चौडा क्षेत्र कल्पनां कीया अर याका उचाई सातराजूका वारव्हां भाग प्रमाण है सो यहू क्षेत्र मंरुका चूलिकाका जायगा कल्पना काया ऐसै मेहगिरि समान अधो-लोकका आकार कल्पि क्षेत्रफल कह्या है । बहुरि अब दूय क्षेत्रफल कहिए है । पूर्वें अर्द्धयवकी उचाई सात राजूका छठा भाग कह्या था सो सात राजूमें समष्टेद विवान करि घटाएं पैतीसका छठा भाग रह्या । सो एक तो खंड यहू भया यहां भूमिका प्रमाण सात राजू अर मुखका प्रमाण पैतीस राजूका छठा भाग जानना । बहुरि दूसरा खंड विषे भूमि तो पैतीस राजूका छठा भाग अर यामें सात राजूका छठा भाग घटाएं मुखका प्रमाण अठईस राजूका छठा भाग । ऐसैही पूर्व पूर्व खंडविषे जो मुख होइ सो उत्तर उत्तर खंडविषे भूमि जाननी । पूर्व पूर्व खंडका मुखमें स्यौ अर्द्ध यवकी उचाईका प्रमाण घटाएं उत्तर उत्तर खंडनि विषे मुख जानना । ऐसै छह खंड भए । 'मुहू भूमी जोग दळे' इत्यादि सूत्र करि इन छहों खंडनिका क्षेत्रफल ल्याइ जोडिए तव दोंयसै वावनका वारव्हां भाग भया सो इकईस राजू हूवा । यामें सात राजू मिलाएं दूय क्षेत्रफल विषे भी क्षेत्रफल अठईस राजू हूवा । सो इस दूयक्षेत्रफलका भाव मौकां भी नीके नहीं प्रतिभास्या ताते नहीं लिख्या है बुद्धिवांन जानियो ॥ बहुरि गिरिकटकका क्षेत्रफल कहिए । इस अठतालीस अर्द्धयवरूप क्षेत्र कल्पना करिए है सो एक अर्द्धयवका क्षेत्रफल सात राजूका वारव्हां भाग कह्या था ताका अठतालीस गुणां काएं गिरिकटक क्षेत्रफल विषे भी अठईस राजू प्रमाण आया । ऐसै आठ प्रकार करि अधोलोकका क्षेत्रफल दिखाया । इहां यहू भाव जाननां । पूर्वें जैसे यव मव्य कह्या तैसेही गिरिकटक जानना । विशेष इतना तहां दोंय दोंय तिकुंटे क्षेत्र मिलाय यवाकार कह्या था । इहां एक एक तिकुंटी क्षेत्र ग्रहण करि अठतालीस पर्वताकार कह्या सो आकार ऐसै जाननां ॥ ११७ ॥

अब ऊर्द्धलोकका क्षेत्रभेदकां कहें है:—

सामण्यं पत्तयं अर्द्धत्यंमं तहेव पिण्णट्ठी ।

एद्वे पंचपयारा लोयक्खेत्तमिह पायव्वा ॥ ११८ ॥

सामान्यं प्रत्येकं अर्धस्तंभं तथैव पिनटिः ।

एते पंचप्रकाराः लोकक्षेत्रे ज्ञातव्याः ॥ ११८ ॥

अर्थ—सामान्य १ प्रत्येक १ अर्धस्तंभ १ स्तंभ १ पिनटि १ ऐसैं ऊर्द्धलोकके क्षेत्रविषैं ए पांच प्रकार जानें । सो इहां पूर्वपश्चिम अपेक्षा चौडाई अर उचाईकी अपेक्षा करि क्षेत्रफल इकईस राजू कहिए है । याकों दक्षिण उत्तर अपेक्षा सात राजूकी चौडाई करि गुणें एकसो सैंतालीस राजू धनरूप क्षेत्ररूप ऊर्द्धलोकका जाननां । एक एक राजूका लंबा चौड़ा ऊंचा ऊर्द्धलोकका खंड कल्पें एकसौ सैंतालीस हो है । तहां सामान्यकों समीकृत भी कहिए । जातैं हीनाधिक चौडाईकों समान करि क्षेत्रफल इहां कहिए हैं । सो ' मुहभूमी जोग दले, इत्यादि सूत्र करि मुख तौ इहां मध्यलोक निकटि एक राजू अर भूमि ब्रह्मस्वर्गनिकटि पांच राजू तिनकों जोडें आधा कीएं ती राजू ताकां उचाई साढा तीन राजू करि गुणें साढा दश राजू प्रमाण क्षेत्रफल आधा ऊर्द्धलोकका भया । याकों दूणां कीएं इकईस राजू प्रमाण सत्र ऊर्द्धलोकका क्षेत्रफल भया । उपरिका आधा ऊर्द्धलोकविषैं मुख तौ लोकके अंति एक राजू अर भूमि ब्रह्मस्वर्गके निकटि पांच राजू जाननां । ऊर्द्धलोकका आकार ऐसा जाननां । सो इहां नीचें तैं ब्रह्मस्वर्गपर्यंतका जुदा क्षेत्रफल कीया तातैं उपरि लोकपर्यंतका जुदा क्षेत्रफल कीया दोजनिकों मिलाय ऊर्द्धलोकका क्षेत्रफल कीया है । अब प्रत्येक क्षेत्रफल कहिए हैं । तहां मध्यलोकतैं सौधर्मद्विक ड्योढ राजू ऊंचा सो ' मुहां भूमीण विसेसे ' इत्यादि पूर्वोक्त सूत्रका अनुसारतैं इहां मध्यलोकके निकटि एक राजू सो तो मुख जानना । बहुरि साढा तीन राजूकी उचाईमें च्यारि राजू बंधें तौ ड्योढ राजूकी उचाईमें कितनां बंधें । ऐसैं त्रैराशिक कीएं वारह राजूका सातवां भाग प्रमाण वधाएं उगणीस राजूका सातवां भाग चौडा सौधर्मद्विकका अंतके निकटि भया सो एक तौ यहू खंड भया इस विषैं मुखतौ एक राजू भूमि उगणीस राजूका सातवां भाग प्रमाण है । बहुरि ऐसैंही नाके उपरि ड्योढ राजू ऊंचा खंडविषैं मुखतौ उगणीस राजूका सातवां भाग यामें वारहका सातवां भाग मिलैं भूमि इकतीस राजूका सातवां भाग प्रमाण हो है । बहुरि ताके उपरि आध राजू ऊंचा खंडविषैं मुख तौ इकतीस राजूका सातवां भाग अर यामें च्यारि राजूका सातवां भाग मिलैं भूमि पांच राजू प्रमाण हो हैं । बहुरि ताके उपरि आधा राजू ऊंचा खंडविषैं भूमि तौ पांच राजू तामें साढा ती राजूकी उचाईमें च्यारि राजू घटै तौ आध राजूकी उचाईमें कितनां घटै ऐसैं त्रैराशिक करि च्यारिका सातवां भाग घटाएं मुखका प्रमाण इकतीस राजूका सातवां भाग है । बहुरि ऐसैं ही ताके उपरि आधा राजू ऊंचा खंडविषैं भूमि इकतीस राजूका सातवां भाग तामें च्यारि राजूका सातवां भाग घटाएं मुख सताईस राजूका सातवां भाग हो है । ता उपरि आध राजू ऊंचा खंडविषैं भूमि सताईस राजूका सातवां भाग तामें च्यारिका सातवां भाग छटाएं मुख तैइस राजूका सातवां भाग हो है तामें चारिका सातवां भाग घटै मुख उगणीस राजूका सातवां भाग हो है । ताके उपरि आध राजू ऊंचा खंड विषैं भूमि उगणीस राजूका सातवां भाग तामें च्यारिका सातवां भाग घटै मुख पंद्रह राजूका सातवां भाग हो हैं बहुरि ताके उपरि एक राजू ऊंचा खंड विषैं भूमि

पंद्रह राजका सातवां भाग तामें आठका सातवां भाग बँटें मुख एकराजू प्रमाण हो है । ऐसैं भूमि मुखका प्रमाण जानि मुहभूमि जोगदळे, इत्यादि सूत्रकरि सत्र खंडनिका जुदा जुदा क्षेत्रफल जो होइ ताकां जोडिइ तत्र दोयसैं त्रैराशिकका चौदव्हां भाग ऐसा इकईस राजू प्रमाण प्रत्येक क्षेत्रफल होइ । इहां यह भाव जाननां जुदा जुदा क्षेत्रफल कहि करि जोड्या तातैं वाकां प्रत्येक क्षेत्रफल कइया है । बहिरि अर्द्धस्तंभ अर स्तंभ क्षेत्रका क्षेत्रफल सुगम है इहां ऐसा भाव जाननां । ऊर्द्धलोकका आकारको मध्यविषैं छेदि तहां वाचिका एकराजू क्षेत्र ताका तौ आधा आधा राजू दोऊ पार्श्वनि विषैं स्याधिष् । अर जो दोऊ पार्श्वनिका अवशेष क्षेत्र तहां उपरला नचला क्षेत्रको उलटा मुखटा स्यापन काएण चौकार क्षेत्र होइ सो मध्यविषैं स्यापन करिष् ऐसैं अर्द्धस्तंभ क्षेत्रका जुडनां हो है । तहां आकार ऐसा जाननां । इहां स्तंभाकार लोकका मध्यविषैं छेदि स्यापन किया तातैं याका नाम अर्द्धस्तंभ है । बहिरि ऊर्द्धलोकका आकार विषैं वाचि एक राजू चौडा क्षेत्र तौ वाचिमें लिखना अर दोऊ पार्श्वनिका बचता क्षेत्र मध्यविषैं दोय दोय राजू रखा यां तिसविषैं दोय खंड करि दोऊ पार्श्वनिका उलटा मुखटा जोडै दोय लंब चौकार क्षेत्र होइ सो दोऊ पार्श्वनि विषैं जोडिष् ऐसैं स्तंभ क्षेत्रका जुडनां हो है । ताका आकार ऐसा ॥ बहिरि अर्द्धस्तंभ वा स्तंभ क्षेत्र विषैं जोड्या हूवा क्षेत्र तीन राजू लंबा हूवा सो मुजकोटिका बच करि इकईस राजू हूवा सो यह क्षेत्रफल सुगम है ॥ ११८ ॥

बहिरि पिनष्टि क्षेत्रफल जाननेको त्रिमुजका उचाई आदि जानां चहिष् सो कहै हैं:—

रज्जुद्वुगहाणिटाणे आजडूदवो जदीह एकिससे ।

किमिदि तिरासियकरणे फळं दलोणं तिवाहुदयो ॥ ११९ ॥

रज्जुद्विकहानिस्थानं अर्धचतुर्थोदयो यदीह एकस्य ।

किमिति त्रैराशिककरणे फळं दलोणं त्रिवाहुदयः ॥ ११९ ॥

अर्थ—एक पार्श्वका अपेक्षा चौडाई करि दोय राजूका घटनेका स्थान विषैं साढा तीन राजूकी उचाई होइ तौ एक राजूका घटने विषैं केती उचाई होइ ऐसैं त्रैराशिक करने विषैं सातका चौथा भाग आया । यामें आधा राजू घटाएँ सवाराजू प्रमाण त्रिमुजका उचाईका प्रमाण आया ॥ ११९ ॥

तिशुजुदयूणुदयुच्चं मृद्वैत्तस्स भूमिमुहसेसे ।

भूमी तप्फलहीणं चतुरस्सथराफलं सुद्धं ॥ १२० ॥

त्रिमुजोदयोनोदयोच्चं सूचीक्षेत्रस्य भूमिमुखशेषे ।

भूमिः तत्फलहीनं चतुरस्रवराफलं शुद्धम् ॥ १२० ॥

अर्थ—बहिरि उचाईका प्रमाण विषैं त्रिमुजका उचाईका प्रमाण घटाएँ बाह्य सूची क्षेत्रकी उचाईका प्रमाण आया । बहिरि भूमिमें स्यौ मुख घटाइ अवशेष भूमि होइ ताका क्षेत्रफल करि हीन शुद्ध चौकार क्षेत्रका क्षेत्रफल होइ । सो यह कथन नीकें मेरे समझनेमें न आया है । तातैं पिनष्टि क्षेत्रके क्षेत्रफलका विधान इहां नाहीं लिख्याहै संस्कृत टीकार्त जानना । ऐसैं ऊर्द्धलोकका पांच प्रकार करि क्षेत्रफल कइया है ॥ १२० ॥

आगै पूर्व पश्चिम अपेक्षा करि व दक्षिण उत्तर अपेक्षा करि लोकका परिधिकों दिखावता संता कहै हैं:—

पुन्वावरेण परिही उगुदालं साहियं तु रज्जुणं ।
दक्षिणउत्तरदो पुण वादालं ह्योति रज्जुणं ॥ १२१ ॥
पूर्वापरेण परिधिः एकोनचत्वारिंशत् साधिका तु रज्जुनाम् ।
दक्षिणोत्तरतः पुनः द्वाचत्वारिंशत् भवति रज्जुनाम् ॥ १२१ ॥

अर्थ—पूर्व पश्चिम अपेक्षाकरि लोकका परिधि गुणतालीस राजू सो साधिक कहिए तियालीस राजूका एकसो वीसवां भाग करि अधिक प्रमाण जाननां । बहुरि दक्षिण उत्तर अपेक्षातैं वियालीस राजू प्रमाण जाननां । गिरहका नाम परिधि है सो दक्षिण उत्तर अपेक्षा तौ परिधिका जाननां सुगम है । जातैं लोक दक्षिण उत्तर दिशाकी अपेक्षा सात राजू तौ नीचै चौडा सात राजू उपरि चौडा, एक तरफ चौदह राजू ऊंचा ताहिका दोन्यो तरफां अठईस राजू हुवा सर्व मिलाएं वियालीस राजू प्रमाण परिधि भया ॥ १२१ ॥

बहुरि पूर्व पश्चिम अपेक्षा साधिक गुणतालीस राजू परिधि कैसैं है ताके जाननेको करण सूत्र कहै हैं:—

भुजकोटिकादिसमासो कर्णकदी होदि वग्गरासिस्स ।
गुणयारभागहारा वग्गाणि ह्वंति णियमेण ॥ १२२ ॥
भुजकोटिकृतिसमासः कर्णकृतिः भवति वर्गराशेः ।
गुणकारभागहारौ वर्गो भवतः नियमेन ॥ १२२ ॥

अर्थ—भुज और कोटिका जो वर्ग ताका समास कहिए जोड़ सो कर्णका वर्ग हो हैं । तहां जैसैं कोऊ वांस खडा है । सो वांस बीचमें स्यौं टूटिकरि पृथ्वीके आंनि लगा तहां पृथ्वी अर खडा वांस अर टूटा वांसके बीचि जो त्रिभुज क्षेत्रभया तहां खडा वांसका प्रमाण अर टूटा वांस जहां पृथ्वीके आंनिलगा तहांतैं लगाय जहां वांस खडा है तहां पर्यंत पृथ्वीका प्रमाण इन दोऊनि विपैं एक कौं भुज कहिए एकको कोटि कहिए हैं । बहुरि जहां तैं टूटा तहां तैं लगाय पृथ्वी विपैं आंनि ल्या तहां पर्यंत टूटा वांसका जो प्रमाण सो कर्ण कहिए है । तहां ऐसा आकार जाननां । तहां भुज और कोटि का जो प्रमाण ताका जुदा जुदा वर्ग करिए । इन दोऊनिकों जोड़ें जो प्रमाण होइ सो कर्णके प्रमाणका वर्ग जानना । ताका मूल ग्रहें कर्णका प्रमाण आवै है । बहुरि वर्गराशिके गुणाकार वा भागहार वर्गरूप ही हो हैं । कोऊ राशि वर्गमूलग्रहण योग्य होइ ताकौं किसी गुणकार करि गुणनां होइ वा भागहार करि भाजनां होइ तौ तिन गुणकार वा भागहारका वर्ग काएं जो प्रमाण होइ ताकरि गुणिए वा भाग दीजिए है । जैसैं कहीं चौसठि प्रमाण वर्गरूप हैं ताकौं दोय करि गुणना होइ तौ तहां दोयका वर्ग करि गुणिए तहां चौसठिकों दोयका वर्ग च्यारि करि गुणें दोयसै छप्पन होइ ताका वर्गमूल सोलह होइ । सोई चौसठिका वर्गमूल आठकौं दोय करि गुणें सोलह होइ । सो अब यहां प्रयोजन कहिए हैं । अधो लोक सात राजू तौ ऊंचा है सो सात राजू प्रमाण तौ भुज

कहिए । बहुरि नीचै तौ सात राजू चौड़ा अर उपरि एक राजू चौड़ा तहां नीचै एक राजू तौ उपरिके समान चौड़ा पणां हूवा । अवशेष दोन्यौं तरफां तीन तीन राजू बधता भया सो एक पार्श्व-विषै जो तीन राजू बधता भया सो तीन राजू प्रमाण कोटि कहिए हैं । बहुरि भुजका वर्ग तौ गुणचास राजू अर कोटिका वर्ग नव राजू इन दोऊनिकों मिलाए अधोलोकका उपरितै उगाय नीचै पर्यंत एक पार्श्वविषै जो परिधिका प्रमाण सो कर्ण कहिए ताका वर्ग अठावन राजू प्रमाण हो हे । बहुरि जो एक पार्श्वविषै इतनां भया तौ दोऊ पार्श्वनिविषै केता होइ तातैं दौयका गुणकार करनां सो इहां वर्गरूप राशि है । तातैं इहां दौयका वर्ग करि गुणें दोन्यौं तरफका वर्णके वर्गका प्रमाण दौयसै वत्तीस राजू हूवा । याका वर्गमूल ग्रहें अधोलोकके दोऊ तरफ उचाई विषै परिधिका प्रमाण पंद्रह राजू अर सात राजूका तीसवां भाग मात्र भया । ऐसैं ही आधा ऊर्ध्वलोकविषै भुजका प्रमाण साढा तीन राजू ताका वर्ग सवा वारा राजू $\frac{33}{2}$ अर कोटिका प्रमाण दौय राजू ताका वर्ग च्यारि राजू इन दोऊनिकों समच्छेद करि मिलाए पैसठिका चौथा भाग प्रमाण भया $\frac{55}{4}$ बहुरि एक पार्श्वविषै इतनां होइ तौ दौय पार्श्व तौ आधा ऊर्ध्व लोकके अर दौय पार्श्व आधा ऊर्ध्व लोकके ऐसैं च्यारि पार्श्वनिविषै कितनां होइ ऐसैं विचारतै च्यारिका गुणकार चहिए सो इहां वर्गराशि है तातैं च्यारिका वर्ग करि गुणें अर च्यारिका भागहार था ताकरि अपवर्तन कीएं दौयसौ साठि राजू प्रमाण ऊर्ध्वलोकके च्यारौं कर्णनिके वर्गका प्रमाण भया याका वर्गमूल ग्रहें ऊर्ध्वलोककी उचाई विषै दोऊ तरफां परिधिका प्रमाण सोलह राजू अर च्यारि राजूका वत्तीसवां भागमात्र भया । बहुरि सर्व लोकके नीचै चौडाईका प्रमाणरूप परिधि सात राजू अर लोकका अंतविषै चौडाईका प्रमाण-रूप परिधि एक राजू । ऐसैं सर्वका जोड दीएं गुणतालीस तौ राजू हूवा । अर अधिक प्रमाण सात राजूका तीसवां भाग अर च्यारि राजूका वत्तीसवां भाग इन दोऊनिके हारकों समच्छेद विधान करि आधा भाज्य भाजक मांडि $\frac{33}{2}$ । $\frac{60}{2}$ जोडि $\frac{33}{2}$ च्यारिका अपवर्तन दीएं तियालीस राजूका एकसौ बीसवां भाग भया । ऐसैं पूर्वपश्चिम अपेक्षा लोकका परिधि गुणतालीस राजू अर तियालीस राजूका एकसौ बीसवां भाग प्रमाण जाननां ॥ १२२ ॥

आगें लोकके सर्व तरफनें परिवेष्टित जो वात बलय तिन स्वरूपादिकका निर्णयके अर्थ सूत्र कहै हैं:—

गोमुत्तमुग्गणाणावण्णाण घणवुघणतणूण हवे ।

वादाणं वलयतयं स्वखस्स तयं व लोगस्स ॥ १२३ ॥

गोमूत्रमुद्दनानावर्णानां घनांवुघनतनूनां भवेत् ।

वातानां वलयत्रयं वृक्षस्य त्वगिव लोकस्य ॥ १२३ ॥

अर्थ—घनोदधि अर घनवात अर तनुवात इन तीनों पवननिका ती वलय लोकके पाईए है । तहां घनोदधि तौ गायका मूत्रके समान वर्णकीं धरै है । घनवात मूंगनामा अन्नके समान वर्णकीं धरै है । तनुवात नानाप्रकार वर्णकीं धरै है । सो लोकके इन पवननिका वलय तैसैं हैं जैसैं वृक्षके

त्वक् कहिये छयोडा होइ । अथवा जैसें तीनि तहका वेठण किसी गांठिके होइ तैसें मांहीं तौ घनोदधिका बल्य है । ताके उपरि घनवातका बल्य है ताके उपरि तनुवातका बल्य है ॥ १२३ ॥

आगेँ इन पवननिका बाहल्य जो मोटापनां ताका निर्णयके अर्थि कहै हैं;—

जोयणवीससहस्रं बहलं बलयत्तयाण पत्तेयं ।

भूलोयतले पासे हेष्टादो जाव रज्जुत्ति ॥ १२४ ॥

योजनविंशतिसहस्रं बाहुल्यं बलयत्रयाणां प्रत्येकम् ।

भूलोकतले पार्श्वे अधस्तात् यावत् रज्जुरिति ॥ १२४ ॥

अर्थ—इहां इतना जाननां जो सात तौ नरकपृथ्वी अर एक मोक्षपृथ्वी इन आठ पृथ्वीनिके नीचेँ तीन तीन वात बलयनिका बाहुल्य कहिए मोटापनां जाननां । कहां कहां ? आठ पृथ्वीनिके नीचेँ । बहुरि लोकाकाशका अधोभागविषेँ नीचेँ बहुरि पार्श्वनिविषेँ नीचेँतें लगाय एक राजूकी उचाई पर्यंत एक एक वात बलय बीस बीस हजार योजन मोटा जाननां ॥ १२४ ॥

आगेँ उपरि पवननिका बाहल्यका निर्णयके अर्थि कहै हैं;—

सत्तमखिदिपणिधिम्हि य सग पण चत्तारि पणचउक्तियं ।

तिरिये वम्हे उट्टे सत्तमतिरिए च उक्तक्रमं ॥ १२५ ॥

सप्तमक्षितिप्रणिधौ च सप्त पंच चत्वारि पंच चतुष्कं त्रिकम् ।

तिरश्चि ब्रह्मे ऊर्ध्वे सप्तमतिरश्चि च उक्तक्रमः ॥ १२५ ॥

अर्थ—बहुरि पार्श्वनि विषेँ नीचेँ तें एक राजूके उपरि सातवीं नरकपृथ्वीके निकटि वात बलयनिका क्रमतेँ सात पांच च्यारि योजनका बाहुल्य जाननां । बीस हजार योजनका मोटापनां था सो एकैसाथि घटि करि इतनां रखा । बहुरि तहां तें उपरि अनुक्रमतेँ वधता वधता ब्रह्मलोकके निकट सप्तम पृथ्वीवत् सात पांच च्यारि योजनका बाहुल्य जाननां । तहां तें उपरि क्रमतेँ घटता घटता ऊर्ध्वलोकके निक तिर्थक् क्षितिवत् पांच च्यारि तीन योजनका बाहुल्य जाननां । अत्र सातवीं पृथ्वीतेँ तिर्थक् क्षितिपर्यंत मध्यम पृथ्वीनिके निकटि बाहुल्यका प्रमाण 'मुह भूमीण विसेसे उदायहिदे' इत्यादि सूत्र करि जाननां । सो इहां तिर्थक् क्षितिके निकटि तानों वात बलयनिका बाहुल्य बारह योजन सो मुख जाननां । बहुरि सप्तम पृथ्वीके निकटि तीनों वात बलयनिका बाहुल्य सोलह योजन सो भूमि जाननां । सो भूमिमें स्यौं मुख घटाएं अवशेष च्यारि योजन ताकोँ सप्तम पृथ्वीतेँ तिर्थग्लोक छह राजू उंचा है ताका भाग दीएं एक राज उपरि घटताका प्रमाण च्यारि योजनका छठा भाग आया । सो इतनां सोलह योजनमें समच्छेद करि घटाएं वा अपवर्तन कीएं छठी नरकपृथ्वीके निकटि पंद्रह योजन अर एक योजनका तीसरा भाग प्रमाण बाहुल्य है । यामें तितनाही घटेँ पांचमी नरकपृथ्वीके निकट चौदह योजन अर दोय योजनका तीसरा भाग प्रमाण बाहुल्य है । यामें तितना ही घटेँ चौथी पृथ्वीके निकट चौदह योजन बाहुल्य है । यामें तितना ही घटेँ तीसरी पृथ्वीके निकट तेरह योजन एक योजनका तीसरा भाग प्रमाण बाहुल्य है । यामें तितनाही घटेँ दूसरी पृथ्वीके निकट बारह योजन अर दोय योजनका तीसरा प्रमाण बाहुल्य है । यामें

तितनाही घटें प्रथम पृथ्वीके अंति तिर्यक् लोकके निकटि वारह योजन प्रमाण वाहुल्य है । ऐसैं ऊर्ध्वलोक विपै मुख तौ वारह योजन भूमि सोलह योजन ताका विशेष च्यारि योजन सो साढा तीन राजकी उंचाईमें च्यारि योजन वधै तौ ड्योढ राजकी उंचाईमें कितना वधै ऐसैं त्रैराशिक करि वारह योजनमें वारह योजनका सातवां भाग वधाएँ सौधर्मयुगलका अंतके निकट तीनों वात वलयनिका वाहुल्य तेरह योजन अर पांच योजनका सातवां भाग प्रमाण हो है । ऐसैं ही त्रैराशिक करि उपरि भी अपनी अपनी उचाईके अनुसारि ब्रह्मस्वर्गपर्यंत वधाइ करि अर उपरि घटाइ करि तीनों वात वलयनिका वाहुल्य जाननां । इहां वातवलय ऐसैं आकार लिएं जाननां । इहां आठ पृथ्वीनिके नीचें अर लोकके चौगिरद वात वलय जाननें ॥ १२५ ॥

आगैं लोकका उपरिम भाग विपै पवननिका वाहुल्यकां प्रगट करता संता कहैं हैं;—

कोसाणं दुग्मेकं देसूणेकं च लोयसिहरम्भि ।

ऊणधणूण पमाणं पणुवीसज्जहियचारिसयं ॥ १२६ ॥

क्रोशानां द्विकमेकं देशोनेकं च लोकशिखरे ।

ऊनधनुपां प्रमाणं पंचविंशाधिकचतुःशतम् ॥ १२६ ॥

अर्थ—तीनों वात वलयनिका वाहुल्य दोय कोस २ एक कोस १ किछू घाटि एक कोस लोकका शिखरि विपै जानना । तहां किछू घाटिका प्रमाण पचीस अधिक च्यारिसैं धनुप जानना ।

भावार्थ—लोकका उपरिम भाग विपै घनोदधि दोय कोस मोटा है । घन वात एक कोश मोटा है । तनु वात एक कोसमें च्यारिसैं पचीस धनुप वटाएँ पंद्रहसैं पिचहत्तरि धनुपप्रमाण मोटा है ॥ १२६ ॥

आगैं लोकका अधस्तनविपै पवन जेता क्षेत्र रोके है तिस क्षेत्रका क्षेत्रफल कहैं हैं;—

लोयतले वादतये वाहल्लं सट्टिजोयणसहस्सं ।

सेदिभुजकोटिगुणिदं किंचूणं वाउखेत्तफलं ॥ १२७ ॥

लोकतले वातत्रये वाहुल्यं पट्टियोजनसहस्रम् ।

श्रेणिभुजकोटिगुणितं किंचिदूनं वायुक्षेत्रफलम् ॥ १२७ ॥

अर्थ—लोकका नीचला भाग विपै तीनों वात वलय विपै मिलाया हूवा वाहुल्य साठि हजार योजन प्रमाण है । बहुरि जगच्छेणी प्रमाण लंबा चौड़ा है । तातैं जगच्छेणी प्रमाण भुजकोटि कहिए सो भुज अर कोटिकों परस्पर गुणें जगत्प्रतर होइ याको साठिहजार योजन प्रमाण वाहुल्य करि गुणिए । बहुरि दक्षिण उत्तर विपै तौ सर्वत्र सात राजू ही है । तातैं भुजविपै तौ हानि नाही अर पूर्व पश्चिम विपै नीचें तौ सात राजू है । उपरि साठि हजार योजन पर्यंत क्रमतैं घटती है । तातैं कोटि-विपै क्रम हानिके सद्भावतैं समचतुरस्र नाही है । तातैं किंचित् ऊन करना । ऐसैं लोकके नीचें किंचित् ऊन साठि हजार योजन करि गुणित जगत्प्रतर प्रमाण वात वलयनिकारि रोख्या हूवा क्षेत्रका क्षेत्रफल जानना ॥ १२७ ॥

आगैं ताकों उपरि पार्श्वनिविषै क्षेत्रफल ल्यावनेके अर्थि कहै हैं;—

किंचूणरज्जुवासो जगसेठीदीहरं हवे वेहो ।

जोयणसद्विसहस्रं सत्तमखिदिपुव्वअवरे य ॥ १२८ ॥

किंचिदूनरज्जुव्यासः जगच्छ्रेणिदैर्यं भवेत् वेधः ।

योजनपदिसहस्रं सत्तमक्षितिपूर्वापरे च ॥ १२८ ॥

अर्थ—लोकके पार्श्वनि विषै नीचेतैं लगाय एक राजूकी; उचाईपर्यंत वात वलय साठि हजार योजन मोटे हैं सो तहां क्षेत्रफल कहिए हैं । उचाइे एक राजू तामें साठि हजार योजन पहलैं अधस्तनक्षेत्रका कहा क्षेत्रफल तामें आय गई तातैं इहां किंचित् उन रज्जु प्रमाण व्यास सो तौ भुज जानना । बहुरि लंबाई लोककी लंबाईके समान जगच्छ्रेणी प्रमाण सो कोटि कहिए । बहुरि मोंटापनों साठि हजार योजन सो वेध कहिए । तहां भुज और कोटिकों परस्पर गुणें जगत्प्रतरका सातवां भाग भया ताकों साठि हजार योजन करि गुणें सातवीं पृथ्वीपर्यंत पूर्व पश्चिम अपेक्षा एक पार्श्वविषै क्षेत्रफल भया ॥ १२८ ॥

एक पार्श्वका इतना क्षेत्रफल भया तौ दोऊ पार्श्वनि विषै केता होइ ऐसैं त्रैराशिक करि दोऊ पार्श्वनिका क्षेत्रफल ल्यावना सो कितना फल सिद्ध भया सो कहै हैं:—

जगपदरसत्तभागं सद्विसहस्रोहि जोयणेहि गुणं ।

विगगुणिदमुभयपासे वादफलं पुव्वअवरेय ॥ १२९ ॥

जगत्प्रतरसत्तभागः पदिसहस्रैः योजनैः गुणः ।

द्विकगुणितः उभयपार्श्वे वातफलं पूर्वापरयोः ॥ १२९ ॥

अर्थ—जगत्प्रतरका सातवां भागकों साठि हजार योजन करि गुणिए बहुरि ताकों दुगुणा करिए ऐसैं करतैं एक लाख बीस हजार योजन गुणां जगत्प्रतरका सातवां भाग प्रमाण दोऊ पार्श्व-निविषै वातवलयका क्षेत्रफल पूर्व पश्चिम दिशाविषै हो है ॥ १२९ ॥

आगैं दक्षिण उत्तर विषै वातवलयका क्षेत्रफल ल्यावनेका विधान कहै हैं;—

उदयमुहभूमिवेहो रज्जुससत्तमछरज्जुसेठी य ।

जोयणसद्विसहस्रं सत्तमखिदिदक्खिणुत्तरदो ॥ १३० ॥

उदयमुखभूमिवेधाः यथासंख्यं रज्जुससत्तमपडरज्जुश्रेण्यः च ।

योजनपदिसहस्रं सत्तमक्षितिदक्षिणोत्तरतः ॥ १३० ॥

अर्थ—लोकके नीचे तैं लगाय सत्तम पृथ्वीपर्यंत उचाई एक राजू सो तौ उदय जानना याकों इहां पद कहिये । बहुरि सत्तम पृथ्वीके निकट लोककी चौड़ाईका प्रमाण छह राजू अर एक राजूका सातवां भाग ६१ सो मुख कहिए । बहुरि लोकके आदि चौड़ाईका प्रमाण जगच्छ्रेणी सो इहां भूमि कहिए । बहुरि वात वलयनिका इहां मोंटापनां साठि हजार योजन सो वेध कहिए अब इहां 'मुह भूमी जोगदले' इत्यादि सूत्र करि मुख और भूमि दाऊनिकों जोडि ताका आधा करिए जो प्रमाण आवै ताकों पद करि गुणिए पीछें जो प्रमाण होइ ताकों वेध करि गुणें एक पार्श्वविषै

क्षेत्रफल होइ योका दूणा काणं सप्तम पृथ्वा पर्यंत दोऊ पार्श्वनि विषे दक्षिण उत्तर थकी वातवलयका क्षेत्रफल होइ ॥ १३० ॥

आगं जो यहू फल भया तार्को कहैं हैं;—

तस्स फलं जगपदरो सद्विसद्वस्सेहि जोयणोहि हदो ।

वाणउदिगुणो सगयणसंभजिदो उभयपासमिह ॥ १३१ ॥

तस्य फलं जगत्प्रतरः पश्चिमहस्त्रैः योजनैः हतः ।

द्वानवतिगुणः सप्तघनसंभक्तः उभयपार्श्वे ॥ १३१ ॥

अर्थ—ताका क्षेत्रफल जगत्प्रतरको साठि हजार योजन करि गुणिण् बहुरि ताको वाणवै करि गुणिण् तव पचावन लाख त्रास हजार योजन गुणां जगत्प्रतर भया ताको सातका घन तीनसै तियार्कास ताका भाग दीजिए इतना क्षेत्रफल दोऊ पार्श्वनि विषे भया । इतना क्षेत्रफल कैसै भया सो कहिए हैं । मुख तो समछेद करि जोड्या दूवा $\frac{1}{2}$ तियार्कास राजूका सातवां भाग अर भूमि सात राजू सो गुणचास राजूका सातवां दोऊनिको जोडै वाणवै राजूका सातवां भाग $\frac{1}{3}$ याको आवा करना अर दोऊ पार्श्वनिका ग्रहणके अर्थि दूणा करना तव तितनाही रह्या अर इहां प्रतररूप क्षेत्र है तातै जगत्प्रतरको तीनसै तियार्कासका भाग सोई एक प्रतर राजूका सातवां भाग है । बहुरि वात वलयनिका मोटाई साठि हजार योजन करि गुणं पूर्वाक्त क्षेत्रफल आवै है ॥ १३१ ॥

आगं उपरि पश्चिम संव्रवि पार्श्वनि विषे वातवलयका क्षेत्रफलको कहैं हैं;—

सेढी छरज्जु चोदसजोयणमायामवासमुस्सेहं ।

पुव्ववरपासजुगले सत्तमदो तिरियलोगोत्ति ॥ १३२ ॥

श्रेणी पद्वज्जुः चतुर्दशयोजनं आयामव्यासोत्सेवम् ।

पूर्वापरपार्श्वयुगलं सप्तमतः तिर्यग्लोकांतं ॥ १३२ ॥

अर्थ—सप्तम पृथ्वीतै ल्याय तिर्यग्लोक पर्यंत पार्श्वनि विषे वातवलयका क्षेत्रफल कहिए सो पूर्व पश्चिम अपेक्षा करि लोकर्का लंबाईके समान लंबाईका प्रमाण जगच्छ्रेणी सो तार्को मुज कहिए । बहुरि सप्तम पृथ्वीतै तिर्यग् लोकर्का उंचा छह राजू सो व्यास है । तार्को कोटि कहिए । बहुरि तीनों वातवलय घाटि वाधिको समान काणं मोटा चोदह योजन सो उत्सेव है तार्को वेध कहिए । सो इहां मुज और कोटिको परस्पर गुणं जो प्रमाण होइ ताको वेध करि गुणिण् सातका अपवर्तन करिण् तव एक पार्श्व विषे फल होइ । बहुरि दोऊ पार्श्वनिके अर्थि याको दौय करि गुणि क्षेत्रफल ल्यावना ॥ १३२ ॥

आगं ताका सिद्ध भया क्षेत्रफल तार्को कहैं हैं ।

तच्चादरुद्धखेत्तं जोयणचलवीसगुणिदजगपदरं ।

उभयदिशासंजणिदं णादव्वं गणिदकुसलेहिं ॥ १३३ ॥

तद्वातरुद्धक्षेत्रं योजनचतुर्विंशतिगुणितजगत्प्रतरम् ।

उभयदिशासंजातं ज्ञातव्यं गणितकुशलैः ॥ १३३ ॥

अर्थ—तिस वातवलयकरि रोक्या हूवा क्षेत्र चौवीस योजन गुणा जगत् प्रतर प्रमाण दोऊ पार्श्वरूप दिशा करि उपज्या यहू क्षेत्रफल गणितविद्याविषै कुशल प्रवीण पुरुपनि करि जाननां । इहां जगच्छ्रेणी छह राजू जो छह गुणा जगच्छ्रेणीका सातवां भाग ताकरि गुणें छह गुणा जगत्प्रतरका सातवां भाग भया । ७।७६।७६ याकों चौदह करि गुणि सातका अपवर्तन कीएं वारह गुणा जगत्प्रतर भया याकों दोऊ पार्श्वनिका ग्रहणके अर्थि दूणां कीएं पूर्वोक्त क्षेत्रफल आवै है ॥ १३३ ॥

आगैं दक्षिण उत्तरके पार्श्वनि विषै वातवलयका क्षेत्रफलका प्रमाण करै हैं:—

उदयं भूमुह वेहो छरञ्जु सत्तमछरञ्जु रञ्जुय ।

जोयण चोदस सत्तम तिरियोत्ति हु दक्खिणुत्तरदो ॥ १३४ ॥

उदयः भूमुखं वेधः पड्ज्वः सत्तमपट्ज्वः रञ्जुश्च ।

योजनचतुर्दश सत्तमस्तिर्यगंतं हि दक्षिणोत्तरतः ॥ १३४ ॥

अर्थ—सत्तम पृथ्वीतैं लगाय तिर्यग् लोक पर्यंत दक्षिण उत्तर अपेक्षा क्षेत्रफल कहिए हैं । तहां सत्तम पृथ्वीतैं तिर्यग्लोक ऊंचा छह राजू सो उदय है ताकों तौ पद कहिए । बहुरि सत्तम पृथ्वीनिकट चौडा तियालीस राजूका सातवां भाग है सो भूमि कहिए । बहुरि तिर्यग्लोकके निकट एक राजू चौडा है सो मुख कहिए । बहुरि तीनों वातवलय घाटि वाधि समान करि चौदह योजन मोठा है सो वेध कहिए सो इहां 'मुह भूमी, इत्यादि सूत्र करि मुख अर भूमिकों जोडि ताका आधा करि ताकों पद करि गुणिए सो प्रमाण होइ ताकों वेध करि गुणिए । एक वार सात करि अपवर्तन करिए तब एक पार्श्वविषै फल याकों दूणा कीएं दोऊ पार्श्वनि विषै होइ ॥ १३४ ॥

आगैं इस सिद्धभया फलकों कहैं हैं:—

तत्थाणिलखेत्तफलं उभये पासम्हि होइ जगपदरं ।

छस्सयजोयणगुणितं पविभक्तं सत्तवग्गेण ॥ १३५ ॥

तत्रानिलक्षेत्रफलं उभयस्मिन् पार्श्वे भवति जगत्प्रतरः ।

पट्छतयोजनगुणितः प्रविभक्तः सत्तवग्गेण ॥ १३५ ॥

अर्थ—तहां अनिल जो पवन ताका क्षेत्रफल दोऊ पार्श्वनि विषै जगत्प्रतरकों छसैं योजन करि गुणिए अर सातका वर्ग गुणचास ताका भाग दीजिए इतना हो हैं । इहां छह राजू अर मुख भूमिकों जोडि आधा कीएं पचीस राजूका सातवां भाग इनकों परस्पर गुणें तौ प्रतर राजू भया सो जगत्प्रतरका गुणचासवां भाग प्रमाण ४९ अर पचीसका सातवां भागकों छह करि गुणें ड्यौढसैका सातवां भाग अर चौदह करि गुणें सातका अपवर्तन कीएं तीनिसै अर दोऊ पार्श्वनिके अर्थि दूणां कीएं पूर्वोक्त क्षेत्रफल आवै हैं ॥ १३५ ॥

आगैं ऊर्द्धलोक विषै पूर्व पश्चिम संबंधि च्यारि पार्श्व तिन विषै पवनका क्षेत्रफल कहैं हैं:—

आउट्टरञ्जुसेढी जोयणचोदस य वासभुजवेहो ।

वम्होत्ति पुव्वअवरे फलमेदं चट्टुगुणं सव्वं ॥ १३६ ॥

अर्धचतुर्थरज्जुश्रेणिः योजनचतुर्दश च व्यासभुजवेधः ।

ब्रह्मांतं पूर्वापरे फलमेतत् चतुर्गुणं सर्वम् ॥ १३६ ॥

अर्थ—तिर्यग् लोकतै ब्रह्मस्वर्ग पर्यंत पूर्व पश्चिमका एक पार्श्व विषै क्षेत्रफल कहिए है तिर्यग् लोकतै ब्रह्मस्वर्ग साढातीनि राजू ऊंचा है सो यहू व्यास है ताकों तौ इहां कोटि कहिए बहुरि जगच्छ्रेणी प्रमाण सर्वत्र चौडा है सो इहां भुज कहिए । बहुरि तीनों वात वलय चौदह योजन मोटा सो वेध कहिए सो 'भुजकोटि' इत्यादि सूत्र करि भुज अर कोटिकों परस्पर गुणि वेध करि गुणें एक पार्श्व विषै क्षेत्रफल सो इहां साढा तीनि राजू है सो जगच्छ्रेणीका आधा है २ याकों जगच्छ्रेणि अर चौदह करि गुणें सात गुणा जगत्प्रतर भया । बहुरि ब्रह्मस्वर्ग पर्यंत आधा ऊर्ध्वलोकके दोय पार्श्व अर ताके उपरि आधा ऊर्ध्वलोकके दोय पार्श्व ऐसैं च्यारि पार्श्व हैं तिनकी अपेक्षा पूर्वोक्त फलकों चौगुणा कीएं सर्व क्षेत्रफल होइ ॥ १३६ ॥

आगैं ऊर्ध्वलोक विषै दक्षिण उत्तर संबधि च्यारों पार्श्वनि विषै वातका क्षेत्रफलकों कहैं हैं;—

पंचाहुद्विगिरज्जू भूतंगमुहं विसत्तजोयणयं ।

वेहो तं चउगुणिदं खत्तफलं दक्खिणुत्तरदो ॥ १३७ ॥

पंचार्धचतुर्थैकरज्जवः भूतंगमुखं द्विसप्तयोजनकः ।

वेधः तच्चतुर्गुणितं क्षेत्रफलं दक्षिणोत्तरतः ॥ १३७ ॥

अर्थ—ब्रह्मस्वर्गके निकटि पांच राजू चौडा सो इहां भूमि कहिए । बहुरि तिर्यग् लोकतै ब्रह्मस्वर्ग साढा तीनि राजू ऊंचा सो तुंग है । सो इहां पद कहिए गच्छ जानना । तिर्यग् लोक निकटि एक राजू चौडा सो इहां मुख जानना तीनों वातवलयकी मोटाई चौदह योजन सो इहां वेध जानना । सो 'मुह भूमि, इत्यादि सूत्र करि मुख अर भूमिको जोडि ताका आधाकों पद करि गुणिए सो प्रमाण होइ ताकों वेध करि गुणें एक पार्श्व विषै क्षेत्रफल होइ सो इहां मुख भूमिका जोड देइ आधा कीएं तीनि राजू सो त्रिगुणा जगच्छ्रेणीका सातवां भाग ७।३ याकों साढा तीन राजू सो आधा जगच्छ्रेणी ताकरि अर चौदह करि गुणें चौगुण जगत्प्रतर भया =४ याकों चौगुणा कीएं दक्षिण उत्तर अपेक्षातै सर्व ऊर्ध्व लोक विषै वातका क्षेत्रफल होइ । इहां प्रश्न उपजै है कि लोकका वर्णन विषै तौ पूर्वे पूर्व पश्चिम अपेक्षातै व्यासका हीनाधिकपनां कहा था । दक्षिण उत्तर अपेक्षा सर्वत्र जगच्छ्रेणी प्रमाण समान व्यास कहा था इहां वातवलयका कथन विषै पूर्व पश्चिम अपेक्षा व्यास सर्वत्र समान कहा दक्षिण उत्तर अपेक्षा हीनाधिक व्यास कहा सो कारण कहा । ताका समाधान जैसें कोऊ मंदिर है ताकी दक्षिण वा उत्तरकी तरफ जे भीति तिनकी लंबाईका जहां प्रमाण करना होइ तहां पूर्व दिशाकी तरफ जो कूट तीहस्यौं लगाय पश्चिमकी तरफ जो भीतिकी कूट तीह पर्यंत मापिए । बहुरि पूर्व वा पश्चिमकी तरफ जे भीति तिनकी लंबाईका जहां प्रमाण करना होइ तहां भीतिकी दक्षिणकी तरफकी कूटतै उत्तरकी कूट पर्यंत मापिए । ऐसैंही लोकका दक्षिण वा उत्तर दिशाका वातवलयका व्यास कहना भया तहां तौ लोकका पूर्व पश्चिम संबधि व्यास करि कथन कीया अर लोकके पूर्व पश्चिम दिशाका वातवलयका व्यास कहना भया तहा

लोकका दक्षिण उत्तर संबन्धी व्यास करि कथन कीया । अर लोकके पूर्व पश्चिम दिशाका वातवलयका व्यास कहनां भया तहां लोकका दक्षिण उत्तर सम्बन्धी व्यास करि कथन कीया है ॥१३७॥

आगैं लोकका अग्रभाग विषै वायुका फलकों कहैं हैं;—

वासुदयभुजं रज्जु इगिजोयणवीसतिसदखंडेसु ।

सतितिसदं सेढी फलमीसिपभाखरि दंडवाऊणं ॥ १३८ ॥

व्यासोदयभुजा रज्जुः एकयोजनविंशत्रिशतखंडेषु ।

सन्निशतं श्रेणिः फलमीपत्प्रागभारोपरि दंडवायूनाम् ॥ १३८ ॥

अर्थ—पूर्व पश्चिम अपेक्षा लोकका व्यासके समान तौ इहां वातवलयका एक रज्जु प्रमाण व्यास जानना ताकों कोटि कहिए बहुरि तीनों वात वलयकी मोटाई एक योजनके तीनसै बीस खंड करिए तिनविषै तीनसै तीनि खंड प्रमाण सो इहां उदै जाननां । ताकों वेध कहिए । बहुरि दक्षिण उत्तर अपेक्षा लोकका व्यासके समान वातवलयकी जगच्छ्रेणी प्रमाण भुजा जाननी । इहां भुज और कोटिकों परस्पर गुणि करि ताकों वेध करि गुणें ईपत्प्रागभारनामा अष्टम पृथ्वीके उपरिका धनुषनिकी मोटाई लीएं जु वायु तिनका क्षेत्रफल हो हैं इहां एक योजनके तीनसै बीस खंडनि विषै तीनसै तीन खंड प्रमाण तीनों वातवलयका मोटापना कहा ताका वीज कहिए हैं । घनोदधि तौ दोय कोश मोटा ताके च्यारि हजार धनुष अर घनवात एक कोश मोटा ताके दोय हजार धनुष अर तनुवात सवा च्यारिसै धनुष हीन एक कोश मोटा ताके पंद्रह सै पिचत्तरि धनुष इन सबनिको मिलाएं सात हजार पांच सै पिचहत्तरि धनुष भए । अर एक योजनके आठ हजार धनुष हैं । सो इहां पचीस करि अपवर्तन कीएं सात हजार पांचसै पिचहत्तरि की जायगा तीनसै तीन भया अर आठ हजारकी जायगा तीनसै बीस भया । ऐसैं करि एक योजनके तीनसै बीस भागनि विषै तीनसै तीनि भाग प्रमाण लोकके उपरि तीनों वातवलयनिका मोटापनां कहा है सो इहां जगच्छ्रेणीकों एक राजू जगच्छ्रेणीका सातवां भाग ताकरि गुणें जगत्प्रतरका सातवां भाग ताकों वेध करि गुणें ऐसा गुणें ऐसा क्षेत्रफल हो है । =३०३ बहुरि इहां लोकका अग्रभाग विषै कहा जु

७।३२०

वायुका फल ताको छोडि और सर्व वायुफल ऐसैं भए । इहां जगत्प्रतरकी सहनानी ऐसी = जाननी ।

लोकके नीचै	सप्तम पृथ्वीपर्यंत	सप्तम पृथ्वीपर्यंत	तिर्यग्लोकपर्यंत	तिर्यग्लोकपर्यंत	ऊर्ध्वलोकपर्यंत
=६००००	पूर्वपश्चिम	दक्षिण उत्तर	पूर्वपश्चिम	दक्षिण उत्तर	पूर्वपश्चिम
	=१२००००	=५५२००००	=२४	४९ ६००	=२८

३ ४३

ऊर्ध्वलोकपर्यंत दक्षिण उत्तर ऐसैं ए भए क्षेत्रफल तिनकों समच्छेद विधान करि मिलावनें सो इन सातनिके हारनिकों सातका घन अर सातका वर्ग अर एक अर सातका घन अर सात अर सातका घन करि क्रमतैं गुणिएं सर्वत्र सातका घनका भाग दीजिए ॥ भावार्थ ॥ पूर्वोक्त सातों क्षेत्रफलनि विषै जहां भागहारन था तहां सातका घन करि गुण्यां जहां सातका भागहार था तहां सातका वर्ग करि गुण्यां जहां तीनसै तियालीसका भाग हार था तहां एक करि गुण्यां जहां गुणचासका भागहार था तहां

सात करि गुण्या जातैं समछेद विधान विषै जिस गुणकार करि गुणें हारनिकी समानता होइ तिस गुणकार करि अंशानिकों गुणनें सो इहां लघु करनेके अर्थ ऐसैं कीया तत्र ऐसैं भए ॥ २-५८००००

३४३

५८८०००० ५५२०००० ८२३२ ४२०० ९६०४ ४११६ इन सवनिकों जोडिए तव तीनि

३४३

३४३

३४३

३४३

३४३

३४३

कोडि बीस लाख छह हजार एकसो बावनकों तीनसै तियालीसका भाग दीजिए इतने भए ३२००६१५२ बहुरि लोकका अप्रभागविषै क्षेत्रफल ऐसा =३०३ इहां भाग हार सात अर तीनसै

३४३

७३२०

बीसकों गुणें वाईस सै चालीस होइ । बहुरि समच्छेद विधान करना । तातैं इस राशि विषै हार तीनसै तीन अर अंश वाईस सै चालीस इन दोऊनिकों सातका वर्ग गुणचास ४९ करि गुणें ऐसा भया =१४८४७ अर पूर्वोक्त राशि ऐसा ३२००६१५२ याके हार अंशानिकों तीनसै बीस करि गुणें

१०९७६०

३४३

ऐसा १०२४१९६८६४० ऐसैं करते दोऊ राशिनके समान भागहार भए बहुरि इन दोऊ राशिनके

१०९७६०

हानिकों मिलाए ऐसा भया =१०२४१९८३४८७ ऐसैं इतना सर्व वातवलयनि करि रोक्या हूवा क्षेत्रका

१०९१६०

क्षेत्रफल हो है ॥ १३८ ॥

आगैं यहू सिद्ध भया क्षेत्रफल ताकों कहैं हैं:—

सत्तासीदिचदुस्सदसहस्सतेसीदिलक्खउणवीसं ।

चउवीसहियं कोडीसहस्सगुणियं तु जगपदरं ॥ १३९ ॥

सत्ताशीतिचतुःशतसहस्सत्र्यशीतिलक्षैकोनविशं ।

चतुर्विंशाधिकं कोटिसहस्सगुणितं तु जगत्प्रतरम् ॥ १३९ ॥

अर्थ—चौबीस अधिक एक हजार कोडि उगणीस लाख तियालीस हजार च्यारिसै सित्यासी करि जगत्प्रतरकों गुणिए ॥ १३९ ॥

बहुरि याका भागहार कहैं हैं:—

सट्ठीसत्तसएहि णवयसहस्सैगलक्खभजियं तु ।

सन्वं वादारुद्धं गणियं भणियं समासेण ॥ १४० ॥

षष्टिसत्तशतैः नवकसहस्रैकलक्षभक्तं तु ।

सर्व वातारुद्धं गणितं भणितं समासेन ॥ १४० ॥

अर्थ—एक लाख बहत्तारि हजार सातसै साठिका भाग दीजिए । इतना; सर्व वातवलय करि रोक्या हूवा क्षेत्रका गणित कहा है जोडि करि लोकके चौगिरद वातवलय है । तिनका क्षेत्र ग्रहण कीया है । अष्टपृथ्वीनिके नीचै वातवलय है तिनका क्षेत्र ग्रहण न कीया है ॥ १४० ॥

आगैं लोकका अप्रभाग विषै तनुवातवलयमें विराजमान सिद्ध भगवान् तिमका जघन्य वा उत्कृष्टि अवगाहका क्षेत्रकों कहैं हैं:—

णवपण्णारसलक्खा सयाण खंडाणमेयखंडभिह् ।

सिद्धाणं तणुवादे जहण्णमुक्कस्सयं ठाणं ॥ १४१ ॥

नवपंचदशलक्षं शतानां खंडानामेकखंडे ।

सिद्धानां तनुवाते जघन्यमुत्कृष्टं स्थानम् ॥ १४१ ॥

अर्थ—तनुवातवलयका बाहुल्यका नव लाख खंड कीजिए तहां खंड विपै सिद्धनकी जघन्य अवगाहनाका प्रमाण जानना अर ताहीका पंद्रह सै खंड कीजिए तहां एक खंड विपै सिद्धनकी उत्कृष्ट अवगाहनाका प्रमाण जानना । ऐसै तनुवातवलय विपै सिद्धनका जघन्य उत्कृष्ट स्थान है ॥ १४१ ॥

आगै तिस अवगाहनाकों व्यवहाररूप करता संता कहै हैं:—

पणसयगुणतणुवादं इच्छिदउग्गाहणेण पविभत्तं ।

हारो तणुवादस्स य सिद्धाणोगाहणाणयणे ॥ १४२ ॥

पंचशतगुणतनुवातः इच्छितावगाहनेन प्रविभक्तः ।

हारस्तनुवातस्य च सिद्धानामवगाहनानयने ॥ १४२ ॥

अर्थ—तनुवातवलयका बाहुल्य तौ प्रमाणांगुल अपेक्षा है अर सिद्धनकी अवगाहनाका प्रमाण व्यवहारांगुल अपेक्षा है । तातै तनुवातका बाहुल्य पंद्रहसौ पिचत्तरि धनुष प्रमाण ताकों पांचसै गुणा कीएं ताके व्यवहार धनुषनिका प्रमाण सात लाख सित्यासी हजार पांचसै होइ । ७८७५०० । याकों विवक्षित जघन्यादि सिद्धनकी अवगाहनाका भाग दीएं सिद्धनकी अवगाहना ल्यावनों विपै भागहारका प्रमाण हो है । भावार्थ । सात लाख सित्यासी हजार पांचसैकों जघन्य अवगाहनाका प्रमाण सात धनुषका आठवां भाग दीएं भागहारका प्रमाण नव लाख आया सो नव लाखका भाग तनुवात वलयका बाहुल्यकों दीएं एक भाग प्रमाण सिद्धनकी जघन्य अवगाहनाका प्रमाण हो है । बहुरि सात लाख साढा सित्यासी हजारकों उत्कृष्ट अवगाहनाका प्रमाण पांचसै पचीस धनुष ताका भाग दीएं भागहारका प्रमाण पंद्रहसै आया सो पन्द्रहसैका भाग तनुवातके बाहुल्यकों दीएं एक भाग प्रमाण सिद्धनकी उत्कृष्ट अवगाहनाका प्रमाण हो है । तहां भागहारका भाग दैना ऐसै जानना जो नव लाख खंडनिका सात लाख साढा सित्यासी हजार व्यवहार धनुष होइ तौ एकखंडके कते धनुष होइ ऐसै त्रैराशिक करिए । बहुरि इहां भाज्य और भागहारकों एक लाख बारह हजार पांचसै करि अपवर्तन करिए तव भाज्य सात लाख साढा सित्यासी हजारकी जायगा तौ सात होइ अर भागहार नव लाखकी जायगा आठ होइ ऐसै सात धनुषका आठवां भाग प्रमाण जघन्य अवगाहना होइ । ऐसै ही उत्कृष्ट अवगाहना जानना । बहुरि च्यारि प्रकार अपवर्तनका विधान जानना ॥ १४२ ॥

आगै त्रसनालीका स्वरूपकों कहै हैं:—

लौयवहुमज्झदेसे रुक्खे सारब्ब रज्जुपदरजुदा ।

चोइसरज्जुत्तुंगा तसणाली होदि गुणणामा ॥ १४३ ॥

लोकबहुमध्यदेशे वृक्षे सार इव रज्जुप्रतरयुता ।

चतुर्दशरज्जुत्तुंगा त्रसनाली भवति गुणणामा ॥ १४३ ॥

अर्थ—लोकाकाशका बहुत मध्यके प्रदेशनि विषे त्रस नाली है । सो कैसी है, रज्जुप्रतर करि युक्त है । भावार्थ । एक राजू तौ लंबा है अर एक राजू चौडी है । बहुरि चतुर्दश राजू उत्तंग है । भावार्थ । लोकके अधोभागते लगाय अग्रभागपर्यंत चौदह राजू ऊंची है । कौन दृष्टान्त । वृक्षे सार इव । जैसे वृक्ष विषे छोडा इत्यादिक तौ उपरि उपरि है । तिनके मध्य सार लकडी पाईए है । तैसे लोक विषे मध्य त्रसनाली पाईए है । बहुरि यहू त्रसनाली कैसी है । गुणनामा कहिए सार्थिक नामकी धरनहार हैं जाते वेदियादिक जे त्रस जीव ते इसही विषे पाईए है । याके वाहरे अवशेष लोक क्षेत्र विषे स्थावर जीव ही पाईए है त्रस जीव नहीं है । उपपाद वा मारणान्तिक केवल समदघातवाले जीवनिके प्रदेशनिका त्रस नाली वाह्य भी सत्व पाईए है परन्तु तिनकी मुख्यता नहीं । ऐसे तहां त्रस जीवनिका सद्भाव त्रस नाली विषे ही जानना वाह्य नहीं । बहुरि इहां त्रस नालीका लंबाई चौडाई एक राजू सो तौ मुज अर कोटि जानना उचाई चौदह राजू सो उत्सेध जानना बहुरि कोटिकों परस्पर गुणि ताकों उचाई करि गुणे त्रस नालीका क्षेत्रफल घनरूप चौदह राजू प्रमाण है । भावार्थ । तीनसे तियालीस घनरूप रज्जु प्रमाण लोक है । तामें चौदह राजूमें तौ त्रस नाली है । अवशेष तीनसे गुणतालीस राजू विषे त्रस नाई पाईए है इहां ऐसा आकार जानना ॥ १४३ ॥

आगें त्रस नालीका अधोभाग विषे तिष्ठता पृथ्वी भेदादिककों कहै हैं:—

मुखदले सत्तमही उवरीदो रयणसक्करावालू ।

पंका धूमतमोमहतमप्पहा रज्जुअंतरिया ॥ १४४ ॥

मुखदले सप्त मह्यः उपरि रत्नशर्करा वालुः ।

पंका धूमतमोमहातमप्रभा रज्ज्वंतरिताः ॥ १४४ ॥

अर्थ—इद्योक्त्य मृदंगके आकारि सर्व लोक कहा था तामें आधा मृदंगके आकारि अधो लोक कहा था । तीह आधा मृदंगका आकार विषे सात पृथ्वी पाईए है तिनका आकार ऐसा । उपरते लगाय रत्नप्रभा १ शर्कराप्रभा १ वालुकाप्रभा, १ पंकप्रभा १ धूमप्रभा १ तमप्रभा १ महातमप्रभा १ ऐसे तिनके नाम जानने इहां प्रभा शब्द प्रत्येक लगाइ लेना ताते रत्नप्रभा इत्यादि नाम हैं । बहुरि ए नाम सार्थिक हैं जाते इन विषे रत्न मिश्री रेत कादो धूवां अंधकार महा अंधकारके समान अनुक्रमते प्रभा पाईए है । बहुरि ते सर्व पृथ्वी एक एक राजूके अंतर संयुक्त जाननी । भावार्थ । मध्य लोकते लगती तौ पहली रत्नप्रभा पृथ्वी है । बहुरि ताते एक राजू नीचे शर्कराप्रभा है ताते एक राजू नीचे वालुका प्रभा है ऐसेही अन्य पृथ्वीनिका एक एक राजूका अंतराल जानना ॥ १४४ ॥

आगें तिन पृथ्वीनिके अन्य नाम कहै हैं:—

घम्मा वंसा मेघा अंजनरिद्धा य होंति अणिलज्झा ।

छट्ठी मघवी पुढवी सत्तमिया माघवी णामा ॥ १४५ ॥

घर्मा वंशा मेघा अंजनारिष्टा च भवन्ति अनियोध्याः ।

षष्ठी मघवी पृथ्वी सप्तमिका माघवी नाम ॥ १४५ ॥

अर्थ—घर्मा १ वंशा १ मेघा १ अंजना १ अरिष्टा १ वहुरि छठी पृथ्वी मघवी १ सातमी माघवी नाम पृथ्वी ऐसैं अनियोध्या कहिए अर्थरहित अनादि रूढि रूप नामकों धरैं ए सप्त पृथ्वी हैं ॥ १४५ ॥

आगैं तहां प्रथम पृथ्वीके भेद कहैं हैं:—

रयणप्पहा तिहा खरभागा पंकापवहुलभागात्ति ।

सोलस चउरासीदी सीदी जोयणसहस्सवाहल्ला ॥ १४६ ॥

रत्नप्रभा त्रिधा खरभागा पंकापवहुलभागा इति ।

षोडश चतुरशीतिः अशीतिः योजनसहस्रवाहुल्या ॥ १४६ ॥

अर्थ—रत्नप्रभा नामा पृथ्वी तीन प्रकार है । खरभागा १ । पंकभागा १ । अब्वहुलभागा १ ऐसैं हैं । वहुरि सोलह चउरासी असी हजार योजन बाहुल्यरूप है । भावार्थ । रत्नप्रभा पृथ्वी एक लांख अस्सी हजार योजन मोटी है तीह विषैं उपरितैं सोलह हजार योजन तौ खरभागा है । चौरासी हजार योजन पंकभागा है । असी हजार अब्वहुल भागा है । ऐसै एक पृथ्वीस्कंध विषैं तीनि भाग जानने ॥ १४६ ॥

आगैं खरभाग विषैं सोलह पृथ्वी पाईए हैं तिनकी संज्ञाकों दोय गाथानि करि कहैं हैं:—

चित्ता वज्जा वेलुरियलोहिदक्खा मसारगल्लवणी ।

गोमेदा य पवाला जोदिरसा अंजणा णवमी ॥ १४७ ॥

चित्रा वज्जा वैडूर्या लोहिताख्या मसारकल्पावनिः ।

गोमेदा च प्रवाला जोतिरसा अंजना नवमी ॥ १४७ ॥

अर्थ—चित्रा १ वज्जा १ वैडूर्या १ लोहिता १ कामसारकल्पा १ गोमेदा १ प्रवाला १ ज्योतीरसा १ अंजना १ नवमी पृथ्वी है ॥ १४७ ॥

अंजणमूलिय अंका फलिहा चंदण सवत्थगा वकुला ।

सेलक्खाय सहस्सा एगेगा लोगचरिभगया ॥ १४८ ॥

अंजनमूलिका अंका स्फटिका चंदना सर्वर्थका वकुला ।

शैलाख्या च सहस्सा एकैका लोकचरमगता ॥ १४८ ॥

अर्थ—अंजनमूलिका १ अंका १ स्फटिका १ चंदना १ सर्वर्थका १ वकुला १ शैला १ ऐसैं ए सोलह पृथ्वी हैं । एक एक पृथ्वी हजार हजार योजन प्रमाण मोटी है ॥ भावार्थ । खरभाग सोलह हजार योजन मोटा कहा था तामें उपरि तौ हजार योजन मोटी चित्रा पृथ्वी है । ताके नीचै हजार योजन मोटी वज्जा पृथ्वी है ऐसै ही हजार हजार योजन मोटी सोलह पृथ्वी जाननी । वहुरि ते ए पृथ्वी लोकका अंतकों प्राप्त जाननी । भावार्थ । लंबाई चौडाई इन पृथ्वीनिकी लोकके समान जाननी सो इस खरभाग विषैं अर पंक भाग विषैं तौ भवनवासी व्यंतर देवनिका वास है सो वर्णन आगैं होइगा । वहुरि अब्वहुल भाग विषैं प्रथम नरकके विल पाईए है । वहुरि ऐसैं भाग कीएं तिनके बीच कोई छेकडि नाहीं है । जैसैं एक पर्वत विषैं कोई अपेक्षा भाग करिए तैसैं इहां भाग कीए हैं ॥ १४८ ॥

आगैं द्वितीयादि पृथ्वीनिका बाहुल्य कहै हैं:—

वर्त्तीसमद्वीसं चउवीसं वीस सोलसद्वणि ।

हेट्टिमछपुढवीणं सहस्समाणोहिं बाहुलियं ॥ १४९ ॥

द्वात्रिंशदष्टाविंशतिः चतुर्विंशतिः विंशति पोडशाष्टौ ।

अवस्तनपट्पृथ्वीनां सहस्रमानैः बाहुल्यं ॥ १४९ ॥

अर्थ—वर्त्तीस हजार अठईस हजार चौबीस हजार वीस हजार सोलह हजार आठ हजार योजन प्रमाण द्वितीयादिक नीचली छह पृथ्वीनिका बाहुल्य कहिए मोटापना सो क्रमते जानना ॥ १४९ ॥

आगैं तिन पृथ्वीनि विपैं तिष्टते जु पटल तिनके स्थान कहै हैं:—

सत्तमखिदवहुमज्जे विलाणि सेसासु आपवहुलात्त ।

हेट्टवरिं च सहस्सं वज्जिय पडलक्रमे होंति ॥ १५० ॥

सत्तमक्षितिवहुमध्ये विलानि शेपासु अव्वहुलांतं ।

अथ उपरि च सहस्रं वर्जयित्वा पटलक्रमेण भवन्ति ॥ १५० ॥

अर्थ—सातमी पृथ्वीका तौ बहु मध्य भाग विपैं विल हैं । बहुरि अवशेष पृथ्वीनि विपैं अव्वहुल भाग पर्यंत नीचे वा उपरि हजार हजार योजन छोडि पटलनिका अनुक्रम करि विल पाईए है ।

भावार्थ—सातमी पृथ्वी आठ हजार योजन मोटी है तामें नीचे वा उपरि बहुत मोटाई छोडि वीचि विपैं विल पाईए है । बहुरि अन्य पृथ्वी वा प्रथम पृथ्वीका अव्वहुल भाग तिनकी मोटाई विपैं नीचे वा उपरि हजार हजार योजनको छोडि वीचि विपैं जेते जेते पटल पाईए तिन विपैं अनुक्रम करि विल पाईए है ॥ १५० ॥

आगैं प्रथमादि पृथ्वीनि विपैं विलनिकी संख्या कहै हैं:—

तीसं पणुवीसं पण्णरसं दस तिण्णि पंचहीणेकं ।

लक्खं सुद्धं पंच य पुढवीसु क्रमेण निरयाणि ॥ १५१ ॥

त्रिंशत् पंचविंशतिः पंचदश दश त्रीणि पंचहीनेकं ।

लक्षं शुद्धं पंच च पृथ्वीषु क्रमेण निरयाणि ॥ १५१ ॥

अर्थ—तीस लाख पर्चास लाख पंद्रह लाख दश लाख तीनि लाख पांच घाटि एक लाख ऐसै एतौ लक्ष विशेषणसहित विल हैं । अर सातमी पृथ्वी विपैं शुद्ध कहिए लक्ष विशेषणरहित पांच ही विल हैं । ऐसै प्रथमादि पृथ्वीनि विपैं अनुक्रम करि निरय कहिए विल पाईए है ॥ १५१ ॥

आगैं तिन विपैं अति शीत अति उष्णका विभाग कहै हैं:—

रयणप्पहपुढवीदो पंचमत्तिचउत्थओत्ति अतिउष्णं ।

पंचमतुरिए छट्ठे सत्तामिए होदि अदिसीदं ॥ १५२ ॥

रत्नप्रभापृथ्वीतः पंचमत्रिचतुर्यांतं अत्युष्णम् ।

पंचमतुरीये पष्ठ्यां सत्तम्यां भवति अतिशीतम् ॥ १५२ ॥

अर्थ—रत्नप्रभा पृथ्वीतैं लगाय पंचम पृथ्वीके तीनि चौथा भाग पर्यंत तौ अति उष्ण है। पंचम पृथ्वीका चौथा भाग अर छठी सातवीं पृथ्वी विषैं अति शीत हैं। भावार्थ— पहली दूसरी तीसरी चौथाके तौ सर्व विल अर पांचमी पृथ्वीके विलनिका च्यारि भाग करिए तहां तीन भाग प्रमाण विल ए तौ अति उष्ण पाईए है। इन विषैं अग्न्यादिकतैं भी बहुत अधिक उष्णता जाननी। बहुरि पांचई पृथ्वीका चौथाई विल अर छठी सातवीं पृथ्वीके सर्व विल अति शीत पाईए है। इन विषैं हिमादिक तैं भी बहुत अधिक शीतता जाननी। जैसी इहां उत्कृष्ट शीतता पाईए है ताकी उपमादेनें कोई पदार्थ नाही। तहां शीतता वा उष्णताकी महा वेदना है ॥ १५२ ॥

आगैं तिन विलानि विषैं इन्द्रक श्रेणीबद्ध विलनिका संख्या कहैं हैं। सो इन्द्रकादिकनिका स्वरूप जाननेको किछु इस भाषा.टीका विषै वर्णन करिए है। सो प्रथम दृष्टान्त कहिए है। इहां पृथ्वी विषैं केते इक खणका भूमिग्रह बनाईए। बहुरि एक एक खण विषैं ऐसै कोठे बनाईए एक तौ कोठा बीचमें करिए बहुरि. ताकी च्यारि दिशा अर च्यारि विदिशानि विषैं पंक्तिबंध केते इक कोठे करिए। बहुरि दिशा विदिशानिके बीचि केते इक कोठे करिए बहुरि जे ए कोठे कीए तिन विषैं आवने जानेको द्वारादिक न राखिए। ऐसैं जो भूमि गृह वनैं ताका दृष्टान्त नरक रचना विषैं जानना। तहां दृष्टान्त विषैं जैसैं खण कहे तैसैं इहां नरकरचना विषैं उपरि नीचें पटल जानने पटलनिका ही नाम प्रस्तार जानना। बहुरि तहां जैसैं खण खण विषैं कोठे कोठडी कहे तैसैं इहां पटल पटल विषैं विल जानने। बहुरि तहां जैसैं बीचिका कोठाके दिशा विदिशा विषैं पंक्तिबंध कोठे कहे। तैसैं इहां इन्द्रक विलके च्यारि दिशा वा च्यारि विदिशानि विषैं पंक्तिबंध विल जानने सो इनका नाम श्रेणीबद्ध विल हैं। बहुरि तहां जैसैं दिशा विदिशानिका बीचि कोठे कहे तैसैं इहां श्रेणीबद्धनिका बीचि अंतर दिशानि विषैं विल जानने इनका नाम प्रकीर्णक विल है। बहुरि तहां दृष्टांत विषैं भूमिगृह इस वास तैं कह्या है जो जैसैं भूमिगृह पृथ्वी विषैं हो हैं। तैसैं नरक रचना भी पृथ्वी विषैं जाननी। जैसैं पृथ्वी उपरि आकाश विषैं मंदिर हो हैं तैसैं नरक रचना नाही है। बहुरि तहां दृष्टांत विषैं द्वारादिकका अभाव इस वास्तैं कह्या है जो लोक विषैं भूमिगृह बनावैं हैं ताके आवने जानेको द्वार सीढी इत्यादि राखैं हैं। सो रचना विषैं तिन विलनिके द्वारादिक नाही हैं। ऐसैं दृष्टांत करि नरक रचनाका स्वरूप जानना। इहां एक पटल विषैं ऐसैं इंद्रादिक विल जानने। बहुरि ऐसी रचना ब्रस नाली विषैं ही है। अवशेष ब्रस नाली वाहरैं जो पृथ्वी है तहां नाही है ऐसा जानना ॥ तहां प्रथमादि पृथ्वीनि विषैं इन्द्रक श्रेणीबद्ध केते केते पाईए सो कहैं हैं;—

तेरादि दुहीणिंदयसेढीवद्धा दिसासु विदिसासु ।

उणवण्णउदालादा एक्केणूणया कमसो ॥ १५३ ॥

त्रयोदशत्या द्विहीना इंद्रकाः श्रेणीबद्धा दिशासु विदिशासु ।

एकोनपंचाशदष्टचत्वारिंशादि एकैकेन न्यूनाः क्रमशः ॥ १५३ ॥

अर्थ—तेरहको आदि दै करि दोय दोय घाटि इंद्रक विल जानने। भावार्थ ॥ प्रथमादि पृथ्वीनि विषैं तेरह ग्यारह नव सात पांच तीनि एक इंद्रक जानने। जातैं एक पटल प्रति एक एक

इंद्रक है सो पटल भी इतने पाईए हैं । बहुरि श्रेणीबद्ध त्रिंश दिशा अर विदिशानि विषैं गुणचास अर अठतालीसकों आदि दै करि पटल पटल प्रति एक एक घटता क्रमतैं जानना । भावार्थ । प्रथमादि पृथ्वीनिके तेरह ग्यारह नव सात पांच तीन एक पटल मिलाए हूए गुणचास पटल हैं तहां प्रथम पृथ्वीका पहला पटल तामें एक एक दिशानि विषैं तौ गुणचास गुणचास श्रेणीबद्ध हैं । अर एक एक विदिशानि विषैं अठतालीस अठतालीस श्रेणीबद्ध हैं । बहुरि द्वितीयादि पटल तैं सप्तम पृथ्वीका पटल पर्यंत एक एक दिशा अर विदिशानि विषैं एक एक श्रेणीबद्ध घटता घटता जानना । ऐसैं करि अंतका गुणचासवां पटल विषैं दिशानि विषैं एक एक श्रेणीबद्ध पाईए हैं । विदिशानि विषैं श्रेणीबद्धका अभाव है ॥ १५३ ॥

आगैं तिन पृथ्वीनि विषैं कहे जु इंद्रक तिनके नाम छह गाथानि करि कहे हैं;—

सीमंताणिरयरौरव भंतुर्भृतिदया य संभतो ।

तत्तोवि असंभतो वीभंतो णवमओ तत्थो ॥ १५४ ॥

सीमंतनिरयरौरवभ्रांतोद्भ्रांतैद्रकाः च संभ्रांतः ।

ततोपि असंभ्रांतः विभ्रांतः नवमः त्रस्तः ॥ १५४ ॥

अर्थ—सीमंत १ निरय १ रौरव १ भ्रांत १ उद्भ्रांतनामा इंद्रक १ संभ्रांत १ तहां पीछें असंभ्रांत १ विभ्रांत १ नवमा इंद्रक त्रस्त १ ॥ १५४ ॥

तसिदो वक्रंतकखो ह्योदि अवक्रंतणाम विक्रंतो ।

पढमे तदगो थणगो वणगो मणगो खडा खडिगा ॥ १५५ ॥

त्रसितो वक्रांताख्यः भवति अवक्रांतनाम विक्रांतः ।

प्रथमायां ततकः स्तनकः वनकः मनकः खडा खडिका ॥ १५५ ॥

अर्थ—त्रसित १ वक्रांतनामा इंद्रक १ विक्रांत १ ऐसैं प्रथम पृथ्वी विषैं तेरह इंद्रक जानने । बहुरि ततक १ स्तनक १ वनक १ मनक १ खडा १ खडिका १ ॥ १५५ ॥

जिब्भा जिच्चिभगसण्णा तो लोलिग लोलवत्थ थणलोलो ।

विदिए तत्तो तविदो तवणो तावणाणिदाहा य ॥ १५६ ॥

जिह्वा जिह्विकसंज्ञा ततो लोफिकलोलवत्सस्तनलोलाः ।

द्वितीयायां ततः तपितः तपनः तापननिदाघौ च ॥ १५६ ॥

अर्थ—जिह्वा १ जिह्विकनाम १ तहां पीछें लौकिक १ लोलवत्स १ स्तनलोला १ ऐसैं द्वितीय पृथ्वी विषैं ग्यारह इंद्रक जानने । बहुरि तत १ तपित १ तपन १ निदाघ १ ॥ १५६ ॥

उज्जलिदो पज्जलिदो संजलिदो संपजलिदणामा य ।

तादिए आरा मारा तारा चच्चा य तमगी य ॥ १५७ ॥

उज्वलितः प्रज्वलितः संज्वलितः संप्रज्वलितनामा च ।

तृतीयायां आरा मारा तारा चर्चा च तमकी च ॥ १५७ ॥

अर्थ—उज्वलित १ प्रज्वलित १ संज्वलितनाम १ ऐसैं तीसरी पृथ्वी विषैं नव इंद्रक हैं ।
बहुरि आरा १ मारा १ तारा १ चर्चा १ तमकी ॥ १५७ ॥

घाडा घडा चउत्थे तमगा भमगा य झसग अद्धिदा ।
तिमिसा य पंचमे हिमवदलल्लुगितयं छट्टे ॥ १५८ ॥
घटा घटा चतुर्थ्यां तमका भ्रमका च झषगा अर्धेद्राः ।
तिमिश्रा च पंचम्यां हिमवार्दलिल्लुकित्रयं षष्ठ्याम् ॥ १५८ ॥

अर्थ—घाटा १ घटा १ ऐसैं चौथी पृथ्वी विषैं सात इंद्रक हैं । बहुरि तमका १ भ्रमका
१ झषका १ अर्धेद्रा १ तिमिश्रका १ ऐसैं पंचम पृथ्वी विषैं पांच इंद्रक हैं । हिम १ वार्दलि १
ल्लुकि ऐसैं छठी पृथ्वी विषैं तीन इंद्रक हैं ॥ १५८ ॥

ओहिद्वाणं चरिमे तो सीमंतादिसोढिविलणामा ।
पुव्वादिदिसे कंखा पिवास महकंख अइपिवासा य ॥ १५९ ॥
अंप्रतिस्थानं चरमे ततः सीमंतादिश्रेणिविलनामानि ।
पूर्वादिदिशायां कांक्षा पिपासा महाकांक्षा अतिपिपासा च ॥ १५९ ॥

अर्थ—अवधिस्थान १ वा दूसरा नाम अप्रतिष्ठित स्थान सो अंतकी सातवीं पृथ्वी विषैं
एक इंद्रक है । ऐसैं क्रमतैं इंद्रक विलनिके नाम कहे । अथ जो आगैं अर्थ कहिए ताकी पातनि-
काकों गर्भित करि तीन गाथा कहैं हैं । सो तहां पीछैं अथ सीमंतादिक इंद्रक संवंधी पूर्वादि दिशानि-
विषैं जे श्रेणीवद्ध हैं तिनके नाम कहिए हैं । भावार्थ—प्रथमादि पृथ्वीका पहला पहला जो इंद्रक
ताके समीप वर्ती जे पूर्वादि दिशानि विषैं च्यारि च्यारि श्रेणीवद्ध हैं तिनके नाम कहिए हैं । इन
अठाईस विना और श्रेणी वद्ध वा प्रकीर्णक विलनिके नामका वर्णन इस शास्त्र विषैं नाहीं हैं तहां
घर्मा पृथ्वीका सीमंत इंद्रककी पूर्वादि दिशानि विषैं कांक्षा १ पिपासा १ महाकांक्षा १ महापिपासा
१ ए च्यारि है ॥ १५९ ॥

वंसातदगे अणिच्छा अविज्ज महणिच्छ महअविज्जा य ।
तत्ते दुक्खा वेदा महदुक्ख महादिवेदा य ॥ १६० ॥
वंशाततके अनिच्छा अविद्या महानिच्छा महाऽविद्या च ।
तत्ते दुःखा वेदा महादुःखा महादिवेदा च ॥ १६० ॥

अर्थ—वंशाका तत इंद्रक विषैं अनिच्छा १ अविद्या १ महानिच्छा १ महाविद्या १ ए
च्यारि हैं । बहुरि मेघाका तत इंद्रक विषैं दुःखा १ वेदा १ महादुःखा १ महावेदा १ ए
च्यारि हैं ॥ १६० ॥

आराए दु णिसद्धा णिरोह अणिसिद्ध महणिरोहा य ।
तमग णिरुद्धविमद्दण अइपुव्वणिरुद्ध महविमद्दणया ॥ १६१ ॥
आरे तु निसुद्धा निरोधा अनिसुद्धा महानिरोधा च ।
तमके निरुद्धनिमर्दनअतिपूर्वनिरुद्धमहाविमर्दनाः ॥ १६१ ॥

अर्थ—बहुरि अंजनाका आर इंद्रक विपै निसृष्टा १ निरोधा १ अनिसृष्टा १ महानिरोधा १ ए च्यारि हैं । बहुरि अरिष्ठाका तमक इंद्रक विपै निरुद्ध १ विमर्दन १ अनिरुद्ध १ महाविमर्दनक १ ए च्यारि हैं ॥ १६१ ॥

द्विमगा पीला पंका महणील महादिपंक सत्तमए ।

पढमो कालो रजरवमहाकालमहादिरजरवया ॥ १६२ ॥

हिमके नीला पंका महानीला महादिपंका सतमायाम् ।

प्रथमः कालः रौरवमहाकालमहादिरौरवाः ॥ १६२ ॥

अर्थ—मघवीका हिमक इंद्रक विपै नीला १ पंका १ महानीला १ महापंका १ ए च्यारि हैं । बहुरि सातमी पृथ्वी विपै पहला श्रेणीवद्ध काल १ बहुरि रौरव १ महाकाल १ महारौरवक १ ए च्यारि हैं । ऐसैं इनके नाम जानने ॥ १६२ ॥

आगैं पृथ्वी पृथ्वी प्रति प्रथम पटल संवंधी श्रेणीवद्ध विलनिका प्रमाणरूप जो धन ताहि धरि करि अंतके पटलका धन ल्यावनेकों अर अंतके पटलका धनकों धरि प्रथम पटलके धन ल्यावनेकों करण सूत्र कहैं हैं;—

वैगपदं चयगुणिदं भूमिस्त्रिं मुहम्मि रिणधनं च कए ।

मुहभूमीजोगदले पदगुणिदे पदधनं होदि ॥ १६३ ॥

व्येकपदं चयगुणितं भूमौ मुखे ऋणं धनं च कृते ।

मुखभूमियोगदले पदगुणिते पदधनं भवति ॥ १६३ ॥

अर्थ—जे ते स्थान होंहि तिनकों पद कहिए वा गच्छ कहिए । बहुरि स्थान स्थान प्रति जे ते वधते जाहिं वा घटते जाहिं तिनकों चय कहिए । बहुरि आदिस्थान वा अंतस्थान विपै जो हीन प्रमाण होइ ताकों मुख कहिए अधिक प्रमाण होइ सो भूमि कहिए सो इहां एक घांटी जो पद ताकों चयकरि गुणें जो प्रमाण होइ तितना भूमि विपै ऋण कीएं घटाएं मुख होइ । अथवा मुख विपै धनकीएं जोडैं भूमि होइ बहुरि मुख और भूमि इन दोऊनिका योग कहिए जोड ताकों दले कहिए आधाकीएं बहुरि ताकों पदगुणिते कहिए पदकरि गुणें पदधनं कहिए सर्व स्थानकनिका जोडरूप प्रमाण हो है । ऐसैं जहां आदिस्थान विपै कित् प्रमाण होइ अर पीछें स्थान प्रति बरोबरी घटते जाहिं वा वधते जाहिं तहां इस सूत्रकी प्रवृत्ति जाननी । ताका इहां उदाहरण, प्रथम पृथ्वीविपै प्रथम पटल तहां दिशा विपै गुणचास अर विदिशा विपै अठतालीस श्रेणीवद्ध हैं तिनकों मिलाएं सित्याणवै भए । बहुरि दिशा वा विदिशांका प्रमाण च्यारि है तातैं इनकों चौगुणा कीएं प्रथम पटल विपै सर्व श्रेणीवद्धनिका प्रमाण तीनिसैं अठ्यासी भया सो तो इहां भूमि कहिए । बहुरि अंतका तेरेहां पटल विपै दिशां विपै सैंतीस विदिशा विपै छतीस श्रेणीवद्ध हैं जोडैं तिहत्तरि भए चौगुणा कीएं दोयसैं वाणवै अंत पटल विपै श्रेणीवद्ध भए सो इहां मुख कहिए । बहुरि इहां पटल तेरह हैं तातैं पदका प्रमाण तेरह तामें एक घटाएं वारह । बहुरि इहां पटल पटल आठ श्रेणीवद्ध घटे हैं तातैं चय आठ तीह काणि छिनवै होइ सो भूमि तीनिसौ अठ्यासीमें छिनवका ऋण कहिए घटाएं मुख दोयसैं

वाणवै होइ । अथवा मुख दोयसै वाणवैमें छिनवैकर धनकीएं जोड़ें भूमि तीनिसै अठ्यासी होइ । वहुरि मुखतौ दोयसै वाणवै अर भूमि तीनिसै अठ्यासी इनको जोड़ें छसै असी याका आघा तीनसै चालीस इनको पद तेरह करि गुणें च्यारि हजार च्यारिसै बीस सर्व प्रथम पृथ्वी विपै तेरह पटल संवंधी श्रेणीवद्धनिका प्रमाण हो है । वहुरि इंद्रक सहित श्रेणीवद्धनिका प्रमाण भी ऐसै ही ल्यावनां । मुख और भूमि विपै एक एक और वधावना तव मुख दोयसै तरेणवै भूमि तीनिसै निवासी पूर्वोक्त प्रकार कीएं प्रथम पृथ्वीविपै इंद्रक सहित श्रेणीवद्ध च्यारि हजार च्यारिसै तेतीस होंहिं ४४३३ वहुरि ऐसैही द्वितीयादि पृथ्वीनि विपै भी प्रमाण ल्यावना । वहुरि समस्त पृथ्वीनिके श्रेणीवद्धका प्रमाण ऐसै ही ल्यावना इहां मुख तौ सप्तम पृथ्वी विपै श्रेणीवद्ध च्यारि भूमि प्रथम पटल विपै श्रेणी वद्ध तीनसै अठ्यासी पद सर्व पटल गुणचास चय आठ जाननां । इहां समस्त पृथ्वीनिके इंद्रक सहित श्रेणीवद्धका प्रमाण भी ऐसै ही ल्यावना । इहां मुख पांच भूमि तीनिसै निवासी पद गुणचास चय आठ जानना ॥ १६३ ॥

आगै इंद्रक श्रेणीवद्धका प्रमाण ल्यावनेको संकलनरूप अन्य करण सूत्र कहै हैं:—

पदमेगेण विहीणं दुभाजिदं उत्तरेण संगुणिदं ।

पभवजुदं पदगुणिदं पदगणिदं तं विजाणाहि ॥ १६४ ॥

पदमेकेन विहानं द्विभक्तं उत्तरेण संगुणितं ।

प्रभवयुतं पदगुणितं पदगणितं तत् विजानीहि ॥ १६४ ॥

अर्थ—पदको एक घाटि करिए ताको दोयका भाग दीजिए वहुरि उत्तर जो चय ताकरि गुणिए । वहुरि प्रभव जो मुख ताकरि युक्त करिए जोड़िए वहुरि पदकरि गुणिए ऐसै कीएं जो प्रमाण होइ ताको पद गणित कहिए जहां आदिस्थान विपै किछू प्रमाण होई अर स्थान स्थान प्रति बरोवरि घटै वा वधै तहां सर्व स्थाननिका जोड़ विजानीहि कहिए तू जानि । सो इहां प्रथम पृथ्वी विपै पद तेरह तामें एक घटाएं वारह दोयका भागदिए छह उत्तर आठकरि गुणें अठतालीस प्रभव जो मुख दोयसै वाणवै तीहकरि जोड़ें तीनसै चालीस ताको पद तेरह करि गुणें सर्व श्रेणीवद्ध च्यारि हजार च्यारिसै बीस भए । ऐसै ही द्वितीयादि सर्व पृथ्वी विपै प्रमाण ल्यावनां ॥ १६४ ॥

आगै अन्य प्रकार करि संकलन ल्यावनेका विधान कहै है:—

पुढविंदयमेगूणं अद्धकयं वरिगयं च मूलजुदं ।

अद्वगुणं चउसहियं पुढविंदयताडियं च पुढविधणं ॥ १६५ ॥

पृथ्वीद्रकमेकोनं अर्धकृतं वरिगतं च मूलयुतम् ।

अष्टगुणं चतुःसहितं पृथ्वीद्रकताडितं च पृथ्विधनम् ॥ १६५ ॥

अर्थ—विवाक्षित पृथ्वी विपै जो इंद्रकका प्रमाण होई तामें एक घटाईए वहुरि ताको आघा करिए वहुरि ताका वर्ग करिए वहुरि तामें च्यारि और मिलाईए वहुरि ताको पृथ्वीके इंद्रकका प्रमाण करि ताडिए गुणिए ऐसै करतैं विवक्षित पृथ्वी विपै श्रेणीवद्धनिका प्रमाणरूप धन होहै । तहां प्रथम पृथ्वी विपै इंद्रकका प्रमाण तेरह तामें एक घटाएं वारह ताका वर्ग बत्तीस तामें ताका वर्ग-

मूल छह मिलाए वियालीस इनकों आठगुणा कीएं तानिसैं छत्तीस इनमें च्यारि मिलाएं तीनिसैं चालीस इनकों इंद्रकका प्रमाण तेरह करि गुणें च्यारि हजार च्यारिसैं वास प्रथम पृथ्वी विषैं सर्व श्रेणीवद्धनिका प्रमाण हो है । ऐसैं ही द्वितीयादि पृथ्वीनि विषैंभी प्रमाणल्यावनां । अब इहां ऐसा सूत्र कैसैं कहा सो जाननेकों याकी वासनाका स्वरूप संस्कृत टीकार्तैं जाननां । या प्रकार प्रथमादि पृथ्वीनि विषैं चौवालीससैं बीस, छवीससैं चौरासी, चौदासैं छहत्तरि, सातसैं, दोयसैं साठि, साठि, च्यारि । १४२०।२६८४।१४७६।७००।२६०।६०।४। श्रेणीवद्ध जाननें । सर्व मिलाएं नव हजार छसैं च्यारि श्रेणीवद्ध हो हैं । इंद्रक तेरह ग्यारह नव सात पांच तीन एक जानने । मिलाएतैं सर्वइंद्रक गुणचास होहैं इन दोऊनिकों मिलाएं इंद्रक सहित श्रेणीवद्धनिका प्रमाण हो है ॥ १६५ ॥

आगें प्रकीर्णकनिकी संख्या ल्यावनेकों कहैं हैं;—

सेढीणं विचाले पुष्पपङ्णय इव द्विया गिरया ।

हौंति पङ्णयणामा सेढिदयहीणरासिसमा ॥ १६६ ॥

श्रेणीनां अंतराले पुष्पप्रकीर्णकानि इव स्थितानि निरयाणि ।

भवंति प्रकीर्णकनामानि श्रेणीद्रकहीनराशिसमानि ॥ १६६ ॥

अर्थ—जैसैं पुष्पप्रकीर्णक कहिए पुष्पांजलि करि फूल बखेरे हूए पृथ्वीविषैं ते फूल पंक्ति रहित जहां तहां पाईए तैसैं श्रेणीवद्धनिकैं वीचि दिशा विदिशानका अंतराल विषैं पंक्ति रहित जहां जहां जे विल पाईए ते प्रकीर्णक नाम विल हो हैं ते श्रेणीवद्ध और इंद्रकर्का संख्या रहत राशि जो सर्व विलनिकी संख्या तीह समान जाननें । तहां प्रथम पृथ्वीविषैं च्यारि हजार च्यारिसैं श्रेणीवद्ध अर इंद्रक तेरह इन दोऊनिकों राशि तीस लाख तामें घटाएं गुणतीस लाख पिच्याणवे हजार पांचसैं सतसठि रहे सो इतनें प्रथम पृथ्वी विषैं प्रकीर्णक विल जाननें । ऐसैं ही द्वितीयादि पृथ्वीनिविषैं जानना ॥ १६६ ॥

आगें नरक विलनिका विस्तार कहनेके अर्थ कहैं हैं;—

पंचमभागप्रमाणा गिरयाणं हौंति संखवित्थारा ।

सेसचउपंचभागा असंखवित्थारया गिरया ॥ १६७ ॥

पंचमभागप्रमाणा निरयाणां भवंति संख्यविस्ताराः ।

शेषचतुःपंचभागा असंख्यविस्ताराणि नरकाणि ॥ १६७ ॥

अर्थ—पृथ्वीनि विषैं जो पूर्वे विलनिका प्रमाण कहा तिन विषैं पांचवां भाग प्रमाण विल तौ संख्यात योजन विस्तार करि संयुक्त हैं । अर अवशेष च्यारि पांचवां भाग प्रमाण असंख्यात योजन विस्तार करि संयुक्त हैं । तहां इंद्रक तो सर्व ही संख्यात योजन विस्तारयुक्त जाननें । अर श्रेणीवद्ध सर्व असंख्यात योजन विस्तारयुक्त जानने । अवशेष संख्यात वा असंख्यात विस्तारयुक्त प्रकीर्णक जानने । तहां प्रथम पृथ्वीविषैं विल तीस लाख तिनकों पांचका भाग दीएं एक भाग प्रमाण छह लाख विल तौ संख्यात योजन विस्तार युक्त हैं । अवशेष च्यारि भाग प्रमाण चौईस लाख विल असंख्यात योजन विस्तारयुक्त जाननें । तहां संख्यात योजन विस्तारयुक्त छह

लाख विलनि विपै तेरह तौ इंद्रक अर अवशेष पांच लाख निन्यानवै हजार नौसै सित्यासी प्रकीर्णक जानने । बहुरि असंख्यात योजनं विस्तारयुक्त चौईस लाख विलनिविषै च्यारि हजार च्यारिसै वीस तौ श्रेणीबद्ध अर अवशेष तेईस लाख पिच्याणवै हजार पांचसै असी प्रकीर्णक जानने । ऐसै ही द्वितीयादि पृथ्वीनिविषै भी जाननां । वा सर्व पृथ्वीनिके सर्व विलनिविपै भी ऐसै ही प्रमाण ल्यावनां ॥ १६७ ॥

आगै संख्यात असंख्यात विस्तारविषै नियम दिखावता कहै हैं;—

इंदयसेढीबद्धापइण्णयाणं कमेण वित्थारा ।

संखेज्जमसंखेज्जं उभयं च य जोयणाण हवे ॥ १६८ ॥

इंद्रकश्रेणीबद्धप्रकीर्णकानां क्रमेण विस्ताराः ।

संख्येयमसंख्येयमुभयं च य योजनानां भवेत् ॥ १६८ ॥

अर्थ—इंद्रक अर श्रेणीबद्ध अर प्रकीर्णक इनका विस्तार अनुक्रमतै संख्यात योजन अर असंख्यात योजन अर उभय कहिए संख्यात वा असंख्यात योजनका है ॥ १६८ ॥

आगै इंद्रकनिके विस्तारका विशेष कहै हैं;—

माणुसखेत्तपमाणं पढमं चरिमं तु जंबुदीवसमं ।

उभयविसेसे रूज्जणिंदयभजिदह्नि हाणिचयं ॥ १६९ ॥

मानुषक्षेत्रप्रमाणं प्रथमं चरणं तु जंबूद्वीपसमम् ।

उभयविशेषे रूपोनेंद्रकभक्ते हानिचयं ॥ १६९ ॥

अर्थ—प्रथम इंद्रक मनुष्य क्षेत्र प्रमाण है । अंत इंद्रक जंबूद्वीप समान है । दोऊनिका सोधन कीएं एक घाटि इंद्रकका भाग दीएं हानि चय हो है । सो पहला पटल संबंधी पहला इंद्रक तौ पैतालीस लाख योजन चौडा है । अर गुणचासवां पटल संबंधी अंतका, इंद्रक एकलाख चौडा है । इनकर सोधन कीएं पैतालीस लाखमेंस्यो एक लाख घटाएं अवशेष चवालीस लाख रहे तिनको एक घाटि इंद्रकनिका प्रमाण अठतालीस ताका भाग दीएं इक्याणवै हजार छसै छयासठि योजन अर बत्तीस योजन अठतालीसवां भाग आया तहां बत्तीसका अठतालीसवां भागका सोलह करि अपवर्तन कीएं बत्तीसकी जायगा दोय अर अठतालीसकी जायगा तीन भया ऐसै करि इक्याणवै हजार छसै छयासठि योजन अर दोय योजनका तीसरा भाग प्रमाण हानि चय आया इहां इंद्रक इंद्रक प्रति घटनेका जो प्रमाण ताका नाम हानि चय जानना सो पैतालीस लाख योजनमेंस्यो हानि चय घटाएं चवालीस लाख आठ हजार तीनसै तेतीस योजन अर एक योजनका तीसरा भाग प्रमाण द्वितीय इंद्रकका विस्तार है । ऐसैही उपरिके इंद्रकका विस्तारका जो प्रमाण तामें पूर्वोक्त हानि चय घटाएं निचले इंद्रकका प्रमाण अंत इंद्रक पर्यंत जानना ॥ १६९ ॥

आगै इंद्रकादिक तीन जातिके विल तिनका बाहुल्यका प्रमाण कहै हैं;—

छक्कट्टुचोइसादिसु पडिपुढविमुखद्धसहिकोसेसु ।

छहिं भजिदेसु बहल्लं इंदयसेढीपइण्णयाणं ॥ १७० ॥

पट्टाष्टचतुर्दशादिषु प्रतिपृथ्वीमुखार्धसहितक्रोशेषु ।

षड्भिः भक्तेषु इंद्रकश्रेणीप्रकीर्णानाम् ॥ १७० ॥

अर्थ—छह आठ चौदानें आदि दै करि पृथ्वी प्रति मुखका अर्द्ध प्रमाण संयुक्त जे कोई तिनकों छहका भाग दीएं इंद्रक श्रेणीवद्ध प्रकीर्णकनिका बाहुल्य हो है । इहां विलनिकी भूमिस्यों छगाय छाति पर्यंत उचाईका प्रमाण ताका नाम बाहुल्य जाननां । सो प्रथम पृथ्वी विषै छह कोशकों छहका भाग दीएं एक कोश भया सो इंद्रकनिका बाहुल्य जानना । वहुरि आठकों छहका भाग दीएं च्यारि कोशका तीसरा भाग सो श्रेणी वद्धनिका बाहुल्य जाननां । वहुरि चौदहकों छहका भाग दीएं सातकोशका तीसरा भाग भया सो प्रकीर्णकनिका बाहुल्य जाननां । [१३]। ऐसैं प्रथम पृथ्वी विषै इंद्रकादिकका बाहुल्य कहा ताका नाम इहां मुख जाननां । ताका आधा कीएं जो प्रमाण होइ तितनां तितनां उपरिकी पृथ्वीके इंद्रकादिकनिका बाहुल्य विषै जोडें नीचली पृथ्वीके इंद्रकादिकका बाहुल्य हो है । सो इंद्रकनिविषै तीनका छठा भाग श्रेणीवद्धनिविषै च्यारिका छठा भाग प्रकीर्णकनि विषै सातका छठा भाग पृथ्वी पृथ्वी प्रति जोडना सो प्रथम पृथ्वी विषै छह आठ चौदह तिनमें तीन च्यारि सात अर छह आठ चौदह अर नव वारा इकईस अर वारा सोलह अठईस अर पंद्रह वीस पैंतीस अर अठारह चौईस शून्य इतने अनुक्रमतैं मिलाएं छहका भाग दीएं द्वितीयादि पृथ्वीनि विषै इंद्रकादिकनि बाहुल्यका प्रमाण आवै है । तहां सप्तम पृथ्वी विषै प्रकीर्णकनिका अभाव है । ततैं तीसरी जायगा शून्य कहा है । तहां छै आठ चौदह विषै तीनि च्यारि सात जोडे तव नौ वारा इकईस हूवा इनकों छहका भाग दीएं अपवर्तन कीएं द्वितीय पृथ्वीविषै इंद्रकनिका अठारहकोश श्रेणीवद्धनिका दोय कोश प्रकीर्णकनिका साढा तीनि कोश बाहुल्य [३३] हो हैं । तृतीयादि पृथ्वी विषै जानना ॥ १७० ॥

आगैं वहुरि इस बाहुल्यकों अन्य प्रकार करि कहैं हैं;—

रुवहियपुढविसंखं तियचउसत्तोहि गुणिय छवभजिदे ।

क्रोसाणं वेहुलियं इंदयसेढीपइण्णाणं ॥ १७१ ॥

रूपाधिकपृथ्विसंख्यां त्रिकचतुःसप्तभिः गुणयित्वा षड्भक्ते ।

क्रोशानां बाहुल्यं इंद्रकश्रेणीप्रकीर्णानाम् ॥ १७१ ॥

अर्थ—जेथवी पृथ्वी होइ तीह संख्या विषै एक अधिक कीएं जो संख्या होइ, ताकों तीन च्यारि सात करि गुणें छहका भाग दीएं जो प्रमाण होइ तितनी कोशनिका बाहुल्य जो उचाईका प्रमाण सो जाननां । तहां प्रथम पृथ्वी विषै एक अधिक कीएं दोय भए सो तीन जायगा दोय दोय मांडि तिनकों च्यारि सात करि गुणें छह आठ चौदह भए तिनकों छहका भाग दीएं [१][३][३] इंद्रकादिकनिका कोशरूप बाहुल्य आवै है । वहुरि द्वितीय पृथ्वी विषै एक अधिक संख्या तीन सो तीन जायगा मांडि तीन च्यारि सात करि गुणें नव वारह वाईस होइ इनकों छहका भाग दीएं [१][३][३] कोशरूप इंद्रकादिकनिका बाहुल्य आवै है । ऐसैं ही तृतीयादि पृथ्वीनि विषै जाननां ॥ १७१ ॥

आगैं इंद्रकादि विलनिका अंतरालका प्रमाण कहैं हैं;—

पदराह्य विलवहलं पदराट्टिदभूमिदो विसोहिता ।

रूज्जणपदाहिदाए विलंतरं उडुगं तीए ॥ १७२ ॥

प्रतराहतं विलवाहल्यं प्रतरस्थितभूमितः विशोध्य ।

रूपोनपदहृतायां विलांतरं ऊर्ध्वगं तस्याः ॥ १७२ ॥

अर्थ—प्रतर कहिए पटल तिनका प्रमाण करि आहत कहिए गुण्या हूवा ऐसा जु विलका बाहुल्य कहिए इंद्रकादि विलनिका बाहुल्यका प्रमाण सो प्रतरस्थित भूमितः कहिए पटलनि करि संयुक्त जो नरक पृथ्वीका प्रमाण तातैं विशोधयित्वा कहिए घटाय करि अवशेषकों रूपोनपद कहिए एक घाटि पटलका प्रमाण रूप गच्छ ताकरि हृतायां कहिए भाग दीएं संतैं तीह विवक्षित पृथ्वी विषैं ऊर्ध्वग विलांतर कहिए उचाई विषैं प्राप्त ऐसा विलनिके अंतराल हो है । जैसे मंदिर ऊपर मंदिर बने हैं । तिन दोऊ मंदिरनिके बीचि छांति हो है । तिस छातिकी मोटाईका जो प्रमाण सो ऊर्ध्वग मंदिरांतर कहिए तैसें उपरले नीचले पटल संबधी विलनिके बीचि जो ता पृथ्वीकी मोटाईका प्रमाण सो इहां ऊर्ध्वग मंदिरांतर कहिए तैसें उपरिले नीचले पटल विलांतर जानना । तहां प्रथम पृथ्वी विषैं पटलनिका प्रमाण तेरह ताकरि इंद्रक विलका बाहुल्य एक कोश श्रेणीवद्वानिका च्यारि कोशका तीसरा भाग प्रकीर्णकनिका सात कोशका तीसरा भाग इनकों गुणें तेरह कोश बावन कोशका तीसरा भाग इक्याणवै कोशका तीसरा भाग भया [१३।३१।३१] बहुरि च्यारि कोशका एक योजन होइ तौ इतने कोशानिका केते योजन होय ऐसें तिन कोशानिके योजन कीएं तेरह योजनका चौथा भाग बहुरि बावन योजनका बारव्हां भाग बहुरि इक्याणवै योजनका बारव्हां भाग भया [३१।३३।३३] । बहुरि इहां अब्वहुल भाग असी हजार योजन छोडि बीचि पटल पाईए तातैं प्रतरस्थित भूमि अठहत्तरि हजार योजन तिनमें पूर्वोक्त योजननिकों समच्छेद विधान करि घटाएं इंद्रकनि विषैं तीनि लाख ग्यारह हजार नवसै सित्यासी योजननिका चौथा भाग अर श्रेणीवद्वानि विषैं च्यारिका अपवर्तन कीएं दोय लाख तेतीस हजार नौसै सित्यासी योजननिका तीसरा भाग अर प्रकीर्णकनि विषैं नौ लाख पैतीस हजार नौसै नवका बारव्हां भाग प्रमाण आया बहुरि इनकों एक घाटि पटलका प्रमाणरूप पदका प्रमाण बारह ताका भाग दीएं उपरले नीचले इंद्रकनिके बीचि तौ तीन लाख ग्यारह हजार नवसै सित्यासी योजनका अडतालीसवां भाग प्रमाण अंतराल है । बहुरि श्रेणीवद्वानिके बीचि दोय लाख तेतीस हजार नौसै सित्यासी योजनका छत्तीसवां भाग प्रमाण अंतराल है । बहुरि प्रकीर्णकनिके बीचि नव लाख पैतीस हजार नवसै नौका एक सो चवालीसवां भाग प्रमाण अंतराल है [३३।३३।३३।३३।३३।३३।३३।३३।३३।३३] ऐसें ही द्वितीयादि पृथ्वीनि विषैं तीस हजार छत्तीस हजार आदि प्रतर स्थित भूमि विषैं अपना अपना पटल प्रमाण करि गुण्या हूवा विल बाहुल्य घटाइ एक घाटि पटल प्रमाणका भाग दीएं ऊर्ध्व गत अंतरालका प्रमाण आवै है । ऐसें एक पृथ्वी विषैं तिष्ठते जु पटल तिनका परस्पर अंतराल वर्णन किया ॥ १७२ ॥

आगैं उपरली पृथ्वीका अंतपटल अर नीचली पृथ्वीका आदि पटल तिन विषैं अंतराल निरूपण करै हैं;—

उपरिमपच्छिमपडला हिडिमपढमिळपत्थरंतरयं ।

रञ्जू तिसहस्त्रुणिदधम्मा वंसुदयपरिहीणा ॥ १७३ ॥

उपरिमपश्चिमपटलात् अधस्तनप्रथमप्रस्तरांतरका ।

रञ्जुः त्रिसहस्रो नितवर्मा वंशोदयपरिहीना ॥ १७३ ॥

अर्थ—उपरिकी घर्मा पृथ्वी ताका पश्चिम पटल कहिए अंतका पटल अर ताके अधस्तन कहिए नीचली वंशा पृथ्वी ताका प्रथम पटल इनविषे एक रञ्जु अंतराल है । सो रञ्जु कैसा । तीन हजार घाटि घर्मा अर वंशकी मोटाईका प्रमाण जामें घटाईए ऐसा एक रञ्जु प्रमाण अंतराल है । कैसे सो कहिए है । इहांते एक हजार योजन पर्यंत चित्रा पृथ्वी है सो चित्रा पृथ्वीकी मोटाई तौ ऊर्द्ध लोककी उचाई विषे गिनी है । अर ताके नीचे वंशा पृथ्वीका अंतपर्यंत एक राजू उचाई है । वहुरि एक लाख असी हजार योजन घर्मा पृथ्वीकी मोटाई विषे चित्रा पृथ्वीकी हजार योजनकी मोटाई आय गई है ताते हजार योजन तौ चित्रा पृथ्वी संबंधी घटाए वहुरि घर्मा पृथ्वीका अंत पटलके नीचे हजार योजन विषे पटल नाही सो घटाए वहुरि वंशा पृथ्वीका प्रथम पटलके उपरि हजार योजन विषे पटल नाही सो घटाए ऐसे तीन हजार योजन घर्मा अर वंशाकी मोटाई विषे घटाईए तहां घर्माकी मोटाई एक लाख असी हजार योजन वंशाकी मोटाई वत्तिस हजार योजन दोजनिको मिलाए दोय लाख बारह हजार योजन घटाए दोय लाख नव हजार रहे सो इतने एक राजू विषे घटाए घर्माका अंत पटल अर वंशाका प्रथम पटल विषे अंतरालका प्रमाण हो है । इस अंतराल विषे हजार योजन घर्माकी नीचली पृथ्वी अर हजार योजन वंशाकी उपरली पृथ्वी अर अवशेष सर्व वीचिमें अवकाश पाईए है ॥ १७३ ॥

आगे ताते नीचली पृथ्वीनिका अंतादि पटलनि विषे अंतराल निरूपण करे हैं;—

कमसो विसहस्त्रुणियमेघादीणं च वेहपरिहीणा ।

चरिमे चितिभागाहियजोयणतिसहस्सपरिवज्जा ॥ १७४ ॥

क्रमशो द्विसहस्रो नितमेघादीनां च वेधपरिहीना ।

चरमे द्वित्रिभागाधिकयोजनत्रिसहस्त्रुपरिवर्जा ॥ १७४ ॥

अर्थ—अनुक्रमते दोय हजार योजन घाटि मेघादि पृथ्वीनिका वेधकरि हीन ऐसा रञ्जु प्रमाण अंतर है । तहां मेघादि पृथ्वीका मोटाईका प्रमाण अठारस हजार योजन तिनमें दोय हजार घटाए छवीस हजार योजन तिन करि हीन ऐसा एक रञ्जु प्रमाण अंतराल वंशाका अंतपटल अर मेघाका आदि पटलके बीचि जानना । वहुरि अंजना पृथ्वीकी मोटाई चौडाई चौईस हजार योजनमें दोय हजार योजन घटाए बाईस हजार योजन रहे तिन करि हीन एक राजू प्रमाण मेघाका अंतपटल अर अंजनाका आदि पटल विषे अंतराल जानना । वहुरि अरिष्टा पृथ्वीकी मोटाई बीस हजार योजनमें दोय हजार योजन घटाए अठारह हजार योजन रहे तिनकरि हीन एक राजू प्रमाण अंजनाका अंत पटल अर अरिष्टाका प्रथम पटल बीचि अंतराल है । वहुरि मघवी पृथ्वीकी मोटाई सोलह हजार योजनमें दोय हजार योजन घटाए चौदह हजार योजन तिन करि हीन एक राजू प्रमाण अरि-

ष्टाका अंत पटल अर मघवीका प्रथम पटल वीचि अंतराल है ॥ भावार्थ ॥ वंशादिक पृथ्वीका अंततैं मेघादिक पृथ्वीका अंत एक राजू है तामें मेघादिक पृथ्वीकी मोटाई घटाईए बहुरि उपरली पृथ्वीका अंत पटल नीचें एक हजार योजन अर नीचली पृथ्वीका प्रथम पटलके उपरि एक हजार योजन ए दोय हजार योजन अंतराल विषै मिलाए अनुक्रमतैं अंतरालका प्रमाण हो हैं । तहां अंतराल विषै दोय हजार योजन तौ उपरि नीचें पृथ्वी है अवशेष वीचिमें अवकाश है । बहुरि चरम कहिए अंत मघवीका अंतपटल अर माघवीका आदि पटलविषै अंतराल दोय योजनका तीसरा भाग करि अधिक तीन हजार योजन घाटि एक राजू प्रमाण है । कैसैं सो वासना कहिए है । सप्तम पृथ्वीकी मोटाई आठ हजार योजन बहुरि श्रेणीवद्धनिका बाहुल्य सोल्य कोशका तीसरा भाग ताके योजन करिए तब सोलहका बारवहां भाग भया च्यारि करि अपवर्तन कीएं च्यारि योजनका तीसरा भाग श्रेणीवद्धका बाहुल्य भया ताकों समच्छेद विधान करि आठ हजार योजनमें घटाईए तब तेईस हजार नवसै छिनवै योजनका तीसरा भाग रह्या सो ताका आधा ग्यारह हजार नवसै अठ्याणवैका तीसरा भाग सो भाग दीएं तीन हजार नवसै निन्याणवै योजन अर एक योजनका तीसरा भाग भया सो इतना तौ सप्तम पृथ्वीका पटलके उपरि पृथ्वीकी मोटाईका प्रमाण है । जातैं सप्तम पृथ्वी विषै एक पटल वीचिमें पाईए है । बहुरि छठी पृथ्वीका अंतपटलके नीचें एक हजार योजन पृथ्वी पाईए सो मिलाए च्यारि हजार नवसै निन्याणवै योजन अर एक योजनका तीसरा भाग भया सो इतना तौ मिल्यावना अर छठी पृथ्वीका अंततैं सप्तम पृथ्वीका अंत एक राजू है तातैं एक राजू विषै सप्तम पृथ्वीकी मोटाईका प्रमाण आठ हजार योजन घटावनां । ऐसैं करि तीन हजार योजन अर दोय योजनका तीसरा भाग करि हीन एक राजू प्रमाण छठी पृथ्वीका अंतपटल अर सप्तम पृथ्वीका पटलके वीचि अंतराल जानना । इस अंतरालविषै गुणचाससै निन्याणवे योजन अर एक योजनका तीसरा भाग प्रमाण तौ उपरि वा नीचें पृथ्वी है । अवशेष वीचिमें अवकाश है ॥ १७४ ॥

आगैं विलनिका तिर्यक् अंतर दोय गाथानिकरि निरूपण करैं है;—

संखेज्जवासणिरए तेरिंच्छं अंतरं जहणमिणं ।

इगिजोयणमद्धजुदं जोयणातिदयं हवे जेहं ॥ १७५ ॥

संख्यातव्यासनिरये तैरश्चमंतरं जघन्यमिदं ।

एकयोजनमर्घयुतं योजनत्रितयं भवेत् ज्येष्ठम् ॥ १७५ ॥

अर्थ—जैसैं मंदिरकी बरोवरि लगता दूसरा मंदिर होइ तहां तिन दोऊ मंदिरनि विषै वीचिमें मीति होइ तिस भीतिकी चौडाईकां जो प्रमाण सो तिर्यक् अंतर कहिए । तैसैं इहां विवक्षित पटलनिविषै लगता विलनिकी वीचि जो पृथ्वी पाईए ताका चौडाईका प्रमाण सो तिर्यक् अंतर जानना । सो संख्यात योजन व्यासकों धरैं जो नरकविल तीह विषै तिर्यक् अंतर यह है । एक योजन अर आधा सहित सो ताका ड्योढ योजन भया सो तौ जघन्य तिर्यक् अंतर है । अर तीन योजन उत्कृष्ट अन्तर है ॥ १७५ ॥

जोयणसत्तसहस्सं असंखवित्थारजुत्तणिरयाणं ।

अंतरमवरं णेर्यं जेट्टमसंखेज्जजोयणयं ॥ १७६ ॥

योजनसत्तसहस्सं असंख्यविस्तारयुक्तनिरयाणाम् ।

अंतरमवरं ज्ञेयं ज्येष्ठमसंख्येययोजनकम् ॥ १७६ ॥

अर्थ—असंख्यात योजनका विस्तार संयुक्त जो नरक तिनके तिर्यक् अन्तर जवन्य तौ सात हजार योजन जानना । उक्कष्ट असंख्यात योजन जानना ॥ १७६ ॥

आर्गे तिन विलनिका आकारादिक निरूपण करें हैं;—

वज्जघणभित्तिभागा वट्टतिचउरंसवहुविहायारा ।

णिरया सयावि भरिया सन्विदियदुक्खदाईहिं ॥ १७७ ॥

वज्रघनभित्तिभागा वृत्तत्रिचतुरस्रवहुविधाकाराः ।

निरयाः सदापि भृताः सर्वेन्द्रियदुःखदायिभिः ॥ १७७ ॥

अर्थ—वज्रसमान निवड हे भीति जिनकी अर गोल अथवा तिकूटा अथवा चौकोर आदि बहुत प्रकार आकारकों धरें हैं ऐसे नरक विल हैं बहुरि ते सदा ही सब इंद्रियनिकों दुःखदायक जे वस्तु सामग्री तिनकरि भरे हैं ॥ १७७ ॥

आर्गे तहां पाईए दुर्गंध ताकों दृष्टांतपूर्वक कहें हैं;—

मज्जारसाणसूयरखरवाणरकरहहत्थिपहुदीणं ।

कुहिदादहिदुर्गंधा णिरया णिच्चंधयारचिदा ॥ १७८ ॥

मार्जारश्वसूकरखरवानरकरभहस्तिप्रभृतीनाम् ।

कुथितादतिदुर्गंधा निरया नित्यांधकारचित्ताः ॥ १७८ ॥

अर्थ—विलाव कूकरा सूरडा गदहा वानरा जंट हाथी इत्यादिकनिका जो कुथित कहिए मल तातैं अति बहुत दुर्गंधता सहित नरक विल हैं । बहुरि ते सदा ही अंधकार सहित हैं ॥ १७८ ॥

आर्गे तहां उपजनेवाले जीवनिकों वा तिनके उपजनेके स्थाननिकों कहें हैं;—

उप्पज्जांति तहिं बहुपरिग्गहारंभसंचिदाउस्सा ।

उट्टादिमुखायारेसुवरिल्लुववादटाणेसु ॥ १७९ ॥

उत्पद्यन्ते तेषु बहुपरिग्रहारंभसंचितायुष्याः ।

उट्टादिमुखाकारेषु उपरितनोपपादस्थानेषु ॥ १७९ ॥

अर्थ—तिन विषैं बहुत परिग्रह आरंभ करि संचय कीया है नरक आयु जिननें ऐसे जीव उपजैं हैं । जंट आदिका मुखके आकारि उपरि उपपादस्थान हैं तिन विषैं उपजैं हैं । भावार्थ ॥ जैसे मंदिरकी छाति विषैं कोऊ स्थान वनें तैसें नरक विलनिकी छाति विषैं उपपादस्थान हैं ते मांही पोले मुख सांकडा ऐसें जंट आदि प्राणीनिका जैसा मुखका आकार है तैसे आकारकों धरें हैं । तहां जीव जाय करि जन्म धरें हैं ॥ १७९ ॥

आगै तिन उपपाद स्थानकनिका व्यास वा बाहुल्य कहैं हैं;—

इगिवितिकोसो वासो जोयणमवि जोयणं सयं जेद्वं ।

उद्गादीणं वहलं सगवित्थारेहिं पंचगुणं ॥ १८० ॥

एकद्वित्रिकोशः व्यासः योजनमपि योजनशतं ज्येष्ठं ।

उद्गादीनां बाहुल्यं स्वकविस्तारेभ्यः पंचगुणम् ॥ १८० ॥

अर्थ—एक कोश दोय कोश तीन कोश बहुरि योजनमपि कहिए एक योजन दोय योजन तीन योजन बहुरि योजनानां शतं कहिए सौ योजन इतना घर्मादि सप्त पृथ्वीनिका क्रमतेँ उद्गादि आकारके धारक जे उपपादस्थान तिनका उत्कृष्ट व्यास जो चौडाई ताका प्रमाण जाननें । बहुरि अपना अपना प्रमाणतेँ पांच गुणा बाहुल्य कहिए उच्चाईका प्रमाण जाननां ॥ १८० ॥

आगै तिन उपपाद स्थानकनिविषैँ उपजे जे जीव कहा करैं हैं सो कहैं हैं;—

अंतोमुहुत्तकाले तदो चुदा भूतलह्नि तिवखाणं ।

सत्थाणमुपरि पडिदृणुद्धीय पुणोवि णिवडंति ॥ १८१ ॥

अंतर्मुहूर्त्तकाले ततश्चुता भूतले तीक्ष्णानाम् ।

शस्त्राणामुपरि पतित्वा उद्धीय पुनरपि निपतंति ॥ १८१ ॥

अर्थ—अंतर्मुहूर्त्त कालविषैँ तहां पर्याप्ति पूर्ण करि तिस उपपाद स्थानतेँ छूटि नरक विल-निका पृथ्वी तल विषैँ जे तीक्ष्ण शस्त्र हैं तिन उपरि पडें हैं । बहुरि तहांस्यो उद्धीय कहिए उछलि करि बहुरि तिनही उपरि निपतंति कहिए पडें हैं ॥ १८१ ॥

आगै कितना उछलें हैं सो कहैं हैं;—

पणघणजोयणमाणं सोलहिदं उप्पडंति णेरइया ।

घम्माए वंसादिसु दुगुणं दुगुणंति णादब्बं ॥ १८२ ॥

पंचघनयोजनमानं पौडशहत्तं उत्पतंति नैरयिकाः ।

घर्मायां वंशादिषु द्विगुणं द्विगुणं इति ज्ञातव्यम् ॥ १८२ ॥

अर्थ—पांचका घन एक सो पचीस ताको सोलका भाग दीएं जो आवै तितने योजन प्रमाण घर्मा पृथ्वी विषैँ नारकी उछलें हैं । बहुरि यातेँ वंशादिक पृथ्वीनि विषैँ क्रमतेँ दूणे दूणे उछलें हैं ऐसा जाननां ॥ १८२ ॥

आगै तहां तिष्ठते थे जु पुरातन नारकी ते उछलि करि पडे जे नवीन नारकी तिनकोँ कहा करैं हैं सो कहैं हैं;—

पोराणिया तदा ते दद्वृणइणिट्टुरारवागम्म ।

खोवांति णिसिच्चंति य वणेसु बहुखारवारीणि ॥ १८३ ॥

पौराणिकाः तदा तान् दद्वृणा अतिनिष्टुरारवा आगम्य ।

घ्नंति निषिचंति च वनेषु बहुक्षारवारीणि ॥ १८३ ॥

अर्थ—पुरातन नारकी तहां तिन नवीन नारकीनिकों देखि करि अत्यन्त कठोर वचन कहते संते आय करि तिन नवीन नारकीनिकों घातैं हैं । बहुरि शस्त्रनि उपरि पड़नेतैं भए जु शरीर विषै व्रण कहिए घात तिन विषै बहुत खारा जलनिकों सीचैं हैं ॥ १८३ ॥

आगैं ते नवीन नारकी कहा करैं हैं सो कहैं हैं;—

तेवि विहंगेण तदो जाणिदपुन्वावरारिसंवंधा ।

असुहापुहविक्किरिया हणांति हण्णांति वा तेहिं ॥ १८४ ॥

तेपि विभंगेन ततः ज्ञातपूर्वापरारिसंवंधाः ।

अशुभापृथग्विक्रिया घ्नंति हन्यंते वा तैः ॥ १८४ ॥

अर्थ—ते नवीन नारकी भी विभंग जो कुअवधि तीह करि तहां पर्याप्ति पूर्ण भए पीछैं जान्या है पिछला वैरीपणाका संबंध जिननें ऐसे बहुरि अशुभ अपृथक् विक्रिया जिनके पाईए ऐसे होत संते अन्य नारकीनिकों हनें हैं । वा तिन नारकीन करि आप हनिए हैं । ऐसैं परस्पर घात प्रवतैं है ॥ भावार्थ ॥ नारकीनिकें ऐसा कुअवधि हो हैं । जाकरि परस्पर वैरकों जानि परस्पर विरोध रूप ही प्रवतैं बहुरि जो पूर्वभव विषै कोई उपकार किया होय तौ ताकों जानि तहां परस्पर प्रीतिरूप न प्रवतैं । बहुरि तिनके अशुभ जो आपापरकों दुःखदायक ऐसी ही विक्रिया होय सकै है । बहुरि सो अपृथक् विक्रिया हो है । अपने शरीरकों तौ अनेक रूप परनवावै अपने शरीरतैं जुदी विक्रिया करनेकी सामर्थ्य नाहीं । ऐसैं ए नारकी परस्पर घात करैं हैं ॥ १८४ ॥

आगैं अपृथक् विक्रिया करनेका विधान कहैं हैं;—

वयवग्धघूगकागहिविच्छियभल्लूकगिद्धसुणयादि ।

सूलगिगकौतमोग्गरपहुदी संगे विकुव्वंति ॥ १८५ ॥

वृकव्याघ्रघूककाकाहिवृश्चिकभल्लूकगृध्रशुनकादि ।

शूलाग्निकुंतमुद्गरप्रभृति स्वांगे विकुर्वंति ॥ १८५ ॥

अर्थ—वृक कहिए श्याल बहुरि व्याघ्र कहिए वघेरा घूक कहिए घूघू काक कहिए कागला अहि कहिए सर्प वृश्चिक कहिए बीछू भल्लूक कहिए रीछ गध्र कहिए गध्र पंखी शुनक कहिए कूकरा इत्यादि अपने शरीर विषै विक्रिया करैं हैं । भावार्थ । नारकी परस्पर दुःख देनेकों अपने शरीरकों श्याल इत्यादि दुःखदायक तिर्थचनिके आकाररूप विक्रिया करि परनमाइ परस्पर खाणा चूटना काटना इत्यादि घातरूप प्रवतैं हैं । बहुरि शूल कहिए त्रिशूल बरछी अग्नि कहिए जलावनेकों कारण अग्नि अर कुंत कहिए सेल अर मुद्गर कहिए मोगरा इत्यादि दुखदायक शस्त्रादि सामिग्री अपने शरीरविषै विक्रिया करैं हैं । भावार्थ । नारकी परस्पर दुख देनेकों अपने शरीर ही विषै त्रिशूल आदि शस्त्र वा अग्नि आदि दुःखदायक वस्तु विक्रिया करि उपजाय तिनि करि परस्पर घात करैं हैं । ऐसैं अशुभ लेश्या करि नारकी परस्पर दुःख देनेकों प्रवतैं हैं । ऐसा ही तिस नारक पर्यायका स्वभाव है । बहुरि हम सर्व पापी हैं काहेकों परस्पर वैर करि दुःखकों उदरैं हैं ऐसा विचार तहां नाहीं उपजै है ॥ १८५ ॥

आगैं क्षेत्र संबंधी पदार्थनिकी क्रूरताकों दोय गाथानिकरि कहैं हैं;—

वेतालगिरी भीमा जंतसयुकडगुहा य पडिमाओ ।
लोहणिहग्गिकण्डूा परसुल्लुरिगासिपत्तवणं ॥ १८६ ॥

वेतालगिरयः भीमा यंत्रशतोत्कटगुहाश्च प्रतिमाः ।

लोहनिभाग्गिकणाढ्याः परशुल्लुरिकासिपत्रवनम् ॥ १८६ ॥

अर्थ—वेतालकीसी आकृतिकों धरें ऐसा महाभयानक तौ तहां गिरि कहिएः पर्वत हैं । बहुरि सैकड़ां दुःखदायक यंत्रनिकरि उत्कट ऐसी गुफा हैं । बहुरि तिष्ठती जु प्रतिमा कहिए छी आदिकका आकाररूप प्रतिद्विच सो लोहसमान हैं अर अग्निका कणनिकरि संयुक्त है । बहुरि तहां असिपत्र वन हैं सो, फरसी छुरी खड्ग इत्यादि शस्त्रसमान पत्रनिकरि संयुक्त है ॥ १८६ ॥

कूडा सामल्लिरुखा वयिदरणिणदीउ खारजलपुण्णा ।
पूरुधिरा दुर्गंधा हदा य किमिकोडिकुलकलिदा ॥ १८७ ॥

कूटाः शाल्मल्लिवृक्षाः वैतरणिनद्यः क्षारजलपूर्णाः ।

पूरुधिरा दुर्गंधाः हदाश्च क्कमिकोटिकुलकलिताः ॥ १८७ ॥

अर्थ—बहुरि तहां कूटा कहिए असत्य झूठे ऐसे शाल्मली वृक्ष हैं नाम वृक्ष अर महा दुःखदायक हैं । बहुरि तहां वैतरिणी नाम नदी है सो खारा जल करि सम्पूर्ण भरी है । बहुरि पूय कहिए घिनावनां ऐसा रुधिर करि संयुक्त महा दुर्गंध ऐसे ब्रह्म हैं ते कोटिक क्कमिनिका, कुल करि व्याप्त होइ रहे हैं । भावार्थ । विक्रियादि करि विना निपजाया क्षेत्रस्वभावकरि तिन विलनि विषैं महा दुःखकों कारण पर्वतादि पाईए हैं ॥ १८७ ॥

आगैं तैसी नदीकों पाइ कहा हो है सो कहैं हैं;—

अग्निभया धावंता मण्णंता सीयलंति पाणीयं ।
ते वइदरणिं, पविसिय खारोदयदङ्कसव्वंगा ॥ १८८ ॥

अग्निभयाद्धावंतः मन्यमानाः शीतलमिति पानीयं ।

ते वैतरणीं प्रविश्य क्षारोदकदग्धसर्वांगाः ॥ १८८ ॥

अर्थ—अग्निके भयतैं दोडता ऐसैं जु ते नवीन नारकी ते इहां शीतल पाणी है ऐसा मानता संता वैतरणी नामा नदी प्रति प्रवेश करि तहां खारा जल करि दग्ध भया है सर्व अंग जिनका ऐसे हो हैं ॥ १८८ ॥

बहुरि ऐसे होत संतैं ते नारकी कहा करैं हैं सो कहैं हैं;—

उद्धियः वेगेण पुणो असिपत्तवणं पर्याति छायेत्ति ।
कुंतासिसत्तिजद्धिहिं छिज्जंते वादपडिदेहिं ॥ १८९ ॥

उत्थाय वेगेण पुनः असिपत्रवनं प्रयाति छायेत्ति ।

कुंतासिशक्तियष्टिभिश्छिद्यंते वातपतितैः ॥ १८९ ॥

अर्थ—ते नवीन नारकी वेग करि शीघ्र ही तहांस्यो उठि करि इहां छाया है ऐसा मानते संते असिपत्र नामा वनकों प्रात हो हैं । तहां पवन करि पड़े ऐसे सेल वा खड्ग वा शक्ती या यष्टि कहिए छाठी इत्यादि समान जे पत्रादिक तिनकरि शरार भेदिए है ॥ १८९ ॥

आगे तिन नारकीनिके बाह्य दुखका साधनकों कहें हैं;—

लोहोदयभरिदाओ कुंभीओ तत्तत्रहुकटाहा य ।

संततलोहफासा भू सूईसद्वलाङ्गणा ॥ १९० ॥

लोहोदकमरिताः कुंभ्यः तत्तत्रहुकटाहाश्च ।

संततलोहस्पर्शा भूः सूचीशाड्वलाकीर्णा ॥ १९० ॥

अर्थ—ताता लोह समान जल करि भरे ऐसे तहां कुंभी हैं जैसे हांडी विषें अन्न पचाईएँ तैसें नारकीनिकों कुंभी विषें पचावें हैं वहुरि बहुत ताता कडाह हैं । जैसे कडाह विषें तत तैलादि करि अन्न आदि पचाईएँ तैसें नारकीनिकों कडाह विषें पचाईएँ हैं इत्यादि अनेक बाह्य दुःखकों कारण सामग्री तहां पाईएँ है । वहुरि तहां भूमिका है सो तत्तायमान लोहके समान है स्पर्श जाका ऐसी है । वहुरि सूई सारिखी शाद्वल कहिए दोत्र तिनकरि आकीर्णा कहिए व्याप्त है ॥ १९० ॥

आगे क्षेत्रका स्पर्श करि हो है जो दुख ताकों दृष्टान्त करि कहें हैं;—

विच्छिद्यसहस्सवेयणसमधियदुक्खं धरिच्छिफासादो ।

कुक्खविक्खसीसरोगगच्छुधातिसधयवेयणा तिच्चा ॥ १९१ ॥

वृश्चिकसहस्रवेदनासमधिकदुःखं धरित्रीस्पर्शात् ।

कुक्ष्यक्षिशीर्परोगगक्षुधातृपाभयवेदना तीव्राः ॥ १९१ ॥

अर्थ—हजार बीछू काटें जैसे इहां वेदना होइ तीहस्यो भी बहुत अधिक वेदनों तहां धरित्री जो भूमिका ताका स्पर्शते हो हैं । वहुरि तिन नारकीनिके कुक्षि कहिए उदर अर अक्षि कहिए नेत्र अर शीर्ष कहिए मस्तक इत्यादि संबंधी अनेक रोग करि संयुक्त क्षुधा तृपा भयादिक तीव्र वेदनां तहां पाईएँ हैं ॥ १९१ ॥

आगे ते नारकी क्षुधादि करि पीडित कहा भोजन करै हैं सो कहें हैं;—

सादिकुहिदातिगंधं सणिमप्यं महियं विशुंजति ।

धम्मभवा वंसादिसु असंखगुणिदासुहं तत्तो ॥ १९२ ॥

श्वादि कुथितातिगंधां अशनैरल्पां मृत्तिकां विमुंजते ।

धर्मभवा वंशादिषु असंख्यगुणिताश्रुमां ततः ॥ १९२ ॥

अर्थ—इवा जो कूकरा ताकों आदि देकर निकट जीवनिका जो काथित कहिए विष्टा तीहस्यो भी अति अधिक दुर्गंध भोजननि करि अल्पां कहिए भूख बहुत अर मिलै थोड़ी तातें भूख अपेक्षा थोरी जो तिस क्षेत्र संबंधी मांटी ताकों घर्मा नरक विषें उपजे नारकी भक्षण करै हैं । वहुरि वंशादिकनि विषें तिहस्यो असंख्यात गुणी अशुभ वुरी ऐसी जो मृत्तिका ताहि भक्षण करै हैं ॥ १९२ ॥

आगैं तिन नारकीनिका आहारके दुःख करनेका सामर्थ्यको कहै है;—

पढमासणमिह खित्तं कोसद्धं गंधदो विमारोदि ।
कोसद्धद्धहियधराद्वियजीवे पत्थरकमदो ॥ १९३ ॥
प्रथमाशनमिह क्षित्तं क्रोशार्धं गंधतो विमारयति ।
क्रोशार्धार्धाधिकधरास्थितजीवान् प्रस्तरक्रमतः ॥ १९३ ॥

अर्थ—प्रथम पृथ्वीका प्रथम पटल विषै जिस मृत्तिकाको भखै हैं सो मृत्तिकारूप अशन इहां मनुष्य लोक विषै जो क्षेपिए धरिए तौ वह मृत्तिका अपनी दुर्गंधतै कोश आधा पर्यंत तिष्ठते जीव-निकों मारै है । बहुरि आगैं पटलका अनुक्रमतै आध आध कोश अधिक पृथ्वी विषै तिष्ठते जीव-निकों मारै हैं । दूसरे पटलका एक कोश तीसरे पटलका ड्यौढ कोश ऐसै आध आध कोश बघती पृथ्वी पर्यंत जीवनिकों नारकीनका आहार अपनी दुर्गंधतै मारै है । ऐसी तिस मृत्तिकारूप आहारमें दुख करनेकी समर्थता है ॥ १९३ ॥

आगैं इन दुःखके साधननिकरि नारकी मरै हैं कहा ऐसी आशंका होत संतें कहै हैं;—

ण मरंति ते अकाले सहस्ससुत्तोवि छिण्णसव्वंगा ।
गच्छंति तणुस्स लवा संघादं सूदगस्सेव ॥ १९४ ॥
न म्रियंते ते अकाले सहस्रसुत्तोपि छिन्नसर्वांगाः ।
गच्छंति तनोः लवाः संघातं सूतकस्येव ॥ १९४ ॥

अर्थ—ते नारकी आयु पूर्ण होनेका काल यावत् न आवै तावत् हजारों वार छेदै हैं टूंक टूंक कांए हैं सर्व शरीरके अंग जिनके ऐसे होत संते भी न मरै हैं । तिन नारकीनिके शरीरके जु लव कहिए अंग ते जुदे जुदे भए हुए फेरि संघात कहिए मिलन ताको प्राप्त हो हैं । जैसे सूतक जो पारा सो कण कण करि जुदा भया तुरत मिलै तैसे तिनके शरीरके अंग जुदे भए भी तुरत मिलै हैं ॥ १९४ ॥

आगैं तिन दुःखके साधननिकरि सर्वदा सर्व ही दुःखको पावै हैं कहा सो कहै हैं;—

तित्थयरसंतकम्मुवसगं णिरए णिवारयंति सुरा ।
छम्मासाउगसेसे सग्गे अमलाणमालंको ॥ १९५ ॥
तीर्थकरसत्कर्मोपसर्गे निरये निवारयंति सुराः ।
षण्मासायुष्कशेषे स्वर्गे अम्लानमालांकः ॥ १९५ ॥

अर्थ—तीर्थकर नामा नाम प्रकृतिका सत्त्व जाके पाईए जो जीव नरकस्थों निकासी तीर्थ-कर होना होइ तिन जीवनिका नरक आयु विषै छह महीना अवशेष रहै देव हैं ते नरक विषै ताका उपसर्गको निवारण करै हैं । बहुरि स्वर्ग विषै अम्लान मालांक कहिए मलिन मालाका होना इत्यादि चिन्ह न हो है । जो जीव स्वर्गतै तीर्थकर होना होइ ताके और देवनिकीसी नाई छह महीना देवायुका अवशेष रहै भी फूल मालाका कुमलावनां इत्यादि चिन्ह न हो हैं ॥ १९५ ॥

आर्गे तिन नारकीनके शरीरका विलय होनेका विधान कहै हैं;—

अणवदृसगाउस्से पुण्णे वादाहदब्धपडलं वा ।

णेरइयाणं काया सच्चे सिग्घं विलीयंते ॥ १९६ ॥

अनपवर्त्यस्वकायुष्ये पूर्णे वाताहताभ्रपटलमिव ।

नैरयिकाणां कायाः सर्वे शीघ्रं विलीयंते ॥ १९६ ॥

अर्थ—मुज्यमान आयुका अपवर्तन जो घटना ताह करि जो कदली घात मरण होइ सो पवर्त्यायु कहिए । मुज्यमान आयुका अपवर्तन विना भणं जो च्युत मरण होइ सो अनपवर्त्यायु कहिए सो नारकीनके शरीर अनपवर्त्य जो अपना आयु ताकीं पूर्ण होत सतैं जैसैं पवन करि हने मेघपटल विलय जाय तैसैं सर्व ही शीघ्र विलय हो हैं । जैसैं इहां मनुक्ष (प्य) निकं शरीर मरण भए पीछैं पड़े रहैं हैं तैसैं नारकीनके शरीर पड़े नाहीं रहै हैं ॥ १९६ ॥

आर्गे तिन नारकीन करि भोगवनेमें आवैं हैं जे दुःख तिनके भेद कहै हैं;—

स्वेत्तजणिदं असादं शारीरं माणसं च असुरकयं ।

भुंजंति जहावसरं भवद्विदाचरिमसमयोत्ति ॥ १९७ ॥

क्षेत्रजनितं असातं शारीरं मानसं च अमुरकृतम् ।

भुंजंते यथावसरं भवस्थितेश्वरमसमयांतम् ॥ १९७ ॥

अर्थ—क्षेत्र जनित १ शारीर १ मानस १ असुरकृत १ ए चारि प्रकार असाता यथा अवसर लिपे अपनी पर्यायका अंतसमय पर्यंत भोगवैं हैं तहां नरक क्षेत्र करि उत्पन्न जो आतापादि दुःखें सो क्षेत्र जनित कहिये । नरक शरीर करि उत्पन्न जो रोगादिक दुःख सो शारीर कहिए । आकुल परिणामनि करि उत्पन्न जो आर्त ध्यानादि रूप दुःख सो मानस कहिए । तीसरी पृथ्वी पर्यंत संक्लेश परिणामनि करि संयुक्त जे अमुरकुमार जातिके भवनवासी देव तिन करि कीया हूवा जो परस्पर लडावना घात करना इत्यादि दुःख सो अमुरकृत कहिए । ऐसैं दुःखके चारिभेद जानैं ॥ १९७ ॥

आर्गे पटल पटल प्रति तिन नारकीनका जघन्य उत्कृष्ट आयुकों तीन गाथानिकरि कहै हैं;—

पढमिंदे दसणउदीवाससहस्साउगं जहण्णिदरं ।

तो णउदिलक्ख जेहं असंखपुञ्जाण कोडी य ॥ १९८ ॥

प्रथमैद्रके दशनवतिवर्षसहस्रायुष्कं जघन्येतरत् ।

ततः नवतिलक्षं ज्येष्ठं असंख्यपूर्वाणां कोट्यश्च ॥ १९८ ॥

अर्थ—प्रथम पृथ्वीका प्रथम पटल विषे जघन्य आयु दश हजार वर्ष है । इतर कहिए उत्कृष्ट आयु सो निवै हजार वर्ष प्रमाण है । बहुरि इहां तैं परैं जो कहिए है आयु सो सर्व उत्कृष्ट आयु जाननां । तहां दूसरा पटल विषे निवै लाख वर्ष आयु है । तीसरा पटल विषे असंख्यात कोडि पूर्व वर्ष प्रमाण आयु है । सत्तरिलाख छप्पन कोडिकों पूर्व कहिए है ॥ १९८ ॥

सागरदशमं तुरिये सगसगचरमिदयम्हि इगि तिण्णि ।

सत्त दसं सत्तरसं उवही वावीस तेत्तीसं ॥ १९९ ॥

सागरदशमं तुरीये स्वकस्वकचरमेंद्रके एकं त्रीणि ।

सत्त दश सप्तदश उदधयो द्वाविंशतिः त्रयस्त्रिंशत् ॥ १९९ ॥

अर्थ—चौथा पटल विषै एक सागरका दशवां भाग प्रमाण आयु है । इहां तैं आगैं प्रथमादि सप्तमी पर्यंत पृथ्वीनिका अंतका पटल विषै आयु कहिए है सो प्रथमादि पृथ्वीनि विषै क्रमतैं एक तीन सात दश सत्तरह वावीस तेतीस सागर प्रमाण आयु जानना । १।३।७।१०।१७।२२।३३ ॥ १९९ ॥

आदी अंतविसेसे रूऊणद्धाहिदम्हि हाणिचयं ।

उवरिम जेट्टं समयेणहियं हेट्टिमजहणं तु ॥ २०० ॥

आदौ अंतविशेषे रूपोनाद्धाहिते हानिचयं ।

उपरिमं ज्येष्ठं समयेनाधिकं अधस्तनजघन्यं तु ॥ २०० ॥

अर्थ—आदि विषै जो प्रमाण हो ताको अंतके प्रमाणमें स्यो घटाएं जो प्रमाण होइ ताको रूपोनाद्धा कहिए एक घाटि पटलका प्रमाणरूप गच्छका भाग दीएं हानिचयौ कहिए नीचले पटलतैं पटल पटल प्रति वधनेका प्रमाण हो है । सोई कहिए है—प्रथम पृथ्वी विषै चौथा पटल विषै आयु एक सागरका दशवां भाग सो तौ आदि कहिए, अंत पटल विषै एक सागर सो अंत कहिए अंतमेंस्यो आदि समछेद विधान करि घटाएं नव सागरका दशमां भाग रखा तहां तीन पटलका तौ आयुका जुदा प्रमाण कहा तातैं तिनको छोडि अवशेष पटल रहे सो इहां गच्छ जानना । यद्यपि चौथा पटलका भी आयु जुदा जुदा कहा था तथापि इहां चौथा पटलका आयुको आदि विषै स्थाप्या तातैं भेलि लीया सो गच्छमें एक घाटि कीएं नव सो नव पटलनि विषै नव सागरका दशवां भाग वधै तौ एक पटल विषै कितना वधै ऐसैं त्रैराशिक कीएं नवका दशवां भागको नवका भाग दीएं एक सागरका दशवां भाग प्रमाण चय आया सो इतना चय चौथा पटलका आयु विषै मिलाएं पांचवां पटलका आयु दोय सागरका दशवां भाग हो है तामें चय मिलाएं छठा पटलका आयु तीन सागरका दशवां भाग हो है ऐसैं ही एक एक चय मिलाएं सप्तमादि पटलनिविषै—च्यारि पांच छह सात आठ नव दश सागरनिका दशवां भाग प्रमाण आयु हो है । बहुरि द्वितीयादि पृथ्वीनि विषै जो उपरली पृथ्वीका अंत विषै जो आयु कहा सो तौ इहां आदि स्थापिए तातैं आदि तौ क्रमतैं एक तीन सात दश सत्रह वावीस सागर प्रमाण हैं । बहुरि जो विवक्षित पृथ्वीका अंत पटल विषै आयु सो अंत स्थापिए तातैं क्रमतैं अंत तीन सात दश सत्रह वावीस तेतीस सागर प्रमाण है । तहां अंतमेंस्यो आदि घटाएं दोय च्यारि तीन सात पांच ग्यारह सागर रहे । बहुरि इहां पटलनिका प्रमाण ग्यारह नव सात पांच तीन एक है । तिन विषै इहां पूर्व पृथ्वीका अंत पटलका आयुको आदि स्थापन कीया तातैं एक एक और मिलाएं वारह दश आठ छह च्यारि दोय प्रमाण गच्छ भया तामें एक घटाएं क्रमतैं ग्यारह नव सात पांच तीन एक रहे सो ग्यारह नव

सात पांच तीन एक पटलनि विषै दोग च्यारि तीन सात पांच ग्यारह सागर प्रमाण आयु वधै तौ एक पटल विषै कितना आयु वधै ऐसै त्रैराशिक कीएं द्वितीयादि पृथ्वीनिविषै क्रमतै दोग सागरका ग्यारह्वां भाग अर च्यारि सागरका नवमां अर तीन सागरका सातवां भाग अर सात सागरका पांचवां भाग अर पांच सागरका तीसरा भाग अर ग्यारा सागर प्रमाण चय आया । सो एक चयकों पूर्व पूर्व स्थिति विषै जोडें तिन तिन पटलनि विषै उत्कृष्टायुका प्रमाण आवै है । तहां द्वितीय पृथ्वी विषै दोग सागर पूर्वस्थिति विषै दोग सागरका ग्यारह्वां भाग प्रमाण चय जोडे प्रथम पटल विषै आयु होइ यामें तीह प्रमाण चय जोडें तृतीय पटल विषै आयु होइ ऐसै चय करि वधता वधता पटल पटल प्रति आयु जानना । याही प्रकार तृतीयादि पृथ्वीनि विषै क्रमतै तीन सात दश सत्रह वावीस सागरनि विषै अपना अपना चय जोडें प्रथम पटल विषै आयु होइ । बहुरि अपना अपना प्रथमादि पटलनिका आयु विषै क्रमतै अपना अपना चयकों वधाएं अपना अपना द्वितीयादि पटलनि विषै आयु होइ । बहुरि उपरि उपरिका पटल विषै जो उत्कृष्ट आयु कद्या सो एक समय अधिक होइ तौ नीचला नीचला पटल विषै जघन्य आयु हो हैं । ऐसा तहां प्रथम पटल विषै आयु उत्कृष्ट निवै हजार वर्ष तामें एक समय अधिक भए द्वितीय पटल विषै जघन्य आयु हो है । ऐसै हीं गुणचासवां पटल पर्यंत जानना ॥ २०० ॥

आगें तिन नारकानिके पटल पटल प्रति शरीरकी उचाईका प्रमाण कहै हैं;—

पढमें सत्त ति छक्क उदयं धणुरयणिअंगुलं सेसो ।

दुगुणकमं पढमिदे रयणितियं जाण हाणिचयं ॥ २०१ ॥

प्रथमे सत्त त्रि पटुं उदयः धनूरत्न्यंगुलानि शेषे ।

द्विगुणक्रमं प्रथमेद्रके रत्नित्रयं जानीहि हानिचयम् ॥ २०१ ॥

अर्थ—प्रथम पृथ्वीका अंत पटल विषै शरीरका उत्सेध सात धनुष तीन हाथ छह अंगुले प्रमाण है । बहुरि द्वितीयादि पृथ्वीका अंत-अंतपटल विषै शरीरका उत्सेध दूणा दूणा क्रमतै पांचसै धनुष पर्यंत जातना । बहुरि प्रथम पृथ्वीका प्रथम इंद्रक विषै रत्नीत्रयं कहिए तीन हाथ उत्सेध हैं । ऐसै धरि करि हे सुझ तू हानि चय जानि । हानि चयका साधन कैसै सो कहिए है । प्रथम पृथ्वी विषै प्रथम पटल विषै तीन हाथ उत्सेध सो तो आदि जाननां । अर अंतपटल विषै सात धनुष तीन हाथ छह अंगुल उत्सेध सो अंत जानना तहां अंतमेंस्यो आदि तीन हाथ घटाएं सात धनुष छह अंगुल रहे । बहुरि इहां पटल प्रमाण रूप गच्छ तेरह तामें एक घटाएं वारह ताका भाग दीजिए तहां सात धनुषका अठईस हाथ हुवा ताको वाराका भाग दीएं दोग पाया सो दोग तौ हाथ बहुरि अवशेष च्यारि हाथ रहे तिनके अंगुल कीएं छिनवै अंगुल भए अर छह अंगुल पूर्व थे मिलकर एक सो दोग अंगुल भए तिनको वाराका भाग दीएं आठ अंगुल भए अर अवशेष छह अंगुलका वारह्वां भागको छह करि अपवर्तन कीएं एक अंगुलका दूसरा भाग भया ऐसै प्रथम पृथ्वी विषै हानि चय दोग हाथ साढा आठ अंगुल प्रमाण आया सो उपरि पटलका उत्सेध विषै अपनी अपनी दंडादिक जातिका क्रम करि मिलाएं वा हस्तादिक कीएं नीचले पटल

विषै उत्सेध होइ तहां प्रथम पटलका उत्सेध होइ तहां प्रथम पटलका उत्सेध विषै चय मिलाए च्यारि हाथका एक धनुष कीए द्वितीय पटल विषै एक धनुष एक हाथ साढा आठ अंगुल प्रमाण उत्सेध हो है । बहुरि यामें सोई चय मिलाए तृतीय पटल विषै एक धनुष तीन हाथ सत्रह अंगुल उत्सेध हो है । ऐसैही सर्व पटलनि विषै जानना । बहुरि द्वितीयादि पृथ्वीनि विषै पूर्व पृथ्वीका अंत पटल विषै जो उत्सेध सो तौ आदि अर विवक्षित पृथ्वीका अंत पटल विषै उत्सेध सो अंत स्थापि अर आदिमेंस्यो अंत घटाईए । बहुरि इहां पूर्व पृथ्वीका अंतपटलको आदि कह्या तातैं विवक्षित पृथ्वी विषै जितना पटलका प्रमाण तातैं एक अधिक गच्छ करि तामें एक घटाए विवक्षित पृथ्वी विषै जितना पटलनिका प्रमाण ताका ताकौं भाग दीए हानिचयका प्रमाण आवै तैसैं द्वितीयादि पृथ्वी विषै आदि तौ सात धनुष तीन हाथ छह अंगुल अर अंत पंद्रह धनुष दोय हाथ बारह अंगुल तहां आदिमेंस्यो अंत घटाए सात धनुष तीन हाथ छह अंगुल रहे तिनको पटल प्रमाण ग्यारह ताका भाग दीए धनुषादिकके हस्तादिक कीए दोय हाथ वीस अंगुल अर दोय अंगुलका ग्यारह भाग प्रमाण हानि चय आया । ऐसैं ही तृतीयादि पृथ्वीनिविषै भी हानि चय साधना । बहुरि उपरि पृथ्वीका अंतपटलका उत्सेध विषै अपना अपना चय मिलाए अपने अपने प्रथम पटल विषै उत्सेध होइ । बहुरि अपना अपना प्रथमादि पटलनिविषै क्रमतैं अपना अपना चय मिलाए अपना अपना द्वितीयादि पटलनि विषै उत्सेध होइ । जैसैं प्रथम पृथ्वीका अंतपटलका उत्सेध सात धनुष तीन हाथ छह अंगुल तामें दोय हाथ वीस अंगुल दोय अंगुलका ग्यारह भाग मिलाए द्वितीय पृथ्वीका प्रथम पटल विषै आठ धनुष दोय हाथ दोय अंगुल अर दोय अंगुलका ग्यारह भाग प्रमाण उत्सेध भया । यामेंस्यो चय मिलाए द्वितीय पटल विषै उत्सेध होइ ऐसैं अंतपटल पर्यन्त जानना । बहुरि जैसैं द्वितीय पृथ्वी विषै विधान कह्या तैसैं ही तृतीयादि पृथ्वीनिविषै उत्सेध ल्यावना ॥ २०१ ॥

आगैं नारकानके अवधिज्ञानका विषयभूत क्षेत्रका प्रमाण कहैं हैं;—

रयणपहपुढवीए चउरो कोसा य ओहिखेत्तं तु ।

तेण परं पडिपुढवी कोसद्धविवज्जियं होदि ॥ २०२ ॥

रत्नप्रभापृथिव्याश्चत्वारः क्रोशाश्चावधिक्षेत्रं तु ।

ततः परं प्रतिपृथ्वि क्रोशार्धविवर्जितं भवति ॥ २०२ ॥

अर्थ—रत्नप्रभा पृथ्वीके जीवनिके च्यारि कोस अवधिका क्षेत्र है अवधिज्ञान करि च्यारि कोश पर्यंत जानें । तीह परैं पृथ्वी पृथ्वी प्रति आध आध कोश घाटि है सो द्वितीयादि पृथ्वीके जीवनिके साढा तीन तीन अढाई दोय ड्योढ एक कोस अवधिक्षेत्र जानना ॥ २०२ ॥

आगैं नरकतैं निकस्या जीव कहां उपजै है सो नियम कहैं हैं;—

णिरयादो णिस्सरिदो णरतिरिए कम्मसण्णिपज्जत्ते ।

गन्धभवे उप्पज्जादि सत्तमपुढवीदु तिरिए व ॥ २०३ ॥

निर्यात्रिसृतः नरतिरश्चोः कर्मसंज्ञिपर्याति ।

गर्भभवे उत्पद्यते सप्तमपृथिव्यास्तु तिरश्चि एव ॥ २०३ ॥

अर्थ—नरकतं निकस्या द्वा जीव मनुक्ष तिर्यच गतिविषै कर्मभूमि संज्ञी पर्याति गर्भज विषै ही उपजै । भोगभूमि असंज्ञी लब्धपर्यातक सन्मूर्च्छनविषै न उपजै । बहुरि सप्तम पृथ्वीका निकस्या जीव तैसा कर्मभूमियां संज्ञी पर्यातक गर्भज तिर्यच ही विषै उपजै मनुक्ष भी न होइ ॥२०३॥

आगै मनुक्ष तिर्यच इत्यादि नियम उपजनेका कद्या तहां कहा सर्वत्र ही उपजै इसी आशंका होत संतै कहै हैं;—

णिरयचरो णत्थि हरी वलचक्री तुरियपहुदिणिस्सरिदो ।

तित्थचरमंगसंजद मिस्सतिथं णत्थि णियमेण ॥ २०४ ॥

निरयचरो नास्ति हरिः वलचक्रिणौ तुरीयप्रभृतिनिःसृतः ।

तीर्थचरमांगसंयताः मिश्रत्रयं नास्ति नियमेन ॥ २०४ ॥

अर्थ—निरयचरः कहिए नरकतै निकस्या जीव सो नारायण बलभद्र चक्रवर्ति न होइ । बहुरि चौथी आदि पृथ्वीतै निकस्या तीर्थकर न होइ । पांचमी आदि पृथ्वीतै निकस्या चरम शरीरी न होइ । छठी आदि पृथ्वीतै निकस्या सकल संयमी न होइ सातवीं पृथ्वीतै निकस्या मिश्रत्रय कहिए मिश्र वा असंयत वा देहासंयत न होइ नियम करि । इहां असंयतपणा निषेध्या तातै सासादनका भी अभाव जानना ॥ २०४ ॥

आगै नरककौ जाता जीवनिका पृथ्वी प्रति नियम कहै हैं;—

अमणसरिसपविहंगमफणिसिंहित्थीण मच्छमणुवाणं ।

पढमादिसु उप्पत्ती अडवारादो ङु दोण्णिवारोत्ति ॥ २०५ ॥

अमनस्कसरीसृपाविहंगमफणिसिंहस्त्रीणां मत्स्यमनुष्याणाम् ।

प्रथमादिपु उत्पत्तिः अष्टवारतस्तु द्विवार इति ॥ २०५ ॥

अर्थ—अमनस्क कहिए असंज्ञी पंचेद्री अर सरीसृप कहिए कृकलास गोंधेरे आदि जीव अर विहंगम कहिए भेरुड आदि पंखी अर फणी कहिए सर्प अर सिंह कहिए नाहर अर स्त्री कहिए मनुक्षणी अर मत्स्य मनुष्य कहिए मांछला वा मनुक्ष इनकै प्रथमादि पृथ्वीनिविषै अनुक्रमतै निरंतर उत्पत्ति आठ वारतै लगाय दोय वार पर्यंत जाननी । तहां अमनस्क प्रथम नरकि जाय तहांस्यो निकसि संज्ञी होइ मरि करि बहुरि इहां ही असंज्ञी होइ मरि करि प्रथम नरक जाय तव एक वार होय । ऐसै असंज्ञी उत्कृष्ट आठ वार प्रथम नरकि जाय । नरकका निकस्या असंज्ञी न होइ तातै बीचि एक संज्ञी पर्यायका एक अंतर जानना । बहुरि सरीसृपादिकविषै एक अंतर न ग्रहण करनां । सरीसृप दूसरे नरकि जाय तहांस्यो निकसि सरीसृप होइ फेरि दूसरे नरकि जाय ऐसै निरंतर सातवार जाइ । ऐसै ही निरंतर विहंगम तीसरे नरकि छह वार । फणी चौथे नरकि पांच वार । सिंह पांचवें नरकि च्यारि वार स्त्री छठे नरकि तीन वार निरंतर उपजै । बहुरि मत्स्य मनुष्य एक अंतर करि सातवें नरकि दोय वार उपजै तहां मत्स्य सातवें नरकि जाय तहांस्यो निकसि

गर्भज तिर्यच होइ मरि करि फेरि मत्स्य होइ सातवें नरकि जाय । इहां नरकका निकस्या सन्मूर्छन न होइ । मत्स्य सन्मूर्छन हैं तातैं एक अंतर कहा । बहुरि ऐसैं ही मनुष्य विपैं एक अंतर जाननां । जातैं सातवां नरकका निकस्या मनुष्य न होइ तातैं वीचिमैं एक अंतर कहा । ऐसैं दोय वार उपजना जानना । इहां जीवनिके उपजनेका भी नियम जानना । असंज्ञा प्रथम पृथ्वीविपैं ही उपजै द्वितीयादि पृथ्वीनि विपैं न उपजै । सरीसृप दूसरी पृथ्वी पर्यंत ही उपजै तृतीयादि पृथ्वी विपैं न उपजै ऐसैं ही विहंगादिकका नियम जाननां । बहुरि उक्त्य जेतीवार उपजै सो नियम जाननां । असंज्ञी आठ वार ही निरंतर नरक जाय नवमी वार न जाय इत्यादि नियम जाननां ॥ २०५ ॥

इहां असंज्ञी आदिककें एक वार अंतर होते भी निरंतर ही कहिए है;—

चउवीसमुहुत्तं पुण सत्ताहं पक्खमेक्कमासं च ।

दुगचदुच्छमासं च य जम्मणमरणंतरं णिरये ॥ २०६ ॥

चतुर्विंशतिमुहूर्ताः पुनः सप्ताहानि पक्षः एकमासश्च ।

द्विकचतुःपण्मासाश्च च जननमरणांतरं निरये ॥ २०६ ॥

अर्थ—प्रथमादि पृथ्वीनिविपैं क्रमतैं चौवीस मुहूर्त अर सात दिन अर एक पक्ष अर एक मास अर दोय मास अर च्यारि मास अर छह मास जन्म अर मरण विपैं अंतर जाननां । भावार्थ—प्रथम पृथ्वीविपैं कोई जीव न उपजै तौ उक्त्यपनैं चौईस मुहूर्त पर्यंत न उपजै न मरै चौईस मुहूर्त पीछैं कोई उपजै ही उपजै वा कोई मरै ही मरै ऐसैं ही द्वितीयादि पृथ्वीविपैं जाननां ॥ २०६ ॥

आगैं तिन नारकीनिके दुःखका आधिक्य कहैं हैं;—

अच्छिणिमीलणमेत्तं णत्थि सुहं दुक्खमेव अणुवद्धं ।

णिरए णेरइयाणं अहोणिसं पच्चमाणाणं ॥ २०७ ॥

अक्षिनिमीलनमात्रं नास्ति सुखं दुःखमेव अनुवद्धम् ।

निरये नैरयिकाणां अहर्निशं पच्यमानानाम् ॥ २०७ ॥

अर्थ—नेत्रका टिमकारनां मात्र भी सुख नाही है दुःख ही निरंतर संबंधरूप पाईए है नरक विपैं नारकी जीवनिकें । कैसे हैं नारकी । अहर्निशं काहिए निरंतर दुःखअग्निकारि पच्यमान हैं ।

भावार्थ—मिथ्यात्व हिंसादि रौद्रध्यान बहुत आरंभ परिग्रह इत्यादि पापनिकारि जीव नरकि जाय तहां ऐसे दुःख पावै हैं । तातैं मिथ्यात्वादि पापनिका त्याग ही करनां योग्य है ॥ २०७ ॥

॥ इति नरकके स्वरूपका वर्णन सम्पूर्ण भया ॥

इति श्रीनेमिचन्द्राचार्यविरचिते त्रिलोकसारे लोकसामान्याधिकारः ॥ १ ॥

भवनाधिकार ॥ २ ॥



अथ लोकका सामान्य वर्णन करि 'भवणव्वेतर' इत्यादि पूर्वोक्त गाथासूत्र करि पंच अधिकार सूचन कीए तिन विषै तैसैं ही अनुक्रमकरि भवनाधिकारको आरंभ करता; संता तिन भवनिका आधारभूत जो रत्नप्रभा पृथ्वी बहुरि तीह रत्नप्रभा पृथ्वीकी सहचारिणी जे शर्करा प्रभा आदि पृथ्वी बहुरि तिन पृथ्वीनिविषै प्राप्त जे नरकनिके पटल बहुरि तिन पटलनि प्राप्त जे नारकी तिनका आयु आदिक इन सवनिकों प्रसंग पाइ व्याख्यान करि विवाक्षित प्रथम भवनाधिकार ताको कहनेकी है इच्छा जाकें ऐसा आचार्य सो तीह भवनाधिकारकी आदि विषै भवनलोक संवधी जे चैत्यालय तिनको वंदना करता संता ऐसा मंगल सूत्र कहै है;—

भवणेषु सत्तकोडी वावत्तरिलक्ख होंति जिणगेहा ।
 भवणामरिंदमहिया भवणसमा तारिं वंदामि ॥ २०८ ॥
 भवनेषु सप्तकोट्यः द्वासप्ततिलक्षाणि भवन्ति जिनगेहानि ।
 भवनामरेंद्रमहितानि भवनसमानि तानि वंदे ॥ २०८ ॥

अर्थ—भवननिविषै सात कोडि ब्रह्मत्तरि लाख जिन मंदिर हैं भवनवासी देव वा तिनके इंद्रनिकरि पूजनीक हैं । बहुरि भवनवासी देवनिके जे ते भवन हैं तिनहींके समान संख्याको धरै हैं । जातैं एक एक भवनविषै एक एक चैत्यालय है । तिन चैत्यालयनिकों में वंदौ हों ॥ २०८ ॥

आगैं भवनवासी देवनिका कुलभेद आदि तीन गाथाकरि कहैं हैं;—

असुरा नागसुवण्णा दीपोदहिविज्जुथणिददिसअग्गी ।
 वादकुमारा पढमे चमरो वइरोइणो इंदौ ॥ २०९ ॥
 असुरो नागसुपर्णा द्वीपोदधिविद्युत्तनितदिगप्रयः ।
 वातकुमारः प्रथमे चमरो वैरोचन इंद्रः ॥ २०९ ॥

अर्थ—असुरकुमार १ नामकुमार १ सुपर्णकुमार १ द्वीपकुमार १ उदधिकुमार १ विद्यु-
 कुमार १ स्तनितकुमार १ दिक्कुमार १ अग्निकुमार १ वातकुमार १ ऐसैं भवनवासी देवनिके दश
 कुल हैं । तिन विषै पहले असुरकुमार कुलविषै चमर अर वैरोचन ए दोय इंद्र हैं ॥ २०९ ॥

भूदानंदो धरणाणंदो वेणू य वेणुधारी य ।
 पुण्णवसिद्ध जलप्पह जलकंतो घोसमहघोसो ॥ २१० ॥
 भूतानंदो धरणाणंदः वेणुश्च वेणुधारी च ।
 पूर्णवशिष्टौ जलप्रभः जलकांतः घोषमहाघोषौ ॥ २१० ॥

अर्थ—नागकुमार कुलविषै भूतानंद धरणानंद ए दोग इंद्र हैं । सुपर्णकुमार कुल विषै वेणु अर वेणु अर वेणुधारी दोग इंद्र हैं । द्रोपकुमार कुल विषै पूर्ण वशिष्ठ ए दोग इंद्र हैं । उदधि-कुमार कुल विषै जलप्रभ जलकांत ए दोग इंद्र हैं । विद्युत्कुमार कुल विषै घोप महाघोप ए दोग इंद्र हैं ॥ २१० ॥

हरिसेणो हरिकंतो अमिदगदी अमिदवाहणगिगिसिही ।
अग्नीवाहणणामा वेलंवपभंजणा सेसे ॥ २११ ॥ जुम्मं ।
हरिपेणः हरिकांतः अमितगतिः अमितवाहनः अग्निशिखी ।
अग्निवाहननामा वेलंवप्रभंजनौ शेपे ॥ २११ ॥ युग्मं ।

अर्थ—स्तनितकुमार कुल विषै हरिपेण हरिकांत ए दोग इंद्र हैं । दिक्कुमार कुल विषै अमितगति अमितवाहन ए दोग इंद्र हैं । अग्निकुमार कुल विषै अग्निशिखी अग्निवाहन नाम ए दोग इंद्र हैं । वातकुमार कुलविषै वेलंव प्रभंजन ए दोग इंद्र हैं । ऐसैं शेषनागादि कुल विषै इंद्र जानने ॥ २११ ॥

आगैं तिनकैं परस्पर ईर्षाका स्थान कहैं हैं;—

चमरो सोहम्मेण य भूदाणंदो य वेणुणा तोसिं ।
विदिया विदियेहिं समं ईसंति सहावदो णियमा ॥ २१२ ॥
चमरः सौधर्मेण च भूतानन्दश्च वेणुना तेषां ।
द्वितीया द्वितीयैः समं ईर्ष्यन्ति स्वभावतो नियमात् ॥ २१२ ॥

अर्थ—चमर इंद्र तौ सौधर्म इंद्र सहित अर भूतानंद इंद्र वेणु इंद्र सहित अर तिनके द्वितीया जे दूसरे वैरोचन और धरणानंद ते द्वितीयैः समं कहिए दूसरे ईशान इंद्र अर वेणुधारी इंद्र तिन सहित ईर्ष्यन्ति कहिए ईर्षा करैं हैं । स्वभाव ही तैं कारण विना ही नियम करि इनकें ऐसैं स्पर्द्धा हो है ॥ २१२ ॥

आगैं तिन असुरादिकानिके चिन्ह कहैं हैं;—

चूडामणिफणिगरुडं गजमयरं वडमाणगं वज्जं ।
हारिकलसस्सं चिहं मउले चेतमद्दुमाह धया ॥ २१३ ॥
चूडामणिफणिगरुडं गजमकरं वर्धमानकं वज्जं ।
हारिकलशाश्वं चिहं मुकुटे चैत्यद्रुमा अथ ध्वजाः ॥ २१३ ॥

अर्थ—असुर कुमारादिकानिकैं अनुक्रमतैं चूडामणि रत्न अर सर्प अर गरुड अर हाथी अर मांछला अर सांथिया अर वज्र अर सिंह कलश अर घोडा मुकट विषै चिन्ह जाननां । मुकट विषै इनका आकार है सो तिनका चिन्ह हैं । अथवा जुदी जुदी जातिके चैत्यवृक्ष वडुरि ध्वजा तिन असुरादिकानिका चिन्ह हैं ॥ २१३ ॥

आगैं तिनके चैत्यवृक्षनिके भेदनिकों कहैं हैं;—

अस्सत्थसत्तसामलिजंबूवेतसकदंवकापियंगू ।

सिरिसं पलासरायहुमा य असुरादिचेत्तरु ॥ २१४ ॥

अश्वत्थसत्तच्छदशाल्मलिजंबूवेतसकदंवकाप्रियंगवः ।

शिरीषः पलाशराजद्रुमौ च असुरादिचैत्यतरवः ॥ २१४ ॥

अर्थ—अश्वत्थ वृक्ष अर सप्तपर्ण वृक्ष अर शाल्मली वृक्ष अर जंबू वृक्ष अर वेतस वृक्ष अर कदंब वृक्ष अर प्रियंगु वृक्ष अर सरिसीं वृक्ष अर पलाश वृक्ष अर राजद्रुम कहिए किरमाला वृक्ष अनुक्रमतै असुरकुमारादिकानिके चैत्यवृक्ष हैं ॥ २१४ ॥

आगै चैत्यवृक्षानिके सार्थिकपनांको दृढ करै हैं;—

चेत्तरुणं मूले पत्तेयं पडिदिसम्ह पंचेव ।

पलयंकठिया पडिमा सुराचिया ताणि वंदामि ॥ २१५ ॥

चैत्यतरुणां मूले प्रत्येकं प्रतिदिशं पंचैव ।

पर्यकस्थिताः प्रतिमाः सुरार्चिताः ताः वंदे ॥ २१५ ॥

अर्थ—चैत्यवृक्षानिके मूल विषै प्रत्येक प्रतिदिशा विषै पांच पांच प्रतिमा पर्यक आसन करि स्थित देवनिकरि पूजित हैं । तिन प्रतिमानिकों वंदों हों । भावार्थ । एक एक चैत्यवृक्ष नीचै एक एक दिशाविषै पांच पांच जिनिर्व्व पंक्ति करि विराजमान हैं । तातै वृक्षानिकों चैत्यवृक्ष कहिए हैं ॥ २१५ ॥

आगै तिन प्रतिमानिके आगै तिष्ठते जु मानस्तंभ तिनका स्वरूप कहै हैं;—

पडिदिसयं णियसीसे सगसगपडिमाजुदा विराजंति ।

तुंगा माणत्थंभा रयणमया पडिदिसं पंच ॥ २१६ ॥

प्रतिदिशं निजशीर्षे सप्तसप्तप्रतिमायुता विराजंते ।

तुंगा मानस्तंभा रत्नमया प्रतिदिशं पंच ॥ २१६ ॥

अर्थ—दिशा दिशा प्रति अपने उपरिम भागविषै सात सात प्रतिमा संयुक्त उत्तुंग रत्न-मई मानस्तंभ दिशादिशा प्रति पांच पांच विराजें हैं ॥ भावार्थ । एक एक प्रतिमाके आगै एक एक मानस्तंभ हैं मान दूरि करनेको समर्थ ऊंचा थांभा है । सो चैत्यवृक्षकी एक एक दिशा प्रति पांच पांच मानस्तंभ भए । बहुरि तिन मानस्तंभानिके उपरि एक एक दिशा प्रति सात सात जिनिर्व्व विराजें हैं ॥ २१६ ॥

आगै भवनघासी इंद्रनिके भवणनिकी संख्या जणावता सूत्र कहै हैं;—

चोत्तीसं चउदालं अडतीसं छसुवि ताल पण्णासं ।

चउचउविहीण ताणि य इंदाणं भवणलक्खाणि ॥ २१७ ॥

चतुस्त्रिंशच्चतुश्चत्वारिंशदष्टात्रिंशत् षट्सु अपि चत्वारिंशत् पंचाशत् ।

चतुश्चतुर्विहीनानि तानि च इंद्राणां भवनलक्षाणि ॥ २१७ ॥

अर्थ—चौतीस अर चवालीस अर अठतीस अर छहनि विषै चालीस अर पंचास अर उत्तर इंद्रनि प्रति च्यारि च्यारि घाटि ऐसै इंद्रनिके भवननिके लक्ष जाननै । भावार्थ । एक एक कुल

विषै दोग दोग इंद्र कहे थे तहां दोजनि विषै पहलैं जाका नाम कहा सो दक्षिणेंद्र है अर पीछे जाका नाम कहा सो उत्तरेंद्र है । दक्षिण दिशाके भवन विषै जाका वास पाईए सो दक्षिणेंद्र जाननां । अर उत्तर दिशाके भवन विषै जाका वास पाईए सो उत्तरेंद्र जाननां । तहां असुर कुमार कुल विषै दक्षिणेंद्रके तौ चौतीस लाख भवन हैं । उत्तरेंद्रके तीस लाख हैं मिलि करि चौंसठि लाख भए । बहुरि नागकुमार कुल विषै दक्षिणेंद्रके तौ चवालीस लाख हैं उत्तरेंद्रके चालीस लाख हैं मिलकर चौरासी लाख भवन भए । बहुरि सुपर्णकुमार कुल विषै दक्षिणेंद्रके अठतीस लाख हैं अर उत्तरेंद्रके चौतीस लाख हैं मिलिकरि बहत्तरि लाख भवन भए । द्वीप कुमारादि छह कुलनि विषै एक एक कुल विषै दक्षिणेंद्रके चालीस लाख हैं उत्तरेंद्रके छत्तीस लाख हैं मिलिकरि छिहत्तरि लाख भवन भए । बहुरि वातकुमार कुल विषै दक्षिणेंद्रके पंचास लाख हैं उत्तरेंद्रके छियालीस लाख हैं मिलिकरि छिनवै लाख भवन भए ऐसैं दशौं कुलके सर्व भवन सात कोडि बहत्तरि लाख जाननें ॥ २१७ ॥

आगैं तिन भवननिका विशेष स्वरूप कहैं हैं;—

ससुगंधपुष्पसोहियरयणधरा रयणभित्ति णिच्चपहा ।

संविदियसुहदाइहिं सिरिखंडादिहिं चिंदा भवणा ॥ २१८ ॥

ससुगंधपुष्पशोभितरत्नधरा रत्नभित्तयः नित्यप्रभाः ।

सर्वेन्द्रियसुखदायिभिः श्रीखंडादिभिश्चिता भवनाः ॥ २१८ ॥

अर्थ—सुगंध फूलनिकरि संयुक्त सोभायमान रत्नमयी जिनकी भूमि हैं । बहुरि रत्नमई ही जिनकी भीति हैं नित्य प्रकाश संयुक्त हैं सब इंद्रियनिकों सुखदायक जे चंदनादि वस्तु तिनकरि सिंचित हैं ऐसे भवनवासी देवनिके भवन हैं ॥ २१८ ॥

आगैं तिन भवननिविषै जे देव हैं तिनका ऐश्वर्य कहैं हैं;—

अट्टगुणिद्धिविसिद्धा णाणामणिभूसणेही दित्तंगा ।

भुंजंति भोगमिष्टं सग्गपुच्चतवेण तत्थ सुरा ॥ २१९ ॥

अष्टगुणार्धिविशिष्टाः नानामणिभूपणैः दीप्तांगाः ।

भुंजंति भोगमिष्टं स्वकपूर्वतपसा तत्र सुराः ॥ २१९ ॥

अर्थ—तहां जे देव हैं ते अणिमा महिमा आदि आठ गुण ऋद्धि करि विशिष्ट हैं बहुरि नाना प्रकार मणिका आभूषणनि करि प्रकासमान है अंग जिनका ऐसै हैं । ते अपनां पूर्व कीया तपका फल करि इष्टभोगकों भोगवैं हैं ॥ २१९ ॥

आगैं ते भवन भूमिगृहकी उपमा धरैं हैं जैसें इहां पृथ्वीविषै मंदिर बनाईए ताका नाम प्रवृत्ति विषै तहखाना कहिए है । तैसें खरभाग पंकभागरूप रत्नप्रभा पृथ्वीविषै भवन जानने । इहां प्रश्न । जो नरक विल भी ऐसै ही पृथ्वी विषै कहे थे तहां विल संज्ञा भई इहां भवन संज्ञा भई सो कारन कहा । ताका समाधान । जैसें इहां पृथ्वी विषै तिर्यचादिक पापी जीवनिके स्थान तिनकों विल कहिए हैं । अर पुन्यवान मनुक्षनिके रहनेके स्थान तिनकों भूमिगृह कहिए हैं । तैसें नारकी

पापी जावनिके रहनेके स्थाननिको विल कहे अर पुन्यवान देवनिके रहनेके स्थाननिको भवन कहे । बहुरि प्रथ । जो नरक विलनिका वर्णन विषे पूर्व भूमिगृहका दृष्टांत काहेको दीया विलनि-
हीका दृष्टांत देनां था । ताका समाधान । जो भूमिगृहका दृष्टांत करि पटलनिका वा इंद्रकादि
विलनिका स्वरूप नीके पहांचानिए है ताते भूमिगृहका दृष्टांत दिया था ।

ऐसे भूमिगृहकी उपमा धरे जु भवन तिनका व्यासादिक कहें हैं;—

जोयणसंखासंखाकोडी तन्वित्यडं तु चउरस्सा ।

तिसयं बहलं मज्झं पाडि सयतुंगेक्कूडं च ॥ २२० ॥

योजनसंख्यासंख्यकोट्यः तद्विस्तारस्तु चतुरस्राः ।

त्रिशतं वाहल्यं मध्यं प्रति शततुंगैककूटश्च ॥ २२० ॥

अर्थ—जवन्य तौ संख्यात कोडि योजन अर उत्कृष्ट असंख्यात कोडि योजन प्रमाण तिन
भवननिका विस्तार है । चौडाई वा लंबाईका इतना प्रमाण हैं । बहुरि ते भवन चौकोर हैं । बहुरि
तिनका तीनसे योजन बाहुल्य है । भूमिते छाति पर्यंत इतने ऊंचे हैं । बहुरि एक एक भवन
प्रति मध्यविषे सौं योजन ऊंचा एक पर्वत है । ताके उपरि चैत्यालय हैं ॥ २२० ॥

आगे तिन भवननिका स्थाननिको दोय गाथानि करि कहें हैं;—

वैतर अप्पमहक्खियमज्झिमभवणामराण भवणाणि ।

भूमीदोथो इगिदुगवाढालसहस्सइगिलक्खे ॥ २२१ ॥

व्यंतराणां अल्पमहर्धिकमध्यमभवनामराणां भवनानि ।

भूमितोथः एकद्विकद्वाचत्वारिंशत्सहस्रएकलक्षाणि ॥ २२१ ॥

अर्थ—चित्रा भूमिते लगाय नीचे नीचे एक हजार योजन जाइ करि तौ व्यंतरानिके आवास
हैं । बहुरि दोय हजार योजन जाय अल्प ऋद्धिके धारक भवनवासीनिके भवन हैं । बहुरि वियालीस
हजार योजन जाइ महाऋद्धिके धारक भवनवासीनिके भवन हैं । बहुरि एक लक्ष योजन जाइ मध्यम
ऋद्धिके धारक भवनवासीनिके भवन हैं ॥ २२१ ॥

रयणप्पहपंकड्ढे भागे असुराण होंति आवासा ।

भौम्पेसु रक्खसाणं अवसेसाणं खरे भागे ॥ २२२ ॥

रत्नप्रभापंकात्वे भागे असुराणां भवंति आवासाः ।

भौमेपु राक्षसानां अवशेषाणां खरे भागे ॥ २२२ ॥

अर्थ—रत्नप्रभाका पंकभाग विषे असुरकुमारानिके भवन हैं । बहुरि व्यंतरनि विषे राक्षस-
निके तहां हीं आवास है । बहुरि अवशेष नागकुमारादि भवनवासीनिके भवन वा राक्षस विना सात
जातिके व्यंतरनिके आवास खरभागविषे पाईए हैं ॥ २२२ ॥

आगे देवनिके इंद्रादिक भेद कहें हैं;—

इंदुपडिंददिगिंदा तेत्तीससुरा समाणतणुरक्खा ।

परिसत्तयआणीया पइण्णगभियोगकिम्भिसिया ॥ २२३ ॥

इंद्रप्रतींद्रदिर्गाद्राः त्रयस्त्रिंशत्सुराः सामानिकतनुरक्षकौ ।

परिषत्रयानीकौ प्रकीर्णकाभियोग्यकिल्बिपिकाः ॥ २२३ ॥

अर्थ—इंद्र १ प्रतींद्र १ दिर्गाद्र कहिए लोकपाल १ त्रयस्त्रिंशद्देव १ सामानिक १ तनुर-
क्षक १ तीन प्रकार पारिपत् १ अनीक १ प्रकीर्णक १ आभियोग्य १ किल्बिपिक १ ऐसैं भेद
जानने ॥ २२३ ॥

आगैं इन इंद्रादि पदवीनिका दृष्टांत कहैं हैं;—

रायजुवतंतराए पुत्रकलत्रंगरक्षवरमज्जे ।

अवरे तंडे सेनापुरपरिजनगायणोहि समा ॥ २२४ ॥

राजयुवतंत्रराजैः पुत्रकलत्रंगरक्षवरमध्येन ।

अवरेण तंडेण सेनापुरपरिजनगायकैः समाः ॥ २२४ ॥

अर्थ—जैसैं इहां राजा तैसैं इंद्र हैं । बहुरि जैसैं युवराजा तैसैं प्रतींद्र हैं । बहुरि जैसैं
तंत्रादि राजा कहिए सेनापति तैसैं लोकपाल हैं । बहुरि जैसैं राजाका पुत्र तैसैं तेतीस देव हो हैं
ते त्रयस्त्रिंशत्क हैं । बहुरि जैसैं राजाके कलत्र तैसैं इंद्रकीसी समानताको धरैं सामानिक
हैं । बहुरि जैसैं राजाके अंगरक्षक तैसैं तनुरक्षक हैं । बहुरि जैसैं राजाके सभाविषैं तिष्ठने योग्य
होहि तैसैं पारिपत् हैं । ते तीन प्रकार—तहां जैसैं उत्कृष्ट मांहीली सभा विषैं तिष्ठने योग्य तैसैं अंतः
परिषद जानने । बहुरि जैसैं मध्य वीचिकी सभा विषैं तिष्ठने योग्य तैसैं मध्य पारिपद जानने बहुरि
जैसैं जघन्य बाह्य सभाविषैं तिष्ठने योग्य तैसैं बाह्य पारिपद जानने । ऐसैं तंडसेन कहिए तीन
प्रकार सभा करि समान जानने । बहुरि जैसैं राजाके हस्ती आदि सेना ऐसैं अनीक हैं अनीक
जातिके देव ही हस्ती आदि आकाररूप अपने नियोगतैं हो हैं । बहुरि जैसैं पुरजन व्यापारी तैसैं
प्रकीर्णक हैं । बहुरि जैसैं परिजन दास आदि तैसैं आभियोग्य हैं । बहुरि जैसैं गायक गावने आदि
क्रियातैं आजीविकाके करन हारे तैसैं किल्बिपिक हैं । ऐसैं देवनिके भेद जानने ॥ २२४ ॥

आगैं च्यारि प्रकार देवनि विषैं इंद्रादिक भेदानिके संभवनेका विधान कहैं हैं;—

वैतरज्योतिसियाणं तेत्तिससुरा ण लोयपाला य ।

भवणे कप्पे सव्वे हवंति अहमिंदया तत्तो ॥ २२५ ॥

व्यंतरज्योतिष्काणां त्रयस्त्रिंशत्सुरा न लोकपालाः च ।

भवने कल्पे सर्वे भवंति अहमिंद्रकाः ततः ॥ २२५ ॥

अर्थ—व्यंतर अर ज्योतिषी इनकैं तौ त्रयस्त्रिंशत् देव बहुरि लोकपाल ए दोय भेद नाहीं
हैं । बहुरि भवनवासी अर स्वर्गवासीनि विषैं सर्व पूर्वोक्त भेद हैं । बहुरि तातैं परैं स्वर्गनिके उपरि
अहमिंद्र हैं ते सर्व ही समान हैं । हीनाधिकपना तहां नाहीं हैं ॥ २२५ ॥

आगैं भवनवासीनिविषैं इंद्रादिक पारिपत् तीनप्रकार पर्यन्त देवनिकी संख्या तीन गाथानि-
करि कहैं हैं;—

इंद्रसमा हु पंडिता सोमो यम वरुण तद् कुवेरा य ।
 पुष्पादिलोयवाला तेत्तीससुरा हु तेत्तीसा ॥ २२६ ॥
 इंद्रसमाः खलुः प्रतीद्राः सोमो यमो वरुणस्तथा कुवेरश्च ।
 पूर्वादिलोकपालः त्रयस्त्रिंशत्सुराः हि त्रयस्त्रिंशत् ॥ २२६ ॥

अर्थ—इंद्रके समान प्रतीद्र हैं । एक इंद्र एक प्रतीद्र जानना । वहुरि पूर्वादि दिशानिके च्यारि लोकपाल हैं । सोम १ यम १ वरुण १ कुवेर १ तिनके नाम हैं । वहुरि त्रयस्त्रिंशत् देव तेत्तीस हैं ॥ २२६ ॥

चमरत्रिये सामाणियतणुरक्खाणं प्रमाणमणुकमसो ।
 अडसोलकदिसहस्सा चउसोलसहस्सहीणकमा ॥ २२७ ॥
 चमरत्रिके सामानिकतनुरक्षाणां प्रमाणमणुकमशः ।
 अष्टपोडशकृतिसहस्राणि चतुःषोडशसहस्रहीनक्रमाणि ॥ २२७ ॥

अर्थ—चमर आदि तीन इंद्रनिविष्टे सामानिक अर तनुरक्षक अनुक्रमते आठ अर सोलहका वर्ग प्रमाण हजार वहुरि च्यारि हजार अर सोलह हजार वदता क्रमते जानने । भावार्थ—चमरेंद्रके सामानिक देव ती चौरसठि हजार हैं । अर तनुरक्षक दोय लाख छप्पन हजार हैं । वहुरि वैरोचन इंद्रके सामानिक साठि हजार हैं । अर तनुरक्षक दोय लाख चालीस हजार हैं । वहुरि भूतानंद इंद्रके सामानिक छप्पन हजार हैं । तनुरक्षक दोय लाख चौरस हजार हैं ॥ २२७ ॥

पण्णसहस्स विलक्खा सेसे तट्ठाण परिसमादिद्धं ।
 अडछब्बीसं छच्चउसहस्स दुसहस्सवाड्ढिकमा ॥ २२८ ॥
 पंचाशत्सहस्राणि द्विलक्षे शेषे तत्स्थाने परिपदादिमा ।
 अष्टषड्विंश पट्चतुःसहस्राणि द्विसहस्रवृद्धिकमाः ॥ २२८ ॥

अर्थ—शेष जे अवशेष जागकुमारादिकके सत्रह इंद्र तिनविष्टे सामानिक पंचास हजार हैं । तनुरक्षक दोय लाख हैं । वहुरि तिनहीं स्थाननिविष्टे परिपत् कहिए है । आदिकी अंतः परिपत् चमरेंद्रके अठईस हजार, वैरोचनके छब्बीस हजार, भूतानंदके छह हजार, अवशेष इंद्रनिके च्यारि हजार हैं । वहुरि अंतः परिपत्का प्रमाणते मध्य परिपत् दोय दोय हजार वधते जानने । वहुरि मध्य परिपत्ते बाह्य परिपत् दोय दोय हजार वधते जानने ॥ २२८ ॥

आगे तीनों परिपत्का विशेष नाम कहे हैं;—

पढमा परिसा समिदा विदिया चंदोत्ति णामदो होदि ।
 तदिया जदुअहिधाणा एवं सच्चेसु देवेसु ॥ २२९ ॥
 प्रथमा परिपत् समित् द्वितीया चंद्रा इति नामतो भवति ।
 तृतीया जत्वभिधाना एवं सर्वेषु देवेषु ॥ २२९ ॥

अर्थ—प्रथम परिपत् समित् ऐसे नाम धरै है । दूसरी चंद्रा ऐसे नामते युक्त है । तीसरी जतु ऐसे नाम युक्त है । ऐसे ही सर्व देवनिविष्टे सामानिके नाम जानने ॥ २२९ ॥

अब आनीकके भेद अर तिनकी संख्या कहैं हैं;—

सत्तेव य आणीया पत्तयं सत्तसत्तकक्खजुदा ।

पढमं ससमाणसमं तद्दुगुणं चरिमक्खोत्ति ॥ २३० ॥

ससैव च आनीकाः प्रत्येकं सत्तसत्तकक्षयुताः ।

प्रथमं स्वसामानिकसमं तद्द्विगुणं चरमकक्षं इति ॥ २३० ॥

अर्थ—सात ही आनीकके भेद हैं तहां एक एक भेद विपै सात सात कक्ष कहिए फौज हैं । तहां प्रथम आनीकका कक्षविपै प्रमाण अपनै अपनै सामानिक देवानिके समान हैं । तातैं दूणां दूणां प्रमाण अंतका कक्षविपै पर्यंत जाननां । तहां चमरेंद्रकैं भैसानिकी प्रथम फौजविपै चौसठी हजार भैसे हैं । तातैं दूणें दूसरी फौजविपै भैसे हैं । ऐसैं सातई फौज पर्यंत दूणें दूणें जाननें । बहुरि ऐसैं ही इतनें इतनें ही घोटकादिक जाननें । याही प्रकार औरनिकौं यथा संभव प्रमाण जानि लेना ॥ २३० ॥

आगैं गुणकाररूप उत्तरका अनुक्रम करि भया जो सातों आनीकका प्रमाण ताके ल्यावनेंकों जहां स्थान स्थान प्रति गुणकार होइ ताके जोड देनेंका कारणसूत्र कहैं हैं;—

पदमेत्ते गुणयारे अण्णोण्णं गुणिय रूवपरिहीणे ।

रूऊणगुणेण हिए मुहेण गुणियम्मि गुणगणियं ॥ २३१ ॥

पदमात्रान् गुणकारान् अन्योन्यं गुणयित्वा रूपपरीहिणे ।

रूपोनगुणेन हते मुखेन गुणिते गुणगणितम् ॥ २३१ ॥

अर्थ—स्थानकनिका प्रमाणरूप जो गच्छ सो पद कहिए अर स्थान स्थान प्रति जितनेका गुणकार सो गुणकार कहिए सो पदका प्रमाणके समान गुणकार मांडि तिनकों परस्पर गुणिए बहुरि जो प्रमाण होइ तामें एक घटाईए बहुरि ताकों एक घाटि गुणकारका भाग दीजिए । बहुरि लब्ध प्रमाणकों मुख जो आदि विपै प्रमाण तीहिं करि गुणिए । ऐसैं करतैं गुण संकलन हो है । सो इहां सात कक्ष हैं तातैं पदका प्रमाण सात है । अर इहां दूणां दूणां क्रम कह्या तातैं गुणकार दोय है । सो सात जायगां दूवा मांडि । २।२।२।२।२।२।२। परस्पर गुणें एकसौ अठाईस होइ यामें एक घटाएं एकसो सताईस होइ । बहुरि एक घाटि गुणकार एक ताका भाग दीएं एकसो सत्ताईस इनकों प्रथम कक्षाका प्रमाण रूप मुख चौसठि हजार करि गुणें इक्यासी लाख अठाईस हजार एक जातिकी सेना भई याकों सात करि गुणें सातों जातिके समस्त आनीक देवनिका प्रमाण पांच कोडि अडसठि लाख छिनवै हजार चमरेंद्रकैं जाननां । ऐसैं ही वैरोचन आदिकैं भी यथासंभव प्रमाण जानि लैनां । बहुरि इहां पदमेत्ते गुणयारे इत्यादि कारण सूत्र कैसैं कह्या ताका विधानरूप वासनाका वर्णन संस्कृत टीकातैं जाननां ॥ २३१ ॥

अब आनीकके भेदका स्वरूप दोय गाथानिकरि कहैं हैं;—

असुरस्स महिसतुरगरथेभपदाती कमेण गंधव्वा ।

णिच्चाणीय महत्तर महत्तरी छक्क एक्को य ॥ २३२ ॥

असुरस्य महिपतुरगरथेमपदातयः क्रमेण गंधर्वः ।

नृत्यानीकं महत्तरा महत्तरी षट् एका च ॥ २३२ ॥

अर्थ—असुरकुमारकेँ भैंसा १ घोडा १ रथ १ हाथी १ पयादा १ गंधर्व १ नृत्यकी १ ए सात प्रकार सेना हैं । तहां पहली छह सेना विषेँ महत्तर हैं एक नृत्यकी सेना विषेँ महत्तरी है ॥ भावार्थ ॥ भैंसा आदिक छह जातिकी सेना विषेँ तौ प्रधान देव हैं । अर नृत्यकी सेना विषेँ प्रधान देवांगना हैं ॥ २३२ ॥

णावा गरुडिभमयरं करभं खग्गी मिगारिसिविगस्सं ।

पढमाणीयं सेसे सेसाणीया हु पुच्चं व ॥ २३३ ॥

नैर्गरुडेभमकरं करभः खग्गी मृगारिशिविकाश्वम् ।

प्रथमानीकं शेषे शेषानीकास्तु पूर्वं इव ॥ २३३ ॥

अर्थ—असुरनिकेँ प्रथम आनीक भैंसा कह्या था अवशेष नागकुमारादिककेँ क्रमतेँ नाव १ वा सर्प १ गरुड १ हाथी १ मांछला १ जंट १ सूर १ सिंह १ पालिकी १ घोडा १ प्रथम आनीक हैं । ऐसैँ प्रथम आनीकविषेँ तौ भेद हैं अन्य अवशेष आनीक पूर्वोक्त असुरनिकेँ समान हैं ॥ २३३ ॥

आगैँ भवनवासी देव असंख्याते हैं तातेँ प्रकीर्णादिक देव गाथानि विषेँ विना कहेँ भी असंख्यात जानिए यातेँ तिनका प्रमाणकोँ न कहि करि अर असुरकुमारादिनिकेँ देवांगनानिकी संख्या दौय गाथानिकरि कहेँ हैं;—

असुरतिए देवीओ छप्पणसहस्स तत्थ वल्लभिया ।

सोलसहस्सं छक्कसहस्सेणूणकमो होई ॥ २३४ ॥

असुरत्रिके देव्यः षट्पंचाशत्सहस्राणि तत्र वल्लभिकाः ।

षोडशसहस्राणि षट्सहस्रेणोनक्रमो भवति ॥ २३४ ॥

अर्थ—असुरादिक तीन विषेँ असुरकुमारका इंद्रकेँ देवांगना छप्पन हजार हैं तिनविषेँ सोलह हजार वल्लभिका प्यारी देवांगना हैं पांच महादेवी हैं सो आगैँ कहेंगे । अर पांच घाटि चालीस हजार परिवार देवी हैं । बहुरि औरनि विषेँ छह छह हजार घाटि हैं सो नाग कुमारका इंद्रकेँ पंचास हजार देवी हैं । सुपर्णकुमारका इंद्रकेँ चवालीस हजार हैं ॥ २३४ ॥

वत्तीस वे सहस्सा सेसे पण पण सजेठ्ठदेवीओ ।

तिसु अट्ट छस्सहस्सं विगुव्वणामूलतणुसहियं ॥ २३५ ॥

द्वात्रिंशत् द्वे सहस्राणि शेषे पंच पंच स्वज्येष्ठदेव्यः ।

त्रिपु अट्ट षट्सहस्रं विकुर्वणामूलतनुसहिताः ॥ २३५ ॥

अर्थ—शेष द्वीप कुमारादिकविषेँ इंद्रकेँ वत्तीस हजार देवांगना हैं तिनविषेँ दौय हजार वल्लभिका हैं । बहुरि कही जु ए देवांगना तिनविषेँ पांच पांच ज्येष्ठ देवी कहिए पटराणीवत् महादेवी हैं । बहुरि तिन असुरादि तीनविषेँ अर अवशेष द्वीपादि विषेँ ज्येष्ठ देवीके आठ हजार छह

हजार मूल शरीर सहित विक्रिया है । असुरादि तीन विषै एक एक जेष्टदेवी विक्रिया करै तौ आठ हजार देवांगना रूप होइ तामें एक आप मूल अर अन्य विक्रियारूप देवी होइ ऐसैं ही अवशेषनि-विषै एक एक ज्येष्ठदेवी विक्रिया करै तौ मूल शरीर सहित छह हजार देवांगनारूप होइ ॥२३५॥

आगैं चमर और वैरोचन इंद्रकैं पट्टदेवीनिके नाम कहैं हैं;—

किण्ह सुमेघ सुकड्डा रयणि य जेष्टित्थि पडम महपडमां ।

पडमसिरी कणयासिरी कणयादिममाल चमरदुगे ॥ २३६ ॥

कृष्णा सुमेघा सुकाड्या रत्नी च ज्येष्ठास्त्रियः पद्मा महापद्मा ।

पद्मश्रीः कनकश्रीः कनकादिमाला चमरद्विके ॥ २३६ ॥

अर्थ—कृष्णा १ सुमेघा १ सुका १ सुकाड्या १ रत्नी ए पंच चमरेद्रकैं ज्येष्ठ स्त्री हैं । पद्मा १ महापद्मा १ पद्मश्री १ कनकश्री १ कनकमाला १ ए पंच वैरोचन इंद्रकैं ज्येष्ठ स्त्री हैं । ऐसैं ए चमर द्विकविषै ज्येष्ठ स्त्री हैं ॥ २३६ ॥

आगैं इंद्र प्रतींद्र लोकपाल त्रयोत्त्रिंशत्सामान्यंक इनकैं इंद्रके समान ही देवांगना पाईए हैं तातैं इनकैं जुदा प्रमाण न कहि औरनिकैं देवांगनाका प्रमाण तीन गाथानि करि कहैं हैं;—

अड्डाइज्जं तिसयं पण्णासूणं कमं तु चमरदुगे ।

पारिसदेवी णागे विसयं तु ससद्धितालसयं ॥ २३७ ॥

अर्धतृतीयं त्रिशतं पंचाशदूनः क्रमस्तु चमरद्विके ।

पारिपदेव्यः नागे द्विशतं तु सपष्टिचत्वारिंशच्छतं ॥ २३७ ॥

अर्थ—अढाईसैं तीनसैं पचास घाटि क्रमतैं चमरद्विकविषै पारिपदानिकैं देवी जाननी ॥ भावार्थ ॥ चमर इंद्रके अंतः पारिपदानिकैं अढाईसैं मध्य पारिपदानिकैं दोयसैं बाह्यपारिपदानिकैं ड्योढ़सैं देवांगना हैं । बहुरि वैरोचनइंद्रके अंतः पारिपदानिकैं तीनसैं मध्य पारिपदानिके अढाईसैं बाह्य पारिपदानिकैं दोयसैं देवांगना हैं बहुरि नागकुमारविषै अंतः पारिपदानिकैं दोयसैं मध्य पारिपदानिकैं एकसौ साठि बाह्य पारिपदानिकैं एकसौ चालीस देवांगना हैं ॥ २३७ ॥

गरुडे सेसे सोलस चउदस दससंगुणं तु वीसूणा ।

सयसयदेवी पेधामहत्तराणंगरक्खाणं ॥ २३८ ॥

गरुडे शेषे पोडश चतुर्दश दशसंगुणाः तु विशोनाः ।

शतशतदेव्यः पृतनामहत्तराणां अंगरक्षाणाम् ॥ २३८ ॥

अर्थ—गरुड़ अर शेष विषै दश गुणां सोलह अर चौदह बहुरि वीस बीस घाटि देवी हैं । भावार्थः—गरुड़ कुमार विषै अंतः पारिपदानिकैं एक सौ साठि मध्य पारिपदानिकैं एक सौ चालीस बाह्य पारिपदानिकैं एक सौ देवांगना हैं । बहुरि अवशेष जातिविषै अंतः पारिपदानिकैं एकसौ चालीस मध्य पारिपदानिकैं एक सौ बीस जघन्य पारिपदानिकैं एक सौ देवांगना हैं । बहुरि पृतना जे सेना ताके महत्तर प्रधान तिनकैं अर अंगरक्षकनिकैं सौ सौ देवांगनां हैं ॥ २३८ ॥

सेनादेवाणं पुणं देवीयो तस्स अद्धपरिमाणं ।
सन्वपिगिद्धसुराणं वत्तीसा ह्योति देवीओ ॥ २३९ ॥
सेनादेवानां पुनः देव्यः तस्य अर्धपरिमाणं ।
सर्वनिकृष्टसुराणां द्वारिंशद्भवन्ति देव्यः ॥ २३९ ॥

अर्थ—सेना देवनिकै देवी तिन सेना महत्तरकेतै अद्ध प्रमाण है। भावार्थ—आनीके देवनिकै पचास देवांगना हैं, वहरि सर्व निकृष्ट देवनिकै वत्तीस देवांगनां हैं कोई ही देवके वत्तीससौ घाटि देवांगनां न होय ॥ २३९ ॥

आगे भवनवासीनिकै वा आगे कहिए जे व्यंतर तिनके जघन्य उत्कृष्ट आयु कहैं हैं;—

असुरादिचदुसु सेसे भौम्मे सायर तिपल्लमाउस्सं ।
दलहीणकमं जेट्टं दसवाससहस्समवरं तु ॥ २४० ॥
असुरादिचतुर्पु शेषे भौमे सागरं त्रिपल्यं आयुष्यम् ।
दलहीनक्रमः ज्येष्ठं दशवर्षसहस्रं अवरं तु ॥ २४० ॥

अर्थ—असुरादि चारनिविषै, शेष भवनवासीनिविषै, भौम जो व्यंतर तीह विषै क्रमते सागर तीन पल्य आधी घाटि क्रम लिएं उत्कृष्ट आयु है। भावार्थ—असुरकुमारविषै एक सागर नागकुमार विषै तीन पल्य सुपर्णकुमारविषै अढाई पल्य द्वीपकुमारविषै दोय पल्य अवशेष छह जातिके भवनवासीनिविषै ब्योढ़ पल्य व्यंतर देनिविषै एक पल्य उत्कृष्ट आयु है। वहरि सवनि ही विषै जघन्य आयु दशहजार वर्ष प्रमाण है ॥ २४० ॥

आगे जिनके जो आयु कह्या ताको विशेष सहित कहैं हैं;—

असुरचउक्के सेसे उदही पल्लत्तियं दल्लणकमं ।
उत्तरइंदाणहियं सरिसं इंदादिपंचणं ॥ २४१ ॥
असुरचतुष्के शेषे उदधिः पल्यत्रिकं दल्लोनक्रमः ।
उत्तरेद्राणामधिकं सदृशं इंद्रादिपंचानाम् ॥ २४१ ॥

अर्थ—असुरादि चारि विषै अर अवशेष भवन वासीनि विषै एक सागर तीन पल्य आध पल्य घाटि आयु कह्या सोई उत्तर दिशाके इंद्रनिका किछु अधिक आयु जाननां। भावार्थ असुरकुमारविषै चमरेद्रका एक सागर आयु है, वैरोचनका किछु अधिक एक सागर आयु है। नागकुमारविषै भूतानंदका तीन पल्यका आयुप है। धरणांनंदका किछु अधिक तीन पल्य आयु है। ऐसेही सुपर्णकुमारादिविषै जानना। वहरि इन्द्र प्रतीन्द्र लोकपाल त्रायत्रिंशत सामानिक इन पंचनिका आयु समानं है ॥ २४१ ॥

आगे तिसही समानताको विशेषकरि कहैं हैं;—

आऊपरिवारिद्धीविकिरियाहिं पडिदयादि चऊ ।
सगसगइंदेहि समा दहरच्छत्तादिसंजुत्ता ॥ २४२ ॥

आयुःपरिवारधिविक्रियाभिः प्रतीन्द्रादयः चत्वारः ।

स्वकस्वकैत्रैः समा दभ्रच्छत्रादिसंयुक्ताः ॥ २४२ ॥

अर्थः—आयु परिवार ऋद्धि विक्रिया इनकरि प्रतीन्द्र लोकपाल त्रायत्रिंशत सामानिक ए च्यारि अपने अपने इन्द्र करि समान हैं इतना विशेष दभ्र घाटि हैं ताँ छत्रादिक करि संयुक्त हैं ॥ २४२ ॥

आगँ असुरादि इन्द्रनिकी देवांगनानिका आयु कहँ हैं;—

अङ्गाइज्जतिपल्लं चमरदुगे णागगरुडसेसाणं ।

देवीणमद्वमं पुण पुव्वावस्साण कोडितयं ॥ २४३ ॥

अर्धतृतीयत्रिपल्यं चमरद्विके नागगरुडशेषाणां ।

देवीनामद्वमं पुनः पूर्ववर्षाणां कोटित्रयम् ॥ २४३ ॥

अर्थ—चमर द्विकविषै चमरेन्द्रकी देवांगनाका आयु अढाई पल्य है । वैरोचनकीका तीन पल्य है बहुरि नागेन्द्रकी देवीनिका आयु पल्यका आठवां भाग है । बहुरि गरुडेंद्रकी देवांगनानिका आयु तीन कोडि पूर्व प्रमाण है । अवशेष इन्द्रनिकी देवांगनानिका आयु तीन कोडि वर्ष प्रमाण है ॥ २४३ ॥

आगँ अंगरक्षक तीन जातिके परिपद तिनका आयु च्यारि गाथानिकरि कहँ हैं;—

चमरांगरक्खसेणामहत्तराणाउगं हवे पल्लं ।

साणीकवाहणाणं दलं तु वैरोयणे अहियं ॥ २४४ ॥

चमरांगरक्खसेनामहत्तराणामायुष्यं भवेत् पल्यं ।

सानीकवाहनानां दलं तु वैरोचने अधिकम् ॥ २४४ ॥

अर्थ—चमर इन्द्रके अंगरक्षक अर सेनामहत्तर इनका आयु एक पल्य है बहुरि आनीक कहिए चढनेवाले देव तिन सहित वाहन कहिए गजादि रूप होन योग्य देव तिनका आयु आध पल्य है ॥ बहुरि चमर इन्द्रके तै वैरोचन इन्द्रके अंगरक्षकादिकनिकै किछू अधिक आयु है ॥ २४४ ॥

फणिगरुडसेसयाणं तद्वाणे पुव्ववस्सकोडी य ।

वस्साण कोडि लक्खं लक्खं च तदद्वयं कमसो ॥ २४५ ॥

फणिगरुडशेषाणां तत्स्थाने पूर्ववर्षकोटिः च ।

वर्षाणां कोटिः लक्षं लक्षं च तदर्धकं क्रमशः ॥ २४५ ॥

अर्थ—नाग गरुड शेषनिकै तिन पूर्वोक्त स्थानकनिविषै क्रमतै कोडि पूर्ववर्ष कोडि वर्ष बहुरि कोडि वर्ष लाख वर्ष बहुरि लाख वर्ष ताका आधा वर्ष प्रमाण आयु है । भावार्थ—नागकुमारनिविषै अंगरक्षक सेनामहत्तरनिका आयु कोडि पूर्व वर्ष है आनीक सहित वाहननिका कोडि वर्ष है । बहुरि गरुडकुमारविषै अंग रक्षक सेनामहत्तरनिका आयु कोटि वर्ष है । आनिक सहित वाहननिका लक्ष वर्ष है । बहुरि अवशेष सात जाति विषै अंगरक्षक सेनामहत्तरनिका आयु लाख वर्ष है आनीक सहित वाहननिका पचास हजार वर्ष है ॥ २४५ ॥

चमरदुगे परिसाणं अड्डाङ्गं तिपल्लमद्वुणं ।
पागे अट्टमभागं सोलस वत्तीसभागं तु ॥ २४६ ॥
चमरद्विके परिपदां अर्धतृतीयं त्रिपल्यमर्धेनम् ।
नागे अष्टमभागं पोडश द्वात्रिंशद्भागं तु ॥ २४६ ॥

अर्थ—चमर द्विक विपैं परिपदनिका अट्टाई तीन पल्य अर आधी घाटि जाननां । भावार्थ—चमर इन्द्रके अंतः परिपदनिका अट्टाई पल्य मध्य परिपदनिका दोय पल्य बाह्य पारिपदनिका ड्योढ पल्य आयु है । बहुरि वैरोचन इन्द्रके अंत पारिपदनिका तीन पल्य मध्य पारिपदनिका अट्टाई पल्य बाह्य पारिपदनिका दोय पल्य आयु है । बहुरि नागकुमारविपैं अंत पारिपदनिका पल्यका आठवां भाग मध्य पारिपदनिका पल्यका सोलहवां भाग बाह्य पारिपदनिका पल्यका वत्तीसवां भाग प्रमाण आयु है ॥ २४६ ॥

गरुडे सेसे कमसो तिगदुगमेकं तु होदि पुच्चाणं ।
वस्साणं कोडीओ परिसाणव्भंतरादीणं ॥ २४७ ॥
गरुडे शेषे क्रमशः तिस्रः द्वे एका तु भवति पूर्वाणाम् ।
वर्षाणां कोट्यः पारिपदानां अम्यंतरादीनाम् ॥ २४७ ॥

अर्थ—गरुड अर अवशेषविपैं क्रमतें तीन दोय एक पूर्व कोडि वर्ष कोडि प्रमाण अम्यंतर आदि परिपदनिका आयु है । भावार्थ । गरुड कुमारविपैं अम्यंतर परिपदनिका तीन पूर्व कोडि मध्य पारिपदनिका दोय कोडि बाह्य पारिपदनिका एक कोडि वर्ष प्रमाण आयु है । बहुरि अवशेष जातिविपैं अम्यंतर परिपदनिका तीन कोडि वर्ष मध्य परिपदनिका दोयकोडि वर्ष बाह्य परिपदनिका एक कोडि वर्ष प्रमाण आयु है ॥ २४७ ॥

आगे असुरादिकानिके उश्वास अर आहारका क्रम कहें हैं;—

असुरे तित्तिमु सासाहारा पक्खं समासहस्सं तु ।
समुहुत्तदिणाणद्धं तेरस वारस दल्लणद्धं ॥ २४८ ॥
असुरे त्रिद्विपु श्वासाहारो पक्षं समासहस्सं तु ।
समुहूर्तदिनयोः अर्धत्रयोदश द्वादश दलोनाष्टमं ॥ २४८ ॥

अर्थ—असुरविपैं अर तीन तीन विपैं उश्वास अर आहार पक्ष वर्ष हजार अर सो मुहूर्त अर दिननिका साठ वारा वारा साठ सातवां भाग गए एक वार हो है । भावार्थ । असुरकुमारनिके एक पक्ष भए एकवार उश्वास हो है । हजार वर्ष गए एक वार आहार हो है । बहुरि नागकुमार आदि तीन जातिविपैं साढा वारा मुहूर्त भए उच्छास हो है साढा वारा दिन गए आहार हो है । बहुरि दिक्कुमार आदि तीन जातिविपैं साढा सात मुहूर्त भए उच्छास होवे साढा सात दिन गए आहार हो है ॥ २४८ ॥

आगौ भवनत्रिक देवनिका उस्सेध कहैं हैं;—

पणवीसं असुराणं सेसकुमाराण दसधनु चैव ।

विंतरजोइसियाणं दशसत्त सररीरुदओ दु ॥ २४९ ॥

पंचविशतिः असुराणां शेषकुमाराणां दशधनुषां चैव ।

व्यंतरज्योतिष्कयोः दशसत्त शरीरोदयः तु ॥ २४९ ॥

अर्थ—असुर कुमारनिका पचीस धनुष अवशेष नव जातिके भवनवासी कुमारनिका दश धनुष व्यंतर देवनिका दश धनुष ज्योतिषी देवनिका सात धनुष शरीरकी उचाईका प्रमाण है ॥२४९॥

इति श्री नेमिचंद्राचार्य विरचित त्रिलोकसारमें भवनलोकका अधिकार समाप्त भया ।३।



व्यंतर लोकाधिकार ॥ ३ ॥

अब व्यंतरलोक निरूपण करनेकों हे मन जाका औसा आचार्य सो प्रथम ही व्यंतरलोक विषै तिष्ठते जु चैत्याख्यनिकों प्रमाण पूर्वक नमस्कारकों विस्तारै है;—

तिष्णिणसयजोयणाणं कदिहिदपदरस्स संखभागभिदे ।

भौमाणं जिणगेहे गणणातीदे णमंसामि ॥ २५० ॥

त्रिशतयोजनानां कृतिहृतप्रतरस्य संख्यभागमितान् ।

भौमानां जिणगेहान् गणनातीतान् नमस्यामि ॥ २५० ॥

अर्थ—तीनसै योजनके वर्गका भाग जगत्प्रतरकों दीएं जो प्रमाण होइ ताके संख्यात वैभागि प्रमाण जे व्यंतर देव संबंधी जिनमंदिर तिनहिं नमस्कार करौं हौं । कैसे हैं जिनमंदिर, गणनातीतान् कहिए असंख्यात हैं लोकिक गणित करि गिणे न जावैं हैं ? सो तीनसै योजनका वर्ग किए निवै हजार योजन भए । वहुरि एक योजनके सात लाख अडसठि हजार अंगुलतैं निवै हजार योजनके केते अंगुल होइ । ऐसे त्रैराशिक करि तिनके अंगुल करिए सो वर्ग राशिका गुणकार अर भागहार वर्गरूप ही होइ इस न्याय करि सात लाख अडसठि हजारका वर्ग करि निवै हजारकों गुणिए ९००००।७६८०००।७६८००० वहुरि अंगुलनिका अंकनिकों तीन करि भेदिए तत्र सातसै अडसठिकी जायगा दोयसै छप्पन अर आगैं तीनका अंक भया । वहुरि गुण्य अर गुणकारविषै दश विंदि थी तिनकों जुदी स्थापी तव औसा भया ९।२५६।३।२५६।३। वहुरि दोय जायगा दोय सै छप्पन थे तिनकों परस्पर गुणे पण्ढी ६५५३६ भई अर दोइ जायगा तीन तान थे तिनकों परस्पर गुणें नव भए तिनकों गुण संबंधी नवका अंककरि गुणें इक्यासी भए ऐसे करते ऐसा भया ६५=८१ वहुरि याके आगे जुदी राशि थी दश विन्दि ताकी सहनानी ऐसी १०° कीए ऐसा भया ६५=८१-१० इतने अंगुल भए । वहुरि एक अंगुलका एक सूच्यंगुल होइ तौ इतने अंगुलनिका केते होइ सो इहां वर्ग राशि है तातैं सूच्यंगुलका वर्ग जो प्रतरांगुल ताकी सहनानी ऐसी ४ ताकरि गुणिए तत्र ऐसा होइ ४।६५=८११० वहुरि याका भाग जगत्प्रतरकी सहनानी ऐसी=ताकों दीजिए तत्र व्यंतरनिका प्रमाण पण्ढीको इक्यासी करि गुणि ताके आगैं दस विंदि धरिए इतने प्रतरांगुलका जगत्प्रतर दिए ऐसा होय है ४=।६५=८१।१० सोई कह्या है “ तिष्णिण सयजोयणाणं वेसदछप्पणअंगुलाणं च कदिहिदपदरं वेतरजोइसियाणं च परिमाणं । ” तीनसै योजन अर दोयसे छप्पन अंगुलका वर्गका भाग जगत्प्रतरकों दिए क्रमतैं व्यंतर अर ज्योतिपीनिका प्रमाण हो है औसा सिद्धांत वचन है । वहुरि संख्याते व्यंतर देवनिके एक एक जिनमंदिर पाइए तौ पूर्वोक्त प्रमाण व्यंतर देवनिके केते जिन मंदिर पाइए । जैसे करि पूर्वोक्त व्यंतर प्रमाणकों संख्यातकी सहनानी ऐसी ? ताका भाग दिए व्यंतरनिके जिन मंदिरका प्रमाण ऐसा होय है ४=।६५=८१।१०? ॥ २५० ॥

आगै व्यंतरिका कुल भेद कहें हैं;—

किंनरकिंपुरिसा य महोरगगंधर्वजक्षणाया य ।

रक्षसभूयपिसाया अट्टाविहा वेंतरा देवा ॥ २५१ ॥

किंनरकिंपुरुषौ च महोरगगंधर्वयक्षनामानः च ।

राक्षसभूतपिशाचाः अष्टविधा व्यंतरा देवाः ॥ २५१ ॥

अर्थ—किन्नर, किंपुरूप, महोरग, गंधर्व, यक्ष, राक्षस, भूत, पिशाच, ऐसे नामके धारक आठ प्रकार व्यंतर देव हैं ॥ २५१ ॥

आगै तिनके शरीरका वर्णकों निरूपैं हैं,—

तैसि कमसो वण्णो पियंगुफलधवलकालयसियामं ।

हेमं तिसुवि सियामं किण्हं बहुलेवभूसा य ॥ २५२ ॥

तेपां क्रमशः वर्णाः प्रियंगुफलधवलकालस्यामाः ।

हेमः त्रिष्वपि श्यामः कृष्णः बहुलेपभूपा च ॥ २५२ ॥

अर्थ—तिनका अनुक्रमतैं शरीरका वर्ण कहिए है । किंनरनिका प्रियंगुफल समान वर्ण है । किंपुरुषनिका धवल वर्ण है । महोरगनिका काला श्याम वर्ण है । गंधर्वनिका सुवर्ण समान वर्ण है यक्ष राक्षस भूत इन तीनोंका श्याम वर्ण है पिशाचनिका कृष्ण वर्ण है बहुरि ते देव बहुत अगर इत्यादि लेप आभूषणनिकरि संयुक्त हैं ॥ २५२ ॥

आगै तिनकैं चैत्य वृक्षनिका भेद कहें हैं;—

तैसि असोयचंपयणागा तुंबुरुवडो य कंटतरू ।

तुलसी कदंवणामा चेत्ततरू होंति हु क्रमेण ॥ २५३ ॥

तेपां अशोकचंपकनागाः तुंबुरुवटाश्च कंटतरः ।

तुलसी कदंवनामा चैत्यतरवो भवन्ति खलु क्रमेण ॥ २५३ ॥

अर्थ—तिन किन्नरादिक व्यंतरनिकैं अशोक १ चंपा १ नागकेसरि १ तुंबुडी १ वट १ कंटतर १ तुलसी १ कदंव । जैसे नाम धारक चैत्य वृक्ष अनुक्रमतैं पाईए है ॥ २५३ ॥

आगै तिनि चैत्य वृक्षके मूल विषैं तिष्ठै है । जिन प्रतिमा इत्यादि कथन कहें हैं;—

तम्मूले पलियंकगजिणपडिमा पडिदिसम्भि चत्तारि ।

चउतोरणजुत्ता ते भवणेषु च जंबुमाणद्धा ॥ २५४ ॥

तन्मूले पल्यंकगजिनप्रतिमाः प्रदिदिशं चतस्रः ।

चतुस्तोरणयुक्तास्ताः भवनेषु च जंबूमानार्धाः ॥ २५४ ॥

अर्थ—तिन चैत्य वृक्षनिकै मूलविषै पल्यंक आसनकों प्राप्त जैसे जिन प्रतिमा एक एक दिशा प्रति च्यारि च्यारि पाईए हैं बहुरि ते प्रतिमा च्यारि तोरण द्वारनिकरि संयुक्त हैं बहुरि भवननिविषैं ते चैत्य वृक्ष हैं ते आगै जंबूद्विपका वर्णन विषैं जंबू वृक्षके परिकरका प्रमाण कहेंगे तातें अर्द्ध प्रमाण जानें ॥ २५४ ॥

आगँ तिन प्रतिमानिकै आगे तिष्ठता मानस्तम्भकों विशेष सहित निरूपण करै हैं;—

पडिपडिमं एकैका माणस्तंभा तिवीढसालजुदा ।

मोत्तियदामं सोहइ घंटाजालादियं दिव्वं ॥ २५५ ॥

प्रतिप्रतिमां एकैको मानस्तंभाः त्रिपीठशालयुताः ।

मौक्तिकदाम शोभते घंटाजालदिकं दिव्यम् ॥ २५५ ॥

अर्थ—प्रतिमा प्रतिमा प्रति एक एक आगँ मानस्तंभ है ते मानस्तंभ तीन पीठ तीन शालनिकर संयुक्त है । भावार्थ—तीन पीठकै ऊपरि मानस्तंभ है तिस मानस्तंभके तीन कोट पाइए है वहुरि तिस मानस्तंभविषै मोतीनिकी माला वा दिव्य घंटा जाल इत्यादिक सोभै हैं ॥ २५५ ॥

आगँ आठ प्रकार व्यंतरनिकै एक एक कुल प्रति भेद कहै हैं;—

किणरचउ दसदसथा सेसा वारसगसत्तचोदसथा ।

दो दो इंदा दो दो वल्लभिया पुह सहस्सदेविजुदा ॥ २५६ ॥

किंनरचत्वारः दशदशथा शेषाः द्वादशसत्तचतुर्दशथा ।

द्वौ द्वौ इंद्रौ द्वे द्वे वल्लभिके पृथक् सहस्सदेवीयुते ॥ २५६ ॥

अर्थ—किंनरादिक च्यारि कुल तौ दश दश प्रकार हैं अर यक्षादिक अनुक्रमतें वारह प्रकार सात प्रकार सात प्रकार चौदह प्रकार हैं । जैसे मनुष्यविषै क्षत्रिय वैश्यादिक कुल भेद पाईए है अर एक क्षत्रिय कुल विषै इक्ष्वाकु सोम वंशादि भेद पाईए तैसे व्यंतरनिके आठ कुल भेद हैं । एक एक कुल विषै दश आदि अवांतर भेद जानने । वहुरि इन विषै एक एक कुल विषै दोय दोय इंद्र हैं । तिन इंद्रनिकै एक एक कैं दोय दोय वल्लभिका देवांगना हैं ते प्रथक् प्रथक् एक एक देवांगना हजार हजार परिवार देवांगना करि संयुक्त हैं ॥ २५६ ॥

आगँ तिनके नाम सोलह गाथानि करि कहै हैं;—

किंपुरिसकिंणरावि य हृदयंगमगा य रूवपाली य ।

किंणरकिंणरऽर्णित मणरम्मा किंणरुत्तमगा ॥ २५७ ॥

किंपुरुर्पकिंनरावपि च हृदयंगमश्च रूपपाली च ।

किंनरकिंनरः अर्णितः मनोरमः किंनरोत्तमः ॥ २५७ ॥

अर्थ—किंपुरूप १ किंनर १ हृदयंगमक १ रूपपाली १ किंनरकिंनर १ अर्णित १ मनोरम १ किंनरोत्तम १ ॥ २५७ ॥

रतिपियजेहा इंदा किंपुरिसाकिंणरावतंसा हु ।

केतुमती रतिसेणा रदिप्पिया होंति वल्लभिया ॥ २५८ ॥

रतिप्रियज्येष्ठौ इंद्राः किंपुरुर्पकिंनरौ अवतंसा हि ।

केतुमती रतिसेना रतिप्रिया भवंति वल्लभिकाः ॥ २५८ ॥

अर्थ—रतिप्रिय १ ज्येष्ठ १ ऐसे दस प्रकारके किंनर व्यंतर देव हैं तिन इंद्रनिकी अवतंसा १ केतुमती १ रतिपेण १ रतिप्रिया १ ए वल्लभिका देवांगना हैं ॥ २५८ ॥

पुरुसा पुरुसुत्तमसत्पुरुसमहापुरुसपुरुसपहणामा ।

अतिपुरुसा मरुओ मरुदेवमरुप्पहजसोवंता ॥ २५९ ॥

पुरुषः पुरुषोत्तमसत्पुरुषमहापुरुपपुरुषप्रभनामानः ।

अतिपुरुषः मरुर्मरुदेवमरुत्प्रभयशस्वंतः ॥ २५९ ॥

अर्थ—पुरुष १ पुरुषोत्तम १ सत्पुरुष १ महापुरुष १ पुरुषप्रिय १ अतिपुरुष १ मरु १ मरुदेव १ मरुत्प्रभ १ यशस्वान १ जैसे दश प्रकार किंपुरुष हैं ॥ २५९ ॥

सत्पुरुसमहापुरुसा किंपुरिसिंदा कमेण वल्लभिया ।

रोहिणिया णवमी हिरि पुष्पवदी य इयरस्स ॥ २६० ॥

सत्पुरुषमहापुरुषौ किंपुरुषेद्रौ क्रमणे वल्लभिकाः ।

रोहिणी नवमी ही पुष्पवती च इतरस्य ॥ २६० ॥

अर्थ—तिनविषै सत्पुरप अर महापुरप दोय किंपुरुष व्यंतरके इन्द्र हैं तिनकी क्रमकी सत्पुरुषकी तो रोहिणी अर नवमी वल्लभिका देवी है अर दूसरा महापुरपकी ही अर पुष्पवती वल्लभिका देवी हैं ॥ २६० ॥

भुजगा भुजंगशाली महकायतिकाय खंधशाली य ।

मणहर असणिजवक्खा महसरगंभीरपियदरिसा ॥ २६१ ॥

भुजंगः भुजंगशाली महाकायो अतिकायः स्कंधशाली च ।

मनोहरः अशनिजवाख्यः महैश्वर्यगंभीरप्रियदर्शनः ॥ २६१ ॥

अर्थ—भुजंग १ भुजंगशाली १ महाकाय १ अतिकाय १ स्कंधशाली १ मनोहर १ असनिजव १ महैश्वर्य १ गंभीर १ प्रियदर्शा १ जैसे दस प्रकार महोरग हैं ॥ २६१ ॥

महकायो अतिकायो महोरगेंदा हु भोग भोगवदी ।

इदरस्स पुष्पगंधी अणिदिता होंति वल्लभिया ॥ २६२ ॥

महाकायो अतिकायः महोरगेंद्रौ हि भोगा भोगवती ।

इतरस्य पुष्पगंधी अणिदिता भवतः वल्लभिके ॥ २६२ ॥

अर्थ—तिनविषै महाकाय १ अर अतिकाय ए दोय महोरग व्यंतरानिके इन्द्र हैं तहां पूर्व इन्द्रकी तो भोगा १ भोगवती १ अर द्वितीय इन्द्रकी पुष्पगंधी १ अणिदिता ए वल्लभिका देवी हैं ॥ २६२ ॥

हाहा हूहू णारयतुंबुरुककदंववासवक्खा य ।

महसर गीतरतीवि य गीतयसा दैवता दसमा ॥ २६३ ॥

हाहा हूहू नारदतुंबुरुककदंववासवाख्याश्च ।

महास्वरो गीतरतिः अपि च गीतयशा दैवता दशमः ॥ २६३ ॥

अर्थ—हाहा १ हूहू १ नारद १ तुंबुरु १ कदंव १ वासव १ महास्वर १ गीतरति १ गीतयशा १ दैवत १ दशवां दश प्रकार गंधर्व हैं ॥ २६३ ॥

गीतरती गीतजसो गंधर्विदा हवति वल्लभिपा ।

सरंसति सरसेणावि य गंदिणि पियदरिसिणादेवी ॥ २६४ ॥

गीतरतिः गीतयशा गंधर्वेन्द्रौ भवतः वल्लभिकाः ।

सरस्वति स्वरसेनापि च नंदिनी प्रियदर्शनादेवी ॥ २६४ ॥

अर्थ—तिनं विषे गीतरति अर गीतयशा ए दोय गंधर्वनिके इन्द्र हैं तिनकी वल्लभिका देवी सरस्वती १ स्वरसेना १ अर नंदिनी १ प्रियदर्शना १ हैं ॥ २६४ ॥

अह माणिपुण्णसैलमणोभद्रा भद्रगा सुभद्रा य ।

तहं सच्चंभद्र माणुस धनपाल सुरूवजक्खा य ॥ २६५ ॥

अथ माणिपूर्णशैलमनोमद्राः भद्रकः सुभद्रः च ।

तथा सर्वभद्रः मानुपः धनपालः सुरूपयक्षश्च ॥ २६५ ॥

अर्थ—अथ अवे माणिभद्र १ पूर्णभद्र १ शैलभद्र १ मनोभद्र १ भद्रक १ सुभद्र १ सर्वभद्र १ मानुप १ धनपाल १ सुरूपयक्ष १ ॥ २६५ ॥

जक्खुत्तमा मणोहरणामा तह माणिपुण्णभदिदा ।

कुंदं बहुपुत्तदेवी तारा पुण उत्तमा देवी ॥ २६६ ॥

यक्षोत्तमो मनोहरनामा तत्र माणिपूर्णभद्रेद्रौ ।

कुंदा बहुपुत्रदेवी तारा पुनरुत्तमा देवी ॥ २६६ ॥

अर्थ—यक्षोत्तमं १ मनोहर १ ऐसे वारह प्रकार यक्ष हैं तिनं विषे माणिभद्र पूर्णभद्र ए दोय इन्द्र हैं तिन ईंद्रनिकी कुंदा १ बहुपुत्रा १ देवी हैं अर तारा उत्तमा देवी हैं ॥ २६६ ॥

भीम महाभीम विघ्नविनायक तह उदक रक्खसा य तहा ।

रक्खसरक्खस तह बह्वरक्खसा होंति सत्तमया ॥ २६७ ॥

भीमो महाभीमः विघ्नविनायकः तथा उदकः राक्षसश्च तथा ।

राक्षसराक्षसः तथा ब्रह्मराक्षसः भवति सत्तमकः ॥ २६७ ॥

अर्थ—भीम १ महा भीम १ विघ्नविनायक १ उदक १ राक्षस १ राक्षसराक्षस १ ब्रह्मराक्षस सातवा ऐसे सात प्रकार राक्षस हैं ॥ २६७ ॥

भीमो य महाभीमो रक्खसइंदा हवति वल्लभिया ।

पद्मा वसुमित्रावि य रयणङ्गा कणयपह देवी ॥ २६८ ॥

भीमश्च महाभीमो राक्षसेद्रौ भवतः वल्लभिकाः ।

पद्मा वसुमित्रापि च रत्नाढ्या कनकप्रभा देवी ॥ २६८ ॥

अर्थ—तिनविषे भीम अर महाभीम ए राक्षनिके इन्द्र हैं, तिनकी वल्लभिका देवी पद्मा वसुमित्रा १ बहुरि रत्नाढ्या १ कनकप्रभा १ है ॥ २६८ ॥

भूदारणं तु सुरूपा पडिरूवा भूदउत्तमा तत्तो ।

पांडिभूद महांभूदा पडिछण्णागासभूद इदि ॥ २६९ ॥

भूतानां तु सुरूपः प्रतिरूपः भूतोत्तमः ततः ।

प्रतिभूतः महाभूतः प्रतिछिन्नः आकाशभूत इति ॥ २६९ ॥

अर्थ—बहुरि भूतनिकैं सुरूप १ प्रतिरूप १ भूतोत्तम १ प्रतिभूत १ प्रतिछिन्न १ आकाश-भूत १ औसैं सात प्रकार है ॥ २६९ ॥

इंदा य सुपडिरूवा वल्लभिया तह य होदि रूववदी ।

बहुरूवा य सुसीमा सुमुहा य हवंति देवीयो ॥ २७० ॥

इंद्रौ च सुप्रतिरूपौ वल्लभिकाः तथा च भवंति रूपवती ।

बहुरूपा च सुपीमा सुमुखा च भवंति देव्यः ॥ २७० ॥

अर्थ—तिन विषै इंद्र स्वरूप अर प्रतिरूप हैं तिनकी वल्लभिका १ रूपवती १ बहुरूपा सुसीमा १ सुमुखा १ ए देवी हैं ॥ २७० ॥

कुम्भंड रक्ख जक्खा संमोहो तारका अचोक्खा य ।

काल महाकाल चोक्खा सतालया देह महादेहा ॥ २७१ ॥

कूष्मांडो रक्षो यक्षः संमोहः तारकः अशुचिश्च ।

कालः महाकालः शुचिः सतालकः देहः महादेहः ॥ २७१ ॥

अर्थ—कूष्मांड १ रक्षा १ यक्ष संमोह १ तारक १ अशुचि १ काल १ महाकाल १ शुचि १ सतालक १ देह १ महादेह १ ॥ २७१ ॥

तुण्हिय पवयणणामा इंदा तेसिं तु कालमहाकाला ।

कमलकमलप्पहुप्पलसुदरिसणा होंति वल्लभिया ॥ २७२ ॥

तूष्णीकः प्रवचननामा इंद्रौ तेषां तु कालमहाकालौ ।

कमलाकमलप्रभोत्पलासुदर्शना भवंति वल्लभिकाः ॥ २७२ ॥

अर्थ—तूष्णीक १ प्रवचन १ ऐसैं नाम लिऐं चौदह प्रकार पिशाच हैं । तिन विषै तिन पिशाचनिकैं काल अर महाकाल इंद्र हैं । तिनकी कमला १ कमलप्रभा बहुरि उत्पला १ सुदर्शना १ ए वल्लभिका हैं ॥ २७२ ॥

आगैं बहुरि इंद्रनिहीके नाम जुदे दोग गाथानिकरि कहैं हैं;—

किपुरुस किंणरा सत्पुरुस महापुरुसणामया कमसो ।

महाकायो अतिकायो गीतरती गीतयसणामा ॥ २७३ ॥

किंपुरुषः किन्नरः सत्पुरुषः महापुरुषनामा क्रमशः ।

महाकायः अतिकायः गीतरती गीतयशोनामा ॥ २७३ ॥

अर्थ—क्रमतैं किंपुरुष किन्नर बहुरि सत्पुरुष महापुरुष बहुरि महाकाय अतिकाय बहुरि गीतरति गीतयशा ॥ २७३ ॥

तो माणिपुण्णभद्दा भीममहाभीमया सुरूवा य ।

पडिरूवो काल महाकालो भोम्मेसु जुगलिंदा ॥ २७४ ॥

ततो माणिपूर्णभद्रौ भीममहाभीमै सुरूपश्च ।

प्रतिरूपः कालः महाकालः भौमेपु युगलेंद्राः ॥ २७४ ॥

अर्थ—तहां पाँछे माणिभद्र पूर्णभद्र वह्निर भीम महाभीम वह्निर सुरूप प्रतिरूप वह्निर काळ महाकाल ए सर्व व्यंतरनिविर्षे एक एक कुलके दोय दोय इन्द्र जाननां ॥ २७४ ॥

आर्गं किंपुरुप इंन्द्रनिकै गणिका महत्तरीकौ च्यारि गाथानि करि कहैं हैं;—

गणिकामहत्तरीयो इंद्रं पडि पल्लदलठिदी दो दो ।

मधुरा मधुरालावा सुस्सर मडभासिणी कमसो ॥ २७५ ॥

गणिकामहत्तर्यः इंद्रं प्रति पल्यदलस्थितयः द्वे द्वे ।

मधुरा मधुरालापा सुस्वरा मृदुभाषिणी क्रमशः ॥ २७५ ॥

अर्थ—एक एक इन्द्र प्रति दोय दोय गणिका महत्तरी हैं । जैसे इहां वेश्या हो हैं तैसे तहां जो देवागना होंह तिनकों गणिका कहिए तिन विषे जो प्रधान सो गणिकामहत्तरी जाननी वह्निर ते आव पल्य प्रमाण आयुकों धरै हैं तिनकों नाम अनुक्रमतै कहिए हैं तहां एक एक किंपुरुपादि इन्द्र संवधी दोय दोय गणिका महत्तरीनिका नाम जाननां मधुरा मधुरालाप वह्निर सुस्वरा मृदुभाषिणी ॥ २७५ ॥

पुरिसपिया पुंकांता सोम्म पुंदरिसिणी य भोगवत्वा ।

भोगवदी य भुजंगा भुजंगपिया तो सुघोस विमलेत्ति ॥ २७६ ॥

पुरूप्रिया पुंकांता सौम्या पुंदर्शिनी च भोगाख्या ।

भोगवती च भुजंगा भुजंगप्रिया ततः सुघोपा विमला इति ॥ २७६ ॥

अर्थ—वह्निर पुरूप्रिया पुंकांता वह्निर सौम्य पुंदर्शिनी वह्निर भोगाः भोगवती वह्निर भुजंगा भुजंगप्रिया वह्निर सुघोपा विमला ॥ २७६ ॥

सुस्सर अणिदियक्खा भद्र सुभद्रा य मालिणी होंति ।

पद्मादिमालिणीवि य तो सन्वरि सन्वसेणेत्ति ॥ २७७ ॥

सुस्वरा अर्निदिताख्या भद्रा सुभद्रा च मालिनी भवति ।

पद्मादिमालिनी अपि च ततः शर्वरी सर्वसेना इति ॥ २७७ ॥

अर्थ—वह्निर सुस्वरा अर्निदिता वह्निर भद्रा सुभद्रा वह्निर मालिनी पद्ममालिनी वह्निर शर्वरी सर्वसेना ॥ २७७ ॥

रुद्रक्ख रुद्रदरिसिण भूदादीकंद भूद भूदादी ।

दत्त महाभुज अंवा कराल सुलसा सुदरिसणया ॥ २७८ ॥

रुद्राख्या रुद्रदर्शना भूतादिकांता भूता भूतादि ।

दत्ता महाभुजा अंवा कराला सुरसा सुदर्शनका ॥ २७८ ॥

अर्थ—वह्निर रुद्रा रुद्रदर्शना वह्निर भूताकांता भूता वह्निर भूतदत्ता महाभुजा वह्निर अंवा कराल वह्निर सुरसा दर्शना । जैसे सोलह इंद्र संवधी वत्तीस गणिका महत्तरनिके नाम क्रमतै जाननें ॥ २७८ ॥

आगै किंपुरुषादि इन्द्रनिकै सामानिक आदि देवनकी संख्या कहै हैं;—

इदसमा हु पडिंदा समाणुतणुरक्खपरिसपरिमाणं ।

चउसोलसहस्सं पुण अट्टसयं विसदवड्ढिकमो ॥ २७९ ॥

इन्द्रसमाः खलु प्रतीन्द्राः सामानिकतनुरक्षपारिपदप्रमाणं ।

चतुःषोडशसहस्रं पुनरष्टशतं द्विशतवृद्धिक्रमः ॥ २७९ ॥

अर्थ—इन्द्रनिके समान प्रतीन्द्र हैं एक एक इन्द्र संबंधी एक एक प्रतीन्द्र है बहुरि सामानिक तनुरक्षक पारिषदनिका प्रमाण च्यारि हजार सोलह हजार आठसै दोयसै वधता क्रम लीए है । भावार्थ—एक एक इन्द्रकै सामानिक देव च्यारि हजार हैं । तनुरक्षक सोलह हजार हैं । अभ्यंतर परिषद आठसै हैं । मध्य परिषद हजार हैं । बाह्य वारहसै हैं ॥ २७९ ॥

आगै तिनकै सात आनीक कहै हैं;—

कुंजरतुरयपदादीरहगंधव्वा य णच्चवसहोत्ति ।

सत्तेवय आणीया पत्तेयं सत्त सत्त कक्खजुदा ॥ २८० ॥

कुंजरतुरगपदातिरथगंधर्वाश्च नृत्यवृषभाविति ।

ससैव अनीकाः प्रत्येकं सत्त सत्त कक्षयुताः ॥ २८० ॥

अर्थ—हाथी १ घोड़ा १ पयादा १ रथ १ गंधर्व १ नृत्यकी १ वृषभ १ ऐसे सात प्रकार आनीक एक एक के हैं । बहुरि एक एक आनीक सात सात कक्ष जो फौज तिन करि संयुक्त है ॥ २८० ॥

आगै तिस सेनाके महत्तर कहै हैं;—

सेणामहत्तरा सुज्जेट्ठा सुग्गीवविमलमरुदेवा ।

सिरिदामा दामसिरी सत्तमदेवो विसालक्खो ॥ २८१ ॥

सेनामहत्तराः सुज्येष्ठः सुग्रीवविमलमरुदेवाः ।

श्रीदामा दामश्रीः सत्तमदेवो विशालाख्यः ॥ २८१ ॥

अर्थ—हाथी आदिक जे सेना ताके महत्तर कहिए प्रधान अनुक्रमतैं सुज्येष्ठा १ सुग्रीव १ विमल १ मरुदेव १ श्रीदामा १ दामश्री १ सातवां विसाल नाम देव जानना ॥ २८१ ॥

आगै तिस आनीककी संख्या कहै हैं;—

अट्ठावीससहस्सं पढमं दुगुणं क्रमेण चरिमोत्ति ।

सर्व्विदाणं सरिसा पइण्णयादी असंखमिदा ॥ २८२ ॥

अष्टाविंशसहस्राणि प्रथमं द्विगुणं क्रमेण चरमांतम् ।

सर्व्वेद्राणां सदृशाः प्रकीर्णकादयः असंख्यमिताः ॥ २८२ ॥

अर्थ—अठार्हस हजार प्रथम कक्ष हैं । बहुरि दूणा दूणा करि अंत पर्यंत जानना ॥ भावार्थ ॥ हाथी प्रथम फौज विषैं अठार्हस हजार दूसरा विषैं छप्पन हजार ऐसैं सातई फौज पर्यंत दूणे दूणे जाननें । ऐसेही घोटकादिक जाननें । या प्रकार सर्व्वही व्यंतरैद्रनिकै समान आनीक

पाइए है । वदुरि चतुर्निकायरूप सर्व देवनिकै प्रकीर्णक आभियोग्य किद्विपिक एक असंख्यात प्रमाण है ॥ २८२ ॥

आगे व्यंतरेंद्रनिका नगर जहां पाइए तिन द्वीपनिके नाम कहैं हैं;—

अंजनकवज्रधातुमुवर्णमणिसिलकवज्ररजतेसु ।

हिंगुलिके हरिताले दीवे भोमिदणयराणि ॥ २८३ ॥

अंजनकवज्रधातुकमुवर्णमनःशिलकवज्ररजतेसु ।

हिंगुलिके हरिताले द्वीपे भोमिदणयराणि ॥ २८३ ॥

अर्थ—अंजनक १ वज्रधातुक १ मुवर्ण १ मनः शिलक १ वज्र १ रजत १ हिंगुलक १ हरिताले १ इन आठ द्वीपनिविषे क्रमते किन्नरादिकनिके इंद्रनिके नगर हैं ॥ भावार्थ ॥ किन्नर कुलके इंद्रनिका अंजनक द्वीपनिषे नगर है । तहां किंपुष्य इंद्रके तौ दक्षिण दिशाविषे अर किन्नरइंद्रके उत्तर दिशाविषे नगर जानने ऐसे ही वज्रधातुकादि द्वीपनिविषे किंपुष्यादिकविषे इंद्रनिके पहले इंद्रका दक्षिणविषे दूसरेका उत्तरविषे नगर जानने ॥ २८३ ॥

आगे तिन नगरनिके नाम अर आयाम कहैं हैं;—

भोमिदंके मण्डे पहकंतावत्तमज्ज चरिमंका ।

पुष्वादिषु जंबुसमा पणपणयराणि समभागे ॥ २८४ ॥

भोमिदंके मध्ये प्रभकांतावर्तमध्याः चरमांकाः ।

पूर्वादिषु जंबुसमानि पंचपंचनगराणि समभागे ॥ २८४ ॥

अर्थ—व्यंतर इंद्रका जो अंक कहिए नाम सो तो मध्यका नगर विषे जानना अर तार्हाकी पूर्वादि दिशानिषे इंद्रका नामके आगे क्रमते प्रभकांत आवर्त मध्य ऐसे अंतविषे नाम संयुक्त नगरनिके नाम जानने ॥ भावार्थ ॥ किन्नर नामा इंद्र ताके पांच नगर हैं तहां मध्य विषे जो नगर है ताका नाम किन्नरपुर है वदुरि ताकी पूर्व दिशाविषे किन्नरप्रभ नगर है । दक्षिणविषे किन्नरकांत नगर है पश्चिम दिशाविषे किन्नरावर्त नगर है । उत्तरविषे किन्नरमध्य नगर है । ऐसे ही और इंद्रनिके नगरनिके नाम जानने । एक एक इंद्रके पांच पांच नगर हैं ते जंबूद्वीप समान हैं । भावार्थ । लक्ष योजन विस्तारको धरें हैं । वदुरि ते नगर समभूमि विषे पाइए हैं पृथ्वीते नीचे व पर्वतादिके ऊपर नहीं हैं ॥ २८४ ॥

आगे तिन नगरनिका कोट द्वार तिनका उदयादिक कहैं हैं;—

तप्पायारुदयतिर्यं पणहत्तरिपण्णवीसपंचदलं ।

दारुदयो विस्थारो पंचघणद्धं तदद्धं च ॥ २८५ ॥

तव्याकारोदयत्रयं पंचसत्तातिपंचविंशतिपंचदलम् ।

द्वारोदयो विस्तारः पंचवनाधि तदधि च ॥ २८५ ॥

अर्थ—तिन नगरनिका जो प्राकार कहिए कोट ताका उदयादि तीन पंचहत्तरि पचीस पांचका आधा है ॥ भावार्थ ॥ कोट साढ़ा सैतास योजन ऊंचा है साढ़ा वारा योजन चौड़ा है

अंदाई योजन मीठा है बहुरि तिस कोटके द्वार कहिए दरवाजे तिनकी उदय अर विस्तार पंच घन जो सवासो ताका आधा अर ताहूका आधा प्रमाण है ॥ भावार्थ ॥ द्वार साढा वासठि योजन ऊंचा है सवा इकतीस योजन चौड़ा है ॥ २८५ ॥

आगै ताके ऊपरि जो प्रासाद है ताका स्वरूप कहैं हैं;—

तस्सुवारीं प्रासादो पणहत्तरितुंगओ सुधम्मसहा ।

पणकदिदल' तद्वल णव दीहरवासुदय कोस ओगाढा ॥ २८६ ॥

तस्योपरि प्रासादः पंचसप्ततितुंगः सुधर्मसर्मा ।

पंचकृतिदलं तद्वलं नव दीर्घव्यासोदयाः क्रोशः अवगाढः ॥ २८६ ॥

अर्थ—तिस द्वारके ऊपरि पिचहत्तरि योजन ऊंचा प्रासाद है सोई प्रासादके अर्धतरि सुधर्मा नामा सभा कहिए सो पंचमी कृति पचीस ताका आधा बहुरि ताहूका आधा बहुरि नव प्रमाण दीर्घ व्यास उदय संयुक्त है ॥ भावार्थ ॥ सुधर्मा सभा साढा वारा योजन लंबी है । सवा छह योजन चौड़ी है । नव योजन ऊंची हैं । बहुरि तिसका अवगाढ कहिए अधिष्ठान भूमि सो एक कोश है ॥ २८६ ॥

आगै तिस प्रासादके जे द्वार तिनके उदयादि कहैं हैं;—

तिस्से दारुदओ डुग इगि वासो दक्षिणुत्तरिदाणं ।

सर्वोसि णगराणं पायारादीणि सरिसाणि ॥ २८७ ॥

तस्याः द्वारोदयः द्विकमेकं व्यासः दक्षिणोत्तरेद्राणाम् ।

सर्वेषां नगराणां प्राकारादीनि सदृशानि ॥ २८७ ॥

अर्थ—तिस सुधर्मा सभाका द्वारका उदय जो ऊंचाई सो दोय योजन है । बहुरि व्यास जो चौड़ाई सो एक योजन है । बहुरि दक्षिण इंद्र वा उत्तर इंद्रनिके सवनिर्हाके सर्व नगरनिका प्राकारादिक समान हैं ॥ २८७ ॥

आगै तिन नगरनिके बाह्य वन कहैं हैं;—

पुरदो गंतूण वहिं चउदिसं जोयणाणि विसहस्सं ।

इगिलक्खायद तद्वलवासजुदा रम्मवणखंडा ॥ २८८ ॥

पुराद्गत्वा वहिः चतुर्दिशं योजनानि द्विसहस्सं ।

एकलक्षायता तद्वलव्यासयुताः रम्यवनखंडाः ॥ २८८ ॥

अर्थ—नगरतैं बाहरैं दोय दोय हजार योजन परैं जाइ च्यारि दिशानिविषैं एक लाख योजन लंबे तातैं पचास हजार योजन चौड़े रमणीक वनखंड कहिए वाग हैं ॥ २८८ ॥

आगै तिन द्वीपनविषैं पाईए जैसे गणिकानिके नगर तिनके विस्तार संख्यादिक निरूपे हैं;—

तत्थेव य गणिकाणं चुलसीदिसहस्सविजलणंयराणि ।

सेस्साणं भोम्माणं अणेयदीवे समुद्दे य ॥ २८९ ॥

तत्रैव च गणिकानां चतुरशीतिसहस्राविपुलनगराणि ।

शेषाणां भौमानां अनेकद्वीपे समुद्रे च ॥ २८९ ॥

अर्थ—तिसही अपने अपने इंद्र संबधी द्वीपविषे गणिकामहत्तरीनिके नगर हैं । ते अपनी अपनी इंद्रपुरीके दोक पार्श्वनिविषे जानने । बहुरि ते चौरासी हजार योजन लंबे चौड़े हैं । बहुरि अवशेष जे व्यंतर हैं तिनके नगर अनेक द्वीप वा अनेक समुद्रनि विषे पाईए हैं ॥ २८९ ॥

आगे कुलभेद अपेक्षा निलयभेद कहे हैं;—

भूदाण रक्खसाणं चउदस सोलस सहस्स भवणाणि ।

सेसाण व्राणवेंतरदेवाणं उवरि णिलयाणि ॥ २९० ॥

भूतानां राक्षसानां चतुर्दश षोडश सहस्रं भवनानि ।

शेषाणां वानव्यंतरदेवानां उपरि निल्यानि ॥ २९० ॥

अर्थ—भूतनिका अर राक्षसनिका चौदह सोलह हजार भवन हैं ॥ भावार्थ ॥ रत्नप्रभा पृथ्वीके खरभागविषे भूतनिके चौदह हजार भवन हैं । बहुरि पंक भागविषे राक्षसनिके सोलह हजार भवन हैं । बहुरि अवशेष वान व्यंतरदेव हैं तिनके पृथ्वीके ऊपरि निल्य, कहिए स्थान पाईए हैं ॥ २९० ॥

आगे नीचोपपादादि वान व्यंतरनिके विशेष दिये गायानिकरि कहे हैं;—

हृत्थपमाणे णिच्चुववादा दिग्वासि अंतरणिवासी ।

कुंभंडा उत्पण्णाणुत्पण्ण पमाणया गंधा ॥ २९१ ॥

हस्तप्रमाणे नीचोपपादाः दिग्वासिनः अंतरनिवासिनः ।

कूष्मांडाः उत्पन्ना अनुत्पन्नाः प्रमाणका गंधाः ॥ २९१ ॥

अर्थ—हस्तप्रमाणविषे नीचोपपाद हैं बहुरि दिग्वासी १ अंतरनिवासी १ कूष्मांड १ उत्पन्न १ अनुत्पन्न १ प्रमाणक १ गंध १ ॥ २९१ ॥

महगंध भुजग पीदिग आगासुववण्णगा य उवरुवरि ।

तिसु दसहृत्थसहस्सं वीससहस्संतरं सेसे ॥ २९२ ॥

महागंधा भुजगाः प्रीतिका आकाशोत्पन्नाश्च उपर्युपरि ।

त्रिषु दशहस्तसहस्राणि त्रिंशतिसहस्रांतरं शेषे ॥ २९२ ॥

अर्थ—महागंध १ भुजग १ प्रीतिक १ आकाशोत्पन्न १ ए सर्व ऊपरि ऊपरि तीनविषे दश दश हजारके आंतरे अर अवशेष वीस वीस हजारके आंतरे जानने । भावार्थ—पृथ्वीतै एक हस्त ऊपरि क्षेत्रविषे नीचोपपाद व्यंतर हैं । तिनके ऊपरि दश हजार हाथ ऊंचे क्षेत्रविषे दिग्वासी हैं । तिनके ऊपरि दश हजार हाथ ऊंचे क्षेत्रविषे अंतर निवासी हैं । तिनके ऊपर दस हजार हाथ ऊंचे क्षेत्रविषे कूष्मांड है । तिनके ऊपरि वीस हजार हाथ ऊंचे क्षेत्रविषे उत्पन्न व्यंतर हैं । आगे ऐसे ही ऊपरि ऊपरि वीस वीस हजार हाथका अंतराल जानना ॥ २९२ ॥

आगै तिन नीचोपपादादिकनिकी आयु क्रमतै कहै हैं;—

दसवरिससहस्सादो सीदी चुलसीदिकं सहस्सं तु ।

पल्लद्धं तु पादं पल्लद्धं आउगं कमसो ॥ २९३ ॥

दशवर्षसहस्रात् अशीतिः चतुरशीतिकं सहस्रं तु ।

पल्याष्टमं तु पादं पल्यार्धमायुष्यं क्रमशः ॥ २९३ ॥

अर्थ—दश हजार वर्षतै लगाय दश दश हजार वधता असी हजार वर्ष पर्यंत बहुरि चौरासी हजार वर्ष बहुरि पल्यका आठवां भाग चौथा भाग पल्यका आधा प्रमाण आयु तिनका क्रमतै जाननां । भावार्थ—नीचोपपादनिका दश हजार दिग्वासीनिका बीस हजार अंतरनिवासीनिका तीस हजार कूष्मांडनिका श्वालीस हजार उत्पन्ननिका पचास हजार अनुत्पन्ननिका साठि हजार प्रमाणनिका सत्तरि हजार गंधनिका अस्सी हजार वर्ष प्रमाण आयु है । महा गंधनिका चौरासी हजार वर्ष प्रमाण आयु है जुगलनिका पल्यका आठवां भाग प्रीतिकनिका चौथाई पल्य आकाशोत्पन्ननिका आधापल्य प्रमाण आयु है ॥ २९३ ॥

आगै व्यंतरनिका निल्य भेद कहै हैं;—

वैतरणिलयतियाणि य भवणपुरावासभवण्णामाणि ।

दीवसमुद्रे दहगिरितरुम्हि चित्तावणिम्हि कमे ॥ २९४ ॥

व्यंतरनिलयत्रयाणि च भवनपुरावासभवननामानि ।

द्वीपसमुद्रे द्रहगिरितरौ चित्रावन्यां क्रमेण ॥ २९४ ॥

अर्थ—भवनपुर अर आवास अर भवन ए वितरनिके भवननिके तीनही नाम हैं तहां क्रमकीरि द्वीप समुद्रनिविषै भवनपुर पाईए है । बहुरि द्रह पर्वत वृक्ष इन विषै आवास पाईए हैं बहुरि चित्रापृथिवीविषै नीचें भवन पाईए हैं ॥ २९४ ॥

आगै तीन प्रकार निलयनका वर्णन कहै हैं;—

उड्डुगया आवासा अधोगया वितराण भवणाणि ।

भवणपुराणि य मज्झिमभागगया इदि तियं णिलयं ॥ २९५ ॥

ऊर्ध्वगताः आवासा अधोगता व्यंतराणां भवनानि ।

भवनपुराणि च मध्यमभागगतानीति त्रयं निलयम् ॥ २९५ ॥

अर्थ—जे पृथ्वीतै ऊंचे स्थानक विषै पाईए ते आवास जाननें । बहुरि जे पृथ्वीतै नीचे पाइए ते व्यंतरनिके भवन जानने । बहुरि जे मध्य लोककी समभूमि विषै पाईए ते भवनपुर कहिए ऐसे तीन प्रकार निलय हैं ॥ २९५ ॥

आगै सर्व्व व्यंतरनिका यथा संभव रहनेका क्षेत्र कहै हैं;—

चित्तवहरादु जात्रिय मेरुदयं तिरियलोयवित्थारं ।

भोम्मा हवति भवणे भवणपुरावासगे जोग्गे ॥ २९६ ॥

चित्रावज्रातः यावत् मेरुदयं तिर्यग्लोकविस्तारं ।

भौमा भवन्ति भवने भवनपुरावासके योग्यं ॥ २९६ ॥

अर्थ—चित्रा अर वज्रा पृथ्वीका मध्य संधितैँ लगाय यावत् मेरु गिरिकी उचाई है तहां पर्यंत ऊंचा अर तिर्यक् लोकका जेता विस्तार तहां पर्यंत विस्तारकों धरें जो क्षेत्र तिहविषैँ भौम कहिए व्यंतर देव ते अपनैँ अपनैँ योग्य भवनविषैँ वा भवन पुरविषैँ वा आवासविषैँ वास करैँ हैं ॥ २९६ ॥

भवणं भवणपुराणि य भवणपुरावासयाणि केसिपि ।

भवणामरेसु असुरे विहाय केसि तियं णिलयं ॥ २९७ ॥

भवनं भवनपुरे च भवनपुरावासकानि केपांचित् ।

भवनामरेषु असुरान् विहाय केपां त्रयं निलयम् ॥ २९७ ॥

अर्थ—केई व्यंतरनिके तो भवन ही हैं केईनिके भवन अर पुर हैं केईनिके भवन अर भवन-पुर अर आवास हैं । ऐसे व्यंतरनिके स्थान जाननैँ । बहुरि भवनवासी देवनिविषैँ असुर कुमार विना अन्य कुलवाले केईक भवन वासीनिके भवन वा भवनपुर वा आवास तीन निलय पाईए है इस कथनतैँ पृथ्वीतैँ नीचे खर भाग पंक भाग विषैँ अर पृथ्वी तैँ ऊपरि पर्वतादि विषैँ अर सम-भूमि पृथ्वीविषैँ व्यंतरनिके अर भवन वासीनिके स्थान पाइए हैं ऐसा जाननां ॥ २९७ ॥

आगैँ तीन प्रकार निलयनिका व्यासादिक तीन गाथानि करि कहैँ हैं;—

जेद्वावरभवणाणं वारसहस्रं तु शुद्धपणुवीसं ।

बहलं तिसय त्रिपादं बहलतिभागुदयकूडं च ॥ २९८ ॥

ज्येष्ठवरभवनयोः द्वादशसहस्रं तु शुद्धपंचविंशतिः ।

बाहल्यं त्रिशतं त्रिपादं बाहल्यत्रिभागोदयकूटं च ॥ २९८ ॥

अर्थ—ज्येष्ठ अर जघन्य भवननिका विस्तार अठारह हजार अर शुद्ध पचीस योजन हैं । बाहुल्य तीससैँ अर त्रिपाद योजन है । बाहुल्यका तीसरा भाग प्रमाण ऊंचा कूट है । भावार्थ । उत्कृष्ट भवन है सो तो बारह हजार योजन चौड़ा तीन सैँ योजन पृथ्वीतैँ छाति पर्यंत ऊंचा है । बहुरि तिन भवननिविषैँ जेता ऊंचाईका प्रमाण कह्या ताके तीसरा भाग प्रमाण ऊंचा कूट पाइए हैं । इस कूट ऊपरि जिन मंदिर हैं ॥ २९८ ॥

जेद्दभवणाण परिदो वेदी जौयणदलुच्छ्रिया हौदि ।

अवराणं भवणाणं दंडाणं पणुवीसुदया ॥ २९९ ॥

ज्येष्ठभवनानां परितः वेदी योजनदलोच्छ्रिता भवति ।

अवराणां भवनानां दंडानां पंचविंशत्युदया ॥ २९९ ॥

अर्थ—उत्कृष्ट भवननिके चौगिरद आध योजन ऊंची वेदी है । जघन्य भवननिके पचीस धनुष ऊंची वेदी है । जैसे बागके चौगिरद भीति हो है तैसे जो होइ ताका नाम वेदी जाननां ॥ २९९ ॥

बद्धादीण पुराणं जोयणलक्षं क्रमेण एकं च ।

आवासाणं विसयाहियवारसहस्स य तिपादं ॥ ३०० ॥

वृत्तादीनां पुराणां योजनलक्षं क्रमेण एकं च ।

आवासानां द्विशताधिकद्वादशसहस्राणि च त्रिपादम् ॥ ३०० ॥

अर्थ—गोल आदि आकार रूप जे पुर तिनका क्रम करि उत्कृष्ट विस्तार लक्ष योजन है ॥ जघन्य विस्तार एक योजन है । बहुरि गोल आदि आकार रूप जे आवास तिनका उत्कृष्ट विस्तार दोयसै अधिक बारह योजन है । जघन्य विस्तार पौण योजन है ॥ ३०० ॥

आगै तीनप्रकार निलयनिका विशेषस्वरूप अर व्यंतरनिके आहार उश्वास ताकौ कहै हैं—

भवणावासादीणं गोउरपायारणञ्जणादिघरा ।

भोम्माहारुस्सासा साहियपणादिण मुहुत्ता य ॥ ३०१ ॥

भवनासादीनां गोपुरप्राकारनर्तनादिगृहाणि ।

भौमाहारोच्छ्वासः साधिकपंचदिनानि मुहूर्ताश्च ॥ ३०१ ॥

अर्थ—भवन आवासादिकनिके दरवाजे कोट नृत्य आदिक ग्रह पाईए है । बहुरि भौमते व्यंतर तिनके आहार किछु अधिक पांच दिन भए अर उश्वास किछु अधिक पांच मुहूर्त भए जाननां ॥ इति व्यंतरलोक अधिकार समाप्त भया ॥ ३०१ ॥

इति श्री नेमिचंद्राचार्य विरचित त्रिलोकसारमें व्यन्तरलोकका अधिकार समाप्त भया । ३।



अथ ज्योतिर्लोकधिकार ॥ ४ ॥

अथ व्यंतरलोकके अधिकारकों निरूपण करि ताकैं अनंतर उद्देशकों प्राप्त ज्यो ज्योतिष्क-
लोकका अधिकार निरूपण करनेका है अभिलाष जाकैं ऐसा आचार्य सो ताकी आदिविषै प्रथम
ज्योतिष्कनिकै विव्रनिकी संख्या दिखावनैकेलिए ज्योतिष्क लोकके चैत्यालयनिकों नमस्कार रूप
मंगल करै है;—

वेसदछप्पणंगुलकादिहिदपदरस्स संखभागमिदे ।
जोइसजिण्दिगेहे गणणातीदे णमंसामि ॥ ३०२ ॥
द्विशतषट्पंचाशदंगुलकृतिहृत्प्रतरस्य संख्यातभागमितान् ।
ज्योतिष्कजिनेद्रगेहान् गणनातीतान्नमस्यामि ॥ ३०२ ॥

अर्थ—दोयसै छप्पन अंगुलका वर्गका भाग जगत्प्रतरकों दिएं जो प्रमाण होइ ताके
संख्यातवें भाग प्रमाण असंख्याते जिनेन्द्र मंदिर तिनकों नमस्कार करौं हों । भावार्थ—दोयसै
छप्पनका वर्ग पण्ठी ६५५३६ सूच्यंगुलका वर्ग प्रतरांगुल सो पण्ठी प्रमाण प्रतरांगुलका भाग
जगत्प्रतरकों दिएं जो प्रमाण होय तितनें ज्योतिपी हैं । बहुरि संख्यात ज्योतिपी एक विवविषै
पाइए एक एक विवविषै एक एक चैत्यालय पाइए तातैं ज्योतिपीनिके प्रमाणकों संख्यातका भाग
दिएं विवनिका वा चैत्यालयनिका प्रमाण आवै है तिन चैत्यालयनिकों नमस्कार करौं हों ॥ ३०२ ॥

आगैं तिन विवविषै तिट्टे ज्योतिष्कनिका भेद कहैं हैं;—

चंदा पुण आइच्चा गह णक्खत्ता पइण्णतारा य ।
पंचविहा जोइगणा लोयंतघणोदहिं पुट्ठा ॥ ३०३ ॥
चंद्राः पुनः आदित्या ग्रहा नक्षत्राणि प्रकीर्णकताराश्च ।
पंचविधा ज्योतिर्गणा लोकांतघनोदधिं स्पृष्टवंतः ॥ ३०३ ॥

अर्थ—चंद्रमा १ सूर्य १ ग्रह १ नक्षत्र १ प्रकीर्णक तारा १ ऐसैं पांच प्रकार ज्योतिष्क
समूह हैं । ते लोकके अंत घनोदधि वातवलयकों स्पर्शते हैं । भावार्थ—पूर्व प्रश्नम अपेक्षा घनो-
दधि वातवलय पर्यंत ज्योतिष्कविंश पाइए हैं ॥ ३०३ ॥

आगैं द्वीप समुद्रनिके निरूपण विना ज्योतिष्क निरूपण संभवै नाहीं तातैं ज्योतिष्क विव-
निके आधारभूत जे द्वीप समुद्र तिनकों च्यारि गाथानिकरि कहै हैं;—

जंबूधादगिपुक्खरवारुणिखीरघदखोदवरदीओ ।
णंदीसररुणअरुणभासा वर कुंडलो संखो ॥ ३०४ ॥
जंबूधातकिपुक्खरवारुणिक्षीरघृतक्षौद्रवरद्वीपाः ।
नंदीश्वरारुणारुणाभासा वराः कुंडलः शंखः ॥ ३०४ ॥

अर्थ—जंबूद्वीप १ धातुकीखंडद्वीप १ पुष्करवर १ वाहणिवर १ क्षौरवर १ घृतवर १ क्षौद्रवर १ नंदीसुर द्वीपवर १ अरुणवर १ अरुणाभासवर १ कुंडलवर १ शंखवर ॥ ३०४ ॥

तो रुजगभुजगकुसुगयकौंचवरादी मणस्सिल्ला तत्तो ।

हरितालदीवसिंदुरसियामगंजणयहिं गुलिया ॥ ३०५ ॥

ततो रुचकभुजगकुशगक्रौंचवरादयः मनःशिला ततः ।

हरितालद्वीपसिंदूरश्यामकांजनकहिं गुलिकाः ॥ ३०५ ॥

अर्थ—तहां पीछे रुचकवर १ भुजगवर १ कुशगवर १ क्रौंचवर १ ए अभ्यंतरके सोलह द्वीप हैं तातें परैं बीचमें असंख्यात द्वीप समुद्र हैं तिनकों छोड़ी अंतके सोलह द्वीपानिके नाम कहे हैं । तहां पीछे मनः शिलाद्वीप १ हरिताल द्वीप १ सिंदूरवर १ श्यामवर १ अंजनवर १ हिंगुलिकवर १ ॥ ३०५ ॥

रूपसुवर्णयवज्जयवेलुरिययणागभूदजक्खवरा ।

तो देवाहिंदवरा सयंभुरमणो हवे चरिमो ॥ ३०६ ॥

रूप्यसुवर्णकवज्रवैडूर्यकनागभूतयक्षवराः ।

ततो देवाहीन्द्रवरौ स्वयंभूरमणो भवेत् चरमः ॥ ३०६ ॥

अर्थ—अथ रूपवर १ सुवर्णवर १ वज्रवर १ वैडूर्यवर १ नागवर १ भूतवर १ यक्षवर १ देववर १ अहीन्द्रवर १ स्वयंभूरमण १ अंत विषै जाननां ॥ ३०६ ॥

लवणांबुहि कालोदयजलही तत्तो सदीवणामुवही ।

सव्वे अड्ढाइज्जुद्धारुवहीमेत्तया होंति ॥ ३०७ ॥

लवणांबुधिः कालोदकजलधिः ततः स्वदीपनामोदधयः ।

सर्वे अर्धतृतीयोद्धारोदधिमात्रा भवन्ति ॥ ३०७ ॥

अर्थ—समुद्रानिके नाम कहैं हैं जंबूद्वीपकै परिक्षेपी लवणसमुद्र । बहुरि धातुकी खंडकै कालोदक समुद्र बहुरि अन्य द्वीपानिकै अपने अपने द्वीपका जो नाम तिसही नामके धारक समुद्र जाननें । बहुरि ते सर्व्व द्वीप समुद्र कितने हैं अढाई उद्धार सागर प्रमाण हैं । भावार्थ—दस कोड़ा कोड़ि दूसरी उद्धार पत्यका एक उद्धार सागर होइ । ऐसे अढाई सागरके जेते रोम तितनें द्वीप समुद्र हैं ॥ ३०७ ॥

अब तिन द्वीप समुद्रनिका विस्तार वा आकार निरूपैं हैं;—

जंबू जोयणलक्खो वट्ठो तद्दुणदुगुणवासेहिं ।

लवणादिहिं परिखित्तो सयंभुरमणुवहियंतेहिं ॥ ३०८ ॥

जंबू योजनलक्षः वृत्तः तद्विगुणाद्विगुणव्यासैः ।

लवणादिभिः परिक्षित्तः स्वयंभूरमणोदध्यंतैः ॥ ३०८ ॥

अर्थ—जंबूद्वीप लक्ष योजन है बहुरि वृत्त कहिए गोल है । बहुरि तातें दूणा दूणा व्यास संयुक्त जे लवण समुद्रादिक स्वयंभूरमण समुद्र पर्यंत द्वीप समुद्र तिनकारि परिक्षित्त कहिए वेष्टित

है । भावार्थ—सर्व द्वीप समुद्रनिके बीचि जंबूद्वीप है सो गोल है । ताको मध्य विपे चौड़ाईका प्रमाण लक्ष योजन है ताको वेढे लवण समुद्र है सो ताते दूणा दोय लाख योजन व्यास संयुक्त है । ताको वेढे धातुकीखंड द्वीप है । सो ताते दूणा च्यारि लाख योजन व्यास संयुक्त है । याही प्रकार द्वीपको समुद्र वेढ्यां समुद्रको द्वीप वेढ्यां दूणा दूणा विस्तार लिए स्वयंभूरमण समुद्र पर्यंत द्वीप समुद्र गोल आकार जानने ॥ ३०८ ॥

आगे तहां इच्छित द्वीपका वा समुद्रका सूची व्यास अर वलय व्यास ल्यावनेकीं करणसूत्र यह है:-

रूपोनाधिकपदमितद्विकसंवर्गे पुणोवि लक्षहते ।

गयणतिलक्षविहीणे वासो वलयस्स सुइस्स ॥ ३०९ ॥

रूपोनाधिकपदमितद्विकसंवर्गे पुनरपि लक्षहते ।

गगनत्रिलक्षविहीने व्यासो वलयस्य सूचेः ॥ ३०९ ॥

अर्थ—द्वीप समुद्रनिका इष्ट गच्छका जो प्रमाण ताको एक जायगा एक घाटि अर एक जायगा एक बांधि करि तितने हुए इनिकों परस्पर गुणे जो प्रमाण होइ ताको लाख करि गुणि एक जायगा शून्य एक जायगा तीन लाख घटाइये तब वलयका अर सूचीका व्यास होइ । भावार्थ—इष्ट द्वीप वा समुद्रते पहला जो समुद्र वा द्वीप तिहका अंत तट अर ताके सन्मुख इष्ट द्वीप व समुद्रका अंत तट इन दोऊनिके बीचि जो क्षेत्रका प्रमाण सो वलय व्यास जाननां, बहुरि इष्ट द्वीप वा समुद्रका सन्मुख दोऊ अंत तटनिके बीचि जो क्षेत्र सो सूची व्यास जाननां । जैसे कालोदक समुद्रते पहला धातुकीखंड द्वीप है सो धातुकीखंडका अंत तट अर कालोदकका अंत तटके बीचि जो क्षेत्रका प्रमाण सो तो वलय व्यास है । बहुरि कालोदकका सन्मुख दोय अंत तट तिनिके बीचि जंबूद्वीप अर दोऊ दिशा संबधी लवणोद धातुकीखंड कालोदका व्यास जोडे जो क्षेत्र होइ सो कालोदका सूची व्यास है । ऐसेही सर्वत्र जाननां । अब इनके ल्यावनेका विधान कहिए है । इष्ट द्वीप व समुद्र जेथवां होइ तीह प्रमाण इहां गच्छ जाननां । तामें एक घटाएं जो प्रमाण होइ ताका विरलन कहिए एक एक करि बखेरिए । बहुरि एक एक प्रति दोय दोय दीजिये बहुरि तिनको परस्पर गुणिएं ऐसे करतै जो प्रमाण होइ ताको लक्ष करि गुणिएं तामें विंदी घटाइये ऐसे करतै इष्ट द्वीप वा समुद्रका वलय व्यास आवै है । ताका उदाहरण—जैसे जंबूद्वीपते लगाय कालोदक समुद्र चौथा है सो गच्छ प्रमाण च्यारि भया तामें एक घटाएं तीन सो तीनका विरलन करिए १।१।१। बहुरि एक एक प्रति दोय दोय दीजिए । २।२।२। बहुरि इनको परस्पर गुणि तब आठ होइ । इनको लक्ष करि गुणे आठलाख होइ तामें विन्दी घटाए भी तितने ही रहैं सो कालोदकका वलय व्यास आठलाख योजन है बहुरि इष्ट द्वीप वा समुद्र जेथवां होइ तिस प्रमाण गछतै एक अधिक प्रमाणका विरलन करि एक एक प्रति दोय दोइ परस्पर गुणि जो प्रमाण होइ ताको लक्ष करि गुणि तामें तीन लाख घटाए इष्ट द्वीप वा समुद्रका सूची व्यास हो है । ताका उदाहरण—जैसे कालोदक समुद्र चौथा है । सो गच्छका प्रमाण च्यारि तामें एक मिलाएं पांच सो पांचका विरलन करि १।१।१।१। एक एक प्रति दोय २।२।२।२। रख परस्पर गुणें बत्तीस होइ इनको लक्ष करि गुणें बत्तीस लाख

होइ इनमें तीन लाख घटाए गुणतीस लक्ष योजन प्रमाण कालोदक समुद्रका सूचीव्यास हो है । अब यह करण सूत्र कैसे कथा सो वासना कहिए हैं । तहां वलय व्यासकी वासना ऐसी है जो जंबूद्वीपका व्यास लक्षयोजन तातें दूणा दूणा लवण समुद्रादिकका व्यास है तातें एक घाटि गछ प्रमाण दुवा परस्पर गुणि लब्ध प्रमाणकों जंबूद्वीपका व्यास करि गुणें इष्ट स्थानविषे वलय व्यास हो है इहां किछू हीन अधिक करना नाहीं तातें गगन हीन कहिए विदी घटावना कथा । वहुरि सूचीव्यासकी वासना ऐसी है । इष्ट द्वीप वा समुद्रका जो वलय व्यास ताको दोऊ सन्मुख दिशा संबंधी व्यास मिलावनेतें दूणा स्थापिए वहुरि तातें पहले जे द्वीप वा समुद्र तिनका दोऊ दिशा संबंधी व्यास मिलाइ दूणा दूणा वलय व्यास स्थापिए । वहुरि जंबूद्वीपके दोय दिशा संबंधी

कालोदि	१६
घातुकी	८
लवणद्वि	४
तीन स्थान	०
जंबूद्वीप	१
	<hr/>
	२९

व्यास नाहीं तातें वलय व्यासका प्रमाणही स्थापनां । वहुरि दूसरे स्थानि शून्य स्थापन करना जैसे कालोदकका सूची व्यास ल्यावनेका ऐसे स्थापन करना । ऐसे स्थापन किए द्वितीय स्थानविषे शून्यकी जायगा दोय लाख मिलाएं गछतें एक अधिक स्थानभए ऐसे चारि एक अधिक गछका परस्पर गुणन कथा । वहुरि पदमेत्ते गुणयारे इत्यादि सूत्र करि जोड दिए तहां दोय लाख

तो दूसरा स्थानका अर खवपरिहीणे इस वचन करि एक लाख ए इन दोऊ ऋण घटावनेकों तीन लाखका घटावना कथा ऐसे करते इष्ट स्थानविषे सूचीव्यास हो है ॥ ३०९ ॥

तैसे ही अभ्यन्तर मध्यम बाह्य सूचीव्यास ल्यावनेकों करण सूत्र कहैं हैं;—


लवणादीणं वासं दुगातिगचदुसंगुणं तिलवखूणं ।

आदिममज्झिमवाहिरसूइत्ति भणंति आइरिया ॥ ३१० ॥

लवणादीनां व्यासं द्विकत्रिकचतुःसंगुणं त्रिलक्षोन्म ।

आदिममध्यमबाह्यसूची इति भणंति आचार्याः ॥ ३१० ॥

अर्थ—लवणादिक समुद्र वा द्वीपनिका वलय व्यासको दोय तीन च्यारि गुणां करि तामें तीन लाख घटाए अभ्यन्तर मध्य बाह्य सूची व्यास होइ ऐसे अर्थ कहैं हैं । भावार्थ—इष्ट द्वीप



वा समुद्रके सन्मुख आदिके दोऊ तटनिके बीचि जो क्षेत्र प्रमाण सो अभ्यन्तर सूची व्यास जाननां । वहुरि इष्ट द्वीप वा समुद्रके सन्मुख दोऊ दिशा संबंधी मध्य प्रदेशनिके बीचि जो क्षेत्र प्रमाण सो मध्य सूची व्यास जाननां । वहुरि इष्ट द्वीप वा समुद्रके सन्मुख अंतके दोऊ तटनिके बीचि जो क्षेत्रप्रमाण सो बाह्यसूची व्यास जाननां । तहां लवण समुद्रादिक विषे इष्ट द्वीप वा समुद्रका वलय व्यासको दूणा करि तामें तीन लाख घटाए अभ्यन्तर सूची व्यास हो है । सोई

कहिए है—विवक्षित द्वीप वा समुद्रका दोऊ दिशाका मिलाया हुवा वलय व्यास सो तातें अभ्यन्तरवर्ती जे पहले सर्व्व द्वीप वा समुद्र तिनका दोऊ दिशा संबंधी वलय व्यास जोड़े जो प्रमाण होइ तातें तीन लाख अधिक हो है वहुरि इहां अभ्यन्तरवर्ती पहले द्वीप समुद्रनिका दोऊ दिशा संबंधी

आठसै चौरासी १९३७८८४ कोश हुए तिनकों हूणा मूल अंक रूप पंक्तिका प्रमाण छह लाख बत्तीस हजार च्यारिसै चौवन ६३२४५४ ताका भाग दिए तीन कोश होइ बहुरि अवशेष चालीस हजार पांचसै बाईस कोश रहे—४०५२२ तिनकों दोय हजार गुणा करि इनके धनुष करिए तब आठ कोडि दश लाख चवालीस हजार धनुष होइ तिनकों पूर्व भाग हारका भाग दिए एक सौ अठाईस धनुष भए बहुरि अब शेष धनुष निवासी हजार आठसै अठ्यासी तिनको चौगुणां करि हाथ करिए तब तीन लाख गुणासिठ हजार पांचसै वारह हस्त होइ सो इन विषै पूर्व भागहार संभवे नाहीं तातें इनकों चौवीस गुणा करि अंगुल करिए तब छियासी लाख गुणतीस हजार दोयसै अठतालीस ८६२९२४८ अंगुल होइ इनकों पूर्व भागहारका भाग दिए तेरह अंगुल होइ । बहुरि अवशेष अंगुल च्यारि लाख सात हजार तीनसै छियालीस सो तो भाज्य अर पूर्वोक्त छह लाख बत्तीस हजार च्यारि हजार चार सै चौवन दोयनिकों तीन लाख सोलह हजार दोइ सै सत्ताइस करि अपवर्त्तन किए भाज्य किछू अधिक एक अर भाग हार दोइ होइ ऐसे किछू अधिक अंगुल भया । या प्रकार जंबूद्वीपका सूक्ष्म परिधि तीन लाख सोलह हजार दोयसै सत्ताइस योजन तीन कोश एक सौ अठाईस धनुष किछू अधिक साढा तेरह अंगुल प्रमाण आया । बहुरि स्थूल परिधिका प्रमाण करि व्यासका चौथा भागकों गुणें वादर क्षेत्रफल हो है । सो जंबूद्वीपका स्थूल परिधि तीन लाख योजन तीह करि व्यास एक लाखकी चौथाई पच्चीस हजार योजन गुणें सातसै पचास कोडि योजन प्रमाण जंबूद्वीपका वादर क्षेत्रफल हो है । बहुरि सूक्ष्म परिधिका प्रमाण करि व्यासका चौथा भाग गुणें सूक्ष्म क्षेत्र फल हो है । सो जंबूद्वीपका सूक्ष्म परिधि विषै तीन लाख सोलह हजार दोयसै सत्ताइस योजन तिनकों व्यासकी चौथाई पच्चीस हजार करि गुणें सातसै निवै कोडि छप्पन लाख पिचहत्तरि हजार ७९०५६७५००० भए बहुरि तीन कोशकों व्यासकी चौथाई कर गुणें पिचहत्तरि हजार कोश हुआ इनकों च्यारिका भाग दिए अठारह हजार सात सै पचास योजन भए तिनकों पूर्वोक्त योजननिमें मिलाइए ७९०५६९३७५० बहुरि एक सौ अठाईस धनुष तिनकों व्यासकी चौथाई करि गुणें बत्तीस लाख धनुष हूवा इनकों आठ हजारका भाग देइ योजन किए च्यारिसै योजन होइ सोभी तिन योजननिविषै मिलाइये ७९०५६९४१५० बहुरि तेरह अंगुल अर किछू अधिक आध अंगुल इनकों समछेद करि मिलाए सत्ताइसका आधा हूवा ३९ बहुरि दोय करि तिर्यग अपवर्त्तन करि पच्चीस हजारका आधा साढा बारह हजार करि सत्ताइसकों गुणें तीन लाख सैंतीस हजार पांचसै अंगुल भए इनकों एक कोशके अंगुल एक लाख बाणवे हजार तिनका भाग दिए साधिक एक कोश होइ । या प्रकार जंबूद्वीपका सूक्ष्म क्षेत्रफल सातसै निवै कोडि छप्पन लाख चौराणवै हजार एक सौ पचास योजन अर साधिक एक कोश प्रमाण आया । ऐसे ही सर्व द्वीप समुद्रनिका स्थूल सूक्ष्म क्षेत्रफल ल्यावनां ॥३११॥

आगै जंबूद्वीपका सूक्ष्म परिधिका सिद्ध भए अंक कहैं हैं;—

जोयण सगदुदु छकिगि तिदयं तिकोसमडदुगि दंडा ।
आहियदलंगुलतेरस जंबूए सुहुमपरिणाहो ॥ ३१२ ॥

योजनानां सप्तद्विद्वि पङ्केतं त्रयं त्रिकोशा अपट्टद्वयेके दंडाः ।

अधिकदलांगुलत्रयोदश जंबौ सूक्ष्मपरिणाहः ॥ ३१२ ॥

अर्थ—योजननिके सात दोय दोय छह एक तीन ए अंक है ३१६२२७ बहुरि तीन कोश बहुरि आठ दोय एक इत्त अंक १२८ रूप धनुष बहुरि साधिक आधा तेरह अंगुल इतना सर्व्व जंबूद्वीपका सूक्ष्म परिधिका प्रमाण है ॥ ३१२ ॥

आर्गे तिसर्ही जंबूद्वीपके सूक्ष्म क्षेत्रफलके सिद्ध भए अंक कहैं हैं;—

पण्णासमेकदालं णव छप्पणाससुण्ण णवसदरी ।

साहियकोसं च हवे जंबूदीवस्स सुहमफलं ॥ ३१३ ॥

पंचाशदेकत्वारिंशन्नवपट् पंचाशच्छून्यं नवसत्तिः ।

साधिकक्रोशश्च भवेजंबूद्वीपस्य सूक्ष्मफलम् ॥ ३१३ ॥

अर्थ—पचास इकतालीस नव छप्पन शून्य गुण्यासी ए तो योजननिके अंक हैं ७९० ५६९४१५० बहुरि साधिक एक कोश इतना जंबूद्वीपका सूक्ष्म क्षेत्रफल है ॥ ३१३ ॥

आर्गे जंबूद्वीपका परिधिकी अपेक्षा करि विवक्षित द्वीप वा समुद्रका परिधि ल्यावनेकों करण सूत्र यहू है;—

जंबूजभयं परिही इच्छियदीउवहिसूइ संगुणिय ।

जंबूवासविभक्ते इच्छियदीउवहिरिही दु ॥ ३१४ ॥

जंबूभयं परिधी इच्छितद्वीपोदधिसूच्या संगुण्य ।

जंबूव्यासविभक्ते ईप्सितद्वीपोदधिपरिधी तु ॥ ३१४ ॥

अर्थ—जंबूद्वीपका स्थूल सूक्ष्म दोउ परिधिकों विवक्षित द्वीप वा समुद्रका सूची व्यास करि गुणि जंबूद्वीपके व्यासका भाग दिए विवक्षित द्वीप वा समुद्रका स्थूल वा सूक्ष्म परिधि हो है । ताका उदाहरण । जंबूद्वीपका स्थूल परिधि तीन लाख ३ योजन ताकों लवण समुद्रका सूची व्यास पांच लाख योजन करि गुणें १५ लक्ष जंबूद्वीपका व्यास लाख योजन ताका भाग दिए लवण समुद्रका स्थूल परिधि पंद्रह योजन प्रमाण हो है । बहुरि जंबूद्वीपका स्थूल परिधिकों धातुकी खंडका सूची व्यास तेरह लाख योजन करि गुणें जंबूद्वीपका व्यासका भाग दिए धातुकी खंडका स्थूल परिधि गुणतालीस लाख योजन हो है । बहुरि जंबूद्वीपका सूक्ष्म परिधि तीन लाख सोलह हजार दोयसै सत्ताईस योजन तीन कोश एकसै अठाईस धनुष किछू अधिक साढा तेरह अंगुल तिनकों लवण समुद्रका सूची व्यास करि गुणें जंबूद्वीपके व्यासका भाग दिए लवण समुद्रका सूक्ष्म परिधि पंद्रह लाख इक्यासी हजार एक सौ गुणतालीस योजनादि प्रमाण हो है । ऐसे ही जंबूद्वीपके स्थूल परिधिका धातुकी खंडका सूची व्यास करि गुणें जंबूद्वीपके व्यासका भाग दिए धातुकी खंडका सूक्ष्म परिधि हो है । ऐसेही अन्य द्वीप वा समुद्रनिका स्थूल सूक्ष्म परिधि ल्यावनां ३१४

अथ स्थूल सूक्ष्म क्षेत्रफलकों ल्यावनेकों करण सूत्र कहैं हैं;—

अंताइसूइजोगं रूदद्ध गुणित्त दुप्पडिं किच्चा ।

तिगुणं दसकरणिगुणं वादरसुहुमं फलं वलये ॥ ३१५ ॥

अंतादिसूचियोगं रूद्रार्धेन गुणयित्वा द्विःप्रतिं कृत्वा ।

त्रिगुणं दशकरणिगुणं वादरसूक्ष्मं फलं वलये ॥ ३१५ ॥

अर्थ—अंत सूची तौ बाह्य सूची व्यास अर आदि सूची अभ्यंतर सूची व्यास इन दोऊनिके प्रमाणका जु योग कहिए जोड़ ताकों रूद्र कहिए वलय व्यास ताका अर्ध प्रमाण करि गुणिए जो प्रमाण होइ ताहि द्विः प्रति कृत्वा कहिए दोय जायगा स्थापि करि तिस प्रमाणकों एक जायगा तौ तिगुणा करिए तव वादर क्षेत्रफल होइ एक जायगा दश करि गुणा करिए जो प्रमाण था ताका वर्ग करि ताकों दश गुणा करि ताका वर्गमूल ग्रहण करिए । जिस राशिका वर्गमूल ग्रहण करना होइ ताकों करणि कहिए । ऐसे किए सूक्ष्म क्षेत्रफल हो है या प्रकार वलय वृत्त जो गोलका परिक्षेपी गोल क्षेत्र तिह विपै वादर अर सूक्ष्म क्षेत्रफल हैं ताका उदाहरण लवण समुद्रका बाह्य सूची व्यास पंच लाख योजन अभ्यन्तर सूची व्यास एक लाख योजन इन दोऊनिकों जोड़ें छह लाख भए इनकों रूद्र जो वलय व्यास इनकों दोय लाख योजन ताका आधा एक लाख तिह कर गुणिए तव छह हजार कोड़ि भए सो इनकों दोय जायगा स्थापि एक जायगा तिगुणा करिए तव लवण समुद्रका वादर क्षेत्रफल अठारह हजार कोड़ि योजन प्रमाण हो है । बहुरि एक जायगा तिह छह हजार कोड़िका वर्ग करि दश गुणा करिए तव छत्तीस कोड़ा कोड़ि भए इनका वर्गमूल ग्रहण किए अठारह हजार नवसै तहेतरि कोड़ि छ्त्रासठि लाख गुणसठि हजार छैसै दस १८९७३६६५९६१० योजन प्रमाण समुद्रका सूक्ष्म क्षेत्र फल हैं ऐसे ही अन्य द्वीप वा समुद्र-निका वादर सूक्ष्म क्षेत्रफल ल्यावनां ॥ ३१५ ॥

आगैं जंबूद्वीप प्रमाण करि लवण समुद्रादिकानिके खंड ल्यावनेकों करण सूत्र कहैं हैं;—

वाहिरसूइवर्गं अठभंतरसूइवर्गपरिहीणं ।

जंबूवासाविभक्ते तत्तियमेत्ताणि खंडाणि ॥ ३१६ ॥

बाह्यसूचीवर्गः अभ्यन्तरसूचिवर्गपरिहीनः ।

जंबूवासाविभक्तः तावन्मात्राणि खंडानि ॥ ३१६ ॥

अर्थ—बाह्य सूची व्यासका जो वर्ग तामें अभ्यन्तर सूची व्यासका वर्ग घटाए जो प्रमाण होइ ताकों जंबूद्वीपके व्यासका भाग दीजिए सो वर्ग राशिके गुणकार भाग हार वर्ग रूप ही होइ । इस न्याय करि इहां भी वर्ग राशि है तातें जंबूद्वीपके व्यासका जो वर्ग ताका भाग दीजिए यों करतां जो प्रमाण आवै तावन्मात्र जंबूद्वीप समान खंड जाननें । ताका उदाहरण—लवण समुद्रका बाह्य सूची व्यास पांच लाख योजन ताका वर्ग पच्चीस हजार कोड़ि तातें अर अभ्यन्तर सूची एक लाख योजन ताका वर्ग एक हजार कोड़ि घटाए चौईस हजार कोड़ि रहे याकों जंबूद्वीपका व्यास एक लाख योजन ताका वर्ग एक हजार कोड़ि ताका भाग दिए चौबीस भए सोई लवण समुद्रके जंबूद्वीपके समान खंड करिए तौ चौबीस खंड हो हैं । ऐसे ही अन्य द्वीप वा समुद्रनि विषे जाननें ॥ ३१६ ॥

आगै अन्य प्रकार करि जंबूद्वीप समान खंड व्यावनेको करण सूत्र रूप दोग गाथा कहै हैं;—

रूज्जणसला वारससलागुणिदे दु वलयखंडाणि ।

वाहिरसूइसलागा कदी तदंताखिला खंडा ॥ ३१७ ॥

रूपोनशला द्वादशशलाकगुणितास्तु वलयखंडानि ।

वाह्यसूचीशलाका कृतेः तदंताखिलानि खंडानि ॥ ३१७ ॥

अर्थ—विवक्षित द्वीप वा समुद्रका वलय व्यास जितने लक्ष प्रमाण कहा सोई इहां शलाकाका प्रमाण जाननां सो एक घाटि शलाकाका प्रमाणकों वारह करि गुणिए । बहुरि ताको शलाका प्रमाण करि गुणिए तव जंबूद्वीप समान गोलखंड हो है । ताका उदाहरण । लवण समुद्रका वलय व्यास दोग लाख योजन है सो शलाकाका प्रमाण दोग जाननां । बहुरि एक घाटि शलाकाका प्रमाण एक ताकों वारह गुणा किए वारह ताकों शलाका प्रमाण दोग करि गुणें चौबीस भए सोई लवण समुद्र विषै जंबूद्वीप समान खंड कल्पें चौबीस हो हैं । ऐसैही अन्यत्र जाननां । बहुरि बाह्य सूची व्यास जितने लक्ष प्रमाण होइ तीह प्रमाण सूची शलाका कहिए ताका वर्ग किए जो प्रमाण होइ तितना जंबूद्वीपतैं लगाइ तिस विवाक्षित द्वीप वा समुद्र पर्यंत क्षेत्र विषै सर्व जंबूद्वीप समान खंडनिका प्रमाण जाननां । ताका उदाहरण—लवणसमुद्रका बाह्य सूची व्यास पांच लाख योजन है सो लवण समुद्रकी सूची शलाका पांच जाननी ताका वर्ग पचीस सोई जंबूद्वीपतैं लवण समुद्र पर्यंत सर्व क्षेत्र विषै जंबूद्वीप समान पचीस खंड हो हैं । एक जंबूद्वीपका चौईस लवण समुद्रके ऐसै पचीस खंड जानने ॥ ३१७ ॥

याही प्रकार अन्यत्र भी जानने;—

वाहिरसूई वलयव्वासूणा चउगुणिद्ववासहदा ।

इगिलकरववग्गभजिदा जंबूसमवलयखंडाणि ॥ ३१८ ॥

बाह्यसूची वलयव्यासोना चतुर्गुणितेष्टव्यासहता ।

एकलक्षवर्गभक्ता जंबूसमवलयखंडानि ॥ ३१८ ॥

अर्थ—विवक्षित द्वीप वा समुद्रका बाह्य सूची व्यासका प्रमाणमैसौ वलय व्यासका प्रमाण घटाइए । बहुरि ताकों चौगुणा इष्ट वलय व्यास करि गुणिए । बहुरि एक लाखका वर्गका भाग दीजिए जो प्रमाण होइ तितने जंबूद्वीप समान गोल खंड जानने । ताका उदाहरण । लवण समुद्रका बाह्य सूची व्यास पांच लाख योजन तामें वलय व्यास दोग लाख योजन घटाएं तीन लाख योजन ताकों चौगुणा वलय व्यास आठलाख करि गुणें चौईस हजार कोड़ि इनको एक लाखका वर्ग एक हजार कोड़ि ताका भाग दिए चौईस भए । सोई लवण समुद्र विषै जंबूद्वीप समान खंड कल्पें चौईस हो हैं । ऐसै अन्यत्र जानने ॥ ३१८ ॥

आगै समुद्रनिका रसविशेष कहै हैं;—

लवणं वारुणितियमिदि कालदुर्गंतिमसयंशुरमणामिदि ।

पत्तैयजलसुवादा अवसेसा होंति इच्छुरसा ॥ ३१९ ॥

लवणं वारुणित्रयमिति कालद्विक्रमंतिमस्वयंभूरमणमिति ।

प्रत्येकजलस्वादा अवशेषा भवन्ति इक्षुरसाः ॥ ३१९ ॥

अर्थ—लवण समुद्र वारुणी आदि तीन समुद्र ऐसे चारि समुद्र बहुरि कालोदक पुष्कर-
वर अंतका स्वयंभूरमण समुद्र ए तीन क्रमते प्रत्येक अपने अपने नामके अनुसारि स्वाद धरै हैं ।
बहुरि जल स्वाद धरै है । अवशेष इक्षुरस स्वादको धरै हैं । भावार्थ—लवण समुद्रविषै जो
जल है ताका स्वाद लवण समान है । वारुणीवरविषै स्वाद मदिरावत् है । क्षीरवरविषै स्वाद
दुग्धवत् है । घृतवरविषै स्वाद घृतवत् है ऐसे चारि तो अपने नामके अनुसारि रसकों धरै हैं ।
बहुरि कालोदक पुष्करवर स्वयंभूरमण इन तीनों विषै जल है ताका स्वाद जल समान ही है ।
बहुरि असंख्यात समुद्र तिनविषै जो जल है ताका स्वाद सांठेका रस समान है ॥ ३१९ ॥

आगै तिन समुद्रनिविषै जलचर जीवनिका संभवने न संभवनेकों हेतुपूर्वक कहै हैं;—

जलयरजावा लवणे कालेयंतिमसयंभुरमणे च ।

कर्ममहीपडिवद्धे ण हि सेसे जलयरा जीवा ॥ ३२० ॥

जलचरजीवा लवणे कालेऽतिमस्वयंभुरमणे च ।

कर्ममहीप्रतिवद्धे न हि शेषे जलचरा जीवाः ॥ ३२० ॥

अर्थ—जलचर जीव लवण समुद्रविषै बहुरि कालोदकविषै बहुरि अंतका स्वयंभू रमण-
विषै पाईए हैं । जाते ए तीन समुद्र कर्मभूमि संबधी हैं । बहुरि अवशेष सर्व समुद्र भोगभूमि
संबधी हैं भोगभूमिविषै जलचर जीवोंका अभाव है । ताते इन तीन विना अन्य समुद्रनिविषै
जलचर जीव नहीं हैं ॥ ३२० ॥

आगै स्थान निर्देश करि तीन समुद्रनिविषै मत्स्यनिका शरीरकी अवगाहना कहै हैं;—

लवणदुगंतसमुद्रे णदीमुहुवहिभिह दीह णव दुगुणं ।

दुगुणं पणसय दुगुणं मच्छे वासुदयमद्धकर्म ॥ ३२१ ॥

लवणद्विकांत्यसमुद्रे नदीमुखोदधौ दैर्घ्यं नव द्विगुणं ।

द्विगुणं पंचशतं द्विगुणं मत्स्ये व्यासोदयो अर्धक्रमौ ॥ ३२१ ॥

अर्थ—लवणादि दोय समुद्रनिविषै बहुरि अंतका समुद्रविषै जहां नदी प्रवेशका मुखविषै
बहुरि समुद्रका मध्यविषै क्रमते नव ताका दूणा तिनका दूणा पांचसै ताका दूणा मत्स्यनिका
शरीर लंबा है । ताते अर्द्ध प्रमाण व्यास है व्यासते आधा शरीर उंचा है । भावार्थ—मत्स्यनिके
शरीरनिकी लंबाई लवण समुद्रविषै जहां नदीनिका प्रवेश हो है तहां तीरविषै तौ नव योजन है ।
बहुरि समुद्रका मध्य भागविषै अठारह योजन है । बहुरि कालोदक समुद्रविषै नदी प्रवेशरूप तीरविषै
तौ अठारह योजन अर मध्य भागविषै छत्तीस योजन है बहुरि स्वयंभू रमणविषै पांचसै योजन
मध्यविषै हजार योजन है । बहुरि सर्वत्र जो लंबाईका प्रमाण कहा ताते आधा चौड़ाईका प्रमाण
है । बहुरि चौड़ाईके प्रमाणते आधा उंचाईका प्रमाण है ॥ ३२१ ॥

अब मनुष्य क्षेत्र इतर क्षेत्रके विभागका अरु कर्मभूमि भोगभूमिकी मर्यादाको प्राप्त होते जे दोय पर्वत तिनका स्वरूप निरूपण करता संता तिनहीके विभागको दृढ करनेको तीन गाथा कहै हैं;—

पुष्करसयंभुरमणाणद्धे उत्तरसयंपहा सेला ।
कुंडलरुचगद्धं वा सव्वे पुव्वं परिकिखत्ता ॥ ३२२ ॥
पुष्करस्वयंभुरमणयोरर्धे उत्तरस्वयंप्रभौ शैलौ ।
कुंडलरुचकार्धे वा सर्वे पूर्वं परिक्षिताः ॥ ३२२ ॥

अर्थ—पुष्करार्धविषै स्वयंभूरमणाद्धेविषै मानुषोत्तर स्वयंप्रभ पर्वत हैं । भावार्थ—पुष्कर नाम द्वीपका वलय व्यासका अर्द्ध भागविषै वीचि मानुषोत्तर नाम पर्वत है । बहुरि स्वयंभूरमण द्वीपका वलय व्यासका अर्द्धभागविषै वीचि स्वयंप्रभ नामा पर्वत है । कैसे हैं ? कुंडल रुचकार्ध भिन्न कहिए जैसे कुंडल वर द्वीपविषै वीचि कुंडल गिरि है । बहुरि रुचक वर द्वीपके वीचि रुचक गिरि है तैसे ही जाननें । बहुरि ए सर्व पर्वत पूर्वं अपने अपने अभ्यन्तरवर्ती जे द्वीप वा समुद्रनिको परिक्षेप करि वेदि करि जैसे नगरको वेदि कोट हो है तैसे तिष्ठै हैं ॥ ३२२ ॥

मणुसुत्तरोत्ति मणुसा मणुसुत्तरलंघसत्तिपरिहीणा ।
परदो सयंपहोत्ति य जहण्णभोगावणीतिरिया ॥ ३२३ ॥
मानुषोत्तरांतं मनुष्याः मानुषोत्तरलंघशक्तिपरिहीनाः ।
परतः स्वयंप्रभांतं च जघन्यभोगावनिर्तिर्यचः ॥ ३२३ ॥

अर्थ—मानुषोत्तर पर्वत पर्यंत अढ़ाई द्वीपविषै ही मनुष्य हैं ते मनुष्य मानुषोत्तर, पर्वतको उलंघन शक्तिरि हीन हैं । मानुषोत्तर पर्वतको उलंघि किसी मनुष्यकी जानेकी सामर्थ्य नहीं । बहुरि इस मानुषोत्तर पर्वतके परे स्वयंप्रभ नामा पर्वत पर्यंत जघन्य भोगभूमियां तिर्थच हैं ॥ ३२३ ॥

कम्मावणिपडिवद्धो वाहिरभागो सयंपहगिरिस्स ।
वरओगाहणजुत्ता तसजीवा होंति तत्थेव ॥ ३२४ ॥
कर्मावनिप्रतिबद्धो बाह्यभागः स्वयंप्रभगिरेः ।

वरावगाहनयुक्ताः त्रसजीवा भवन्ति तत्रैव ॥ ३२४ ॥

अर्थ—स्वयंप्रभ नामा पर्वतके परे जो बाह्य भाग सो कर्म भूमि संबधी है । भावार्थ—स्वयंप्रभ पर्वतके परे कर्मभूमि पाइए है बहुरि उत्कृष्ट शरीरकी अवगाहना संयुक्त त्रस जीव तहां ही बाह्यविषै पाइए हैं ॥ ३२४ ॥

आगे इस गाथाका अपर अर्द्धविषै कहा जो उत्कृष्ट अवगाहन ताको एक इन्द्रियका अवगाहनपूर्वक कहै हैं;—

अधियसहस्सं वारस तिचउत्थेकं सहस्सयं पउमे ।
संखे गोमिहय भमरे मच्छे वरदेहदीहो दु ॥ ३२५ ॥

अधिकतहलं द्वादश त्रिचतुर्यनेकं सहस्रकं पद्मे ।

संखे प्रैम्ने भ्रनरे नस्ये वददेहर्दायै तु ॥ ३२५ ॥

अर्थ—साधिक हजार बारह तीन चतुर्य भाग एक एक हजार योजन प्रमाण संखे प्रैम्ने भ्रनर मच्छविष्यै उच्छृष्ट शरीरका दीर्घपना हो है । भावार्थ—एकेन्द्रादिष्यै कल्लका साधिक हजार योजन वेद्रीविष्यै शंखका बारह योजन तेन्द्रादिष्यै प्रैम्ने जो सहस्रपद्य नामा जंय ताका पौण योजन चौन्द्रादिष्यै भ्रनरका एक योजन पंचेन्द्रादिष्यै मनुष्यका एक हजार योजन शरीरका लंबाईका उच्छृष्ट प्रमाण जाननां ॥ ३२५ ॥

आर्गे तिनर्हाके व्यास अर उदय कई हैं;—

वासिगि कमले संख मुहुदुओ चउपंचचरणमिह गोम्ही ।

वासुदुओ दिग्घट्टमतदल्लमलिए तिपाददल्लं ॥ ३२६ ॥

व्यास एकं कमले संखे मुखोदयौ चतुःपंचचरणं इह प्रैम्ने ।

व्यासोदयौ दीर्घाष्टमतदल्लनलौ त्रिपाददल्लं ॥ ३२६ ॥

अर्थ—कमल नालदिष्यै व्यास एक योजन है सो समान गोल आकार है तातैं ताका बाहुल्य भी तितना ही जाननां । बहुरि शंखविष्यै मुख व्यास च्यारि योजन अर उदय जो उंचाई सो पांच चरण कहिए पांचका चौथा भाग ताका सवा योजन प्रमाण जाननां । बहुरि इहां प्रैम्नेविष्यै व्यास लौ दैव्य ताके आठवें भाग सो तीन योजनका वर्त्तीसवां भाग प्रमाण अर उदय दीर्घ ताके सोच्छ्रै भाग सो तीन योजनका चौसठिवां भाग प्रमाण जाननां । बहुरि भ्रनरविष्यै व्यास त्रिचरण कहिए तीन चौथा भाग ताका पौण योजन प्रमाण अर उदय जो उंचाई सो दल कहिए जाइ योजन प्रमाण जाननां । तहां बालो तिगुणां परिहां इत्यादि करणसूत्र करि कमलका क्षेत्रफल ल्याइर हैं । तहां एक योजन व्यास ताका तिगुणां किरं तीन योजन परिधि हो है । याकां व्यासका चौथाई पाच योजन करि गुणें पौण योजन होइ । याकां हजार योजन लंबाईकरि गुणें साढ़ा सातसैं योजन प्रमाण कमलका क्षेत्रफल हो है ॥ ३२६ ॥

आर्गे शंखका क्षेत्रफल ल्यावनेकां करणसूत्र कई हैं;—

आयामकदी मुहदुल्लहाणा मुहवासअद्धवग्गजुदा ।

विगुणा वेहेण हदा संखावत्तस्स खेत्तफलं ॥ ३२७ ॥

आयामकृतिः मुखदुल्लहाना मुखव्यासअर्धवर्गयुता ।

त्रिगुणा वेवेन हता संखावर्तस्य क्षेत्रफलं ॥ ३२७ ॥

अर्थ—लंबाईका प्रमाणका वर्ग करिए तामें मुख व्यासका अर्द्ध प्रमाण घटाइर जो प्रमाण रहै तामें मुख व्यासका अर्द्ध प्रमाणका वर्ग मिलाए जो प्रमाण होइ ताकां दूणा करिए जो प्रमाण होइ ताकां वेद करि गुणिए ऐसे किरं संखावर्त्त क्षेत्रका क्षेत्रफल हो है सो इहां लंबाई बारह योजन ताका वर्ग एक सो चत्वार्लस योजन तामें मुख व्यास च्यारि योजनका आधा दोय योजन घटाएर एक

सौ वियालीस योजन तामें मुख व्यासकी आधा दोग योजन ताका वर्ग च्यारि मिलाएँ एकसौ छियालीस योजन याकों दूणां किएँ दोगसै वाणवें योजन इनकों वेवका प्रमाण पांच चौथा भाग तिनकारि गुणें च्यारि करि अपवर्त्तन किएँ तेहत्तरिको पांच गुणा करिएँ तीनसै पैसठि योजन प्रमाण संखका क्षेत्रफल हो है । इहां एहुँ सूत्र कैसेँ कहाँ ? सौ वासनारूप मुरज क्षेत्रफल आदि करि विधान है सो संस्कृत टीकार्तें जाननां । बहुरी तेइन्द्री चौइन्द्री पंचेन्द्रीनिका घनरूप क्षेत्रफल मुजकोटि व इत्यादि करण-सूत्र करि हो है सो लंबाई चौडाईको परस्पर गुणें जो जो प्रमाण होइ तितनां तितनां क्षेत्रफल जाननां । तहां तेइन्द्री प्रथमका सत्ताईस योजन इक्यासीसै वाणवैका भाग दीजिएँ इतना क्षेत्रफल है । चौइन्द्री भ्रमरका तीन योजनका आठवां भाग प्रमाण क्षेत्रफल है पंचेन्द्री मत्स्यका १२५००० ००० साढा वारा कोडि योजन प्रमाण क्षेत्रफल हो है । अर इहां एकेन्द्रियादि जीवनिका घनरूप क्षेत्रफलनिका अल्प बहु प्रदेश जाननेकों कहिएँ हैं । तहां अति अल्प तेइन्द्रीका घनफल है । तहां एक योजनके सात लाख अडसिठ हजार अंगुल होइँ तो सत्ताईस योजनका इक्यासीसै वाणवै भागविषै एक भागके केते अंगुल होहिं । तहां घनरूप राशिके गुणकार घनरूप ही होइँ सो सात लाख अडसिठ हजारका घनकरि गुणिएँ तब अंगुल होइँ ८१९२ ७६८०००।७६८००।७६८००० बहुरि सूच्यंगुल तो प्रमाणांगुल है अर इहां शरीरका प्रमाण व्यवहार अंगुलतै है । सो पांचसै व्यवहार अंगुलका एक सूच्यंगुल होइँ । अर घनरूप राशिका भागहार भी घन रूप होइँ तातें पाचसैका घनका भाग दीजिएँ ५००।५००।५०० बहुरि इहां तीनों जायगा की छह विन्दी ऊपर अंगुलनिके प्रमाणकी छह विदीका अपवर्त्तन किएँ ऐसा भया ८१९२ ७६८ ६६ ७६८०० बहुरि दोग जायगा सात सै अडसिठ थे तिनकी जायगा तीन करि संभेदन किएँ दोगसै छप्पन अर तीन भएँ ८१९२ ६ ३१५६३ ७६८००० बहुरि दोग दोगसै छप्पनको परस्पर गुणें पणड्डी ६५५३६ भएँ तिनको सत्ताईसके नचिँ इक्यासी वाणवैका भागहार था तिनकारि अपवर्त्तन किएँ आठ भएँ । बहुरि तीन जायगा पांचका परस्पर गुणें एकसौ पन्चीसका भागहार भया तिनकारि सात लाख अडसिठ हजारका गुणकारका अपवर्त्तन किएँ इकसठिसै चवालीस भएँ । अर दोग जायगा तीनका गुणकार था तिनको परस्पर गुणें नव भएँ तब ऐसे भया २७।८।६।४४।९ ऐसे सत्ताईस आठ इकसठिसै चवालीस नव इनको परस्पर गुणें जो प्रमाण होइँ ताको एक वार संख्यात स्थापि तिहंकरि घनांगुलको गुणें तेन्द्रीका खात फल हो है । ताकी सहनानी ऐसी ६ ? इहां घनांगुलकी सहनानी ऐसी ६ संख्यातकी ऐसी २ जाननी । बहुरि ऐसेही चौइन्द्रीका खात फल करनां । तहां इकसठिसै चवालीस गुणाकारको तहां घनफलविषै आठका भागहार है तातें आठका अपवर्त्तन किएँ सातसै अडसठिका गुणकार होइँ ऐसे पैसठि हजार पांचसै छत्तीस अर सातसै अडसठि अर नव तीन इनका परस्पर गुणनतै जो प्रमाण होइँ तितनां घनांगुलका भया । सो तेइन्द्रीके गुणकारतै संख्यात अधिक भया ऐसेँ चौइन्द्रीको घनांगुलका दोग वार संख्यातका गुणकार जाननां । ताकी सहनानी ऐसी ६ ११ ऐसेही वेन्द्रीके तीन वार ६ १११ चौइन्द्रीके चार वार ६ ११ ११ पंचेन्द्रीके पांच वार २ १ १ १ १ संख्यातका गुणाकारपनां गुणको जाननां ॥ ३२७ ॥

ऐसे उत्कृष्ट अवगाहनाका प्रसंग करि एकैद्रियादिक जीव पृथ्वी आदि विशेषरूप हैं तिनका उत्कृष्ट वा जघन्य आयुका कहनेके अर्थ तीन गाथा कहैं हैं;—

सुद्धखरभूजलाणं बारस वारसि सत्त य सहस्सा ।
तेउतिण् दिवसतियं सहस्सतियं दस य जेद्दाओ ॥ ३२८ ॥
शुद्धखरभूजलानां द्वादश द्वाविंशतिः सत्त च सहस्राणि ।
तेजस्त्रये दिवसत्रयं सहस्रत्रयं दश च ज्येष्ठम् ॥ ३२८ ॥

अर्थ—शुद्ध खर पृथ्वी जल इनका बारह बाईस सात हजार वर्ष अर तेज आदित्रिकविषै तीन दिन तीन हजार दश हजार वर्ष उत्कृष्ट आयु है । भावार्थ—मृत्तिका आदि शुद्ध पृथ्वी-कायिकका बारह हजार वर्ष, पाषाण आदि खर पृथ्वी कायिकका बाईस हजार वर्ष जल कायिकका सात हजार वर्ष, तेज कायिकका तीन दिन, वात कायिकका तीन हजार वर्ष, वनस्पति कायिकका दश हजार वर्ष प्रमाण उत्कृष्ट आयु है ॥ ३२८ ॥

वासदिणमास बारसमुगुवण्णं छक्क वियलजेद्दाओ ।
मच्छाण पुव्वकोडी णव पुव्वंगा सरिसपाणं ॥ ३२९ ॥
वर्षदिनमासाः द्वादशैकोनपंचाशत् षट्काः विकलज्येष्ठम् ।
मत्स्यानां पूर्वकोटिः नव पूर्वांगानि सरीसृपाणाम् ॥ ३२९ ॥

अर्थ—वर्ष दिन मास बारह गुणचास छह विकलत्रयनिका ज्येष्ठ आयु है । भावार्थ—वेन्द्रीका बारह वर्ष, तेइन्द्रीका गुणचासदिन, चौइन्द्रीका छह महिना प्रमाण, उत्कृष्ट आयु है । बहुरि मत्स्यनिका कोड़िपूर्व प्रमाण उत्कृष्ट आयु है सो एक पूर्वांग चौरासी लाख वर्ष प्रमाण जाननां ३२९

बावत्तरि वादालं सहस्समाणाहि पक्खिउरगाणं ।
अंतोमुहुत्तमवरं कम्ममहीणरतिरिक्खाऊ ॥ ३३० ॥
द्वासत्तिः द्वाचत्वारिंशत् सहस्रमानानि पक्ष्युरगाणाम् ।
अंतर्मुहूर्तमवरं कर्ममहीनरतिरश्चामायुः ॥ ३३० ॥

अर्थ—बहत्तरि बियालीस हजार प्रमाण पंखी उरगनिका आयु है । —भावार्थ—पंखी-निका बहत्तरि हजार वर्ष, उरग जे सर्पादि तिनका बियालीस हजार वर्ष प्रमाण उत्कृष्ट आयु है बहुरि शुद्ध पृथ्वीकों आदि दैकरि सर्व ही कर्मभूमि संबधी मनुक्ष वा तिर्यचनिका जघन्य आयु अंतर्मुहूर्त प्रमाण है ॥ ३३० ॥

आगैं पहले आयुका निरूपण करि अब तिनहींका वेद विशेषकों निरूपै हैं;—

णिरया इगिविगला संमूळणपंचक्खा होंति संढा हु ।
भोगसुरा संदूणा तिवेदगा गन्भणरतिरिया ॥ ३३१ ॥
निरया एकविकलाः संमूर्छनपंचाक्षाः भवंति षंढाः खलु ।
भोगसुराः षंढोनाः त्रिवेदगा गर्भनरतिर्यचः ॥ ३३१ ॥

अर्थ—नारकी एकेन्द्री विकलत्रय सन्मूर्च्छनपंचेन्द्री ए नपुंसक वेदी ही हैं । बहुरि भोगभूमियां मनुक्ष तिर्यच अर देव ए नपुंसक विना दोय वेदी ही हैं । बहुरि गर्मजन्म भूमिके मनुक्ष तिर्यच तीनों वेदके धारक हो हैं । अर्गे प्रसंगका प्रसंगरूप अर्थका प्रतिपादन करि अव प्रकृत ज्योतिर्लोकिका अधिकारका प्रतिपादन करें हैं ॥ ३३१ ॥

तहां तारादिकनिका स्थिति स्थान तीन गाथानि करि कहैं हैं;—

णउदुत्तरसत्तसए दस सीदी चदुदुगे तियचउके ।
तारिणससिरिक्खवुद्दा सुक्कगुरुंगारमंदगदी ॥ ३३२ ॥
नवत्युत्तरसत्तशतानि दश अशीतिः चतुर्विके त्रिकचतुष्के ।
तारेनशशिक्षवुधाः शुक्रगुर्वंगारमंदगतयः ॥ ३३२ ॥

अर्थ—निवै अधिक सातसै विपै उपरि दश असी च्यारि दोय स्थानविपै तीन च्यारि स्थान विपै जाइ क्रमते तारा इन शशि ऋक्ष बुध शुक्र गुरु अंगार मंदगति तिष्ठे हैं । भावार्थ—चित्रा पृथ्वीते लगाइ सातसै निवै योजन ऊपरि तौ तारे हैं । बहुरि तिनते दश योजन ऊपरि इन कहिए सूर्य है । बहुरि तिनते असी योजन ऊपरि शशि कहिए चंद्रमा है । बहुरि तिनते च्यारि योजन ऊपरि ऋक्ष कहिए नक्षत्र हैं । बहुरि तिनते च्यारि योजन ऊपरि बुध है । बहुरि तिनते तीन योजन ऊपरि शुक्र है । बहुरि तिनते तीन योजन ऊपरि गुरु कहिए बृहस्पति है । बहुरि तिनते तीन योजन ऊपरि अंगार कहिए मंगल है । बहुरि तिनते तीन योजन ऊपरि मंदगति कहिए शनैश्वर है । ऐसे ज्योतिपी तिष्ठे हैं ॥ ३३२ ॥

अवसेसाण गहाणं णयरीओ उवरि चित्तभूमिदी ।
गंतूण बुहसणीणं विचाले हाँति णिच्चाओ ॥ ३३३ ॥
अवशेषाणां ग्रहाणां नगर्य उपरि चित्राभूमितः ।
गत्वा बुधशन्योः विचाले भवन्ति नित्याः ॥ ३३३ ॥

अर्थ—अठ्यासी ग्रहनिविपै अव शेष तिनकी नगरी ऊपरि ऊपरि चित्रा भूमिते जाइ बुध अर शनैश्वर इन दोऊनके बीचि अंतराल क्षेत्रविपै शाश्वती हैं ॥ ३३३ ॥

अत्थइ सणी णवसये चित्तादो तारगावि तावादिए ।
जोइसपडलवहल्लं दससहियं जोयणाण सयं ॥ ३३४ ॥
आस्ते शनिः नवशतानि चित्रातः तारका अपि तावन्तः ।
ज्योतिष्कपटलब्राह्म्यं दशसहितं योजनानां शतम् ॥ ३३४ ॥

अर्थ—शनैश्वर चित्रा भूमिते नवसै योजन ऊपरि आस्ते कहिए तिष्ठे है । बहुरि तारे हैं ते भी तावत कहिए नवसै योजन पर्यंत तिष्ठे हैं । सो चित्राते सातसै निवै योजन ऊपरि सौं लगाय नवसै योजन पर्यंत ज्योतिपी देवनिका पटलका बाहुल्य कहिए मोटाईका प्रमाण सो दश सहित एकसौ योजन प्रमाण जानना ॥ ३३४ ॥

आगै प्रकीर्णक तारानिका प्रकार अंतराल निरूपण है;—

तारंतरं जहर्णं तेरिच्छे कोससत्तभागो दु ।
पण्णासं मज्झिमयं सहस्रसमुक्कस्सयं होदि ॥ ३३५ ॥
तारंतरं जघन्यं तिर्यक् क्रोशसत्तभागस्तु ।
पंचाशत् मध्यमकं सहस्रमुक्कष्टकं भवति ॥ ३३५ ॥

अर्थ—तारातै ताराके वीचि तिर्यगरूप वरोवरिविषै अंतराल जघन्य एक कोशका सातवां भाग, मध्यम पचास योजन, उक्कष्ट एक हजार योजन प्रमाण हो है ॥ ३३५ ॥

अब ज्योतिषीनिके विमानस्वरूप निरूपै हैं;—

उत्तानाद्वियंगोलगदलसारिसा सव्वजोइसविमाणा ।
उवरिं सुरणगराणि य जिणभवणजुदाणि रम्माणि ॥ ३३६ ॥
उत्तानस्थितगोलकसदृशाः सर्वज्योतिष्कविमानाः ।
उपरि सुरनगराणि च जिनभवनयुतानि रम्याणि ॥ ३३६ ॥

अर्थ—गोलक जो गोला ताका दल कहिए तिस गोलकों वीचिमैसौं विदारि दोय खंड करिए तिसविषै जो एक खंड सो उत्तान स्थित कहिए तिस आधा गोलकों ऊंचा स्थापित किया होय चौड़ा ऊपरि अर ताकी अणी नीचे ऐसे घस्या होइ ताका जैसा आकार तिह समान सर्व ज्योतिषीनिके विमान हैं । बहुरि तिन विमाननिके ऊपरि ज्योतिषी देवनिके नगर हैं । ते नगर जिन मंदिरनिकरि संयुक्त हैं । बहुरि रमणीक हैं ॥ ३३६ ॥

आगै तिन विमाननिका व्यास अर बाहुल्य दोय गाथानिकरि कहै हैं;—

जोयणमेकट्टिकए छप्पण्णठदाल चंद्रविवासं ।
सुक्कगुरिदरतियाणं कोसं किंचूणकोस कोसद्धं ॥ ३३७ ॥
योजनं एकषष्ठिकृते षट्पंचाशदष्टचत्वारिंशत् चंद्रविव्यासौ ।
शुक्रगुर्वितरत्रयाणां क्रोशः किंचिदूनक्रोशः क्रोशार्धम् ॥ ३३७ ॥

अर्थ—एक योजनका इकसिठ भाग करिए तहां छप्पन भाग प्रमाण तो चन्द्रमाके विमानका व्यास है । बहुरि अठतालीस भाग प्रमाण सूर्यके विमानका व्यास है । बहुरि शुक्रका एक कोश, बृहस्पतिकां किंचित उन एक कोश, इंतर तीन बुध मंगल शनैश्वर इनका आध कोश प्रमाण विमान व्यास जाननां ॥ ३३७ ॥

कोसस्स तुरियमवरं तुरियहियकमेण जाव कोसोत्ति ।
ताराणं रिक्खाणं कोसं वहलं तु वासद्धं ॥ ३३८ ॥
क्रोशस्य तुरीयमवरं तुर्याधिकक्रमेण यावत् क्रोश इति ।
ताराणां ऋक्षाणां क्रोशं बाहुल्यं तु व्यासार्धम् ॥ ३३८ ॥

अर्थ—तारानिका विमाननिका जघन्य व्यास कोशका चौथा भाग प्रमाण है । बहुरि चौथाई अधिक एक कोश पर्यंत जाननां । तहां आध कोश पाणै कोश प्रमाण मध्यम व्यास

जाननां । एक कोश प्रमाण उत्कृष्ट व्यास जाननां । बहुरि शेष जे नक्षत्र तिनका विमान व्यास एक कोश प्रमाण जाननां । बहुरि, सर्व विमाननिका बाहुल्य कहिए, मोटाईका प्रमाण सो अपने अपने व्यासते आधा जाननां ॥ ३३८ ॥

आर्गैः राहु केतु ग्रहणिका विमान व्यास वा तिनका कार्य वा तिनका अवस्थानकां दोय गायानिकारि कहै हैं;—

राहुअरिष्टविमाणा किंचुणं जोयणं अधोगंता ।
छम्मासे पव्वते चंद्रवी छादयंति क्रमे ॥ ३३९ ॥
राहुरिष्टविमानौ किंचिदूनौ योजनं अधोगंतारौ ।
पण्मासे पव्वते चंद्रवी छादयतः क्रमेण ॥ ३३९ ॥

अर्थ—राहु अर अरिष्ट कहिए केतु इन दोऊनिके विमान किछू घाटि एक योजन प्रमाण है । बहुरि ते विमान क्रम करि चंद्रमा अर सूर्यका विमानके नीचे गमन करै हैं । बहुरि छह मास भए पर्वका अंतविषे चंद्रमा सूर्यका आछादे है । राहु तौ चंद्रमाका आछादे है, केतु सूर्यका आछादे है याका ही नाम ग्रहण कहिए हैं ॥ ३३९ ॥

राहुअरिष्टविमाणधयादुवरि पमाणअंगुलचउकं ।
गंतूणं ससिविमाणा सूरविमाणा क्रमे होंति ॥ ३४० ॥
राहुरिष्टविमानवज्रादुपरि प्रमाणांगुलचतुष्कम् ।
गत्वा शशिविमानाः सूर्यविमाना क्रमेण भवंति ॥ ३४० ॥

अर्थ—राहु अर केतुके विमाननिका जो वज्रा दंड ताके ऊपरि चारि प्रमाणांगुल जाइ क्रम करि चंद्रमाके विमान अर सूर्यके विमान हैं । राहु विमानके ऊपरि चंद्रमा विमान है केतु विमानके ऊपरि सूर्य विमान हैं ॥ ३४० ॥

आर्गै चंद्रादिकनिकै किरणनिका प्रमाण कहै हैं;—

चंद्रिण वारसहस्सा पादा सीयल खरा य सुके तु ।
अड्ढाइज्जसहस्सा तिब्बा सैसा हु मंदकरा ॥ ३४१ ॥
चंद्रेनयोः द्वादशसहस्राः पादाः शीतलाः खराश्च शुके तु ।
अर्धतृतीयसहस्राः तीव्राः शेषा हि मंदकराः ॥ ३४१ ॥

अर्थ—चंद्रमा अर सूर्य इनके वारह वारह हजार किरण हैं । तहां चंद्रमाके किरण शीतल हैं सूर्यके किरण खर कहिए तीक्ष्ण हैं । बहुरि शुक्र है ताके अठ्ठाई हजार किरण हैं ते तीव्र कहिए प्रकाश करि उज्जल हैं । बहुरि अवशेष ज्योतिर्पा मंदकरा कहिए मंद प्रकाश संयुक्त है ॥ ३४१ ॥

आर्गै चंद्रमाका मंडलकी वृद्धि हानिका अनुक्रमकं कहै हैं;—

चंदो णियसोलसमं किण्हो सुक्को य पण्णरादिणोत्तिं ।
हेट्ठिण्ण णिच्च राहुगमणविसेसेण वा होदि ॥ ३४२ ॥

चंद्रो निजषोडशं कृष्णः शुक्लश्च पंचदशदिनांतम् ।

अधस्तनं नित्यं राहुगमनविशेषेण वा भवति ॥ ३४२ ॥

अर्थ—चन्द्रमण्डल है सो अपना सोलहवां भाग प्रमाण कृष्ण अर शुक्ल पंद्रह दिन पर्यंत हो है । भावार्थ—चन्द्रविमानका जो सोलह भागविषै एक एक भाग एक एक दिनविषै कृष्णपक्षविषै तो श्यामरूप होइ अर शुक्लपक्षविषै श्वेतरूप होइ स्वयमेव पंद्रह दिन पर्यंत परिनमें है । तहां चन्द्रमाका विमानका क्षेत्र योजनका छप्पन इकसठिवां भाग प्रमाण $\frac{५६}{६९}$ है तो एक कलाका केता होइ । ऐसे ताकों सोलहका भाग दिएं आठ करि अपवर्त्तन किएं एक योजनका एकसौ बाईस भाग करि तामें सात भाग प्रमाण एक कलाका प्रमाण आंयां $\frac{७}{१३३}$ बहुरि एक कलाका इतना $\frac{७}{९}$ प्रमाण होइ तो सोलह कलानिका केता होइ ऐसे दोयका अपवर्त्तन करि गुणें छप्पन इकसठिवां भाग प्रमाण आवै । बहुरि अन्य कोई आचार्यनिके अभिप्रायकरि चंद्रविमानके नीचे राहुविमान गमन करै है तिस राहुका सदा काल ऐसा ही गमन विशेष है जो एक एक कला चंद्रमाकी क्रमते आछादे वा उघाडै है तिहकरि वृद्धि हानि है ॥ ३४२ ॥

आगैं चन्द्रादिकनिके विमानके वाहक कहिये चलावनेवाले देव तिनका आकार विशेष वा तिनकी संख्या कहैं हैं;—

सिंहगयवसहजडिलस्सायारसुरा वहंति पुन्वादि ।

इंदुरवीणं सोलससहस्समद्धद्धमिदरतिये ॥ ३४३ ॥

सिंहगजवृषभजटिलाश्वाकारसुरा वहंति पूर्वादिम् ।

इंदुरवीणां षोडशसहस्राणि तदर्धार्धक्रममितरत्रये ॥ ३४३ ॥

अर्थ—सिंह हाथी वृषभ जटिलरूप आकारकों धारि देव हैं ते विमाननिकों पूर्वादि दिशानि प्रति वहंति कहिए लेइ चालैं हैं । ते देव चन्द्रमा अर सूर्य इनके तौ प्रत्येक सोलह हजार हैं । बहुरि इंतारि तीनके आधे आधे हैं । तहां ग्रहनिके आठ हजार नक्षत्रनिके च्यारि हजार तारनिके दोय हजार विमान वाहक देव जाननैं ॥ ३४३ ॥

आगैं आकाशविषै गमन करते जे केई नक्षत्र तिनके दिशाभेद कहैं हैं;—

उत्तरदक्षिणउड्ढाधोमज्जे अभिजिमूलसादी य ।

भरणी कित्तिय रिक्खा चरंति अवरणमेवं तु ॥ ३४४ ॥

उत्तरदक्षिणोर्ध्वाधोमध्ये अभिजिन्मूलस्वातिश्च ।

भरणी कृत्तिका ऋक्षाणि चरंति अवरणामेवं तु ॥ ३४४ ॥

अर्थ—उत्तर १ दक्षिण १ उर्द्ध १ अधः १ मध्य १ इनविषै क्रमते अभिजित १ मूल १ स्वाति १ भरणी १ कृत्तिका १ ए पंच नक्षत्र गमन करैं हैं । अवरणं कहिए क्षेत्रांतरको प्रांत भएं जे अभिजित आदि पंच नक्षत्र तिनकी ऐसी अवस्थिति है ॥ ३४४ ॥

आगैं मेरु गिरितैं कितने दूरि कैसे गमन करैं हैं;—

इंगिवीसैयारसयं विहाय मेरुं चरंति जोङ्गणा ।

चंदतियं वज्जित्ता सैसा हु चरंति एकपहै ॥ ३४५ ॥

एकविंशैकादशशतानि विहाय मेरुं चरन्ति ज्योतिर्गणाः ।

चन्द्रत्रयं वर्जयित्वा शेषा हि चरन्ति एकपथे ॥ ३४५ ॥

अर्थ—इकईस अधिक ग्यारहसै योजन मेरुको छोड़ि ज्योतिषीसमूह गमन करै हैं ।

भावार्थ—मेरु गिरितै ग्यारहसै इकईस योजन ऊपरै ज्योतिषी मेरुकी प्रदक्षिणारूप गमन करै हैं मेरुतै ग्यारहसै इकईस योजन पर्यंत कोऊ ज्योतिषी न पाईए है । वहुरि चन्द्रमा सूर्य ग्रह इन तीन बिना अत्र शेष सर्व्व ज्योतिषी एक पथविषै गमन करै हैं । भावार्थ—चन्द्रमा सूर्य ग्रह तौ कदाचित् कोई कदाचित् कोई परिधिरूप मार्गविषै भ्रमण करै हैं । वहुरि नक्षत्र अर तारे ए अपनां अपनां एक ही परिधिरूप मार्गविषै गमन करै हैं । अन्य अन्य मार्गविषै नाहीं भ्रमण करै हैं ॥ ३४५ ॥

अत्र जंबूद्वीपतै लगाय पुष्करार्द्ध पर्यंत चन्द्रमा सूर्यनिका प्रमाण निरूपै है;—

दो द्वोवर्गं वारस वादाल वहत्तरिंदुङ्गणसंख्या ।

पुक्खरदलोत्ति परदो अवट्टिया सच्चजोङ्गणा ॥ ३४६ ॥

द्वौ द्विवर्गं द्वादश द्वाचत्वारिंशत् द्वासप्ततिरिद्विनसंख्या ।

पुष्करदलांतं परतः अवस्थिताः सर्व्वज्योतिर्गणाः ॥ ३४६ ॥

अर्थ—दोय दोय वर्ग वारह वियालीस वहत्तरि चन्द्रमा सूर्यनिकी संख्या पुष्करार्द्ध पर्यंत है ।

भावार्थ—जंबूद्वीपविषै दोय लवण समुद्रविषै च्यारि धातुकी खंडविषै वारह कालोदकविषै वियालीस पुष्करार्द्धविषै वहत्तरि चन्द्रमा हैं । अर इतनै इतनै ही सूर्य है । वहुरि पुष्करार्द्धतै परै जे ज्योतिषी देवनिका गण है ते अवस्थित है । कदाचित् अपने अपने स्थानतै गमन नाहीं करै हैं जहां ही स्थिररूप तिष्ठै है ॥ ३४६ ॥

आगै तहां तिष्ठै हैं जु ध्रुव तारे तिनकों निरूपै हैं;—

छकदि णवतीससयं दसयसहस्सं खवार इगिदालं ।

गयणतिदुगतेवण्णं थिरतारा पुक्खरदलोत्ति ॥ ३४७ ॥

पद्भूतिः नवत्रिंशत्तं दशकसहस्रं खद्वादश एकचत्वारिंशत् ।

गगनत्रिद्विकत्रिपंचाशत् स्थिरताराः पुष्करदलांतम् ॥ ३४७ ॥

अर्थ—छहकी कृति ३६ अर गुणतालीस अधिक सौ १३९ अर दश अधिक हजार

१०१० अर विदी वारह इकतालीस ४११२० अर विदी तीन दोय तरेपन ५३२३० इतने पुष्करार्द्ध पर्यंत स्थिर तारे हैं । भावार्थ—जंबूद्वीपविषै छत्तीस लवण समुद्रविषै एक सौ गुणतालीस धातुकी खंडविषै एक हजार दश कालोदकविषै इकतालीस हजार एकसौ बीस पुष्करार्द्धविषै तरेपन हजार दोयसै तीस ध्रुव तारे हैं । ते कवहुँ अपने स्थानतै गमन नाहीं करै हैं । जहांके तहां स्थिररूप रहै हैं ॥ ३४७ ॥

आगै ज्योतिषी समूहनिके गमनका क्रम विचारै हैं;—

सगंसगजोङ्गणद्धं एके भागमिह दीवउवहीणं ।

एके भागे अद्धं चरन्ति पतिक्रमेणैव ॥ ३४८ ॥

स्कककीयज्योतिर्गणार्धं एकस्मिन् भागे द्वीपोदधीनाम् ।

एकस्मिन् भागे अर्धं चरन्ति पंक्तिक्रमेणैव ॥ ३४८ ॥

अर्थ—अपनां अपनां ज्योतिषी गणका अर्द्धं तो द्वीप समुद्रनिका एक भागविषै अर अर्द्ध एक भागविषै पंक्तिका अनुक्रम करि विचरै हैं । भावार्थ—जिह द्वीप वा समुद्रविषै जेते ज्योतिषी हैं तिनविषै आधे ज्योतिषी तौ तिह द्वीप वा समुद्रका एक भागविषै गमन करै हैं आधे एक भाग विषै गमन करै हैं । ऐसे पंक्ति लिए गमन जाननां ॥ ३४८ ॥

आगै मानुषोत्तर पर्वततै परे चंद्रमा सूर्यनिके अवस्थानका अनुक्रम रूपै है;—

मणुसुत्तरसेलादो वेदियमूलादु दीवउवहीणं ।

पण्णाससहस्सेहि य लक्खे लक्खे तदो वलयं ॥ ३४९ ॥

मानुषोत्तरशैलात् वेदिकामूलात् द्वीपोदधीनाम् ।

पंचाशत्सहस्रैश्च लक्षे लक्षे ततो वलयं ॥ ३४९ ॥

अर्थ—मानुषोत्तर पर्वततै परै अर द्वीप समुद्रनिका वेदीनिके परै तौ पचास हजार योजन जाइ प्रथम वलय है । बहुरि तिस प्रथम वलयतै परै लाख लाख योजन परै जाइ द्वितीयादिक वलय है । भावार्थ—मानुषोत्तर पर्वततै पचास हजार योजन व्यास परै जो परिधि सो बाह्य पुष्करार्द्ध द्वीपका प्रथम वलय है । तिह परै एक लाख योजन व्यास जाइ जो परिधि सो दूसरा वलय है ऐसै लाख लाख योजन व्यास जाइ जो परिधि सो वलय जाननां । बहुरि पुष्कर द्वीपकी अंत वेदिकाके परै पचास हजार योजन व्यास जाइ जो परिधि सो पुष्कर समुद्रका प्रथम वलय है । तातै परै लाख योजन व्यास जाइ जो परिधि सो द्वितीय वलय है । ऐसे लाख लाख योजन व्यास परै जाइ जो परिधि सो वलय जाननां । ऐसै ही अन्य द्वीप समुद्रनिविषै वलय जाननां ॥ ३४९ ॥

आगै तिन वलयनविषै तिष्ठते जे चन्द्रमा सूर्य तिनकी संख्या कहै हैं;—


दीवद्धपहमवलये चउदालसयं तु वलयवलयेषु ।

चउचउवड्डी आदी आदीदो दुगुणदुगुणकमा ॥ ३५० ॥

द्वीपार्धप्रथमवलये चतुश्चत्वारिंशच्छतं तु वलयवलयेषु ।

चतुश्चतुर्द्वयः आदिः आदितः द्विगुणद्विगुणक्रमाः ॥ ३५० ॥

अर्थ—मानुषोत्तर पर्वततै बाह्यस्थित जो पुष्करार्ध ताका प्रथम वलयविषै एक सौ चवालीस है । भावार्थ—जो मानुषोत्तर पर्वत परे पचास हजार योजन परे जाइ जो परिधिविषै एक सौ चवालीस चन्द्रमा एक सौ चवालीस सूर्य है । ऐसै ही द्वितीयादि वलय वलयविषै च्यारि च्यारि वधती चन्द्रमा सूर्य जाननें । १४८। १५२।१५६।१६०।१६४।१६८।१७२ । बहुरि उत्तरोत्तर द्वीप वा समुद्रका आदिविषै पूर्वं पूर्वं द्वीप वा समुद्रका आदितै दूणे दूणे क्रमतै जाननें । जैसे पुष्करार्द्धका आदिविषै एकसौ चवालीस, तातै दूणें पुष्कर समुद्रका आदि विषै हैं, तातै द्वितीयादि वलयविषै च्यारि च्यारि वधती हैं । ऐसे ही सर्वत्र जानने ॥ ३५० ॥



आगें तिस तिस वलयविषै तिष्ठते चन्द्रमातै चंद्रमाका अंतराल सूर्यतै सूर्यका अंतराल परिधि विषै कहै हैं;—

सगसगपरिधिं परिधिगरविंदुभजिदे दु अंतरं होदि ।

पुस्समिह सन्वसूरट्टिया हु चंदा य अभिजिम्हि ॥ ३५१ ॥

स्वकस्वकपरिधिं परिधिगरवींदुभक्ते तु अंतरं भवति ।

पुष्ये सर्वसूर्याः स्थिता हि चंद्राश्च अभिजिति ॥ ३५१ ॥

अर्थ—अपनां अपनां सूक्ष्म परिधिकों परिधिविषै प्राप्त जे चन्द्र वा सूर्य तिनके प्रमाणका भाग दिएं अंतराल हो है । तहां प्रथम जंबूद्वीपतै लगाय दोऊ तरफका अम्यन्तर द्वीप समुद्रनिका वा वलयनिका व्यास मिलाएं बाह्य पुष्करार्धका प्रथम वलयका सूची व्यास छियालीस लाख योजन हो है । मानुपोत्तर पर्वतका सूची व्यास पैतालीस लाख योजन ताभै दोऊ तरफका वलयका व्यास पचास हजार योजन मिलाएं छियालीस लाख योजन हो है । याका 'विष्कंभवग्गदहगुण' इत्यादि करणसूत्रकरि सूक्ष्म परिधिविषै एक कोड़ि पैतालीस लाख छियालीस हजार च्यारि योजन प्रमाण होइ ताकों परिधिविषै प्राप्त सूर्य वा चन्द्रमाका प्रमाण एक सौ चवालीस ताका भाग दिएं एक लाख एक हजार सतरह योजन अर गुणतीस योजनका एक सौ चवालीसवां भाग प्रमाण १०१० १७ $\frac{३३३}{१०००}$ सूर्यतै सूर्यका चन्द्रतै चन्द्रका अंतराल परिधिविषै विवसहित जाननां बहुरि विव जो चंद्र वा सूर्यका मंडल तीह विना अंतराल ल्याइये है जो विवसहित अंतरालविषै योजन थे तिनमें सौ एक घटाइए १०१०१६। बहुरि तिस एक योजनकों गुणतीसका एकसौ चवालीसवां भाग सहित समछेद विधान करि जोड़िए तब $३ \frac{२९}{३४} \frac{१४४}{१४४} \frac{२९}{१४४}$ एकसौ तहेत्तरिका एकसौ चवालीसवां भाग होइ तामें चन्द्रका विव छप्पनका इकसठिवां भाग सो समछेद विधान करि घटाइए $\frac{१०१}{१४४} \frac{५६}{६१}$ तब चौईसै निवासीकों सित्यासीसै चौरासीका भाग दीजिए इतना भया ऐसे करि चन्द्रमातै चन्द्रमाका विव रहित अंतराल एक लाख एक हजार सोलह योजन अर चौईसै निवासी योजनका सित्यासीसै चौरासी भागविषै एक भाग प्रमाण आया । बहुरि तीह एकसौ तहेत्तरिका एकसौ चवालीसवां भागविषै अठतालीसका इकसठिवां भाग प्रमाण सूर्यविवकों सम-छेद विधान करि घटाए छत्तीसै इकतालीसका सित्यासीसै चौरासीवां भाग आया $\frac{१०१}{१४४} \frac{६१}{६१} \frac{१०१५३}{२७८४}$ सो इतनै करि अधिक एक लाख एक हजार सोलह योजन प्रमाण सूर्यतै सूर्यका अंत-राल जाननां । ऐसे ही अन्य वलयनिविषै अंतराल ल्यावना । बहुरि सर्व वलयसंबंधी सूर्य तौ पुष्य नक्षत्रविषै स्थित है । अर चन्द्रमा अभिजित नक्षत्रविषै स्थित है । भावार्थ—सूर्यका विमान अर पुष्य नक्षत्रका विमान नीचे ऊपरि तिहै हैं । अर चन्द्रमाका विमान अर अभिजित नक्षत्रका विमान नीचे उपरि है ॥ ३५१ ॥

आगें असंख्यात द्वीप समुद्रनिविषै प्राप्त जे चन्द्रादिक तिनकी संख्या ल्यावनेकों गच्छका प्रमाण ल्यावता थका ताका कारणभूत असंख्यात द्वीप समुद्रनिका संख्याकों आठ गाथानिकरि कहै हैं;—

रज्जुदालिदे मन्दिरमज्जादो चरिमसायरतोत्ति ।

पडादि तदद्धे तस्स दु अब्भंतरवेदिया परदो ॥ ३५२ ॥

रज्जुदालिते मंदरमध्यतः चरमसागरांत इति ।

पतति तदर्थे तस्य तु अभ्यन्तरवेदिका परतः ३५२ ॥

अर्थ—राज्जुओं आधा किए मेरुका मध्यतैं लगाय अंतका सागर पर्यंत प्राप्त हो है । भावार्थ—मध्यलोक एक राज्जू है तिस एक राज्जुओं आधा करिए तत्र मेरुगिरिका मध्यतैं लगाय अंतका स्वयंभूरमण समुद्रपर्यंत एक पार्श्वविषै क्षेत्र हो हैं । बहुरि तिसकों आधा किए तिसका अभ्यन्तर वेदिकाके परै ॥ ३५२ ॥

कहा सो कहैं हैं;—

दशगुणपण्णत्तरिसयजोयणमुव्वगम्म दिस्सदे जम्हा ।

इगिलक्खहिओ एको पुव्वगसव्वुवहिदीवेहि ॥ ३५३ ॥

दशगुणपंचसप्ततिशतयोजनमुपगम्य दृश्यते यस्मात् ।

एकलक्षाधिकः एकः पूर्वगसर्वोदधिद्वीपेभ्यः ॥ ३५३ ॥

अर्थ—दश गुणां पिचहतरिसै योजन जाइ राज्जू दीसै हैं । भावार्थ—स्वयंभूरमण समुद्रकी अभ्यन्तर वेदीतैं पिचहत्तरि हजार योजन परै जाइ तिस आध राज्जुका अर्द्धभाग हो है । काहेतैं जातै सर्व्व पूर्व्व द्वीप वा समुद्रनिके व्यासकों जोड़े जो प्रमाण होइ तातैं उत्तर द्वीप वा समुद्रका व्यास एक लाख योजन अधिक हो है । सो इसहा कथनकों स्पष्ट करैं हैं—स्वयंभूरमण समुद्रका वत्तीस लाख योजन प्रमाण व्यास कल्पि करि जंबूद्वीपका आध लाख सहित सर्व्व द्वीप समुद्रनिका वलय व्यासके अंकनिकों जोड़िए ५०००० । २ ल । ४ ल । ८ ल । १६ ल । ३२ ल । तत्र कल्पना करि आप राज्जुका प्रमाण साढ़ा वासठि लाख योजन भए, बहुरि याकों आधा किए इकतीस लाख पचीस हजार योजन प्रमाण दूसरी वार आधा किया राज्जुका प्रमाण होइ तिहविषै पूर्व्वद्वीप समुद्रनिका वलय व्यास ५०००० । २ ल । ४ ल । ८ ल । १६ ल । जो जोड़े तीन लाख पचास हजार योजन प्रमाण भया । सो घटाए तिस स्वयंभूरमण समुद्रका अभ्यन्तर वेदिकातैं परै पिचहत्तरि हजार योजन समुद्रमें गए आध राज्जुका अर्ध हो है । बहुरि तीह द्वितीय वार आधा किया राज्जू प्रमाण ३१२५०० कों आधा किए पंद्रह लाख वासठि हजार पांच सै योजन तीसरी वार आधा किया राज्जुका प्रमाण हो है । तीहविषै पूर्व्व द्वीप समुद्रनिका वलय व्यास ५०००० । २ ल । ४ ल । ८ ल मिलाए साढ़ा चौदह लाख योजन भए । सो घटाए तिस स्वयंभूरमण द्वीपका अभ्यन्तर वेदिकातैं एक लाख बारह हजार पांचसै योजन परै द्वीपविषै जाइ तृतीयवार आधा किया हुवा राज्जू क्षेत्रका प्रमाण हो है ऐसैही पूर्व्व पूर्व्वकों आधा करि तीहविषै पूर्व्व द्वीप समुद्रनिका वलय व्यास घटाए जो जो प्रमाण रहै तितनां तितनां तिस तिस द्वीप वा समुद्रकी अभ्यन्तर वेदिकातैं परै जाइ चतुर्थवार आदि आधा किया राज्जू क्षेत्रका प्रमाण जाननां ॥ ३५३ ॥

पुणरवि छिण्णे पच्छिमदीव्वम्भंतरिमवेदियापरदो ।

सगदलज्जुदपण्णत्तरिसहस्समोसरिय णिवडादि सा ॥ ३५४ ॥

पुनरपि छिन्नायां पश्चिमद्वीपाम्भ्यंतरवेदिकापरतः ।

स्वदल्युतपंचसप्ततिसहस्रमपसृत्य निपतति सा ॥ ३५४ ॥

अर्थ—बहुरि भी दूसरी बार छिन्न कहिए आधा किया राजू ताकों आधा किए ताके पीछे जो द्वीप ताकी अभ्यन्तर वेदिकातै परै अपना आधा साठा सैतीस हजार करि संयुक्त पिचहत्तरि योजन परै जाइ सो राजू पड़ै है । संदृष्टि—द्वितीय बार छिन्न राजूका प्रमाण इकतीस लाख पचीस हजार योजन ताका आधा किए पंद्रह लाख बासठि हजार पांचसै योजन होत संतै स्वयंभू रमणतै पाछला स्वयंभू रमण द्वीप ताकी अभ्यन्तर वेदिकातै परै तिस द्वीपविषै अपनां आधा करि अधिक पिचहत्तरि हजारके भए एक लाख बारह हजार पांचसै सो इतनें योजन जाइ सो राजू पड़ै है ॥३५४॥

अर्द्ध चतुर्थ अष्टमादि राजूके अंश किए जहां जहां मध्य क्षेत्र होइ तहां तहां राजूका पड़ना कहिए है;—

दलित्ते पुण तदणंतरसायरमज्झंतरत्थवेदीदो ।

पढादि सदलचरणण्णिदपण्णत्तरिदससयं गत्ता ॥ ३५५ ॥

दलित्ते पुनः तदनंतरसागरमध्यांतरत्थवेदीतः ।

प्रतति स्वदलचरणान्वितपंचसप्ततिदशशतं गत्वा ॥ ३५५ ॥

अर्थ—बहुरि ताकों आधा किए ताके अनंतरि अहीन्द्रवरनामा समुद्रकी अभ्यन्तर वेदिका-तै परे अपनां आधा अर चौथाई करि संयुक्त पिचहत्तरि दश सैकड़ों प्रमाण योजन जाइ सो राजू पड़ै है । संदृष्टि—तीसरी बार आधा किया खंड पंद्रह लाख बासठि हजार पांचसै १५६२५०० ताकों आधा किए सात लाख इक्यासी हजार दोयसै पचास योजन होत संते तिस स्वयंभूरमण द्वीपके अनंतरि अहीन्द्रवरनामा समुद्र ताका अभ्यन्तर तटतै परै तिस समुद्रविषै पिचहत्तरि दश सैकड़ाका पिचहत्तरि हजार भए ताका आधा साढासै तीस हजार अर चौथाई पौणा उगणीस हजार इनकों मिलाए एक लाख इकतीस हजार दोयसै पचास १३१२५० भए । सो इतनें योजन जाइ सो राजू पड़ै है ॥ ३५५ ॥

इदि अब्भन्तरतटदो सगदल्लुरियद्धमादिसंजुत्तं ।

पण्णत्तरिं सहस्सं गंतूण पडोदि सा ताव ॥ ३५६ ॥

इति आभ्यन्तरतटतः स्वकदल्लुर्याष्टमादिसंयुक्तम् ।

पंचसप्ततिसहस्रं गत्वा पतति सा तावत् ॥ २५६ ॥

अर्थ—ऐसेही अभ्यन्तर तटतै अपनां अर्द्ध चौथा भाग आठवां भाग आदि संयुक्त पिचह-त्तरि हजार योजन जाइ जाइ सो राजू तावत् पड़ै है । तहां चौथीवार आधा किए अहीन्द्रवर नाम द्वीपका अभ्यन्तर तटतै अपनां आधा ३७५००० चौथाई १८७५० अष्टमांस ९३७५ करि संयुक्त पिचहत्तरि ७५००० हजार योजन ४०६२५ जाइ एक पड़ै है बहुरि पांचई वार आधा किए तातै पिछला समुद्रकी अभ्यन्तर वेदीतै अपनां आधा चौथाई अष्टमांश सोलहवां अंश करि संयुक्त पिचहत्तरि हजार योजन परै जाइ राजू पड़ै है, बहुरि छठीवार आधा किए तिस समुद्रतै

पिछला द्वीपकी अभ्यन्तर वेदीतैं अपना अर्द्ध चौथाई आठवां सोलवां वत्तीसवां भाग संयुक्त पिच-हंत्तरि हजार योजन परै जाइ राजू पडै है ऐसेही पूर्व्व जेता अधिक होइ तातैं आधा आधा अधि-कका अनुक्रम करि पिछला समुद्र वा द्वीपकी अभ्यन्तर वेदीतैं परै जाइ सो राजू पडै है। तहां आधा आधाका अनुक्रम करि जहां एक योजनका अधिकपणा उवरै तहां पर्यंत पिचहत्तरि हजारके अर्द्ध-छेद सतरह हो हैं। व्हुरि तहां पीछे उवर्या जो एक योजन ताके अंगुल करिए तत्र सात लाख अड़सठि हजार होंहिं तिनका आधा आधा क्रम करि एक अंगुल उवरै तहां पर्यंत उगणीस अर्द्ध-छेद हो है। तिन सर्व्व छेदनिकों मिलाय ताका नाम संख्यात किया। व्हुरि उवर्या था एक अंगुल ताके प्रदेश करि आधा आधा अनुक्रम लिए अधिक करतैं सूच्यंगुलके अर्द्धछेदनिका जो प्रमाण तितनी वार भए एक प्रदेशका अधिकपणा आनि रहै सो संख्यात अर सूच्यंगुलका अर्द्धछेद मिलाय संखेजरूपसंजुद इत्यादि गाथा कहैं हैं ॥ ३५६ ॥

संखेजरूपसंजुदसूईअंगुलच्छिदिप्पमा जाव ।

गच्छंति दीवजलही पडादि तदो साद्धलक्खेण ॥ ३५७ ॥

संख्येयरूपसंयुतसूच्यंगुलछेदप्रमा यावत् ।

गच्छंति द्वीपजलघयः पतति ततः सार्धलक्षेण ॥ ३५७ ॥

अर्थ—संख्यातरूप करि संयुक्त ऐसे सूच्यंगुलके अर्द्धछेदनिका जो प्रमाण यावत् होइ तावत् ते द्वीप समुद्र पूर्व्वोक्त अनुक्रम करि अभ्यन्तर वेदीतैं परै जाइ राजूका पतनरूप क्षेत्रकों प्राप्त हो है। तहां पीछे सर्व्व द्वीप समुद्रनिविपै ड्यौढ़ लाख १५०००० योजन परैं अभ्यन्तर वेदीतैं परैं जाइ राजू पडै है। कैसे सो कहिए है। अंतघणं गुणगुणियं आदिविहीणं रूज्जुत्तर-भजियं इस करणसूत्र करि अन्तका धन पिचहत्तरि हजार ताकों गुणकार दिय करि गुणें ड्यौढ़ लाख भए तिनमें आदिका प्रमाण एक प्रदेश घटाइए अर एक घाटि गुणकारका प्रमाण एक ताका भाग दीजिए तत्र एक प्रदेश घाटि ड्यौढ़ लाख योजन प्रमाण भए। सो संख्यात सहित सूच्यंगुलका अर्द्धछेदप्रमाण द्वीप समुद्र भए। अन्तविपै अभ्यन्तर वेदीतैं इतने परैं जाइ राजू पडै है। व्हुरि आधा आधाकी अर्थसंदृष्टि ऐसी—

७५००० ७५००० ७५००० ००० २ २ २०००४ २। १
 २ २५ २ २२

विषै पहले तौ पिचहत्तरि हजार तै लगाइ आधे आधे किए आधा करनेकों दियका भागहार जानना, ताके आधा करनेकों तिस भागहारकों दियका गुणकार जानना। व्हुरि मध्यभेदनिके ग्रहण निमित्त वीचि विंदी जाननी। व्हुरि आगे सूच्यंगुलतैं लगाय आधा आधा क्रम जानना व्हुरि मध्य भेदनिके ग्रहण निमित्त वीचि विंदी जाननी। व्हुरि आगे सूच्यंगुलतैं लगाय आधा आधा क्रम जानना। सूच्यंगुलकी सहनानी दियका अंक जानना व्हुरि मध्य भेदनिके ग्रहण निमित्त वीचि विंदी जाननी। व्हुरि आगे च्यारि दिय एक प्रदेश जाननें ऐसे आधा आधाका प्रमाण जानना। ऐसे पूर्व्व पूर्व्व प्रमाणतैं उतर उतर प्रमाण अधिक करनां। व्हुरि अंक संदृष्टि कर जैसे चौंसठितैं लगाय एक पर्यंत आधा आधा करिये इहां जाननी। ६४।३२।१६।८।४।२।१ ऐसे

ज्योद लाख ज्योद लाख योजनका क्रम करि लवण समुद्र पर्यंत असंख्यात द्वीप समुद्रनिकों जाइ करि ॥ ३५७ ॥

कहा सो कहैं हैं;—

लवणे दु पडिदेकं जंवूए देज्जमादिमा पंच ।

दीउदही मेरुसला पयडुवजोगी ण छवेदे ॥ ३५८ ॥

लवणे द्विः पतितः एकं जंत्रौ देहि आदिमाः पंच ।

द्वीपोदधयः मेरुशलाः प्रकृतोपयोगिनः न पट् चैते ॥ ३५८ ॥

अर्थ—लवण समुद्रविषैं दोय अर्द्ध छेद पडैं है । कैसे? राजूकों आधा आधा करतैं जहां दोय लाखका अर्द्ध छेद करिए तव सतरह १७ वार भएँ एक योजन उवरै बहुरि एक योजन उवरै । बहुरि एक योजनके अंगुल सात लाख अडसटि हजार तिनके अर्द्धछेद करिए तव उगणीस वार भएँ एक अंगुल उवरै । बहुरि राजूका अर्धछेद किएँ प्रथम अर्द्धछेद मेरुकै मध्य पड्या सो ऐसे सतरह उगणीस एक अर्द्धछेद मिलि संख्यात अर्द्धछेद भए । बहुरि एक अंगुल उवस्या था सो वह सूच्यंगुल है । सो सूच्यंगुलके अर्द्धछेद इतने छेछे । इहां पत्यके अर्द्धछेदनिका वर्ग प्रमाण सूच्यंगुलके अर्धछेद जानने । इनकों मिलाए संख्यात अधिक सूच्यंगुलके अर्द्धछेद प्रमाण एक लाख योजनके अर्द्धछेद भए तिनकी सहनानी ऐसी उ. इहां संख्यात अधिककी सहनानी ऊपरि ऐसे छेछे

१ जाननी । इतने अर्द्धछेदनिविषैं अपनयन त्रैराशिक विधि करि घटाएँ जो प्रमाण आर्थं तितनी द्वीप समुद्रनिकी संख्या जाननी । अपनयन त्रैराशिक विधि कैसेँ सो कहैं हैं । राजूका अर्द्धछेद इतने कहे उ तहां पत्यके अर्द्धछेदनिका असंख्यातवां भाग प्रमाण तौ गुण्य जाननां छे बहुरि पत्यके छेछेछे ३

अर्द्धछेदनिका वर्ग तिगुणा सो गुणकार जाननां । छे छे ३ तहां जो इतने छेछे ३ गुणकारकों देखि करि गुणकार प्रमाण राशि घटावनेकों गुण्यविषैं एक घटाइए तौ इतना १ घटावनेके अर्थं छेछे

गुण्यमें कितना घटाइये ऐसेँ त्रैराशिक करिए तहां प्रमाण राशि ऐसा छेछे ३ फलराशि १ इच्छा राशि ऐसा १ फल करि इच्छाकों गुणि प्रमाणका भाग दीजिए तहां भाज्य राशि अर भागहार छेछे

राशि दोऊनिविषैं पत्य अर्द्धछेदनिका वर्ग ऐसा छेछे तिनकों समांन देखि भागहारविषैं उवर्या तीनका अंक ताका भाज्यविषैं असंख्यात उवरे तीह करि साधिक एककों भाग दीजिए । इतनां गुण्यविषैं घट्या । ऐसेँ करि अपनां साधिक एकका तीसरा भाग करि हीन पत्यका अर्द्ध छेदनिका असंख्यातवां भाग प्रमाण गुण्यको पत्यका अर्द्धछेदनिका वर्ग अर तीन करि गुणें जो प्रमाण होइ इतने सर्व्व द्वीप समुद्र हैं तिनकी सहनानी ऐसे छे छे छे ३ इहां साधिक तृतीय भाग घटावनेकी

सहनानी ऐसी ।) जाननी इनविषे आघे द्वीप आघे समुद्र जानने ७) ऐसै द्वीप समुद्रनिका
३ १

संख्या कहि अब जाका अधिकार है ताकों कथनविषे जोडै है । जंबूद्वीप लाख योजन प्रमाण तासौं लाख योजन रहै । तहां लवण समुद्रका अम्यन्तर तटतैं ज्योड लाख योजन परैं लवण समुद्र-विषे जाइ अर्द्ध पडै है । ऐसैं दो बहुरि ताका आघा लाख योजन भएँ लवण समुद्रका अम्यन्तर तटतैं पचास हजार योजन परैं जाइ अर्द्धछेद पडै है ऐसैं दोइ अर्द्धछेद जानने । बहुरि तहां एक जंबूद्वीपकूं देहु । भावार्थ— दोय अर्द्ध छेदनविषे एक अर्द्धछेद तो लवण समुद्रका गिनना । अर एक अर्द्ध विषे पचास हजार योजन जंबूद्वीपके मिलाएँ लाख योजन होइ सो इस अर्द्धछेदको जंबूद्वीपहीका गिनना ऐसे ए अर्द्धछेद कहे । बहुरि इन अर्द्धछेदनविषे आदिके जंबूद्वीपादि पांच द्वीप समुद्र संबंधी पांच अर्द्धछेद अर मेरुशलाका कहिए राजूको आघा करतें प्रथम अर्द्धछेद कहा सो ऐसै ए छह अर्द्धछेद इहां अधिकाररूप ज्योतिपी विननिका प्रमाण ल्यावनेविषे उपयोगी कार्यकारी नहीं जातैं तीन द्वीप दोय समुद्रनिके विननिका प्रमाण जुदा ग्रहण करैगे तातैं पांच अर्द्धछेद तो ए कार्यकारी नहीं अर मेरुशलाका रूप प्रथम अर्द्धछेदनविषे कोई द्वीप समुद्र आया नहीं तातैं सो कार्यकारी नहीं ऐसे छह अर्द्धछेद आगैं घटावैगे ॥ ३५८ ॥

कहां सो कहैं हैं,—

तियहीणसेद्विछेदणमेत्तो रज्जुच्छिदी हवे गच्छो ।

जंबूदीवच्छिदिणा छरूपजुत्तेण परिहीणो ॥ ३५९ ॥

त्रिकर्हानश्रेणिछेदनमात्रः रज्जुछेदः भवेत् गच्छः ।

जंबूद्वीपछेदेन षड् रूपयुक्तेन परिहीनः ॥ ३५९ ॥

अर्थ—तीन घाटि जगच्छ्रेणीका अर्द्धप्रमाण एक राजूके अर्द्धछेद हैं । तिनमें जंबूद्वीप लाख योजन प्रमाण ताके अर्द्धछेद छह अर्द्धछेदनिके करि संयुक्त घटाएँ ज्योतिपी विननिका संख्या ल्यावनेविषे गच्छका प्रमाण हो है । तहां जगच्छ्रेणी अर्द्धछेद इतने हैं छे छे छे ३ इहां पत्यके

अर्द्धछेदनिका सहनानी ऐसी छे अर नीचे असंख्यातकी सहनानी ऐसी ७ ताका भागहार जानना । बहुरि आगैं पत्यके अर्द्धछेदनिका वर्गका गुणाकी सहनानी ऐसी छे छे छे ३ ताका गुणकार जानना । बहुरि इनमें तीन अर्द्धछेद घटाएँ राजूके अर्द्धछेद होहिं जातैं जगच्छ्रेणीके सातवें
५
भाग राजू है । सो सातके तीन अर्द्धछेद होहिं ताकी सहनानी ऐसी छे छे छे ३ इहां ऊपरि घटा-

वनेकी सहनानी ऐसी उ जाननी बहुरि इन अर्द्धछेदनिका प्रमाणविषे जंबूद्वीपके अम्यन्तर पचास हजार योजन अर बाह्य पचास हजार योजन मिलि एक लाख योजन प्रमाण जंबूद्वीप संबंधी अर्द्ध-छेद कहा था सो इन लाख योजननिके अर्द्धछेद घटाइए । तहां एक लाखके अर्द्धछेद तिनमें छह

करिए तत्र सत्रह १७ वार भए एक योजन उवरै । बहुरि एक योजनके अंगुल सात लाख अडसठि हजार तिनके अर्धच्छेद करिए तत्र उगणीस वार भए एक अंगुल उवरै । बहुरि राजूका अर्धच्छेद कीए प्रथम अर्धच्छेद मेरुके मध्य पड्या सो ऐसैं सत्रह उगणीस एक अर्धच्छेद मिलि संख्यात अर्ध-च्छेद भए । बहुरि एक अंगुल उवर्या था सो वह सूच्यंगुल है । सो सूच्यंगुलके अर्धच्छेद इतने छे । इहां पत्यके अर्धच्छेदनिका वर्गप्रमाण सूच्यंगुलके अर्धच्छेद जाननें । इनकों मिलाए संख्यात अधिक सूच्यंगुलके अर्धच्छेद प्रमाण एक लाख योजनके अर्धच्छेद भए । तिनकी सहनानी ऐसी छे । इहां संख्यात अधिककी सहनानी उपरि ऐसी ? जाननी । इतने अर्धच्छेद राजूके अर्धच्छेदनि-विषैं अपनयन त्रैराशिक विधि करि घटाए जो प्रमाण आवै तितनी द्वीप समुद्रनिकी संख्या जाननी । अपनयन त्रैराशिक विधि कैसैं ? सो कहैं हैं—राजूके अर्धच्छेद इतने कहे १ छे छे छे ३ तहां पत्यके अर्धच्छेदनिका असंख्यातवां भाग प्रमाण तौ गुण्य जाननां छे । बहुरि पत्यके अर्धच्छेदनिका वर्ग तिगुणा सो गुणकार जानना छे छे ३ । इहां जो इतने छे छे ३ गुणकारकों देखि करि गुण-कार प्रमाण राशि घटावनेकों गुण्यविषैं एक घटाइए तौ इतना घटावनेके अर्थि गुण्यमेंसो कितना घटाइए ऐसैं त्रैराशिक करिए । तहां प्रमाण राशि ऐसा छे छे ३ फलराशि एक १ इच्छा राशि ऐसा छे छे । फल करि इच्छाकों गुणि प्रमाणका भाग दीजिए, तहां भाज्यराशि अर भागहार राशि दोऊनिविषैं पत्यका अर्धच्छेदनिका वर्ग ऐसा छे छे । तिनकों समान देखि भागहार विषैं उवर्या तीनका अंक ताका भाज्यविषैं संख्यात उवरे तीहकरि साधिक एककों भाग दीजिए, इतना गुणविषैं घट्या । ऐसैं करि साधिक एकका तीसरा भाग करि हीन पत्यका अर्धच्छेदनिका असंख्या-तवां भाग प्रमाण गुण्यकों पत्यका अर्धच्छेदनिका वर्ग अर तीनिकरि गुणें जो प्रमाण होइ तामैं तीन घटाइए । इतनें सर्वद्वीप समुद्र हैं । तिनकी सहनानी ऐसी छे छे ३ । इहां साधिक तृतीय भाग घटावनेकी सहनानी ऐसी ३ जाननी । इन विषैं आधे द्वीप आधे समुद्र जाननें । ऐसैं द्वीप समुद्रनिकी संख्या कहि अत्र जाका अधिकार है ताकों कथन विषैं जोडैं हैं । जंबूद्वीप लाख योजन प्रमाण ताके अर्धच्छेद तिनमें छह अर्द्धच्छेद और मिलाइए, इनकों जोड़ि जो प्रमाण होइ तिनमें अर्द्धच्छेद राजूके अर्द्धच्छेदनिस्यो घटाए जो प्रमाण होइ तितनां सर्व द्वीप समुद्र संबधी चंद्र सूर्यादिकनिके प्रमाण ल्यावनेकों गच्छका प्रमाण जाननां भावार्थ—यहु पूर्वे द्वीपसमुद्रनिकी संख्या कही तामैं छह घटाए इहां गच्छका प्रमाण हो है ॥ ३५९ ॥

आगैं तिन ज्योतिपी त्रिवनिकी संख्या ल्यावनेविषैं जो गछ कहा ताकी आदि कहैं हैं;—

पुक्खरसिंधुभयधनं चउघणगुणसयछहत्तरी पभओ ।

चउगुणपचओ रिणमवि अडकदिमुहमुवारि दुगुणकमं ॥ ३६० ॥

पुक्खरसिंधूभयधनं चतुर्घनगुणशतषट्सप्ततिः प्रभवः ।

चतुर्गुणप्रचयः ऋणमपि अष्टकृतिमुखमुपरि द्विगुणक्रमं ॥ ३६० ॥

अर्थ—स्थानिकनिका जो प्रमाण सो गच्छ कहिए वा पद कहिए । बहुरि गछविषैं जो पहला स्थानविषै प्रमाण सो आदि कहिए वा प्रभव कहिए वा मुख कहिए । बहुरि स्थान स्थान
त्रि. २०

प्रति जितनां जितनां बंधे सो प्रचय कहिए । बहुरि सर्व स्थानकां संबंधी वृद्धिका प्रमाण विनां जो आदि ताकाँ जोड़ें जो प्रमाण होइ सो आदि धन कहिए । बहुरि सर्व स्थानकां संबंधी वृद्धिकों जोड़ें जो प्रमाण होइ सो उत्तर धन कहिए । सो इहां पुष्कर नामा समुद्रका आदि धन अर उत्तर धन मिलाए च्यारिका धन चौसठि तीह करि गुण्या हुवा एक सौ छिहंतरी प्रमाण उभय धन हो है सो इहां प्रभव जाननां । बहुरि एक एक द्वीप वा समुद्र प्रति चौगुणा चौगुणा वधती धन है सो प्रचय जाननां । बहुरि ऋणविषै आठकी कृति चौसठि तीह प्रमाण तो मुख जाननां । बहुरि क्रमतैं द्विगुण द्विगुण वधता है सो प्रचय जाननां । ऐसे धनराशि ऋणराशिकों जानि धनराशिविषै ऋणराशिकों घटाए स्थान स्थानविषै प्रमाण जाननां । तहां पुष्कर समुद्रका आदि धन उत्तर धन कैसें ल्यावनां सो कहिए हैं—आदितैं आदि दूणा दूणा क्रमतैं कहे थे तातैं पुष्करार्द्ध द्वीपका आदि वलयविषै एक सौ चवालीस थे तिनतैं दूणे पुष्कर समुद्रका आदि वलयविषै हैं । १४४।२ सो इहां मुख जाननां । बहुरि पदहतमुखमादिधनं इस सूत्रकरि गछकरि गुण्या हुवा मुखका प्रमाण सो आदि धन है । सो इहां बत्तीस वलय हैं । तातैं गच्छका प्रमाण बत्तीस तिहकरि मुखकौं गुणें जो मुखविषै दोगका गुणकार था ताकाँ बत्तीस करि गुणि अर एकसो चवालीसकै आगैं चौसठिका गुणकार स्थापिए । १४४।६४ इतनां तौ आदि धन जाननां-बहुरि “व्येकपदार्द्ध-घ्नचयगुणो गच्छ” उत्तरधनं इस सूत्रकरि एक घाटि गछका आधा करि चयकौं गुणि ताहकरि गछकौं गुणें उत्तर धन हो है । सो इहां एक घाटि गछ इकतीस ३१ ताका आधा $\frac{३१}{२}$ करि चयका प्रमाण एक एक वलयविषै च्यारि च्यारि वधती है, तातैं च्यारिकरि गुणिए $\frac{३१}{२}$ बहुरि इनकौं गछ बत्तीसकरि गुणिए, $\frac{३१}{२}$ ४।३२।बहुरि भागहारका दूवा करि गुणकारका चौका अपवर्त्तन किएं दोग होय तीहकरि बत्तीसका गुणकार गुणें चौसठि होइ । ऐसैं इकतीसकौं चौसठि गुणां करिए ३१।६४ इतनां उत्तरधन हुवा । बहुरि इस उत्तर धनविषै चौसठि ऋण मिलावनां सो उत्तर धनविषै चौसठिका गुणकार जानि गुण्यविषै एक मिलाया तब बत्तीसकौं चौसठि गुणां करिए। इतनां उत्तरधन भया ३२।६४। इहां ऋणका मिलावनां बहुरि याहीका घटावनांसो सुगम गणित आवनेके आर्थे करिए हैं । बहुरि आदि धन अर उत्तर धनविषै गुण्य बत्तीस इनकौं मिलाइ एक सौ छिहंतरी गुण्य किया अर चौसठि गुणकार किया । ऐसे चौसठि गुणां एक सौ छिहंतरी १७६।६४ प्रमाण पुष्कर समुद्रका उभय धन सो ज्योतिर्विनिका प्रमाण ल्यावनैके आर्थे जो गछ कहा था ताका प्रभव कहिए आदि जाननां । बहुरि यातैं चौगुणां वारुणीवर द्वीपविषै धन जाननां । कैसें सो कहिए हैं । पूर्व आदितैं दूणां इहां आदि वलयविषै है सो मुख १४४।२।२ जाननां । बहुरि पदहतमुखमादिधनं इस सूत्र करि याकाँ इहां वलय चौसठि है तातैं गछका प्रमाण चौसठि तीहकरि गुणिए १४४।२।२।६४। बहुरि दोग दुवानिकों परस्पर गुणें च्यारि होइ १४४।६४।४ ऐसैं आदि धन भया । बहुरि “व्येक पदार्द्धघ्नचयगुणो गच्छः उत्तरधनं ” इस सूत्र करि एक घाटि गछ प्रमाण तरेसठि ६३ ताका आधा $\frac{६३}{२}$ कौं वलय वलय प्रति वधती प्रमाणरूप चय च्यारि करि गुणिए $\frac{६३}{२}$ । ४ बहुरि याकाँ गछ चौसठि करि गुणिए $\frac{६३}{२}$ ।४।६४ बहुरि दोगके भागहार करि च्यारिका अपवर्त्तन करि दूवाकौं

चौसठिके आगे स्थापिए ६४।६४ यामें पूर्वोक्त दूणा ऋण मिलाइये सो दूगुणां चौसठि मिलाइए ६४।२ सो दूगुणा चौसठिका गुणकार समान देखि गुण्यविषै एक मिलाइए ६४।६४।२। वहुरि सर्वत्र चौसठि गुणा एक सौ छिहंतरि करनां तातें जिह भांति वत्तीस रहै तैसें संभेदन करि चौसठि की जायगा तौ वत्तीस करिए अर दोय आगे धरिए ३२। २।६४।२ वहुरि दोय दूवानिकों परस्पर गुणि च्यारिका अंक लिखिए ३२।६४।४ ऐसे उत्तर धन होइ । वहुरि आदि धन १४४।६। ४।४ अर उत्तर धन दोऊनिकों मिलाएँ चौसठि गुणां एक सौ छिहंतरिका चौगुणा उभय धन होइ ऐसैही एक एक द्वीप वा समुद्रविषै चौगुणा चौगुणा तौ धन जाननां । अर जो उत्तर धन विषै ऋण मिलाया था सो पुष्करवर समुद्रविषै तौ ऋण आठकी कृति जो चौसठि तिह प्रमाण जाननां । अर ऊपरि दूणा परि दूणा जाननां । ऐसैं धनविषै आदि तौ चौसठि गुणा एकसौ छिहंतरि १७६।६४वहुरि उत्तर गुणकार च्यारि४ गछ पूर्वोक्त प्रमाण ऐसा छे छे छे ३ इनको ल्याइ ॥ ३६० ॥

इनका संकलनरूप धनको ल्यावताथका सर्व ज्योतिपी विवनिके प्रमाण ल्यावनेका विधान कहैं हैं;—

आणिय गुणसंकलितं किंचूणं पंचठाणसंठवियं ।

चंदादिगुणं मिलिदे जोइसर्विवाणि सव्वाणि ॥ ३६१ ॥

आनाय्य गुणसंकलितं किंचिदूनं पंचस्थानसंस्थापितम् ।

चंद्रादिगुणं मिलिते ज्योतिष्कविंवानि सर्वाणि ॥ ३६१ ॥

अर्थ—“पदमेते गुणयारे अणोणं गुणिय खवपरिहीणे । रुजणगुणेणहिए मुहेण गुणयम्मि गुणगणियं । ” इस करण सूत्रकारि गछ प्रमाण गुणकारकों परस्पर गुणि तामें एक घटाइ ताकों एक घाटि गुणकारका भाग देइ मुख करि गुणें गुणकाररूप सर्व गछके जोड़का प्रमाण हो है सो । यहां गछका प्रमाण ऐसा छे छे छे ३ सो इतनी जायगा गुणकारका प्रमाण च्यारि तातें च्यारिका अंक मांडि परस्पर गुणिए । तहां इस गछविषै उपरिका राशि ४ जगच्छेणीका अर्द्ध छेद प्रमाण ऐसा छे छे छे ३ वहुरि च्यारिकों दोयका संभेदन करिए तव दोय जायगा दोय दोय होइ २।२ तहां ‘तम्मेतदुगुणे रासी’ इस करण सूत्रके न्यायकारि तिस जगच्छेणीका अर्द्धछेद राशि छे छे छे

३ प्रमाण दूवा मांडि परस्पर गुणें जगच्छेणी होइ । वहुरि दोय दोय जायगा दोय दोय थे तातें दूसरी वार भी तैसें ही ऊपरिका राशि छे ३ छे छे ३ प्रमाण दूवानिकों परस्पर गुणें जगच्छेणी होइ और इन दोऊ जगच्छेणीनिकों परस्पर गुणें जगत्प्रतर होइ । ऐसैं ऊपरिका राशि प्रमाण गुणकारकों परस्पर गुणें तौ जगत्प्रतर भया । वहुरि नीचे ऋणरूप राशि गुण्यका साधिक तृतीय भाग मात्र था ३ तिसविषै सतरह तो लाखके अर्द्धछेद थे तिन प्रमाण दोयवार दूवानिकों परस्पर गुणें एक लक्षका वर्ग भया । १ ल १ ल । वहुरि अंगुलनिके अर्द्धछेद उगणीस थे तिन प्रमाण दोयवार दूवानिकों परस्पर गुणें सात लाख अडसठि हजारका वर्ग भया ७६८० ००।७६८००० । वहुरि सूच्यंगुलका अर्द्धछेद प्रमाण दोयवार दूवानिकों परस्पर गुणें प्रतरांगुल

भया । बहुरि छह अर्द्धछेद इहां उपयोगी न कहि घटाए थे तिन प्रमाण दोयवार दूवानिकौं परस्पर गुणें चौसठिका वर्ग होइ । बहुरि जगच्छ्रेणीका अर्द्धछेदमेंस्यौं तीन घटाएं राजूके अर्द्धछेद होहिं ऐसा कहि घटाए थे । तिन प्रमाण दोयवार दूवानिकौं मांडि परस्पर गुणें सातका वर्ग भया । ऐसैं ए सर्व अर्द्धछेद घटाए थे तिन प्रमाण दोयवार दोयका अंक मांडि परस्पर गुणें जो जो प्रमाण भया ताका भागहार जाननां । जातैं “ विरल्लिज्जमाणरासिं जेत्तियमेत्ताणि हीणरूत्ताणि । तेसिं अण्णोण्ण हदी हारो उप्पण्णरासिस्स ” ऐसा करणसूत्र पूर्वें कहि आए हैं । ऐसैं गणप्रमाण गुणकारका परस्पर गुणनां भया । बहुरि यामें एक घटाइए ताका सहनानी ऐसी बहुरि याकौं एक घाटि गुणकार तीन ताका भाग दीजिए । बहुरि मुखका प्रमाण चौसठि गुणां एकसौं छिहंतरी तीहकरि गुणिए तत्र धन राशिका जोड़ दिएं जगत्प्रतरकौं चौसठि गुणां एकसौं छिहंतरी करि गुणिए अर ताकौं प्रतरांगुलकौं सात लाख अडसठि हजारका वर्ग अर लाखका वर्ग अर चौसठिका वर्ग अर सातका वर्ग अर तीन करि गुणिए ताका भाग दीजिए तामें एक घटाइए इतना संकलित धन=१७६।६४। हो है । इहां जगत्प्रतरकी सहनानी ऐसी=प्रतरांगुलकी ऐसी ४

४।७६८०००।७६८०००।१ ल। १ ल। ६४।६४।७।७।३।

जाननीं । बहुरि ऋण राशिका संकलित धन ल्याइए तहां गुणाकारका प्रमाण दोय है तातें पूर्वोक्त गच्छका जितनां प्रमाण तितनां दूवा मांडि परस्पर गुणिए । तहां उपरितन राशि प्रमाण दूवा मांडि परस्पर गुणें जगच्छ्रेणी होइ । बहुरि नीचै ऋणरूप राशि तिहविषै सतरह आदि प्रमाण दूवा मांडि परस्पर गुणें एक लक्ष अर सात लाख अडसठि हजार अर चौसठि अर सात होइ इनका भाग दीजिए । बहुरि इनमें एक घटाइए, बहुरि मुख चौसठि करि गुणिए, बहुरि एक घाटि गुणकार एक ताका भाग दीजिए ऐसैं करतै ऋण राशिका संकलित धन चौसठि गुणां जगच्छ्रेणीकौं सूच्यंगुलकौं सात लाख अडसठि हजार अर एक लाख अर सात अर चौसठि अर एक करि गुणिए ताका भाग दीजिए । तामें एक घटाइए इतनां भया ६४ २।७६८०००।१ ल।६४।७१ इहां जगच्छ्रेणीको सहनानी ऐसी— सूच्यंगुलकी ऐसी २ जाननी । अब तिस धन राशिविषै जो एकसौं छिहंतरीकर गुणकार था अर नीचै चौसठिका भागहार था तिन दोऊनिकौं सोलाकरि अपवर्त्तन किए एकसौं छिहंतरीकी जायगा ग्यारह हुवा, चौसठिकी जायगा च्यारि हुवा । बहुरि गुणकारके चौसठिकौं भागहारके चौसठि करि अपवर्त्तन किए दोऊ जायगा अभाव भया । बहुरि दोय जायगा सात लाख अडसठि हजार अर दोय जायगा लाख तिनकी सोलह विन्दीं स्थापिए । बहुरि अंगुलनिका दोय जायगा सातसै अडसठिका अंक रखा तिनकौं तीनकरि संभेदन करि तिनकी जायगा दोयसै छप्पन लिखिए आगैं तीनका अंक लिखिए । बहुरि दोय जायगा दोयसै छप्पन भए तिनकौं परस्पर गुणें पण्णही होइ । बहुरि दोय जायगा तीनका अंक भए अर एक जायगा तीनका अंक आगैं था इनकौं परस्पर गुणें सत्ताईस होइ । बहुरि सत्ताईसकौं सातका वर्ग गुणचास करि गुणें तेरहसै तेईस होइ इनकौं जो चौसठिकी जायगा च्यारि भए थे तिन करि गुणें वावनसै वाणवै होइ । ऐसैं करि जगत्प्रतरकौं ग्यारहका गुणकार अर तरांगुलकौं पण्णही अर पांच हजार दोय सै वाणवैके

णीलो णीलव्भासो अस्सस्सट्टाण कोस कंसादी ।

वण्णा कंसो संखादिमपरिमाणो य संखवण्णोवि ॥ ३६४ ॥

नीलो नीलाभासोऽश्वोऽश्वस्थानः कोशः कंसादिः ।

वर्णः कंसः शंखादिपरिमाणः च शंखवर्णोपि ॥ ३६४ ॥

अर्थ—नील १ नीलाभास १ अश्व १ अश्वस्थान १ कोश १ कंसवर्ण १ कंस १ शंखपरिमाण १ शंखवर्ण ॥ ३६४ ॥

तो उदय पंचवण्णा तिलो य तिलपुच्छ क्षाररासीओ ।

तो धूम धूमकेदिगिसंटाणक्खो कलेवरो वियडो ॥ ३६५ ॥

तत उदयः पंचवर्णस्तिलश्च तिलपुच्छः क्षारराशिः ।

ततो धूमो धूमकेतुः एकसंस्थानः अक्षः कलेवरो विकटः ॥ ३६५ ॥

अर्थ—उदय १ पंचवर्ण १ तिल १ तिलपुच्छ १ क्षारराशि १ धूम १ धूमकेतु १ एक संस्थान १ अक्ष १ कलेवर १ विकट १ ॥ ३६५ ॥

इह भिण्णसंधि गंठी माण चउप्पाय विज्जुजिब्भणभा ।

तो सरिस णिलय कालय कालादीकेउ अणयक्खा ॥ ३६६ ॥

इहाभिन्नसंधिः ग्रंथिः मानश्चतुःपादो विद्युजिह्वो नभः ।

ततः सदृशो निलयः कालश्च कालादिकेतुरनयाख्यः ॥ ३६६ ॥

अर्थ—अभिन्नसंधि १ ग्रंथि १ मान १ चतुःपाद १ विद्युजिह्व १ नभ १ सदृश १ निलय १ काल १ काल केतु १ अनय ॥ ३६६ ॥

सिंहाउ विउल काला महकालो रुदणाम महरुदा ।

संताण संभवक्खा सन्वाट्ठि दिसाय संति वत्थूणो ॥ ३६७ ॥

सिंहायुर्विपुलः कालो महाकालो रुद्रनामा महारुद्रः ।

संतानः संभवाख्यः सर्वार्थी दिशः शांतिर्वस्तूनः ॥ ३६७ ॥

अर्थ—सिंहायु १ विपुल १ काल १ महाकाल १ रुद्र १ महारुद्र १ संतान १ संभव १ सर्वार्थी १ दिशा १ शांति १ वस्तून १ ॥ ३६७ ॥

णिच्चल पलंभ णिम्मंत जोदिमंता सयंपहो होदि ।

भासुर विरजा तत्तो णिहुक्खो वीदसोगो य ॥ ३६८ ॥

निश्चलः प्रलंभो निर्म्मत्रो ज्योतिष्मान् स्वयंप्रभो भवति ।

भासुरो विरजस्ततो निर्दुःखो वीतशोकश्च ॥ ३६८ ॥

अर्थ—निश्चल १ प्रलंभ १ निर्म्मत्र १ ज्योतिष्मान् १ स्वयंप्रभ १ भासुर १ विरज १ निर्दुःख १ वीतशोक १ ॥ ३६८ ॥

सीमंकर खेमभयंकर विजयादिच्च विमलतत्था य ।

विजयण्हु वियसो कारिकट्ठिगिजडिअग्गिजाल जलकेदू ॥ ३६९ ॥

सीमंकरः क्षेमभयंकरः विजयादिचत्वारः विमलस्रस्तश्च ।

विजयिष्णुः विकसः करिकाष्टः एकजटिरग्निज्वालः ज्वलकेतुः ॥ ३६९ ॥

अर्थ—सीमंकर १ क्षेमंकर १ अभयंकर १ विजय १ वैजयंत १ जयंत १ अपराजित १ विमल १ त्रस्त १ विजयिष्णु १ विकस १ करिकाष्ट १ एकजटि १ अग्निज्वाल १ जल केतु १ ॥ ३६९ ॥

केदूखीरसऽघस्सवणा राहू महगहा य भावगहो ।

कुज साणि बुहसुकगुरू गहाण णामाणि अडसीदी ॥ ३७० ॥

केतुः क्षीरसः अघः स्रवणो राहुः महाग्रहश्च भावग्रहः ।

कुजः शनिः बुधः शुक्रः गुरुः ग्रहाणां नामानि अष्टाशीतिः ॥ ३७० ॥

अर्थ—केतु १ क्षीरस १ अघ १ श्रवण १ राहु १ महाग्रह १ भावग्रह १ मंगल १ शनैश्वर १ बुध १ शुक्र १ बृहस्पति १ ऐसैं ग्रहनिके अठ्यासी नाम हैं ॥ ३७० ॥

आगैं जंबूद्वीपविषै भरतादि क्षेत्र वा कुलाचल पर्वत तिनकैं तारानिका विभाग दोय गाथानि-
करि कहैं हैं;—

णउदिसयभजिदतारा सगदुगुणसलासमम्भत्था ।

भरहादिविदेहोति य तारा वस्से य वस्सधरे ॥ ३७१ ॥

नवतिशतभक्तताराः स्वकद्विगुणद्विगुणशलासमम्यस्ताः ।

भरतादिविदेहांतं च ताराः वर्षे च वर्षधरे ॥ ३७१ ॥

अर्थ—दोय चंद्रमा संवंधी तारे एक लाख तेतीस हजार नवसैं पचास कोड़ाकोड़ी जंबूद्वीप विषै पाईए है । १३३९५।१५ इनकौं एकसौ निवैका भाग दीजिए जो प्रमाण होइ ताकौं भरतादि क्षेत्र वा कुलाचलनिकी एकतैं दूणी दूणी शलाका विदेह पर्यंत हैं परैं आधी आधी हैं । भरतक्षेत्रकी एक शलाका हिमवत पर्वतकी दोय शलाका ऐसैं दूणी दूणी किए विदेहकी चौसठि शलाका तातैं परैं नीलादि विषै आधी आधी जाननी । १।२४।८।१६।३२।६४।३२।१६।८।४।२।१ तिनकरि गुणें भरतादि क्षेत्र वा हिमवत आदि कुलाचलनिविषै तारानिका प्रमाण हो है ॥ ३७१ ॥

आगैं पाया हुवा अंकनिकों कहैं हैं;—

पंचुत्तरसत्तसया कोडाकोडी य भरहताराओ ।

दुगुणा हु विदेहोत्ति य तेण परं दलितदलितकमा ॥ ३७२ ॥

पंचोत्तरसत्तशतकोटिकोव्यः च भरतताराः ।

द्विगुणा हि विदेहांतं च तेन परं दलितदलितक्रमः ॥ ३७२ ॥

अर्थ—सातसै पांच कोड़ा कोड़ी भरतविषै तारे हैं । तातैं दूणे दूणे विदेह पर्यंत हैं तहां परैं आधे आधे क्रमतै हैं सोई कहिए हैं । भरतक्षेत्र विषै सातसै पांच कोड़ाकोड़ी ७०५।१४ हिमवत पर्वतविषै चौदहसै दश कोड़ाकोड़ी १४१।१५ हैमवत क्षेत्रविषै अठईससै बीस कोड़ा कोड़ी २८२।

२०।१५ महा हिमवत पर्वतविषै छप्पनसै चालीस कोड़ा कोड़ी ५६।५१५ हरि क्षेत्रविषै ग्यारह हजार दोयसै अस्सी कोड़ा कोड़ी ११२।१५ निपघ पर्वतविषै बाईस हजार पांच सै साठि कोड़ा कोड़ी २३५६।१५ विदेह क्षेत्रविषै पैंतालीस हजार एकसौ वीस कोड़ा कोड़ि ४५१२ १५ नील पर्वतविषै बाईस हजार पांचसै साठि कोड़ा कोड़ी २२५६।१५ रम्यक क्षेत्रविषै ग्यारह हजार दोयसै अस्सी कोड़ा कोड़ी ११२।१५ रुक्मि पर्वतविषै छप्पनसै चालीस कोड़ा कोड़ी ५६४।१५ हैरण्यवत क्षेत्रविषै अठाईसै वीस कोड़ा कोड़ि २८२।१५ शिखरी पर्वत विषै चौदहसै दश कोड़ा कोड़ि १४१।१५ ऐरावत क्षेत्रविषै सातसै पांच कोड़ा कोड़ी ७०५।१४ तारे जानने ॥ ३७२ ॥

आगें लवणादि पुष्कारार्द्ध पर्यंत तिष्ठते चंद्र सूर्य तिनका अंतराल कहै हैं;—

सगरविदलविष्णुणा लवणादी सगदिवायरद्धहिया ।

सूरंतरं तु जगदीआसण्णपहंतरं तु तस्स दलं ॥ ३७३ ॥

स्वकरविदलविष्णो न लवणादेः स्वकदिवाकरार्धाधिकं ।

सूर्यंतरं तु जगत्यासन्नपथांतरं तु तस्य दलम् ॥ ३७३ ॥

अर्थ—अपनां अपनां जहां जेते सूर्य हैं तहां तितनां सूर्यनिका प्रमाणतैं अर्द्ध प्रमाण करि सूर्यके विवनिका प्रमाणको गुणिकीर जो प्रमाण होइ ताकाँ लवणादिकका व्यासमैस्यौं घटाइए जो प्रमाण रहै ताकाँ स्वकीय सूर्यनिका प्रमाणतैं आधा प्रमाणका भाग दीजिए यों कीएं जेता प्रमाण आवै तितनां सूर्य सूर्य विषै अंतराल जाननां । बहुरि जगती कहिए वेदी तिह थकी आसन्न पथांतरं कहिए निकटवर्ती सूर्यविवका अंतराल सो तिहस्यौं अर्द्ध प्रमाण जाननां । तहां उदाहरण—लवण समुद्रविषै सूर्य च्यारि हैं ताका अर्द्ध प्रमाण दोय तीहकरि सूर्य विवका प्रमाण अठतालीसका इकसठिवां भाग ताकाँ गुणें छिनवैका इकसठिवां भाग होइ ३३१९९७४ याको लवण समुद्रका व्यास दोय लाख योजन ताभैं समछेद विधानकरि घटाइए तत्र एक कोड़ि इकईस लाख निन्याणवै हजार नवसै च्यारिका इकसठिवां भाग प्रमाण होइ ३३१९९७४ बहुरि एक तौ सूर्यविषै अंतराल अर सूर्यतैं अम्यंतर वेदिकाका अर द्वितीय सूर्यतैं बाह्य वेदिका मिलिकरि एक अंतराल अैसें दोय अंतराल विषै इतनां ३३१९९७४ अंतराल होइ तौ एक अंतरालविषै केता अंतराल होइ अैसें करि ताकाँ अपने सूर्यनिका प्रमाण च्यारि तातैं आधा दोय ताका भाग दिएं निन्याणवै हजार नवसै निन्याणवै योजन अर एक योजनका एकसौ बाईस भागविषै छवीस भाग ताका दोयकरि अपवर्तन किए तेरह इकसठिवां भाग प्रमाण सूर्य सूर्य विषै अंतराल जाननां । बहुरि वेदीतैं निकट सूर्यविवका अंतराल तातैं आधा जाननां । तहां विपमकाँ कैसैं आधा करिए तातैं रश्मिस्यौं एक घटाइ १९९८ ताका आधा करिए तत्र गुणचास हजार नवसै निन्याणवै योजन भए । बहुरि अवशेष एककाँ आधा स्थापि ३ पूर्वोक्त अवशेष तेरह इकसठिवां भाग थे ते राशिके अंश थे तातैं तिनका भी आधा स्थापिए

१३ इन दोऊनिकों समछेद विधान करि मिलाइ दोइकरि अपवर्तन करिए तत्र सैंतीसका इकसठिवां

भाग ३/११ प्रमाण अवशेष आया । ऐसैं ही धातकी खंड कालोदक समुद्र पुष्कारार्द्ध द्वीप तिन विषै

तिष्ठते सूर्य सूर्यनिके वीचि अंतराल अर वेदी सूर्यनिविषै अंतराल ल्यावनां । भावार्थ—लवण समुद्रादि विषै च्यारि आदि सूर्य हैं तिनविषै एक एक परिधि विषै दोय दोय सूर्य जानै तहां लवण समुद्र विषै अभ्यंतर वेदीतै गुणचास हजार नवसै निन्याणवै योजन अर सैतीस इकसठिवां भाग परै जाइ परिधि है तहां सूर्यका विमान है । सो अठतालीस इकसठिवां भाग प्रमाण है । बहुरि तातैं परै निन्याणवै हजार नवसै निन्याणवै योजन अर तेरह इकसठिवां भाग परै जाइ परिधि है तहां सूर्य विमान है सो अठतालीस इकसठिवां भाग प्रमाण है । बहुरि तातैं परै गुणचास हजार नवसै निन्याणवै योजन अर सैतीस इकसठिवां भाग परै जाइ लवण समुद्रकी बाह्यवेदी है । अैसें इनकों मिलाएं दोय लाख योजन प्रमाण लवण समुद्रका व्यास हो है । याही प्रकार धातुकी खंडविषै च्यारि लाख योजन व्यास है । तामैं छह जायगा एक एक परिधि विषै दोय दोय सूर्य हैं । तिनि छहौं परिधिनिके वीचि सूर्य सूर्यविषै पांच अंतराल हैं । तिनका प्रमाण ल्यावनां । बहुरि तिस प्रमाणतैं आधा आधा अभ्यंतर वेदी सूर्यविषै अर बाह्यवेदी सूर्यविषै अंतराल है सो ल्यावनां । याही प्रकार कालोदक समुद्र पुष्करार्द्ध द्वीपविषै भी अंतरालका प्रमाण ल्यावनां ॥ ३७३ ॥

अब चार क्षेत्र कहै हैं;—

दो दो चंद्रविं पडि एकेक होदि चारखेत्तं तु ।

पंचसयं दससहियं रविं विवहियं च चारमही ॥ ३७४ ॥

द्वौ द्वौ चंद्रवी प्रति एकैक भवति चारक्षेत्रं तु ।

पंचशतं दशसहितं रविं विनाधिकं च चारमही ॥ ३७४ ॥

अर्थ—दोय दोय चंद्रमा वा सूर्यप्रति एक चार क्षेत्र सो कितनां है ? पांचसै दश योजन अर सूर्य विवका प्रमाणकरि अधिक है । भावार्थ—चंद्रमा वा सूर्यका गमन करनैका जु क्षेत्रगली सो चार क्षेत्र कहिए ताका व्यास पांचसै दश योजन अर योजनका अठतालीस इकसठिवां भाग प्रमाण है ५१०हैं तिस चार क्षेत्रविषै गलीनिका प्रमाण आगैं कहेंगे तहां जिस गलीविषै एक चंद्रमा का सूर्य गमन करै तिस ही गलीविषै दूसरा गमन करै है । तातैं दोय दोय चंद्रमा व सूर्य प्रति एक एक चार क्षेत्र है ॥ ३७४ ॥

आगैं तिन चंद्रमा सूर्यनिका जो चार क्षेत्र ताका विभागका नियम कहै हैं;—

जंबुरविंदू दीवे चरंति सीदिं सदं च अवसेसं ।

लवणे चरंति सेसा सगसगखेत्ते व य चरंति ॥ ३७५ ॥

जंबूरवीदवः द्वीपे चरंति अशीतिं शतं च अवशेषम् ।

लघणे चरंति शेषाः स्वकस्वकक्षेत्रे एव च चरंति ॥ ३७५ ॥

अर्थ—जंबूद्वीपसंबंधी सूर्य वा चंद्रमा तौ एकसौ असी योजन तौ द्वीपविषै विचरै हैं । अवशेष लवण समुद्रविषै विचरै हैं । बहु अवशेष सूर्य चंद्रमा अपनां अपनां क्षेत्रही विषै विचरै हैं । भावार्थ—चार क्षेत्रका जो व्यास कहा तामैं जंबूद्वीपसंबंधी चंद्रमा सूर्यनिका एकसौ असी १८० योजन तौ जंबूद्वीपविषै अर तीनसौ तीस योजन अर अठतालीस योजनका इकसठिवां भाग लवण

समुद्रविषे चार क्षेत्रका व्यास जाननां । अवशेष पुष्करार्द्ध पर्यंत द्वीप वा समुद्रसंबन्धी चंद्र सूर्यनिका चार क्षेत्र अपनां अपनां द्वीप वा समुद्रही विषे जाननां ॥ ३७५ ॥

आगे सूर्य चंद्रनिके वीथी जो गली तिनका प्रमाण कहें हैं;—

पडिदिवसमेकवीथि चंदाइचा चरंति हु क्रमेण ।

चंद्रस्स य पण्णरसा इणस्स चउसादिसय वीथी ॥ ३७६ ॥

प्रतिदिवसं एकवीथि चंद्रादित्याः चरंति हि क्रमेण ।

चंद्रस्य च पंचदश इनस्य चतुरशीतिशतं वीथ्यः ॥ ३७६ ॥

अर्थ—दोय दोय मिलि करि एक एक दिन प्रति एक एक वीथी प्रति चंद्रमा वा सूर्य विचरें हैं क्रम करि । तहां चंद्रमार्का पंद्रह वीथी हैं बहुरि इन कहिये सूर्य तार्का एकसौ चौरासी गली हैं । भावार्थ—जो चार क्षेत्र कहा तीहविषे चंद्रमार्का तो पंद्रह गली हैं, सूर्यकी एक सौ चौरासी गली हैं । तहां एक एक दिन प्रति एक एक गलीविषे दोय चंद्रमा वा दोय सूर्य गमन करै हैं ॥ ३७६ ॥

आगे वीथीनिका अंतराल करि दिवस प्रति गतिविशेषकां कहें हैं;—

पथवासपिंडहीणा चारक्खेत्ते णिरेयपथभजिदे ।

वीथीणं विच्चालं सगविंजुदो दु दिवसगदी ॥ ३७७ ॥

पथव्यासपिंडहीणा चारक्षेत्रे निरेकपथमत्ते ।

वीथीनां विचालं स्वकविंजुतं तु दिवसगतिः ॥ ३७७ ॥

अर्थ—पथ व्यास पिंड कहिए त्रिवका व्यासकारि गुण्या हुवा वीथीनिका प्रमाण तीह करि हीन जो चारक्षेत्र तार्को एक घाटि वीथीनिका प्रमाणका भाग दिए वीथीनिका अंतरालका प्रमाण हो है । बहुरि स्वकीय विंजुप्रमाण तामें जोड़ें दिवस गतिका प्रमाण है । तहां सूर्यविंजुका व्यास योजनका अठतालीस इकसठिवां भाग $\frac{४८}{६९}$ तीह करि वीथीनिका प्रमाण एकसौ चौरासीकां गुणिएं तत्र अठ्यासीसै वत्तीसका इकसठिवां भाग प्रमाण होइ $\frac{८३२}{६९}$ याको समछेद विधान करि चारक्षेत्रका प्रमाणविषे घटाइए तहां पांचसै दस योजनस्यो समछेद किए इकतीस हजार एक सौ दशका इकसठिवां भाग होय $\frac{३११०}{६९}$ यामें सूर्यविंजु प्रमाण अधिक था $\frac{४८}{६९}$ सो जोड़ें इकतीस हजार एकसौ अठायनका इकसठिवां भाग भया $\frac{३१५८}{६९}$ याविषे पथव्यासपिंड अठ्यासी सौ वत्तीसका इकसठिवां भाग $\frac{८३२}{६९}$ घटाइए तत्र बाईस हजार तीनसै छवीसका इकसठिवां भाग होय $\frac{२३२६}{६९}$ याको एक घाटि वीथीनिका प्रमाण एकसौ तियासी ताका भाग दीजिए तहां पूर्व भागहार इकसठि तार्को एकसौ तियासी करि गुणि भाग दीजिए तत्र बाईस हजार तीनसै छवीसको ग्यारह हजार एकसौ तरेसठिका भाग दीजिए इतना भया $\frac{२३२६}{११९६३}$ तहां भाग दिए दोय योजन पाए, सो दोय योजन प्रमाण वीथीके बीच अंतराल है । बहुरि यामें स्वकीय विंजु जो जो सूर्यविंजुका प्रमाण योजनका अठतालीस इकसठिवां भाग सो मिलाए एकसौ सत्तरिका इकसठिवां भाग प्रमाण दिन दिन प्रति गमन क्षेत्रका प्रमाण हो है । भावार्थ—पूर्वोक्त चार

क्षेत्रका व्यासविषै एकसौ चौरासी गमन करनेकी गली हैं। तहां प्रथम गली अर दूसरी गली-विषै दोय योजनका अंतराल है। ऐसैही दोय दोय योजनका एक अंतराल जाननां। बहुरि प्रथम गलीविषै सूर्य जिस दिनविषै गमन करै है। इहां प्रथम गलीकी आदितैं द्वितीय गलीकी आदि पर्यंत अंतराल जाननां। ऐसै ही दिन दिन प्रति तातैं दूसरे दिन तिस प्रथम गलीतै योजनका एक सौ सत्तरिका इकसठिवां भाग परै जाइ दूसरी गलीविषै गमन करै है। ऐसे दिन २

प्रति परै परै गमन क्षेत्रका प्रमाण जाननां। बहुरि ऐसैही चंद्रमाका चार क्षेत्र इकतीस हजार एक सौ अठावन योजनका इकसठिवां भाग प्रमाण $\frac{3994}{69}$ तामें पथ व्यासपिंड आठसौ चालीसका इकसठिवां भाग $\frac{48}{69}$ घटाइ एक घाट चौदह १४ का भाग दिएं पैतीस योजन अर दोइसै चौदहका च्यारिसै सत्ताईसवां भाग प्रमाण तौ वीथी वीथीविषै अंतराल हो है। यामें चंद्रविषका प्रमाण मिलाए छत्तीस योजन अर एकसौ गुण्यासीका च्यारिसै सत्ताईसवां भाग प्रमाण दिन दिन प्रति गमन क्षेत्रका प्रमाण जाननां ॥ ३७७ ॥

ऐसैं ल्याया जो दिन प्रति गमन प्रमाण ताकौं आश्रय करि मेरुतैं मार्ग मार्ग प्रति अंतराल अर तिन मार्गनिका परिधिकौं कहैं हैं;—

सुरगिरिचंद्रवीणं मगं पडि अंतरं च परिहिं च ।

दिणगदित्परिहीणं खेवादो साहए कमसो ॥ ३७८ ॥

सुरगिरिचंद्रवीणां मार्गं प्रत्यंतरं च परिधिः च ।

दिणगदित्परिधीनां क्षेपात् साधयेत् क्रमशः ॥ ३७८ ॥

अर्थ—मेरु गिर अर चंद्रमा सूर्यनिका मार्ग इनकै बीच अंतराल, बहुरि तिन मार्गनिका परिधि सो ल्यावनां। कैसैं सो कहिए हैं—जंबूद्वीपका व्यास एक लाख योजन तामें जंबूद्वीपके अंत-तैं एकसौ अस्सी योजन उरैं अभ्यन्तर मार्ग है। तातैं सन्मुख दोऊ पार्श्वनिका दीपसंबंधी चार क्षेत्र मिलाएं तीनसै साठि योजन भए सो घटाएं निन्यानवै हजार छसै चालीस योजन प्रमाण अभ्यन्तर वीथीका सूचीव्यास हो है। इतनांही अभ्यन्तर वीथीविषै तिष्ठते सन्मुख दोऊ सूर्य तिनकै बीच अंतराल है। बहुरि तामें मेरुका व्यास दशहजार योजन घटाइ ८९६४० आधा करिए तब चवालीस हजार आठसै बीस योजन प्रमाण मेरुगिरि अर अभ्यन्तर वीथीविषै तिष्ठता सूर्यकै बीच अंतराल हो है। बहुरि यामें दिनगतिका प्रमाण दोय योजन अर अठतालीसका एकसठिवां भाग प्रमाण मिलाएं चवालीस हजार आठसै बावीस योजन अर अठतालीसका इकसठिवां भाग प्रमाण दूसरी वीथीविषै तिष्ठता सूर्य अर मेरु गिरिके बीच अंतराल हो है। ऐसैही पूर्व पूर्व मेरु गिरि सूर्यका अन्तरालविषै दिन गतिका प्रमाण मिलाएं उत्तरोत्तर पथविषै तिष्ठता सूर्य अर मेरुगिरिकै बीच अन्तरालका प्रमाण हो है। बहुरि अभ्यन्तर वीथीका सूची व्यास ९९६४०। विषै दूणा दिन गतिका प्रमाण तीनि-सै चालीसका इकसठिवां भाग ताका पांच योजन अर पैतीसका इकसठिवां भाग मिलाएं निन्यानवै हजार छसै पैतालीस योजन योजनका पैतीस इकसठिवां भागप्रमाण दूसरी वीथीविषै तिष्ठते दोऊ

सूर्य तिनके बीच अन्तराल हो है । इतनाही दूसरी वीथी विषै तिष्ठते दोऊ सूर्य तिनके बीच अंतराल हो है । इतना ही दूसरी वीथीका सूची व्यास हो है । ऐसै अपनां अम्यन्तरवर्ती पूर्व पूर्व व्यासविषै दूना दिन गतिका प्रमाण मिलाए उत्तरोत्तर वीथीविषै तिष्ठते दोऊ सूर्यनिकै बीच अंतराल हो है । बहुरि विक्खंभवग्गदहगुण करिणी वडुस्स परिरहो होदि ।

इस करणसूत्रकरि अम्यन्तर परिधिका (सूची व्यास ९९६४० का परिधि, अनाईये । तब तीन लाख पंद्रह हजार निवासी ३१५०८९ योजन प्रमाण होइ बहुरि यामें दूना दिन गतिका प्रमाण ३४० का परिधिकाः) प्रमाण विष्कंभ ३४० का वर्ग दशगुणा ११५६००० ताका वर्ग-

६१

६१

६१६१

मूल १०७५ ल्याइ अपना भागहारका भाग दिये सतरह योजन अर योजनका अठतीस इकसठि

६१

भाग होइ सो मिलाए तीन लाख पंद्रह हजार एकसौ छह योजन अर योजनका अठतीस इकसठिवां भाग प्रमाण ३१५१०६।३८ द्वितीय वीथीका परिधि होः है । ऐसेही दूणा दिन गतिका परिधिका

६१

प्रमाण पूर्व पूर्व वीथीका परिधि विषै जोड़े उत्तर उत्तर वीथीका परिधि हो है । इस प्रकार करि दिन गतिके मिलावनेतें अर दूणा दिन गतिके मिलावनेतें अर दूणा दिन गतिका परिधिके मिलावनेतें क्रमतें मेरुगिरि सूर्यकै बीच अंतराल अर सूर्य सूर्यके बीच अंतराल अर वीथीनिका परिधि साधिए है ॥ ३७८ ॥

आगै ऐसे कहा जू परिधि तिहविषै भ्रमण करता सूर्य ताके दिन रात्रिको कारण पनैं अर तिन दिन रात्रनिका प्रमाण मार्गनिकी अपेक्षा करि कहैं हैं;—

सूरादो दिणरत्ती अट्टारस वारसा मुहुत्ताणं ।

अठ्ठंतरम्हि एदं विवरीयं वाहिरम्हि हवे ॥ ३७९ ॥

सूर्यात् दिनरात्री अष्टादश द्वादश मुहूर्तानाम् ।

अम्यन्तरे एतत् विपरीतं बाह्ये भवेत् ॥ ३७९ ॥

अर्थ—सूर्यतें दिनरात्रि अठारह मुहूर्त प्रमाण अम्यन्तर परिधिविषै हो है । यह ही विपरीत उलटा बाह्य परिधिविषै हो है । भावार्थ—जंबूद्वीपकी वेदीतै उरैं एकसौ अस्सी योजन जो अम्यन्तर परिधि है तिहविषै सूर्य भ्रमण करै तिहदिन अठारह मुहूर्तका तो दिन हो है । अर वारह मुहूर्तकी रात्रि हो है । बहुरि लवण समुद्रविषै सूर्यविषै प्रमाण करि अधिक तीनसै दस योजन पनैं जो बाह्य परिधि है तीहविषै सूर्य भ्रमण करै तिहदिन वारह मुहूर्तका दिन हो है । अठारह मुहूर्तकी रात्रि हो है ॥ ३७९ ॥

आगै सूर्यका अवस्थिति स्वरूप अर दिन रात्रिविषै हानिचय कहैं हैं;—

कक्कडमयरे सव्वन्भंतरवाहिरपहट्ठिओ होदि ।

मुहभूमीण विसेसे वीथीणंतरहिदे य चयं ॥३८०॥

कर्कटमकरे सर्वाभ्यन्तरवाह्यपथस्थितो भवति ।

मुखभूम्योः विशेषे वीथीनामंतरहिते च चयः ॥ ३८० ॥

अर्थ—कर्कट अर मकरविषै सर्व अभ्यन्तर वाह्य पथविषै तिष्ठतो सूर्य है। **भावार्थ**—कर्कट राशिविषै सूर्य प्राप्त होइ तव अभ्यन्तर वीथीविषै भ्रमण करै है। बहुरि मकर राशिविषै सूर्य प्राप्त होय तव वाह्य वीथी विषै भ्रमण करै है। बहुरि तिस राशिकी समाप्ततापर्यंत दिन रात्रिका प्रमाण तितना ही रहै है कि विशेष है। तहां कहिए हैं दिन दिन प्रति हानिचय है। कैसें? मुख तो वारह मुहूर्तका दिन अर भूमि अठारह मुहूर्तका दिन तहां विशेषे कहिए भूमिमेंस्यौं मुख घटाएं अवशेष छह रहे इनको वीथी एकसौ चौरासी तिनकै वीचि अन्तराल एकसौ तियासी सो इतने दिननिविषै जो छह मुहूर्त होइ तौ एक अन्तरालविषै कितना मुहूर्त होइ। ऐसे किएं छहका एकसौ तियासिवां भाग होय। तहां तीन करि अपवर्तन कीए दोय मुहूर्तका इकसठिवां भाग प्रमाण दिन दिन प्रति हानि चय हो है। **भावार्थ**—अभ्यन्तर वीथीविषै सूर्य जिहदिन भ्रमण करै तिहदिन अठारह मुहूर्तका दिन हो है। बहुरि तातैं परैं दूसरी वीथीविषै जिहदिन प्रमाण करै तिहदिन अठारह मुहूर्तमें स्यौं दोय मुहूर्तका इकसठिवां भाग घटाइए इतने प्रमाण दिन हो है। ऐसैंही दिन दिन प्रति घटता घटता वाह्य विषै सूर्य भ्रमै तिह दिन वारह मुहूर्तका दिन हो है। बहुरि तिसतैं उरैं मार्ग-विषै सूर्य भ्रमै तिहदिन वारह मुहूर्तविषै दोइ मुहूर्तका इकसठिवां भाग मिलाइए इतना दिन हो है। सो वधता वधता अभ्यन्तर पथविषै सूर्य भ्रमै तव अठारह मुहूर्तका दिन हो है। ऐसैं हानिचय जाननां। बहुरि तिस मुहूर्तका अहोरात्र है तामैं जितने प्रमाण दिन होय सो घटाएं अवशेष तहां रात्रिका प्रमाण जाननां ॥ ३८० ॥

ऐसैं कहे जु दिन रात्रि तिनविषै ताप अर तमको वर्तमान काल है। दिनविषै तौ ताप कहिये तावड़ा वर्तैं हैं रात्रिविषै तमको कहिए अन्धकार वर्तैं है। तातैं तम तापका क्षेत्र प्रमाण निरूपण करत संता आचार्य श्रवण माह मासादिकनिकै दक्षिणायन उत्तरायणको निरूपैं हैं;—

सावणमाघे सव्वभंतरवाहिरपहंदिओ होदि ।

सूरद्वियमासस्स य तावतमा सव्वपरिहीसु ॥ ३८१ ॥

श्रावणमाघे सर्वाभ्यन्तरवाह्यपथस्थितो भवति ।

सूर्यस्थितमासस्य च तापतमसी सर्वपरिधीषु ॥ ३८१ ॥

अर्थ—श्रावण मासविषै तौ सूर्य सर्व अभ्यन्तर मार्गविषै तिष्ठै है। माघ मासविषै सूर्य सर्वतै वाह्य मार्गविषै तिष्ठै है। तिस सूर्य तिष्ठनेको जु मास तिनविषै ताप अर तमके वर्तनेका प्रमाण सर्व परिधिनि-विषै ल्यावनां। तहां छहमहीनांके एकसौ तियासी दिन होय तौ श्रावण आदि एक आदिक महिनाके केते दिन होइ। ऐसैं कांए श्रावण भए साढातीस, भादवा भए एकसठि, आसोज भए साढा इक्याणवै कातीक भए एकसौ चाईस मार्गशीर्ष भए एक सौ साढावावन पौत्र भए एकसौ तियासी दिन हो हैं सो एतौ दक्षिणायनके दिन हैं। बहुरि माघ भए साढातीस फागुन भए इकसठि

चैत्र भए साढाङ्क्याणवै, वैशाख भए एक सौ बाईस ज्येष्ठ भए एकसौ साढानावन, आपाढ भए एकसौ तियासी ए उत्तरायणके दिन हैं ॥ ३८१ ॥

आर्गं सर्व परिधिनिधिषे ताप तमके प्रमाण ल्यावनैका विधान कहे हैं;—

गिरिअर्धंतरमज्जिमवाहिरजलछट्टभागपरिधि तु ।

साट्टिहिदे सूर्यद्वियमुहत्तगुणिदे दु तावतमा ॥ ३८२ ॥

गिर्यम्यन्तरमध्यमवाहजलपट्टभागपरिधि तु ।

पट्टिहिते सूर्यस्थितमुहूर्तगुणिते तु तापतमसी ॥ ३८२ ॥

अर्थ—मेरुगिर अर अम्यन्तर वीथी अर जलविषे लवण समुद्रका व्यासका छठा भाग परे जो जो परिधिका प्रमाण होइ ताका साठिका भाग दीजिए अर सूर्य जिस मासविषे तिष्ठे तिस मास-विषे जो दिन रात्रिका मुहूर्तनिका प्रमाण तीहकरि गुणिए तत्र तीह मासविषे ताप तमका विषयभूत क्षेत्रका प्रमाण आवे है। तहां मेरुगिरिका व्यास तौ दस हजार योजन है। बहुरि जंबूद्वी-पका व्यास १००००० विषे द्वीपका चार क्षेत्र १८० कों दोऊ पार्श्वनिका ग्रहणके अर्थ दूणां करि ३६० घटाईये तत्र अम्यन्तर वीथीका सूची व्यास निन्याणवे हजार छसै चालीस योजन हो है ९९६४० बहुरि चारक्षेत्रका प्रमाण ५१० कों आधा करि २५५ यामे द्वीपसंबंधी चार क्षेत्र १८० घटाइ अवशेष ७५ कों दोऊ पार्श्वनिका ग्रहणके अर्थ दूणा १५० करि जंबूद्वीपका व्यास १००००० विषे मिलाए एक लाख एकसौ पचास योजन प्रमाण मध्यम वीथीका सूची व्यास हो है। बहुरि लवण समुद्रसंबंधी चार क्षेत्र ३३० कों दोऊ पार्श्वनिका ग्रहणके अर्थ दूणा ६६० करि जंबूद्वीपका व्यास १००००० विषे मिलाए एक लाख छहसै साठि योजन प्रमाण बाह्य वीथीका सूची व्यास हो है। बहुरि लवण समुद्रका व्यास २००००० को छहका भाग देइ लव्यराशि ३३३३३ कों दोऊ पार्श्वनिका ग्रहणके अर्थ दूणा करि ६६६६६ जंबूद्वीपके व्यास १००००० विषे मिलाए एक लाख छसठि हजार छसै छसठि योजन अर अपवर्तन किए दोयका तीसरा भाग प्रमाण जल पट्ट भागका व्यास हो है। अब इन पांचों व्यासनिकाँ विक्रमवगदहरगुणकारिणी बटसस परिहियं होदि। इस करण सूत्र करि परिधिका प्रमाण ल्याइये तत्र मेरुगिरिका परिधि इकतीस हजार छसै बाईस योजन ३१६२२ अम्यन्तर वीथीका परिधि तीन लाख पंद्रह हजार निषासा योजन, मध्यम वीथीका परिधि तीन लाख सोलह हजार सातसै योजन, बाह्यवीथीका परिधि तीन लाख अठारह हजार तीनसै चौदह योजन, जलपट्टभागका परिधि पांचलाख सत्ताईस हजार छियालीस योजन प्रमाण है ऐसैं परिधिका प्रमाण ल्याइ इन परिधिनि-धिषे जो विवक्षित परिधि होइ ताका साठिका भाग दीजिये। जैसे विवक्षित मेरुगिरिका परिधिकाँ साठिका भाग दिए पांचसै सत्ताईस योजन अर एकका तीसवां भाग प्रमाण होइ। बहुरि जिस मासविषे सूर्य तिष्ठे तिस मास संबंधी दिन रात्रिके मुहूर्तनिका अठारहसौं लगाय बारह पर्यंत प्रमाण १८।१७।१६।१५।१४।१३।१२ तिह कर गुणिए। जैसे पूर्वोक्त प्रमाण ५२५ कों अठारह करि गुणें चौराणवसैं छियासी योजन अर अठारहका तीसवां भागको छहकरि अपवर्तन किए

तीनका पांचवां भाग प्रमाण होइ ९४८६ ऐसैं किंर जो जो प्रमाण आवै सो सो ताप तनका विषयभूत क्षेत्र जाननां । भावार्थ—नेलगिरिका परिधि इकर्तास हजार छैसैं चाईस योजन है ३१६२२ ताहविधै श्रावण मासविधै जहां अठारह मुहूर्तका दिन बारह मुहूर्तका रात्रि हो है तहां चौराणवैसैं छियाती योजन अर योजनका तीन पांचवां भागविधै तौ एक सूर्यके निमित्ततै तावड़ा पाईए है । अर ताके सन्मुख इतना ही दूसरे सूर्यके निमित्ततै तावड़ा है । अर तिनके बीच अन्तरालविधै तैसठिसैं तैसठि योजन अर दोयका पंचम भागविधै अन्वकार है, अर ताके सन्मुख दूसरा अन्तरालविधै इतनाही अन्वकार है इन सवनिकी जोडै ९४८३॥६३२४॥ ९४८६॥६३२४॥ इकर्तास हजार छैसैं चाईस योजन प्रमाण परिधि हो है । ऐसैंही अन्य परिधिनिविधै जाननां । बहुरि विवक्षित परिधिकों साठिका भाग देइ एक मुहूर्त करि गुणों जे प्रमाण आवै तितना मास प्रति ताप तनका घटती बढती क्षेत्रका प्रमाणरूप हानिचय जाननां तहां विवक्षित नेलगिरिका परिधिकों साठिका भाग देइ एक मुहूर्त करि गुणों पांचसैं सताईस योजन अर एकका तीसवां भाग प्रमाण हानिचय होइ । एक मासविधै एक मुहूर्त रात्रिदिन कैसैं बट बटै सो कहिए है । एक दिनविधै दोय इकलठिवां भाग प्रमाण हानि चय होय तौ साड़ा तीस दिनविधै कितना हानिचय होइ ऐसैं करतैं अपवर्तन किंर एक मुहूर्त एक मासविधै आवै है । बहुरि साठि मुहूर्तविधै सर्व परिधिप्रमाणविधै गमन करै तौ एक मुहूर्तविधै कितनां क्षेत्रविधै गमन करै ऐसैं परिधिका साठिवां भाग प्रमाण एक मुहूर्तविधै गमनक्षेत्रका प्रमाण आवै है । भावार्थ—नेलगिरिका परिधिविधै श्रावण मासतै भाद्रव मासविधै पांचसैं सताईस योजन अर एकका तीसवां भाग प्रमाण तापक्षेत्र घटता है तन क्षेत्र बढता पाइए है । तहां एक सूर्यसंबंधी तापक्षेत्र निवासतैं गुणसठि योजन अर सत्तरह तीसवां भाग अर इतना ही दूसरा सूर्यसंबंधी । बहुरि एक अन्तरालविधै तनक्षेत्र अडसठिसैं इक्यावन योजन अर ग्यारह सत्तरहां भाग अर इतनाही दूसरा अन्तरालविधै ऐसैं सर्व मिलि नेलगिरिका परिधि प्रमाण हो है । ऐसैंही पूस मास पर्यंत दक्षिणायनविधै तौ मास मास पर्यंत पांचसैं सताईस योजन अर एकका तीसवां भाग प्रमाण आतापक्षेत्र तौ घटता घटता अर तमक्षेत्र बढता जाननां । बहुरि नावतैं फाल्गुनादिक अषाढ पर्यंत उत्तरायणविधै मास मास पर्यंत तितनांही तापक्षेत्र बढता बढता अर तमक्षेत्र घटता घटता जाननां । ऐसैंही सर्व परिधिनिविधै ताप तन क्षेत्रका प्रमाण विवक्षित मासविधै ल्यावनां । बहुरि इहां पांच परिधिनिविधै मास मासनिकी अपेक्षा दर्शन किया है ईस ही प्रकार विवक्षित क्षेत्रका परिधिनिविधै विवक्षित दिन अपेक्षा ताप तन क्षेत्रका प्रमाण ल्यावनां । बहुरि इहां जंबूद्वीप संबंधी सूर्यनिका लवण समुद्रके व्यासका छठा भाग पर्यंत प्रकास है तातें तहां पर्यंत ग्रहण किया है । बहुरि जिस क्षेत्रविधै ताप है तहां दिन जाननां जहां तम है तहां रात्रि जाननी ॥ ३८२ ॥

आगैं ऐसैं ल्याया जु ताप तमका क्षेत्र ताका प्रवर्तनकाँ कहैं हैं;—

परिहिमिह जमिह चिष्टदि सूरौ तस्सेव तावमाणदळ ।

विंवरपुरदो पसप्पदि पच्छाभागे य सेसद्धं ॥ ३८३ ॥

परिवौ यस्मिन् तिष्ठति सूर्यः तस्यैव तापमानदलम् ।

विषपुरतः प्रसर्पति पश्चाद्भागे च शेषार्धम् ॥ ३८३ ॥

अर्थ—जिस परिधिविषै सूर्य तिष्ठे है तिस परिधिहीका तापका जो प्रमाण ताका आधा तौ सूर्यके विषते आगे फैले है, अवशेष आधा पीछे फैले है । भावार्थ—परिधिविषै जो तापका प्रमाण कहा ताहविषै जहां सूर्यका विष पाईए तिह क्षेत्रके आगे तिस प्रमाणत आधा ताप फैले है, अर आधा पीछे फैले है । इहां प्रश्न । जो मेरुगिरिकी परिधिन आदि दे करि जिन परिधिविषै सूर्यका गमन नाहीं तहां ताप कैसे फैले है ? ताका समाधान-सूर्यविषते सूधा सन्मुख जो तिस विवक्षित परिधिविषै क्षेत्र ताते आगे पीछे आधा आधा ताप फैले है । बहुरि ऐसा जानना जैसे चिराकके आगे पाछे प्रकाश हो है । बहुरि जैसे जैसे चिराक आगाने चाले तैसे तैसे आगाने तौ प्रकाश होता जाय पीछे अन्धकार होता आवै तैसेही सूर्यविष जैसे जैसे आगे चले तैसे तैसे आगे ताप फैलता जाय पीछे पीछे तम होता आवै है ॥ ३८३ ॥

अत्र ताप तमकी हानि वृद्धिकों कहें हैं;—

पणपरिधीयो भजिदे दसगुणसूरंतरेण जल्लद्धं ।

सा होदि हाणिवड्डी दिवसे दिवसे च तावतमे ॥ ३८४ ॥

पंचपरिधिषु भक्तेषु दशगुणसूर्यांतरेण यल्लब्धं ।

सा भवति हानिवृद्धिर्दिवसे दिवसे च तापतमसोः ॥ ३८४ ॥

अर्थ—पांचों परिधिविषै दश गुणां सूर्यके अन्तरालनिका भाग दिए जो लब्धराशि होइ सो दिन दिन विषै ताप तमकी हानि वृद्धिका प्रमाण जानना । तहां पंच परिधिविषै विवक्षित मेरु गिरि परिधि तहां साठि मुहूर्तनिषै । इकतीस हजार छहसै वाईस योजन प्रमाण क्षेत्रविषै गमन करै तौ दोय मुहूर्तका इकसठिवां भाग मात्र दिनका वृद्धि हानिका जो प्रमाण तामें कितनां गमन करै ऐसे तिस परिधिप्रमाणकों साठिका भाग दिए दोयका इकसठि भागकरि गुणें दोय करि अपवर्तन किए सत्रह योजन अर पांचसौ वाराका अठारहसै तीसवां भाग प्रमाण आवै सोई सूर्यके गमन मार्गनिका अन्तराल एकसौ तियासी ताकी दस गुणां किए अठारहसै तीस ताका भाग विवक्षित मेरुगिरिके परिधि प्रमाणकों दिए प्रमाण आवै ताते ऐसा विचारि आचार्यने ऐसा कहा कि विवक्षित परिधिकों दश गुणां सूर्यांतरालका भाग दिए ताप तमका वृद्धि हानिका प्रमाण आवै है । ऐसे सतरह योजन अर पांचसै वारहका अठारहसै तीसवां भाग प्रमाण दिन दिन प्रति उत्तरायणविषै ताप बधै है तम घटै है, दक्षिणायनविषै तम बधै है ताप घटै है । याही प्रकार अन्य परिधिविषै दिन दिन प्रति ताप तमका घटनां बधनां ल्यावनां ॥ ३८४ ॥

आगे पांचों परिधिनिके सिद्ध भए अंकनिकों दोय गायनिकरि कहें हैं;—

बावसि सोल तिण्णिय उण्णउदी पण्णमेकतीसं च ।

दुखसत्तट्ठिगितीसं चोदस तेसीदि इगितीसं ॥ ३८५ ॥

द्वाविंशतिः षोडश त्रीणि एकोनवतिपंचाशदेकत्रिंशच्च ।

द्विखसप्तपष्ठयेकत्रिंशत् चतुर्दश त्र्यशीतिरेकत्रिंशत् ॥ ३८५ ॥

अर्थ—बाईस सोला तीन ३१६२२ इन अंक क्रमकरि इकतीस हजार छसै बाईस योजन प्रमाण मेरुगिरिका परिधि है । बहुरि निवासी पचास इकतीस ३१५०८९ इन अंक क्रम करि तीन लाख पंद्रह हजार निवासी योजन प्रमाण अभ्यन्तर वीथीका परिधि है । बहुरि दोय विदी सतसठि इकतीस ३१६७०२ इन अंक क्रमकरि तान लाख सोलह हजार सातसै दोय योजन प्रमाण मध्य वीथीका परिधि है । बहुरि चौदह तियासी इकतीस ३१८३१४ इन अंक क्रमकरि तीन लाख अठारह हजार तीनसै चौदह योजन प्रमाण बाह्य वीथीका परिधि है ॥ ३८५ ॥

छादालसुष्णसत्तयवावर्णं ह्योति मेरुप्रभृदीनाम् ।

पंचहं परिधीओ क्रमेण अंकक्रमेणेव ॥ ३८६ ॥

षट्चत्वारिंशच्छून्यसप्तकाद्विपंचाशत् भवन्ति मेरुप्रभृतीनाम् ।

पंचानां परिधयः क्रमेण अंकक्रमेणेव ॥ ३८६ ॥

अर्थ—छियालीस सून्य सात बावन ५२७०४६ इन अंक क्रमकरि पांच लाख सत्ताईस हजार छियालीस योजन प्रमाण जल षष्ट भागका परिधि है। ऐसै मेरु आदि दै पंचनिका परिधि है सो क्रमकरि अंकनिका अनुक्रमकरि जाननां ॥ ३८६ ॥

आगै जिनका प्रमाण समान नाहीं ऐसी जु अभ्यन्तरादि परिधि तिनकाँ समान काल करि कैसै समाप्त करै है सो कहै हैं;—

णीयंता सिग्धगदी पविसंता रविससी दु मंदगदी ।

विसमाणि परिरयाणि दु साहंति समाणकालेण ॥ ३८७ ॥

निर्यांतौ शीघ्रगंतौ प्रविशंतौ रविशशिनौ तु मंदगती ।

विषमान् परिधीस्तु साधयतः समानकालेण ॥ ३८७ ॥

अर्थ—सूर्य अर चंद्रमा ए निकसते हुए ज्यों ज्यों अगली परिधिकों प्राप्त होयं त्यों त्यों शीघ्र गमनरूप हो हैं उतावले चलै हैं । बहुरि पैसते हुए ज्यों ज्यों माहिली परिधिनिकों प्राप्त होइ त्यों त्यों मन्द गमनरूप हो हैं धीरे चलै हैं । ऐसै होइ समान कालकरि विषम प्रमाणकों लिए जु अभ्यन्तरादि परिधि तिनकाँ समाप्त करै हैं गमन करि साथै हैं ॥ ३८७ ॥

आगै तिन सूर्य चन्द्रमानिका गमन विधान दृष्टांतमुखकरि कहै हैं;—

गजहयकेसरिगमणं पदमे मज्झंतिमे य सूरस्स ।

पडिपरिहिं रविससिणो मुहुत्तगदिखेत्तमाणिज्जो ॥ ३८८ ॥

गजहयकेसरिगमनं प्रथमे मध्ये अंतिमे च सूर्यस्य ।

प्रतिपरिधि रविशशिनोः मुहूर्तगतिक्षेत्रमानेयम् ॥ ३८८ ॥

अर्थ—गज घोटक केशरी गमन प्रथम मध्य अंतविषे सूर्य चन्द्रमाके हो है । भावार्थ—सूर्य चन्द्रमा अभ्यन्तर परिधिविषै हस्तीवत् मंद गमन करै हैं, बहुरि मध्यपरि-

धिविषै घोटकवत् ताते शीघ्र गमन करै हैं । वहुरि बाह्य परिधिविषै सिंहवत् अति शीघ्र गमन करै हैं । वहुरि अत्र सूर्य चन्द्रमानिके परिधि परिधि प्रति एक मुहूर्तविषै गमनका प्रमाण व्यावनां । कैसैं सो कहिए हैं । तहां सूर्यका परिधिविषै भ्रमणकी समाप्तताका काल साठि मुहूर्त है । वहुरि अम्यन्तर परिधिका प्रमाण तीन लाख पंद्रह हजार निवासी योजन है सो सूर्यके साठ मुहूर्तनिका गमन क्षेत्र तीनलाख पंद्रह हजार निवासी योजन होइ तौ एक मुहूर्तका कितनां होइ । ऐसैं परिधि प्रमाणकों साठिका भाग दिएं पांच हजार दोयसौ इक्कावन योजन अर गुणतीसका साठिवां भाग मात्र सूर्यका अम्यन्तर परिधिविषै एक मुहूर्तकरि गमन क्षेत्रका प्रमाण हो है । ऐसैं ही अन्य विवक्षित परिधिके प्रमाणकों साठिका भाग दिएं सूर्यका विवक्षित परिधिविषै एक मुहूर्त करि गमन क्षेत्रका प्रमाण साधनां । वहुरि ऐसैं ही चंद्रमाका भी त्रैराशिक विधान करि व्यावनां । तहां चंद्रमाका परिधिविषै भ्रमणकी समाप्तताका काल वासठि मुहूर्त अर तेईसका दोयसै इकईसवां भाग प्रमाण है ६२।२३ याका विधान आगैं अट्टही सत्तरस इत्यादि सूत्रकरि कहेंगे ॥ याकों

२२१

समच्छेद करि मिलाएं तेरह हजार सातसै पच्चीसका दोयसै इकईसवां भाग मात्र भया सो इतने कालविषै अम्यन्तर परिधिका प्रमाण तीन लाख पंद्रह हजार निवासी योजन प्रमाण गमन क्षेत्र होइ तौ एक मुहूर्तविषै कितनां होइ । प्रमाण १३७२५ फल ३१५०८९ इछा मु १ ऐसैं करि

२२१

लब्ध राशि पांच हजार तहेत्तरि योजन अर सात हजार सातसै चवालीसका तेरह हजार सातसै पच्चीसवां भाग मात्र ५०७३।७७४४ चंद्रमाका अम्यन्तर परिधिविषै एक मुहूर्तका गमन

१३७२५

क्षेत्रका प्रमाण आया । ऐसैं ही अन्यविवक्षित परिधिके प्रमाणकों वासठि अर तेईसका दोयसै इकईसवां भागका भाग दिएं विवक्षित परिधिविषै एक मुहूर्तका गमन क्षेत्रका प्रमाण आवै है ॥ ३८८ ॥

आगैं अम्यन्तर वीथीविषै तिष्ठता जु सूर्य ताका चक्षुःस्पर्शा ध्वान जो दृष्टिविषै आवनेका मार्ग ताकों तीन गाथानिकरि अनावै हैं;—

सद्विहितपदमपरिहिं णवगुणिदे चक्षुफासअद्धानं ।

तेणूणं णिसहाचलचावद्धं जं पमाणमिणं ॥ ३८९ ॥

पष्टिहितप्रथमपरिधौ नवगुणिंते चक्षुःस्पर्शाध्या ।

तेनोनं निषधाचलचापार्धं यत् प्रमाणमिदम् ॥ ३८९ ॥

अर्थ—प्रथम परिधिका प्रमाणकों साठिका भाग देइ नवकरि गुणिए इतनां चक्षुःस्पर्शा ध्वान है । तहां साठि मुहूर्तनिका प्रथम परिधि तीन लाख पंद्रह हजार निवासी योजन प्रमाण गमन त्र होइ तौ नव मुहूर्तनिका कितनां गमन क्षेत्र होइ ऐसैं प्रथम परिधिकों साठिका भाग ही नवका णाकार भया । इनकों तीनकरि अपवर्त्तन कीएं वीसका भागहार तीनका गुणकार हो है । तहां

प्रथम परिधिकौं ३१५०८९ वीसका भाग देइ ३१५०८९ तीन करि गुणिए ९४५२६७ तव

२०

२०

लब्धराशि सैंतालीस हजार दोयसै तरेसठि योजन अर सातका वीसवां भाग मात्र चक्षुःस्पर्शाध्वान हो है । भावार्थ—अयोध्या नाम नगरका वासी महंत पुरपनिकरि उत्कृष्टपने सैंतालीस हजार दोयसै तरेसठि योजन अर सातका वीसवां भाग मात्र क्षेत्रका अंतराल होतैं सूर्य देखिए हैं इतनां ही चक्षु इन्दीका उत्कृष्ट विषय है याहीका नाम चक्षुःस्पर्शाध्वान है । बहुरि इहां अठारह मुहूर्त्त का जु दिन ताका आधा भएं मध्यान्हविषै सूर्य अयोध्याकी बरोवरि आवै अर इहां उदय होता सूर्यका ग्रहण है तातैं नवका गुणकार किया है । अर परिधिधिषैं भ्रमण काल साठि मुहूर्त्त है तातैं साठिका भाग हार कीया है । बहुरि निषध नामा कुलाचल ताका चापका प्रमाण एक लाख तेईस हजार सातसै अडसठि योजन अर अठारह उगणीसवां भाग ताका आधा इकसठि हजार आठसै चौरासी योजन अर नवका उगणीसवां भाग तामैं पूर्वोक्त चक्षुःस्पर्शाध्वानका प्रमाण ४७२६३ ः घटाइए अवशेष जो प्रमाण रहै ॥ ३८९ ॥

सो अगली गाथा विषै कहैं हैं;—

इगिवीसछदालयसं साहियमागम्म णिसहउवरिमिणो ।

दिस्सदि अउज्झमज्झे तेणूणो णिसहपासभुजो ॥ ३९० ॥

एकविंशतिपट्चत्वारिंशच्छतं साधिकं आगत्य निषधोपरि इनः ।

दृश्यते अयोध्यामध्ये तेनोनः निषधपार्श्वभुजः ॥ ३९० ॥

अर्थ—इकवीस एकसौ छियालीस अंक क्रमकरि चौदह हजार छसै इकईस तौ योजन अर साधिक कहिए किछू अधिक सो अधिक कितनां ? चक्षुःस्पर्शाध्वानका अवशेष सातका विसवां भागकों निषध चापका अवशेष नवका उगणीसवां भागविषै समछेद विधान करि $\frac{333120}{320000}$ घटाएं सैंतालीसका तीनसै असीवां भाग ४७ मात्र अधिक जाननां । सो निषध कुलाचलके ऊपरि इतनैं

३८०

१४६२१ । ४७ उरैं आइ करि सूर्य है सो अयोध्याके मध्य महंत पुरुपनिकरि देखिए हैं । भावार्थ—

३८०

प्रथम वीथीविषै भ्रमण करता सूर्य सो निषध कुलाचलका उत्तर तटतैं चौदह हजार छसै इकईस योजन अर सैंतालीसका तीनसै अस्सीवां भाग उरैं आवै तव भरत क्षेत्रविषै उदय हो है । अयोध्याके वासी महंत पुरुपनिकरि देखिए है । बहुरि निषधकी पार्श्वभुजा वीस हजार एकसै छिनवै योजन प्रमाण तामैं निषध उरैं आइ सूर्य देखनेका जो प्रमाण कहा १४६२१।४७ ताकां

३८०

घटाएं ॥ ३९० ॥

आगैं कहिए है सो है;—

णिसहुवरिं गंतव्वं पणसगवण्णास पंचदेसूणा ।

तेत्तियमेत्तं गत्तां णिसहे अत्थं च जादि रवी ॥ ३९१ ॥

निपधोपरि गंतव्यं पंचसप्तपंचाशत् पंचदेशोना ।

तावन्मात्रं गत्वा निपधे अस्तं च याति रविः ॥ ३९१ ॥

अर्थ—निपधके ऊपरि जानां पांच सतावन पांच इन अंक क्रम करि पांच हजार पांचसै पिचहत्तरि योजन देशोन कहिए किछु घाटि इतनां निपध पर्वत ऊपरि जाइ सूर्य अस्तपनेकां प्राप्त हो है । भावार्थ—परिधिविषै भ्रमण करता सूर्य जब निपध पर्वतका दक्षिण तटतैं परैं किछु घाटि पचावनसै पिचहत्तरि योजन जाइ तत्र अस्त हो है । अजोध्यादिक भरत क्षेत्रके वासीनि-करि न देखिए है ॥ ३९१ ॥

अब जाका प्रयोजन तिस चापके ल्यावनैकां तिसके वाण ल्यावनैका विधान कहैं हैं, चापा-दिकका वर्णन तो आगैं होइगा इहां प्रयोजनभूत वर्णन करिए हैं;—

जंबूचारधरूणो हरिवस्ससरो य पिसहवाणो य ।

इह वाणावट्टं पुण अब्भंतरवीहिचित्थारो ॥ ३९२ ॥

जंबूचारधरोनः हरिवर्षशरः च निपधवाणश्च ।

इह वाणवृत्तं पुनः अभ्यंतरवीथीविस्तारः ॥ ३९२ ॥

अर्थ—धनुपाकार क्षेत्रविषै जैसे धनुषका पीठ हो है तैसें जो होइ ताका नाम धनुष है वा ताका नाम चाप भी है । बहुरि जैसे धनुषके चिला हो है तैसें जो होइ ताका नाम जीवा है । बहुरि जैसे तिस धनुषका मध्यतैं जीवाका मध्यपर्यंत तीरका क्षेत्र हो है तैसें जो होइ ताका नाम वाण है । सो इहां जंबूद्वीपकी वेदी अर हरि क्षेत्र वा निषध पर्वतके वीचि जो क्षेत्र सो धनुषाकार क्षेत्र हो है । तहां हरि क्षेत्र वा निषध पर्वततैं लगाय वेदी पर्यंत अंतराल क्षेत्र सो वाण कहिए वेदी ताका प्रमाण ल्याइए हैं तहां भरत क्षेत्रकी एकसलका हिमवन् पर्वतकी दोय इत्यादि विदेह पर्यंत दूणी दूणी पीछैं आधी २ शलाका जोडें सर्व जंबूद्वीपविषै एकसौ निवै शलाका कहिए विसत्रा हो है । तहां भरत क्षेत्रतैं लगाय हरि वर्ष पर्यंत जोड इकतीस शलाका हो हैं । कैसें ? “अंतघणं गुणगुणियं आदिविहीणं रूज्जुत्तरभजियं ।” इस सूत्रकरि अंतविषै हरिवर्षकी शलाका सोलह ताकां भरतादिकतैं दोयका गुणकार है । तातैं गुणकार दोय करि गुणें बत्तीस तामैं आदि भरतक्षेत्रकी शलाका एक सो घटाएं इकतीस, याकां एक घाटि गुणकार एक ताका भाग दीएं भी इकतीस, ऐसें हरिवर्ष शलाका इकतीस हैं । बहुरि याही प्रकार निपध शलाका तेरसठि हो हैं । बहुरि एकसौ निवै शलाकानिका एक लाख योजन क्षेत्र होइ तो इकतीस वा तेरसठि शलाकानिका केता होइ ऐसें किएं हरिवर्षका वाण तो तीन लाख दश हजारका उगणीसवां भाग प्रमाण हो है । बहुरि निपधका वाण छह लाख तीस हजारका उगणीसवां भाग प्रमाण हो है । वेदीके अर हरिवर्ष वा निषधके वीचि इतनां अंतराल है । बहुरि इहां चक्षुः अध्वान क्षेत्र कहनां । तहां अभ्यंतर वीथी अर हरिक्षेत्र वा निपध पर्वतके वीचि जो धनुषाकार क्षेत्र तहां वीथीकी परिधि सो तो धनुष है । बहुरि वीथी अर हरिक्षेत्र वा निषधके वीचि अंतराल क्षेत्र सो वाण है । हरिक्षेत्र वा निपधका पूर्व पश्चिमकी तरफ लंबाईका प्रमाण सो जीवा है । तहां पूर्वें जो हरिवर्ष वा निपध पर्वतका वाणका प्रमाण कहा तामैं जंबूद्वीपसंबंधी चार क्षेत्र एकसौ

असी योजन ताकों उगणीसका भागहार करि समच्छेद किए चौतीससै बीसका उगणीसवां भाग भया । सो इतनां घटाएं चक्षुः स्पर्शाध्वान क्षेत्र ल्यावनेविषै तीन लाख छह हजार पांचसै असीका उगणीसवां भाग प्रमाण तौ हरिक्षेत्रका वाण हो है । वहुरि छह लाख छतीस हजार पांचस असीक उगणीसवां भाग प्रमाण निषधका वाण हो है $\frac{३०९५८०}{१९}$ $\frac{६२६५८०}{१९}$ अत्र इनका वृत्तविष्कंभ जो ऐसा क्षेत्र गोल होइ तब चौडाईका प्रमाण सो कहिए हैं— तहां जंबूद्वीपका वृत्तविष्कंभ एक लाख योजन तामें द्वीपसंबंधी चार क्षेत्र एकसो असी ताकों दोऊ पार्श्वनिका ग्रहण अर्थि दूणाकरि ३६० घटाएं अभ्यंतर वीथीका सूची व्यास निन्याणवै हजार छसै चालीस योजन हो है ९९६४०। याकों समच्छेद करनेके अर्थि उगणीसका भाग दीएं अठारह लाख तरेणवै हजार एक सौ साठीका उगणीसवां भाग होइ वहुरि इहां प्रथमहरि क्षेत्रविषै कहिए हैं । इसुहीणं विष्कंभ चउगुणिसुणा हेद ह्रु जीवकदी । वाणकदिं छह गुणिदे तत्थ जुदे धणुकदी हांदिं १ ऐसा करण सूत्र आगैं कहैंगे ताकरि वाणका प्रमाण $\frac{३०६५८०}{१९}$ काँ विष्कंभका प्रमाण $\frac{१८९३१६०}{१९}$ में घटाइए १५८६५८० वहुरि वाणका जो प्रमाण $\frac{३०६५८०}{१९}$ ताकों चौगुणा किए १२२६३२० जो प्रमाण होइ तीहकरि गुणिए १९४५६५४७८५६०० तब जीवाकी कृति होई । याका वर्गमूल किए जीवाका प्रमाण हा

३६१

वहुरि वाणका जु प्रमाण ३०६ ५८० ताका वर्ग करिए ९३९९१२ ९६९६४०० वहुरि याकों

१९

३६१

छह गुणा करिए ५६३ ९४७७७८४०० वहुरि याकों जीवाकी कृति कही तिसविषै जोडिए २५०९-

३६१

६०२५६४००० ऐसैं किए धनुषकी कृति होइ, याका वर्गमूल ग्रहण किए $\frac{१५८३५१७३}{१९}$ अपनां भाग

३६१

हारका भाग दिए तियासी हजार तीनसै सतहत्तरि योजन अर नव उगणीसवां भाग प्रमाण हरि क्षेत्रका चाप हो है $\frac{८३३७७९}{१९}$ । वहुरि निषध पर्वतका कहिए है । इसुहीणं विष्कंभं इत्यादि सूत्र करि निषधका वाणकाँ ६२६५८० पूर्वोक्त वृत्त विष्कंभ $\frac{१८९३१६०}{१९}$ में स्यो घटाइये अवशेष रहे $\frac{१३६६५८०}{१९}$

१९

ताकों चौगुणा वाणका प्रमाण $\frac{२५०६३३०}{१९}$ करि गुणिए $\frac{३१७४४५४७८५६००}{३६१}$ तब निषधका जीवाकी कृति हो है । याका वर्गमूल प्रमाण निषधकी जीवा है । वहुरि निषधका वाणकी जो कृति $\frac{३९२६०२४९४००}{३६१}$

ताकों छह गुणा करिए $\frac{२३५५६१४९७८५६००}{३६१}$ याकों जीवाकी कृति जो कही तिसविषै जोडिए $\frac{५५३०६९०६४०००}{३६१}$

तब धनुः कृति होइ । याका वर्गमूल ग्रहण करि $\frac{३३५१९१०}{१९}$ अपनां भागहारका भाग दिए एक लाख तेईस हजार सातसै अडसठि योजन अर अठारह उगणीसवां भाग प्रमाण १२३७६८३६ निषध कुलाचलका चाप हो है । इस चापका अयोध्याके पासि अर्द्धपणां है तातैं इस चापकाँ आधा किया । वहुरि अयोध्यातैं चक्षुःस्पर्शाध्वान प्रमाण क्षेत्र परैं सूर्य दीसै ताकों तिस आधा प्रमाणमेंस्यो घटाएं अवशेष जो रखा तितनैं निषध चापविषै उत्तर तटतैं उरैं आइ सूर्य भरत क्षेत्रविषै उदय हो है ऐसा भावार्थ जाननां ॥ ३९२ ॥

ऐसे ल्याए जु हरि क्षेत्र निषध पर्वतके चाप तिनका कहा करनां सो कहैं हैं;—

हरिगिरिधनुसेसद्वं पासभुजो सत्तसगतितेसीदी ।

हरिवस्से णिसहधणु अडछस्सगतीस वारं च ॥ ३९३ ॥

हरिगिरिधनुःशेपार्धं पार्श्वभुजः सत्तसत्तत्रिच्यर्शातिः ।

हरिवर्षे निषधधनुः अष्टपट्टसत्तत्रिंशद् द्वादश च ॥ ३९३ ॥

अर्थ—निषधपर्वतका चापविषै हरि क्षेत्रका चाप घटाइ ताका आधा करिए इतनां निषध पर्वतकी पार्श्व भुजा है । दक्षिण तटतँ उत्तर तट पर्यंत चापका जो प्रमाण ताका नाम इहां पार्श्व भुजा जाननां । तहां निषध पर्वतका धनुः १२३७६८।१८ विषै हरि क्षेत्रका धनुः ८३३७७ । ९

१९

१९

घटाइए तव अवशेष चाळीस हजार तीनसै इक्याणवै योजन अर नव उगणीसवां भाग प्रमाण होइ ४०३९१ । ९ याका आधा करना तहां योजन प्रमाणमेंसौं एक घटाइ आधा करिए तव

१९

बाँस हजार एकसौ पिच्याणवै योजन होइ । बहुरि जो एक घटाया था ताका आधा १ अर नव

२

उगणीसवां भागका आधा $\frac{९}{१९१२}$ इनको समच्छेद करि जोड़े २८ दौयका अपवर्तन किए चौदह

१९१२

३८

उगणीसवां भाग भए । सो याको किछू घाटि एक योजन मानि जोड़ें किछू घाटि बीस हजार एक सौ छिनवै योजन प्रमाण निषध पर्वतकी पार्श्वभुजा हो है । सो इहां पार्श्व भुजाविषै उत्तर तटतँ चौदह हजार छसे इकईस योजन उरै यावत सूर्य है तावत भरत क्षेत्रवाले वासीनिकों दीसै पीछै न दीसै तातँ पार्श्व भुजाविषै इतनां घटाइ अवशेष किछू घाटि पचावनसै पिचहत्तरि योजन दक्षिण तटतँ निषधके ऊपरि चाप विषै परें जाइ सूर्य अस्त हो है ऐसा भावार्थ जाननां । अब हरिक्षेत्रके निषध पर्वतके धनुषके सिद्ध भए अंक कहें हैं । तहां सात सात तीन तियासी इन अंकनके क्रम करि ८३३७७ तियासी हजार तीनसै सत्तहत्तीर योजन तौ हरिवर्षका धनुः है । बहुरि आठ छह सैं-तीस वारा इन अंकनिके क्रम करि १२३७६८ एक लाख तेईस हजार सातसै अडसठि योजन का निषधका धनुष है ॥ ३९३ ॥

आगे कहे जु दोऊनिके धनुषका प्रमाण तहां अब शेष अधिकका प्रमाण वा पार्श्व भुजाके अंक तिनकीं कहें हैं;—

माधवचंद्रोद्धरिया णवयकला णयपदप्रमाणगुणा ।

पासभुजो चौदसकदि बीससहस्सं च देसूणा ॥ ३९४ ॥

माधवचंद्रोद्धृता नवककला नयपदप्रमाणगुणाः ।

पार्श्वभुजः चतुर्दशकृतिः विंशसहस्रं च देशोनानि ॥ ३९४ ॥

अर्थ:—इहां पदार्थ नामकी संज्ञा करि अंक कहे हैं । सो माधव चंद्र कहिए उगणीस जातें माधव जो नारायण सो नव है । अर द्रश्यमान चंद्र एक है । इन दोऊ अंकनिकरि उगणीस

भए तिनकारे उद्धृत नव कला । भावार्थ-एक योजनको उगणीसका भाग दीजिए । तहां नव भाग प्रमाण तौ हरिक्षेत्रका चापका प्रमाण पूर्वै कहा तामें अवशेष अधिक जाननां । बहुरि इहां नय स्थान कहिए नय नव हैं तातैं नवकी जायगा नव ताकीं प्रमाण कहिए प्रमाणका भेद दोय है सो दोय करि गुणिए तब एक योजनका उगणीस भागविषै अठारह भाग प्रमाण होइ । सो इतनां निषध पर्वतका चापका प्रमाण पूर्वै योजनरूप कहा तामें इतनां अवशेष अधिक जाननां । बहुरि निषध पर्वतकी पार्श्व भुजा चौदहकी कृति एकसौ छिनवै तिहकरि अधिक वीस हजार योजन २०१९६ प्रमाण है ॥ ३९४ ॥

आगैं अयन विषै विभागको न करि सामान्यपनैं चार क्षेत्रविषै उदय प्रमाणका प्रतिपादनके आर्थे यहू सूत्र कहैं हैं;—

दिणगदिमाणं उदयो ते णिसहे णीलगे य तेसद्धी ।

हरिरम्मगेषु दो द्वौ सूरे णवदससयं लवणे ॥ ३९५ ॥

दिनगतिमानं उदयः ते निषधे नीलके च त्रिपष्टिः ।

हरिरम्यकयोः द्वौ द्वौ सूर्ये नवदशशतं लवणे ॥ ३९५ ॥

अर्थ—एक दिन विषै चार क्षेत्रका व्यासविषै सूर्यका गमनका प्रमाण एकसौ सत्तरिका इकसठिवां भाग प्रमाण कहा था सो इतना दिन गति क्षेत्रविषै जो एक उदय होइ तौ चार क्षेत्रका पांचसै दश योजन विषै केते उदय होइ । ऐसैं किए लवध प्रमाण एकसै तियासी उदय आए । बहुरि पर्यतविषै चार क्षेत्र विषै अवशेष सूर्य विव करि रोक्क्या हुवा अठतालीस इकसठिवां भाग प्रमाण क्षेत्र तिहविषै एक उदय है ऐसैं मिलि एकसौ चौरासी उदय हैं । जातैं एक एक बीधी प्रति एक एक उदय संभवै हैं । तहां निषध नीलविषै प्रत्येक तरेसठि अर हरि रम्यक क्षेत्रविषै दोय दोय अर लवण समुद्र विषै एकसौ उगणीस उदय हैं ।

भावार्थ—समस्त चार क्षेत्रविषै सूर्यका उदय एकसौ चौरासी हो है । तहां भरत अपेक्षा तरेसठि तौ निषध पर्वतविषै दोय हरि क्षेत्रविषै एकसौ उगणीस लवण समुद्रविषै उदय स्थान हैं । अम्यंतर बीधीतैं लगाय तेरसठिबी बीधी पर्यतविषै तिष्ठता सूर्य तौ निषध पर्वतके ऊपरि उदय हो है भरत क्षेत्रके वासीनिकारि देखिए हैं । बहुरि चौसठि पैंसठिवां बीधी विषै तिष्ठता सूर्य हरि क्षेत्र ऊपरि उदय हो है । बहुरि छयासठिबीतैं लगाय अंतपर्यत बीधीनिषै तिष्ठता सूर्य लवण समुद्रके ऊपरि उदय हो है । ऐसैंही ऐरावत अपेक्षा तरेसठि नीलपर्वतविषै दोय रम्यक क्षेत्रविषै एकसौ उगणीस लवण समुद्रविषै उदय स्थान जानतैं ॥ ३९५ ॥

आगैं दक्षिणायनविषै चार क्षेत्रका द्वीप वेदिका समुद्रका विभाग करि उदय प्रमाणका प्ररूपणके अर्थी त्रैराशिककी उत्पत्ति कहैं हैं;—

दीउवहिचारखित्ते वैदीए दिणगदीहिदे उदया ।

दीवे चउ चंदस्स य लवणसमुद्रस्सि दस उदया ॥ ३९६ ॥

द्वीपोदधिचारक्षेत्रे वेद्यां दिनगतिहिते उदयाः ।

द्वीपे चतुः चंद्रस्य च लवणसमुद्रे दश उदयाः ॥ ३९६ ॥

अर्थः—द्वीप समुद्र संबंधी चार क्षेत्र अर वेदी इनकीं दिन गति प्रमाणका भाग दिएं उदयनिका प्रमाण हो है । भावार्थ—चार क्षेत्रका व्यासविषै वीथीनिविषै सूर्यका जहां जहां जितने उदय पाइये हैं सो कहिए हैं । तहां जंबूद्वीप संबंधी चार क्षेत्र एकसौ असी योजनमेंस्यौं जंबू-द्वीपकी वेदीका व्यास च्यारि योजन है सो दूरि किएं द्वीप चार क्षेत्र एकसौ छिहत्तारि योजन है । बहुरि च्यारि योजन वेदी ऊपरि चार क्षेत्र हैं । बहुरि तीनसैं तीस योजन अर अठतालीस इकसठिवां भाग प्रमाण लवण समुद्र ऊपरि चार क्षेत्र है इनकीं दिन गतिका प्रमाण एकसौ सत्तरिका एकसठिवां भाग प्रमाण ताका भाग दिएं जितनां जितनां प्रमाण आवै तितना उदय जाननें । सो कहिए हैं । दिन गतिका प्रमाण एकसौ सत्तरिका इकसठिवां भाग $\frac{240}{69}$ सो इतना क्षेत्र विषै एक उदय होय तौ वेदिका रहित द्वीप चार क्षेत्र विषै केते उदय होंहैं ऐसैं त्रैराशिक किएं तरेसठि उदय पाए । तिन विषै अम्यंतर वीथीका उदय पूर्वला उत्तरायणविषै गिनिए हैं तातैं वासठि उदय भए अर अवशेष छवीस एक सौ सत्तरिवां भाग प्रमाण उदयके अंश रहे । इहां द्वीप संबंधी अंतका सूर्य सूर्य विषै अंतराल पर्यंत आए । बहुरि अवशेष छवीस एकसौ सत्तरिवां भाग उदय अंश रहे थे तिनका योजन अंशरूप क्षेत्र करिए हैं । एक उदयका एकसौ सत्तरि योजनका इकसठिवां भाग प्रमाण क्षेत्र होइ तौ छवीस एकसौ सत्तरिवां भाग प्रमाण उदय अंशनिका केता क्षेत्र होइ । ऐसैं त्रैराशिक करि फल राशि इच्छा राशिकीं गुणें छवीस योजनका इकसठिवां भाग प्रमाण क्षेत्र भया । ए द्वीप संबंधी योजन अंश अगले विंव करि रोक्या हुवा क्षेत्रविषै देनां । बहुरि एकसौ सत्तरिका इकसठिवां भागविषै एक उदय होय तौ च्यारि योजन प्रमाण वेदिका क्षेत्रविषै केता उदय होइ ऐसैं त्रैराशिक करि भागहारका भागहार इकसठि करि च्यारिकीं गुणें दोयसै चवालीस भए । इनकीं एकसौ सत्तरि भागहारका भाग दिएं एक उदय पाया अवशेष चहौत्तरिका एकसौ सत्तरिवां भाग प्रमाण उदय अंश रहे । इनकीं पूर्वोक्त न्याय करि क्षेत्ररूप किएं चहौत्तरि योजनका इकसठिवां भाग प्रमाण क्षेत्र भया इस विषै वाईस योजनका इकसठिवां भाग प्रमाण क्षेत्र ग्रहि पूर्वोक्त द्वीपका अंत अवशेष क्षेत्र छवीस योजनका इकसठिवां भाग प्रमाण तिह विषैं मिलाएं । अठतालीस योजनका इकसठिवां भाग प्रमाण सूर्य विंव करि रोक्या हुआ क्षेत्र संपूर्ण हो है । ऐसैं अम्यंतर वीथी स्थिति सूर्य विंवतैं चौसठिवां वीथीस्थित सूर्यविंवका व्यास छवीस इकसठिवां भाग तौ द्वीप चार क्षेत्रके अर वाईस इकसठिवां भाग वेदिका चार क्षेत्रको भिळिकरि सिद्ध हो है । इहां चौसठिवां वीथी द्वीप अर वेदिकाकी संधिविषै है ऐसा तात्पर्य जानना । ताके आगैं दोय योजनका अंतराल है, ताके आगैं सूर्यकीरि रोक्या हुवा अठतालीस इकसठिवां भाग प्रमाण क्षेत्र है । तातैं परैं वावन योजनका इकसठिवां भाग प्रमाण क्षेत्र रह्या सो आगिला दोय योजनका अंतराल-विषै देनां । ऐसैं द्वीप वेदिकाका संधिविषै प्राप्त जो सूर्य विंवका व्यास ताकीं प्राप्त भया वाईस योजनका इकसठिवां भाग प्रमाण क्षेत्र तिहिस्यौं लगाइ वेदिकाका च्यारि योजन प्रमाण क्षेत्र समाप्त

भया । बहुरि लवण समुद्रविषै एकसौ सत्तरिका इकसठिवां भागविषै एक उदय होइ तौ विंव रहित समुद्र चार क्षेत्र तीनसै तीस योजन तिहविषै केते उदय होइ ऐसैं त्रैराशिक करि पाए उदय एकसौ अठारह । बहुरि अबशेष उदय अंश सत्तरि एकसौ सत्तरिवां भाग प्रमाण इनका पूर्वाक्त प्रकार क्षेत्र किएं सत्तरि योजनका इकसठिवां भाग प्रमाण क्षेत्र भया । इनिकों वेदिकासंबंधी अंतरालविषै प्राप्त बावन योजनका इकसठिवां भाग मिलाएं भागहार इकसठिका भाग दिएं दोय योजन प्रमाण अंतराल संपूर्ण हो है । बहुरि यातैं परैं रविबिंब सहित अंतर प्रमाणरूप दिन गतिशलाका अंतका अंतरालपर्यंत एकसौ अठारह हैं ते सुगम हैं । तहां उदय भी एकसौ अठारह है । तातैं परैं बाह्य वीथीविषै तिष्ठता सूर्यबिंबका व्यासविषै एक उदय है । ऐसैं सर्व मिलि लवण समुद्रविषै एकसौ उगणीस उदय हैं । ऐसैं दक्षिणायनविषै एकसौ तियासी उदय जाननें । इहां ऐसा भावार्थ जाननां वीथीविषै तिष्ठता हुआ सूर्यका विंब प्रमाण जो क्षेत्र ताका नाम पथ व्यास है सो अठतालीस योजनका इकसठिवां भाग प्रमाण है । अर वीथी वाथीनिकै वीचि जितनां चार क्षेत्र विषै अंतराल ताका नाम अंतर है सो दोय योजन प्रमाण है । तहां एक सौ छिहत्तरि योजन प्रमाण द्वीप संबंधी चार क्षेत्रविषै प्रथम अभ्यंतर पथ व्यास है ताकै आगैं प्रथम अंतराल है । ताकै आगैं दूसरा पथव्यास है । ताकै आगैं दूसरा अंतराल हैं । ऐसैं ही क्रमतैं अंतविषै तेरसठिवां पथ व्यास अर ताकै आगैं तेरसठिवां अंतराल हो है । अर ताकै आगैं छन्वीस योजनका इकसठिवां भाग प्रमाण क्षेत्र अबशेष रखा । बहुरि च्यारि योजन प्रमाण वेदिका संबंधी चार क्षेत्र है तामैं बाईस योजनका इकसठिवां भाग काढि तिस द्वीप संबंधी अबशेष क्षेत्रविषै जोड़ैं चौसठिवां पथ व्यास हो है । चौसठिवां वीथी द्वीप अर वेदिकाकी संधिविषै है । बहुरि तिस पथ व्यासकै आगैं चौसठिवां अंतराल है ताकै आगैं पैसठिवां पथव्यास है ताकै आगैं बावन योजनका इकसठिवां भाग प्रमाण क्षेत्र वेदिका चार क्षेत्रविषै अबशेष रखा । बहुरि पथव्यास रहित समुद्र चार क्षेत्र तीनसै तीस योजन प्रमाण है । तामैं सत्तरि योजनका इकसठिवां भाग काढि वेदिका अबशेष क्षेत्रविषै जोड़ैं पैसठिवां अंतराल हो है । बहुरि ताकै आगैं पथव्यास है ताकै आगैं अंतर है । ऐसैंही क्रमतैं अंतविषै एकसौ तियासीवां पथ व्यास आगैं एकसौ तियासीवां अन्तराल हो है । बहुरि ताकै आगैं पथव्यास प्रमाण अबशेष समुद्रचार क्षेत्रविषै एकसौ चौरासीवां पथव्यास है । बहुरि इहां जहां पथ व्यास है तहां वीथी जाननी । एक एक वीथीविषै प्राप्त होइ सूर्यका दृष्टिविषै आवनां ताका नाम उदय जाननां । ऐसैं एकसौ चौरासी वीथीनिविषै एकसौ चौरासी उदय भए । तहां उत्तरायणस्यौ आवता आवता सूर्य अभ्यन्तर वीथीविषै आवै सो वह उत्तरायणविषै गिनि लिया अर लगता ही दूसरी बार तहां उदय होइ नाही तातैं दक्षिणायणविषै नाही गिना ऐसैं करि एकसौ तियासी उदय जाननें । आगैं उत्तरायणविषै कहिए है—लवण समुद्रविषै रविबिंब सहित चार क्षेत्र तीनसै तीस योजन अर अठतालीस इकसठिवां भाग प्रमाण है ताका समच्छेद करि जोड़े बीस हजार एकसौ अठहत्तरिका इकसठिवां भाग प्रमाण होइ $\frac{20300}{49}$ बहुरि एकसौ सत्तरिका इकसठिवां भाग क्षेत्रकी एक दिनगतिशलाका होइ तौ बीस हजार एकसौ अठहत्तरिका इकसठिवां भागकी केती होइ ऐसैं त्रैराशिक किएं एकसौ

अठारह दिनगतिशलाका होइ । अर एकसौ अठारहका एकसौ सत्तरिवां भाग अवशेष रहै इहां एक वाटि दिन गति शलाका प्रमाण उदय एकसौ सत्तरह है । काहे तै ? जातैं वाह्य पथ संबंधी उदय दक्षिणायण संबंधी है सो इहां न गिन्यां । बहुरि अवशेष एकसौ अठारहका एकसौ सत्तरिवां भाग प्रमाण उदय अंशनिका पूर्वोक्त प्रकार क्षेत्र किएं एकसौ अठारह योजनका इकसठिवां भाग प्रमाण क्षेत्र अवशेष रखा, तिसविषै अठतालीस योजनका इकसठिवां भाग प्रमाण तौ अगिला पथ व्यास-विषै देना, तहां पथ व्यासविषै एक उदय है । अर पूर्वे एकसौ सत्तरह उदय मिलि उत्तरायणविषै समस्त उदय लवण समुद्रविषै एकसौ अठारह हो हैं । बहुरि अवशेष सत्तरि योजनका इकसठिवां भाग प्रमाण क्षेत्र लवण समुद्रविषै रखा सो अगिला अन्तरविषै दैनां ऐसैं समुद्र चार क्षेत्र समाप्त भया । बहुरि च्यारि योजन प्रमाण वेदिका क्षेत्रविषै पूर्वोक्त प्रकार त्रैराशिक करि ल्यायं एक उदय हो है । और अवशेष चहौत्तरि योजनका इकसठिवां भाग प्रमाण क्षेत्र रहै है । तिहविषै वावन योजनका इकसठिवां भाग प्रमाण क्षेत्रकी समुद्रका अवशेष क्षेत्र विषै मिलाएं दौय योजन प्रमाण अन्तर संपूर्ण हो है । इस अन्तरतैं आगैं एक दिनगतिविषै एक उदय होइ आगैं अवशेष वाईस योजनका इकसठिवां भाग रखा सो आगिला पथ व्यासविषै दैनां । ऐसैं च्यारि योजन प्रमाण वेदिका क्षेत्र भी समाप्त भया । आगैं वेदिका रहित द्वीप चार क्षेत्र एकसौ छिहत्तरि योजन प्रमाण तामैं अभ्यन्तर पथ व्यास अठ-तालीसका इकसठिवां भाग प्रमाण समछेद करि घटाएं दश हजार छ सैं अठ्यासीका इकसठिवां भाग प्रमाण होइ । $\frac{30600}{43}$ बहुरि एकसौ सत्तरिका इकसठिवां भाग क्षेत्रकी एक दिनगति शलाका होइ तौ दश हजार छसैं अठ्यासीका इकसठिवां भागकी केती दिन गति शलाका होइ ऐसैं त्रैराशिक किएं वासठि दिनगतिशलाका पावैं, सो इतनांही उदय जाननां । अर अवशेष एक सा अठतालीसका एकसौ सत्तरिवां भाग प्रमाण उदय अंश रहैं । इनका पूर्वोक्त प्रकार क्षेत्र किएं एकसौ अठतालीस योजनका इकसठिवां भाग प्रमाण होइ तीहविषै छवीस योजनका इकसठिवां भागमात्र क्षेत्र तौ वेदिका अर द्वीपकी संधिविषै पथ व्यास है तहां दैनां तव सा पथ व्यास संपूर्ण होइ अवशेष एकसौ वाईसका इकसठिवां भागहार करि भाजिए तव दाय योजन पाए सो संधि पथव्यासकै आगैं अंतरालविषै देना । बहुरि तातैं परैं वासठि दिनगतिशलाका हैं तहां तितनेही उदय हैं । आगैं अभ्यन्तर पथ व्यासविषै एक एक उदय है ऐसैं वेदिकारहित द्वीपचार क्षेत्रविषैं संधि उदय सहित चौंसठि उदय हो हैं । ऐसैं मिलि करि उत्तरायणविषै सूर्यके एकसौ तियासी उदय जाननें । इहां ऐसा भावार्थ जाननां । अंतरका वा पथ व्यासका स्वरूप प्रमाण पूर्वे कह्या था तहां लवण समुद्रका चार क्षेत्रविषै प्रथम पथव्यास हैं । आगैं अंतराल है ताकै आगैं पथ व्यास है । ऐसैंही क्रमतैं एकसौ अठारहका अंतरालकै आगैं एकसौ उगणीसवां पथ व्यास है अवशेष सत्तरि योजनका इकसठिवां भाग प्रमाण क्षेत्र रहै है । बहुरि वेदिकाका चार क्षेत्रविषै वावन योजनका इकसठिवां भाग ग्रहि तामैं मिलाएं समुद्र वेदिकाकी संधिविषै एकसौ उगणीसवां अंतराल हो है, ताके आगैं एकसौ बीसवां पथव्यास

है । आगँ एकसौ वीसवां अंतराल है ताकै आगँ बाईस योजनका इकसठिवां भाग प्रमाण क्षेत्र अवशेष रहै है । बहुरि द्वीप चार क्षेत्रविषै छवीस योजनका इकसठिवां भाग ग्रहि तामें मिलाएँ एक सौ इकईसवां पथव्यास हो है । ताकै आगँ एक सौ इकईसवां अंतर है ऐसैं क्रमतेँ अंतविषै एक सौ तियासीवां अंतरके आगँ एकसौ चौरासीवां पथव्यास है तहां एकसौ चौरासी पथव्यास प्रमाण उदयनिविषै बाह्य वीथीका उदय पूर्व दक्षिणायण विषै गिनिएँ हैं । अर लगता तहां उदय न हो है तातें समुद्रका आदि उदय घटाएँ उत्तरायणविषै सूर्यके उदय एकसौ तियासी ऐसैं जाननें । उदयादिकका स्वरूप पूर्वोक्त कहाही था । बहुरि चंद्रमाका भी अयन भेद किएँ विना द्वीप चार क्षेत्र १८० विषै पांच उदय अर समुद्र चार क्षेत्र ३३०। ५५ विषै दश उदय हैं । मिलि करि पंद्रह उदय हो हैं । आगँ दक्षिणायणविषै कहैं हैं । पथवासपिंडहीणे इत्यादि पूर्वोक्त सूत्रकारि चंद्रमाका दिनगति क्षेत्र पंद्रह हजार पांचसै इकावन योजनका च्यारिसै सत्ताईसवां भाग प्रमाण है सो इतनां $\frac{१५५५५}{३३०}$ क्षेत्रविषै जो एक उदय होय तौ एकसौ अस्ती योजन प्रमाण द्वीप चार क्षेत्र-विषै कितनेँ उदय होहि ऐसैं त्रैराशिक किएँ च्यारि उदय पाए । बहुरि अवशेष चौदह हजार छसै छप्पनका पंद्रह हजार पांचसै इकावनवां भाग प्रमाण उदय अंश रहे । बहुरि एक उदयका पंद्रह हजार पांचसै इकावनका च्यारिसै सत्ताईसवां भाग प्रमाण क्षेत्र होइ तौ चौदह हजार छसै छप्पनका पंद्रह हजार पांचसै इकावनवां भाग प्रमाण उदय अंशानिका केता क्षेत्र होइ ऐसैं त्रैराशिक करि तिर्यग फलराशिके भाज्य करि इच्छाराशिके भागका अपवर्त्तन किएँ चौदह हजार छसै छप्पन योजनका च्यारिसै सत्ताईसवां भाग प्रमाण क्षेत्र अवशेष रखा । बहुरि चंद्रमाका पथ व्यासका प्रमाण छप्पन योजनका इकसठिवां भाग ताका सात करि, समच्छेद किएँ तीनसै बाणवै योजनका च्यारिसै सत्ताईसवां भाग प्रमाण भया सो इतनां तिस अवशेष क्षेत्रविषै ग्रहि अगिला पथ व्यासविषै दैनां । तहां उदय एक, ऐसैं जंबूद्वीप विषै पांचसै उदय हैं तिनविषै अभ्यन्तर पथका उदय उत्तरायण संबधी है तातें ताका न ग्रहण करनेँतें द्वीपविषै च्यारि उदय हैं । द्वीप चार क्षेत्रविषै अवशेष चौदह हजार दोयसै चौसठिका च्यारिसै सत्ताईसवां भाग प्रमाण क्षेत्र रखा । सो यहु भागहारका भाग दिएँ तेतीस योजन अर एकसौ तहेत्तरिका च्यारिसै सत्ताईसवां भागप्रमाण क्षेत्र है । सो याकों अगले अंतरालविषै दैनां । आगँ समुद्रविषै चारक्षेत्र तीनसै तीस योजन अर अठतालीसका इकसठिवां भाग प्रमाण हैं । ताकों समच्छेदकरि मिलाएँ वीस हजार एकसौ अठहत्तरिका इकसठिवां भागप्रमाण भया । सो पंद्रह हजार पांचसै इकावन योजनका च्यारिसै सत्ताईसवां भाग प्रमाण क्षेत्रविषै एक उदय होइ तौ वीस हजार एकसौ अठहत्तरिका इकसठिवां भाग प्रमाण क्षेत्रविषै कितनेँ उदय होहिं । ऐसैं त्रैराशिक किएँ इकसठिकरि अपवर्त्तन करि सातकरि गुणें लब्धराशि एक लाख इकतालीस हजार दोयसै छियालीसका पंद्रह हजार पांचसै इकावनवां भागप्रमाण आय। सो भागहारका भाग दिएँ नव उदय पाए अर अवशेष बारहसै सित्यासीका पंद्रह हजार पांचसै इकावनवां भागप्रमाण उदयअंश रहे इनका पूर्वोक्त प्रकार क्षेत्र किएँ बारहसै सित्यासी योजनका च्यारिसै सत्ताईसवां भाग प्रमाण क्षेत्र अवशेष रखा । यामें

सौ चन्द्रविंशका प्रमाण छप्पन योजनका इकसठिवां भाग प्रमाण ताका सातकरि समछेद किए तीनसे वाणविका च्यारिसै सत्ताईसवां भाग प्रमाण ग्रहिकरि बाह्यपथविषे देना । तहां एक उदय ऐसै लवण समुद्रविषे दस उदय हैं । बहुरि अवशेष आठसै पिच्याणवै योजनका च्यारिसै सत्ता-ईसवां भागप्रमाण क्षेत्र रखा सो अपना भागहारका भाग दिए दोय योजन अर इकतालीसका च्यारिसै सत्ताईसवां भागप्रमाण क्षेत्र भया सो याको द्वीपविषे अवशेष तेतीस योजन अर एकसौ तहेत्तरिका च्यारिसै सत्ताईसवां भागप्रमाण क्षेत्रविषे जोड़े पैंतीस योजन अर दोयसै चौदहका च्यारिसै सत्ताईसवां भागप्रमाण पांचवां अंतराल संपूर्ण हो है । ऐसै चन्द्रमाका दक्षिणायनविषे द्वीप समुद्रका मिलि चौदह उदय हो है । इहां ऐसा भावार्थ जानना । चन्द्रमाका चार क्षेत्रविषे पंद्रह वीथी हैं तिनविषे चन्द्रमाका दृष्टिविषे आवनां सोई उदय है । तहां वायीनिविषे जहां चन्द्रविंश छप्पन योजनका इकसठिवां भागप्रमाण क्षेत्र रोके ताका नाम पथव्यास है । बहुरि वीथीनिके बीचि बीचि पैंतीस योजन अर दोयसै चौदहका च्यारिसै सत्ताईसवां भागप्रमाण जो अंतराल ताका नाम अंतर है । दोऊनिकां मिलाए पंद्रह हजार पांचसै इकावनका च्यारिसै सत्ता-ईसवां भागप्रमाण दिनगति क्षेत्र हो है । तहां द्वीपसंबंधी एकसौ असी योजन प्रमाण चारक्षे-प्रविषे प्रथम अभ्यन्तर वीथी है तहां पथ व्यास प्रमाण क्षेत्र है । ताके आगे प्रथम अंतर है ताके आगे दूसरा पथव्यास है । ऐसै क्रमते चौथा अंतरके आगे पांचवां पथ व्यास है ताके आगे द्वीपचार क्षेत्रविषे तेतीस योजन अर एकसौ तहेत्तरिका च्यारिसै सत्ताईसवां भागप्रमाण क्षेत्र अव-शेष रहे है । बहुरि लवण समुद्रका चार क्षेत्र तीनसे तीस योजन अर अठतालीसका इकसठिवां भागप्रमाण तिहविषे दोय योजन अर दोयसै चौदहका च्यारिसै सत्ताईसवां भागप्रमाण क्षेत्रद्वीप अवशेष क्षेत्रविषे जोड़े । द्वीप अर समुद्रकी संधिविषे पांचवां अंतराल हो है । ताके आगे छठा पथ व्यास है । ताके आगे छठा अंतराल है । ऐसे क्रमते अंतविषे चौदहवां अंतरालके आगे पंद्रहवां बाह्य पथ व्यास है । इन पंद्रह पथ व्यासनिविषे जे पंद्रह उदय तिनविषे द्वीप चार क्षेत्रविषे पहला अभ्यन्तर वीथीका उदय उत्तरायण संबंधी है । ताते चन्द्रमाके दक्षिणायनविषे ऐसै चौदह उदय जानने । आगे उत्तरायणविषे कहें हैं । समुद्रका चार क्षेत्र तीनसे तीस योजन अर अठतालीसका इकसठिवां भागप्रमाण है । तहां पूर्वोक्त प्रकार करि ल्याए नव उदय आए । अर अवशेष उदय असं बारहसै सित्यासीका पंद्रह हजार पांचसै इकावनवां भागप्रमाण रहे इनका पूर्वोक्त प्रकार क्षेत्र किए बारहसै सित्यासी योजनका च्यारिसै सत्ताईसवां भागप्रमाण हो है । बहुरि यामे चंद्रविंशका प्रमाण छप्पन योजनका इकसठिवां भाग मात्र ताका सात करि समछेद किए तीनसे वाणविका च्यारिसै सत्ताईसवां भागप्रमाण ताकां ग्रहि करि बाह्य पथते लगाय नवमां अंतरालके आगे जो पथ व्यास तामे देना वा तहां एक उदय ऐसे समुद्रविषे दस उदय भए इनविषे बाह्य पथका उदय दक्षिणायण संबंधी ही है । ताते ताका ग्रहण न करना ऐसे नव उदय रहे । बहुरि समुद्र चार क्षेत्रविषे अवशेष होय योजन अर इकतालीसका च्यारिसै सत्ताई-सवां भागप्रमाण क्षेत्र रखा सो दसवां अंतरालविषे देना । ऐसे किए समुद्रका चार क्षेत्र समाप्त भया ।

आर्गे द्वीप चार क्षेत्रविषै पूर्वोक्त प्रकार उदय च्यारि अर अवशेष चौदह हजार छसै छप्पनका पंद्रह हजार पांचसै इकावनवां भागप्रमाण उदय अंश रहे इनका पूर्वोक्त प्रकार क्षेत्र किए चौदह हजार छसै छप्पनका च्यारिसै सत्ताईस योजनका च्यारिसै सत्ताईसवां भागप्रमाण होइ यामें प्रतीस योजन अर एकसौ तहेत्तरिका च्यारिसै सत्ताईसवां भागका समछेद किए चौदह हजार दोयसै चौसठिका च्यारिसै सत्ताईसवां भाग होइ सो ग्रहि करि दशवां अंतरालविषै देना । ऐसैं पैतीसै योजन अर दोयसै चौदहका च्यारिसै सत्ताईसवां भाग प्रमाण दशवां अंतरालसंपूर्ण हो है । बहुरि अव शेष तीनसै बाणवै योजनका च्यारिसै सत्ताईसवां भागप्रमाण रखा । ताकां सात करि अपवर्तन किए छप्पनका इकसठिवां भागप्रमाण होइ सो यहु अभ्यन्तर पथ च्यात्तविषै देनां । इसविषै एक उदय ऐसे द्वीपविषै चंद्रमाका उत्तरायणविषै पांच उदय हैं इहां ऐसा भावार्थ जाननां । चंद्रमाका पथव्यास अंतरादिकका स्वरूप प्रमाणतां पूर्वोक्त जानना तहां लवण समुद्रका चार क्षेत्रविषै प्रथम ब्राह्म पथ व्यास है । ताके अभ्यन्तरवर्ती आर्गे आर्गे प्रथम अंतर है । ताके आर्गे द्वितीय पथ व्यास है । ताके आर्गे द्वितीय अंतर है । ऐसे क्रमते नवमां अंतरके आर्गे दशवां पथ व्यास है । ताके आर्गे दोय योजन अर इकतालीसका च्यारिसै सत्ताईसवां भाग प्रमाण क्षेत्र अवशेष रखा । बहुरि आर्गे द्वीप चार क्षेत्रविषै तेतीस योजन अर एकसौ तहेत्तरिका च्यारिसै सत्ताईसवां भागप्रमाण क्षेत्र ग्रहि अर समुद्रका अवशेष क्षेत्र ग्रहि दशवां अंतरालको दीएं समुद्र अर द्वीपकी संधिविषै दशवां अंतराल संपूर्ण हो है । ताके आर्गे ग्यारव्हां पथ व्यास है ताके आर्गे ग्यारव्हां अंतराल है । ऐसैं क्रमते अंतविषै चौदहवां अंतके आर्गे पंद्रहवां अभ्यन्तर पथ व्यास है । ऐसैं इन पंद्रह पथ व्यासनिविषै पंद्रह उदय हैं । तिनिविषै समुद्रसंबंधी प्रथम व्यासविषै जो उदय है सो दक्षिणायन संबंधीही है । जाते लगता दूस्-रीवार तहां उदय न हो है ताते चंद्रमाका उत्तरायणविषै नव समुद्रविषै पांच द्वीप विषै ऐसे चौदह उदय जानने बहुरि इहां सूर्य व चन्द्रमाका उत्तरायणविषै उदयका विभाग मूल सूत्र कर्त्तान कहा । तथापि दक्षिणायनका उदय मार्ग करि टांकाकार विचार करि कथा है ॥३९६॥

अव दक्षिण उत्तर ऊर्ध्व अधविषै सूर्यके आतापका क्षेत्र विभाग कहैं हैं;—

मन्दरगिरिमज्झादो जावय लवणुवहिच्छट्टभागो दु ।

हेट्टा अट्टरससया उवरिं सयजोयणा ताओ ॥ ३९७ ॥

मंदरगिरिमध्यात् यावत् लवणोदधिपट्टभागस्तु ।

अधस्तनो अष्टादशशतानि उपरि शतयोजनानि तापः ॥ ३९७ ॥

अर्थ—मेरुगिरिके मध्यते लगाय यावत् लवण समुद्रका छटा भागपर्यंत सूर्यका आताप फैले है । ताका उदाहरण अभ्यन्तर वीथीविषै तिष्ठता सूर्यकी अपेक्षा कहिए है । जंबूद्वीपका आधा क्षेत्र पचास हजार योजन तामें द्वीप चार क्षेत्र एकसौ अस्ती योजन घटाएं गुणचास हजार आठसै वीस योजन प्रमाण तौ मेरु गिरिके मध्यते लगाय अभ्यन्तर वीथी पर्यंत उत्तर दिशा विषै आताप फैले है । बहुरि लवण समुद्रका व्यास दोय लाख योजन ताका छट्ठां भाग तेतीस हजार तीनसै

तेतीस योजन अर एकका तीसरा भाग प्रमाण यामैं द्वीप चार क्षेत्र एकसौ अस्ती योजन मिलाएं तेतीस हजार पांचसै तेरह योजन अर एकका तीसरा भाग प्रमाण अम्यंतर वीथीतं ल्गाय लवण समुद्रका छठा भाग पर्यंत दक्षिण दिशाविपैं आताप फैलै है । बहुरि अँसैंही अन्य वीथीनिविपैं भी जाननां । बहुरि सूर्य विवर्तैं नीचे अठारहसै योजन पर्यंत अघः दिशा विपैं आताप फैलै है । भावार्थ—सूर्यविवर्तैं नीचैं आठसै योजन तौ समभूमि है अर तातैं नीचैं हजार योजन पर्यंत चित्रा पृथ्वी है तहां पर्यंत सूर्यका आताप फैलै है । बहुरि सूर्य विवर्तैं ऊपरि सौ योजन पर्यंत ऊर्द्ध दिशाविपैं आताप फैलै है । भावार्थ—सूर्यविवर्तैं ऊपरि सौ १०० योजनपर्यंत ज्योतिर्लोक है तहांपर्यंत सूर्यका आताप फैलै है । जैसे परिधिनि विपैं तो आताप फैलनेका प्रमाण पूर्व कह्या था इहां दक्षिण उत्तर ऊर्द्ध अघः दिशा विपैं आताप फैलनेका प्रमाण कह्या ॥ ३९७ ॥

आगैं चंद्रमा सूर्य ग्रह इनकैं नक्षत्र भुक्तिके प्रतिपादन करनैं कीं चाहता आचार्य सो प्रथम एक एक नक्षत्र संबंधी मर्यादारूप गगन खंडनिकों कहैं है;—

अभिजिस्स गगणखंडा छस्सयतीसं च अवरमज्झवरे ।

छप्पण्णरसे छक्के इगिदुत्तिगुणपण्युतसहस्सा ॥ ३९८ ॥

अभिजितः गगनखंडानि पट्शतत्रिंशत् च अवरमध्यवराणि ।

पट्पंचदशे पट्के एकाद्विंशतिगुणपंचयुतसहस्राणि ॥ ३९८ ॥

अर्थ—अभिजित नक्षत्रके गगनखंड छसै तीस हैं । बहुरि जघन्य मध्य उत्कृष्ट नक्षत्र क्रम-
तैं छह पंद्रह छह प्रमाणकों धरै तिनके एक दोय तीन गुणां पांच संयुक्त एक हजार प्रमाण गगन
खंड हैं । भावार्थ—परिधिरूप जो गगन कहिए आकाश ताके एक लाख नव हजार आठसै
खंड करिए तामैं एक चंद्रमा संबंधी अभिजित नक्षत्रके छसै तीस गगन खंड है । छसै तीस खंड
प्रमाण परिधि रूप आकाश क्षेत्र विपै अभिजित नक्षत्रकी सीमा मर्यादा है । बहुरि ऐसैं हीं छह
जघन्य नक्षत्र तिन एक एकके एक हजार पांच गगन खंड हैं । बहुरि पंद्रह मध्य नक्षत्र तिन एक एककैं
दोय हजार दश गगन खंड हैं । बहुरि छह उत्कृष्ट नक्षत्र तिन एक एकके तीन हजार पंद्रह गगन खंड
हैं । बहुरि इतनें इतनेंही दूसरा चंद्रमा संबंधी हैं । इहां नक्षत्रनिके जघन्य मध्य उत्कृष्टपना गगन
खंडनिका थोडा बहुत अति बहुतकी अपेक्षा कह्या है स्वरूपादिक अपेक्षा नाहीं कह्या है ॥ ३९८ ॥

आगैं तिन जघन्य मध्यम उत्कृष्ट नक्षत्रनिकों दोय गाथानि करि कहैं हैं;—

सदाभिस भरणी अद्दा सादी असिलेस्स जेठ्ठमवर वरा ।

रोहिणि विसाह पुणव्वसु तिउत्तरा मज्झिमा सेसा ॥ ३९९ ॥

शतभिषा भरणी आर्द्रा स्वातिः आश्लेषा ज्येष्ठा अवरराणि वराणि ।

रोहिणी विशाखा पुनर्वसुः त्र्युत्तराः मध्यमा शेषाः ॥ ३९९ ॥

अर्थ—शतभिषक कहिए शतभिषा १ भरणी १ आर्द्रा १ स्वाति १ आश्लेषा १ ज्येष्ठा
१ ए छह जघन्य नक्षत्र हैं । बहुरि रोहिणी १ विशाखा १ पुनर्वसु १ उत्तरा कहिए उत्तरा फाल्गुनी
१ उत्तरापाढा १ उत्तरा भाद्रपदा ए छह उत्कृष्ट नक्षत्र हैं । बहुरि अवशेष नक्षत्र मध्यम हैं ॥ ३९९ ॥

ते अवशेष कौन सो कहैं हैं;—

अस्सिणि कित्ति य मियासिर पुस्स महा हत्थ चित्त अणुराहा ।

पुण्वतिय मूल सवणा सधणिट्ठा रेवती य मज्झिमया ॥ ४०० ॥

आश्विनी कृतिका मृगशीर्षा पुष्यः मघा हस्तः चित्रा अनुराधा ।

पूर्वत्रिका मूलं श्रवणं सधनिष्ठा रेवती च मध्यमाः ॥ ४०० ॥

अर्थ—अश्विनी १ कृतिका १ मृगशीर्षा १ पुष्य १ मघा १ हस्त १ चित्रा १ अनुराधा १ पूर्वत्रिका कहिए पूर्वा फाल्गुनी १ पूर्वाषाढा १ पूर्वाभाद्रपदा १ मूल १ श्रवण १ धनिष्ठा १ रेवती १ ए पंद्रह मध्यम नक्षत्र हैं ॥ ४०० ॥

आगै कहे जु ए गगन खंड तिनकों इकट्ठे करि चंद्रमा सूर्य नक्षत्रनिका परिधिविषै भ्रमण कालका प्रमाण कहैं हैं;—

दोचंदाणं मिलिदे अट्टसयं णवसहस्समिगिल्लखं ।

सगसगमुहुत्तगदिणभखंडहिदे परिधिगमुहुत्ता ॥ ४०१ ॥

द्विचंद्रयोः मिलिते अष्टशतं नवसहस्रं एकलक्षं ।

स्वकस्वकमुहूर्तगतिनभःखंडहिते परिधिमुहूर्ताः ॥ ४०१ ॥

अर्थ—दोय चंद्रमानिके मिलाए हुए आठसैं सहित नव हजार अधिक एक लाख गगन खंड हो हैं । कैसैं १ जघन्य मध्य उत्कृष्ट नक्षत्रनिका गगन खंड क्रमत्तें एक हजार पांच दो हजार दश तीन हजार पंद्रह इनकों अपने नक्षत्र प्रमाण छह पंद्रह छह करि गुणें जघन्य नक्षत्रनिके छह हजार तीस मध्य नक्षत्रनिके तीस हजार एकसौ पचास, उत्कृष्ट नक्षत्रनिके अठारह हजार निवै गगन खंड हो हैं । ए खंड अर छसैं तीस अभिजितके खंड मिलाए चौवन हजार नवसैं भए । बहुरि एक परिधि विषै दोय चंद्रमा हैं । तातैं तिनकों दूणां करि मिलाइए तव एक लाख नव हजार आठसैं गगन खंड परिधि विषै हो है । बहुरि इन गगन खंडनिकों अपनां अपनां एक मुहूर्त विषै गगन प्रमाण जे गगन खंड तिनका भाग दिएं परिधि विषै भ्रमणकालका प्रमाण आवैं है । कैसैं सो कहिए है । चंद्रमा सतरहसैं अडसठि गगन खंडनिविषै एक मुहूर्त करि गगन करै तौ एक लाख नव हजार आठसैं गगन खंडनि विषै केते मुहूर्तनिकारि गगन करै ऐसैं त्रैराशिक किएं चंद्रमाका परिधि विषै भ्रमण करनैका काल वासठि मुहूर्त आए, अर एकसौ चौरासीका सतरहसैं अडसठिवां भागका आठ करि अपवर्तन किएं तेईस मुहूर्तका दोयसै इकईसवां भाग आया । बहुरि याही प्रकार सूर्य अठारहसैं तीस गगन खंडनिविषै एक मुहूर्त करि गगन करै तौ एक लाख नव हजार आठसैं गगन खंडनि विषै केते मुहूर्तनि करि गगन करै ऐसैं त्रैराशिक किएं सूर्यका परिधि विषै भ्रमण करनैका काल साठि मुहूर्त आवैं है । बहुरि नक्षत्र अठारहसैं पैतीस गगनखंडनिविषै एक मुहूर्त करि गगन करै तौ एक लाख नव हजार आठसैं गगनखंडनिविषै केते मुहूर्तनि करि गगन करै ऐसैं त्रैराशिक किएं नक्षत्रनिका परिधि विषै भ्रमण करनैका काल गुणसठि तौ मुहूर्त आए अर अवशेष पंद्रहसैं पैतीसका अठारहसैं पैतीसवां भाग ताका पांच करि अपवर्तन किए तीनसैं सात मुहूर्तनिका तीनसैं सतस-

टिवां भाग आया । या प्रकार एक वार संपूर्ण एक परिविधिपै भ्रमण करनेका काल प्रमाण कहा ॥ ४०१ ॥

आगं सो एक मुहूर्त्त करि अपनां अपनां गगन खंडनिविधै गमन करनेका प्रमाण कहा सो कहें हैं;—

अदृष्टी सत्तरसयमिंदू वावाट्टि पंचअहियकर्म ।

गच्छति मूररिक्खा णभखंडाणिगिमुहुत्तेण ॥ ४०२ ॥

अष्टपष्टिः सप्तदशशतं इंदुः द्वापष्टिः पंचाधिकक्रमाणि ।

गच्छति सूर्यकक्षाणि नमःखंडानि एकमुहूर्त्तेन ॥ ४०२ ॥

अर्थ—अडसठि अधिक सतरहसै १७६८ गगन खंडनिकां चंद्रमा एक मुहूर्त्त करि गमन करै है । बहुरि तिनतै वासठि अधिक ताका अठारहसै तास गगन खंडनिकां सूर्य अर इन्तै पांच अधिक ताका अठारहसै पैंतास गगन खंडनिकां नक्षत्र एक मुहूर्त्त करि गमन करै हैं ॥ ४०२ ॥

आगं चंद्रमादि तारापर्यंत ज्योतिर्पानिकै गमन विशेषका स्वरूप कहें हैं;—

चंदो मंदो गमणे मूरो सिग्घो तदो गहा तत्तो ।

तत्तो रिक्खा सिग्घा सिग्घयरा तारया तत्तो ॥ ४०३ ॥

चंद्रो मंदो गमने सूरः शीघ्रः ततो ग्रहाः ततः ।

ततः ऋक्षाणि शीघ्राणि शीघ्रतराः तारकाः ततः ॥ ४०३ ॥

अर्थ—सर्वतै गमनविधै चंद्रमा मंद है मंद गमन करै है । तातै सूर्य शीघ्र गमन करै है । तातै ग्रह शीघ्र गमन करै हैं, तातै नक्षत्र शीघ्र गमन करै हैं, तातै अतिशीघ्र तारे गमन करै हैं ॥ ४०३ ॥

आगं अत्र चंद्रमा सूर्यके नक्षत्र भुक्तिकां कहें हैं;—

इंदुरवीदो रिक्खा सत्तद्वी पंच गगणखंडाहिया ।

अहियंहिदरिक्खखंडा रिक्खे इंदुरविअस्थणमुहुत्ता ॥ ४०४ ॥

इंदुरवितः ऋक्षाणि सप्तपष्टिः पंच गगनखंडाधिकानि ।

अधिकहितऋक्षखंडानि ऋक्षे इंदुरविअस्तमनमुहूर्ताः ॥ ४०४ ॥

अर्थ—चंद्रमा सूर्यके गगन खंडनितै क्रमतै सडसठि अर पांच गगन खंड अधिक नक्षत्रनिकै एक मुहूर्त्त करि गमन अपेक्षा गगन खंड हैं । सो इस अधिकका भाग अपने अपने नक्षत्र खंडनिकां दिएं नक्षत्र अर चंद्र वा सूर्यका आसन मुहूर्त्तनिका प्रमाण आधै है । सो कहिए हैं । एक ही वार चंद्रमा अर नक्षत्र साथि गमनका प्रारंभ किया तहां एक मुहूर्त्तविधै चंद्रमा तौ सतरहसै अडसठि गगन खंडनि प्रति गमन किया अर नक्षत्र अठारहसै पैतास गगन खंडनि प्रति गमन किया । तहां चंद्रमा नक्षत्रतै सतसठि गगन खंड पीछें रखा । तहां अभिजित नक्षत्र अर चंद्रमा दोऊ साथि गमनका प्रारंभ करि एक मुहूर्त्तविधै अभिजिततै चंद्रमा सतसठि गगन खंड पीछें रखा । बहुरि दूसरा मुहूर्त्तविधै और सतसठि गगन खंड पीछें रखा । ऐसै पीछें रहता रहता जितने काल करि

छसै तीस अभिजितके सर्व खंडनिकों छोड़ि पीछें रहै तितनां काल अभिजित नक्षत्र अर चंद्र-
माका आसन मुहूर्त कहिए। सो सदसठि अधिक खंडनिके पीछें छोड़नेमें एक एक मुहूर्त होइ तौ
छसै तीस अभिजित खंडनिके पीछें छोड़नेमें केते मुहूर्त होइ। ऐसैं त्रैराशिक करि अधिक
प्रमाण सतसठिका भाग अपने छसै तीस खंडनिकों दिएं लव्य राशि नव मुहूर्त अर
सत्ताईसका सतसठिवां भाग मात्र अभिजित अर चंद्रमाका आसन मुहूर्तका प्रमाण
आया। इतने काल चंद्रमा अभिजित संबंधी गगन खंडनिके निकट वर्ती रहै हैं। तातैं
आसन मुहूर्त कहिए। वहुनि इस आसन मुहूर्त काल ही विषै नक्षत्र भुक्ति कहिए। यात्र-
त्काल चंद्रमा अभिजित संबंधी गगन खंडनिके समीपवर्ती रहै तावत्काल चंद्रमाके अभिजित
नक्षत्रका भोगवनां कहिए। वहुनि इस ही कालविषै योग कहिए यात्रत्काल चंद्रमा अर अभिजित
संबंधी गगन खंडनिका संयोग रहै तावत्काल चंद्रमा अर अभिजितका योग कहिए। वहुनि याही
प्रकार अधिक प्रमाण सतसठिका भाग जघन्य मध्य उत्कृष्ट नक्षत्रनिके क्रमते एक हजार पांच दोष
हजार दस तीन हजार पंद्रह गगन खंडनिकों दिएं जघन्य नक्षत्रनिका पंद्रह मुहूर्त मध्य नक्षत्रनिका
तीस मुहूर्त उत्कृष्टनिका पैंतालीस मुहूर्त मात्र आसन मुहूर्त हो है। वहुनि तीस मुहूर्तका एक
दिन होइ तौ पंद्रह आदि मुहूर्तनिका केता होइ ऐसैं करि पंद्रहका अपवर्तन किए जघन्य नक्षत्र-
निका आधा दिन ३ मध्यम नक्षत्रनिका एक दिन २ उत्कृष्ट नक्षत्रनिका व्योह दिन ३ प्रमाण चंद्रमाके
नक्षत्र भुक्ति काल हो है। वहुनि याही प्रकार अधिक प्रमाण पांचका भाग अपने अपने नक्षत्र
संबंधी गगन खंडनिकों दिएं दिनादिक किए सूर्यके अभिजितका च्यारि दिन छह मुहूर्त जघन्य
नक्षत्रका छहदिन इकईस मुहूर्त मध्यम नक्षत्रका तेरह दिन बारह मुहूर्त उत्कृष्ट नक्षत्रका बीस दिन
तीन मुहूर्त प्रमाण नक्षत्र भुक्तिका काल जाननां ॥ ४०४ ॥

आगैं राहुका गगन खंड कहि करि ताकैं नक्षत्र भुक्ति कहैं हैं;—

रविखंडादो वारसभागृणं वज्जदे जदो राहू ।

तह्या तत्तो रिक्खा वारहिदिगिसाट्टिखंडहिया ॥ ४०५ ॥

रविखंडतः द्वादशभागोनं व्रजति यतो राहुः ।

तस्मात्ततः ऋक्षाणि द्वादशहितैकपष्टिखंडाधिकानि ॥ ४०५ ॥

अर्थ—जातैं सूर्यके खंडनितैं एकका बारहवां भाग घाटि राहु गमन करै है। सूर्यका
अठारहसै तीस गगन खंडनविषै एकका बारहवां भाग घटाएं अठारहसै गुणतीस गगन
खंड अर ग्यारहका बारहवां भाग मात्र राहुके एक मुहूर्त विषै गमन करनेका प्रमाण हो
है। इनतैं इकसठिका बारहवां भाग अधिक नक्षत्रनिके गमन करनेका प्रमाण हो है। कैसैं इतनां
अधिक हो है? राहुका गगन खंड १८२९ ३३ नक्षत्रका गगन खंड १८३५ मैस्यो घटाएं ग्यार-
हका बारहवां भाग घाटि छह खंड भए। तहां छहका बारहकर समछेद करि ६३ अर तामें ग्यारहका
बारहवां भाग घटाएं इकसठिका बारहवां भाग अधिकका प्रमाण हो है। वहुनि अहियहिदरिक्खखंडे
इस सूत्रके न्यायकरि अधिकका भाग अपने २ नक्षत्र खंडनिकों दिएं राहुके नक्षत्र भुक्तिका काल

आत्रै है । तहां इकसठिका वारह्वां भाग छोड़नें विषै एक मुहूर्त्त होइ तौ छसै तीस अभिजित खंड-
निके छोड़नें विषै केते मुहूर्त्त होइ ऐसैं छसै तीसकों इकसठिका वारह्वां भागका भाग दैनां तहां
भागहारका भागहार वारह ताकों छसै तीसका गुणकार करि ताकों इकसठिका भाग दैनां ६३० । $\frac{१०}{६९}$
वहुरि इनकों तीसका भाग देइ दिन करनें $\frac{६३०}{६९}$ । $\frac{१०}{६९}$ वहुरि इहां वारहकों तीस सहित छह करि
अपवर्त्तन करनां $\frac{६३०}{६९}$ । $\frac{१०}{६९}$ वहुरि छसै तीसकों पांच करि अपवर्त्तन करनां $\frac{१२६}{६९}$ । २ याकों अपने
गुणकार करि गुणें $\frac{१२६}{६९}$ भाग हारका भाग दिएं च्यारि दिन अर आठका इकसठिवां भाग प्रमाण
राहुके अभिजित् नक्षत्रका भुक्तिका काल है । याही प्रकार राहुके जघन्य नक्षत्रका छह दिन अर
छतीसका इकसठिवां भाग मध्य नक्षत्रका तेरह दिन अर ग्यारहका इकसठिवां भाग उत्कृष्ट नक्षत्रका
उगणीस दिन अर सैंतालीसका इकसठिवां भाग प्रमाण भुक्ति काल जाननां ॥ ४०५ ॥

आगैं अन्य प्रकार करि राहुके नक्षत्र भुक्तिकों कहैं हैं;—

णक्खत्तसूरजोगजमुहूर्त्तरासिं दुवेहि संगुणिय ।

एकद्विहिदे दिवसा हवंति णक्खत्तराहुजोगस्स ॥ ४०६ ॥

नक्षत्रसूरयोगजमुहूर्त्तराशिं द्वाभ्यां संगुण्य ।

एकषष्टिहिते दिवसा भवंति नक्षत्रराहुयोगस्य ॥ ४०६ ॥

अर्थ—नक्षत्र अर सूर्यका योग करि उत्पन्न जो मुहूर्त्तनिका प्रमाण रूप राशि ताकों दौय
करि गुणि इकसठिका भाग दिएं जो प्रमाण आत्रै तितनें नक्षत्र अर राहुके योगविषै दिननिका प्रमाण
जाननां । तहां सूर्यके अभिजित नक्षत्रका भुक्तिकाल च्यारि दिन छह मुहूर्त्त है । दिननिकों तीस
गुणां करि मुहूर्त्त किएं सर्व एकसौ छवीस मुहूर्त्त भए । इनकों दौय करि गुणें दौयसै बावन भए ।
इनकों इकसठिका भाग दिएं च्यारि अर आठका इकसठिवां भाग आया । सोई राहुके अभिजित
नक्षत्रका भुक्तिकाल च्यारि दिन अर आठका इकसठिवां भाग प्रमाण है । ऐसैंही अन्य नक्षत्रनिका
भी विधान करनां ॥ ४०६ ॥

आगैं एक अयन विषै नक्षत्र भुक्ति सहित वा रहित जे दिन तिनकों कहैं हैं;—

अभिजादि तिसीदिसयं उत्तरअयणस्स होंति दिवसाणि ।

अधिकदिणाणं तिण्णि य गददिवसा होंति इग्गि अयणे ॥ ४०७ ॥

अभिजिदादि त्रयशीतिशतं उत्तरायणस्य भवंति दिवसानि ।

अधिकदिनानां त्रीणि च गतदिवसानि भवंति एकस्मिन् अयने ॥ ४०७ ॥

अर्थ—अभिजितकों आदि दै करि पुष्य पर्यंत जे जघन्य मध्य उत्कृष्ट नक्षत्र तिनके एक
सौ तियासी दिन उत्तरायणके हो हैं । वहुरि इनतैं अधिक दिन तीन एक अयन विषै गत दिवस
हो हैं ॥ ४०७ ॥

आगैं आविक दिननिकी उत्पत्तिकों कहैं हैं;—

एकपहलंघणं पडि जदि दिवसिगिसद्विभागमुवलद्धं ।

किं तेसीदिसदस्सिदि गुणिदे ते होंति अहियदिणा ॥ ४०८ ॥

एकपथलघनं प्रति यदि दिवसैकपष्टिभागं उपलब्धं ।

किं त्र्यशीतिशतस्येति गुणिते ते भवन्ति अधिकदिनानि ॥ ४०८ ॥

अर्थ—वीथी रूप जो एक सूर्यका मार्ग ताका उल्लंघन प्रति जो एक दिनका इकसठिवा भाग पावै तौ एक सौ तियासी मार्गनिका उल्लंघन प्रति केते दिवस पावै ऐसैं त्रैराशिक करि तह इकसठि करि अपवर्तन करि गुणें अधिक दिन तीन हो हैं । वहुरि एक अयन विषै एक सौ तियासी दिन कैसै हैं सो कहिए हैं । एक मुहूर्त्त विषै गमन योग्य सूर्यके अठारहसै तीस खंड अंर नक्षत्रके अठारहसै पैतीस खंड तातैं सूर्यके नक्षत्रतैं पांच खंड छोड़नैविषै एक मुहूर्त्त होइ तौ अभिजित नक्षत्रके छसैतीस खंड छोड़नैविषै केते मुहूर्त्त होइ ऐसैं मुहूर्त्त करि ६३० ताको तीसका भाग देइ दिन करने ६३० वहुरि भाज्य भाजककों तीस करि अपवर्तन किए इकईस दिनका पांचवां भाग प्रमाण अभिजितका भुक्तिकाल आया । ऐसैंही जघन्य मध्य उत्कृष्ट नक्षत्र श्रवण आदि पुनर्वसु पर्यंत तिनके त्रैराशिक विधिकारि मुहूर्त्त वा दिन करि क्रमतैं पंद्रह तीस पंद्रह करि अपवर्तन करि जो जो पावै सो सो तिस तिस नक्षत्र विषै स्थापन करनां ॥ ४०८ ॥

आगैं पुष्यविषै विशेष है ताके प्रतिपादनके अर्थि कहैं हैं ;—

सतिपंचमचउदिवसे पुस्से गमियुत्तरायणसमती ।

सेसे दक्षिणआदी सावणपडिवदि रचिस्स पढमपदे ॥ ४०९ ॥

सत्रिपंचमचतुर्दिवसान् पुष्ये गत्वा उत्तरायणसमाप्तिः ।

शेषान् दक्षिणादिः श्रावणप्रतिपदि रवेः प्रथमपथे ॥ ४०९ ॥

अर्थ—तीन दिनका पांचवां भाग सहित च्यारि दिन पुष्य नक्षत्रका भुक्तिकालविषै जा-इकीर उत्तरायणकी समाप्तता हो है । ऐसैं करि पूर्वोक्त प्रकार पुष्य नक्षत्र भुक्तिका कालको सड़-सठि दिनका पांचवां भाग प्रमाण ल्याइ तामें तीनका पांचवां भाग सहित च्यारि दिनका समछेद किए तेईस दिनका पांचवां भाग भया सो ग्रहि करि उत्तरायणकी समाप्तता विषै देनां अवशेष चवालीस दिनका पांचवां भाग रखा तामें कोष्ट पूरण करणैके अर्थि तितना ही तेईस दिनका पांचवां भाग ग्रहिकरि दक्षिणायनका प्रथम कोष्ट विषै दिए यहु ही श्रावण मासविषै पडिवाके दिन सूर्यका प्रथम मार्गविषै दक्षिणायनका आदि हो है । अवशेष इकईस दिनका पांचवां भाग द्विती-यकोष्ट विषै देनां । वहुरि ऐसैंही पूर्वोक्त प्रकार आश्लेषा आदि उत्तरायणाटा पर्यंत नक्षत्रनिका सूर्यके भुक्तिका काल ल्याइ तिहतिह नक्षत्र विषै स्थापन करनां ।

भावार्थ—सूर्यका उत्तरायण विषै प्रथम अभिजित नक्षत्रका भुक्ति हो है ताका काल पूर्वोक्त प्रकार किए इकईस दिनका पांचवा भाग प्रमाण है । पीछे क्रमतैं श्रवण १ धनिष्ठा १ शतभिषा १ पूर्वाभाद्रपदा १ उत्तराभाद्रपदा १ रेवती १ अश्विनी १ भरणी १ कृत्तिका १ रोहिणी १ मृगशीर्षा १ आर्द्रा १ पुनर्वसु १ इनकी भुक्ति हो है । तहां शतभिषा १ भरणी १ आर्द्रा १ ए तीन जघन्य नक्षत्र हैं तिनका तौ एक एकका भुक्ति काल सड़सठि दिनका दशवां भाग प्रमाण है । वहुरि श्रवण १ धनिष्ठा १ पूर्वाभाद्रपदा १ रेवती अश्विनी कृत्तिका मृगशीर्षा ए सात मध्य नक्षत्र हैं सो

इनका एक एकका भुक्ति काल सतसठि दिनका पांचवा भाग प्रमाण है । वहुरि उत्तराभाद्रपद रोहिणी पुनर्वसु ए तीन उत्कृष्ट नक्षत्र हैं । सो इनका एक एकका भुक्तिका दोयसै एक दिनका दशवां भाग प्रमाण है । वहुरि पीछे पुष्य नक्षत्रका भुक्ति काल सडसठि दिनका पांचवां भाग प्रमाण तामें तेईस दिनका पांचवां भाग मात्र काल पर्यंत पुष्य नक्षत्रकी भुक्ति इस अयनविषै हो है । ऐसैं सर्व कालकों समच्छेद करि जोड़ें सूर्यके उत्तरायण विषै एकसौ तियासी दिन हो है । वहुरि दक्षिणायनका प्रारंभ श्रावण कृष्णकी पड़िवाके दिन हो हैं । तहां प्रथम पुष्य नक्षत्र भोगिए हैं । तहां पुष्य नक्षत्रका भुक्ति काल सडसठि दिनका पांचवां भागविषै तेईस दिनका पांचवां भाग तौ उत्तरायण विषै भए थे अवशेष चौवालीस दिनका पांचवां भाग इस अयनकी आदि विषै भोगिए हैं । तहां उत्तरायण समान कोटे पूर्ण करनेकों प्रथम कोष्ट विषै तौ तेईसका पांचवां भाग देना । दूसरा कोष्ट विषै अभिजितकी जायगा इकईसका पांचवां भाग देना । ऐसैं प्रथम पुष्य नक्षत्रका भुक्तिकाल भए पीछे क्रमतैं अश्लेषा १ मघा १ पूर्वा फाल्गुनी १ उत्तरा फाल्गुनी १ हस्त १ चित्रा १ स्वाति १ विशाखा १ अनुराधा १ ज्येष्ठा १ मूल १ पूर्वाषाढ १ उत्तराषाढ इन नक्षत्रनिकों भोगवै है । तहां अश्लेषा १ स्वाति ज्येष्ठा ए तीन जघन्य नक्षत्र हैं । सो इनका तौ एक एकका भुक्तिकाल सतसठि दिनका दशवां भाग प्रमाण है । वहुरि मघा पूर्वा फाल्गुनी हस्त चित्रा अनुराधा मूल पूर्वाषाढ ए सात मध्य नक्षत्र हैं । सो इन एक एकका भुक्तिकाल सतसठि दिनका पांचवां भाग प्रमाण है । वहुरि उत्तरा फाल्गुनी विशाखा उत्तराषाढ ए तीन उत्कृष्ट नक्षत्र हैं । सो इन एक एकका भुक्तिकाल दोयसै एक दिनका दशवां भाग प्रमाण है । ऐसैं इन सर्व भुक्तिकालनिकों जोड़े सूर्यके दक्षिणायनविषै एक सौ तियासी दिन हो है । वहुरि अब चंद्रमाका कहिए हैं । पूर्वोक्त प्रकार चंद्रमाका भुक्तिकाल इकईस दिनका सतसठिवां भाग प्रमाण ल्याइ तिस चंद्रमाहीके जघन्य मध्य उत्कृष्ट नक्षत्रनिका भुक्तिकालविषै श्रवण आदि पुनर्वसु पर्यंत नक्षत्रनिकी पूर्वोक्त प्रकार भुक्ति ल्याइ तिहविषै सर्वत्र सडसठिकों भाजककरि भाज्यका अपवर्त्तन करि वहुरि भाजक तीस अर भाज्यका जघन्य उत्कृष्ट नक्षत्रनिका पंद्रह करि अपवर्त्तन करि अर मध्यमनिकें तीसके अपवर्त्तन करि जो जो पावै सो सो तिस तिस नक्षत्रविषै स्थापन करना । वहुरि पुष्यविषै सूर्यके भुक्ति सतसठि दिनका पांचवां भाग मात्र विषै चंद्रमाके भुक्ति एक दिन प्रमाण होइ तौ पुष्यविषै सूर्यके तेईस दिनका पांचवा भागविषै चंद्रमाके केती होइ ऐसैं त्रैराशिक करि आई जो तेईसका सतसठिवां भाग प्रमाण भुक्ति सो उत्तरायणकी समाप्तता विषै देनी ऐसेही दक्षिणायनविषै विधान करना । भावार्थ—चंद्रमाके उत्तरायणविषै पहले अभिजितकी भुक्ति हो है । ताका काल इकईस दिनका सतसठिवां भाग मात्र है । पीछैं श्रवण आदि पुनर्वसु पर्यंत नक्षत्र क्रमतैं भोगिए हैं । तहां तीन जघन्य नक्षत्रनिकी एक एकका भुक्तिकाल अर्द्धदिन है सात मध्य नक्षत्रनिकी एक एकका भुक्तिकाल एक दिन है । तीन उत्कृष्ट नक्षत्रनिकी एक एकका भुक्तिकाल ड्यौढ़ दिन है । वहुरि तहां पीछैं पुष्य नक्षत्रका भुक्तिकाल एक दिन विषै तेईस दिनका सतसठिवां भाग काल प्रमाण पुष्य नक्षत्र भोगिए

हैं। जैसे सर्व काल जोड़ें चंद्रमाका उत्तरायण विषै तेरह दिन अर चवालीसका सडसठिवां भाग मात्र काल हो हैं। बहुरि दक्षिणायन विषै पहलें पुष्य नक्षत्र भोगिए हैं तहां पुष्य नक्षत्रका भुक्ति काल एक दिन विषै तेईस दिनका सतसठिवां भाग मात्र काल उत्तरायण विषै गया अर शेष चवालीसका सडसठिवां भाग प्रमाण काल इहां भोगिए हैं। बहुरि अश्लेषा आदि उत्तरापाढ पर्यंत नक्षत्र क्रमते भोगिए हैं। तहां तीन जघन्य नक्षत्र सात मध्य नक्षत्र तीन उत्कृष्ट नक्षत्रनिका भुक्तिकाल क्रमते एक एकका आध दिन एक दिन ड्यौढ़ दिन जाननां। सर्व काल मिलाएं चंद्रमाका दक्षिणायनविषै तेरह दिन अर चवालीसका सडसठिवां भाग प्रमाण काल हो है। अर राहुका कहिए हैं राहुकै अभिजित आदि पुनर्वसु पर्यंत नक्षत्रनिका भुक्ति ल्याइ तिस तिस नक्षत्रविषै स्थापना करनां। बहुरि पुष्य विषै सूर्यके सतसठि दिनका पांचवां भाग प्रमाण भुक्ति होतें राहुके आठसै च्यारिसैका इकसठिवां भाग प्रमाण भुक्ति होइ तौ सूर्यके तेईस दिनका पांचवां भाग प्रमाण भुक्ति होतें राहुके केती भुक्ति होइ ऐसैं ल्याइ अपवर्तन करैं दोयसै छिहंतिरि दिनका इकसठिवां भाग प्रमाण भुक्ति उत्तरायणकी समाप्तिविषै पुष्यकी स्थापन करनी। बहुरि पूर्ववत् दक्षिणायनविषै विधान करनां। भावार्थ—राहुके उत्तरायणविषै प्रथम अभिजितकी भुक्ति हो है ताका काल दोयसै वावन दिनका इकसठिवां भाग मात्र है पीछें श्रवणादि पुनर्वसु पर्यंत नक्षत्रनिका भुक्ति क्रमते हो हैं। तिनविषै तीन जघन्य सात मध्य तीन उत्कृष्ट नक्षत्रनिका भुक्तिकाल क्रमते च्यारिसै दोयका इकसठिवां भाग आठसै च्यारिका इकसठिवां भाग बारहसै छैका इकसठिवां भाग प्रमाण हो है। पीछे पुष्यकी भुक्ति हो है ताका काल आठसै च्यारि दिनका इकसठिवां भागविषै दोयसै छिहंतिरि दिनका इकसठिवां भाग मात्र पुष्यकी भुक्तिका काल हो है। ऐसैं सर्वकाल मिलि राहुके उत्तरायणविषै एक सौ असी दिन हो है। बहुरि राहुके दक्षिणायनविषै प्रथम पुष्यका भुक्तिकालविषै अवशेष पांचसै अठईस दिनका इकसठिवां भाग प्रमाण कालपर्यंत तौ पुष्यकी भुक्ति हो है। पीछे आश्लेषादि उत्तरापाढ पर्यंत नक्षत्रनिका भुक्ति क्रमते हो है। तहां तीन जघन्य सात मध्य तीन उत्कृष्ट नक्षत्रनिका भुक्तिकाल क्रमते च्यारिसै दोयका इकसठिवां भाग आठसै च्यारिका इकसठिवां भाग बारहसै छैका इकसठिवां भाग मात्र है। ऐसे सर्वकाल मिलि राहुके दक्षिणायन विषै एकसौ असीदिन हो हैं। या प्रकार नक्षत्र भुक्तिकौ समछेद करि जोड़ें चंद्रमाके अयनके दिन तेरह अर चवालीसका सतसठिवां भाग हो है। बहुरि दोऊ अयन मिलाएं वर्षके दिन सत्ताइस अर इकईसका इकसठिवां भाग हो है। बहुरि सूर्यके अयनदिन एक सौ तियासी वर्ष दिन तीनसै छयासठि हो हैं। बहुरि राहुके अयनदिन एक सौ असी वर्ष दिन तीनसै साठि हो हैं ॥४०९॥

आगैं अधिक मासका प्रतिपादनके आर्थ सूत्र कहैं हैं;—

इगिमासे दिणवड्डी वस्से वारह दुवस्सगे सदले ।

अहिओ मासो पंचयवासप्पजुगे दुमासहिया ॥ ४१० ॥

एकास्मिन् मासे दिनवृद्धिः वर्षे द्वादश द्विवर्षके सदले ।

अधिको मासः पंचवर्षात्मकयुगे द्विमासौ अधिकौ ॥ ४१० ॥

अर्थ—एक मासविषे एक दिनकी वृद्धि होइ एक वर्षविषे बारह दिनकी वृद्धि होइ अर्थाई वर्षविषे एक मास अधिक होइ । पंच वर्षका समुदाय सोई है स्वरूप जाका ऐसा युग ताहविषे द्वाय मास अधिक हों है । तहां एक वर्षविषे बारह दिन वधै तौ अर्थाई वर्षविषे कितन दिन वधै ऐसैं किण् लखराशि तीस दिन होइ । ऐसैंही युगविषे भी त्रैराशिक करनां । भावार्थ—एक वर्षके बारह मास एक मासके तीस दिन तहां इकसठिवें दिन एक तिथि घंट तार्ते वर्षके तीनसे चौवन दिन होइ । अर सूर्यके वर्षके तीनसे छसठि दिन है । सो बारह दिन एक वर्षविषे बधता भए सो अर्थाई वर्ष व्यतीत भए एक अधिक मास होइ तब तेरह मासका वर्ष होइ । वड्डरि ऐसैंही अर्थाई वर्ष और भए एक मास अधिक होइ । या प्रकार पांच वर्ष प्रमाण जो युग तिहविषे द्वाय अधिक मास होइ ॥ ४१० ॥

अब पूर्व गाथाका जु अर्थ ताहींको आठ गाथानि करि वर्णन करैं हैं;—

आसाढपुण्णमीए जुगणिप्पत्ती दु सावणे किण्हे ।

अभिजिह्मि चंद्रजोगे पाडिवदिवसह्मि पारंभो ॥ ४११ ॥

आषाढपूर्णिमायां युगनिष्पत्तिः तु श्रावणे कृष्णे ।

अभिजिति चंद्रयोगे प्रतिपद्विसे प्रारंभः ॥ ४११ ॥

अर्थ—आषाढ मासविषे पूर्वोक्तें दिन अपरान्ह समय उत्तरायणकी समाप्तता होतें पंच वर्ष स्वरूप युगकी निष्पत्ति कहिए संपूर्णता सो हो है । वड्डरि श्रावण मास कृष्णपक्षविषे अभिजित नक्षत्र अर चन्द्रमाका योग होतें पडिवाकें दिन दक्षिणायनका प्रारंभ हो है । भावार्थ—आषाढ मुदि पूर्वो अपरान्हविषे तौ पूर्व युगकी समाप्तता भई । वड्डरि श्रावण वदि एकें दिन जहां चन्द्रमाकें अभिजित नक्षत्रका मुक्तिकाळ होइ तहां सूर्यका दक्षिणायनका आरंभ हो है । सोई नवीन पंच वर्ष स्वरूप जो युग ताका प्रारंभ जानना ॥ ४११ ॥

आगें किस वीथीविषे किस अयनका प्रारंभ हो है सो कहैं हैं;—

पद्मंतिमवीथीदो दक्खिणउत्तरदिगयणपारंभो ।

आउट्टी एगादी दुगुत्तरा दक्खिणाउट्टी ॥ ४१२ ॥

प्रथमांतिमवीथीतः दक्षिणोत्तरदिगयनप्रारंभः ।

आवृत्तिः एकादि द्विकोत्तरा दक्षिणावृत्तिः ॥ ४१२ ॥

अर्थ—प्रथम अंतिम वीथीतें दक्षिण उत्तर दिशाका अयनका प्रारंभ हो है । भावार्थ—एकसौ चौरासी वीथीनिविषे प्रथम अन्यंतर वीथीविषे तिष्ठता सूर्यके दक्षिण अयनका प्रारंभ हो है । अंतत्राह वीथीविषे तिष्ठता सूर्यके उत्तर अयनका प्रारंभ हो है । वड्डरि सोई दक्षिणायन अर उत्तरायणकी प्रथम आवृत्ति है । पूर्व अयनको समाप्त करि नवीन अयनका ग्रहण ताका नाम आवृत्ति जानना । तहां एकको आदि दे करि दुगुत्तरा कहिए द्वाय वृद्धि प्रमाण लिएं दक्षिण आवृत्ति हो है ॥ ४१२ ॥

उत्तरायणकी आवृत्ति कैसे है सो कहैं हैं;—

उत्तरगा य दुआदी दुचया उभयत्थ पंचयं गच्छो ।

विदिआउट्टी दु हवे तेरसि किण्हेसु मियसीसे ॥ ४१३ ॥

उत्तरगा च द्वयादिः द्विचया उभयत्र पंचकं गच्छः ।

द्वितीयावृत्तिः तु भवेत् त्रयोदश्यां कृष्णेपु मृगशीर्षायाम् ॥ ४१३ ॥

अर्थः—उत्तरायणसंबंधी आवृत्ति सो दोयकों आदि दै करि द्विचयाः कहिए दोय वृद्धि प्रमाण लिए है । बहुरि उभयत्र कहिए दोऊ जायगा दक्षिणायन उत्तरायनविषै गच्छ कहिए स्थान प्रमाण सो पांच जानना । भावार्थ—पूर्व अयनकों समाप्त करि नवीन अयनका ग्रहण होतैं अयनकी जो पलटनि ताका नाम आवृत्ति है । सो पंच वर्ष प्रमाण एक युगविषै दश बार आवृत्ति हो है । तहां पहली तीसरी पांचवीं सातवीं नवमी आवृत्ति तौ दक्षिणायनसंबंधी है । जातैं तहां उत्तरायणकों समाप्त करि दक्षिणायनका ग्रहण कीजिए है । बहुरि दूसरी चौथी छठीं आठवीं दशमी आवृत्ति उत्तरायणसंबंधी है । जातैं तहां दक्षिणायणकों समाप्त करि उत्तरायणका ग्रहण कीजिए हैं तहां दक्षिणायणसंबंधी आवृत्ति श्रावण मासहीविषै हो है । सो प्रथम आवृत्ति तौ पूर्वे कही थी, बहुरि दूसरी आवृत्ति कृष्णपक्षविषै तेरसिके दिन चंद्रमाके मृगशीर्षा नक्षत्रका मुक्तिकाल-विषै हो है ॥ ४१३ ॥

तीसरी आदि आवृत्ति कत्र होत है सो कहैं हैं;—

शुक्रदसमीविसाहे तदिया सत्तमिगकिण्हरेवदिए ।

तुरिया दु पंचमी पुण शुक्रचउत्थीए पुव्वफग्गुणिये ॥ ४१४ ॥

शुक्रदशमीविशाखे तृतीया सप्तमीकृष्णरेवत्याम् ।

तुरीया तु पंचमी पुनः शुक्लचतुर्थ्यां पूर्वफाल्गुन्याम् ॥ ४१४ ॥

अर्थ—शुक्लपक्ष दशमी तिथिविषै विशाखा नक्षत्रका योग होतैं तीसरी आवृत्ति हो है । बहुरि कृष्णपक्षकी सप्तमी तिथिविषै रेवता नक्षत्रका योग होतैं चौथी आवृत्ति हो है । बहुरि शुक्लपक्षकी चौथी तिथिविषै पूर्वा फाल्गुनी नक्षत्रका योग होतैं पांचवी आवृत्ति हो है ॥ ४१४ ॥

इन करि कहा हो है सो कहैं हैं;—

दक्खिणअयणे पंचसु सावणमासेसु पंचवस्सेसु ।

एदाओ भणिदाओ पंचणियट्ठीउ सूरस्स ॥ ४१५ ॥

दक्षिणायने पंचसु श्रावणमासेपु पंचवर्षेषु ।

एताः भणिताः पंचनिवृत्तयः सूर्यस्य ॥ ४१५ ॥

अर्थ—दक्षिणायनविषै पांच जे श्रावण मास पांच वर्षनि विषै होइ तिनविषै ए पांच आवृत्ति सूर्यकी कही हैं ॥ ४१५ ॥

उत्तरायणविषै आवृत्ति कैसें है सो कहैं हैं;—

माघे सत्तमि किण्हे हत्थे विणिवित्तिमेदि दक्खिणदो ।

विदिया सदभिससुके चोत्थीए होदि तदिया दु ॥ ४१६ ॥

माघे सप्तम्यां कृष्णे हस्ते विनिवृत्ति एति दक्षिणतः ।

द्वितीया शतमिपि शुक्ले चतुर्थ्यां भवति तृतीया तु ॥ ४१६ ॥

अर्थ—माघमासविषै उत्तर आवृत्ति हो है तहां कृष्णपक्षकी सप्तमी तिथिविषै चंद्रमाके हस्त नक्षत्रकी भुक्ति होतैं अयनतैं पलटै है सोई उत्तरायणविषै प्रथम आवृत्ति है । बहुरि दूसरी आवृत्ति शतभिषक नक्षत्रका योग होतैं शुक्लपक्षकी चौथी तिथिविषै हो है ॥ ४१६ ॥

बहुरि तीसरी आदि आवृत्ति कैसें सो कहै हैं;—

पडवदि किण्हे पुस्से चोत्थी मूले य किण्हतेरसिए ।
 किच्चियरिक्खे सुक्के दसमीए पंचमी होदि ॥ ४१७ ॥
 प्रतिपदि कृष्णे पुष्ये चतुर्थी मूले च कृष्णत्रयोदश्याम् ।
 कृतिकाशुक्ले शुक्ले दशम्यां पंचमी भवति ॥ ४१७ ॥

अर्थ—कृष्णपक्षकी पडिवा तिथिविषै पुष्यनक्षत्रका योग होतैं तीसरी आवृत्ति हो है । बहुरि चौथी आवृत्ति कृष्णपक्षकी त्रयोदशी तिथिविषै मूल नक्षत्रका योग होतैं हो है । बहुरि शुक्ल पक्षकी दशमी तिथिविषै कृतिका नक्षत्रका योग होतैं पांचवीं आवृत्ति हो है ॥ ४१७ ॥

कहा अर्थको जोजे हैं;—

ताओ उत्तरअयणे पंचसु वासेसु माघमासेसु ।
 आउट्टीओ भणिदा सूरस्सिह पुव्वसूरीहिं ॥ ४१८ ॥
 ताः उत्तरायणे पंचसु वर्षेषु माघमासेषु ।
 आवृत्तयः भणिताः सूर्यस्येह पूर्वसूरिभिः ॥ ४१८ ॥

अर्थ—ते ए आवृत्ति उत्तरायणविषै पांच वर्षनिविषै जे पांच माघमास होहैं तिनविषै पूर्व आचार्यनि-
 करि सूर्यकी कही हैं । अब कही जु गाथा तिनका रचनाका उद्धार करनेका विधान कहिए है । पांच वर्षका समुदाय सो युग है । जातैं युगके आरंभतैं पांच वर्ष व्यतीत भए तिथि आदि रचना जैसें पहले युगविषै थी तैसेंही हो है । सो युगविषै दक्षिणायनका प्रारंभ तौ पांच श्रावणमासनिविषै होइ अर उत्तरा-
 यणका प्रारंभ पांच माघमासनि विषै होइ । बहुरि वीचिविषै दक्षिणायणविषै तौ भाद्रपद आदि मास हो है उत्तरायण विषै फाल्गुन आदि मास हो हैं । तहां एक एक मासकी इकतीस तिथि स्थापन करनी । काहेतैं ? एक मासकी तीस तिथि हो हैं । अर इगिमासं दिणवट्टी इस सूत्र करि एक मासविषै एक दिन वधै तातैं इकतीस तिथि स्थापन करन । इहां पंद्रह पंद्रह दिनका पक्ष ग्रहण किया तातैं एक मासके तीस दिन हीं ग्रहण किए । बहुरि जो तिथि घटै है तिहकी विविक्षा किए पक्षविषै भी घटती दिन कहना होइ मासविषै भी कहना होइ तातैं भावार्थ एक जानि तीस दिनही मासके ग्रहण कीए । तहां युगविषै दक्षिणायनविषै प्रथम श्रवण मासविषै कृष्णपक्षके पंद्रह शुक्लके पंद्रह कृष्णका एक दूसरेविषै कृष्णके तीन शुक्लके पंद्रह कृष्णके तेरह, तीसरेविषै शुक्लके छह कृष्णके पंद्रह शुक्लके दश, चौथेविषै कृष्णके नव शुक्लके पंद्रह कृष्णके सात, पांचवांविषै शुक्लके बारह कृष्णके पंद्रह शुक्लके च्यारि दिन हो हैं । बहुरि उत्तरायणविषै प्रथम माघविषै कृष्णपक्षके नव शुक्लके पंद्रह कृष्णके सात, दूसरेविषै शुक्लके बारह कृष्णके पंद्रह शुक्लके च्यारि तीसरेविषै कृष्णके पंद्रह शुक्लके पंद्रह कृष्णके एक चौथेविषै कृष्णके तीन शुक्लके पंद्रह कृष्णके तेरह, पांचवां माघविषै शुक्लके छह

कृष्णके पंद्रह शुक्लके दश दिन हो है। बहुरि दक्षिणायनविषै वीचि जे भाद्रपदादिक मास अर उत्तरायणविषै वीचि फाल्गुन आदि मास तिनविषै आदिविषै एक एक घटता अर अंतविषै एक एक वधता दिन स्थापन करिए ऐसैं एक एक मासविषै इकतीस तिथि स्थापन किए तीह तीह मासविषै वा तीह तीह अयनविषै अधिक दिन आवैं है। भावार्थ—प्रथम श्रावणविषै वदि एकैतैं लगाय पंद्रह तिथि कृष्णपक्षकी अर पंद्रह शुक्लपक्षकी अर एक भाद्रपदका कृष्णकी मिलि एकतीस तिथि होइ। बहुरि भाद्रपदविषै पहलै आदिविषै पंद्रह तिथि कहीं थी तामें एक घटाएं चौदह तौ कृष्णपक्षकी अर पंद्रह शुक्लपक्षकी अर अंतविषै एक कृष्णपक्षकी कहीं थी तामें एक वधाएं दोय अश्विनके कृष्णपक्षकी मिलाएं इकतीस तिथि हो है। बहुरि अश्विनविषै आदिमें एक घटाएं तेरह कृष्णपक्षकी पंद्रह शुक्लपक्षकी अंतविषै एक वधाएं तीन कार्तिकके कृष्णपक्षकी मिलाएं इकतीस तिथि हो हैं। ऐसैंही कार्तिकविषै वारह कृष्णकी पंद्रह शुक्लकी च्यारि कृष्णकी मार्गशीर्षविषै ग्यारह कृष्णकी पंद्रह शुक्लकी पांच कृष्णकी पौषविषै दश कृष्णकी पंद्रह शुक्लकी छह कृष्णकी तिथि मिलें इकतीस तिथि होइ। बहुरि उत्तरायणविषै माघ वदी सातैं तें नव कृष्णकी पंद्रह शुक्लकी सात कृष्णकी इत्यादि रचना किए बहुरि दक्षिणायनविषै द्वितीय श्रावणमासविषै श्रावण वदी त्रयोदशीतै लगाय तीन कृष्णकी पंद्रह शुक्लकी तेरह कृष्णकी तिथि हो हैं। बहुरि भाद्रपदादिकविषै रचना करनी। ऐसैं रचना किए मासविषै अयनविषै अधिक दिन आवै है। इस क्रम करि पंचवर्षात्मक युगविषै दोय अधिकमास हो हैं ॥ ४१८ ॥

आगैं दक्षिणायण उत्तरायणका प्रारंभविषै नक्षत्र ल्यावनैका विधान कहैं हैं;—

रूज्जणाउद्विगुणं इगिसीदिसदं तु सहिद इगिवीसं ।

तिघणाहिदे अवसेसा अस्सिणिपहुदाणि रिक्खाणि ॥ ४१९ ॥

रूपोनावृत्तिगुणं एकाशीतिशतं तु सहितं एकविंशत्या ।

त्रिघनहते अवशेषाणि अश्विनीप्रभृतीनि ऋक्षाणि ॥ ४१९ ॥

अर्थ—रूपोना वृत्ति कहिए जेथवां आवृत्ति होइ तामें एक घटाएं जो प्रमाण होइ तिह करि गुण्या हुवा एकसौ इक्यासी तामें इकईस जोड़िए अर ताकौं तीनका घन जो सत्ताईस ताका भाग दिए जेता अवशेष रहै तेथवां नक्षत्र अश्विनी आदितैं जाननां। उदाहरण-जैसे विवक्षित आवृत्ति प्रथम तामें एक घटाएं शून्य अवशेष रहै ० तीह करि एकसौ इक्यासीकौं गुणिए सो शून्य करि गुण्या हुवा अंक शून्य ही होइ तातैं गुणें भी शून्य ही पाया। तीह बिंदीविषैं इकईस जोड़ें इकईसही भए। बहुरि इहां सत्ताईसतैं अधिक होता तौ सत्ताईसका भाग देते तातैं इकईस ही रहे सो अश्विनी भरणी कृत्तिका आदि अनुक्रमतैं गिणै अश्विनीतैं लगाय जो इकईसवां नक्षत्र होइ सोई प्रथम आवृत्तिविषै नक्षत्र होइ सो अश्विनीतैं लगाय इकईसवां नक्षत्र उत्तरपाढा है। परंतु इहां अभिजितका ग्रहण करना। काहेतैं सो कहिए हैं। यद्यपि नक्षत्र अठाईस है। तथापि जहां नक्षत्रनिकी गणनादिक करिए हैं तहां सत्ताईस नक्षत्रनिहीका ग्रहण कीजिए है। अभिजित नक्षत्रका ग्रहण न कीजिए है जातैं याका साधन सूक्ष्म है तातैं इहां प्रथम आवृत्तिविषै स्थूलपनै

साधन किं उत्तरापाद् आवै परंतु सूक्ष्मपर्ने साधन किं अभिजित नक्षत्र जाननां । आर्गे भी अश्विनी आदिकर्तै वा कार्तिकआदिकर्तै नक्षत्र गणनाविषै अभिजित नक्षत्रका ग्रहण करना नाहीं । या प्रकार दक्षिणायनका प्रारंभविषै प्रथम श्रावणमासविषै नक्षत्र ल्यावर्नेका विधान कइया । अत्र दूसरा उदाहरण कहिए हैं । विवक्षित दूसरी आवृत्ति तामें एक घटाएँ एक रखा तीह करि एकसौ इक्यासीकों गुणें एकसौ इक्यासीही हुवा इनमें इकईस मिलाएँ दोयसै दोय भए इनकों सत्ताईसका भाग दिएं अवशेष तेरह रहे सो अश्विनी नक्षत्रतें तेरव्हां नक्षत्र हस्त सो उत्तरायणका प्रारंभविषै प्रथम माघमासविषै हस्तनक्षत्र पाईए है । ऐसेही तीसरी पांचवीं सातवीं नवमी आवृत्तिविषै दक्षिणायनका प्रारंभ श्रावणमासविषै हो है । तहां अर चौथी छठी आठवीं दशवीं आवृत्ति विषै उत्तरायणका प्रारंभ माघमासविषै हो है । तहां नक्षत्र साधन करनां ॥ ४१९ ॥

आर्गे दक्षिणायण उत्तरायणकै पर्व वा तिथि ल्यावर्नेविषै सूत्र कहैं हैं;—

वेगाउट्टिगुणं तेसीदिसदं सहिद तिगुणगुणरूवे ।

पण्णरभजिदे पच्चा सेसा तिहिमाणमयणस्स ॥ ४२० ॥

व्येकावृत्तिगुणं त्र्यशीतिशतं सहितं त्रिगुणगुणरूपेण ।

पंचदशभक्ते पर्वाणि शेषं तिथिमानं अयनस्य ॥ ४२० ॥

अर्थ—व्येका वृत्ति कहिए जेथेवीं विवक्षित आवृत्ति होइ तामें एक घटाएँ जो प्रमाण रहे तिह करि एकसौ तियासीकों गुणिए, बहुरि जितनें गुणकारक एकसौ तियासीकों गुकरि ताकों तिगुणा करि तामें जोड़िए । बहुरि एक और जोड़िए जो प्रमाण होइ ताकों पंद्रहका भाग दीजिए जो लब्धप्रमाण आवै तितनें तौ पर्व जाननें, अवशेष रहे सो तिथि प्रमाण जाननां । दक्षिणायन वा उत्तरायणका ऐसेही जाननां । उदाहरण विवक्षित आवृत्ति प्रथम तामें एक घटाएँ विंदी रही तिह करि एकसौ तियासीकों गुणें विंदी करि गुणें विंदी ही होइ इस न्याय करि विंदी ही आई। बहुरि इहां गुणकार विंदी ताकों तिगुणां किं भी विंदीविषै विंदी जोड़ें विंदी ही भई । बहुरि तामें एक जोड़ें एक भया याकों पंद्रहका भाग लागै नाहीं तातें पर्वका तौ अभाव जाननां । अर अवशेष एक रखा सो तिथिका प्रमाण जाननां ऐसे प्रथम आवृत्ति दक्षिणायनका प्रारंभविषै प्रथम श्रावणमासविषै पर्वका तौ अभाव आया पक्षकी पूर्णता भए पूर्णमा वा अमावस्या जो होइ ताका नाम पर्व है । सो युगका आरंभ भए पीछें जेते पर्व व्यतीत होइ सोई इहां पर्वनिकी संख्या जाननी । सो प्रथम आवृत्तिविषै कोऊ भी पर्व व्यतीत भया तातें पर्वका अभाव जाननां । अर तिथिका प्रमाण एकै जाननां । बहुरि दूसरा उदाहरण-विवक्षित आवृत्ति दूसरी तामें एक घटाएँ एक रखा तीह करि एकसौ तियासीकों गुणें एकसौ तियासी भए । बहुरि गुणकारका प्रमाण एक ताकों तिगुणा किं तीनसौं मिलाय एकै सौ छियासी भये । बहुरि तामें एक और जोड़ें एकसौ सित्यासी भए । इनकों पंद्रहका भाग दिएं बारह पाए सो बारह तौ पर्वका प्रमाण भया । युगका प्रारंभतें बारह पर्व व्यतीत भए पीछें दूसरी आवृत्ति हो है । अर अवशेष सात रहे सो सात तिथि जाननीं । ऐसे दूसरी आवृत्ति उत्तरायणका प्रारंभ होतें प्रथम माघ मासविषै होइ तहां युगके आरंभतें

बारह तौ पर्व व्यतीत भए जाननें अर सातैं तिथि जाननी । याही प्रकार अन्य आवृत्तिनिविषै भी पर्व वा तिथिका प्रमाण ल्यावनां ॥ ४२० ॥

आगैं दिन वा रात्रिका प्रमाण जिहिं कालविषै समान होइ ताका नाम विषुप हैं तिह विषुप-विषै पर्व वा तिथि वा नक्षत्रनिकौं छह गाथानि करि युगके दश अयनिविषै कहै हैं;—

छम्मासद्धगयाणं जोइसयाणं समाणदिणरत्ती ।

तं इसुपं पढमं छसु पव्वसु तीदेसु तदियरोहिणिण ॥ ४२१ ॥

षण्मासार्धगतानां ज्योतिष्काणां समानदिनरात्री ।

तत् विषुवं प्रथमं षट्सु पर्वसु अतीतेषु तृतीयारोहिण्याम् ॥ ४२१ ॥

अर्थ—छह मासका अर्द्ध ज्योतिषीनिके गएं समान रात्रि हो है सोई विषुप है । भावार्थ—एक अयन छह मासका हो है तहां आधा अयन भए दिन अर रात्रिका प्रमाण समान हो है । सो जिस कालविषै दिन रात्रि समान होइ ताका नाम विषुप है । सो पंच वर्ष प्रमाण युग-विषै दश विषुप हो हैं । पांच तौ दक्षिणायनका अर्द्धकालविषै अर पांच उत्तरायणका अर्द्धकालविषै हो है । तहां पहला विषुप दक्षिणायनका अर्द्धकालविषै दूसरा उत्तरायणका अर्द्धकालविषै ऐसैं क्रमतैं विषुप जाननें । तहां प्रथम विषुप युगके आरंभतैं छह पर्व व्यतीत भए तृतीय तिथिविषै रोहिणी नक्षत्रकी भुक्ति चन्द्रमाकै होत होत सो हो संतैं हो है ॥ ४२१ ॥

विगुणणवपव्वऽतीदे णवमीए विदियगं धणिट्ठाए ।

इगितीसगदे तदियं सादीए पण्णरसमह्नि ॥ ४२२ ॥

द्विगुणनवपर्वातीतेषु नवम्यां द्वितीयकं धनिष्ठायाम् ।

एकत्रिंशद्भूते तृतीयं स्वातौ पंचदश्याम् ॥ ४२२ ॥

अर्थ—दुगुण नव जो युगके आरंभ पीछैं अठारह पर्व व्यतीत भए नवमी तिथिविषैं धनिष्ठा नक्षत्रका योग चंद्रमाकै होतैं दुतिय विषुप हो है । बहुरि इकतीस पर्व व्यतीत भए तिसरा विषुप स्वाति नक्षत्र होत संतै पंचदशी तिथिविषै हो है । सो कृष्णपक्ष पनेतै अर्थतै अमावस्याः विष हो है ॥ ४२२ ॥

तेदालगदे तुरियं छट्ठिपुणव्वसुगयं तु पचमयं ।

पणवण्णपव्वतीदे बारसिए उत्तराभहे ॥ ४२३ ॥

त्रिचत्वारिंशद्भूतेषु तुरीयं षष्ठीपुनर्वसुगतं तु पंचमम् ।

पंचपंचाशत्पर्वातीतेषु द्वादश्यां उत्तराभाद्रे ॥ ४२३ ॥

अर्थ—तियालीस पर्व व्यतीत भए चौथा विषुप षष्ठीविषै पुनर्वसु नक्षत्रको प्राप्त भए हो है । बहुरि पांचवां विषुप पञ्चावन पर्व व्यतीत भए द्वादशी तिथिविषै उत्तरा भाद्रपद नक्षत्र होत संतै हो है ॥ ४२३ ॥

अडसद्विगदे तदिए मित्ते छट्ठं असीदिपव्वगदे ।

णवमिमघाए सत्तममिह तेणजदिगदे दु अट्ठमयं ॥ ४२४ ॥

अष्टपष्टिगतेषु तृतीयायां मैत्रे पष्टं अशीतिपर्वगतेषु ।

नवमीमघायां सप्तमं इह त्रिनवतिगतेषु तु अष्टमम् ॥ ४२४ ॥

अर्थ—अडसठि पर्व गएं तृतीय तिथिविषै मैत्र जो अनुराधा नक्षत्र ताकों होत सत्तैं छठ्ठ विषुप हो है । वहुरि असी पर्व गएं नवमी तिथिविषै मघा नक्षत्र होतैं सातवां विषुप हो है । वहुरि इहां तेरणवै पर्व गएं आठवां विषुप हो है ॥ ४२४ ॥

अस्सिणि पुण्णे पन्वे णवमं पुण पंचजुदसए पन्वे ।

तीत्ते छट्ठितीहीए णक्खत्ते उत्तरासाढे ॥ ४२५ ॥

अश्विनी पूर्णे पर्वणि नवमं पुनः पंचयुतशतेषु पर्वेषु ।

अतीतेषु पष्टीतिथौ नक्षत्रे उत्तरापाढे ॥ ४२५ ॥

अर्थ—सो आठवां विषुप अश्विनी नक्षत्र होतैं पूर्ण पर्व जो अमावस्या तीहविषै हो है । वहुरि नवमां विषुप एकसौ पांच पर्व व्यतीत भएं पष्टी तिथिविषै उत्तरापाढ नक्षत्र होतैं हो है ॥ ४२५ ॥

चरिमं दसम विसुपं सत्तरसुत्तरसएसु पन्वेसु ।

तीदेसु वारसीए जाइदि उत्तरगफगुणिए ॥ ४२६ ॥

चरमं दशमं विषुवं सप्तदशोत्तरशतेषु पर्वेषु ।

अतीतेषु द्वादश्यां जायते उत्तराफाल्गुन्याम् ॥ ४२६ ॥

अर्थ—अंतका दशवां विषुप एकसौ सतरह पर्व व्यतीत भएं द्वादशी तिथिविषै उत्तर फाल्गुनी नक्षत्र होतैं हो है ॥ ४२६ ॥

आगे विषुपविषै पर्व वा तिथि व्यावर्तिकां सूत्र कहैं हैं;—

विगुणे सगिद्विसुपे रूज्जणे छग्गुणे हवे पन्वं ।

तप्पव्वदलं तु तिथी पवट्टमाणस्स इसुपस्स ॥ ४२७ ॥

द्विगुणे स्वकेष्टविषुपे रूपोने पद्दुग्गुणे भवेत् पर्व ।

तत्पर्वदलं तु तिथिः प्रवर्तमानस्य विषुवस्य ॥ ४२७ ॥

अर्थ—अपनां इष्ट विषुप जेथवां होइ तीह प्रमाणकाँ दूणा करिए तामें एक घटाइए वहुरि अवशेषकाँ छह गुणा किए पर्वनिका प्रमाण आवै है । वहुरि तिस पर्व प्रमाणका आधा सो प्रवर्तमान विवक्षित विषुपका तिथि प्रमाण हो है । तीह पर्वका आधा प्रमाण पंद्रहत्तैं अधिक होइ तो पंद्रहका भाग दिए जो छह प्रमाण होइ सो तो पर्व संख्याविषै जोड़िए अर अवशेष रहै सो तिथिका प्रमाण हो है । इहां उदाहरण-इष्ट विषुप पहला ताकाँ दूणा किए दोय तामें एक घटाएं अवशेष एक ताकाँ छह गुणा किए छहसो प्रथम विषुप विषै युग आरंभतैं व्यतीत पर्व-निका प्रमाण छह है । वहुरि तीह पर्व प्रमाणका आधा तीन सो प्रथम विषुपविषै तिथि तृतीया है । दूसरा उदाहरण-इष्ट विषुप दशवां ताकाँ दूणा किए वीसतामैं एक घटाएं उगणीस ताकाँ छह गुणा किए एकसौ चौदहसो पर्व प्रमाण ताका आधा सत्तावन ताकाँ पंद्रहका भाग दिए तीन

पापसा पर्व संख्याविषै मिलाएं अंत विषुपविषै एकसौ सत्तरह तौ पर्वनिका प्रमाण है । अर अवशेष बारह रहे सो तिथि द्वादशी है । ऐसै ही अन्य विषुपनिविषै भी जाननां ॥ ४२७ ॥

आगै आवृत्ति अर विषुपविषै तिथि संख्याकौ कहै हैं;—

वेगपद छगुणं इगितिजुदं आउट्टिइसुपतिहिसंखा ।

विसमतिहीए किणहो समतिथिमाणो हवे सुको ॥ ४२८ ॥

व्येकपदं षड्गुणं एकत्रियुतं आवृत्तिविपपतिथिसंख्या ।

विषमतिथौ कृष्णः समतिथिमानो भवेत् शुक्लः ॥ ४२८ ॥

अर्थ—इष्ट भूत जेथवीं आवृत्ति होइ तिस आवृत्ति स्थानकर्मेंस्यो एक घटाइए अवशेष छह गुणा करि दोय जायगा स्थापिए तहां एक जायगा एक और मिलाइए एक जायगा तीन और मिलाइए तत्र क्रमते आवृत्ति अर विषुपविषै तिथिकौ संख्या हो है तिनिविषै जो एक तृतीया पंचमी आदि विषम गणना रूप तिथि होइ तौ तहां कृष्णपक्ष है । बहुरि द्वितीया चतुर्थी षष्ठी आदि समतिथि हैं तौ तहां शुक्लपक्ष है । उदाहरण-इष्ट आवृत्ति प्रथम तामें एक घटाएं शून्यताको छह गुणा किए भी शून्य होइ ताको दोय जायगा स्थापि तामें एक जायगा एक जोड़ें एक होइ सो प्रथम आवृत्तिविषै तिथि एक है सो यहु विषम तिथि है तातें इहां कृष्णपक्ष जाननां । बहुरि दूसरी जायगा तीन जोड़ें तीन होइ सो प्रथम आवृत्ति संबंधी प्रथम विषुपविषै तिथिका तृतीया है । यहु भी विषम तिथि है तातें इहां भी कृष्णपक्ष ही जाननां । बहुरि दूसरा उदाहरण-इष्ट आवृत्ति दशमी तामें एक घटाएं नव ताको छह गुणा किए चौवन तिनको दोय जायगा स्थापि एक जायगा एक और मिलाएं पचावन होइ ताको पंद्रहका भाग दिए अवशेष दश रहे साई दशवीं आवृत्तिविषै दशमी तिथि है । इहां शुक्लपक्ष जाननां । बहुरि दूसरी जायगा तीन और मिलाएं सत्तावन होइ ताको पंद्रहका भाग दिए अवशेष बारह रहे सोई दशवां विषुपविषै तिथि द्वादशी है । यहु भी सम तिथि है । तातें इहां भी शुक्लपक्ष जाननां । ऐसेही अन्य आवृत्ति वा विषुपविषै साधन करनां ॥ ४२८ ॥

आगै विषुपविषै नक्षत्रनिका वा सर्व तिथि ल्यावनैका विधान कहै हैं;—

आउट्टिलद्धरिखं दहजुद छहदसमगेगुणं ।

इषुपे रिखा पणरगुणपव्वाजुदतिही दिवसा ॥ ४२९ ॥

आवृत्तिलब्धऋक्षं दशयुतं षष्ठाष्टदशमके एकोनं ।

विषुवे ऋक्षाणि पंचदशगुणपर्वयुततिथयः दिवसानि ॥ ४२९ ॥

अर्थ—आवृत्तिविषै जो नक्षत्र पाया तीका आगिला नक्षत्रसौं लगाय जो दशवां नक्षत्र होइ सो तीह आवृत्ति संबंधी नक्षत्र जाननां । तहां छठा आठवां दशवां विषुपविषै एक घटावनां जो नवमां ही नक्षत्र होइ सो तीह विषुपविषै जाननां । उदाहरण दूसरी-आवृत्तिविषै हस्तनक्षत्र है । तातें आगै चित्रातें लगाय दशवां नक्षत्र धनिष्ठा है । सोई दूसरा विषुपविषै नक्षत्र जाननां । बहुरि दूसरा उदाहरण छठी आवृत्तिविषै पुष्य नक्षत्र है । तातें आगिला आश्लेषातें लगाय नवमां नक्षत्र रोहिणी है । सोई छठा विषुपविषै नक्षत्र जाननां । इहां छठा आठवां दशवांविषै एक घाटि कहा

है । तार्ति नवमा नक्षत्र ही ग्रहण किया । इहां गणनाविषै अभिजितका ग्रहण करना । ऐसैही अन्य विषुपनिविषै नक्षत्र साधन करना । बहुरि आवृत्ति वा विषुपविषै पर्व प्रमाणकों पंद्रह गुणा करि तामें तिति प्रमाण मिलाएँ समस्त दिननिका प्रमाण हो है । उदाहरण-दूसरी आवृत्तिविषै पर्व-प्रमाण बारह तिनकों पंद्रह गुणां किएँ एकसौ असी भए, तहां तिति प्रमाण सात मिलाएँ एकसौ सित्यासी भए सोई युगके आरंभतें एकसौ सित्यासी दिन व्यतीत भएँ दूसरी आवृत्ति हो है । इहां एकसौ तियासी दिन व्यतीत भए ही दूसरी आवृत्ति हो है तथापि घटती तिथिकी विवक्षा न करि पक्षके पंद्रही दिन गिणि ऐसा कथन किया है । ऐसैही अन्य आवृत्ति वा विषुपनिविषै साधन करना ॥४२९॥

आगे विषुपविषै नक्षत्रका ल्यावनां अन्य प्रकार करि दोग गायानि करि कहें हैं;—

आडट्टिरिक्खमस्सिणपहुदीदो गणिय तत्थ अट्टजुदे ।

इमुपेसु हांति रिक्खा इह गणणा कित्तियादीदो ॥ ४३० ॥

आवृत्तिक्रक्षं अश्विनीप्रभृतितः गणयित्वा तत्र अष्टयुते ।

विषुपेषु भवंति ऋक्षाणि इह गणना कृत्तिकादितः ॥ ४३० ॥

अर्थ—आवृत्तिका नक्षत्रकों अश्विनी नक्षत्रतें ल्याय गिणिए जेथवां होइ तिहविषै आठ मिलाएँ जो प्रमाण होइ तेथवां नक्षत्र विषुपविषै जाननां इहां गणना कृत्तिका आदितें करनी । उदाहरण-विवक्षित तीसरी आवृत्तिका नक्षत्र मृगशीर्षा सो अश्विनी मृगशीर्ष नक्षत्र पांचवो है । बहुरि पांचविषै आठ मिलाएँ तेरह होइ सो कृत्तिका नक्षत्रतें तेरहवां नक्षत्र स्वाति है । सोई गणना किएँ तीसरा विषुपविषै स्वाति नक्षत्र जाननां ॥ ४३० ॥

आगे आवृत्ति नक्षत्रका प्रमाणविषै आठ मिलाएँ नक्षत्र प्रमाणतें राशि अधिक होइ तौ कहा करिएँ सो कहें हैं;—

अहियंकादडवीसं छंडेज्जो विदियपंचमट्टाणे ।

एकं णिकिखव छट्ठे दसमे विय एकमवाणिज्जो ॥ ४३१ ॥

अधिकांकादष्टविंशं त्याज्याः द्वितीयपंचमस्याने ।

एकं निक्षिप पष्टे दशमेपि च एकमपनेयम् ॥ ४३१ ॥

अर्थ—आवृत्ति नक्षत्रकों अश्विनीतें गिनें जेथवां होइ तामें आठ मिलाएँ जो अठाईसतें अधिक राशि हांड तौ तीहमैस्यो अठाईस घटाइएँ । अर दूसरा पांचवां आवृत्ति स्थानविषै आठ मिलाएँ जो राशि होइ तामें एक और मिलाइएँ । अर छटा दशवां आवृत्ति स्थानमैस्यो एक घटाइएँ इनका उदाहरण चौथी आवृत्तिविषै शतभिषक नक्षत्र है सो अश्विनीतें पचांसवां है । तामें आठ मिलाएँ तेत्तीस होइ तिनमैस्यो अठाईस घटाएँ पांच रहे सो कृत्तिकारतें पांचवां नक्षत्र पुनर्वसु है । सोई चौथा विषुपविषै जाननां ऐसे अन्यत्र भी जाननां । बहुरि दूसरी आवृत्तिविषै हस्त नक्षत्र है सो अश्विनीतें तेरहवां है तामें आठ मिलाएँ इकईस होइ एक और मिलाएँ बाईस होइ सो कृत्तिकारतें बाईसवां नक्षत्र धनिष्ठा है सोई दूसरा विषुपविषै जाननां । ऐसै पांचवां स्थानविषै जानि लेंना । बहुरि छठी आवृत्तिविषै पुष्य नक्षत्र है सो अश्विनीतें आठवां है । तामें आठ मिलाएँ सोरह

होइ तामैं एक घटाएं पंद्रह रहें सो कृत्तिकातैं पंद्रहं नक्षत्र अनुराधा है । सोई पांचवां विषुवविषै नक्षत्र है । ऐसैं दशवां स्थानविषै भी जानि लेनां । इहां अठार्हस नक्षत्रकी विवक्षा है तातैं गण-
नाविषै अभिजितका भी ग्रहण करनां ॥ ४३१ ॥

आगैं नक्षत्रनिके नाम अनुक्रमतैं कहैं हैं;—

कित्तियरोहिणिमियासिर अद्पुणव्वसु सपुस्स असिलेस्सा ।
मह पुव्वुत्तर हत्था चित्ता सादी विसाह अणुराहा ॥ ४३२ ॥
कृत्तिका रोहिणी मृगशीर्षा आर्द्रा पुनर्वसुः सपुष्यः आश्लेषा ।
मघा पूर्वा उत्तरा हस्तः चित्रा स्वातिः विशाखा अनुराधा ॥ ४३२ ॥

अर्थ—कृत्तिका १ रोहिणी १ मृगशीर्षा १ आर्द्रा १ पुनर्वसु १ पुष्य १ अश्लेषा १
मघा १ पूर्वाफाल्गुनी १ उत्तराफाल्गुनी १ हस्त १ चित्रा १ स्वाति १ विसाखा १ अनुराधा ४३२

जेष्ठा मूल पुव्वुत्तर आंसाढा अभिजिसवणसधणिष्ठा ।
तो सदभिसपुव्वुत्तरभद्रपदा रेवदस्सिणी भरणी ॥ ४३३ ॥
ज्येष्ठा मूलं पूर्वोत्तरौ आषाढौ अभिजित् श्रवणः सधनिष्ठा ।
ततः शतभिषा पूर्वोत्तरभाद्रपदा रेवती अश्विनी भरणी ॥ ४३३ ॥

अर्थ—ज्येष्ठा १ मूल १ पूर्वाषाढ १ उत्तराषाढ १ अभिजित १ श्रवण १ धनिष्ठा १
शतभिषक १ पूर्वाभाद्रपदा १ उत्तराभाद्रपदा १ रेवती १ अश्विनी १ भरणी १ ए अठार्हस
नक्षत्रनिके नाम हैं । गणनाविषै इस क्रमतैं गिननैं ॥ ४३३ ॥

आगैं नक्षत्रनिके अधिदेवतानिकौं दोय गाथानि करि कहैं हैं;—

अग्नि पयावदि सोमो रुद्रो दिति देवमंति सप्पो य ।
पिदुभगअरियमदिणयरतोह्णिणिलिदग्निमित्तिदा ॥ ४३४ ॥
अग्निः प्रजापतिः सोमः रुद्रः अदितिः देवमन्त्री सर्पश्च ।
पिताभगः अर्यमा दिनकरः त्वष्टा अनिलेन्द्राग्निमित्रेन्द्राः ॥ ४३४ ॥

अर्थ—अग्नि १ प्रजापति १ सोम १ रुद्र १ दिति १ देवमन्त्री १ सर्प १ पिता १ भग
१ अर्यमा १ दिनकरा १ त्वष्टा १ अनिल १ इंद्राग्नि १ मित्र १ इंद्र १ ॥ ४३४ ॥

तो णेरिदि जल विस्सो ब्रह्मा विष्णु वसु य वरुण अजा ।
अहिवड्ढि पूसण अस्सा जमो वि अहिदेवदा कमसो ॥ ४३५ ॥
ततः नैऋतिः जलः विश्वः ब्रह्मा विष्णुः वसुश्च वरुणः अजः ।
अभिवृद्धिः पूषा अश्वः यमोऽपि अधिदेवताः क्रमशः ॥ ४३५ ॥

अर्थ—तहां पीछैं नैऋति १ जल १ विश्व १ ब्रह्मा १ विष्णु १ वसु १ वरुण १ अज
१ अभिवृद्धि १ पूषा १ अश्व १ यम १ ए कृत्तिका आदि नक्षत्रनिके अनुक्रम करि अधिदेवता
है । नक्षत्ररूप तारिनिके स्वामी जे देव तिनिकै ए नाम जाननैं ॥ ४३५ ॥

आर्गे नक्षत्रनिकी स्थिति विशेषका विधान कहे हैं;—

किञ्चित्पडंतिसमये अहम मघरिकखमोदि मज्झण्हं ।
अणुराहारिकखुदओ एवं सेसे वि भासिज्जो ॥ ४३६ ॥
कृत्तिकापतनसमये अष्टमं मघाक्रक्षं एति मध्याह्नम् ।
अनुराधाक्रक्षोदयः एवं शेषेषु अपि भाषणीयम् ॥ ४३६ ॥

अर्थ—कृत्तिका नक्षत्रका पतन समय कहिए अस्त होनेका काल तीहविषेँ इस कृत्तिकार्ते आठवां मघा नक्षत्र सो मध्याह्न कहिए वीचि प्राप्त हो है । वहुरि तीह मघार्ते आठवां अनुराधा नक्षत्र सो उदय हो है । ऐसेही रोहिणी आदि नक्षत्रनिविषै जो नक्षत्र अस्त होइ तीह समय तीह नक्षत्रसौं आठवां नक्षत्र मध्याह्नकों प्राप्त होइ । अर तीहसौं आठवां नक्षत्र उदयकों प्राप्त होइ ऐसा कहना ॥ ४३६ ॥

आर्गे चन्द्रमाके पंद्रह मार्ग हैं तिनविषै इस इस मार्गविषै ए नक्षत्र तिष्ठै हैं । ऐसा तीन गाथानि करि कहे हैं;—

अभिजिणव सादि पुव्वुत्तरा य चंदस्स पढममग्गहि ।
तदि ए मघापुणव्वसु सत्तमि ए रोहिणी चित्ता ॥ ४३७ ॥
अभिजिणव स्वातिः पूर्वोत्तरा च चन्द्रस्य प्रथममार्गे ।
तृतीये मघापुनर्वसू सप्तमे रोहिणी चित्राः ॥ ४३७ ॥

अर्थ—अभिजित आदि नव सो अभिजित १ श्रवण १ धनिष्ठा १ शतभिषा १ पूर्वा भाद्र-पदा १ उत्तरा भाद्रपदा १ रेवती १ अश्विनी १ भरणी १ अर ए नव स्वाति १ पूर्वाफाल्गुनी १ उत्तराफाल्गुनी १ ए वारहतौ चन्द्रमाके प्रथम मार्गविषै विचरै हैं । जो चन्द्रमाका प्रथम अभ्यन्तर वीथी रूप परिधि तीहकै उपरि जो परिधि तिहविषै भूषण करै है । ऐसेही तीसरा मार्गविषै मघा १ पुनर्वसु ए दोय नक्षत्र विचरै हैं । सातवां मार्गविषै रोहिणी चित्रा ए दोय नक्षत्र विचरै हैं ॥ ४३७ ॥

छट्टमदसमेयारसमे किञ्चित् विसाह अणुराहा ।
जेट्ठा कमेण सेसा पण्णारसमहि अट्टेव ॥ ४३८ ॥
षष्ठाष्टमदशमैकादशे कृत्तिका विशाखा अनुराधा ।
ज्येष्ठा क्रमेण शेषाणि पंचदशे अट्टेव ॥ ४३८ ॥

अर्थ—छटा मार्गविषै कृत्तिका आठवांविषै विशाखा दशवांविषै अनुराधा ग्यारवांविषै ज्येष्ठा क्रम करि विचरै हैं । अवशेष आठ नक्षत्र पंद्रहवां अंतका मार्गके उपरि विचरै हैं ॥ ४३८ ॥

ते शेष आठ नक्षत्र कौन सो कहे हैं;—

हत्थं मूलतियं विय मियसिरदुग पुस्सदोण्णि अट्टेव ।
अट्टपहे णक्खत्ता तिट्ठांति हु वारसादीया ॥ ४३९ ॥

हस्तः मूलत्रयं अपि मृगशीर्षद्विकं पुष्यद्वयं अष्टैव ।

अष्टपथे नक्षत्राणि तिष्ठन्ति हि द्वादशादीनि ॥ ४३९ ॥

अर्थ—हस्त १, मूल त्रय कहिए मूल पूर्वाषाढ १ उत्तराषाढ १ मृगशीर्ष द्विक कहिए मृगशीर्षा १ आद्रा १ पुष्यद्वय—कहिए पुष्य १ अश्लेषा ए आठ अवशेष जानने । ऐसैं प्रथमादिक पथनिविषैं बारह आदि नक्षत्र चन्द्रमाके आठ पथनिके ऊपरि तिष्ठै हैं ॥ ४३९ ॥

आंगै नक्षत्रनिके तारानिका संख्या दोय गाथानि करि कहैं हैं;—

किञ्चित् पद्मदिसु तारा छप्पण तिय एक छत्ति छक्क चऊ ।

दो दो पंचेकैकं चउ छत्तियणवचउक्क चऊ ॥ ४४० ॥

कृत्तिकाप्रभृतिषु ताराः षट् पंच तिस्रः एका षट् त्रिषट्चतुः ।

द्वे द्वे पंच एकैका चतुःषट् त्रिकनवचतुष्काः चतस्रः ॥ ४४० ॥

अर्थ—कृत्तिका आदि नक्षत्रनिके तारे अनुक्रम करि छह पांच तीन एक छह तीन छह च्यारि दोय दोय पांच एक एक च्यारि छव तीन नव च्यारि च्यारि ॥ ४४० ॥

तिय तिय पंचेकारहियसय दो दो कमेण वत्तीसा ।

पंच य तिण्णि य तारा अट्ठावीसाण रिक्खाणं ॥ ४४१ ॥

तिस्रः तिस्रः पंचकादशाधिकशतं द्वे द्वे क्रमेण द्वात्रिंशत् ।

पंच च तिस्रः च तारा अष्टाविंशानां ऋक्षाणाम् ॥ ४४१ ॥

अर्थ—तीन तीन पांच ग्यारह अधिक एक सौ दोय दोय वत्तीस पांच तीन ऐसैं ए तारा क्रमकरि अठारस नक्षत्रनिके हैं ॥ ४४१ ॥

आंगै तिन तारानिका आकारविशेषकों तीन गाथानि करि कहैं हैं;—

वीरणसअलुद्धीए मियसिरदीवे य तोरणे छत्ते ।

बहियगोमुत्ते विय सरजुगहत्थुप्पले दीवे ॥ ४४२ ॥

वीजनशकटोद्धिका मृगशिरदीपे च तोरणे छत्रे ।

वल्मीकगोमूत्रे अपि शरयुगहस्तोत्पले दीपे ॥ ४४२ ॥

अर्थ—कृत्तिका नक्षत्रके छह तारे हैं तिनका आकार वीजना सदृश है । ऐसेही रोहिणी आदि नक्षत्रके तारानिका आकार क्रमतैं गाड़ेकी ऊँदिका १ हिरणका मस्तक १ दीपक तोरण १ छत्र १ बंबई १ गऊका मूत्र १ शरका युगल १ हाथ १ कमल १ दीपक ॥ ४४२ ॥

अधियरणे बरहारे वीणासिंगे य विच्छिण्ण सरिसा ।

दुक्कयवावीहरिगजकुंभे मुरवे पतंतपक्खीए ॥ ४४३ ॥

अधिकरणे बरहारे वीणाशृंगे च वृश्चिकेन सदृशाः ।

दुष्कृतवापीहरिगजकुंभेन मुरजेन पतत्पक्षिणा ॥ ४४३ ॥

अर्थ—अंहिरिणी १ उच्छिष्टहार १ वीणाकाशृंग १ वीछ १ जीर्णा वावडी १ सिंहका कुंभस्थल १ मृदंग १ पडतापंखी १ ॥ ४४३ ॥

सेणागयपुन्वावरगत्ते णावा ह्यस्स सिरसरिसा ।

चुल्लीपासाणणिभाः किच्चियआदीणि रिक्खाणि ॥ ४४४ ॥

सेनागजपूर्वावरगात्रे नावा ह्यस्य शिरसाःसदृशाः ।

चुल्लीपापाणनिभाः कृत्तिकादीनि ऋक्षाणि ॥ ४४४ ॥

अर्थ—सेना १ हस्तीका आगिला शरीर १ हस्तीका पाछिला शरीर १ नाव १ घोड़ेका मस्तक १ चूल्हाका पापाण १ समान आकारकीं धरें हैं तारे जिनके ऐसे कृत्तिकादि नक्षत्र जानतें ॥ ४४४ ॥

आर्गे कृत्तिकादि नक्षत्रनिके परिवार रूप तारानिकां कहैं हैं;—

एकारसयसहस्सं सगसगतारापमाणसंगुणिदं ।

परिवारतारसंखा किच्चियणक्खत्तपहुदीणं ॥ ४४५ ॥

एकादशशतसहस्रं स्वकस्वकताराप्रमाणसंगुणितम् ।

परिवारतारासंख्या कृत्तिकानक्षत्रप्रभृतीनाम् ॥ ४४५ ॥

अर्थ—ग्यारह अधिक एकसौ सहित एक हजारकीं अपने अपने तारानिका प्रमाण करि गुणें जो प्रमाण होइ सो कृत्तिका नक्षत्र आदि नक्षत्रनिके परिवाररूप तारेनिकी संख्या जाननी ।

उदाहरण—कृत्तिका नक्षत्रके मूल तारे छह हैं इनिकों ग्यारहसँ ग्यारह करि गुणे छह हजार छह सँ छासठि तारे कृत्तिका नक्षत्रके परिवारके हैं । ऐसैं ही रोहिणी आदिके भी जानतें नक्षत्रनिके जे आधिदेवता तिनिके अनुसारी इनिविषै वसैं हैं ॥ ४४५ ॥

आर्गे पंच प्रकार ज्योतिपी देवनिका आयु प्रमाण कहैं हैं;—

इंदिणसुक्कगुरिदरे लक्ख सहस्सा सयं च सहपल्लं ।

पल्लं दलं तु तारे वरावरं पादपाददं ॥ ४४६ ॥

इंदिनशुक्रगुर्वितरेषु लक्षं सहस्रं शतं च सहपल्यं ।

पल्यं दलं तु तारासु वरमवरं पादपादार्थम् ॥ ४४६ ॥

अर्थ—चंद्रमा सूर्य शुक्र बृहस्पति इतर इनविषै क्रमतैं लाख हजार सौ वर्ष सहित पल्य अर्द्ध पल्य प्रमाण आयु है । भावार्थ—चंद्रमाका आयु लाख वर्ष सहित पल्य प्रमाण है । सूर्यका आयु हजार वर्ष सहित पल्य प्रमाण है । शुक्रका आयु सौ वर्ष सहित पल्य प्रमाण है । बृहस्पतिका आयु पल्य प्रमाण है । इतर बुध मंगल शनैश्वरादिकका आयु आध पल्य प्रमाण है । वहुरि तारे कहिए तारा वर नक्षत्र इनका आयु उक्कष्ट तौ पाद कहिए पल्यका चौथा भाग प्रमाण है । अर जघन्य पादार्थ कहिए पल्यका आठवां भाग प्रमाण है ॥ ४४६ ॥

आर्गे चन्द्रमा सूर्यनिकी देवांगनानिकीं दोय गाथानि करि कहैं हैं;—

चंदाभा य सुसीमा पहंकरा अच्चिमालिणी चंदे ।

सूरे दुदि सूरपहा पहंकरा अच्चिमालिणी देवी ॥ ४४७ ॥

चन्द्राभा च सुसीमा प्रभंकरा अच्चिमालिनी चंदे ।

सूर्ये द्युतिः सूर्यप्रभा प्रभंकरा अच्चिमालिनी देव्यः ॥ ४४७ ॥

अर्थ—चद्राभा १ सुसीमा १ प्रमंकरा १ अर्चिमालिनी १ ए च्यारि चन्द्रमाके पट्ट देवांगना हैं । वहुरि सूर्यके चुंति १ सूर्यप्रभा १ प्रमंकरा १ अर्चिमालिनी ए च्यारि पट्ट देवी हैं ॥४४७॥

जेट्टा ताओ पुह पुह परिवारचदुस्सहस्सदेवीणं ।

परिवारदेविसरिसं पत्तेयमिमा विउव्वंति ॥ ४४८ ॥

जेष्टाः ताः पृथक् पृथक् परिवारचतुःसहस्रदेवीनाम् ।

परिवारदेवीसदृशं प्रत्येकमिमाः विकुर्वन्ति ॥ ४४८ ॥

अर्थ—ते ज्येष्ठ कहिए पट्ट देवी प्रथक् प्रथक च्यारि हजार परिवार देवीनिकी है ।

भावार्थ—च्यारि च्यारि हजार परिवार देवांगनानिकी एक एक पट्ट देवांगना है । वहुरि इस परिवार देवी समान संख्याकों प्रत्येक विक्रिया करै हैं । भावार्थ—एक एक पट्ट देवांगना विक्रिया करै तौ च्यारि हजार हो हैं ॥ ४४८ ॥

आगै ज्योतिष्क देवांगनानिका आयु प्रमाण कहैं हैं;—

जोइसदेवीणाऊ सगसगदेवाणमद्धयं होदि ।

सव्वणिगिद्धसुराणां वत्तीसा होति देवीओ ॥ ४४९ ॥

ज्योतिष्कदेवीनामायुः स्वकस्वकदेवानामर्धं भवति ।

सर्वनिष्कृष्टसुराणां द्वात्रिंशत् भवंति देव्यः ॥ ४४९ ॥

अर्थ—ज्योतिष्क देवांगनानिका आयु अपने अपने भर्तार देवनिका आयुतैं अर्द्ध प्रमाण जाननां । वहुरि इहां सर्वतैं निष्कृष्ट हीन पुन्यवान देव तिनकै वत्तीस देवांगना हो हैं । मध्यविषै यथायोग्य देवांगनानिकी संख्या जाननी ॥ ४४९ ॥

आगै भवनत्रिकविषै जे जीव उपजै है तिनकों कहैं हैं;—

उम्मग्गचारि सणिदाणणलादिमुदा अकामणिज्जरिणो ।

कुदवा सवलचरित्ता भवणतिर्यं जंति ते जीवा ॥ ४५० ॥

उन्मार्गचारिणः सनिदानाः अनलादिमृता अकामनिर्जरिणः ।

कुतपसः शवलचारित्रा भवनत्रये यांति ते जीवाः ॥ ४५० ॥

अर्थ—उन्मार्गचारी कहिए जिनमततैं विपरीत धर्मके आचरनेवाले, वहुरि सनिदानाः कहिए निदान जिननैं किया होइ, वहुरि अनलादिमृताः कहिए अग्नि जल झंपापात आदिकतैं मूए, वहुरि अकामनिर्जरिणः कहिए विना अभिलाप बंधादिकके निमित्ततैं परीपह सहनादि करि जिनकै निर्जरा भई वहुरि कुतपसः कहिए पंचाग्नि आदि खोटे तपके करनेवाले वहुरि शवलचारित्राः कहिए सदोष चारित्रके धरनहारे जे जीव हैं ते भवनत्रय जो भवनवासी व्यंतर ज्योतिषी तिनविषै जाय उपजै हैं ॥ ४५० ॥ ऐसैं ज्योतिर्लोकका अधिकार समाप्त भया ।

इतिश्री नेमिचंद्राचार्य विरचित त्रिलोकसारमें चौथा ज्योतिर्लोकका अधिकार

समाप्त भया ॥ ४ ॥

॥ अथ वैमानिकलोकाधिकार ॥ ५ ॥

अथ अनुक्रम करि प्राप्त भया वैमानिक लोकका वर्णन करनेका है अमिलाया जाके ऐसा आचार्य सो प्रथम विमाननिका संख्याका प्रतिपादनके अर्थ तिन विमाननिविधे तिष्ठते जे अवि-
नार्शा जिन मंदिर तिनको प्रमाणपूर्वक नमस्कारको करै है;—

चुलसीदिहकखसत्ताणउदिसहस्से तहेव तेवीसे ।
सव्वे विमाणसमणगर्जिणदगेहे णमंसामि ॥ ४५१ ॥
चतुरशातिहसत्तनवत्तिसहस्रान् तयैव त्रयोविशान् ।
सर्वान् विमानसमानजिनंद्रगेहान् नमत्यामि ॥ ४५१ ॥

अर्थ—चौरासी लाख सित्याणवै हजार तेवास सर्व विमान संख्याके समान जिनेश्वरके मंदिर हैं जाते एक एक विमाननिधे एक एक जिन मंदिर पाईए हैं तिनको नमस्कार करां हों ४५१
आगे इन विमाननिका कस्य अर कस्यार्तात भेद करि तहां प्रथमही कस्य जे स्वर्ग तिनके नाम दोग गायानि करि कहै हैं;—

सोहम्पीसाणसणकुमारमाहिदगा हु कप्पा हु ।
वम्हव्वम्हुत्तरगो लांतवकापिहगो छट्ठो ॥ ४५२ ॥
सौवर्मेशानसनन्कुमारमाहेंद्रका हि कस्य हि ।
ब्रह्मब्रह्मोत्तरको लांतवकापिहको पट्टः ॥ ४५२ ॥

अर्थ—सौवर्म १ ईशान १ सनन्कुमार १ माहेन्द्र १ ए च्यारि कस्य कहिए स्वर्ग हैं ।
बहुरि ब्रह्म १ ब्रह्मोत्तर ए दोग कस्य मिळि करि इनका इंद्र एक ही है ताह अपेक्षा एक ही कस्य है । बहुरि लांतव १ कापिह ए दोग भी एक इंद्रकी अपेक्षा छटा एक कस्य है ॥ ४५२ ॥

सुक्रमहासुक्रमगदो सदरसहस्सारगो हु तत्तो हु ।
आणदपाणदआरणअच्चुदगा होंति कप्पा हु ॥ ४५३ ॥
शुक्रमहाशुक्रमतः शतारसहस्रारगो हि ततस्तु ।
आनतप्राणतारणाच्युतगा भवति कस्य हि ॥ ४५३ ॥

अर्थ—शुक्र १ महाशुक्र १ ए दोग भी एक इंद्र अपेक्षा एक कस्य है, बहुरि शता १ सह-
श्रार १ ए दोग भी एक इंद्र अपेक्षा एक कस्य है । बहुरि तहां पीछे आनत १ प्राणात १ आरण
१ अच्युत ए च्यारि कस्य हैं ॥ ४५३ ॥

मज्झिमचउजुगलाणं पुव्वावरजुम्मगेसु संसेसु ।
सव्वत्थ होंति इंदा इदि वारस होंति कप्पा हु ॥ ४५४ ॥

मध्यमचतुर्युगलानां पूर्वापरयुग्मयोः शेषेषु ।

सर्वत्र भवति इंद्रा द्वादश भवति कल्पा हि ॥ ४५४ ॥

अर्थ—सोलह स्वर्गनिके आठ युगल तिनविषै मध्यका च्यारि युगलनिविषै पूर्व दोग युगल तौ ब्रह्म ब्रह्मोत्तर अर लांतव कापिष्ट अर अपर दोग युगल शुक्र सता महाशुक्र अर सहश्रार इन च्यारि युगलनिके एक एक इंद्र हैं । बहुरि अवशेष आठ कल्प तिनविषै सर्वत्र एक एक इंद्र है । ऐसे इंद्र अपेक्षा करि कल्प वारह है ॥ ४५४ ॥

आगै स्वर्गनिके ऊपरि जे कल्पातीत विमान तिनके नाम कहैं हैं;—

हिट्टिममज्झिमउत्तरिमत्तिय गेवेज्ज णवअणुदिसगा ।

पंचाणुत्तरगा विय कप्पादीदा हु अहमिंदा ॥ ४५५ ॥

अधस्तनमध्यमोपरिमात्रिखिकाणि प्रैवैयाणि नव अनुदिशानि ।

पंचानुत्तरकाणि अपि च कल्पातीता हि अहमिंद्राः ॥ ४५५ ॥

अर्थ—अधस्तन अर मध्यम अर उपरिम तीन तीन प्रैवेयक हैं तिनके नव प्रैवेयक भए । बहुरि नव अनुदिश विमान हैं । बहुरि पंच अनुत्तर विमान हैं । ऐसे ए कल्पातीत विमान हैं । तिनविषै अहमिंद्र देव तिष्ठैं हैं ॥ ४५५ ॥

आगै नव अनुदिश विमान अर पंच अनुत्तर विमान तिनके नाम दोग गाथानि करि कहैं हैं;—

अर्चीय अर्चिमालिणि वइरे वइरोयणा अणुदिसगा ।

सोमो य सोमरूपे अंके फलिके य आइचे ॥ ४५६ ॥

अर्चिः अर्चिमालिनी वैरो वैरोचनः अनुदिशकानि ।

सोमश्च सोमरूपः अंकः स्फटिकः च आदित्यं ॥ ४५६ ॥

अर्थ—अर्चि १ अर्चिमालिनी १ वैर १ वैरोचन १ ए च्यारि श्रेणी बद्ध विमान पूर्वादि दिशा-निविषै प्राप्त हैं । बहुरि सोम १ सोमरूप १ अंक १ स्फटिक ए च्यारि प्रकीर्णक विमान-विदिशानिविषै प्राप्त हैं । मध्यविषै आदिव्यनामा इंद्रक विमान है । ऐसे ए नव अनुदिश विमाननिके नाम हैं ॥ ४५६ ॥

विजयो दु वैजयंतो जयंत अपराजिदो य पुच्चाइं ।

सव्वहसिद्धिणामा मज्झमि अणुत्तरा पंच ॥ ४५७ ॥

विजयस्तु वैजयंतः जयंतः अपराजितश्च पूर्वादयः ।

सर्वार्थसिद्धिनामा मध्ये अनुत्तराः पंच ॥ ४५७ ॥

अर्थ—विजय १ वैजयं १ जयंत १ अपराजित १ ए च्यारि पूर्वादि दिशानिविषै; श्रेणी-बद्ध विमाननिके नाम हैं । बहुरि मध्यविषै सर्वार्थसिद्धि नामा इंद्रक विमान है । ऐसे ए पंच अनुत्तर विमान हैं ॥ ४५७ ॥

आगँ कहे जु कल्प अर कल्पातीत विमान तिनके स्थितिस्थानकों कहे हैं;—

मेरुतलादु दिवहुं दिवहुदलछकएकरज्जुह्नि ।

कप्पाणमहुजुगला गेवेज्जादी य होंति कमे ॥ ४५८ ॥

मेरुतलात् द्वयर्धं द्वयर्धदलपट्टकैकरज्जौ ।

कल्पानां अष्टयुगलानि त्रैवेयादयश्च भवन्ति क्रमेण ॥ ४५८ ॥

अर्थ—सौधर्म ईशान युगलतैं लगाय अनुक्रमतैं मेरुतलतैं । ड्योढ अर अर्द्ध छह राजू-निविपैं स्वर्गनिके आठ युगल हैं । भावार्थ—मेरु तलतैं ड्योढ राजूविपैं सौधर्म ईशान युगल हैं । ताकै ऊपरि ड्योढ राजूविपै सन्तकुमार माहेन्द्र युगल हैं । आगँ ऊपरि ऊपरि आध आध राजूविपैं छह युगल-क्रम करि हैं ऐसैं छह राजूनिविपै स्वोल्ह स्वर्ग हैं । बहुरि तिनके ऊपर एक राजूविपै नवत्रैवेयक अर अमुदिश अनुत्तरविमान कमतै हैं ॥ ४५८ ॥

अब सौधर्मादिक निविपै विमाननिकी संख्या तीन गाथानि करि कहे हैं;—

ब्रत्तीसद्वावीसं वारस अट्टेव होंति लक्खाणि ।

सोहम्मादिचउके लक्खचउकं तु बह्मद्दुगे ॥ ४५९ ॥

द्वात्रिंशदष्टाविंशतिः द्वादश अष्टैव भवन्ति लक्षाणि ।

सौधर्मादिचतुष्के लक्षचतुष्कं तु ब्रह्मादिके ॥ ४५९ ॥

अर्थ—ब्रत्तीस अठईस बारह आठ लाख सौधर्मादिक च्यारि स्वर्गनिविपैं विमान हैं । तहां सौधर्मादिक वत्तीस लाख ईशानविपै अठईस लाख सन्तकुमारविपै बारह लाख महेन्द्रविपै आठ लाख विमान हैं । बहुरि ब्रह्मब्रह्मोत्तर युगलविपै मिलि करि च्यारि लाख विमान हैं ॥ ४५९ ॥

ततो जुम्माण तिष्णणासं ताल छस्सहस्साणं ।

सत्तसयाणि य आणदकप्पचउकेसु पिंडेण ॥ ४६० ॥

ततो युग्मानां त्रये पंचाशत् चत्वारिंशत् षट्सहस्राणां ।

सप्तशतानि च आनतकल्पचतुष्केषु पिंडेन ॥ ४६० ॥

अर्थ—तहां पीछैं तीन युग्मविपै पचास चालीस छह हजार हैं । तहां लांतव कापिष्ठ युगलविपै पचास हजार शुक्र महाशुक्र युगलविपै चालीस हजार सतार सहस्रार युगलविपै छह हजार विमान हैं । बहुरि आनतादि च्यारि कल्पनिविपै पिंड करि मिलाए हुए सातसै विमान हैं ॥ ४६० ॥

एकारसत्तसमहियसयमेक्काणउदी णव य पंचेव ।

गेवेज्जाणं तिच्चिसु अणुदिस्साणुत्तरे होंति ॥ ४६१ ॥

एकादशसप्तसमधिकशतं एकनवतिः नव च पंचैव ।

त्रैवेयाणां त्रिचिपु अनुदिशानुत्तरे भवन्ति ॥ ४६१ ॥

अर्थ—ग्यारह सात अधिकसौ इक्याणवै नव पांच विमान त्रैवेयक-तीन तीन अर अनुदिश अनुत्तरविपै हो है । तहां तीन अधो त्रैवेयकनिविपै एकसौ ग्यारह अर तीन मध्य त्रैवेयकनिविपै एकसौ

सात अर तीन ऊर्द्ध त्रैवेयकनिविषै इक्याणवै अर अनुदिशविषै नव अर अनुत्तरविषै पांच विमान जाननें ॥ ४६१ ॥

अब प्रथमादि स्वर्गनिविषै प्रत्तरनिकी संख्याका प्रतिपादनकै अर्थि इंद्रकनिका प्रमाण निरूपै हैं । जातै एक एक प्रतरविषै एक एक इंद्रक विमान है;—

इगितीससत्त चत्तारि दोणिण एक्केक छक्क चट्टुकप्पे ।

तित्तिथ एक्केकिंदयणामा उडुआदितेवट्ठी ॥ ४६२ ॥

एकत्रिंशत्सत्त चत्वारि द्वे एकमेकं पट्कं चतुःकल्पे ।

त्रीणि त्रीणि एकमेकं इंद्रकनामानि ऋत्वादित्रिषष्टिः ॥ ४६२ ॥

अर्थ—सौधर्म युग्मविषै इकतीस इंद्रक हैं सनत्कुमार युग्मविषै सात इंद्रक है ब्रह्मयुग्म-विषै च्यारि इंद्रक हैं लांतव युग्मविषै दोय इन्द्रक हैं शुक्र युग्मविषै एक इंद्रक है शतार युग्मविषै एक इंद्रक है । आनंतादि च्यारि कल्पनिविषै छह इंद्रक हैं । अधस्तन आदि तीन प्रकार त्रैवेयकनिविषै तीन तीन इंद्रक है नव अनुदिशविषै एक इंद्रक है । पंच अनुत्तरविषै एक इंद्रक है ऐसे ए तरेसठि इंद्रक है सौ इनके ऋतुविमान आदि तरेसठि नाम हैं ॥ ४६२ ॥

आगै इन इंद्रकनिका ऊर्द्ध अपेक्षा अंतराल अर तिनका नामका अवतार कहै है;—

एक्केकइंदयस्य य विच्चालमसंखजोयणपमाणं ।

एदाणं णामाणं वोच्छामो आणुपुण्वीओ ॥ ४६३ ॥

एकैकामिंद्रकस्य च विचालं असंख्यातयोजनप्रमाणं ।

एतेषां नामानि वक्ष्यामः आनुपूर्व्या ॥ ४६३ ॥

अर्थ—एक एक इंद्रककै वीचि अंतराल असंख्यात योजन प्रमाण है । अब इंद्रकनिके नाम अनुपूर्वी कहिए नीचैतै लगाय क्रम करि कहौं हौं ॥ ४६३ ॥

कहै इंद्रक तिनके नाम छह गाथानि करि कहै हैं;—

उडुविमलचंद्रवग्गू वीररुणं णंदणं च णल्लिणं च ।

कंचण रोहिदं चंचं मरुदं रिड्ढिसय वेलुरियं ॥ ४६४ ॥

ऋतुविमलचंद्रवल्लुवीरारुणनंदनं च नल्लिनं च ।

कांचनं रोहितं चंचत् मरुत् ऋद्धीशं वैडूर्यं ॥ ४६४ ॥

अर्थ—ऋतु १ विमल १ चंद्र १ वल्लु १ वीर १ अरुण १ नंदन १ नल्लिन १ कांचन १ रोहित १ चंचत् १ मरुत् १ ऋद्धीश १ वैडूर्य ॥ ४६४ ॥

रुचग रुचिरं क फल्लिहं तवणीयं मेघमब्भ हारिदं ।

पडमं लोहिदं वज्जं णंदावत्तं पहंकरयं ॥ ४६५ ॥

रुचकं रुचिरं अकं स्फटिकं तपनीयं मेघं अभ्रं हारिदं ।

पडं लोहितं वज्जं नंदावर्तं प्रभंकरं ॥ ४६५ ॥

अर्थ—रुचक १ रुचिर १ अंक १ स्फटिक १ तपनीय १ मेघ १ अभ्र १ हरित १ पद्म
१ लोहित १ वज्र १ नद्यावर्त १ प्रभंकर ॥ ४६५ ॥

पिष्टक गज मित्त पहा अंजण वणमाल नाग गरुडं च ।

लंगल बलभद्रं चय चक्रं चरिमं च अडतीसो ॥ ४६६ ॥

पृष्टकं गजं मित्रं प्रभं अंजनं वनमालं नागं गरुडं च ।

लांगलं बलभद्रं च चक्रं चरिमं च अष्टात्रिंशत् ॥ ४६६ ॥

अर्थ—पृष्टक १ गज १ मित्र १ प्रभ १ अंजन १ वनमाल १ नाग १ गरुड १ लांगल
१ बलभद्र १ अंतका इंद्रकं चक्र १ ऐसैं सौधर्मादि च्यारि स्वर्गविषै मिलाए हुए अठतीस इंद्रक-
निके नाम हैं ॥ ४६६ ॥

रिष्टमुरसमिदि ब्रह्मं बह्नुत्तर ब्रह्महृदयलांतवयं ।

सुकं खलु सुकदुगे सदरविमाणं तु सदरदुगे ॥ ४६७ ॥

अरिष्टमुरसमिति ब्रह्म ब्रह्मोत्तरं ब्रह्महृदयलांतवकं ।

शुकं खलु शुक्रद्विके शतारविमानं तु शतारयुगे ॥ ४६७ ॥ ।

अर्थ—अरिष्ट १ मुरस १ ब्रह्म १ ब्रह्मोत्तर १ ए च्यारि ब्रह्म युगलविषै इंद्रकानिके नाम
हैं । बहुरि ब्रह्महृदय १ लांतव १ ये दोय लांतव युगलविषै इंद्रकानिके नाम हैं । बहुरि शुक युगल
विषै शुक नामा एक इंद्रक है । बहुरि शतार द्विकविषै शतार विमान नाम इंद्रक है ॥ ४६७ ॥

आणद पाणदपुष्पक सातक तह आरणच्युदवसाणे ।

तो गेवेज्ज सुदरिसण अमोह तह सुप्रवुद्धं च ॥ ४६८ ॥

आनतप्राणतपुष्पकं शातकं तथा आरणाच्युतावसाने ।

ततः प्रैवेयके सुदर्शनं अमोघं तथा सुप्रवुद्धं च ॥ ४६८ ॥

अर्थ—आनत १ प्राणत १ पुष्पक १ सातक १ आरण १ अच्युत १ ए छह इंद्रकानिके
नाम आनतादि अच्युत पर्यंत च्यारि कल्पनिविषै हैं । बहुरि तहां पीछें नव प्रैवेयकनिविषै सुदर्शन
१ अमोघ १ सुप्रवुद्ध १ हैं ॥ ४६८ ॥

जसहर सुभद्वणामा सुविसालं सुमणसं च सोमणसं ।

पीदिकरमाच्चं चरिमे सन्वष्टसिद्धी दु ॥ ४६९ ॥

यशोधरं सुभद्रनाम सुविशालं सुमनसं च सौमनसं ।

प्रीतिकरं आदित्यं चरमे सर्वार्थसिद्धिस्तुं ॥ ४६९ ॥

अर्थ—यशोधर १ सुभद्र नाम १ सुविशाल १ सुमनस १ सौमनस १ प्रीतिकर ए नव
इंद्रकानिके नाम है । बहुरि नव अनुदिशविषै आदित्यनामा इंद्रक है । बहुरि अंतविषै पंचानुत्तरविषै
सर्वार्थसिद्धिनामा इंद्रक है ॥ ४६९ ॥

आगे मेरुतलाट्ट दिवड्डे इत्यादि पूर्वोक्त गाथाका अर्थविषै सर्वत्र विमान तिष्ठै हैं. कहा ? ऐसा
प्रश्न होतै उत्तर कहै हैं;—

णाभिगिरिचूलिगुवरिं बालगंगतरद्वियो हु उडुइंदो ।
सिद्धीदो धो बारह जोयणमाणह्नि सव्वट्टं ॥ ४७० ॥
नाभिगिरिचूलिकोपरि बालाप्रांतरे स्थितः हि ऋत्विद्रकः ।
सिद्धितः अधः द्वादशयोजनमाने सर्वार्थः ॥ ४७० ॥

अर्थ—नाभिगिरि जो वीचि तिष्ठता सुदर्शन मेरुगिरि ताकी चूलिकाकै ऊपरि बालका अग्रभाग प्रमाण अंतराल छोडि पहला ऋतु नामा इंद्रक विमान तिष्ठै है । बहुरि सिद्धक्षेत्रतै नीचै बारह योजन प्रमाणविपै अंतका सर्वार्थसिद्धि नामा इंद्रक विमान तिष्ठै है ॥ ४७० ॥

आगै कल्प अर कल्पातीतनिकै विक्रियादिकानिकी मर्यादाकौ कहै हैं;—

सगसगचरिर्मिंदयधयदंडं कल्पावणीणमंतं खु ।
कल्पादीदवाणिस्स य अंतं लोयंतयं होदि ॥ ४७१ ॥
स्वकस्वकचरमेन्द्रकध्वजदंडः कल्पावनीनां अंतः खलु ।
कल्पातीतावनेश्च अंतः लोकांतकः भवति ॥ ४७१ ॥

अर्थ—अपनां अपनां अंतका इंद्रकका जु ध्वजादंड सो कल्पसंबंधी पृथ्वीका अंत जाननां । जैसे सौधर्म युगलधिषै इकतीसवां अंतका इंद्रकका ध्वजादंड जहां है तहां सौधर्म युगलका अंत है । ऐसै ही अन्यत्र जाननां । बहुरि कल्पातीत संबंधी पृथ्वीका अंत सो लोकका अंत है । लोकका जहां अंत है तहां कल्पातीत पृथ्वीका अंत है ॥ ४७१ ॥

आगै इंद्रकानिका विस्तार कहै हैं;—

माणुसखित्तपमाणं उडु सव्वट्टं तु जंबुदीवसमं ।
उभयविसेसे रूज्जणिंदयभजिंदे दु हाणिचयं ॥ ४७२ ॥
भानुपक्षेत्रप्रमाणं ऋतु सर्वार्थं तु जंबुद्वीपसमं ।
उभयविशेषे रूपोनेन्द्रकभक्ते तु हानिचयम् ॥ ४७२ ॥

अर्थ—मनुष्य क्षेत्र प्रमाण पैतालीस लाख योजन व्यासकौ धरै ऋतुनामा इंद्रक है । बहुरि सर्वार्थसिद्धि विमान जंबुद्वीप समान एक लाख योजन व्यासकौ धरै हैं । बहुरि दोऊनिविषै विशेष ग्रहण करिए तहां पैतालीस लाखभै सौ एक लाख घटाएं चवालीस लाख अवशेष रहे तिनकौ एक घाटि इंद्रकका भाग दीजिये तहां इंद्रक प्रमाण तरेसठिभैस्यौ एक घटाएं वासठि ताका भाग दिएं सत्तरि हजार नवसै सतसठि योजन अर तेईसका इकतीसवां भाग प्रमाण आया । सो इंद्रक इंद्रक प्रति हानि चय जाननां । याका वर्णन—पैतालीसलाख योजन ऋतुविमान है यामें सत्तरि हजार नवसै सतसठि योजन अर तेईसका इकतीसवां भाग प्रमाण हानि चय घटाईए तब चवालीस लाख गुणतीस हजार बत्तीस योजन अर आठ इकतीसवां भाग प्रमाण रह्या सो इतना दूसरा इंद्रकका व्यास प्रमाण है । यामें हानिचय घटाएं तीसरा इंद्रकका व्यास प्रमाण है । ऐसे क्रमतै यावत् अंत इंद्रकका एक लाख योजन व्यास रहै तावत् पूर्व पूर्व इंद्रक व्यासभैस्यौ हानिचय घटाएं उत्तर उत्तर इंद्रकका व्यास प्रमाण हो है ॥ ४७२ ॥

इहाँतें आगें श्रेणीवद्धनिका अवस्थानका स्वरूप निरूपें हैं;—

वासट्ठी सेढिगया पढमिंदे चउदिसासु पत्तेयं ।

पडिदिसमेकैकृणं अणुदिसाणुत्तरेकोत्ति ॥ ४७३ ॥

द्वापट्टिः श्रेणिगतानि प्रथमेन्द्रे चतुर्दिशासु प्रत्येकं ।

प्रतिदिशमेकैकोनं अनुदिशानुत्तरे एकमिति ॥ ४७३ ॥

अर्थ—पहला इंद्रक विपै च्यारि दिशानिविपै प्रत्येक श्रेणीवद्ध विमान वासटि हैं । ताके चारों दिशानिविपै दोयसै अठतालीस भए । यातें ऊपरि द्वितीयादि पटलनिविपै एक एक दिशा प्रति एक एक श्रेणीवद्ध घटाएँ ऊपरि ऊपरि विवक्षित श्रेणीवद्धनिका प्रमाण हो है सो पटल पटल प्रति च्यारि च्यारि घटते श्रेणीवद्ध जाननें । यावत् अनुदिश वा अनुत्तरविपै दिशा प्रति एक एक श्रेणीवद्ध अवशेष रहै तावत् ऐसैं जाननां । इहां दक्षिण इंद्र उत्तर इंद्रका भेद करि श्रेणीवद्धनिका संकलित धन ल्यावनैका विधान काहिए हैं । सौधर्म इंद्रकै प्रथम पटलविपै एक दिशासंबंधी श्रेणीवद्ध वासटि हैं अर दक्षिण इंद्रकै उत्तर दिशा त्रिना तीन दिशासंबंधी श्रेणीवद्ध पाईएँ हैं तातें तीन करि गुणें प्रथम पटलविपै एकसौ छियासी श्रेणीवद्ध भया सो यहू तो आदि भया, अर पटल पटल प्रति तीन तीन श्रेणीवद्ध घटै हैं तातें ऋण रूप चय तीन । वहुरि पटल इकतीस हैं तातें गछ इकतीस । अब इहां हीन संकलनकों आश्रयकरि धन ल्याईएँ हैं । पदमेगेण विहीणं दुभाजिदं उत्तरेण संगुणिदं पभवजुदं पदगुणिदं पदगणिदं तं वियाणाहि । १ । इस सूत्रकरि पद जो गछ सो इकतीस यामें एक घटाएँ तीस याकों दोयका भाग दिएं पंद्रह इनकों उत्तर जो चय तीन तीहकरि गुणें पैतालीस इनकों प्रभव जो आदि एकसौ छियासी तामें इहां ऋण रूप चय है तातें पैतालीस घटाएँ एकसौ इकतालीस रहे । इनकों पद जो गछ इकतीस तीहकरि गुणें च्यारि हजार तीनसै इकहत्तरि सौधर्मकै श्रेणीवद्ध विमान भए । वहुरि इन विपै इकतीस पटल संबंधी इकतीस इंद्रक मिलाएँ च्यारि हजार च्यारिसै दोय विमान हो हैं । वहुरि ऐसैं ही ईशान विपै उत्तर इंद्रनिकै एक उत्तर दिशा संबंधी श्रेणीवद्ध पाईएँ है । अर ईशान उत्तर इंद्र है तातें आदि वासटि उत्तर एक गछ इकतीस करि संकलित धन ल्याएँ ईशानकै चौदहसै सत्तावन श्रेणीवद्ध हो है । इहां ईशानविपै इंद्रक न मिलावनें, जातै उत्तर इंद्रनिकै उत्तर इंद्र विमानका अभाव है । वहुरि सौधर्मकै एकदिशा संबंधी श्रेणीवद्ध वासटि तिनमें अपना गछ इकतीस घटाएँ अवशेष इकतीस रहे सोई सनत्कुमार माहेन्द्रविपै प्रथम पटलविपै एकदिशा संबंधी श्रेणीवद्धनिका प्रमाण है । ऐसैं ही पूर्व पूर्व युगलके प्रथम पटलके एक दिशासंबंधी श्रेणीवद्धनिका प्रमाण विपै अपनां अपनां पटल प्रमाण गछ घटाएँ उपरि उपरि युगलके प्रथम पटलके एक दिशा संबंधी श्रेणीवद्धनिका प्रमाण हो है । सो सौधर्म ईशानविपै वासटि ६२ सनत्कुमार माहेन्द्रविपै इकतीस ब्रह्म ब्रह्मोत्तरविपै चौईस लांतव कापिष्टविपै बीस शुक्र महाशुक्रविपै अठारह शतार सहश्रारविपै सत्तरह आनतादि च्यारि कल्पविपै सोलह अधोत्रैवेयकविपै दश मध्य त्रैवेयकविपै सात उपरिम त्रैवेयकविपै च्यारि नवानुदिशविपै एक श्रेणीवद्ध विमान एक दिशासंबंधी जाननां । इस श्रेणीवद्धनिके प्रमाणकों दक्षिण इंद्र अपेक्षा करि तीन करि गुणें उत्तर इंद्र अपेक्षा करि एक करि

गुणें अर जहां दक्षिण उत्तर इंद्रकी विवक्षा नाहीं तहां चारि करि गुणें आदिका प्रमाण हो है । सो सनत्कुमारकै तरेणवै माहेन्द्रकै इकतीस ब्रह्मब्रह्मोत्तरविषै छिनवै लांतव कापिष्ठविषै असी शुक्र महाशुक्रविषै बहत्तरि सतार सहस्रारविषै अडसठि आनतादिविषै चौंसठि अधो प्रैवेयकविषै चालीस मध्य प्रैवेयकविषै अठाईस उपरिम प्रैवेयकविषै सोलह नव अनुदिशविषै च्यारि ऐसैं आदिका प्रमाण है । बहुरि उत्तर जो ऋणरूप चय सो सनतकुमारविषै तीन माहेन्द्रविषै एक उपरि सर्वत्र च्यारि प्रमाण हैं । बहुरि गळ अपनां अपनां पटल प्रमाण सनतकुमारादिविषै क्रमतैं सात सात च्यारि दोय एक एक छह तीन तीन तीन एक एक है । ऐसैं आदि उत्तर गळ जानिं तीह तीहका संकलित धन दक्षिण इंद्र या उत्तर इंद्रनिकै ल्यावना । सो सनत्कुमारादिविषै क्रमतैं श्रेणीवद्धनिका प्रमाण ५८८।१९६।३६०।१५६।७२।६८।३२४।१०८।७२।३६। ४ जाननें ॥ ४७३ ॥

आगैं तहां प्रथम इंद्रक संबंधी श्रेणीवद्धनिका अवस्थानका वर्णनकां कहैं हैं;—

उडुसेढीवद्धदलं स्वयंभूरमणुदहिपणिधिभागहि ।

आइल्लतिणि दीवे तिणिण समुद्रे य सेसा हु ॥ ४७४ ॥

ऋतुश्रेणीवद्धदलं स्वयंभूरमणोदधिप्रणिधिभागे ।

आदिमत्रिषु द्वीपेषु त्रिषु समुद्रेषु च शेषं हि ॥ ४७४ ॥

अर्थ—ऋतु इंद्रक संबंधी श्रेणीवद्धनिका एक दिशा संबंधी प्रमाण वासठि ताका आधा इकतीस श्रेणीवद्ध तौ स्वयंभूरमण नामा समुद्रका प्रणिधि भाग कहिए निकटवर्ती उपरिमभाग तिहविषै तिष्ठै हैं । अवशेष अर्वाचीन तीन द्वीप अर तीन समुद्रनिविषै तिष्ठै हैं । भावार्थ—प्रथम पटलविषै एक दिशासंबंधी वासठि श्रेणीवद्ध हैं । तिनविषै इकतीस तौ स्वयंभूरमण समुद्र उपरि हैं पंद्रह स्वयंभूरमण द्वीप उपरि हैं । आठ तीहस्यौं लगता समुद्र उपरि हैं च्यारि तीहसौं लगता द्वीप उपरि हैं दोय तिहसौं लगता समुद्र उपरि हैं एक तीहसौं लगता द्वीप उपरि हैं । एक तीह सौं लगता अनेक द्वीप समुद्रनिके उपरि है ॥ ४७४ ॥

आगैं प्रकीर्णकनिका स्वरूप वा प्रमाण कहैं हैं;—

सेढीणं विच्चाले पुष्पपङ्कणय इव द्वियविमाणा ।

होति पङ्कणङ्गामा सेढिंद्यहीणरासिसमा ॥ ४७५ ॥

श्रेणीनां विचाले पुष्पप्रकीर्णकानि इव स्थितविमानानि ।

भवन्ति प्रकीर्णकनामानि श्रेणींद्रकहीनराशिसमानि ॥ ४७५ ॥

अर्थ—श्रेणीवद्ध विमाननिका विचाल कहिए अंतराल तिहविषै प्रकीर्णकानि पुष्पाणि इव कहिए वखेरेफूल जैसे पंक्तिरहित जहां तहां स्थित होइ तैसैं जे विमान पंक्तिरहित जहां तहां होइ ते प्रकीर्णक नामधारक जाननें । ते श्रेणीवद्ध वा इंद्रककरि हीन स्वकीय रासि समान जाननें । सो कैसैं ? बत्तीस लाख अठाईस लाख इत्यादि सौधर्मादिकविषै विमाननिकी संख्या पूर्वे

कही है तामें पूर्वोक्त श्रेणीवद्भनिका वार इंद्रनिका प्रमाण घटाएं जो जो राशि अवशेष रहे तिह समान प्रमाण धरै सौधर्मादिकविषै प्रकीर्णक विमान जानै ॥ ४७५ ॥

आगें दक्षिणधर उत्तर इंद्रनिके इंद्रक श्रेणीवद्भ प्रकीर्णकनिका विभागकों दिखावै हैं;—

उत्तरसेढीवद्भा वायव्वीसाणकोणगपड्णणा ।

उत्तरइंदणिवद्भा सेसा दक्खिणदिंसिदपड्भिवद्भा ॥ ४७६ ॥

उत्तरश्रेणीवद्भा वायव्वेशानकोणगप्रकीर्णानि ।

उत्तरेन्द्रनिवद्धानि शेपाणि दक्षिणदिर्गाद्रप्रतिवद्धानि ॥ ४७६ ॥

अर्थ—उत्तरदिशासंबंधी श्रेणीवद्भ विमान वहुरि वायवी अर ईशान कोणकों प्राप्त भए प्रकीर्णक विमान ए तौ उत्तरदिशाका इंद्रसंबंधी हैं । वहुरि अवशेष सर्व विमान दक्षिणदिशाका इंद्रसंबंधी है । अब इहां ऊर्द्ध लोककी रचनाविषै स्वर्गादिकका अवस्थान वा इन्द्रकादिक विमाननिका स्वरूप मंद बुद्धिनिके समझनेके अर्थ कहिए हैं । मेरुतलतै लगाय सात राजू ऊंचा उर्द्धलोक है । तीहविषै छह राजूकी उंचाईविषै सोलह स्वर्ग हैं । तहां मेरुतलतै लगाय ड्योढ राजूकी उंचाईविषै तौ सौधर्म ईशान युगल है ताके इकर्तास पटल हैं । पटल कहां कहिए ? तिर्यकरूप बरोवरि क्षेत्रविषै जहां विमान पाईए ताका नाम पटल है । तहां मेरुकी चूलिकातै वाला-प्रका अंतराल छोड़ि प्रथम पटल है । ताके ऊपरि वीचिमें असंख्यात योजन प्रमाण अंतरालविषै अवकाश है । वहुरि तहां उपरि द्वितीय पटल है । ऐसै ही वीचि वीचिमें असंख्यात असंख्यात योजनका अवकाशरूप अंतराल छोड़ि उपरि उपरि पटल जानै । इकतीसवां अंतका पटल ड्योढ राजू क्षेत्रका अंतविषै पाईए है । वहुरि पटल पटल प्रति वीचिमें जो एक एक विमान पाईए तिनका नाम इंद्रक विमान है । सो मेरु उपरि तौ ऋतु इंद्रक है । ताकी सूधिविषै उपरि उपरि पटल पटल प्रति एक एक इंद्रक जाननां । वहुरि पटल पटल प्रति तिस इंद्रक विमानकी पूर्वादिक च्यारि दिशानिविषै जे पंक्तिबंध विमान पाईए तिनका नाम श्रेणीवद्भ विमान है । वहुरि पटल पटल प्रति तिन तिन श्रेणीवद्भनिके वीचि विदशानिविषै जे बखेरे हुए फूलकी ज्यौं जहां तहां तिघटे विमान हैं तिनका नाम प्रकीर्णक विमान है ते ऐसै जानै । तहां पटल पटलसंबंधी उत्तरदिशाका श्रेणीवद्भ विमान वायवी ईशान विदिशाका प्रकीर्णक इनविषै तौ उत्तर इंद्र ईशान ताकी आज्ञा प्रवर्त्तै है । वहुरि अवशेष सर्व इंद्रक विमान अर तीन दिशाका श्रेणीवद्भ विमान अर नैऋति आग्नेय विदिशाका प्रकीर्णक इनविषै दक्षिण इंद्र जो सौधर्म ताकी आज्ञा प्रवर्त्तै है । तहां जिनि विमाननिविषै सौधर्म इंद्रकी आज्ञा प्रवर्त्तै हैं तिनके समूहका नाम सौधर्म स्वर्ग है । वहुरि जिन विमाननिविषै ईशान इंद्रकी आज्ञा प्रवर्त्तै है तिनका समूहका नाम ईशान स्वर्ग है । जैसे इहां एक नगरविषै अपने अपने स्वामीके नामकी अपेक्षा वसतीनिका नाम हो है तैसे जाननां । वहुरि ताके ऊपरि ड्योढ राजूकी उंचाईविषै सनत्कुमार माहेन्द्र युगल है । तहां सात पटल हैं सो सौधर्म युगलके अंत पटलतै असंख्यात योजन अंतराल छोड़ि प्रथम पटल है । ताके ऊपरि ऊपरि तैसे ही अंतराल लिएं द्वितीयादि पटल हैं । तिनविषै इंद्रकादिक विमान पूर्वोक्त प्रकार जानै, तहां उत्तर श्रेणीवद्भ वायवी

ईशान कोंणके प्रकीर्णकनिविपै उत्तर इंद्र माहेन्द्रकी आज्ञा प्रवर्त्तै है । अवशेषविपै दक्षिण इंद्र सन-
त्कुमार ताकी आज्ञा प्रवर्त्तै है । तिनकी अपेक्षा तिन विमाननिका समूहका नाम सनत्कुमार स्वर्ग
अर माहेन्द्र स्वर्ग है । वहुरि ऐसै ही उपरि उपरि अन्य युगल वा तिनके पटल जाननें । वहुरि
तिनविपै इंद्रकादिक विमान जाननें । उंचाई आदिकका प्रमाण पूर्वे गाथानि कर कहि आए हैं सो
जाननां । तहां ब्रह्म ब्रह्मोत्तर युगल अर लांतव कापिष्ट युगल अर शुक्र महाशुक्र युगल अर
शतार सहश्रार युगलनिविपै एक एक इंद्र ही है । तहां वसती अपेक्षा दोय नाम हैं इंद्रकी अपेक्षा
नाहीं हैं । जैसे इहां नगरविपै एक स्वामी हो है तौ भी वसतीनिका जुदा नाम हो है । वहुरि
आनत प्राणत युगल अर आरण अच्युत युगलनिविपै दोय दोय इंद्र हैं तहां आनत आरण दक्षिण
इंद्र हैं, प्राणत अच्युत उत्तर इंद्र हैं तहां पूर्वोक्त विधान जाननां । वहुरि आरण अच्युतका अंततै
एक राजू क्षेत्रकी उचाईविपै कल्पातीत क्षेत्र है । तहां प्रथम त्रैवेयक है, तहां अधो मध्य ऊर्द्ध
त्रैवेयकनिके तीन तीन पटल हैं । तहां अच्युतके अंततै असंख्यात योजन अंतराल छोड़ि अधो
त्रैवेयकका प्रथम पटल है । वहुरि ताकै ऊपरि तैसै ही अंतराल छोड़ि उपरि उपरि पटल हैं ।
तिन पटलनिविपै इंद्रकादिक विमाननिका स्वरूप पूर्वोक्त जाननां । वहुरि ऊपरिम त्रैवेयकनिका अंत
पटलतै असंख्यात योजन अंतराल छोड़ि नव अनुदिश विमान हैं । तहां वीचिमें एक इंद्रक चान्यौ
दिशानिविषै च्यारि श्रेणीवद्ध च्यारि विदिशानिविपै च्यारि प्रकीर्णक विमान पाइए हैं । वहुरि तीह-
सौ असंख्यात योजन अंतराल छोड़ि उपरि पंच अनुत्तर विमान हैं, तहां वीचिमें सर्वार्थसिद्धि
नामा इंद्रक है । च्यारि विदिशानिविपै विजयादि च्यारि श्रेणीवद्ध हैं । वहुरि तीहसौ वारह योजन
अंतराल छोड़ि सिद्धक्षेत्र हैं । ऐसै उर्द्धलोककी रचना जाननी । इहां पटलनिका ऊर्द्ध अंतरालविपै
वा विमाननिकै वीचि तिर्यक अंतरालविपै सर्वत्र अवकाश जाननां, नरकवत् पृथ्वी नाहीं है । या
प्रकार मंद बुद्धीनिकै समझनेके अर्थि पूर्वे जो कथन कह्या था ताकाँ विस्तार करि कह्या ॥ ४७६ ॥

अब इंद्रकादिकनिका व्यासकाँ निरूपै हैं;—

इंदयसेढीवद्धप्पइण्णयाणं क्रमेण वित्थारा ।

संखेज्जमसंखेज्जं उभयं च य जोयणाणं तु ॥ ४७७ ॥

इंद्रकश्रेणीवद्धप्रकीर्णकानां क्रमेण विस्ताराः ।

संख्येयं असंख्येयं उभयं च योजनानां तु ॥ ४७७ ॥

अर्थ—इंद्रक श्रेणीवद्ध प्रकीर्णक विमाननिका क्रमतै विस्तार संख्यात असंख्यात उभय-
योजन प्रमाण है । भावार्थ—इंद्रक विमान सर्व संख्यात योजन प्रमाण विस्तार धरै हैं । श्रेणी-
वद्ध विमान सर्व असंख्यात योजन विस्तार धरै हैं । प्रकीर्णकविमान केई संख्यात केई असंख्यात
योजन विस्तारकाँ धरै हैं ॥ ४७७ ॥

आगै सौधर्मादिकनिविपै संख्यात असंख्यात योजन विस्तार धरै विमाननिकी संख्याकाँ
दोय गाथानि करि कहै हैं;—

कल्पेसु राशिपंचमभागं संखेज्जवित्थडा होंति ।
 तत्तो तिण्णद्वारस सत्तरसेक्रेकयं कमसो ॥ ४७८ ॥
 कल्पेषु राशिपंचमभागं संख्येयविस्तारा भवन्ति ।
 ततः त्रीण्यष्टादश सप्तदशैकमेकं क्रमशः ॥ ४७८ ॥

अर्थ—कल्पनिविष्टे अपनां अपनां वत्तीस लाख अठईस लाख इत्यादि विमाननिका प्रमाण-
 रूप राशि ताका पांचवां भाग प्रमाण विमान संख्यात योजन विस्तारको धरें हैं । जैसे सौधर्म
 स्वर्गविष्टे वत्तीस लाख विमान ताका पांचवां भाग छह लाख चालीस हजार विमान संख्यात
 योजन विस्तार धरें हैं । ऐसैं ही अन्यत्र जाननां । तातैं परें अधो प्रैवेयकविष्टे तीन मध्य प्रैवेयकविष्टे
 अठारह उपरिम प्रैवेयकविष्टे सतरह नवानुदिशविष्टे एक पंचानुत्तरविष्टे एक विमान संख्यात
 योजन विस्तार धरें हैं ॥ ४७८ ॥

सगसगसंखेज्जूणा सगसगरासी असंखवासगया ।
 अहवा पंचमभागं चउगुणिदे होंति कल्पेसु ॥ ४७९ ॥
 स्वकस्वकसंख्येयोनाः स्वकस्वकराशयः असंख्यव्यासगताः ।
 अथवा पंचमभागं चतुर्गुणिते भवन्ति कल्पेषु ॥ ४७९ ॥

अर्थ—स्वकीयस्वकीयसंख्यात योजन व्यास धरें विमाननिकी संख्याकरि हीन जो अपनां
 अपनां वत्तीस लाख विमाननिका प्रमाणरूप राशि सो असंख्यात योजन विस्तार धरें हैं जैसे सौध-
 र्मविष्टे वत्तीस लाख राशिमेंसो संख्यात व्यास विमानकी संख्या छह लाख चालीस हजार
 घटां अवशेष पच्चीस लाख साठि हजार विमान असंख्यात योजन प्रमाण विस्तार धरें हैं । ऐसैं
 ही अन्यत्र जाननां । अथवा राशिका पांचवां भागको चौगुणा किए कल्पनिविष्टे असंख्यात
 योजन विस्तार धरें विमाननिकी संख्या हो हैं । जैसे सौधर्मविष्टे राशि वत्तीस लाखका पांचवां
 भाग छह लाख चालीस हजार ताका चौगुणां पच्चीस लाख साठि हजार विमान असंख्यात योजन
 विस्तार धरें हैं । ऐसैं ही अन्यत्र जाननां ॥ ४७९ ॥

आगें तिन विमाननिका बाहुल्य कहैं हैं;—

छज्जुगल सेसकप्पे तित्तिसु सेसे विमाणतलवहलं ।
 इगिवीसेयारसयं णवणउदिरिणक्कमा होंति ॥ ४८० ॥
 पड्युगलेपु शेपकल्पेषु त्रिखिपु शेपे विमानतलवहलं ।
 एकाधिशत्येकादशशतं नवनवतिक्कणक्रमा भवन्ति ॥ ४८० ॥

अर्थ—सौधर्म युगलादिक छह युगलनिके छह स्थान अर अवशेष आनतादि कल्पनिका एक
 स्थान अर तीन तीन अधो प्रैवेयकादिकानिका एक एक स्थान तिनकें प्रैवेयकानिके तीन स्थान अर अवशेष
 अनुदिश अनुत्तरका एक स्थान ऐसैं इन ग्यारह स्थानकनिविष्टे विमानतल बाहुल्य कहिए विमाननिकी
 भूमिकी मोटाई सो आदिविष्टे इकईस अधिक ग्यारहसैं योजन प्रमाण अर ऊपरि सर्वत्र क्रमतैं
 निष्पाणवै निष्पाणवै योजन घाटि प्रमाण है । ११२११०२२१९२३१८२४१७२५६२६५२७।

४२८।३२९।३०।३१ । भावार्थ—ऐसें मोटाई प्रमाणकीं धरें विमाननिका भूमि है । ताके ऊपरि नगर मंदरादि रचना है ॥ ४८० ॥

आगे तिन विमाननिका वर्णका अनुक्रमकीं वर्णें हैं;—

दोहो चउचउकप्पे पंचयवण्णा ढु क्किण्वज्जा ढु ।

णील्लूणा रत्तूणा विमाणवण्णा तदा सुक्का ॥ ४८१ ॥

द्वयोः द्वयोः चतुश्चतुःकल्पेषु पंचकवर्णा हि कृष्णवर्जाः हि ।

नीलोनाः रक्तोनाः विमानवर्णा ततः शुक्लाः ॥ ४८१ ॥

अर्थ—दोय दोय च्यारि च्यारि कल्पनिविषे क्रमते पंचवर्ण कृष्णवर्जित नीलवर्जित रक्तवर्जित विमाननिके वर्ण हैं । तातें उपरि शुक्लवर्ण ही है । भावार्थ—सौ धर्मईशानविषे विमाननिका पंच वर्ण हैं । सनत्कुमार माहेंद्रविषे कृष्ण विना च्यारि वर्ण है । ब्रह्मादि च्यारि कल्पनिविषे नील भी नाहीं तातें तीन वर्ण हैं । शुक्रादि च्यारि कल्पनिविषे रक्त भी नाहीं हैं । तातें दोय वर्ण है । तातें आनतादि अनुत्तर पर्यंत सर्वनिविषे एक शुक्ल वर्ण ही है । ऐसें विमाननिका रंग जाननां ॥ ४८१ ॥

आगे विमाननिका आधार स्थानकीं निरूपे हैं;—

दुसु दुसु अट्टसु कप्पे जलवातुभये पइट्टियविमाणा ।

सेसविमाणा सञ्चे आगासपइट्टया होंति ॥४८२ ॥

द्वयोः द्वयोः अष्टसु कल्पेषु जलवातोभये प्रतिष्ठितविमानाः ।

शेषविमानाः सर्वे आकाशप्रतिष्ठिता भवति ॥ ४८२ ॥

अर्थ—दोय दोय आठ कल्पनिविषे जल वात उभय प्रतिष्ठित विमान हैं । अवशेष विमान सर्व आकाश प्रतिष्ठित हैं । भावार्थ—सौधर्म युगलविषे तौ जलके आधार विमान हैं जलरूप पुद्गल स्कंधनिका आधार करि तिनके ऊपरि विमान तिष्ठे हैं । बहुरि सनत्कुमार युगलविषे पवनके आधार विमान हैं पवनरूप पुद्गल स्कंधनिका आधार करि तिनके ऊपरि विमान तिष्ठे हैं । बहुरि ब्रह्मादि आठ कल्पनिविषे विमान जल अर पवन दोऊके आधार है । जलरूप वा पवनरूप परणं पुद्गल स्कंधनिका आधार करि तिनके ऊपरि विमान तिष्ठे हैं । बहुरि आनतादि अनुत्तरपर्यंतविषे आकाशके आधारि सर्व विमान हैं । पुद्गल स्कंधनिका आधारकी अपेक्षा रहित आकाशहीके आधार तिष्ठे हैं ॥ ४८२ ॥

अब इंद्र जहां तिष्ठे हैं तिस विमानकीं कहें हैं;—

छज्जुगलसेसकप्पे अट्टारसमद्धि सेट्ठिवद्धि ।

दोहीणकर्म दक्खिणउत्तरभागद्धि देविदा ॥ ४८३ ॥

पड्युगलशेषकल्पेषु अष्टादशमे श्रेणीवद्धे ।

द्विहीनक्रमं दक्षिणोत्तरभागे देवेन्द्राः ॥ ४८३ ॥

अर्थ—छह युगल अर अवशेष कल्प इन सात स्थानकविषे अपनां अपनां अंतका पटल संबंधी अठारह्वां श्रेणीवद्धविषे अर दोय दोय घाटि क्रम लिएं श्रेणीवद्धविषे दक्षिण दिशाका भागविषे दक्षिण

इंद्र अर उत्तर दिशाका भागविषै उत्तर इंद्र तिष्ठें है । भावार्थ—सौधर्म युगलका इक्तीसवां अत पटलविषै इंद्रक विमानतै लगता श्रेणीवद्धतै लगाय अठारव्हां दक्षिणदिशाका श्रेणीवद्ध विमानविषै तौ सौधर्म इंद्र वसै है । अर उत्तर दिशाका श्रेणीवद्ध विमानविषै ईशान इंद्र वसै है । वहुरि सनत्कुमार युगलका अंतका पटलविषै सोलव्हां दक्षिण श्रेणीवद्धविषै सनत्कुमार इंद्र वसै है । उत्तर श्रेणी वद्धविषै माहेन्द्र इंद्र वसै है । वहुरि ब्रह्मयुगलका अंतपटलका चौदव्हां दक्षिण श्रेणीवद्धविषै ब्रह्मइन्द्र वसै है । वहुरि लांतव युगलका अंतपटलका बारव्हां उत्तर श्रेणीवद्धविषै लांतव इंद्र वसै हैं । वहुरि शुक्र युगलका अंतपटलका दशवां दक्षिण श्रेणीवद्धविषै शुक्र इंद्र वसै है । वहुरि शतार युगलका अंतपटलका आठवां उत्तर श्रेणीवद्धविषै शतार इंद्र वसै है । वहुरि आनत युगलका अंतका पटलका छठां दक्षिण श्रेणीवद्धविषै आरण इंद्र अर उत्तर श्रेणीवद्धविषै अच्युत इंद्र वसै है ॥ ४८३ ॥

आगैं तिन विमाननिके नाम दोय गाथानिकारि कहैं हैं;—

इंद्रद्विष्यं विमाणं सगसगकल्पं तु तस्स चउपासे ।

बेलुरियरजदसोकं मिसकसारं तु पुन्वादी ॥ ४८४ ॥

इंद्रस्थितं विमानं स्वकस्वककल्पं तु तस्य चतुःपार्श्वे ।

वैद्वर्थरजताशोकं मृपत्कसारं तु पूर्वादिपु ॥ ४८४ ॥

अर्थ—इंद्र स्थित कहिए जिस विमानविषै इंद्र वसै है सो विमान स्वकस्वककल्पं कहिए अपने स्वर्गक नाम है जो अपनां स्वर्गका नाम सोई तिस विमानका नाम है । जैसे सौधर्म इंद्र जहां वसै है तिस विमानका नाम सौधर्म है । ऐसैं ही अन्यत्र जाननां । वहुरि तिस इंद्र स्थित विमानका चारों पार्श्वनिविषै वैद्वर्थ १ रजत १ अशोक १ मृपत्कसार १ ऐसैं नाम धरैं च्यारि विमान पूर्वादि दिशानिषै तिष्ठें हैं । सो यहु विधान सर्व दक्षिण इंद्रनिकै जाननां ॥ ४८४ ॥

रुचकं मंदरसोकं सत्तच्छदणामयं विमाणं तु ।

सन्वुत्तरइंदाणं विमाणपासेसु होंति कमे ॥ ४८५ ॥

रुचकं मंदराशोकं सत्तच्छदनामकं विमानं तु ।

सर्वोत्तरेन्द्राणां विमानपार्श्वेषु भवति क्रमेण ॥ ४८५ ॥

अर्थ—रुचक १ मंदर १ अशोक १ सत्तच्छद ऐसैं नाम धरैं च्यारि विमान सर्व उत्तर इंद्रनिका विमानका चान्यौ पार्श्वनिविषै क्रमकारि पूर्वादि दिशानिषै जाननैं ॥ ४८५ ॥

आगैं सौधर्मादि देवनिके मुकुटके चिन्हनिकौं दोय गाथानिकारि कहैं हैं;—

सोहम्मादीवारस साणदआरणगजुगवि कमा ।

देवाण मउल्लचिहं वराहमयमहिसमच्छावि ॥ ४८६ ॥

सौधर्मादिद्वादशसु आनतारणकयुगोपे क्रमात् ।

देवानां मौलिचिन्हं वराहमृगमहिपमत्स्या अपि ॥ ४८६ ॥

अर्थ—सौधर्मादि बारह कल्पनिकै बारह स्थान अर आनत युगलका एक स्थान अर आरणयुगलका एक स्थान ऐसैं इन चौदह स्थानकनिषै अनुक्रमतै देवनिकै मुकुटविषै ए चिन्ह हैं । सूअर १ हिरण १ भैंसा १ मांछला १ ॥ ४८६ ॥

कुम्भो दहुरतुरया तो कुंजर चंद सप्प खग्गी य ।
छगलो बसहो तत्तो चोदसमो होदि कल्पतरु ॥ ४८७ ॥
कूर्मो दर्दुरस्तुरगस्ततः कुंजरः चंद्रः सर्पः खड्गी च ।
छगलो वृषभः ततः चतुर्दशो भवति कल्पतरुः ॥ ४८७ ॥

अर्थ—काछिवो १ मींडक १ घोड़ो १ हाथी १ चंद्रमा १ सर्प १ खड्गी १ छैलो १
बैल १ तहां पीछें चौदहौं कल्पवृक्ष १ इनके आकार देवनिके मुकुटविषै पाईए हैं ॥ ४८७ ॥
अब इंद्रनिका नगरका संस्थान अर विस्तारकौं दोय गाथानि करि कहें हैं;—

सोहम्मादिचउके जुम्पचउके य सेसकप्पे य ।
सगदेविजुदिदाणं णयराणि हवंति णवयपदे ॥ ४८८ ॥
सौधर्मादिचतुष्के युग्मचतुष्के च शेषकल्पे च ।
स्वकदेवीयुतेद्राणां नगराणि भवंति नवकपदे ॥ ४८८ ॥

अर्थ—सौधर्मादि च्यारि कल्पनिके च्यारि स्थान ब्रह्मयुगल आदि च्यारि युगलनिके च्यारि
स्थान आनतादि अवशेष कल्पनिका एक स्थान इन नव स्थानकनिविषै अपनी अपनी देवांगना
संयुक्त जे इंद्र तिनके नगर हैं । इहां आनतादि च्यारि कल्पनिविषै प्रत्येक बीस हजार योजन
नगर व्यासकी समानतातैं एक स्थान कहा है ॥ ४८८ ॥

चुलसीदीय असीदी विहत्तरी सत्तरीय जोयणगा ।
जावय वीससहस्सं समचउरस्साणि रम्माणि ॥ ४८९ ॥
चतुरशीतिः अशीतिः द्वासप्ततिः सप्ततिश्च योजनानि ।
यार्वाद्द्विशसहस्रं समचतुरस्त्राणि रम्माणि ॥ ४८९ ॥

अर्थ—चौरासी असी बहत्तरि सत्तरि हजार अर यावत बीस हजार होइ तावत् दश दश हजार
घाटि नगरनिका विस्तार हैं । भावार्थ—सौधर्मविषै चौरासी हजार ईशानविषै असी हजार सनत्कुमार-
विषै बहत्तरि हजार माहिन्द्रविषै सत्तरि हजार, ब्रह्मयुगलविषै साठि हजार, लांतव युगलविषै पचास
हजार, शुक्रयुग्मविषै चालीस हजार, सतार युगलविषै तीस हजार, आनतादि च्यारि कल्पनिविषै
प्रत्येक बीस बीस हजार योजन प्रमाण इंद्रनिके नगरनिका विस्तार जाननां । बहुरि ते नगर सम-
चतुरस्र हैं जितनें लंबे तितनें ही चौड़े ऐसे चौकोर हैं अर रमणीक हैं ॥ ४८९ ॥

आगैं कहे नगर ताका प्रकारकी उचाईका स्वरूप कहें हैं;—

छज्जुगलसेसकप्पे तप्पायारुदय जोयणं तिसदं ।
पण्णासूणं पंचम तीसूणं उवरि वीसूणं ॥ ४९० ॥
पट्टयुगलशेषकल्पे तत्प्राकारोदयः योजनं त्रिशतं ।
पंचाशदूनं पंचमे त्रिंशदूनं उपरि विंशोनम् ॥ ४९० ॥

अर्थ—सौधर्म युगलादिक छह युगलनिके छह स्थान अर अवशेष च्यारि कल्पनिका एक
स्थान इन सात स्थानकनिविषै अनुक्रमतैं तिन इंद्रनिके नगरनिका प्राकार जो कोट ताकी उचा-

ईका प्रमाण आदिविषै तीनसै ऊपरि पचास घाटि पांचवें स्थान तीस घाटि ऊपरि बीस घाटि योजन प्रमाण है । भावार्थ—सौधर्म युगलविषै तीनसै सनत्कुमार युग्मविषै अढाईसै ब्रह्मयुग्म-विषै दोयसै लांतव युग्मविषै छौदसै शुक्र युग्मविषै एकसौ बीस सत्तार युग्मविषै एकसौ आनत चतुष्कविषै असी योजन प्रमाण तिन इंद्रनिके नगरनिका कोटकी उचाई है ॥ ४९० ॥

आगै तिन प्राकारनिका गाध अर विस्तार कहै हैं;—

गाढो विस्थारो विय पण्णासं दलकमं तु पंचमगे ।

चत्तारि तियं छट्टे चरिमे दुगमद्धसंजुत्तं ॥ ४९१ ॥

गाधो विस्तारः अपि पंचाशत् दलकमस्तु पंचमके ।

चत्वारि त्रीणि पट्टे चरमे द्विकमर्धसंयुक्तम् ॥ ४९१ ॥

अर्थ—गाध अर विस्तार दोऊ ही पचास अर अर्द्ध अर्द्ध क्रम अर पांचवें च्यारि छठें तीन अंतविषै आधा सहित दोय दोय योजन प्रमाण है । भावार्थ—भूमिविषै उचाईका नाम गाध है इहां ताहीका नाम नींव कहिए हैं । बहुरि चौड़ाईका नाम विस्तार है इहां ताहीका नाम रद्दा कहिए हैं । तिन कोटनिका इन दोऊनिका प्रमाण समान है ताँ एकठा कहिए हैं । सो कोटनिक गाध अर विस्तार पूर्वोक्त सौधर्म युग्मादि सातस्थानकनिविषै क्रमतै पचास पच्चीस साडावारा सवाछै च्यारि तीन अढाई योजन प्रमाण है ॥ ४९१ ॥

आगै तिन प्राकारनिका गोपुरनिका स्वरूप दोय गाथानिकरि कहै हैं;—

पडिदिस गोउरसंखा तेसिं उदओवि चउतिदोणिसया ।

तत्तो दुगुणासीदी बीसविहीणं तदो होदि ॥ ४९२ ॥

प्रतिदिशं गोपुरसंख्या तेषां उदयोपि चतुस्त्रिंशतानि ।

ततः द्विगुणाशीतिः विंशतिविहीनः ततः भवति ॥ ४९२ ॥

अर्थ—दिशा दिशा प्रति तिन कोटनिका गोपुर कहिए द्वार तिनकी संख्या अर तिनका उदय भी च्यारि तीन दोयसै तहां पीछें दूणा असी तहां पीछें बीस घाटि है । भावार्थ—तिन इन्द्र नगरिके कोटके दिशा दिशा प्रति द्वारनिका प्रमाण अर तिन द्वारनिका उचाईका योजननिका प्रमाण पूर्वोक्त सौधर्म युग्मादि सात स्थाननिविषै अनुक्रमतै च्यारिसै तीनसै दोयसै एकसौ साठि एकसौ चालीस एकसौ बीस एकसौ जाननां ॥ ४९२ ॥

गोउरवासो कमसो सयजोयणगाणि तिसु य दसहीणं ।

वीसूर्णं पंचमगे तत्तो सन्वत्थ दसहीणं ॥ ४९३ ॥

गोपुरव्यासः क्रमशः शतयोजनानि त्रिपु च दशहीनं ।

विंशोनं पंचमके ततः सर्वत्र दशहीनम् ॥ ४९३ ॥

अर्थ—गोपुरनिका व्यास क्रमतै सौ योजन तीन विषै दश घाटि पांचवै स्थान बीस घाटि तातै परे सर्वत्र दश घाटि योजन प्रमाण है । भावार्थ—तिन गोपुरनिका व्यास जो चौड़ाईका

प्रमाण सो पूर्वोक्त सातस्थाननिविषै क्रमतैं सौ निवै असी सत्तरि पचास चाळीस तीस योजन प्रमाण है ॥ ४९३ ॥

आगैं पूर्वोक्त नवस्थाननिका आश्रयकरि सामानिक तनुरक्षक अनीक देवनिका प्रमाण दोय गाथानिकरि कहै हैं;—

णयरपदे तस्संखा समाणिया चउगुणा य तणुरक्खा ।

वसहतुरंगरथेभपदातीगंधव्वणच्चणी चेदि ॥ ४९४ ॥

नगरपदे तत्संख्या सामानिका चतुर्गुणाश्च तनुरक्षाः ।

वृषभतुरंगरथेभपदातिगंधर्वनर्तकी चेति ॥ ४९४ ॥

अर्थ—नगरव्यास वर्णनविषै जे स्थान कहे तिनविषै नगर व्याससमान सामानिक देव-निकी संख्या है सो सोहम्मादिचउके इत्यादि गाथाकरि कह्या नगरनिका नव स्थान तिनविषै चुलसीदि इत्यादि गाथाकरि तिन नगरनिका जो विस्तार कह्या तीह संख्याकै समान ही सामानिक देवनिकी संख्या है । भावार्थ—सौधर्मादि च्यारि कल्पनिके च्यारिस्थान ब्रह्मयुग्मादि च्यारि युग्मनिके च्यारि स्थान आनतादि च्यारि कल्पनिका एक स्थान इन नव स्थानकनिविषै अनुक्रमतैं चौरासी असी बहत्तरि सत्तरि साठि पचास चाळीस तीस बीस हजार सामानिक देवनिकी संख्या जाननां । बहुरि सो संख्या चौगुणी किएं अंग रक्षकनिकी संख्या हो है । जेता जेता सामानिक देवनिका प्रमाण है तातैं चौगुणा अंगरक्षक देवनिका प्रमाण है । बहुरि वृषभ १ घोड़ा १ रथ १ हाथी १ पयादा १ गंधर्व १ नर्तकी १ याप्रकार ॥ ४९४ ॥

सत्तेव य आणीया पत्तेयं सत्तसत्तकक्खजुदा ।

पढमं ससमाणसम तद्दुगुणं चरिमक्खोत्ति ॥ ४९५ ॥

सत्तेव च आनीकानि प्रत्येकं सत्तसत्तकक्षयुतानि ।

प्रथमः स्वसमानसमः तद्द्विगुणं चरमकक्षांतम् ॥ ४९५ ॥

अर्थ—सात ही आनीक कहिए सेना हैं । सो एक एक आनीक सात कक्षकरि संयुक्त है । तहां प्रथम कक्ष तौ अपनां अपनां सामानिक देवनिका प्रमाणकै समान है । बहुरि तातैं ऊपरि द्वितीयादिकक्ष दूणा दूणा क्रम लिएं चरमकक्ष पर्यंत है । भावार्थ—इन्द्रनिकै वृषभादि सात प्रक्कर सेना हैं । एक एक सेनाविषै सात सात कक्ष हैं जुदी जुदी फौजका नाम कक्ष है सो पहली कक्षविषै तौ वृषभादिकका प्रमाण जितनां जितनां सामानिक देवनिका प्रमाण कह्या तितनां तितनां चौरासी हजार आदि जाननां । अर द्वितीयादि कक्षविषै अंतका सातवां कक्षपर्यंत तीह प्रथम कक्षतैं दूणा दूणा वृषभादिकनिका प्रमाण जाननां । सो पूर्वं भवनवासी देवनिका वर्णन विषै सेनाका करण सूत्रादिकरि वर्णन किया है । तैसैं इहां भी यथा संभव जाननां ॥ ४९५ ॥

आगैं दक्षिण इन्द्र उत्तर इन्द्रनिकै आनीक के जु नायक तिनकौं दोय गाथानिकरि कहै हैं;—

दामेद्वी हरिदामा मादलि अइरावदा महत्तरया ।
वाउअरिद्वजसा णीलंजणया दक्खिणिंदाणं ॥ ४९६ ॥

दामयष्टिः हरिदामा मातलिः ऐरावतो महत्तरः ।

वायुः अरिष्टयशाः नीलांजना दक्षिणेन्द्राणाम् ॥ ४९६ ॥

अर्थ—वृषभादिक सेनानिके अनुक्रमतै दामयष्टि १ हरिदामा १ मातलि १ ऐरावत १ वायु १ अरिष्टयसा ए छह तौ पुरुष वेदी देव महत्तर कहिए सबनिमें प्रधान नायक हैं । बहुरि नर्तकी सेनाकी नीलांजना नाम स्त्री सो महत्तरी हे ऐसैं सर्व सौधर्मादि दक्षिण इन्द्रनके सेनाका प्रधान तिनके नाम जाननें ॥ ४९६ ॥

महदामेद्वि मिदगदी रहमंथण पुष्पयंत इदि कमसो ।
सलघुपरकमगीदरदि महासुसेणा य उत्तरिंदाणं ॥ ४९७ ॥

महदामयष्टिः अमितगतिः रथमंथनः पुष्पदंत इति क्रमशः ।

सलघुपराक्रमो गीतरतिः महासुसेना चोत्तरेन्द्राणाम् ॥ ४९७ ॥

अर्थ—महादामयष्टि १ अमितगति १ रथमंथन १ पुष्पदंत १ सलघुपराक्रम १ गीतरति १ ए तौ वृषभादि सेनाविपै क्रमकरि पुरुषवेदी देव प्रधान हैं । बहुरि नर्तकी सेना विपै महासेना नाम स्त्री प्रधान है । ए ईशानादि उत्तर इन्द्रनिकै सेनाविपै मुख्य तिनके नाम जाननें ॥ ४९७ ॥
आगैं तिन पारिपदनिकी संख्या कहैं हैं;—

वारस चौदस सोलस सहस्स अब्भंतरादिपरिसाओ ।

तत्थ सहस्सदुउण्णा दुसहस्सादो हु अद्धद्धं ॥ ४९८ ॥

द्वादश चतुर्दशपोडशसहस्राणि अभ्यंतरादिपारिपदाः ।

तत्र सहस्रघूना द्विसहस्रात् हि अर्धार्धम् ॥ ४९८ ॥

अर्थ—पूर्वोक्त नव स्थानकनिविपै आदिविपै तौ अभ्यंतर आदि पारिपदनिकी संख्या क्रमतै वारह चौदह सोलह हजार प्रमाण है । तातैं उपरि दोय दोय हजार घाटि है । बहुरि दोय हजार तैं उपरि आधा आधा अनुक्रम जाननां । भावार्थ—सौधर्मादि चारि कल्पनिका च्यारि स्थान ब्रह्म युगलादि च्यारि युगलनिका च्यारि स्थान आनतादि च्यारि कल्पनिका एक स्थान ऐसैं नवस्थानकनिविपै प्रथम स्थानकविपै अभ्यंतर पारिषद वारह हजार मध्य परिषद चौदह हजार बाह्य परिषद सोलह हजार हैं । दूसरै स्थानि अभ्यंतरादि परिषद क्रमतै दश वारह चौदह हजार हैं । तीसरै स्थानि आठि दश वारह हजार हैं । चौथे स्थानि छह आठ दश हजार हैं । पांचवैं स्थानि च्यारि छह आठ हजार हैं । छठे स्थानि दोय च्यारि छह हजार हैं । सातवैं स्थानि एक दोय च्यारि हजार हैं । आठवैं स्थानि पांचसै एकहजार दोय हजार हैं । नवैं स्थानि अढाईसै पांचसै एकहजार हैं ॥ ४९८ ॥

आगैं और प्राकारनिकी संख्या अर तिनका अंतरालका प्रमाण कहैं हैं;—

णयरारणं विदियादीपायारा पंचमोत्ति तेरसयं ।
तेसद्वि अडकदी चुलसीदी लक्खाणि गंतूणं ॥ ४९९ ॥

नगराणां द्वितीयादिप्राकारा पंचमातं त्रयोदश ।

त्रिषष्टिः अष्टकृतिः चतुरशीतिः लक्षाणि गत्वा ॥ ४९९ ॥

अर्थ—नगरानिके द्वितीयादि पंचम पर्यंत प्राकार तेरह त्रेसठि आठका वर्ग चौरासी लाख योजन जाइ जाइ पाइए हैं । भावार्थ—इन्द्रका जु नगर ताकै पांच कोट हैं । तिनि कोटिनिकै वीचि च्यारि अंतराल पहला सों दूसरा कोटवीचि प्रथम अंतर तेरह लाख योजन है । बहुरि दूसरा तीसरा वीचि त्रेसठि लाख योजन है । बहुरि तीसरा चौथा वीचि चौसठि लाख योजन है । बहुरि चौथा पांचवां वीचि चौरासी लाख योजन चौथा अंतराल है ॥ ४९९ ॥

आगैं तिन अंतरालनिविषै तिष्ठते देवनिकौ दोग्य गाथानिकरि कहैं हैं;—

सेण्णावदितगुरक्खा पढमे विदियंतरे दु परिसतयं ।
सामाणियदेवा पुण तदिए णिवसंति तुरिए दु ॥ ५०० ॥
सेनापतितनुरक्षाः प्रथमे द्वितीयांतरे तु षारिषदत्रयम् ।
सामानिकदेवाः पुनः तृतीये निवसंति तुरीये तु ॥ ५०० ॥

अर्थ—सेनाके नायक अर अंग रक्षक देव प्रथम अंतरालविषै बसै हैं । बहुरि दूसरा अंतरालविषै तीन जातिका पारिपद देव बसै हैं । बहुरि तीसरा अंतरालविषै सामानिक देव बसै हैं ॥ ५०० ॥

बहुरि चौथा अंतरालविषै कहैं हैं;—

आरोहियाभियोग्गगकिन्भिसियादी य जोग्गपासादे ।
गमिय तदो लक्खदलं गंदणामिदि तन्विसेसणामाणि ॥ ५०१ ॥
आरोहिकाभियोग्यककिल्बिकादयश्च योग्यप्रासादे ।
गत्वा ततः लक्षदलं नंदनमिति तद्विशेषनामानि ॥ ५०१ ॥

अर्थ—वृषभादि ऊपरि चढनेवाले आरोहक बहुरि आभियोग्य बहुरि किल्बिक आदि देव अपने अपने योग्य मंदरनिविषै बसै हैं । बहुरि तीह पांचवां कोटतै परै आघ लाख योजन जाइ नंदन वन है । आनन्दकारी है तातैं तिन वनानिकों सामान्यपनें नंदन कहे । इनका विशेष नाम आगैं काहिसी ॥ ५०१ ॥

कैसै सो कहैं हैं;—

सुरपुरवहिं असोयं सत्तच्छदचंपचूदवणखण्डा ।
पजमद्दहसममाणा पत्तेयं चेतुरुक्खजुदा ॥ ५०२ ॥
सुरपुरवहिः अशोकं सत्तच्छदचंपचूतवनखंडाः ।
पद्महृदसममानाः प्रत्येकं चैत्यवृक्षयुताः ॥ ५०२ ॥

अर्थ—देवनिका नगरतँ वारँ पूर्वादि दिशानिविषै अशोक वनखंड बहुरि सतछद वन-
खंड बहुरि चंपक वनखंड बहुरि आम्र वनखंड हैं । ते एक एक वनखंड पद्म नामा द्रह समान
प्रमाण धरै हैं । हजार योजन लंबे अर पांचसै योजन चौड़े हैं । बहुरि एक एक चैत्यवृक्षकीर
संयुक्त हैं ॥ ५०२ ॥

आगँ तिन वननिकै मध्य तिष्ठते चैत्यवृक्षनिका स्वरूपकोँ निरूपण करता संता तिन
चैत्यनिकीं नमस्कार करै हैं;—

चलचेत्तदुमा जंबूमाणा कल्पेसु ताण चलपासे ।

पल्लंकागजिनपडिमा पत्तेयं ताणि वंदामि ॥ ५०३ ॥

चतुश्चैत्यद्रुमाः जंबूमानाः कल्पेषु तेषां चतुःपार्श्वेषु ।

पल्यंकागजिनप्रतिमाः प्रत्येकं तानि वंदामि ॥ ५०३ ॥

अर्थ—सौधर्मादि कल्पनिविषै चारौ वनसंबंधी च्यारि चैत्य वृक्ष हैं । ते एक एक जंबू-
वृक्ष समान प्रमाण धरै हैं । जंबू वृक्षका उचाई आदिकका प्रमाण आगँ कहंगे तिह समान ए
जाननै । बहुरि तिन एक एक चैत्य वृक्षनिके चारौं पार्श्वनिविषै पल्यंका आसन जिन प्रतिमा
विराजै हैं । तिनकीं में वंदौं हीं ॥ ५०३ ॥

अब लोकपालनिका नगरनिका स्वरूप कहै हैं;—

ततो बहुजोयणयं गंतूण दिसासु लोकापालाणं ।

णयराणि अजुदसंगुणपणघणवित्थारजुत्ताणि ॥ ५०४ ॥

ततो बहुयोजनकं गत्वा दिशासु लोकपालानाम् ।

नगराणि अयुतसंगुणपंचघनविस्तारयुक्तानि ॥ ५०४ ॥

अर्थ—तिन वनखंडनितँ परँ बहुत योजन जाइ पूर्वादिदिशानिविषै लोकपालनिके नगर
हैं । ते अयुत जो दशहजार तीहकीर गुण्या हुआ पंच घन कहिए एकसौ पच्चीस ताका साढा
वारा लाख योजन प्रमाण विस्तारकीर संयुक्त हैं । ॥ ५०४ ॥

आगँ तहां ही गणिका महत्तरीनिके नगरनिकीं कहै हैं;—

गणिकामहत्तरीणं पुराणि तस्येव अग्गिपहुदीसु ।

विदिशासु लक्षजोयणवित्थारायामसहियाणि ॥ ५०५ ॥

गणिकामहत्तरीणां पुराणि तत्रैव अग्निप्रभृतिषु ।

विदिशासु लक्षयोजनविस्तारायामसहितानि ॥ ५०५ ॥

अर्थ—जैसँ इहां वेस्या हो हैं तैसँ तहां गणिका देवांगना जाननीं । तिनविषै जो प्रधान
ताकीं गणिका महत्तरी कहिए । तिन गणिका महत्तरीनिका नगर तहां ही लोकपाल नगरनिकै
समीप अग्नि आदि च्यारौं विदिशानिविषै हैं । ते लाख योजन प्रमाण लंबे चौड़े हैं ॥ ५०५ ॥

आगँ तिनिके नाम कहै हैं;—

ताओ चउरो सग्गे कामा कामिणि य पउमगंधा य ।
 तो होदि अलंबूसा सविंदपुराणमेस कमो ॥ ५०६ ॥
 ताः चतस्रः स्वर्गे कामा कामिनी च पद्मगंधा च ।
 ततो भवति अलंबूपा सर्वेद्रपुराणामेप क्रमः ॥ ५०६ ॥

अर्थ—सौधर्मादि स्वर्गविषै कामा १ कामिनी १ पद्मगन्धा १ अलंबूपा अँसैं नाम धारक ते गणिका महत्तरी च्यारि हैं । वहुरि सर्व इंद्रनिके नगरनिका यह ही वर्णनका क्रम जाननां ॥ ५०६ ॥

आगैं सौधर्मादिकनिविषै मंदिरनिकी उचाईकाँ प्रतिपादन करैं हैं;—

छज्जुगलसेसकप्पे तित्तिसु य अणुद्दिसे अणुत्तरगे ।
 गेहुदओ छप्पणसय पण्णास रिणं दलं चरिमे ॥ ५०७ ॥
 पट्युगलशेपकल्पेपु त्रिखिपु च अनुदिशि अनुत्तरके ।
 गेहोदयः पट्पंचशतं पंचाशट्ठणं दलं चरमे ॥ ५०७ ॥

अर्थ—छह युगल अर शेष कल्प अर तीन तीन त्रैवेयक अर अनुदिश अर अनुत्तर इन-विषै गेहनिका उदय छसैं पांचसैं वहुरि पचासका ऋण अर अंतविषै आधा इतनें योजन प्रमाण है । भावार्थ—सौधर्म युगल आदि छह युगलनिकेँ छह स्थान वहुरि शेष आनतादि कल्पनिका एक स्थान वहुरि तीन तीन त्रैवेयकनिका एक एक स्थान तिनके तीन स्थान वहुरि अनुदिशका एक स्थान वहुरि अनुत्तरका एक स्थान अँसैं वारह स्थानकनिविषै क्रमतैं छसैं पांचसैं साढा च्यारिसैं च्यारिसैं साढा तीनसैं तीनसैं अढाईसैं दोयसैं ड्योढसैं साँ पचास पचीस योजन मंदिरनिकी उचाईका प्रमाण है ॥ ५०७ ॥

आगैं देवांगनानिका मंदिरनिकी उचाई कहि सर्व मंदिरनिका विस्तार अर आयाम कहैं हैं;—

सत्तपदे देवीणं गिहोदयं पणसयं तु पण्णरिणं ।
 सव्वगिहदिग्घवासं उदयस्स य पंचमं दसमं ॥ ५०८ ॥
 सत्तपदे देवीनां गेहोदयः पंचशतं तु पंचाशट्ठणं ।
 सर्वगृहदैर्घ्यव्यासौ उदयस्य च पंचमो दशमः ॥ ५०८ ॥

अर्थ—छह युगलनिकेँ छह स्थान अर अवशेष एक कल्पनिका एक स्थान इन सात स्थान-कनिविषै देवांगनानिके मंदिरनिकी उचाईका प्रमाण आदिविषै पांचसैं उपरि पचास ऋण सो क्रमतैं पांचसैं साढा च्यारिसैं च्यारिसैं साढा तीनसैं अढाई सैं दोयसैं योजन है । वहुरि सर्व ही देव वा देवांगनानिका मंदिरनिकी उचाईका जो प्रमाण कहा ताकै पांचवैं भाग तौ उंचाईका प्रमाण जाननां । वहुरि दशवैं भागि चौड़ाईका प्रमाण जाननां ॥ ५०८ ॥

आगैं कल्पनिविषै अप्रद्वी वहुरि तिनकी परिवार देवीनिका प्रमाण कहैं हैं;—

सत्तपदे अट्ठमहादेवीयो पुधादिमेक्किस्से ।
 संसमं सोलसहस्सा देवीओ उवरि अद्धद्धा ॥ ५०९ ॥

सप्तपदेषु अष्टाष्टमहादेव्यः पृथक् आदिमे एकस्य ।

स्वसमं षोडशसहस्रा देव्यः उपरि अर्घार्थाः ॥ ५०९ ॥

अर्थः—सात स्थानकनिविषै आठ महादेवी हैं । बहुरि पृथक् एक एक महादेवीकै आदिकै स्थानविषै स्वसमं कहिए आप सहित सोलह हजार परिवार देवी हैं । ऊपरि आधी आधी हैं भावार्थ—सर्व इन्द्रनिकै महादेवी तौ आठ आठ ही हैं । बहुरि छह युगलनिका छह स्थान अर आनतादिकका एक स्थान इन सात स्थानकनिविषै अनुक्रमतै इन्द्रकै एक एक महादेवीसंबंधी परिवार देवी तिस महादेवीसहित सोलह हजार आठ हजार च्यारि हजार दोय हजार एक हजार पांचस अठारसैं हैं ॥ ५०९ ॥

आगे तिन महादेवीनिके नाम दोय गाथानिकरि कहैं हैं;—

सचि पडम सिव सियामा कार्लिंदीसुलसअज्जुकाणामा ।

भाणुत्ति जेद्वेदेवी सव्वेसिं दक्खिणिंदाणं ॥ ५१० ॥

शचीः पद्मा शिवा श्यामा कार्लिंदी सुलसा अज्जुकानामा ।

भानुरिति ज्येष्ठादेव्यः सर्वेषां दक्षिणेंद्राणाम् ॥ ५१० ॥

अर्थ—शची १ पद्मा १ शिवा १ श्यामा १ कार्लिंदी १ सुलसा १ अज्जुका १ भानु १ अैसे ए सर्व दक्षिण इन्द्रनिकै षट्देवीनिके नाम जानें ॥ ५१० ॥

सिरिमति राम सुसीमा पभावदि जयसेण णामय सुसेणा ।

वसुमित्त वसुंधर वरदेवीओ उत्तरिंदाणं ॥ ५११ ॥

श्रीमति रामा सुसीमा प्रभावती जयसेना नामा सुपेणा ।

वसुमित्रा वसुंधरा वरदेव्यः उत्तरेन्द्राणाम् ॥ ५११ ॥

अर्थ—श्रीमती १ रामा १ सुसीमा १ प्रभावती १ जयसेना १ सुपेणा १ वसुमित्रा १ वसुंधरा अैसे नाम धारक महादेवी सर्व उत्तर इन्द्रनिकै हैं ॥ ५११ ॥

आगे तहां अग्र महादेवीनिकै विक्रियाका प्रमाण निरूपै हैं;—

अट्ठहं देवीणं पुथ पुथ सोलससहस्स विकिरिया ।

मूलशरीरेण समं सेसे दुगुणा मुणेदच्चा ॥ ५१२ ॥

अष्टानां देवीनां पृथक् पृथक् षोडशसहस्रं विक्रियाः ।

मूलशरीरेण समं शेषे द्विगुणा मंतव्याः ॥ ५१२ ॥

अर्थ—आठ महादेवीनिकै पृथक् पृथक् मूल शरीर सहित सोलह हजार विक्रिया शरीर हो हैं । अवशेष स्थाननिविषै दूणा दूणा जानें । भावार्थ—छह युगलनिका छह स्थान अर आनतादिकका एक स्थान इन सातौ स्थानकनिविषै पहला युगलविषै तौ एक एक महादेवी मूल शरीर सहित सोलह हजार विक्रिया शरीरनिकों करै है अवशेष द्वितियादि स्थानकनिविषै क्रमतै बत्तीस हजार चौंसठि हजार एक लाख अठारसैं हजार दोय लाख छप्पन हजार पांचलाख बारह

हजार दस लाख चौईस हजार विक्रिया शरीर करै हैं । ऐसैं ही आगैं महादेवीनिकै विक्रिया शरीरनिका प्रमाण जाननां ॥ ५१२ ॥

आगैं तहां ही परिवार देवीनिविषै बल्लभिका देवीभिका प्रमाणकौं निरूपै हैं;—

सत्तपदे बल्लभिया वत्तीसद्वेव दो सहस्साइं ।

पंचसर्य अद्धदं तेस्सद्वी होंति सत्तमगे ॥ ५१३ ॥

सत्तपदेषु बल्लभिका द्वात्रिंशदद्वैव द्वौ सहस्राणि ।

पंचशतानि अर्धार्धं त्रिपष्टिः भवन्ति सत्तमके ॥ ५१३ ॥

अर्थ—सात पदनिविषै बल्लभिका वत्तीस आठ दोय हजार पांचसै पीछैं आधी आधी सातवैं स्थानि तरेसठि हैं । भावार्थ—परिवार देविनिविषै जे देवी इन्द्रकौं बल्लभ होंहिं तिनकौं बल्लभिका कहिए ते छह युगल अर आनतादि इन सात स्थानकनिविषै क्रमतैं वत्तीस हजार आठ हजार दोय हजार पांचसै अटाईसै एकसौ पच्चीस तेरसठि बल्लभिका देवी हैं ॥ ५१३ ॥

आगैं तिन बल्लभिकानिका मंदिरनिकी उंचाई अर तिन मंदिरनिका अवस्थानिकी दिशा ताहि कहैं हैं;—

देवीपासादुदया बल्लभियाणं तु वीसअहियं खु ।

इंदत्थंभगिहादो बल्लभियावासया पुब्बे ॥ ५१४ ॥

देवीप्रासादोदयात् बल्लभिकांना तु विंशाधिकंः खलु ।

इंद्रस्तंभगृहात् बल्लभिकावासकाः पूर्वस्याम् ॥ ५१४ ॥

अर्थ—देवीनिके मंदिरनिकी उंचाई पूवैं कही थी तातैं वीस योजन अधिक बल्लभिका देवीनिके मंदिरनिकी उंचाईका प्रमाण जाननां । बहुरि इन्द्रका जो प्रासाद रहनेका मंदिर तातैं पूर्व दिशाविषै बल्लभिका देवीनिके मंदिर हैं ॥ ५१४ ॥

आगैं इन्द्रका आस्थानमंडपका स्वरूप कहैं हैं;—

अमरावदिपुरमज्जे थंभगिहीसाणदो सुधम्मक्खं ।

अट्ठाणमण्डवं सयतद्वलदीहदु तदुभयदल उदयं ॥ ५१५ ॥

अमरावतीपुरमध्ये स्तंभगृहैशानतः सुंधर्माख्यम् ।

आस्थानमंडपं शततद्वलदीर्घद्विः तदुभयदलः उदयः ॥ ५१५ ॥

अर्थ—अमरावती नाम इन्द्रका पुर है ताकै मध्य इन्द्रके रहनेका मंदिरतैं ईशानविदिशाविषै सुधर्मा नामा आस्थान मंडप कहिए सभास्थान है । ताका सौ अर ताका आधा तौ दीर्घद्विक है तिन दोऊनका आधा उदय है । भावार्थ—सुधर्मा नाम सभास्थान सौ योजन लंबा है, पचास योजन चौड़ा है, पिचहत्तरि योजन ऊंचा है ॥ ५१५ ॥

आगैं आस्थान मंडपके द्वार अर तिसविषै तिष्ठते पदार्थ तिनकौं गाथा तीनकरि कहैं हैं;—

पुब्बुत्तरदक्खिणदिस तद्वारा अट्टवास सोलुदया ।

मज्जे हरिसिंहासणमडदेवीणासणं पुरदो ॥ ५१६ ॥

पूर्वोत्तरदक्षिणादिशि तद्वाराणि अष्टव्यासः षोडशोदयः ।

मध्ये हरिसिंहासनं अष्टदेवीनामासनानि पुरतः ॥ ५१६ ॥

अर्थ—तिस आस्थान मंडपकै पूर्व उत्तर दक्षिण दिशानिविषै तीन द्वार हैं । तिस एक द्वारकी चौड़ाई आठ योजन है ऊँचाई सोलह योजन है । बहुरि तिस आस्थान मंडपनिविषै मध्य स्थान बीचि तौ इन्द्रका सिंहासन है । बहुरि तिस इन्द्र सिंहासनकै आगे आठ पट्टदेवीनिके आठ आसन हैं ॥ ५१६ ॥

तन्वादिं पुष्पादिसु सलोयवालाण परिसतिदयस्स ।

अग्निजमणेरिदीए तेत्तीसाणं तु णेरिदिए ॥ ५१७ ॥

तद्वहिः पूर्वादिपु स्वर्लोकपालानां परिपत्रितयस्य ।

अग्निमनैर्ऋत्यां त्रयस्त्रिंशतां तु नैर्ऋत्याम् ॥ ५१७ ॥

अर्थ—तिन पट्ट देवीनिके आसननिर्त वारें पूर्वादि दिशानिविषै सोम १ यम १ वरुण १ कुबेर १ इन च्यारि लोकपालनिके च्यारि आसन हैं । बहुरि तीन जातिके परिपदनिके आसन बारह चौदह सोलह हजार आदि ते इन्द्रके आसनतें आप्रेय यम नैर्ऋति दिशानिविषै हैं । बहुरि त्रयस्त्रिंशत देवनिके तेतीस आसन नैर्ऋतदिशा ही विषै हैं ॥ ५१७ ॥

सेणावईणमवरे समाणियाणं तु पवणईसाणे ।

तणुरक्खाणं भद्रासणाणि चउदिसगयाणि वदिं ॥ ५१८ ॥

सेनापतीनामपरस्यां सामानिकानां तु पवनैशाने ।

तनुरक्षाणां भद्रासनानि चतुर्दिशागतानि वदिः ॥ ५१८ ॥

अर्थ—सेनानायकीनिके सात आसन पश्चिम दिशाविषै हैं । बहुरि सामानिक देवनिके आसन वायु अर ईशान दिशाविषै हैं तहां सौधर्मके चौरासी हजार सामानिकनिके आसननिविषै वियालीस हजार तौ वायुदिशाविषै अर वियालीस हजार ईशान दिशाविषै जाननें । बहुरि अंगरक्षक देवनिके मद्रासन च्यान्वों दिशानिविषै हैं । तहां सौधर्मके पूर्वादि एक एक दिशाविषै चौरासी हजार आसन जाननें इहां सुधर्मा सभाविषै ऐसैं आसन जाननें ॥ ५१८ ॥

आगे तिस आस्थान मंडपकै आगे तिष्ठता मानस्तंभका स्वरूप कहें हैं;—

तस्सग्गे इगिवासो छत्तीसुदओ सवीढ वज्जमओ ।

माणत्थंभो गोरुदवित्थारय वारकोडिजुदो ॥ ५१९ ॥

तस्याप्रे एकव्यासः षट्त्रिंशदुदयः सपीठः वज्रमयः ।

मानस्तंभः क्रोशविस्तारः द्वादशकोटियुतः ॥ ५१९ ॥

अर्थ—तिस आस्थान मंडपकै आगे एक योजन चौड़ा छत्तीस योजन ऊँचा पीठकरि सहित वज्रमई एक एक कोशका विस्तार धरें ऐसी बारह धारानिकरि संयुक्त मानस्तंभ हैं । इहां मानस्तंभ बारह कोण संयुक्त गोल जाननां । तहां बारह धारा पाईए हैं । सो एक योजन चौड़ा मानस्तंभ है ताकी

परिधि वारह कोश भया तिस परिधिविषै वारह धारा पाइए तातैं एक एक धारा एक एक कोश चौड़ी है ॥ ५१९ ॥

आगैं तिस मानस्तंभ विषै तिष्टते करंडकानिका स्वरूप गाथा तीन करि कहै हैं;—

चिष्टंति तत्थ गोरुदचउत्थवित्थार कोसदीहजुदा ।

तित्थयराभरणचिदा करंडया रयणसिक्कधिया ॥ ५२० ॥

तिष्टंति तत्र गव्यूतिचतुर्थविस्ताराः क्रोशदैर्घ्ययुताः ।

तीर्थकराभरणचिताः करंडका रत्नशिक्यधृताः ॥ ५२० ॥

अर्थ—तिस मानस्तंभविषै क्रोशका चौथा भाग प्रमाण चौड़े एक कोश छंवे तीर्थकर देवके आभरणनिकरि भरे रत्ननिका शिक्य तिन करि घरे करंडक हैं । भावार्थ—तिन मानस्तंभनिविषै रत्ननिकी सांकल हैं तिनविषै छंवते करंडक हैं । जिनमैं वस्तु धरिए ऐसे जे करंडे पिटारे तिनको करंडक कहिए हैं । तिन करंडनिकविषै तीर्थकर देवनिकै पहरणेको योग्य ऐसे आभरण भरे हैं । इन्द्र तिनमैंस्यौं काढि करि आभरण तीर्थकरको पढुंचारि हैं ॥ ५२० ॥

तुरियजुदविजुदछज्जोयणाणि उवरि अधोवि ण करण्डा ।

सोहम्मदुगे भरहेरावदतित्थयरपडिचद्धा ॥ ५२१ ॥

तुरिययुतवियुतपड्योजनानां उपरि अधोपि न करंडाः ।

सौधर्मद्विके भरतैरावततीर्थकरप्रतिवद्धाः ॥ ५२१ ॥

अर्थ—तीह मानस्तंभकै चौथा भागकरि युक्त अर वियुक्त छह योजन प्रमाण उपरि अर नीचें करंडक न पाईए हैं । भावार्थ—मानस्तंभ छत्तीस योजन उंचा है । तिहविषै नीचें पौंणा छह योजनकी उंचाई विषै करंडक न पाइए । बहुरि वीचिमैं चौईस योजन उंचाईविषै करंडक पाईए । बहुरि उपरि सवा छह योजनकी उंचाईविषै करंडक न पाईए है । बहुरि सौधर्म द्विक विषै ते मानस्तंभ भरत ऐरावत तार्थकर संबंधी हैं । भावार्थ—सौधर्म विषै जो मानस्तंभ है तहां करंडकनिविषै भरतक्षेत्र संबंधी तार्थकरनिके आभरण हैं, बहुरि ईशानविषै जो मानस्तंभ है तहां करंडकनिविषै ऐरावत क्षेत्र संबंधी तीर्थकरनिके आभरण पाईए हैं ॥ ५२१ ॥

साणकुमारजुगले पुव्ववरविदेहतित्थयरभूसा ।

ठविदच्चिदा सुरेहिं कोडीपरिणाह वारंसो ॥ ५२२ ॥

सानत्कुमारयुगले पूर्वापरविदेहतीर्थकरभूपाः ।

स्थापयित्वाचिताः सुरैः कोटिपरिणाहः द्वादशांशः ॥ ५२२ ॥

अर्थ—सनत्कुमार युगलविषै जो मानस्तंभ है । तहां करंडकनि विषै पूर्व पश्चिम विदेहके तीर्थकरनिके आभूषण स्थापि देवनि करि पूजनीक हैं । भावार्थ—सनत्कुमार विषै जो मानस्तंभ है तहां करंडकनिविषै पूर्वविदेह संबंधी तीर्थकरनिके आभरण हैं ॥ बहुरि माहेन्द्र विषै जो मानस्तंभ है तहां करंडकनिविषै पश्चिम विदेह संबंधी तीर्थकरनिके आभरण हैं । बहुरि तहां तीर्थकरनिके आभरण पाईए हैं । तातैं ते देवनिकरि पूजनीक हैं । बहुरि तिन मानस्तंभनि-

विषे कौटि जो धारा कौणका अंतगळ सो मानस्तंभका परिविके वारहें भाग प्रमाण है । सो रक्त कौश प्रमाण जाननां इहां मानस्तंभनिविषे करंडक पेसं जानने ॥ ५२२ ॥

आगे इन्द्रका उत्पत्तिके गृहका स्वरूप कहें हैं;—

पासे उववादिगहं हरिस्त अडवास दीहृदयजुदं ।

दुगरयणसयण मज्झं वरजिनगेहं च बहुकूडं ॥ ५२३ ॥

पाद्वे उपपादगृहं हरेः अष्टव्यासदैव्योदययुतम् ।

द्विकरत्नशयनं मध्यं वरजिनगेहं च बहुकूटम् ॥ ५२३ ॥

अर्थ—तिह मानस्तंभके पासि आठ शोजन चौड़ा इतनां ही लंबा लंबा उपपाद ग्रह है । बहुरि तीह उपपाद ग्रहविषे दोय रत्नमई शय्या पाईए हैं । इहां इन्द्रका जन्मस्थान है । बहुरि इस उपपाद गृहके पासि बहुत शिखरनिकारि संयुक्त उत्कृष्ट जिन मंदिर हैं ॥ ५२३ ॥

अब कल्पवासिनी त्रानिके उत्पत्तिस्थान गाथा दोयकारि कहें हैं;—

दक्षिणोत्तरदेवी सोहृम्मीसाण एव जायंते ।

तद्दि सुद्धदेविसद्विया छच्चलकरं विमाणाणि ॥ ५२४ ॥

दक्षिणोत्तरदेव्यः सौधर्मज्ञान एव जायंते ।

तत्र शुद्धदेवीसहितानि पट्चतुर्लक्षं विमानानि ॥ ५२४ ॥

अर्थ—दक्षिण उत्तर देवांगना सौधर्म ईशानविषे ही उपजै हैं । तहां शुद्धदेवासहित छह अर चारि लाख विमान हैं । भावार्थ—कल्पवासिनी देवांगना सर्व सौधर्मईशान स्वर्गहीविषे उपजै । ऊपरि नाहीं उपजै हैं तहां दक्षिण दिशाके कल्पसंबंधी देवांगनां तो सौधर्मविषे उपजै हैं । बहुरि उत्तर दिशाके कल्पसंबंधी देवांगना ईशानविषे उपजै हैं । तहां जिन विमाननिविषे कौऊ देव न पाईए केवल देवांगना ही जहां उपजै ऐसे सौधर्मविषे छह लाख विमान हैं, अर ईशानविषे च्यारि लाख विमान हैं ॥ ५२४ ॥

तद्देवीथो पच्छा उवरिमदेवा णयंति सगटाणं ।

सेसविमाणा छच्चदुर्वासलकरं देवदेविसम्मिस्ता ॥ ५२५ ॥

तद्देवीः पश्चादुपरिमदेवाः नयंति स्वकस्थानं ।

शेषविमानाः पट्चतुर्विंशत्यक्षाः देवदेविसंमिश्राः ॥ ५२५ ॥

अर्थ—ते देवी तहां सौधर्म वा ईशानविषे उपजै पाछे जिनि देवनिर्का नियोगना होइ ते उपरिके स्वर्गवासी देव अपनं अपनं ठिकाने छेड़ जाइ हैं । बहुरि अवशेष सौधर्मविषे छत्रीस लाख विमान अर ईशानविषे चौईस लाख विमान ते देवदेवी संमिश्र हैं । तहां देव भी उपजै हैं अर देवांगना भी उपजै हैं ॥ ५२५ ॥

अब कल्पवासिनीके प्रवाचारका विचारै हैं;—

दुसु दुसु तिचलकेसु य काये फासे य रुव सहे य ।

चित्तेवि य पहिचारा अप्पडिचारा हु अहमिदा ॥ ५२६ ॥

द्वयोर्द्वयोः त्रिचतुष्केषु च काये स्पर्शे च रूपे शब्दे च ।

चित्तेपि च प्रवीचारा अप्रवीचारा हि अहर्मिद्राः ॥ ५२६ ॥

अर्थ—दोय दोय तीन चतुष्कानिविषै काय, स्पर्श, रूप, शब्द, मनविषै प्रवीचार है । बहुरि अहर्मिद्र अप्रवीचार हैं । भावार्थ—प्रवीचार नाम कामसेवनका है सो सौधर्मादि दोय स्वर्गनिविषै तौ कायकरि प्रवीचार हैं । जैसे मनुष्य काम सेवन करै है तैसे देव देवांगना तहां कामसेवन करै हैं । बहुरि उपरि दोय स्वर्गनिविषै स्पर्शकरि प्रवीचार है । देव देवांगनाकै परस्पर अंग स्पर्श करि तृप्ति हो है । बहुरि उपरि च्यारि स्वर्गनिविषै रूपकरि प्रवीचार है । देव देवांगनाकै परस्पर रूप देखने ही करि तृप्ति हो है । बहुरि उपरि च्यारि स्वर्गनिविषै शब्दकरि प्रवीचार है । देवदेवांगनाकै परस्पर शब्द सुननेकरि ही तृप्ति हो हैं । बहुरि उपरि च्यारि स्वर्गनिविषै मनकरि प्रवीचार है । देव देवांगनाकै परस्पर मनका परिणमनहीतै तृप्ति हो है । बहुरि उपरि त्रैवेयकादि विषै अहर्मिद्र हैं ते अप्रवीचार हैं—काम सेवन रहित हैं ॥ ५२६ ॥

अब इस कथनकै अनंतरि वैमानिक देवनि कैं विक्रियाशक्ति अर अवधिज्ञानका विषय गाथा दोयकरि कहै हैं;—

दुसु दुसु तिचउकेसु य णवचोदसगे विगुव्वणा सत्ती ।

पढमखिदीदो सत्तमखिदिपेरंतो त्ति अवही य ॥ ५२७ ॥

द्वयोर्द्वयोः त्रिचतुष्केषु च नवचतुर्दशसु विकुर्वणा शक्तिः ।

प्रथमक्षितितः सप्तमक्षितिपर्यंतं इति अवधिश्च ॥ ५२७ ॥

अर्थ—दोय दोय तीन चतुष्क अर नव चौदहनिविषै त्रैक्रियक शक्ति प्रथम पृथ्वीतै सातवीं पृथ्वी पर्यंत है अर ऐसैही अवधि ज्ञानका विषय है । भावार्थ—अधो दिशाविषै विक्रिया करि जहां पर्यंत गमनादि करनैकी शक्ति है बहुरि अवधिज्ञान करि जहां पर्यंत पदार्थ जाननैकी शक्ति है सो दोऊ क्षेत्र कल्पवासीनिकै समान है । तातै दोऊनिका एकट्टा वर्णन कीजिए हैं । सो विक्रियाशक्ति अर अवधिज्ञान सौधर्मादि दोय स्वर्गनिविषै तौ प्रथमनरकपृथ्वी पर्यंत है । दोय स्वर्गनिविषै दूसरी नरकपृथ्वी पर्यंत है । च्यारि स्वर्गनिविषै तीसरी पर्यंत, च्यारि स्वर्गनिविषै चौथी पर्यंत, च्यारि स्वर्गनिविषै पांचवीपर्यंत, नव त्रैवेयकनिविषै छठी पर्यंत अनुदिश अनुत्तर चौदह विमाननिविषै सातवीं नरकपृथ्वी पर्यंत जाननां । बहुरि उपरि दिशाविषै अवधिज्ञान कैसे है सो कहिए हैं । सौधर्मादिदेव अपनै अपनै स्वर्गके विमानकौ जो ध्वजादंड तीह पर्यंत अवधिकरि देखै है उपरि न देखै हैं । बहुरि नव अनुदिशवासी देव ते अपनां अपनां विमानका शिखरतै नीचे यावत् नीचला बाह्य तनुवात बलय है तहां पर्यंत किछू घाटि चौदह राजू लंबी एक राजू चौड़ी ऐसी सर्व लोक नालीकौ अवधि करि देखै हैं ॥ ५२७ ॥

सव्वं च लोयणालिं पस्संति अणुत्तरेसु जे देवा ।

सगखेत्ते य सकम्मे रूवगदमणंतभागो य ॥ ५२८ ॥

सर्वां च लोकनालिं पश्यंति अनुत्तरेषु ये देवाः ।

स्वकक्षेत्रे च स्वकर्मे रूपगतमनंतभागं च ॥ ५२८ ॥

अर्थ—पंच अनुत्तर त्रिमाननिविषै जे देव हैं ते सर्व लोकनाली कहिए त्रसनाली ताकों अवधि करि देखें हैं । बहुरि अवधिकै जाननेका विधान कहिए हैं । अपने क्षेत्रविषै एक प्रदेश घटावनां तब अपने कर्मविषै एक वार ध्रुवहारका भाग देनां यावत सर्व प्रदेश समाप्त होइ तावत ऐसै करनां । इस कथनकोर अवधिज्ञानका विषय भूत द्रव्यका भेद कहा । इस अर्थकों विषय करै हैं । वैमानिक देवनिकै अपनां अपनां जेता जेता अवधि ज्ञानका विषय भूत क्षेत्र कथा ताके जेते जेते प्रदेश होंहि ते एकत्र स्थापन करनें । बहुरि अपने अपने सत्त्वारूप कार्माण स्कंधके परमाणुनिविषै जे परमाणू कर्मरूप न परणए स्वभावही करि जे तिस कार्माण स्कंधविषै एक स्कंधरूप होइ परणए ऐसै एक एक कर्म परमाणूकी साथि अनंत अनंत परमाणू हैं । तिनका नाम विश्रसोपचय कहिए । तिनकरि रहित अवधिज्ञानावरणरूप जे परमाणु परणाए हुए सत्ताविषै जेते तिष्टै हैं तिनकों एकत्र स्थापन करनें । तहां तिस अवधिज्ञानावरण द्रव्यकों एक वार सिद्ध राशिकै अनंतवें भाग प्रमाण ध्रुवहार है ताका भाग देनां । तब तिस क्षेत्रके प्रदेश प्रमाणमै-सौं एक प्रदेश घटावनां बहुरि भाग दीए जो लब्धराशि भया ताकों दूसरीवार ध्रुवहारका भाग देनां तब दूसरा प्रदेश तिस क्षेत्र प्रदेश प्रमाणमैसौं घटावनां । ऐसै जितनें तिस अवधिज्ञानके विषय-भूत क्षेत्रके जेते प्रदेश होंहि तितनी वार तिस अवधिज्ञानावरणके परमाणुनिके प्रमाणकों भाग देतें देतें अंत विषै जेते परमाणुनिका प्रमाणरूप लब्धराशि होइ तितनें परमाणुनिका स्कंधकों सो वैमानिक देव जानें हैं । ताका उदाहरण-सौधर्म युगलविषै अवधि क्षेत्र ऐसा ३ इहां

३४३।२

घनलोककी सहनानी ऐसी ताकों तीनसै तियालीसका भाग दिए घनरूप एक राजू आया ताकों ब्यौढ़ गुणा करनेकों आगे सहनानी ३ बहुरि अवधि ज्ञानावरण द्रव्य ऐसा स १२ इहां उत्कृष्ट समय

७।४

प्रवद्धकी सहनानी ऐसी स ७ ताकों किंचिदून ब्यौढ गुण हानि करि गुणनेकी सहनानी ऐसी १२-तामै सातकम्मनिका भाग करनेकों सातका भाग अर एक ज्ञानावरणविषै सर्व वतियाका द्रव्य स्तोत्र जाणि न गिणिकरि देशघातियाविषै एक अवधिज्ञानावरणका ग्रहणकै अर्थ च्यारिका भाग जाननां । तहा अवधिकेक्षेत्रविषै एक प्रदेश घटाएं ऐसा ३ इहां उपरि एक घटावनांकी

३४३।२

सहनानी ऐसी १ बहुरि अवधि द्रव्यकों एकवार ध्रुवहारका भाग दिए ऐसा स ७।१२-इहां

७।४।९

ध्रुवहारकी सहनानी नवका अंक है । ऐसै एक एक वार ध्रुवहारका भाग अवधि द्रव्यकों देइ देइ एक एक प्रदेश अवधि क्षेत्रमेंस्यौं घटावतें जहां सर्व अवधि क्षेत्रके प्रदेश समाप्त होइ तहां जो अंतविषै अवधि द्रव्यकों भाग देतें देतें जेते परमाणू लब्धराशि होइ तितनें परमाणुनिके स्कंधकों सौधर्म युगल वासी देव जानें हैं यातें सूक्ष्म स्कंधकों न जानें, स्थूल स्कंध जाननेका किछू विरोध नाहीं । ऐसै ही अन्य वैमानिक देवनिकै अवधिका विषयभूत द्रव्यका प्रमाण जाननां ॥ ५२८ ॥

आगे वैमानिक देवनिके जनम मरणविषै अंतराल कहें हैं;—

दुसुदुसु तिचउकेसु य सेसे जणंतंरं तु चवणे य ।
 सत्तदिण पक्ख मासं दुगचदुछम्मासगं होदि ॥ ५२९ ॥
 द्वयोर्द्वयोः त्रिचतुष्केषु च शेषे जननांतरं तु च्यवने च ।
 सप्तदिनानि पक्षं मासं द्विकचतुःपण्मासकं भवति ॥ ५२९ ॥

अर्थ—दोय दोय तीन चतुष्क शेष इनविषै जननांतर अर च्यवने कहिए मरणविषै अंतर सो सात दिन पक्ष मास दोय च्यारि छह मास प्रमाण है । भावार्थ—जेते कालि किंसीहीका जन्म तहां न होइ ताको जननांतर कहिए । बहुरि जेते कालि किंसीहीका तहां मरण न होइ ताको मरणांतर कहिए । सो ए दोऊ उत्कृष्टपनै सौधर्मादि दोय स्वर्गनिविषै सात दिन, दोय स्वर्गनिविषै एक पक्ष, च्यारि स्वर्गनिविषै एक मास, च्यारि स्वर्गनिविषै दोय मास, च्यारि स्वर्गनिविषै च्यारि मास, अवशेष प्रैवयादिकविषै छहमास प्रमाण जाननां ॥ ५२९ ॥

आगै इंद्रादिकनिका उत्कृष्ट अंतर कहै हैं;—

वरविरहं छम्मासं इंद्रमहादेविलोयवालाणं ।
 चउ तेत्तीससुराणं तणुरक्खसमाणपरिसाणं ॥ ५३० ॥
 वरविरहं पण्मासं इंद्रमहादेवलोकपालानाम् ।
 चतुः प्रयत्त्रिंशसुराणां तनुरक्षसमानपारिपदानाम् ॥ ५३० ॥

अर्थ—वर विरह कहिए उत्कृष्टपनै मरण भए पीछे तीहकी जायगा अन्य जीव आइ यावत काल न अवतरै तिसकालका प्रमाण सो इंद्र अर इंद्रकी महादेवी अर लोकपाल इनका तौ विरहकाल छह मास जानि । बहुरि त्रयत्त्रिंशत देव अर अंगरक्षक अर सामानिक अर पारिषद इनका च्यारि मास विरहकाल जानि ॥ ५३० ॥

आगै देवविशेषनिकै संभवस्थान प्रतिपादन करै हैं;—

ईसाणलांतवच्चुदकप्पोत्ति क्रमेण होति कंदप्पा ।
 किंत्विभसिय आभिजोगा सगकप्पजहण्णठिदिसहिया ॥ ५३१ ॥
 ईशानलांतवाच्युतकल्पांतं क्रमेण भवंति कंदर्पाः ।
 किंत्विषिका आभियोग्याः स्वककल्पजघन्यस्थितिसहिताः ॥ ५३१ ॥

अर्थ—इहां मनुक्ष पर्यायविषै जे जीव स्त्रीगमनादि काम परिणामरूप विटलक्षणको धरै ऐसे कांदर्प परिणाम संयुक्त हैं ते जीव अपने योग्य शुभ कर्मके वशतै उत्कृष्टपनै ईशान कल्पपर्यंत उपजै । तहां भी कंदर्प जातिके देव ही उपजै हैं । तातै उपरि नाहीं उपजै हैं । बहुरि इहां मनुक्ष पर्यायविषै जे जीव गानादिक करि आजीविका जिनके पाइए ऐसे लक्षणको धरै नटवे आदि कैल्विषिक परिणामनिकरि संयुक्त हैं ते जीव अपने योग्य शुभकर्मके वशतै लांतव कल्पपर्यंत उपजै हैं । तहां भी किंत्विषिक देव ही हो हैं । तातै उपरि नाहीं उपजै हैं । बहुरि इहां मनुक्ष पर्यायनिविषै जे जीव सपाप क्रियानिषै निजहस्तादिक करि दासत्वादिकरूप प्रवर्त्तै ऐसे लक्षणको धरै नाई आदि आभियोग्य भावना करि संयुक्त हैं ते जीव अच्युत कल्पपर्यंत उपजै

हैं । तहां भी अभियोग्य देव ही हो हैं । तातै उपरि नाहीं उपजै हैं । ए सर्व अपनें अपनें स्वर्ग-संबंधी जघन्य आयुकरि सहित उपजै हैं ॥ ५३१ ॥

आगैं प्रथम युगलादिविषै स्थिति विशेष कहै हैं;—

सोहम्म वरं पल्लं वरमुवहिवि सत्त दस य चोदसयं ।

वावीसोत्ति दुवड्डी एकैकं जाव तेत्तीसं ॥ ५३२ ॥

सौधर्मे वरं पल्यं अवरं उदधिद्विकं सत्त दश च चतुर्दशकं ।

द्वाविंशतिरिति द्विवृद्धिः एकैकं यावन्नयस्त्रिंशत् ॥ ५३२ ॥

अर्थ—सौधर्म युगल युगल विषै जघन्य आयु एक पल्य है । उत्कृष्ट आयु प्रत्येक दोय प्रमाण है यातैं उपरि उत्कृष्ट आयु ही कहै हैं सनतकुमारविषै प्रत्येक सात सागर सागर प्रमाण आयु है । ब्रह्मयुगलविषै प्रत्येक दश सागर प्रमाण आयु है । लांतव युगलविषै प्रत्येक चौदह सागर प्रमाण आयु है । यातैं उपरि बाईस पर्यंत दोय दोयकी वृद्धि है । सो शुक्रयुगलविषै सोलह, सतार युगलविषै अठारह, आनत युगल-विषै बीस, आरण युगलविषै बावीस सागर प्रमाण आयु है । बहुरि यातैं उपरि तेतीस पर्यंत एक एककी वृद्धि है सो प्रथमादि नव प्रैवेयकनिविषै क्रमतैं तेईस चौबीस पच्चीस छब्बीस सत्ताईस अठाईस गुणतीस तीस इकतीस सागर प्रमाण आयु है, नव अनुदिशविषै वत्तीस सागर आयु है । पंच अनुत्तरविषै तेतीस सागर आयु है ॥ ५३२ ॥

आगैं घातायुष्कं सम्यकदृष्टीके पटल पटल प्रति उत्कृष्ट आयु कहै हैं;—

सम्मे घादेऊणं सायरदलमहियमा सहस्सारा ।

जलहिदलमुडुवराऊ पडलं पडि जाण हाणिचयं ॥ ५३३ ॥

समीचि घातायुषि सागरदलमधिकमा सहस्सारात् ।

जलधिदलं ऋतुवरायुः पटलं प्रति जानीहि हानिचयम् ॥ ५३३ ॥

अर्थ—सम्यग्दृष्टी होइ अर घातायुष्क होइ तौ तिस जीवके अपनें अपनें स्वर्गके पूर्वोक्तउत्कृष्ट आयुतैं अंतरमुहूर्त घाटि आधा सागर प्रमाण अधिक आयु हो है । जैसे सौधर्म युगविषै घातायुष्क सम्यग्दृष्टीका उत्कृष्ट आयु अंतरमुहूर्त घाटि अढ़ाई सागर प्रमाण होइ । ऐसैं सतार सहस्वार युगल पर्यंत जाननां । तीह सहस्वारतैं उपरि घातायुष्ककी उत्पति नाहीं है, भावार्थ—जिस जीवने पूर्व-भवविषै पहलैं आयुका बंध अधिक किया था पीछैं परणामानिके वशतैं ताको घटाइ थोड़ा अणि राख्या तिस जीवको घातायुष्क कहिए । तातैं आयुका घात दोय प्रकार है—एक अपवर्तन घात एक कदली घात । तहां वध्यमान आयुका घटावनां सो अपवर्तन घात है । बहुरि उदीयमान आयुका घटावनां सो कदली घात है । सो इहां कदली घात तौ संभवै नाहीं तातैं अपवर्तन घातहीका ग्रहण किया है । सो ऐसा घातायुष्क होय अर सम्यग्दृष्टी होय तौ तिस जीवके पूर्वोक्तउत्कृष्ट आयुतैं आध सागर, अधिक आयु सहस्वार पर्यंत होइ । बहुरि सौधर्मयुगलका प्रथम पटल ऋतुनामा इंद्रक तीहविषै उत्कृष्ट आयु आध सागर प्रमाण है । सो आदि जाननां । और अन्य युगलनिविषै पूर्वयु-

गलका उत्कृष्ट आयु सो आदि जाननां । बहुरि अपनां अपनां उत्कृष्ट आयु सो अंत जाननां । बहुरि सौधर्म युगलविषै तौ अपनां अपनां पटलका प्रमाण सो गल जाननां, अन्य युगलनिविषै पूर्वयुगलका उत्कृष्ट आयु ताको आदि ग्रहण किया तातैं अपने अपने पटल प्रमाणतैं एक अधिक प्रमाण गल जाननां । ऐसैं जांनि आदी अंते सुद्धे रूउणद्धो हिदम्मि हाणिचयं, इस सूत्र करि पटल प्रति हानिचय जानहु । सो कैसैं ? घातायुष्क अपेक्षा सौधर्म युगलादि आठ युगलनिविषै क्रमतैं आध अढ़ाई साढ़ा सात दस साढ़ा चौदह साढ़ासोलह साढ़ा अठारह बीस सागर प्रमाण आदि है । बहुरि अढ़ाई साढ़ा सात साढ़ा दस साढ़ा चौदह साढ़ा सोलह साढ़ा अठारह बीस बाईस सागर प्रमाण अंत है । सो अंतमेंसौ आदि घटाइ शुद्ध किए दोय पांच तीन च्यारि दोय दोय ज्योढ सागर शेष रहै । इनको एक घाटि गलका भाग देनां सो सौधर्म युगमविषै तौ स्वपटल प्रमाणमेंस्यौ एक घटाएं तीस अर अन्य युगलनिविषै पूर्वयुगलका अंत पटलका उत्कृष्ट आदिका ग्रहण किया । तातैं स्वपटल प्रमाण सात च्यारि दोय एक एक तीन तीनका भाग दिए हानिचय आवै है । पटल पटल प्रति इतनां इतनां आयु उपरिका अपेक्षा घटती नीचांकी अपेक्षा बधती है । तातैं याका नाम हांनिचय है । सो सौधर्म युगमविषै दोयका तीसवां भाग, सनत्कुमार युगमविषै दसका चौदवां भाग, ब्रह्मयुगमविषै तीनका चौथा भाग, लांतव युगमविषै दोय, शुक्र युगमविषै दोय, सतार युगमविषै दोय, आनत युगमविषै आध, आरण युगमविषै दोयका तीसरा भाग प्रमाण हानिचय जानि तिस तिस पटल प्रति आयु प्रमाण ल्यावनां । सो सौधर्म युगमका प्रथम पटलविषै आध सागर आयु है । यामें हानिचय दोयका तीसवां भाग समान छेदि करि मिलाएं सतरह सागरका तीसवां भाग प्रमाण द्वितीय पटलविषै आयु हो है । यामें हानिचय मिलाएं उगणीस सागरका तीसवां भाग प्रमाण तृतीय पटलविषै आयु हो है । ऐसैंही क्रमतैं इकतीसवां अंतपटलविषै अढ़ाई सागर आयु हो है । यामें सनत्कुमार युगलका हानिचय दसका चौदहवां भाग मिलाएं सनत्कुमार युगलका प्रथम पटलविषै पैतालीस सागरका चौदवां भाग प्रमाण आयु हो है । ऐसैं क्रमतैं अंतपटलविषै साढ़ा सात सागर प्रमाण आयु हो है । यामें ब्रह्मयुगमका हानिचय मिलाएं ताहीका प्रथम पटलविषै आयु हो है । पूर्वोक्त क्रमतैं अंतपटलविषै साढ़ा दस सागर प्रमाण आयु हो है । याही प्रकार आरण युगमका अंतपटलपर्यंत आयुका साधनि करनां । बहुरि अपघातायुष्ककी अपेक्षा आध सागर अधिकका ग्रहण करना । तहां सौधर्म युगमविषै आदि आध सागर अंत दोय सागर शुद्ध किए ज्योढ सागर एक घाटि गल तीसका भाग दिए एकका चौबीसवां भाग प्रमाण हानिचय आया सो आध सागरविषै मिलाएं द्वितीय पटलविषै आयु होइ ऐसैं ही अंतपटल प्रति जाननां बहुरि याही प्रकार सनत्कुमार युगमादि सात युगमनिविषै आदि दोय सात दस चौदह सोलह अठारह बीस सागर प्रमाण अर अंत सात दस चौदह सोलह अठारह बीस बाबीस सागर प्रमाण स्थापि पूर्वोक्त प्रकार हानिचय ल्याइ पटल पटल प्रति आयुसाधन करनां ऐसैं उत्कृष्ट आयु कहा । बहुरि जघन्य आयु प्रथम पटलविषै तो कहा ही था अर उपरि सर्वत्र जो नीचले पटलका उत्कृष्ट आयु सोही एक समय अधिक ऊपरला पटलविषै जघन्य आयु जाननां ॥ ५३३ ॥

आगँ लौकांतिकं देवनिके अवस्थानका ठिकाना कहँ हैं;—

णिवसंति ब्रह्मलोक्यस्संते लोयंतिया सुरा अट्ट ।
ईसाणादिसु अट्टसु वट्टेसु पइण्णएसु कमा ॥ ५३४ ॥
निवसंति ब्रह्मलोकस्यांते लौकांतिकाः सुरा अट्ट ।
ईशानादिपु अट्टसु वृत्तेपु प्रकीर्णकेपु क्रमात् ॥ ५३४ ॥

अर्थ—ब्रह्मलोकाका अंतविपै आठ कुलभेद संयुक्त लौकांतिक देव वसै हैं । भावार्थ—
ब्रह्मयुगलका मंदिरविपै जो अंतस्थान तहां लौकांतिक देवनिके विमान हैं । वहुरि तहां तै लौकांतिक
देव ईशानादि आठ दिशानिविपै गोल जे प्रकीर्णक विमान तिनविपै यथाक्रम वसै हैं ॥ ५३४ ॥

आगँ तिन अट्ट कुलनिकी संज्ञा अर-संख्या दोग गाथाकरि कहँ हैं;—

सारस्सद आइच्चा सत्तसया सगजुदा य वण्हरुणा ।
सगसगसहस्समुवरिं दुसु दुसु दोदुगसहस्सवट्टिकमा ॥ ५३५ ॥
सारस्वता आदित्याः सप्तशतानि सप्तयुतानि च वह्यरुणाः ।
सप्तसप्तसहस्रमुपरि द्वयोर्द्वयोः द्विद्विसहस्रवृद्धिक्रमः ॥ ५३५ ॥

अर्थ—सारस्वत अर आदित्य तौ प्रत्येक सात युक्त सातसौ प्रमाण हैं । वहुरि वहि अर अरुण
प्रत्येक सात अधिक सात हजार प्रमाण हैं । तातँ उपरि दोग स्थान विपै दोग अधिक
दोग हजार वृद्धिका अनुक्रम जाननां ॥ ५३५ ॥

तो गदतोयतुसिदा अब्बावाहा अरिट्टसण्णा य ।
सेठीवट्टे रिट्ठा विमाणणामं च तच्चेव ॥ ५३६ ॥
ततो गर्दतोयतुपिता अब्बावाधा अरिष्टसंज्ञाथ्र ।

श्रेणीवट्टे अरिष्टा विमाननामं च तदेव ॥ ५३६ ॥

अर्थ—तहां पीछें गर्दतोय १ तुपित १ अब्बावाघ १ अरिष्ट १ जैसी संज्ञाधारक जाननें
॥ भावार्थ—लौकांतिक देव आठ कुल भेद संयुक्त हैं । सारस्वत १ आदित्य १ वहि १ अरुण
१ गर्दतोय १ तुपित १ अब्बावाघ १ अरिष्ट १ इन देवनिका अनुक्रमतँ प्रमाण सातसै सात
सातसै सात, सात हजार सात, सात हजार सात, नव हजार नव, नव हजार नव, ग्यारह हजार ग्यारह,
ग्यारह हजार ग्यारह ११०११ जाननां । इन विपै अरिष्ट हैं ते श्रेणी वद्ध विमान विपै तिष्ठें हैं । इतनां
विशेष जाननां । अवशेष गोल प्रकीर्णक विमाननिविपैही तिष्ठै है । वहुरि जे कुलके नाम तेई तिनके
विमाननिके नाम हैं ॥ ५३६ ॥

आगँ सारस्वत आदिकनिके दोग दोगका अंतराल विपै तिष्ठते जे कुल तिनके नाम अर
तिन देवनिकी संख्या गाथा दोगकीर कहँ हैं;—

सारस्सदआइच्चप्पहुदीणं अंतरालए दो दो ।
जाणग्गिसूरचंदयसच्चाभा सेयखेमकरा ॥ ५३७ ॥
सारस्वतादित्यप्रभृतीनां अंतरालके द्वे द्वे ।

जानीहि अग्निसूर्यचंद्रकसत्याभाः श्रेयःक्षेमकराः ॥ ५३७ ॥

अर्थ—सारस्वत आदित्य आदिकानिके आठ अंतरालनिविषै दोग दोग कुल जानहु । तिन कुलस्य कौन सो कहै हैं । अग्न्याभ १ सूर्याभ १ चंद्राभ १ सत्याभ १ श्रेयस्कर १ क्षेमंकर १ ॥ ५३७ ॥

वसहिद्वकामधरणिम्माणरजा भिगंतअप्पसच्चादी ।

रक्खिदमरुवसुअस्सविसा ढमरुणसम पुव्वचयमुवरि ॥ ५३८ ॥

वृषभेष्टकामधरनिर्माणरजोदिगंतात्मसर्वादिः ।

रक्षितमरुद्वस्त्रविश्वाः प्रथमअरुणसभाः पूर्वचयमुपरि ५३८

अर्थ—वृष भेष्ट १ कामधर १ निर्माण रजा १ दिगंतरिक्षत १ आत्मरक्षित १ सर्व रक्षित १ मरुत १ वसु १ अश्व १ ऐसे ए अपने अपने कुल नामकरि संयुक्त देव प्रथम अग्न्याभ तो अरुण समान संख्या धरै हैं सात हजार सात हैं । बहुरि इत प्रमाणकै उपरि पूर्वोक्त दोग अधिक दोग हजार प्रमाण चय मिलैं सूर्याभादि कानिकी संख्या हो है । भावार्थ—सारस्वत अर आदिभकै विमानिके बीचि अग्राम अर सूर्याभके विमान है । बहुरि आदित्य अर वह्निके विमाननिके बीचि चंद्राभ सत्याभके विमान हैं । वहि अर अरुणके विमाननिके बीचि श्रेयस्कर क्षेमंकरके विमान हैं । ऐसैं ही अन्य अंतरालनिविषै दोग दोग कुलनिके विमान जाननैं । सो आठ अंतरालनि विषै सोलह कुल भए । तहां अग्न्याभ देव सात हजार सात हैं सूर्याभनव हजार नव हैं । चंद्राभ ग्यारह हजार ग्यारह हैं । सत्याभ तेरह हजार तेरह हैं । इसही क्रमतैं आगैं विश्व पर्यंत दोग हजार दोग बघती प्रमाण क्रमतैं जाननां ॥ ५३८ ॥

आगैं कहे जु लौकांतिक देव तिनका विशेष स्वरूप गाथादोगकरि कहैं हैं;—

ते हीणाहियरहिया विसयविरत्ता य देवरिसिणामा ।

अणुपिक्खदत्तचित्ता सेससुराणच्चणिज्जा हु ॥ ५३९ ॥

ते हीनाधिकरहिता विषयविरक्ताश्च देवर्षिनामानः ।

अनुप्रेक्षादत्तचित्ताः शेषसुराणामर्चनीया हि ॥ ५३९ ॥

अर्थ—ते लौकांतिक देव परस्पर हीन अधिकता करि रहित हैं । सर्व समान हैं । बहुरि विषयनिविषै विरक्त हैं । बहुरि देवतानिनिविषै ऋषि समान हैं । तातैं देव ऋषि है नाम जिनका ऐसे हैं । बहुरि अनित्या दि अनुप्रेक्षानिका चित्तवनविषै दिया है चित्त जिननैं ऐसे हैं । बहुरि अवशेष इंद्रादिक देवनिकारि पूजनीक हैं ॥ ५३९ ॥

चोदिसपुव्वधरा पडिवोहपरा तिस्थयरविणिक्रमणे ।

एदेसिमहजलहिद्विदी अरिहस्स णव चैव ॥ ५४० ॥

चतुर्दशपूर्वधराः प्रतिबोधपराः तीर्थकरविनिःक्रमणे ।

एतेषामष्टजलधिः स्थितिः अरिष्टस्य नव चैव ॥ ५४० ॥

अर्थ—बहुति चौदह पूर्वरूप श्रुतज्ञानके धारक हैं । बहुति तीर्थकरका निःक्रमण कल्याण विषै संबोधन देनेविषै तत्पर हैं । बहुति इन लौकांतिकदेवनिका आयु आठ सागर प्रमाण है । विशेष इतना अरिष्टनिका आयु नव सागर प्रमाण ही है ॥ ५४० ॥

आर्गं घातायुष्क सम्यकदृष्टि अर मिथ्यादृष्टीके आयु विशेष कहें हैं;—

उवहिदलं पल्लद्धं भवणे वितरदुगे क्रमेणाहियं ।

सम्भे मिच्छे घादे पल्लासंखं तु सव्वत्थ ॥ ५४१ ॥

उदधिदलं पल्यार्धं भवने व्यंतरद्विके क्रमेणाधिकं ।

समीचि मिथ्ये घाते पल्यसंख्यं तु सर्वत्र ॥ ५४१ ॥

अर्थ—घातायुष्क होइ अर सम्यग्दृष्टी होइ तौ ताके भवनवासीविषै तौ आध सागर अर व्यंतर ज्योतिपीविषै आध पल्य प्रमाण आयु पूर्वोक्त उत्कृष्ट आयुतें अधिक होइ । बहुति घातायुष्क होइ अर मिथ्यादृष्टी होइ तौ ताके सर्वत्र भवनवासी व्यंतर ज्योतिपी कल्पवासीनिविषै पूर्वोक्त उत्कृष्ट आयुके प्रमाणतें पल्यका असंख्यातवां भाग प्रमाण आयु अधिक होइ ॥ ५४१ ॥

आर्गं कल्पवासिनी स्त्रीनिका आयु प्रमाण कहें हैं;—

साहियपल्लं अवरं कप्पदुगित्थीण पणम पढमवरं ।

एक्कारसे चउक्के कप्पे दोसत्तपरिवद्धी ॥ ५४२ ॥

साधिकपल्यं अवरं कल्पद्विके स्त्रीणां पंचकं प्रथमवरं ।

एकादशे चतुष्के कल्पे द्विसत्तपरिवद्धिः ५४२ ॥

अर्थ—सौधर्म द्विकविषै स्त्रीनिका आयु जघन्य किछू अधिक पल्य प्रमाण है । बहुति प्रथम स्वर्गविषै उत्कृष्ट आयु पंच पल्य प्रमाण है । उपरि ईशानादि ग्यारह स्वर्गनिविषै अर आन-तादि च्यारि स्वर्गनिविषै दोय अर सातकी वृद्धि जाननी । भावार्थ—देवांगनानिका उत्कृष्ट आयु सौधर्मादि सोलह स्वर्गनिविषै अनुक्रमतें पांच सात नव ग्यारह तेरह पंद्रह सतरह उनईस इक-ईस तेईस पच्चीस सत्ताईस चौतीस इकतालीस अठतालीस पचास नव पल्य प्रमाण जाननां ॥ ५४२ ॥

अब देवनिके शरीरका उत्सेध कहें हैं;—

दुसु दुसु चदु दुसु दुसु चउ तित्तिसु सेसेसु देहउस्सेहो ।

रयणीण सत्त छप्पणचत्तारि दलेण हीणकमा ॥ ५४३ ॥

द्वयोर्द्वयोः चतुर्षु द्वयोर्द्वयोः चतुर्षु त्रिस्त्रिषु शेषेषु देहोत्सेधः ।

रत्नानां सप्त पट् पंचचत्वारः दलेन हीनक्रमः ॥ ५४३ ॥

अर्थ—दोय दोय च्यारि दोय दोय च्यारिविषै तीन तीनविषै शेषविषै क्रमतें देहका उत्सेध सात छह पांच च्यारि अर्ध अर्द्ध घाटि रानि कहिए हस्तप्रमाण जाननां । भावार्थ—देवनिके शरीरकी उचाईका प्रमाण सौधर्मादि दोय स्वर्गनिविषै सात हाथ दोयविषै छह हाथ च्यारिविषै पांच हाथ दोयविषै च्यारि हाथ दोयविषै साढ़ा तीन हाथ च्यारिविषै तीन हाथ

अधो तीन प्रैवेयकविषै अढ़ाई हाथ मध्य तीन प्रैवेयकविषै दोय हाथ उपरिम तीन प्रैवेयकविषै ड्यौद हाथ शेष अनुदिश अनुत्तरविषै एक हाथ है ॥ ५४३ ॥

आगै तिनकै उश्वास अर आहारका काल निरूपै हैं;—

पक्खं वाससहस्सं सगसगसायरसलाहि संगुणियं ।

उस्सासाहाराणं क्रमेण माणं विमाणेसु ॥ ५४४ ॥

पक्षो वर्षसहस्रं स्वकस्वकसागरशलाभिः संगुणितं ।

उच्छासाहाराणां क्रमेण मानं विमानेषु ॥ ५४४ ॥

अर्थ—पक्ष कहिए पंद्रह दिन अर हजार वर्ष सोहम्बरं पल्लं वरमुवहि वि सत्त इत्यादि पूर्वोक्त गाथाविषै जितनां जितनां सागर प्रमाण आयु कहा तितनां प्रमाण 'सागर' शलाकानिकरि गुण्या हुवा क्रम करि विमाननिविषै उश्वासका प्रमाण हो है । तहां उदाहरण—सौधर्मद्विकविषै आयु दोय सागर है । तहां दोय पक्षके अंतराल लिए उश्वास अर दोय हजार वर्षके अंतराल लिए आहार है । ऐसै ही अन्यत्र भी जाननां ॥ ५४४ ॥

आगै गुणस्थानकौ आश्रय करि देवगतिविषै जै उपजै हैं तिनका स्वरूप गाथा तीन करि कहै हैं;—

णरतिरिय देसअयदा उक्खसेणच्चुदोत्ति णिग्गंथा ।

ण य अयद देसमिच्छा गेवेज्जंतोत्ति गच्छंति ॥ ५४५ ॥

नरतिर्यचः देशायता उक्कष्टेनाच्युतांतं निर्गथाः ।

न च अयता देशमिध्या प्रैवेयांतं इति गच्छंति ॥ ५४५ ॥

अर्थ—असंयत वा देश संयत मनुक्ष अर त्रियंच उक्कष्टपने अच्युत कल्पपर्यंत जाय हैं । तातैं उपरि नाहीं । बहुरि द्रव्य करि निर्गथ अर भाव करि असंयत वा देश संयत वा मिध्यादृष्टी मनुक्ष ते उपरिमप्रैवेयकपर्यंत जाय हैं । तातैं ऊपरि नाहीं ॥ ५४५ ॥

सव्वट्ठोत्ति सुदिट्ठी महव्वई भोगभूमिजा सम्मा ।

सोहम्मदुगं मिच्छा भवणातियं तावसा य वरं ॥ ५४६ ॥

सर्वार्थांतं सुदृष्टिः महाव्रती भोगभूमिजा सम्यचः ।

सौधर्मद्विकं मिध्या भवनत्रयं तापसाः च वरं ॥ ५४६ ॥

अर्थ—सम्यग्दृष्टी द्रव्य वा भाव करि महाव्रती मनुक्ष सो सर्वार्थसिद्धिपर्यंत जाय है । बहुरि भोगभूमिया 'सम्यग्दृष्टी' तौ 'सौधर्म युगलकौ' प्राप्त हो हैं । तातैं ऊपरि नाहीं । अर भोगभूमिया 'मिध्यादृष्टी' भवनवासी व्यन्तर ज्योतिष्ककों प्राप्त हो हैं । तातैं ऊपरि नाहीं । बहुरि पंचांगि आदिकके 'साधक' जे तापसी ते उक्कष्टपने भवनत्रिककों प्राप्त हो हैं । तातैं उपरि नाहीं ॥ ५४६ ॥

चरया य परिव्वाजा वल्लोअच्चदपदोत्ति आजीवा ।

अणुदिसअणुत्तरादो चुदा ण केसवपदं जाति ॥ ५४७ ॥

चरकाश्च परिव्राजा ब्रह्मोच्युतपदांतं आजीवाः ।

अनुदिशानुत्तरतः च्युता न केशवपदं न यान्ति ॥ ५४७ ॥

अर्थ—नग्न अंड है लक्षण जिनका ऐसे चरक ते अर एक दंडी त्रिदंडी आदि लक्षण धरें ऐसे परिव्राजक संन्यासी; ते उत्कृष्टपनै ब्रह्मकल्पपर्यंत जाय हैं । तातैं उपरि नाहीं । बहुरि कांजी आदिकके भोजन करनहारे ऐसे आजीव; ते उत्कृष्टपनै अच्युत कल्पपर्यंत जाय हैं । तातैं उपरि नाहीं । अब देवगतितैं चय करि जे उपजै तिनका स्वरूप कहैं हैं । अनुदिश अर अनुत्तर विमानतैं चय कर केशव पद कहिए नारायण प्रतिनारायण पदकों प्राप्त न हो हैं ॥ ५४७ ॥

आगैं जे जीव देवगतितैं चय करि निर्वाण ही जाय तिनके नाम कहैं हैं;—

सोहम्नो वरदेवी सलोगवाला य दक्षिणामरिंदा ।

लोर्यतिय सच्चवा तदो चुदा णिच्चुदिं जंति ॥ ५४८ ॥

सौधर्मो वरदेवी सलोकपालश्च दक्षिणामरेंद्राः ।

लौकांतिकाः सर्वार्थाः ततश्च्युता निर्वृत्तिं यांति ॥ ५४८ ॥

अर्थ—सौधर्म नामा इन्द्र बहुरि ताही की शची नामा पृथु देवी अर ताहीके सोम आदि च्यारि लोकपाल बहुरि सनकुमारादिक दक्षिण इन्द्र बहुरि सर्व लौकांतिक देव बहुरि सर्व सर्वार्थ सिद्धिविषै उपजे देव ए सर्व तहांस्यौ चय करि मनुक्ष होय नियमकरि निर्वाणकों प्राप्त हो हैं ॥ ५४८ ॥

आगैं तेरसठि शलाका पुरुषनिकी पदवीकों जे न प्राप्त होहिं तिनके नाम कहैं हैं;—

णरतिरियगदीहितो भवणातियादो य णिग्गया जीवा ।

ण लहंते ते पदवीं तेवद्विसलागपुरिसाणं ॥ ५४९ ॥

नरतिर्यग्गतिभ्यां भवनत्रयाच्च निर्गता जीवाः ।

न लभते ते पदवीं त्रिषष्टिशलाकापुरुषाणाम् ॥ ५४९ ॥

अर्थ—मनुक्षगति अर तिर्यक् गतितैं अर भवनत्रिकतैं निकसिकरि आए; जे जीव ते तेरसठि शलाका पुरुषनिकी, पदवीकों न पावैं हैं । चौबीस तीर्थकर बारह चक्रवर्ती नव नारायण नव बलभद्र इनकों तेरसठिशलाका पुरुष कहिए हैं ॥ ५४९ ॥

आगैं देवनिकी उत्पत्तिका स्वरूप कहैं हैं;—

सुहसयणगो देवा जायंते दिणयरोव्व पुण्वणगो ।

अंतोमुहुत्त पुण्णा सुगंधिसुहफाससुचिदेहा ॥ ५५० ॥

सुखशयनाग्रे देवा जायंते दिनकर इव पूर्वनगे ।

अंतर्मुहूर्ते पूर्णाः सुगंधिसुखस्पर्शशुचिदेहाः ॥ ५५० ॥

अर्थ—जैसैं पूर्वालय विषै सूर्य उदय होय तैसैं अंतर मुहूर्त विषै छह पर्यातिनिकरि पूर्ण सुगंध सुखरूप स्पर्श धरैं पवित्र है शरीर जिनका जैसे ते देव सुखरूप शय्याके ऊपरि जन्म धरैं हैं ॥ ५५० ॥

आगँ तहां उत्पन्न भए देव तिनकै उपजनैके अनंतरि कार्य विशेष हो हैं सो गाथा तानि करि कहैं हैं;—

आणंदतूरजयथुदिरवेण जम्मं विबुज्झ सं पत्तं ।
दट्ठुण सपरिवारं गयजम्मं ओहिणा णिव्वा ॥ ५५१ ॥
आनंदतूर्यजयस्तुतिरवेण जन्म विबुध्य स्वं प्राप्तं ।
दट्ठ्ठा सपरिवारं गतजन्म अवधिना ज्ञात्वा ॥ ५५१ ॥

अर्थ—जनम होतैं भया जे आनंदरूप वाजित्रनिका शब्द अर जयकारादिस्तुति रूप शब्द तिन करि यहू देवरूप जनम है ऐसा जानि बहुरि प्राप्त भया जो विभव अर अपनां परिवार ताहि देखि बहुरि अवधि ज्ञान करि पूर्व गत पर्यायोको जानि ॥ ५५१ ॥

कहा सो कहैं हैं;—

धम्मं पसंसिदूण णहादूण दहे भिसेयलंकारं ।
लद्धा जिणाभिसेयं पूजं कुव्वंति सद्विद्धी ॥ ५५२ ॥
धर्मे प्रशंस्य स्नात्वा हृदे अभिषेकालंकारं ।
लब्ध्वा जिनाभिषेकं पूजां कुर्वंति सददृष्टयः ॥ ५५२ ॥

अर्थ—धर्मनै प्रशंसि करि जल भरे तद्द्रव्यविषै स्नान करि पट्टरूप अभिषेक अर अलंकारकौ पाइ सम्यगदृष्टि जीव स्वयमेव जिनदेवका अभिषेक अर पूजा ताहि करै हैं ॥ ५५२ ॥

सुरबोहियावि मिच्छा पच्छा जिणपूजणं पकुव्वंति ।
सुहसायरमज्झगया देवा ण विदंति गयकालं ॥ ५५३ ॥
सुरबोधिता अपि मिथ्या पश्चाजिनपूजनं प्रकुर्वंति ।
सुखसागरमध्यगता देवा न विदंति गतकालं ॥ ५५३ ॥

अर्थ—मिथ्यादृष्टी देव अन्य देवनिकरि संबोधे हुए भी पीछै जिन पूजनकौ करै हैं । ते सर्व ही सुखसागरके मध्य प्राप्त हुवा थका गए-कालकौ न जानै हैं ॥ ५५३ ॥

आगँ तिन देवनिकै समीचीन कार्य कहैं हैं;—

महपूजासु जिणाणं कल्लाणेषु य पजंति कल्पसुरा ।
अहमिंदा तत्थ ठिया णमांति मणिमउलिघट्टितकरा ॥ ५५४ ॥
महापूजासु जिनानां कल्याणेषु च प्रयांति कल्पसुराः ।
अहमिंद्राः तत्र स्थिता नमंति मणिमौलिघट्टितकराः ॥ ५५४ ॥

अर्थ—जिन तीर्थंकर देव तिनकी महा पूजा अर तिनका पंच महाकल्याण तिनविषै कल्प-वासी देव जावैं हैं । बहुरि अहमिंद्र देव तहां अपनं स्थान ही विषै मणिमई मुकुटनितैं लगाए हैं हाथ जिनूँनै ऐसे होत संते नमस्कार करै हैं ॥ ५५४ ॥

आगँ देवादिककी संपदा किनकै हो है सो कहैं हैं;—

विविहतवरयणभूसा णाणसुची शीलवत्थसोम्मंगा ।
जे तेसिमेव वस्सा सुरलच्छी सिद्धिलच्छी य ॥ ५५५ ॥
विविधतपोरत्नभूषाः ज्ञानशुचयः शीलवत्त्रसौम्यांगाः ।
ये तेपामेव वस्या सुरलक्ष्मीः सिद्धिलक्ष्माश्च ॥ ५५५ ॥

अर्थ—जे जीव विविध तपश्चरण करि आभूषित हैं वहुरि ज्ञान करि पवित्र हैं । वहुरि शील रूप वत्त्र संयुक्त सौम्य है अंग जिनका ऐसे हैं । तिन ही जीवनिर्कै देव लक्ष्मी अर मुक्ति लक्ष्मी वश्य हो है ॥ ५५५ ॥

अब अष्टम भूमिका स्वरूप कहें हैं;—

तिहुवणमुद्धारूढा ईसिपभारा धरद्वमी रुंदा ।
दिग्घा इगिसगरज्जू अडजोयणपमिदवाहल्ला ॥ ५५६ ॥
त्रिभुवनमूर्धारूढा ईपत् प्राग्भारा घराष्टमी रुंदा ।
दीर्घा एकसत्तरज्जू अष्टयोजनप्रमितवाहल्या ॥ ५५६ ॥

अर्थ—तीन भुवनका मस्तक करि आरूढ अर ईपत्प्राग्भार है नाम जाका ऐसी आठवीं पृथ्वी है । ताकी चौड़ाई एक राजू लंबाई सात राजू मोटाई आठ योजन प्रमाण है । भाव यह—लोकका अंतपर्यंत है अर आठ योजन मोटी है ॥ ५५६ ॥

आगे तीह आठवीं पृथ्वीविषै तिष्ठता सिद्धक्षेत्रका स्वरूपकों गाथा दोय करि कहें हैं;—

तन्मज्जे रूपमयं छत्तायारं मणुस्समहिवासं ।
सिद्धक्खेत्तं मज्झडवेहं कमहीण वेहुलियं ॥ ५५७ ॥
तन्मध्ये रूप्यमयं छत्राकारं मनुष्यमहीव्यासं ।

सिद्धक्षेत्रं मध्येष्टवेधं क्रमहीनं बाहुल्यम् ॥ ५५७ ॥

अर्थ—तीह आठवीं पृथ्वीके मध्य रूपमई श्वेत छत्रके आकारि मनुक्ष क्षेत्र समान गोल पैतालीस लाख योजन प्रमाण व्यासकों धरें सिद्ध क्षेत्र है । ताकी मोटाई मध्यविषै आठ योजन प्रमाण है । अन्यत्र सर्वत्र अंत पर्यंत क्रमते घटती घटती मोटाई है । भाव यह—जैसे पृथ्वीविषै शिखर हो है तैसे आठवीं पृथ्वीविषै वीचिमें सिद्धक्षेत्र रूप सुपेद शिखर है । सो वीचिमें आठ योजन मोटी है क्रमते घटती घटती अंतविषै थोड़ी मोटी है । सो उपरि तल तौ समानरूप है नीचेतें घाटि बाधि है ऐसा जानना ॥ ५५७ ॥

उत्ताणद्वियमंते पत्तं व तणु तदुवरि तणुवादे ।
अट्टगुणद्धा सिद्धा चिद्वंति अणंतसुहत्तिचा ॥ ५५८ ॥
उत्तानस्थितमंते पात्रमिव तनु तदुपरि तनुवाते ।
अष्टगुणाध्याः सिद्धाः तिष्ठंति अनंतसुखतृप्ताः ॥ ५५८ ॥

अर्थ—अंतविषै तनुरूप है थोड़ा मोटा है । जैसे ऊंचा आधातिष्ठया पात्र कहिए कटोरा तीह समान है । वहुरि तीह सिद्धक्षेत्रके उपरिवर्ती जो तनुवात तिहविषै सम्यक्त्वादि अष्ट गुणनि करि संपूर्ण अनंत सुख करि तृप्त ऐसे सिद्ध भगवान तिष्ठें हैं ॥ ५५८ ॥

आगै अनंत सुख करि तृप्तपणाविपै दृष्टांत दोय गाथानि करि कहै हैं;—

एयं सत्थं सच्चं सत्थं वा सम्ममेत्थ जाणंता ।

तिच्चं तुस्संति णरा किण्ण समत्थत्थतच्चण्ह ॥ ५५९ ॥

एकं शास्त्रं सर्वं शास्त्रं वा सम्यगत्र जानंतः ।

तीत्रं तुष्यंति नराः किं न समस्तार्थतत्त्वज्ञाः ५५९ ॥

अर्थ—एक शास्त्र वा सर्व शास्त्रकों सम्यक प्रकार इस लोकविपै जानते थके मनुक्ष तीत्र संतोष पावै हैं । तौ समस्त पदार्थनिका तत्वस्वरूपके ज्ञायक सिद्ध ते कैसेँ संतोष न पावै ? अपि तु पावै ही पावै । भावार्थ—सुख है सो सत्यज्ञानजनित है । इहां संसारविपै भी सत्यज्ञान होतै ही सुँख हो है । तौ सिद्ध अनंत ज्ञानवान हैं तिनकेँ सुख होय ही होइ ॥ ५५९ ॥

चक्रिकुरुफणिसुरिंदेसहर्मिदे जं सुहं त्रिकालभवं ।

ततो अणंतगुणिदं सिद्धाणं खणसुहं होदि ॥ ५६० ॥


चक्रिकुरुफणिसुरिंद्रेषु अहर्मिंद्रे यत् सुखं त्रिकालभवं ।

ततो अनंतगुणितं सिद्धानां क्षणसुखं भवति ॥ ५६० ॥

अर्थ—चक्रवर्तीका सुखतैँ भोगभूमियाकेँ सुख अनंत गुणा है । तातैँ धरणेन्द्रकेँ सुख अनंत गुणा है । तातैँ देवेन्द्रकेँ सुख अनंतगुणा है । तातैँ अहर्मिंद्रनिकैँ सुख अनंत गुणा है । ऐसैँ इनविपै जो अनंत अनंत गुणा सुख है । तीह अतीत अनागत वर्त्तमानकालसंबंधी सर्व सुखकों एकठा करिए तातैँ सिद्धनिकैँ क्षणमात्र करि उपज्या सुख अनंत गुणा है । सो यहू भी उपदेश मात्र कथन है । वहुँर औरनिकैँ सुख साकुल है सिद्धनिकैँ सुख निराकुल है । तातैँ सो सुख वचन अगोचर ही जानना । इति वैमानिकदेवनिका अधिकार समाप्त भया ॥ ५६० ॥

इति श्रीनेमिचंद्राचार्यविरचित त्रिलोकसारमें पांचमां वैमानिकदेवानिके

लोकका अधिकार समाप्त भयाः ॥ ५ ॥



॥ अथ नरतिर्यग्लोकाधिकार ॥ ६ ॥

अथ यार्तं परं पाया है अवसर जानै ऐसा मनुक्ष लोक तिर्यक लोकका निरूपण करनेका अभिलाष संयुक्त आचार्य सों प्रथम ही दोऊ लोकविषै तिष्ठते जिन मंदिर तिनकी स्तुतिपूर्वक संख्या कहै है;—

णमह णरल्लोयजिणवर चत्तारि सयाणि दोविहीणाणि ।
 वावण्णं चउ चउरो णंदीसुर कुंडले रुचगे ॥ ५६१ ॥
 नमत नरल्लोकजिनगृहाणि चत्वारि शतानि द्विविहीनानि ।
 द्वापंचाशत् चत्वारि चत्वारि नंदीश्वरे कुंडले रुचके ॥ ५६१ ॥

अर्थ—मनुक्ष लोकविषै दोय घाटि च्यारि सै जिनमंदिर हैं । वहुरि नंदीश्वरद्वीप कुंडलगिरि रुचकद्वीपविषै क्रमते तिर्यक् लोकसंबंधी वावन च्यारि च्यारि जिनमंदिर हैं । तिन सर्व जिनमंदिरनिकों तुम नमस्कार करहु ॥ ५६१ ॥

आगे मनुक्ष लोकविषै जिनमंदिर कहां कहां हैं सो कहै हैं;—

मंदरकुलवक्षारिसुमणुसुत्तररूपजंघुसामलिसु ।
 सीदी तीसं तु सयं चउ चउ सत्तरिसयं दुपणं ॥ ५६२ ॥
 मंदरकुलवक्षारेपुमानुपोत्तरजंघुशाल्मलिपु ।
 अशीतिः त्रिंशत् तु शतं चत्वारि चत्वारि सत्ततिशतं द्विपंच ॥ ५६२ ॥

अर्थ—मेरु पांच कुलचल तीस गजदंत सहित वक्षारगिरि एकसो इष्वाकार च्यारि मानुपोत्तर एक विजयार्द्धपर्वत एकसौ सत्तरि जंघुवृक्ष पांच शाल्मली वृक्ष पांच इनविषै अनुक्रमते असी तीस एकसौ च्यारि च्यारि एकसौ सत्तरि पांच पांच जिनमंदिर हैं ॥ ५६२ ॥

आगे अब कहिए हैं अर्थ ते सर्व मेरुका कथनके आश्रय है तार्ते प्रथम ही तिन मेरुगिरि-निकों प्रतिपादन करै हैं;—

जंवूदीवे एक्को इसुकयपुव्ववरचावदीवदुगे ।
 दो हो मंदरसेला बहुमज्झगविजयवहुमज्जे ॥ ५६३ ॥
 जंवूदीपे एकः इप्रकृतपूर्वापरचापद्वीपादिके ।
 द्वौ द्वौ मंदरशैलौ बहुमध्यगविजयवहुमज्जे ॥ ५६३ ॥

अर्थ—जंवूदीपविषै एक मेरुगिरि है, वहुरि धातुकी खंड अर पुष्करार्द्ध इन दोऊ द्वीपनि-विषै दक्षिण उत्तर दिशाने दोय दोय इष्वाकार पर्वत हैं । तिनि करि दोय भाग होइ पूर्व पश्चिमविषै दोय दोय घनुपाकार क्षेत्रविषै दोय दोय मेरुगिरि हैं । तहां भी ते मेरु कहां तिष्ठै हैं । भरतादि क्षेत्रनिके अतिशय करि मध्य तिष्ठतो विदेहक्षेत्र ताहका अत्यंत मध्य प्रदेशविषै तिष्ठै हैं ॥ ५६३ ॥

आगैं तिन मेरुनिका दोऊ पार्श्वनिविषै तिष्ठते क्षेत्रनिके नाम कहैं हैं;—

दक्खिणदिसादु भरहो हेमवदो हरिविदेहरम्मो य ।
हइरणवदेरावदवस्सा कुलपव्वयंतरिया ॥ ५६४ ॥
दक्षिणादिशातः भरतो हैमवतः हरिविदेहरम्यश्च ।
हैरण्यवदैरावतवर्षाः कुलपर्वतांतरिताः ॥ ५६४ ॥

अर्थ—तिन मेरुनिका दक्षिण दिशातैं लगाय क्रमतैं भरत १ हैमवत १ हरि १ विदेह १ रम्यक १ हैरण्यवत १ ऐरावत १ ऐसैं ए वर्ष क्षेत्र हैं । ते ए वाँचि वाँचि हिमवत आदि कुलाचलनिकारि अंतरालकौ धरै हैं । भरत हैमवतकै वीचि हिमवत कुलाचल है, हैमवत हरिके वीचि महाहिमवत है । ऐसैं ही सात क्षेत्रनिकै वीचि छह कुलाचल जाननैं । जंबूदीपघातुकीखंड पुष्करार्धविषै मेरुक्षेत्र कुलाचल ऐसैं जाननैं ॥ ५६४ ॥

आगैं तिन कुलाचलनिका नामादिक गाथा दोय कारि कहैं हैं;—

हिमवं महादिहिमवं गिसहो णीलो य रुम्मि सिहरी य ।
मूलोवरि समवासा मणिपासा जलणिहिं पुट्ठा ॥ ५६५ ॥
हिमवान् महादिहिमवान् निषधः नीलश्च रुक्मी शिखरी च ।
मूलोपरि समव्यसा मणिपार्श्वा जलनिधिं स्पृष्टाः ॥ ५६५ ॥

अर्थ—हिमवत १ महाहिमवत १ निषध १ नील १ रुक्मी १ शिखरी १ ए छह कुलाचल हैं । ते ए सर्व मूलतैं उपरि पर्यंत सर्वत्र समान व्यासकौ धरैं हैं । भीति समान नीचै तैं उपरि-पर्यंत समान चौड़े हैं । बहुरि मणि पार्श्वाः कहिए जिनका अंत प्रदेशमणिमय हैं । बहुरि ते समुद्रकौं स्पर्शैं हैं । जिनका दोऊ पार्श्व समुद्रकौं स्पर्श करि रहे हैं । तहां जंबूदीपविषै कुलाचलनिके दोऊ पार्श्व लवण समुद्र हीकौं स्पर्शैं हैं । धातुकी खंडविषै लवणोद कालोद समुद्रकौं स्पर्शैं हैं । पुष्करार्धविषै कालोद समुद्र मानुषोत्तर पर्वतकौं स्पर्शैं हैं इतनां जाननां ॥ ५६५ ॥

हेमज्जुणतवणीया कमसो वेलुरियरजदहेममया ।
इगिदुगचउचउदुगइगिसयतुंगा हौंति हु क्रमेण ॥ ५६६ ॥
हेमार्जुनतपनीयाः क्रमशः वैडूर्यरजतहेममयाः ।

एकद्विकचतुश्चतुर्द्विकैकशततुंगा भवति हि क्रमेण ॥ ५६६ ॥

अर्थ—हिमवत् आदि कुलाचल हेम कहिए सुवर्ण समान वर्ण धरै है महाहितवत् अर्जुन कहिए रूपासमान श्वेतवर्ण धरै है निषध तपनीय कहिए ताया सोनां समांन कूकड़ाकी किलंगी सदृश वर्ण धरै है । नील वैडूर्य कहिए पनां समान मोरका कंठ सदृश वर्ण धरै है । रुक्मी रजत कहिए रूपा समान श्वेतवर्ण धरै है । शिषरी हेम कहिए सोना समान वर्ण धरै है । ऐसैं ए पर्वतनिके क्रमतैं वर्ण हैं । बहुरि हे हिमवत् आदि पर्वतनिका क्रमतैं एकसौ दोयसै च्यारिसै दोयसै एकसौ योजन उचाईका प्रमाण है ॥ ५६६ ॥

अब हिमवत् आदि कुलाचलनिकै उपरि तिष्ठै है द्रह तिनके नाम कहैं हैं;—

पञ्चमाय महापञ्चमा तिर्गिच्छ केसरि महादिपुण्डरिया ।

पुंडरिया य द्वाओ उवारि अणुपञ्चदायामा ॥ ५६७ ॥

पद्मो महापद्मः तिर्गिच्छः केसरिः महादिपुंडरीकः ।

पुंडरीकश्च हृदा उपरि अनुपर्वतायामाः ॥ ५६७ ॥

अर्थ—तिन हिमवत् आदि पर्वतनिकै उपरि क्रमते पद्म १ महापद्म १ तिर्गिच्छ १ केसरि १ महा पुंडरीक १ पुंडरीक १ ए द्रह हैं ते पर्वत अनुसारि हीन अधिक लम्बाईका प्रमाण धरै तिष्ठै हैं ॥५६७ ॥

आगै तिन द्रहनिका व्यासादिककौ प्रतिपादन करत संता तिन द्रहनिविपै तिष्ठते कमल तिनका स्वरूपकौ निरूपै हैं;—

वासायामोगाढं पणदसदसमहदपञ्चदुदयं खु ।

कमलस्सुदओ वासो दोविय गाहस्स दसभागो ॥ ५६८ ॥

व्यासायामागाधाः पंचदशदशमहत्पर्वतोदयाः खलु ।

कमलस्योदयः व्यासः द्वावपि गाधस्य दशभागौ ॥ ५६८ ॥

अर्थ—तिन द्रहनिका व्यास अर आयाम अर अगाध क्रमते अपने अपने पर्वतकी उचाईते पांच गुणां दशगुणां दशवै भाग प्रमाण जाननें । भावार्थ—हिमवत आदि पर्वतनिका उचाईका प्रमाण एक सौ दोयसै च्यारिसै च्यारिसै दोयसै एकसौ योजन प्रमाण है । तीहस्यौ पांच गुणा पद्मादि द्रहनिकी चौड़ाईका प्रमाण जाननां । सो क्रमते पांचसै हजार दोय हजार दोय हजार हजार पांचसै योजन प्रमाण चौड़े हैं । बहुरि दश गुणां लंबाईका प्रमाण जाननां । सो क्रमते एक हजार दोय हजार च्यारि हजार च्यारि हजार दोय हजार एक हजार योजन प्रमाण लंबे हैं । बहुरि दशवै भागि ऊंडाईका प्रमाण जाननां । सो क्रमते दश वीस चालीस चालीस वीस दश योजन प्रमाण ऊंडे हैं । बहुरि तिन द्रहनिविपै कमल हैं । तिनका उचाईका प्रमाण अर चौड़ाईका प्रमाण दोऊ अपने अपने द्रहका अगाध प्रमाणकै दशवै भाग प्रमाण है । सो पद्मादि द्रहनिविपै क्रमते एक दोय च्यारि च्यारि दोय एक योजन प्रमाण कमल ऊंचे अर इतनेही चौड़े जाननें ॥ ५६८ ॥

आगै तिन कमलनिका विशेषस्वरूप गाथा दोय करि कहै हैं;—

णियगंधवासियदिसं वेलुरियविणिम्मिउच्चणालजुदं ।

एकारसहस्सदलं णववियसियमत्थि दहमज्जे ॥ ५६९ ॥

निजगंधवासितदिशं वैडूर्यविनिर्मितोच्चनाल्युतम् ।

एकादशसहस्रदलं नवविकसितमस्ति हृदमध्ये ॥ ५६९ ॥

अर्थ—निज सुगंध करि वासित करी है दिशा जानै ऐसा बहुरि वैडूर्यमणि करि निर्मापित जो ऊंची नाली तीह करि संयुक्त बहुरि ग्यारह अधिक एक हजार पत्र जाकै पाईए बहुरि नवाविकसायमान सारिखा ऐसा कमल तिन द्रहनिकै मध्य हैं । सो कमल पृथ्वी साररूप है वनस्पर्तारूप नाहीं हैं ॥ ५६९ ॥

आगैँ इस ही अनुसारि गुण धरैँ प्रक्षेप गाथा है;—

दहमज्जे अरविंदयणालं वादालकोसमुच्चिटं ।

इगिकोसं वाहल्लं तस्स मुणालं तु रज्जदमयं ॥ ५७० ॥

हदमध्ये अरविंदकनालं द्वाचत्वारिंशत्कोशोत्सेधम् ।

एककोशं वाहल्यं तस्य मृणालं त्रिः रजतमयम् ॥ ५७० ॥

अर्थ—पद्मद्रहकै मध्य कमलकी नाली वियालीस कोश ऊंची है एक कोश मोटी है। वहुरि तिसका मृणाल तीन कोशका मोटा रूपामई श्वेतवर्ण है ॥ ५७० ॥

कमलदलजलविणिग्गयतुरियुदयं वास कण्णियं तत्थ ।

सिरिरयणगिहं दिग्घति कोसं तस्सद्धमुभयजोगदलं ॥ ५७१ ॥

कमलदलजलविनिर्गततुर्योदयः व्यासः कर्णिकायाः तत्र ।

श्रीरत्नगृहं दैर्घ्यत्रिकं क्रोशः तस्यार्धमुभययोगदलं ॥ ५७१ ॥

अर्थ—कमलका उत्सेधका अर्द्ध प्रमाण सोही नालीकी जल विनिर्गति है । भावार्थ—वियालीस कोश नाली ऊंची है ताके साढ़ा दश योजन भए । तहां दश योजन तौ नाली जलविपै मग्न है अर आध योजन नाली जलतैँ उपरि है सोई कमलकी उचाई एक योजन कही थी । ताका आधा प्रमाण आध योजन है । वहुरि तिस कमलकी जो कर्णिका ताकी उचाई व चौड़ाई कमल चतुर्धा प्रमाण है सो कमल एक योजन उदय व्यास धरै ताकी चौथाई एक कोश प्रमाण कर्णिकाका उदयवा व्यास जाननां । वहुरि तिस कर्णिका उपरि श्रीदेवीका रत्नमई मंदिर है । तिस मंदिरका दीर्घ त्रिक कोश ताका आधा उभय योगका आधा प्रमाण है । भावार्थ—श्रीदेवीका मंदिर एक कोस लंबा है । आध कोश चौड़ा है पौण कोश ऊंचा है । ऐसैँ पद्म द्रहविपै कथन किया, अन्य द्रहनिविषै ऐसैँ ही कथन जानने प्रमाण यथा संभव जाननां ॥ ५७१ ॥

आगैँ तिन द्रहनिविषै जे कमल तिनविपै जे देवी वसै हैं तिनके नाम वा तिनका स्थिति-पूर्वक तिनका परिवार कहैँ हैं;—

सिरि हिरि धिदि किच्चीवि य बुद्धी लच्छी य पल्लठिदिगाओ ।

लक्खं चत्तसहस्सं सयदहपण पउमपरिवारा ॥ ५७२ ॥

श्रीः हीः धृतिः कीर्तिः अपि च बुद्धिः लक्ष्मीः च पल्यस्थितिकाः ।

लक्षं चत्वारिंशत्सहस्रं शतदशपंच पद्मपरिवारः ॥ ५७२ ॥

अर्थ—पद्मादि द्रह संबंधी कमलनिकैविपै क्रमतैँ श्री १ ही १ धृति १ कीर्ति १ बुद्धि १ लक्ष्मी १ ए हैं नाम जिनके ऐसी देवांगना वसै हैं । ते पल्य प्रमाण आयुक्तो धरैँ हैं । वहुरि एक लाख चालीस हजार एकसो पंद्रह तिस एक कमलके परिवाररूप तिस ही द्रहविषै अन्य कमल हैं ॥ ५७२ ॥

आगैँ तिन परिवार कमलनिविषै तिष्ठता श्रीदेवीका परिवार ताहि गाथा करि च्यारि कहैँ हैं;—

आइच्चचंदजदुपहुदीओ तिप्परिसमग्गिजमणिरुदी ।

बच्चीस ताल अडदाल सहस्सा कमलममरसमं ॥ ५७३ ॥

आदित्यचंद्रजतुप्रभृतयः त्रिपारिपदाः अग्नियमनैर्ऋत्यां ।

द्वात्रिंशत् चत्वारिंशत् अष्टचत्वारिंशत्सहस्राणि कमलानि अमरसमानि ॥ ५७३ ॥

अर्थ—आदित्य १ चन्द्र १ जतु इनको आदि दे करि जे तीन प्रकार परिपद देव हैं ते मूल कमलतें अग्नि यमनै ऋति दिशानिविषै तिष्ठै हैं । ते अभ्यन्तर परिपद देव वत्तीस हजार हैं । मध्य परिपद देव चालीस हजार हैं । बाह्य परिपद देव अठतालीस हजार हैं । बहुरि तिनके रहनेके कमल तिन देवानिकै समान जाननें । एक एक कमल उपरि एक एक परिपद देवका मंदिर है ५७३

आणीयगेहकमला पच्छिमदिसि सग गयस्सरह्वसहा ।

गंधव्यणचपत्ती पत्तेयं दुगुण सत्तकखजुदा ॥ ५७४ ॥

आनीकगेहकमलानि पश्चिमदिशि सप्त गजाश्वरथवृषभाः ।

गंधर्वनृत्यपत्तयः प्रत्येकं द्विगुणसप्तकक्षयुताः ॥ ५७४ ॥

अर्थ—आनीक जातिके देवानिके मंदिर सहित सात कमल मूल कमलतें पश्चिम दिशाविषै है ते आनीक हाथी १ घोड़ा १ रथ बैल १ गंधर्व १ नृत्यकी १ पयादा १ ऐसैं सात प्रकार हैं । तहां एक एक आनीकविषै सात सात कक्ष हैं । तहां प्रथम कक्षविषै अपनां सामानिकनिके समान च्यारि हजार हैं । बहुरि द्वितीयादि कक्षविषै दूणा दूणा प्रमाण जाननां ॥ ५७४ ॥

उत्तरदिसि कोणदुगे सामाणियकमल चदुसहस्समदो ।

अवभंतरे दिसं पडि पुह तेत्तियमंगरखपासादा ॥ ५७५ ॥

उत्तरदिशि कोणद्विके सामानिककमलानि चतुःसहस्रमतः ।

अभ्यंतरे दिशं प्रति पृथक् तावन्मात्रांगरक्षप्रासादाः ॥ ५७५ ॥

अर्थ—उत्तर दिशाका भागविषै तिष्ठते दोऊ कोण तिनविषै सामानिक देवानिके कमल च्यारि हजार हैं । बहुरि इन कमलनिके अभ्यन्तर मूल कमलकी तरफ एक एक दिशा प्रति तिनके ही च्यारि च्यारि हजार अंगरक्षकनिके कमलनि उपरि मंदिर हैं ॥ ५७५ ॥

अवभंतरदिसि विदिसे पडिहारमहत्तरदुसयकमलं ।

मणिदलजलसमणालं परिवारं पञ्चमाणद्धं ॥ ५७६ ॥

अभ्यन्तरदिशि विदिशि प्रतिहारमहत्तराणामष्टशतकमलानि ।

मणिदलजलसमणालं परिवारं पञ्चमानार्धम् ॥ ५७६ ॥

अर्थ—तिन अंगरक्षक कमलनितें अभ्यन्तर मूल कमलकै समीप दिशा वा विदिशानिविषै प्रतीहार महत्तरनिके एक सो आठ कमल हैं । भावार्थ—एक एक दिशाविषै चौदह चौदह अर एक एक विदिशाविषै तेरह तेरह मुख्य प्रतीहारनिके कमल हैं । इहां ए कमल ऐसैं जाननें । बहुरि ए सर्व परिवार कमल मणि मई रत्ननि करि संयुक्त हैं । अर जलकी उंडाई समान ऊंची हैं नाली जिनकी ऐसे हैं । जलतें उपरि ऊंचे नाहीं हैं । बहुरि परिवार कमलनिका व्यासादिकरूप जो विशेष स्वरूप सो मुख्य कमलतें अर्द्ध प्रमाण सर्व है ॥ ५७६ ॥

सिरिगिहदलमिदरगिहं सोहम्मिदस्स सिरिहिरिधिदीओ ।

कित्ती बुद्धी लच्छी ईसाणहिवस्स देवीओ ॥ ५७७ ॥

श्रीप्रहदलमितरगृहं सौधर्मेन्द्रस्य श्रीहीधृतयः ।

कीर्तिबुद्धिलक्ष्म्यः ईशानाधिपस्य देव्यः ॥ ५७७ ॥

अर्थ—श्रीदेवीका मंदिरका जो व्यासादिक प्रमाण ताका आधा परिवारके ग्रहनिका व्यासा-
दिक प्रमाण है ऐसैं ही अन्यत्र जाननां । वहरि श्री १ ही १ धृति १ ए तीन तौ सौधर्म इंद्रकी
देवी हैं । कीर्ति १ बुद्धि १ लक्ष्मी १ ए तीन ईशान अधिपकी देवी हैं ॥ ५७७ ॥

आगैं तिन द्रहनिविषै उत्पन्न भई जे महानदी तिनके नाम गाथा दोय करि कहैं हैं;—

सरजा गंगासिंधू रोहि तहा रोहिदास णाम णदी ।

हरि हरिकांता सीदा सीदोदा णारि णरकांता ॥ ५७८ ॥

सरोजाः गंगासिंधू रोहित्था रोहितास्या नाम नदी ।

हरित् हरिकांता सीता सीतोदा नारी नरकाता ॥ ५७८ ॥

अर्थ—सरोवरनिठैं उत्पन्न भई ऐसी नदी गंगा १ सिंधु १ रोहित १ रोहितास्या १ हरित
१ हरिकांता १ सीता १ सीतोदा १ नारी १ नरकांता ॥ ५७८ ॥

सरिदा सुवण्णरूप्यकूला रक्ता तहेव रत्तोदा ।

पुच्चावरेण कमसो णाभिगिरिपदक्खणेण गया ॥ ५७९ ॥

सरितः सुवर्णरूप्यकूला रक्ता तथैव रत्तोदा ।

पूर्वापरेण क्रमशो नाभिगिरिप्रदक्षिणेन गताः ॥ ५७९ ॥

अर्थ—सुवर्णकूला १ रूप्यकूला १ रक्ता १ रत्तोदा १ ए सरितः कहिए चौदह महानदी
हैं ते क्रमतैं पूर्वैं कही गंगा रोहित सीता नारी सुवर्णकूला रक्ता ए तौ पूर्वदिशा मुख करि अर अब
शेष पीछैं कही सात नदी ते पश्चिम मुख करि क्षेत्रनिके बीचि तिष्ठते जे पर्वत तिनकी प्रदक्षिणा
करि समुद्रको प्राप्त भई हैं ॥ ५७९ ॥

आगैं तिन नदीके दोऊ तटनिका स्वरूप कहैं हैं;—

पुण्णागणागपूगीकंकेलितमालकेलितंबूली ।

लवलीलवंगमल्लीपहुदी सयलणदिदुतडेसु ॥ ५८० ॥

पुनागनागपूगीकंकेलितमालकदलीतांबूली ।

लवलीलवंगमल्लीप्रभृतयः सकलनदीद्वितटेषु ॥ ५८० ॥

अर्थ—पुनाग नागकेशर सुपारी अशोक तमाल केलि तांबूली स्थूल डोडा लवंग मालती आदि
वृक्ष समस्त नदीनिके दोऊ तटनिविषै पाइए हैं ॥ ५८० ॥

आगैं किस २ द्रहविषै ए नदी उत्पन्न भई हैं सो कहैं हैं;—

गंगादु रोहिदस्सा पउमे रत्तदु सुवण्णमंतदहे ।

सेसे दो दो जोयणदलमंतरिदूण णाभिगिरिं ॥ ५८१ ॥

गंगादे रोहितास्या पद्मे रक्तादे सुवर्णा अंतहदे ।

शेषेषु द्वे द्वे योजनदलमंतरित्वा नाभिगिरिम् ॥ ५८१ ॥

अर्थ—गंगा सिंधु रोहितास्या ए तीन नदी तौ पद्मद्रहविषै उपजी हैं। वहुरि रक्ता रक्तोदा सुवर्णकूला ए तीन नदी अंतका पुंडरीक द्रहविषै उत्पन्न भई हैं। अवशेष द्रहनिविषै दोय दोय नदी उत्पन्न भई हैं। तहां गंगा सिंधु रक्ता रक्तोदा इन च्यारि नदीविना अवशेष नदी क्षेत्रनिके बीच तिष्ठता जो नाभिगिरि ताकों आध योजन छोड़ि समुद्रको गई हैं। इहां विदेहविषै मेरुगिरिका नाम इहां नाभिगिरि जाननां। हेमवत हरि रम्यक हैरण्यवतविषै नाभिगिरि है ही सो द्रहनि सौ नदी निकसि नाभिगिरिके सन्मुख सूधी आइ आध योजन उरैतें मुड़ि तीह नाभिगिरिकी अर्द्ध प्रदाक्षिणा करि समुद्रको प्राप्त हो हैं। वहुरि भरत ऐरावतविषै नाभिगिरि नाहीं तातें गंगासिंधु रक्तारक्तोदा इनका वर्णन किया है ॥५८१॥

आगै तिनविषै गंगानदीकी उत्पत्ति अर ताके गमनका विधान गाथा तीन करि कहैं हैं;—

वज्रमुहदो जणित्ता गंगा पंचसयमेत्थ पुव्वमुहं ।

गत्ता गंगाकूटं अविपत्ता जोयणद्वेण ॥ ५८२ ॥

वज्रमुखतः जनित्वा गंगा पंचशतमत्र पूर्वमुखं ।

गत्वा गंगाकूटं अप्राप्य योजनाधेन ॥ ५८२ ॥

अर्थ—पद्मनामा द्रहका पूर्वदिशाविषै जो वज्रद्वार तीहस्यौ गंगानदी उपजि-निकसि करि इस हिमवत् पर्वतकै ऊपरि पूर्व दिशा सनमुख पांचसै योजन जाइ हिमवत् पर्वत उपरि गंगा नामा जो कूट है ताकों आध योजन अप्राप्त होइ गंगा कूटसौ आध योजन उरै हीतें मुड़ि करि ॥ ५८२ ॥

कहा सो कहैं हैं;—

दक्खिणमुहं चलिन्ता जोयणतेवीससहियपंचसयं ।

साहियकोसद्धजुदं गत्ता जा विविधमणिरूपा ॥ ५८३ ॥

दक्षिणमुखं चलित्वा योजनत्रयोविंशतिसहितपंचशतम् ।

साधिकक्रोशार्थयुतं गत्वा या विविधमणिरूपा ॥ ५८३ ॥

अर्थ—तहांसौ दक्षिण दिशाकै सनमुख तिस हिमवत पर्वत ही उपरि चालि करि तेईस अधिक पांचसै योजन अर साधिक आध कोश जाइ पर्वतकै तटि गई। याकी वासना कहिए हैं। भरतका प्रमाण पांचसै छवीस योजन अर छह उगणीसवां भाग ताकों दूणा किए हिमवत् पर्वतका व्यास एक हजार बावन योजन अर बारह उगणीसवां भाग तामें नदीका व्यास छह योजन एक कोश घटाए एक हजार छियालीस योजन रहे ताके तौ आधा किए पांचसै तेईस तौ योजन भए अवशेष बारहका उगणीसवां भागको चौगुणा करि क्रोश किए अठतालीस कोशका उगणीसवां भाग भया ताके दोय कोस अर दशका उगणीसवां भाग भया तामें एक कोश तौ नदीका व्यासविषै दिया अवशेष एक कोश अर दशका उगणीसवां भाग रखा ताका आधा आध कोश अर पांच उगणीसवां भाग भया। यातें पांचसै तेईस योजन अर साधिक आध कोश रखा। भावार्थ—जहां गंगानदी मुड़ी है तहां हिमवतका व्यासविषै गंगाका व्यास घटाइ अवशेष

व्याधा तौ उत्तरनै रखा अर आधा दक्षिणनै रखा सो गंगा दक्षिणदिशाकों जाइ पर्वतका तटकों प्राप्त भई । तहां पर्वतका तटविपै जिहिका नामा प्रणाली नानाप्रकार मणि मई है ॥ ५८३ ॥

कोसदुगदीहवहला वसहायारा य जिम्हिया रंदा ।

छज्जोयणं सकोसं तिस्से गंतूण पडिदा सा ॥ ५८४ ॥

क्रोशद्वयदीर्घवाहल्या वृषभाकारा च जिहिका रंदा ।

पट्योजनं सन्नोशं तस्यां गत्वा पतिता सा ॥ ५८४ ॥

अर्थ—सो जिहिका नामा प्रणाली दोय कोश लंबी है । अर दोय ही कोश वाहल्य कहिए ऊंची है । बहुरि वृषभाकारा कहिए गजमुखकै आकार है । कोश सहित छह योजन चौड़ी है । तिह प्रणालीविपै जाइ सो गंगानदी तिस हिमवत पर्वततैं पड़ी है ॥ ५८४ ॥

आगैं प्रणालीका वृषभाकारकों सार्थक करैं हैं;—

केसरिमुहसुदिजिम्भादिष्टी भूसीसपहुदिगोसारिसा ।

तेणिह पणालिया सा वसहायारेत्ति णिदिट्ठा ॥ ५८५ ॥

केशरिमुखश्रुतिजिह्वादृष्टयः भूशीर्षप्रभृतयः गोसदृशाः ।

तेनेह प्रणालिका सा वृषभाकारा इति निर्दिष्टा ॥ ५८५ ॥

अर्थ—प्रणालीकाकै मुख कान जीभ नेत्रनिका आकार तौ सिंहके समान है । अर भौह मस्तक आदिका आकार गज समान है । तीह कारण करि इहां सो प्रणालिका मुख्यपनै वृषभाकार ऐसी कही है ॥ ५८५ ॥

आगैं पड़ी जो नदी ताके पड़नेका स्वरूप गाथा पांच करि कहैं हैं;—

भरहे पणकदिमचलं मुच्चा कहलोपमा दहव्वासा ।

गिरिमूले दहगाहं कुंडं विस्तारसद्विजुदं ॥ ५८६ ॥

भरते पंचकृतिमचलं मुक्त्वा काहलोपमा दशव्यासा ।

गिरिमूले दशगाधं कुंडं विस्तारपट्टियुतम् ॥ ५८६ ॥

अर्थ—भरत क्षेत्रविपै पंचकृति कहिए पचीस योजन हिमवत् पर्वतकों छोड़ि-उरैं काहलाकै आकारि होइ दश योजनकी चौड़ाई लिं गंगानदी पड़े है । कहां पड़े है सो कहैं हैं । हिमवत पर्वतका मूलविपै दश योजन ऊंडा साठि योजन चौड़ा गोल कुंड है ॥ ५८६ ॥

मज्जे दीओ जलदो जोयणदलमुग्गओ दुघणवासो ।

तम्मज्जे वज्जमओ गिरी दसुस्सेहओ तस्स ॥ ५८७ ॥

मध्ये द्वीपः जलतः योजनदलमुद्गतः द्विघनव्यासः ।

तन्मध्ये वज्रमयः गिरिः दशोत्सेधः तस्य ॥ ५८७ ॥

अर्थ—तीह कुंडकै मध्य जलतैं उपरि आव योजन ऊंचा अर द्विघन कहिए आठ योजन चौड़ा ऐसा गोल द्वीप कहिए टापू है । तीह द्वीपकै मध्य वज्रमई दश योजन ऊंचा पर्वत है । तिस पर्वतका ॥ ५८७ ॥

कहा सो कहै है;—

भूमज्जगो वासो चतु दुगि सिरिगेहमुवारि तच्वासो ।

चावाणं तिदुगेकं सहस्समुदओ दु दुसहस्सं ॥ ५८८ ॥

भूमध्याप्रे व्यासः चतुःद्विकं एकं श्रीगेहमुपरि तद्व्यासः ।

चापानां त्रिद्विकैकं सहस्रमुदयस्तु द्विसहस्रम् ॥ ५८८ ॥

अर्थ—भूमध्य अग्रविषै व्यास च्यारि दोय एक योजनका व्यास है । भावार्थ—सो पर्वत नीचै च्यारि योजन मध्यविषै दोय योजन उपरि एक योजन चौडा है । वहुरि तिह पर्वतकै उपरि श्री देवाका मंदिर है । तिस श्रीमंदिरका चापनिका तीन दोय एक सहस्र है । उदय दोय सहस्र है । भावार्थ—श्रीमंदिर नीचै तीन हजार मध्यविषै दोय हजार उपरि एक हजार धनुष प्रमाण चौडा है । अर दोय हजार धनुष ऊंचा है ॥ ५८८ ॥

पणसयदलं तदंतो तद्वारं ताल वास दुगुणुदयं ।

सव्वत्थ धणू णेयं दोण्णि कवाला य वज्जमया ॥ ५८९ ॥

पंचशतदलं तदंतरं तद्वारं चत्वारिंशत् व्यासं द्विगुणोदयं ।

सर्वत्र धनुः ज्ञेयं द्वौ कपाटौ च वज्रमयौ ॥ ५८९ ॥

अर्थ—तिस श्रीमंदिरका अम्यंतरविषै व्यास पांचसै अर ताका आधा प्रमाण है । भावार्थ—अम्यंतर श्रीदेवीका मंदिर सादा सातसै धनुष प्रमाण चौडा है । वहुरि तिसका द्वार चालीस व्यास दूणा उदय संयुक्त है । भावार्थ—श्रीमंदिरका द्वार चालीस धनुष चौडा असी धनुष ऊंचा है । ऐसै सर्वत्र श्रीमंदिरका प्रमाण धनुष प्रमित जानना । तिह द्वारकै दोय वज्रमई कपाट है ५८९ ॥

सिरिगिहसीसठियं बुजकण्णियसिंहासनं जडामकुटं ।

जिणमभिसेत्तुमणा वा ओदिण्णा मत्थए गंगा ॥ ५९० ॥

श्रीगृहशीर्षस्थितांबुजकर्णिकासिंहासनं जटामकुटं ।

जिनमभिषेक्तुमना वा अवतीर्णा मस्तके गंगा ॥ ५९० ॥

अर्थ—श्रीमंदिरका मस्तक उपरि तिष्ठता कमलकी कणिकाविषै तिष्ठता सिंहासन जटा मुकुट जिनविंव ताहि अभिषेक करनेका मानौ याका मन है ऐसै जिनविंवके मस्तक उपरि गंग अवतरै है । भावार्थ—श्रीमंदिरकै उपरि कमल है ताकी कर्णिका उपरि सिंहासन है । तहां जिनविंव विराजै है । ताकै उपरि सो गंगा नदी तिस पर्वतसौ पड़े है ॥ ५९० ॥

आगै कुंडसौ निकसि चाली जो गंगा ताका स्वरूपको वा तीहका स्थान स्वरूपको गाथा छह करि कहै है;—

कुंडादो दक्खिणदो गत्ता खंडप्पवादणामगुहं ।

अडजोयणवित्थिण्णा विणिग्गया कुदवहिद्दादो ॥ ५९१ ॥

कुंडात् दक्षिणतः गत्वा खंडप्रपातनामगुहाम् ।

ब्रह्मयोजनविस्तीर्णा विनिर्गता कुतपाधस्तात् ॥ ५९१ ॥

अर्थ—कुंडसों निकसि दक्षिण दिशा सनमुख सूधी जाइ विजयार्द्ध नामा पर्वतकी खंड प्रपात नामा गुफा ताकी कुतप कहिए देहली ताकै नीचै होय तिस गुफाविषै प्रवेश करि आठ योजन चौडी होत संती गंगा तिस ही गुफाका उत्तर द्वारकी कुतप कहिए देहली तीहकै नीचै होइ करि ही सो गंगा तिस गुफातै वारै निकसै है ॥ ५९१ ॥

दारगुहुच्छयवासा अड वारस पच्चदं व दीहत्तं ।

वज्जछवासकवाडदु वेयडगुहा दुगुभयते ॥ ५९२ ॥

द्वारगुहोच्छ्रयव्यासौ अष्ट द्वादश पर्वत इव दीर्घत्वं ।

वज्रषट्क्यासकपाटद्वयं विजयार्धगुहा द्विकोभयांते ॥ ५९२ ॥

अर्थ—गुफाका द्वार अर गुफा ताकी उचाई तौ प्रत्येक आठ योजन है अर चौडाई बारह योजन है । बहुरि विजयार्ध पर्वतकी चौडाईका जो प्रमाण तितनां ही गुफाका लंबाईका प्रमाण पचास योजन है । बहुरि विजयार्द्धकी गुफाके दोऊ अंत द्वारनिविषै प्रत्येक छह छह योजन चौडे दोय वज्र मई कपाट हैं ॥ ५९२ ॥

उम्मगगणिमगणदी गुहमज्जगकुंडजा दु पुच्चवरे ।

जोयणदुगदीहाओ पुसंति उभयंतदो गंगं ॥ ५९३ ॥

उन्मग्ननिमग्ननद्यौ गुहामध्यगकुंडजे तु पूर्वापरस्याम् ।

योजनद्वयदैर्घ्ये स्पृशतः उभयांततः गंगाम् ॥ ५९३ ॥

अर्थ—उन्मग्न निमग्ननदी पूर्व पश्चिमविषै गुफा मध्यके कुंडतै उपजि दोऊ तटतै दोय योजन चौडी होत संती गंगाकौ स्पृशै हैं । भावार्थ—गुफाकी पूर्व पश्चिमविषै भीतिकै निकटि दोय कुंड हैं । तिनतै उन्मग्न अर निमग्न नामा नदी उपजै हैं । सो तहांसौं चालि सूधी गंगाके दोऊ तटनिविषै आइ गंगाविषै प्रवेश करै हैं । ते नदी दोय योजन चौडी हैं ॥ ५९३ ॥

णियजलपवाहपडिदं द्ध्वं गुरुगंपि णेदि उवरि तडं ।

जम्हा तम्हा भण्णदि उम्मग्गा वाहिणी एसा ॥ ५९४ ॥

निजजलप्रवाहपतितं द्रव्यं गुरुकमपि नयति उपरि तटम् ।

यस्मात् तस्मात् भण्यते उन्मग्गा वाहिनी एषा ॥ ५९४ ॥

अर्थ—अपनां जलका प्रवाहविषै पड्या हुवा भारा भी द्रव्यकों जातै उपरि तटहीकौ प्राप्त करै डूबनै दे नाहीं तातै यह उन्मग्ननामा नदी कहिए हैं ॥ ५९४ ॥

णियजलभरउवरि गदं द्ध्वं लहुगंपि णेदि हिहम्मि ।

जेणं तेणं भण्णदि एसा सरिया णिमगंति ॥ ५९५ ॥

निजजलभरोपरि गतं द्रव्यं लघुकमपि नयति अधस्तनं ।

येन तेन भण्यते एषा सरित् निमग्गा इति ॥ ५९५ ॥

अर्थ—अपनां जलका प्रवाहकै उपरि प्राप्त भयां हलका भी द्रव्यकों नीचै प्राप्त करै है । डूबोवै है । जिह कारण करि तीहसों या नदी निमग्गा ऐसी कहिए है ॥ ५९५ ॥

ततो दक्षिणभरहस्सद्धं गंतूण पुव्वदिसवदणा ।

मागहद्वारांतरदो लवणसमुद्धं पविट्ठा सा ॥ ५९६ ॥

ततो दक्षिणभरतस्यार्धं गत्वा पूर्वादिशावदना ।

मागवद्वारांतरतः लवणसमुद्धं प्रविश्या सा ॥ ५९६ ॥

अर्थ—तीह गुफासों निकसि करि दक्षिण भरतका अर्द्ध पर्यंत तौ सूर्या दक्षिण सन्मुख ही गई सो एकसौ उगणीस योजन अर तीन अठतीसवां भाग प्रमाण गई । कैसैं ? भरतका प्रमाणमें ५२६।६ ÷ १९ सौं विजयार्द्धका व्यास ५० घटाइ अवशेष ४७६।६ ÷ १९ आधा किए २३८।१ ÷ १९ दक्षिण भरतका प्रमाण हो है । ताका आधा किए ११९।३ ÷ १९ अर्ध दक्षिण भरतका प्रमाण हो है । बहुरि तीह अर्द्ध दक्षिण भरत ताई आय मुडि करि पूर्व दिशाकों सनमुख होइ द्वीपके कोटका मागव नामा द्वार ताकै मांहीं जाय सो गंगा लवण समुद्रकों प्रवेश करै है ॥ ५९६ ॥

अत्र सिन्धुनदीके स्वरूपकों निरूपै है;—

गंगासमा सिंधुणदी अवरमुद्दा सिंधुकूटविणिवित्ता ।

तिमिसगुहादवरंबुद्धिमिया पभासकखदारादो ॥ ५९७ ॥

गंगासमा सिंधुनदी अपरमुखा सिंधुकूटविनिवृत्ता ।

तिमिसागुहादपरांबुद्धिमिता प्रभासाख्यद्वारतः ॥ ५९७ ॥

अर्थ—गंगाविषै जो वर्णन कइया तीह समान ही सिंधु नदी है । सो सर्व वर्णन सिंधुविषै जाननां । इतनां विशेष, जो यह सिंधु नदी पद्मद्रहके पश्चिम द्वारतें निकसि पश्चिम सनमुख सिंधु कूटतें उरें मुडि करि पर्वत पर्यंत आइ कुंडविषै पडि तहांसों निकसि विजयार्ध पर्वतकी तिमिश्र नामा गुफाविषै प्रवेश करि तहांसों निकसि जंबूद्वीपके कोटका प्रभास नाम द्वारतें पश्चिम समुद्रकों प्राप्त भई । और सर्व वर्णन गंगावत जाननां ॥ ५९७ ॥

आर्ग अवशेष नदीनिका स्वरूप कहैं हैं;—

सेसा रूप्यता दहविस्थारुणचलरुंददलमुवरी ।

गंतूण दक्षिणोत्तरमणुपुट्टा पुव्ववरजलहिं ॥ ५९८ ॥

शेषा रूप्यता हृदविस्तारोनाचलरुंददलमुपरि ।

गत्वा दक्षिणोत्तरमनुस्पृष्टाः पूर्वापरजलधिम् ॥ ५९८ ॥

अर्थ—अवशेष रोहित आदि रूप्यकूलापर्यंत नदी अपनां अपनां द्रहका विस्तार करि उन जो पर्वतका विस्तार ताका आधा प्रमाण ताई पर्वतके ऊपरि दक्षिण उत्तर सनमुख जाइ पीछें क्षेत्रविषै आधक्षेत्र ताई सूर्या जाइ नाभिगिरिके उरेंतें मुडिकरि पूर्व पश्चिम संमुख होइ पूर्व पश्चिम समुद्रकों प्रवेश करै है । तहां भरतक्षेत्रका जो प्रमाण ५२६।६ ÷ १९ ताकों दोय आठ बत्तीस बत्तीस आठ दोय जो हिमवत् आदिकी शलाका तिन करि क्रमतें गुणें हिमवत् १०५२।१२ ÷ १९ महाहिमवत् ४२१०।१० ÷ १९ निपद्म १६८४२।२ ÷ १९ नील १६८४२।२ ÷ १९ रुक्मी ४२१०।१० ÷ १९ शिपरी १०५२।१२ ÷ १९ का विस्तार हो है यामें अपने अपने द्रहके विस्तारका प्रमाण

५००।१०००।२०००।२०००।१०००।५०० घटाएं जो अवशेष रहे ५५२।११÷१९
 ३२१०।१०÷१९। १:४८४।२÷१९। १:४८४।२÷१९। ३२१०।१०÷१९। ५५२।१२
 ÷१९ ताका आधा किए जो प्रमाण होय २७६।६÷१९।१६०५।५÷१९।७४२।१।१÷१९
 ७४२।१।१÷१९।१६०५।५÷१९।२७६।६÷१९ तितनी दूर तो नदी पर्वत उपरि आवै है। पीछे
 अपना अपना क्षेत्रविषै होइ समुद्रको प्रवेश करै है। भावार्थ-रोहित नदी महापद्म द्रहके दक्षिण द्वारतैं
 निकासि सूधी महा हिमवतके तटपर्यंत सोलहसै पांच योजन उगणीसवां भाग ताई आइ हैमवत
 क्षेत्रविषै कुंडविषै पड़ि तहांतैं निकासि सूधी नाभिगिरिके उरैं ताई आइ मुडि पूर्व सनमुख होइ समुद्र-
 विषै प्रवेश करै है। वहुरि रोहितास्या नदी पद्मद्रहके उत्तर द्वारतैं निकासि सूधी हिमवतके तट
 पर्यंत दोयसै छिहंतिरि योजन छह उगणीसवां भाग ताई आइ हैमवत क्षेत्रविषै कुंडविषै पड़ि
 निकासि सूधी नाभिगिरिके उरैं ताई जाइ मुडि करि पश्चिम सन्मुख होइ समुद्रविषै प्रवेश करै है। वहुरि
 हरित नदी तिगिंछ द्रहके दक्षिण द्वारतैं निकासि सूधी निपद्मके तटपर्यंत चहौत्तरिसै इकईस
 योजन एक उगणीसवां भाग ताई आइ हरि क्षेत्रविषै कुंडविषै पड़ि निकासि सूधी नाभिगिरिके उरैं
 ताई जाइ मुडि करि पूर्व सनमुख होइ समुद्रविषै प्रवेश करै है। वहुरि हरिकांता नदी महापद्म
 द्रहके उत्तर द्वारतैं निकासि सूधी महा हिमवतके तट पर्यंत सोलहसै पांच योजन पांच उगणीसवां
 भाग ताई आइ हरिक्षेत्रविषै पड़ि निकासि सूधी नाभिगिरिके उरैं ताई जाइ मुडि करि पश्चिम
 सन्मुख होइ समुद्रविषै प्रवेश करै है। वहुरि सीता नदी केसरि द्रहके दक्षिण द्वारतैं निकासि
 सूधी नील पर्वतके तटपर्यंत चहौत्तरिसै इकईस योजन एकका उगणीसवां भाग पर्यंत आइ विदेह
 क्षेत्रविषै कुंडविषै पड़ि सूधी मेरुगिरिका उरां ताई आइ मुडि पूर्व सनमुख होइ इस समुद्रविषै
 प्रवेश करै है। वहुरि सीतोदा नदी तिगिंछ द्रहके उत्तर द्वारतैं निकासि सूधी निपद्मका तटपर्यंत
 चहौत्तरिसै इकईस योजन एकका उगणीसवां भाग ताई आइ विदेह क्षेत्रविषै कुंडविषै पड़ि सूधी
 मेरुगिरिका उरां ताई जाइ मुडि पश्चिम सन्मुख होइ समुद्रविषै प्रवेश करै है। वहुरि नारी नदी
 महापुंडरीक द्रहके दक्षिण द्वारतैं निकासि सूधी रुक्मी पर्वतका तट पर्यंत सोलहसै पांच योजन
 पांच उगणीसवां भाग पर्यंत आइ रम्यक क्षेत्रविषै पड़ि निकासि सूधी नाभिगिरिका उरां ताई
 जाइ मुडि पूर्व सन्मुख होइ समुद्रविषै प्रवेश करै है। वहुरि नरकांता नदी केसरी द्रहके उत्तर
 द्वारतैं निकासि सूधी नील पर्वतका तट पर्यंत चहौत्तरिसै इकईस योजन एकका उगणीसवां भाग
 ताई आइ रम्यक क्षेत्रविषै कुंडविषै पड़ि निकासि सूधी नाभिगिरिका उरां ताई मुडि पश्चिम
 सनमुख होइ समुद्रविषै प्रवेश करै है। वहुरि सुवर्ण कूळ नदी पुंडरीक द्रहके दक्षिण द्वारतैं निकासि
 सूधी शिखरी पर्वतका तट पर्यंत दोयसै छिहंतिरि योजन छह उगणीसवां भाग पर्यंत आइ हैरण्य-
 वत क्षेत्रविषै कुंडविषै पड़ि निकासि सूधी नाभिगिरिका उरां ताई आइ मुडि करि पूर्व सनमुख
 होइ इस समुद्रविषै प्रवेश करै है। वहुरि रूप्य कूळ नदी महापुंडरीक द्रहके उत्तर
 द्वारतैं निकासि सूधी रुक्मी पर्वतका तट पर्यंत सोलहसै पांच योजन पांच उगणीसवां भाग ताई आइ
 हैरण्यवत क्षेत्रविषै कुंडविषै पड़ि निकासि सूधी नाभिगिरिका उरां ताई जाइ मुडि करि पश्चिम

सनमुखः होइ समुद्रविषै प्रवेश करै है । इहां पर्वत उपरि नदी आवेन आदिविषै योजननिका प्रमाण जंबूद्वीप अपेक्षा कक्षा है अन्यत्र धातुकीखंड पुष्करार्धविषै प्रमाण भी ऐसे ही यथासंभव जाननां ॥ ५९८ ॥

आर्गे रक्ता रक्तोदा आदि नदीनिका प्रणालिका आदिकका प्रमाण कहै हैं;—

गंगादुगं च रक्तारक्तोदा जिम्हियादियाः सव्ये ।

सेसामं पि य पेया तेचि विदेहोत्ति दुगुणकमा ॥ ५९९ ॥

गंगादिकं च रक्तारक्तोदा जिहिकादिका सर्वे ।

शेषाणामपि च ज्ञेयाः तेषि विदेहांतं द्विगुणकमाः ॥ ५९९ ॥

अर्थ—गंगादिक जो गंगासिंधु तिनका जैसे वर्णन किया तैसे ही रक्ता रक्तोदाका वर्णन जाननां । विशेष इतना पद्मद्रहकी जायगा पुंडरीक द्रह कहनां हिमवत पर्वतकी जायगा शिखरी कहनां । बहुरि अवशेष जिहिका आदि प्रमाण विशेष समान जाननें । बहुरि सर्व अवशेष नदीनिके भी प्रणालिका कुंड आदि विशेषनिका व्यासादिकका प्रमाण सो भरत ऐरावत संबंधी नदीनिर्ते अनुक्रमते विदेह संबंधी नदीपर्यंत दूणा दूणा जाननां ॥ ५९९ ॥

आर्गे तिन नदीनिके तीरनिका स्वरूप गाथा दोग करि कहै हैं;—

गंगदु रक्तदु वासाः सपादच्छणिगमे विदेहोत्ति ।

दुगुणा दसगुणमंते गाहो विस्तार पणंसो ॥ ६०० ॥

गंगाद्वयोः रक्ताद्वयोः व्यासाः सपादपट् निर्गमे विदेहांतम् ।

द्विगुणा दशगुणा अंते गाधः विस्तारः पंचाशदंशः ॥ ६०० ॥

अर्थ—आर्गे तिन नदीनिका विस्तार कहै हैं । गंगादिक कहिए गंगासिंधु अर रक्तादिक कहिए रक्तारक्तोदा इनका व्यास जो चौड़ाईका प्रमाण सो निर्गमे कहिए द्रहसौ निकसिते सवा छह योजन है । अर अन्य नदीनिका विदेह संबंधी नदीनि पर्यंत दोग दोग नदीनिका दूणा दूणा क्रमते है । बहुरि सर्व नदीनिका अंते कहिए समुद्रविषै प्रवेश करनेविषै द्रहते निकसनेते दशगुणा व्यास है । जैसे गंगाका साढा वासठियोजन बहुरि सर्व नदीका गाध कहिए उड़ाईका प्रमाण सो अपने अपने व्यासके प्रमाणते पचासवें भाग प्रमाण है जैसे गंगाका आधयोजन । ऐसे ही अन्यनदीनिका जाननां ॥ ६०० ॥

णदिणिगमे पवेसे कुंडे अण्णत्थ चावि तोरणयं ।

विबजुदं खवरिं तु दिक्कणावाससंजुत्तं ॥ ६०१ ॥

नदीनिर्गमे प्रवेशे कुंडं अन्यत्र चापि तोरणकम् ।

विब्रयुतं उपरि तु दिक्कन्यावाससंयुक्तम् ॥ ६०१ ॥

अर्थ—नदीनिका निर्गमे कहिए निकसनेका द्रहका द्वार अर प्रवेश कहिए समुद्रविषै प्रवेश करनेका द्वारके कोटका बहुरि कुंड कहिए कुंडते निकसनेका द्वार बहुरि अन्यत्रापि कहिए और भी जायगां इनविषै उपरि जिन विब्र करि संयुक्त अर दिक्कुमारीनिके मंदिरनि करि संयुक्त तोरण है ॥ ६०१ ॥

आगँ पूर्व कहे जे वर्ष अर वर्षधर पर्वत तिनके विस्तारका प्रमाण ल्यावनेविषै कारणसूत्र कहै हैं;—

तत्तोरणवित्थारो सगसगणदिवाससरिसगो उदंओ ।
 वासादु दिवडूगुणो सव्वत्थ दलं हवे गाहो ॥ ६०२ ॥
 तत्तोरणविस्तारः स्वकस्वकनदीव्याससदृशकः उदयः ।
 व्यासात् द्वयर्धगुण्यः सर्वत्र दलं भवेत् गाधः ॥ ६०२ ॥

अर्थ—तिन तोरणद्वारनिका विस्तार जो चौड़ाईका प्रमाण सो तौ अपनां अपनां नदीका व्यास समान है । बहुरि व्यासतै ज्यौढ गुणां उदय कहिए उचाईका प्रमाण है । जैसे गंगाद्विकका निर्गम द्वारका तोरण सवा छह योजन चौड़ा अर नव योजन तीन आठवां भाग प्रमाण ऊंचा है । ऐसै ही अन्यत्र जाननां । बहुरि सर्वत्र तोरणनिका गाध कहिए उड़ाई नीव ताका प्रमाण तौ आध योजन प्रमाण है । इन गंगा आदि नदीनिका ऐसै गमनादि जाननां ॥ ६०२ ॥

ऐसै कह्या त्रैराशिक करि ल्याया हुवा भरत क्षेत्रविषै व्यासको कहै हैं;—

विजयकुलद्दी दुगुणा उभयंतादो विदेहवस्सोचि ।
 गुणपिंडदीवसगगुणगारो हु पमाणफलइच्छा ॥ ६०३ ॥
 विजयकुलाद्रयः द्विगुणा उभयांततः विदेहवर्षान्तं ।
 गुणपिंडद्वीपस्वकगुणकारो हि प्रमाणफलेच्छाः ॥ ६०३ ॥

अर्थ—विजय कहिए क्षेत्र अर कुलाचल पर्वत ते दोऊ दक्षिण उत्तर दिशातै क्रमतै विदेह क्षेत्र पर्यंत दूणे दूणे हैं । तहां गुणकारका पिंड अर द्वीप अर स्वकीय गुणकार इनको प्रमाण फल इच्छा कीजिए इसतै त्रैराशिक करि तिस तिस क्षेत्र वा पर्वतनिका विस्तार जो चौड़ाईका प्रमाण सो ल्यावनां । भावार्थ—सर्व गुणकारनिका जोड़ दिए एकसौ निवै होइ सो तौ सर्वत्र प्रमाण राशि करिए । बहुरि जंबूद्वीपका व्यास लाख योजन सो सर्वत्र फलराशि करिए । बहुरि दोऊ तरफतै विदेह पर्यंत दूणा दूणा गुणकार सो भरतका एक हिमवत्का दोय हैमवतका च्यारि महा हिमवत्का आठ हरिका सोलह निषद्धका बत्तीस विदेहका चौसठि नीलका बत्तीस रम्यकका सोलह रुक्मीक आठ हैरप्यवतका च्यारि शिखरीका दोय ऐरावतका एक गुणकार है । सो इच्छाराशि करिए तहां फल राशिको इच्छा करि गुणि प्रमाण राशिका भाग दिए अपनां अपनां क्षेत्र वा कुलाचलका चौड़ाईका प्रमाण आवै है ॥ ६०३ ॥

आगँ तैसे ही त्रैराशिक करि सिद्ध भया विदेहके विष्कंभका अंक ताहि प्रतिपादन करता संता इहांतै उपरि कहिएगे जे विदेह क्षेत्रादिक तिनके प्रमाण ल्यावनेका विधान कहै हैं;—

भरहस्स य विक्खंभो जंबूदीवस्स णउदिसदभागो ।
 पंचसया छव्वीसा छच्च कला ऊणवीसस्स ॥ ६०४ ॥
 भरतस्य च विष्कंभो जंबूद्वीपस्य नवतिशतभागः ।
 पंचशतानि षड्विंशानि षट् च कला एकोनविशतेः ॥ ६०४ ॥

अर्थ—भरत क्षेत्रका विष्कंभ जो व्यास सो जंबूद्वीपके व्यासके एकसौ निवैवां भाग प्रमाण है । सो कैसा है ? पांचसै छत्रास योजन अर एक योजनका उगणीस भागविषै छह कला प्रमाण भरतका विष्कंभ है ॥ ६०४ ॥

चुलसीदि छतेत्तीसा चत्तारि कला विदेहविक्खंभो
णदिहीणदलं विजयावक्खारविभंगवणदीहा ॥ ६०५ ॥

चतुरशीतिः पट्त्रयस्त्रिंशत् चतस्रः कला विदेहविष्कंभः ।

नदीहीनदलं विजयवक्खारविभंगवन्दार्ध ॥ ६०५ ॥

अर्थ—चौरासी छह तेतीस इन अंकनि करि तेतीस हजार छहसै चौरासी योजन ३३६८४ अर एक योजनकी उगणीस कलाविषै च्यारि कला इतना विदेह क्षेत्रका विष्कंभ कहिए चौड़ाईका प्रमाण है । तिहकै वीचि सीता-वा सीतोदा नदीका प्रवाह है । तातै विदेह विष्कंभमेंसौं नदीका विष्कंभ घटाए अवशेषका आधाका जो प्रमाण सोई वत्तीस विदेह क्षेत्र सोलह वक्खार गिरि वारह विभंगा नदी देवारण्यादि वन इनका लंबाईका प्रमाण है । सो विदेह विष्कंभ ३३६८४४ ÷ १९ मेंसौं पांच सै योजन नदी व्यास घटाए अवशेष ३३१८४४ ÷ १९ काँ आधा किए सोलह हजार पांचसै बाणवै योजन दोयःकला तहां दीर्घताका प्रमाण होइ ॥ ६०५ ॥

अब विदेह क्षेत्रके मध्य तिष्ठता ऐसा जु मेरुगिरि ताका स्वरूपकूं कहैं हैं;—

मेरु विदेहमज्जे णवणउदिदहेकजोयणसहससा ।

उदयं भूमुहवासं उवरुवरिगवणचउक्कजुदो ॥ ६०६ ॥

मेरुः विदेहमध्ये नवनवतिदशैकयोजनसहस्राणि ।

उदयः भूमुखव्यासः उपर्युपरिगवनचतुष्कयुतः ॥ ६०६ ॥

अर्थ—विदेहका मध्य प्रदेशविषै मेरुगिरि है ताका निन्याणवै दश एक हजार योजन उदय भूमुख व्यास है । भावार्थ—मेरु निण्याणवै हजार योजनताँ ऊंचा है । मूलीविषै दश हजार योजन चौड़ा है । ऊपरि एक हजार योजन चौड़ा है । बहुरि सो मेरु उपरि उपरि कटनीविषै प्रात ऐसे जो च्यारि वन तिन करि संयुक्त है ॥ ६०६ ॥

अब वन चतुष्टयके नाम अर तिनका अंतरालकोँ प्रतिपादन करै हैं;—

भू भद्रसाल साणुग णंदणसोमणसपांडुगं च वणं ।

इगिपणघणवावत्तरिहृदपंचसयाणि गंतूणं ॥ ६०७ ॥

भुवि भद्रशालं सानुकं नंदनसौमनसपांडुकं च वनम् ।

एक पंचघनद्वासप्ततिहतपंचशतानि गत्वा ॥ ६०७ ॥

अर्थ—भद्रसाल नामा वन तौ भूगत कहिए मेरुकै मूळि पृथ्वी ऊपरि है । बहुरि नंदन सौमनस पांडुक ए वन मेरुकी कटनीविषै प्रात हैं । वीचि वीचि मेरुका विष्कंभ घटि करि जो गिरदविषै कटनी हैं तहां पाईए है । सो एक पंच घन वहत्तारि करि गुण्या हुवा पांचसै योजन

जाइ तिष्ठै है । भावार्थ—मेरुगिरिकै चौगिरद भद्रसाल नामा वन तौ पृथ्वी उपरि है । बहुरि तहांतै एक गुणित पांचसै ताका पांचसै योजन उपरि जाइ नंदनवन है । बहुरि तहांतै पंच घन एकसौ पच्चीस तीह करि गुणित पांचसै ताका वासठि हजार पांचसै योजन उपरि जाइ सौमनस वन है । बहुरि तहांतै बहत्तरि गुणित पांचसै ताका छत्तीस हजार योजन उपरि जाइ पांडुक वन है ॥ ६०७ ॥

आगैं तिन वननिविषै तिष्ठते वृक्षनिकों कहैं हैं;—

मंदारचूदचंपयचंदणघणसारमोचचोचेहिं ।

तंबूलीपूगजादीपहुदीसुरतरुहि कयसोहं ॥ ६०८ ॥

मंदारचूतचंपकचंदनघनसारमोचचोचैः ।

तांबूलीपूगजातिप्रभृतिसुरतरुभिः कृतशोभानि ॥ ६०८ ॥

अर्थ—मंदार अर आंव चंपा चंदन घनसार नालियर तांबूली सुपारी जाय इत्यादि देव संबंधी वृक्षनि करि कीनी है शोभा जिनिनै ऐसे ते वन हैं ॥ ६०८ ॥

अब और मेरुनिका वननिकै अंतराल निरूपणकरनेके मिस करि उचाईका प्रमाण कहैं हैं;—

पणसय पणसयसहियं पणवणसहस्सयं सहस्साणं ।

अट्ठावीसिदराणं सहस्सगाढं तु मेरुणं ॥ ६०९ ॥

पंचशतं पंचशतसहितं पंचपंचाशतसहस्रकं सहस्राणां ।

अष्टाविंशतिरितरेषां सहस्रगाधस्तु मेरुणाम् ॥ ६०९ ॥

अर्थ—इतर जे धातुकी खंड पुष्करार्द्ध संबंधी च्यारि मेरु तिनकै पृथ्वी ऊपरि भद्रसाल वन है । तहांतै पांचसै योजन उपरि जाइ नंदन है । तहां पांचसै सहित पचावन हजार योजन ५५५०० उपरि जाइ सौमनस वन है । बहुरि तहांतै अठाईस हजार योजन उपरि जाइ पांडुक वन है । ऐसैं वननिका अंतरालकै इनका जोड़ दिएं चौरासी हजार योजन भए सोई तिन मेरुनिकी उंचाईका प्रमाण जाननां । बहुरि पांचिही मेरुनिकै गाध कहिए पृथ्वीविषै नीव सो हजार योजन प्रमाण जाननां ॥ ६०९ ॥

आगैं तिन वननिका विस्तारकों निरूपै हैं;—

वावीसं च सहस्सा पणपणल्लकोणपणसयं वासं ।

पढमवणं वज्जित्ता सच्चणगाणं वणाणि सरिसाणि ॥ ६१० ॥

द्वाविंशतिः च सहस्रं पंचपंचषट्कोनपंचशतं व्यासं ।

प्रथमवनं वर्जयित्वा सर्वनगानां वनानि सदृशानि ॥ ६१० ॥

अर्थ—सुदर्शन मेरुकै भद्रसाल वन तौ पूर्व पश्चिम दिशा करि वाईस हजार योजन चौड़ा है । बहुरि सर्व दिशानिविषै नंदन वन पांचसै योजन चौड़ा है सौमनस पांचसै योजन चौड़ा है । पांडुक छह घाटि पांचसै ४९४ योजन चौड़ा है । बहुरि सुदर्शन मेरुका भद्रसालकों वर्जिज करि अन्य नंदनादि तीन वन सर्व मेरुनिकै चौड़ाई अपेक्षा समान प्रमाणकों धरै हैं ॥ ६१० ॥

आगै तिस वन चतुष्टयविपं तिष्ठते जे चैत्यालय तिनकी संख्या कहै हैं;—

एकैकवणे पडिदिसमेकैकजिणालया सुसोहंति ।

पडिमेरुमुवरि तेसि वण्णणमणुवण्णइस्सामि ॥ ६११ ॥

एकैकवने प्रतिदिशमेकैकजिणालयाः सुशोभंते ।

प्रतिमेरुमुपरि तेषां वर्णनमनुवर्णयिष्यामि ॥ ६११ ॥

अर्थ—मेरु मेरु प्रति एक एक वनविपै एक एक दिशा प्रति एक एक चैत्यालय है । ते एक मेरु प्रति सोलह चैत्यालय सोभै हैं । तिन चैत्यालयनिका वर्णन उपरि पीछें नंदीश्वर द्वीपका वर्णनका अवसरविपै वर्णन करौंगा ॥ ६११ ॥

आगै सुदर्शन मेरुकै दक्षिण उत्तर भद्रसाल वनका प्रमाण कहै हैं;—

पढमवणडसीदंसो दक्खिणउत्तरगभद्रसालवणं ।

विसदं पण्णासहियं खुल्लयमंदरणगेवि तहा ॥ ६१२ ॥

प्रथमवनाष्टाशीत्यंशः दक्षिणोत्तरगभद्रशालवनम् ।

द्विशतं पंचाशदधिकं क्षुल्लकमंदरनगोपि तथा ॥ ६१२ ॥

अर्थ—सुदर्शन मेरुकै पूर्व पश्चिम भद्रसाल वनका प्रमाण वाईस हजार योजन कहा ताका अठ्यासीवां भाग प्रमाण दक्षिण उत्तर भद्रसाल वनका प्रमाण है । सो पचास सहित दोयसै योजन है । भावार्थ—सुदर्शन मेरुकै चारयौं गजदंतनिके बीचि च्यारौं दिशानिविपै भद्रसाल वन है सो पूर्व पश्चिमविपै तो वाईस हजार योजन चौड़ा है । दक्षिण उत्तरविपै अठ्ठाईसै योजन चौड़ा है । बहुरि क्षुल्लक मंदर नग कहिए छोटे च्यारि मेरुगिरि तिनविपै भी तथा कहिए तैसैं ही आगै कहिए हैं । पूर्व पश्चिम भद्रसालका विष्कंभ ताकै अठ्यासीवैं भाग प्रमाण ही दक्षिण उत्तर भद्रसालका विष्कंभ है ॥ ६१२ ॥

वेदी वणुभयपासे इगिदलचरणुदयवित्थरोगाढो ।

हेमी सघंटघंटाजालसुतोरणग बहुदारा ॥ ६१३ ॥

वेदी वनोभयपार्श्वे एकदलचरणोदयविस्तारावगाधाः ।

हेमी सघंटघंटाजालसुतोरणका बहुद्वारा ॥ ६१३ ॥

अर्थ—भद्रसालादि वननिकै बाह्य अभ्यन्तर दोऊ पार्श्वनिविपै वेदी हैं । जैसे वागकै कांगुरा विनां भीति हो है तैसैं जो होइ ताका नाम वेदी है । सो वेदी एक योजन जंची आध योजन चौड़ी पाव योजन जाकी नीव ऐसी है । बहुरि सुवर्णमई है । बहुरि महा घंटा अर छोटी घंटानिकर सोभित है ऐसे भले तोरणनि करि संयुक्त जे बहुत द्वार जाकै पाईए हैं ऐसी वेदी है । आगै मेरुका चित्रा पृथ्वीकै तलविपै व्यास ल्यावनेविपै बहुरि नंदन सौमनस वनका व्यासादिक वा तिनकै निकटि मेरुका व्यास उच्चत्वादि ल्यावनेविपै हानिचय ल्यावनेकौं गाथा दोय करि कहै हैं । तहां प्रथम ऐसा त्रैराशिक जानना । मेरुका उपरि मुख व्यास हजार योजन सो तिसकौं मूलविपै भूमि व्यास दश हजार योजन तामैं घटाएं नव हजार रहे । सो निन्याणवै

हजार योजनकी उचाईविषै नव हजार योजन प्रमाण हानि चय होइ तो एक योजनकी उचाईविषै केता हानि चय होइ ऐसैं करि नव करि अपवर्तन किए एक योजनका ग्यारह्वां भाग हानिचयका प्रमाण आया । एक योजनकी उचाई भए व्यासविषै इतनां घटै ॥ ६१३ ॥

बहुरि याकौ धरि और त्रैराशिकका विधान कहिए है;—

इगिजोयण एगारहभागो जदि बडुदे पहायदि वा ।

तलणंदणसोमणसे किमिदि चयं हाणिमाणिज्जो ॥ ६१४ ॥

एक योजनस्य एकादशभागः यदि वर्धते प्रहीयते वा ।

तलनंदनसौमनसे किमिति चयं हानिरानेतव्यम् ॥ ६१४ ॥

अर्थ—एक योजनकी उचाईविषै एक योजनका ग्यारह्वां भाग जो नीचैकी अपेक्षा उपरि घटै वा उपरि अपेक्षा नीचै वधै तो मेरुका तलकी उचाई हजार योजन नंदनवनकी उचाई पांचसै योजन समरुद्रतैं ऊपरि सौमनसकी उचाई साढा इकावन हजार योजन तीहविषै कितनां वधै वा घटै ऐसैं त्रैराशिक करि हानिचय ल्यावनां । उपरि अपेक्षा घटनेका नाम हानि नीचैकी अपेक्षा वधनेका नाम चय तातैं हानिचय ऐसा नाम कहा सो तीनों जायगा प्रमाण राशि एक योजन फलसशि एकका ग्यारह्वां भाग इच्छा राशि पांचसै हजार साढा इकावन हजार किए तल व्यासनित्रैषै वृद्धि निषै योजन अर दश ग्यारह्वां भाग हो है । नंदनविषै हानि पैतालीस योजन पांच ग्यारह्वां भाग हो है । सौमनसविषै हानि च्यारि हजार छसै इक्यासी योजन नव ग्यारह्वां भाग हो है ॥ ६१४ ॥

सगसगहाणिविहीणे भूवासे चयजुदे मुहव्वासे ।

गिरिवणवहिरब्भंतरतलवित्थारप्पमा होदि ॥ ६१५ ॥

स्वकस्वकहानिविहीने भूव्यासे चययुते मुखव्यासे ।

गिरिवनबाह्याभ्यन्तरतलविस्तारप्रमा भवति ॥ ६१५ ॥

अर्थ—मेरु गिरिकै तीह तीह कटनीका भू व्यास कहिए नीचला चौड़ाईका प्रमाण तिह-विषै अपनी अपनी हानिका प्रमाणको घटाएं । बहुरि तीह तीह कटनीका मुख व्यास कहिए उपरिका चौड़ाईका प्रमाण तिह तीहविषै अपनां अपनां चयका प्रमाण मिलाएं मेरुगिरिका तल विस्तार हो है । वा वनका बाह्य अभ्यन्तर विस्तारका प्रमाण हो है । सोई कहिए हैं । पूर्वे ल्याया जो मेरुतलविषै हानिचय निवै योजन अर दश ग्यारह्वां भाग याको मेरुका पृथ्वीविषै व्यास दश हजार योजन तामैं मिलाएं दश हजार निवै योजन अर दश ग्यारह्वां भाग प्रमाण चित्रा पृथ्वीका अंत जहां है तहां नीचै मूलविषै मेरुका तल व्यास है । यामैं तिसही निवै योजनका दश ग्यारह्वां भाग प्रमाण हानि घटाएं दश हजार योजन प्रमाण इस सम पृथ्वीकै निकटि मेरुका भू व्यास है । बहुरि एक योजनका ग्यारह्वां भाग घटनेविषै एक योजन उचाई होइ तो निवै योजन दश ग्यारह्वां भाग घटनेविषै केती उचाई होइ ऐसैं त्रैराशिक करि समच्छेद करि अंश हारनिकौ मिलाइ ९९० ÷ १११० ÷ ११ ग्यारहका अपवर्तन किए मेरु तलतैं ल्गाय- इस पृथ्वी पर्यंत मेरुकी उंचाई एक हजार योजन प्रमाण

हो है । बहुरि नंदनवनका हानिचय पैतालीस योजन पांच ग्यारव्हां भाग सो मेरुका भू व्यास १०००० मैसौं घटाएं नव हजार नवसै चौवन योजन अर छह ग्यारव्हां भाग प्रमाण वन सहित मेरुका व्यासरूप नंदनका बाह्य वास हो है । बहुरि तीह हानिचयका अंश ५ ÷ ११ अंशी ४५ निकीं समच्छेद करि मिलाएं पांचसैका ग्यारव्हां भाग भया तहां एकका ग्यारव्हां भाग घटनेविपै एक योजनकी उचाई होइ तौ पांचसै ग्यारव्हां भागके घटनेविपै केती उचाई होइ ऐसैं त्रैराशिक करि अपवर्त्तन किए भद्रशालतैं पांचसै योजन नंदनवनकी उचाईका प्रमाण हो है । बहुरि नंदनवनका बाह्य व्यासविपै नंदन वनका पांचसै योजन ताकों दोऊ पार्श्वनिका ग्रहण अर्थि दूणा किए हजार योजन होइ सो घटाएं आठ हजार नवसै चौवन योजन छह ग्यारव्हां भाग प्रमाण नंदनवनके अम्यन्तर वन विना मेरुका व्यास प्रमाण है । सो समरुद्र है । नंदनवनतैं उपरि केतीक उचाई ताई मेरुगिरि समान चौड़ाईका प्रमाण धरै हैं ॥ ६१५ ॥

आगैं समरुद्रकी उचाई व्यावनेका विधान कहैं हैं,—

एयारंसोसरणे एगुदओ दससएसुं किं लद्धं ।

णंदणसोमणसुवरिं सुदंसणे सरिसरुंदुदओ ॥ ६१६ ॥

एकादशांशापसरणे एकोदयः दशशतेपु किं लब्धं ।

नंदनसौमनसोपरि सुदर्शने सदृशरुद्रोदयः ॥ ६१६ ॥

अर्थ—एकका ग्यारव्हां भाग घटनेविपै एक योजन उचाई होइ तौ दशसै १००० का घटनेविपै केती उचाई होइ ऐसैं त्रैराशिक किए ग्यारह हजार योजन लब्ध राशि भया सोई सुदर्शन मेरुके उपरि नंदन सौमनसविपै सम रुद्रकी उचाईका प्रमाण है । भावार्थ—मेरुतलतैं लगाय नंदन पर्यंत तौ क्रमतैं घटता चौड़ा है । बहुरि इहां सर्वत्र गिरदविपै पांचसै योजन चौड़ी कटनी छूटी है । तीहविपै नंदन वन है । तिस वनके मध्य मेरु ग्यारह हजार योजनकी उचाई पर्यंत समान चौड़ा है । सो नंदन वनका दोऊ पार्श्वनिका हजार योजन एकै साथि मेरुका व्यासविपै घट्या सो क्रमतैं जितनी उचाईविपै हजार योजनका व्यास घटता तितनी उचाई ताई किछू भी घट्या नाहीं समान चौड़ा चल्या गया है । उपरि क्रमतैं बहुरि घटता है । बहुरि सौमनसपर्यंत हानिचयका पूर्वोक्त प्रमाण च्यारि हजार छसै इक्यासी योजन नव ग्यारव्हां भाग ताकों नंदनवनके अम्यन्तर मेरु व्यास ८९५४।६ ÷ ११ विपै घटाएं च्यारि हजार दोयसैं बहत्तरि योजन अर आठ ग्यारव्हां भाग प्रमाण सौमनस वन सहित मेरु व्यासरूप सौमनसविपै बाह्य व्यास हो है । बहुरि सौमनसका हानिचय ४६८।१९ ÷ ११ के अंश अंशी मिलाइ ५१५०० ÷ ११ एकका ग्यारव्हां भाग घटनेविपै एक योजन उदय होय तौ साढा इकावन हजारका ग्यारव्हां भाग घटनेविपै केता उदय होइ । ऐसैं त्रैराशिक करि ग्यारहका अपवर्त्तन किए नंदन वनका समरुद्र उत्सेधतै उपरि सौमनस वन पर्यंत उचाईका प्रमाण साढा इकावन हजार योजन हो है । बहुरि सौमनसका बाह्य ४२७२।८ ÷ ११ विपै सौमनसका व्यास पांचसै योजन ताकों दोऊ पार्श्वनिका ग्रहण अर्थि दूणा करि १००० घटाएं तीन हजार दोयसैं बहत्तरि योजन आठ ग्यारव्हां भाग प्रमाण सौमनस वनके अम्यन्तर मेरुका व्यास हो है । इहां भी पूर्वोक्त

प्रकार ल्याया हुआ समान चौड़ाईका प्रमाण धरें सौमनसतें लगाय ग्यारह हजार योजन मेरुकी उचाईका प्रमाण जाननां । ताकै उपरि बहुरि क्रमतें घटता है । बहुरि एक योजनका ग्यारहवां भाग घटे तौ समरुद्रतें उपरि पच्चीस हजार योजनकी उचाईविषै कितनां घटे ऐसैं त्रैराशिक किए दोय हजार दोयसै बहत्तरि योजन आठ ग्यारहवां भाग प्रमाण पांडुक वनविषै हानिचय हो है । इनकीं सौ-
 $२२७२।८ \div ११$ मनसकै अभ्यन्तर मेरु व्यास $३२७२।८ \div ११$ विषै घटाएं वनसहित मेरु व्यासरूप पांडुकवनका बाह्य व्यास एक हजार योजन प्रमाण हो है । बहुरि पांडुकवनका हानिचयका अंश $८ \div ११$ अंशी २२७२ कीं मिलाइ $२५००८ \div ११$ पूर्वोक्त प्रकार एकका ग्यारहवां भाग इत्यादि विधान करि त्रैराशिक किए सौमनसके समरुद्रतें ऊपरि पांडुकवन पर्यंत व्यास लिए क्रमतें घटता मेरुका उचाईका प्रमाण पच्चीस हजार योजन प्रमाण हो है ॥ ६१६ ॥

आगैं क्षुल्लक च्यारि मेरुनिका हानिचय ल्यावनेकीं सूत्र कहैं हैं,—

भूमिदो दसभागो हायदि खुल्लेसु णंदणादुवरि ।

सयवगं समरुद्रो सोमणसुवरिपि एमेव ॥ ६१७ ॥

भूमितः दशमभागः हीयते'क्षुल्लकेषु नंदनादुवरि ।

शतवर्गः समरुद्रःसौमनसोपरि अपि एवमेव ॥ ६१७ ॥

अर्थ—भूमितः कहिए नीचैतें एक योजनका दशवां भाग प्रमाण विष्कंभ घटनेविषै एक योजन उचाई होइ तौ दोऊ पार्श्वनिका वन व्यास एक हजार योजन विष्कंभ घटनेविषै केती उचाई चाहिए । ऐसैं त्रैराशिक कीएं सौका वर्ग जो दश हजार तीहरूप उचाईका प्रमाण पाया । सो क्षुल्लक छोटे च्यारि मेरुनिविषै नंदन वनतें उपरि समान चौड़ाईका प्रमाण लिए दश हजार योजन उचाई है । ऐसैं ही सौमनस वनकै उपरि भी समान विष्कंभ लिए उचाई दश हजार योजन प्रमाण ही है । इन क्षुल्लक च्यारि मेरुनिविषै उपरि व्यास हजार योजन सो तौ मुख अर समभूमिविषै व्यास नव हजार च्यारिसं योजन सो भूमि तहां भूमिमैसीं मुख घटाएं चौरासीसौ होइ । बहुरि क्षुल्लक मेरुनिका चौरासी हजार योजन उचाईविषै चौरासीसं योजन विष्कंभ घटे तौ एक योजनकी उचाईविषै कितनां घटे । ऐसैं त्रैराशिक करि चौरासी करि अपवर्त्तन किए एक योजनकी उचाईविषै एक योजनका दशवां भाग प्रमाण हानिचय हो है । याकीं धरि एक योजनकी उचाईविषै एक योजनका दशवां भाग घटे तौ एक हजार योजनकी उचाईविषै कितना घटे ऐसैं त्रैराशिक किए सौ पाए सो क्षुल्लक मेरुनिका आगैं कहिए है । जो चौराणवैसै योजन भू व्यास तामैं मिलाएं नव हजार पांचसै योजन प्रमाण चित्रा पृथ्वी तलविषै मेरुनिका नीचैं ही नीचैं विष्कंभ है । बहुरि यामैं सोई सौ योजन घटाएं चौराणवैसै योजन समभूमिविषै व्यास हो है । बहुरि एक योजनका दशवां भाग घटनेविषै एक योजनकी उचाई होइ तौ सौ योजन घटनेविषै केती उचाई होइ ऐसैं त्रैराशिक करि मेरुतलतें समभूमि पर्यंत उचाई हजार योजन प्रमाण आवै है । बहुरि एक योजनकी उचाईविषै एक योजनका दशवां भाग घटे तौ पांचसै योजनकी उचाईविषै कितनां घटे ऐसैं त्रैराशिक करि अपवर्त्तन किए पचास योजन आए सो

भू व्यासमैसौ घटाएं नंदनवनकै बाह्य मेरु व्यास तेरणवसै पचास योजन हो है । बहुरि एकका दशवां भाग घटनेविपै एक योजन उचाई होइ तौ पचास घटनेविपै केती होइ ऐसै त्रैराशिक करि पांचसै योजन पाए सो भद्रसालतै नंदनवन इतनां ऊंचा है । बहुरि नंदनवनका दोऊ पार्श्वसंबंधी हजार योजन व्यास नंदनवनकै बाह्य मेरु व्यासमैसौ घटाएं तियासीसै पचास योजन प्रमाण नंदनवनकै अम्यन्तर मेरु व्यास है । सो इहां भी एककी उचाईविपै एकका दशवां भाग घटे तौ दश हजारकी उचाईविपै केता घटे । ऐसै त्रैराशिक किए हजार योजन पाए सो ए हजार योजन एकै साथि घटे तातै नंदनवनतै लगाइ दश हजार योजन पर्यंत समान उंचाई साढा तियासीसै योजन प्रमाण व्यास है । बहुरि एकका उदयविपै एकका दशवां भाग घटे तौ साढा पैतालीस हजार योजन उचाईविपै केता घटे ऐसै त्रैराशिक करि अपवर्त्तन किए साढा पैतालीस योजन आए सो इतने तिस सम विष्कंभ व्यास ८३५० मैसौ घटाएं अढतीससं योजन सौमनस वनकै बाह्य व्यास हो है । बहुरि एकका दशवां भाग घटनेविपै एक योजन उंचाई होइ तौ साढा पैतालीससं योजन घटनेविपै केती होइ । ऐसै त्रैराशिक किए साढा पैतालीस हजार पाए सो इतनां नंदनसंबंधी समरुद्रतै उपरि सौमनस ऊंचा है । बहुरि एककी उंचाईविपै एक दशवां भाग घटे तौ दश हजार योजनकी उचाईविपै केता घटे ऐसै त्रैराशिक किए हजार योजन होइ सोई सौमनसवनका दोऊ पार्श्वसंबंधी हजार योजन व्यास एकै साथि सौमनसकै बाह्य व्यास ३८०० मैसौ घटै अठाईसै योजन प्रमाण सौमनसकै अम्यन्तर मेरु व्यास हो है । सो इतने ही प्रमाण समान व्यास लिए उंचाईका प्रमाण दश हजार योजन पूर्वे ल्याये ही थे । बहुरि एककी उंचाईविपै एकका दशवां भाग घटे तौ अठारह हजार योजन उचाईविपै केता घटे ऐसै त्रैराशिक करि अपवर्त्तन किए अठारहसै पाए सो सौमनसका अम्यन्तर व्यासमैसौ घटाएं हजार योजन प्रमाण मेरुका उपरि व्यास हो है । बहुरि एकका दशवां भाग घटनेविपै एककी उचाई होइ तौ अठारहसै घटनेविपै केती होइ । ऐसै त्रैराशिक करि अठारह हजार पाए सो इतनां सौमनस संबंधी समव्यासतै उपरि पांडुकवन है । बहुरि सर्व मेरुनिका पांडुकवनकै मध्य चूलिका है । ताकी उंचाई वा नीचै ऊपरि व्यास सो आगै कहेंगे ॥ ६१७ ॥

आगै मेरुनिका वर्ण विशेषकों निरूपे हैं;—

णाणारयणविचित्तो इगिसद्विसहस्सगेसु पढमादो ।

तत्तो उवरिं मेरु सुवण्णवण्णाण्णदो होदि ॥ ६१८ ॥

नानारत्नविचित्रः एकपट्टिसहस्रकेपु प्रथमतः ।

तत उपरि मेरुः सुवर्णवर्णान्वितः भवति ॥ ६१८ ॥

अर्थ—मेरु प्रथम नीचैतै लगाय इकसठि हजार योजन उचाई पर्यंत तौ नानाप्रकार अनेक वर्ण रत्ननि करि विचित्र है । बहुरि तातै उपरि मेरु केवल सुवर्ण सदृश वर्ण करि संयुक्त है ॥ ६१८ ॥

आगै नंदनादि वनानिविपै तिष्ठते जो भवन तिनके नामादिक गाथा दोयकरि कहै हैं;—

माणीचारणगंधर्वचित्तणामाणि वट्टभवणाणि ।

णंदणचउदिसमुदओ पण्णासं तीस वित्थारो ॥ ६१९ ॥

मानीचारणगंधर्वचित्रनामानि वृत्तभवनानि ।

नंदनचतुर्दिक्षु उदयः पंचाशत् त्रिंशत् विस्तारः ॥ ६१९ ॥

अर्थ—मानी १ चारण १ गंधर्व १ चित्र १ ए हैं नाम जिनके ऐसे गोल मंदिर नंदनवन-
विषै पूर्वादि चारि दिशानिविषै हैं । तिनकी उंचाई पचास योजन चौड़ाई तीस योजन प्रमाण है ६१९ ।

सोमणसदुगे वज्जं वज्जादिप्पह सुवण्ण तप्पहयं ।

लोहिदअंजनहारिद्रपांडुरा दल्लिददलमाणा ॥ ६२० ॥

सौमनसाद्विके वज्जं वज्जादिप्रभं सुवर्णं तत्प्रभं ।

लोहितांजनहारिद्रपांडुरा दल्लितदलमानाः ॥ ६२० ॥

अर्थ—सौमनस पांडुक इन दोऊ वननिविषै भी पूर्वादि दिशानिविषै चारि चारि गोल
भवन हैं । ते कौन ? वज्र १ वज्रप्रभ १ सुवर्ण १ सुवर्णप्रभ १ ए सौमनसविषै मंदिरनिके नाम हैं ।
लोहित १ अंजन १ हरिद्र १ पांडुर १ ए पांडुकविषै मंदिरनिके नाम हैं । तहां नंदनविषै मंदिर-
निका जो उंचाई चौड़ाईका प्रमाण कहा तातें सौमनसविषै आधा अर तीहसौं भां पांडुकविषै आधा
प्रमाण जाननां ॥ ६२० ॥

आगै तिन भवननिके स्वामी अर तिनकी स्त्री तिनकाँ कहैं हैं;—

तम्भवणवदी सोमो यमवरुणकुवेरलोयवालक्खा ।

पुव्वादी तेसिं पुह गिरिकण्णा साद्धकोडितियं ॥ ६२१ ॥

तद्भवनपतयः सोमः यमवरुणकुवेराः लोकपालाख्याः ।

पूर्वादिपु तेपां पृथक् गिरिकन्यकाः सार्धकोटित्रयम् ॥ ६२१ ॥

अर्थ—तिन भवननिके अधिपति स्वामी सोम १ यम १ वरुण १ कुवेर १ नाम धारक
सौधर्म इंद्रके लोकपाल पूर्वादि दिशानिविषै तिष्ठैं हैं । ये मंदिर लोकपालनिकेहैं तिन एक एक
लोकपालकै साढा तीन कोड़ि गिरि कन्या कहिये व्यंतरी देवांगना पाईए हैं ॥ ६२१ ॥

आगै तिनका आयु आदि कहैं हैं;—

सोमदु वरुणदुगाऊ सदलदु पल्लत्तयं च देसूणं ।

ते रत्तकिण्हकंचणसिदणैवत्थं किया कमसो ॥ ६२२ ॥

सोमद्वयोः वरुणाद्विकायुः सदलद्वि पल्यत्रयं च देशोन्म ।

ते रक्तकृष्णकांचनसितनेपध्यांकिताः क्रमशः ॥ ६२२ ॥

अर्थ—सोम यम इन दोयका आयु अर्द्धसहित दोय पल्य प्रमाण है । वहुरि वरुण कुवेर इन
दोयका आयु किछू घाटि तीन पल्य प्रमाण है । वहुरि ते सोमादिक क्रमतैं लालवर्ण श्यामवर्ण
कांचनवर्ण श्वेतवर्ण आभूषणादिकनिकरि संयुक्त हैं ॥ ६२२ ॥

आगै तिनके कल्पविमान संवंधीपणांकाँ कहैं हैं;—

ते य सयंपहरिष्टजलप्पह्वगुप्पहा विमाणासा ।

कप्पेसु लोयवाला पद्दुणो बहुसयविमाणाणं ॥ ६२३ ॥

ते च स्वयंप्रमारिष्टचलप्रभवल्गुप्रमा विमानेशाः ।

कल्पेपु लोकपाला प्रभवः बहुशतविमानानाम् ॥ ६२३ ॥

अर्थ—तो सौवर्मके लोकपाल स्वर्गविषे स्वयंप्रम १ अरिष्ट १ जलप्रम १ वल्गुप्रम १ विमाननिके क्रमते ईस-स्वामी हैं । भावार्थ—लोकपालनिका स्वर्गविषे वसनेके विमान हैं । अर इहां मेरु उपरि भी तिनके भवन पाइए हैं । वहुरि ते लोकपाल बहुत सँकड़ां विमाननिके प्रभु हैं । छह लाख छयासठि हजार छहसँ छयासठि विमाननिके स्वर्गविषे अधिपति हैं ॥ ६२३ ॥

आगे नंदनवनविषे तिष्ठता व्यंतरदेवको परिवारसहित कहें हैं;—

बलभद्रनामकूडे णंदणगे मेरुपव्वदीसाणे ।

उदयमहियसयदलगो तण्णामो वंतरो वसई ॥ ६२४ ॥

बलभद्रनामकूटे नंदनगे मेरुपर्वतेशान्याम् ।

उदयमहीकशतदलकः तन्नामा व्यंतरो वसति ॥ ६२४ ॥

अर्थ—मेरु पर्वतकी ईशान विदिशाविषे नंदनविषे पाइए ऐसा सौ योजन नीचे चौडा ताका आधा पचास योजन उपरि चौड़ा जो बलभद्र नामा कूट है । तीह उपरि बलभद्र नामा व्यन्तर देव वसै हैं ॥ ६२४ ॥

आगे नंदनवनविषे तिष्ठते जो भवन तिनके दोऊ पार्श्वनिविषे तिष्ठते जे कूटादिक तिनको गाथा तीन करि कहें हैं;—

णंदण मंदर णिसहा हिमवं रजदो य रुजयसायरया ।

बज्जो कूडा कमसो णंदणवसईण पासदुगे ॥ ६२५ ॥

नंदनो मंदरः निपथः हिमवान् रजतश्च रुचकसागरकां ।

वज्रः कूटाः क्रमशः नंदनवसतीनां पार्श्वद्विके ॥ ६२५ ॥

अर्थ—नंदन १ मंदर १ अर निपथ १ हिमवन अर रजत १ रुचक १ अर सागर १ वज्र निपे आठ कूट क्रमते नंदनवनविषे तिष्ठते जु वसती कहिए पूर्वोक्त च्यारि भवन तिनके दोऊ पार्श्व-१ विषे पाईए है ॥ ६२५ ॥

हेममया तुंगधरा पंचसयं तदलं मुहस्स पमा ।

सिद्धिरागहे दिक्कणा वसंति तासिं च णाममिणं ॥ ६२६ ॥

हेममयाः तुंगधराः पंचशतं तदलं मुखस्य प्रमा ।

शिखरगृहे दिक्कन्याः वसंति तासां च नामानीमानि ॥ ६२६ ॥

अर्थ—ते कूट सुवर्ण मई हैं । वहुरि तिनकी उचाई पांचसँ योजन है । नीचे भू व्यास पांचसँ योजन है । ताका आधा अढ़ाईसँ योजन उपरि मुख व्यास है । तिन कूटनिके शिखर मंदरनिविषे दिक्कुमारी वसै हैं ॥ ६२६ ॥

तिनके ए नाम आगै कहिए हैं;—

मेहंकर मेहवदी सुमेह मेहादिमालिणी तत्तो ।
तोयंधरा विचित्रा पुष्पादिममालिणिदिदया ॥ ६२७ ॥
मेघंकरा मेघवती १ सुमेघा मेघादिमालिनी ततः ।
तोयंधरा विचित्रा पुष्पादिममाला अनिदितका ॥ ६२७ ॥

अर्थ—मेघंकरा १ मेघवती १ सुमेघा १ मेघमालिनी १ तोयंधरा १ विचित्रा १ पुष्पमाला १ अनंदिता ए नाम हैं ॥ ६२७ ॥

आगै नंदनविपै जे वावड़ी हैं तिनका स्वरूप गाथा तीन करि कहैं हैं;—

अग्निदिसादो चउ चउ उत्पलगुम्मा य णलिणि उत्पलिया ।
वावीओ उत्पलुज्जल भिंगा छट्टी दु भिंगणिभा ॥ ६२८ ॥
अग्निदिशः चतस्रः चतस्रः उत्पलगुल्मा च नलिनी उत्पलिका ।
वाप्यः उत्पलोज्ज्वला भृंगा पट्टी तु भृगनिभा ॥ ६२८ ॥

अर्थ—अग्निदिशातैं लगाय च्यारौं विदेशानिविपै च्यारि च्यारि वावड़ी हैं । तिनके नाम क्रमतैं कहिए हैं । उत्पल गुल्मा १ नलिनी १ उत्पला १ उत्पलोद्वकला १ वहुरि भृंगा १ छट्टी भृगनिभा १ ॥ ६२८ ॥

कज्जल कज्जलपह सिरिभूदा सिरिकंद सिरिजुदा महिदा ।
सिरिणिलय णलिणि णलिणादिमगुम्मिय कुमुद कुमुदपहा ॥ ६२९ ॥
कज्जला कज्जलप्रभा श्रीभूता श्रीकांता श्रीयुता महिता ।
श्रीनिलया नलिनी नलिनादिमगुल्मी कुमुदा कुमुदप्रभा ॥ ६२९ ॥

अर्थ—कज्जला १ कज्जल प्रभा १ वहुरि श्रीभूता १ श्रीकांता १ श्रीमहिता १ श्रीनिलया १ वहुरि नलिनी १ नलिनिगुल्मा १ कुमुदा १ कुमुदप्रभा १ ए वावड़ीके नाम हैं ॥ ६२९ ॥

मणितोरणरयणुवभवसोवाणा हंसमोरजंतजुदा ।
पणदलदीहवासा दसगाहा सोलवावीओ ॥ ६३० ॥
मणितोरणरत्नोद्ववसोपानाः हंसमयूरयंत्रयुताः ।
पंचाशद्वलदीर्घव्यासाः दशगाधाः षोडशवाप्यः ॥ ६३० ॥

अर्थ—ते सोलह वावड़ी मणिमई तोरण द्वार अर रत्नमई सिवाणनिकरि संयुक्त हैं । वहुरि हंस मोर आदिनिके यंत्र करि संयुक्त हैं । वहुरि ते पचास योजन लंबी ताकी आधी पचीस योजन चौड़ी दश योजन उंडी वावड़ी हैं ॥ ६३० ॥

आगै तिनके मध्य प्रासाद हैं तिनका स्वरूप गाथा दोय करि कहैं हैं;—

दक्खिणउत्तरवावीमज्जे सोहम्मज्जुगलपासादा ।
पणघणदलचरणुच्छयवासा दलगाढचउरस्सा ॥ ६३१ ॥

दक्षिणोत्तरवापीमध्ये सौधर्मयुगलप्रासादाः ।

पंचघनदलचरणोच्छ्रयव्यासाः दलगाढचतुरस्राः ६३१ ॥

अर्थ—मेरुकी अपेक्षा दक्षिण उत्तर वावड़ीनिके मध्य सौधर्म अर ईशान इंद्रके प्रासाद मंदिर हैं । तहां अग्नि नैऋति दिशानिविषे आठ वावड़ी हैं तिनविषे सौधर्मके मंदिर हैं । अर वायु ऐसानवि दिशानिविषे आठ वावड़ी हैं तिनविषे ईसानके मंदिर हैं । ते प्रासाद पांचके घनका आधा साढा वासठि योजन तौ ऊंचे हैं । अर ताहीका चौथा भाग सवा इकतीस योजन चौड़े हैं । अर आध योजन जिनकी नांव है । ऐसे चौकोर मंदिर हैं ॥ ६३१ ॥

सोचिदटाणासिदपरिवारोणिदो षिदो सपासादे ।

सन्वमिणं कहियव्वं सोमणसवणेवि सविसेणं ॥ ६३२ ॥

सोचितस्थानसितपरिवारोणेंद्रः स्थितः स्वप्रसादे ।

सर्वमिदं कथितव्वं सौमसवनेपि सविशेषं ॥ ६३२ ॥

अर्थ—स्वर्गविषे सुधर्मा नाम सभाविषे जैसें तिष्ठे हैं । तैसें अपनां अपनां योग्य आस्थानविषे तिष्ठता अपनां परिवारसहित अपनां प्रसादविषे इहां इंद्र आवै है तव तिष्ठे हैं । बहुरि जो भवननिके पार्श्वनिविषे कूटादिक व अग्रादि दिशानिविषे वावड़ी वा तिनके मध्य प्रासाद जैसें नंदनवनविषे कहे तैसें ही सर्व विशेष सहित सौमनस वनविषे भी जानने ॥ ६३२ ॥

अब याके अनंतरि मेरुका शिखर ऊपरि तिष्ठती जे शिला तिनका नाम स्थान वर्ण है;—

पांडुकपांडुकंवलरक्ता तह रक्तकंवलवख सिला ।

ईसाणादो कंचणरूप्यतवणीयरुहिरणिहा ॥ ६३३ ॥

पांडुकपांडुकंवलरक्ता तथा रक्तकंवलाख्याः शिलाः ।

ईशानात् कांचनरूप्यतवणीयरुधिरनिभाः ॥ ६३३ ॥

अर्थ—ईशानतै ल्गाय च्यारथीं विदिशानिविषे क्रमतै कांचन कहिए सोनों रूप्य कहिए रूपो तवनीय कहिए तायो सोनों रुधिर कहिए लोही तीह समान वर्ण धरै ऐसी पांडुक १ पांडुक-वला १ रक्ता १ रक्तकंवला १ हैं नाम जिनके ऐसी च्यारि शिला मेरुकै मस्ताकि पांडुक वन है तहां पाइए हैं ॥ ६३३ ॥

आगे ते शिला कौन संबधी हैं कैसें तिनकी स्थिति है सो कहें हैं;—

भरहवरविदेहेरावदपुव्वविदेहजिणीणवद्धाओ ।

पुव्ववरदक्खिणुत्तरदीहा अथिरथिरभूमिमुहा ॥ ६३४ ॥

भरतापरविदेहेरावतपूर्वविदेहजिननिवद्धाः ।

पूर्वापरदक्षिणोत्तरदीर्घा अस्थिरस्थिरभूमिमुखाः ॥ ६३४ ॥

अर्थ—ते पांडुकादि शिला क्रमतै भरतक्षेत्र पश्चिम विदेह ऐरावत क्षेत्र पूर्व विदेहविषे जे तीर्थकर उपजै हैं तिन संबधी हैं । तहां तिनका जन्माभिषेक हो है । बहुरि ते शिला क्रमतै पूर्व

पश्चिम दक्षिण उत्तर दिशानि प्रतिलंबीं हैं । बहुरि अस्थिर स्थिर भूमि मुख संयुक्त हैं । इस विशेषणका अर्थ भेरे समझनेमें न आया तातैं नाहीं लिखा है ॥ ६३४ ॥

आगैं दृष्टांत करि तिन शिलातलनिका आकार कहत संता तिनकी लंबाई कहैं हैं;—

अद्धिदुणिहा सन्वे सयपण्णासदृदहिवसुदया ।

आसणतियं तदुवरिं जिणसोहम्मदुगपडिवद्धं ॥ ६३५ ॥

अर्धेदुनिभाः सर्वाः शतपंचाशदष्टदीर्घव्यासोदयाः ।

आसनत्रयं तदुपरि जिनसौधर्मद्वयप्रतिवद्धं ॥ ६३५ ॥

अर्थ—ते सर्व शिला अर्द्ध चन्द्रमाके आकार हैं । बहुरि सौ योजन लंबी हैं । बीचमें पचास योजन चौड़ी हैं । आठ योजन मोटी हैं । तिन शिलानिकै उपरि तीर्थकर सौधर्म ईशान संबंधी तीन सिंहासन हैं ॥ ६३५ ॥

आगैं तिन उपरि तीन सिंहासननिके स्वामी इत्यादिक विशेष कहैं हैं;—

मज्झे सिंहासणयं जिणस्स दक्खिणगयं तु सोहम्मे ।

उत्तरमीसाणिंदे भद्दासणमिह तयं वट्टं ॥ ६३६ ॥

मध्ये सिंहासनं जिनस्य दक्षिणगतं तु सौधर्मे ।

उत्तरमीशानेन्द्रे भद्रासनमिह त्रयं वृत्तम् ॥ ६३६ ॥

अर्थ—तिन तीन सिंहासननिविष्टे मध्य बीचि तौ जिनेन्द्र देवका सिंहासन है । ताकी दक्षिण दिशाकी प्राप्त सौधर्म इंद्रका भद्रासन है । उत्तर दिशाकी प्राप्त ईशान इंद्रका भद्रासन है । इहां ए तीन आसन हैं ते गोल हैं ॥ ६३६ ॥

आगैं तिन आसननिका उदयादिक अर मेरुकी चूलिकाका स्वरूप कहैं हैं;—

उदयं भूमुहवासं धणु पणपणसय तदद्धपुण्वमुहा ।

वेल्लुरिय चूलियस्स य जोयण चत्तं तु वार चउ ॥ ६३७ ॥

उदयं भूमुखव्यासं धनुः पंचपंचशतं तदर्धपूर्वमुखानि ।

वैदूर्ध्वचूलिकायाश्च योजनं चत्वारिंशत् तु द्वादश चत्वारि ॥ ६३७ ॥

अर्थ—तिन आसननिकी उचाई पांचसै धनुष अर नीचै चौड़ाई पांचसै धनुष उपरि चौड़ाई अर्द्धासै धनुष प्रमाण है । बहुरि ते आसन पूर्वदिशाकी सनमुख हैं । बहुरि पांडुकवनकै मध्य मेरुकी वैदूर्ध्व रत्नमई चूलिका है ताकी उचाई चालीस योजन नीचै चौड़ाई वारा योजन उपरि चौड़ाई च्यारि योजन प्रमाण है ॥ ६३७ ॥

आगैं कहे जु ए सर्व तिनका किछू विशेष कहैं हैं;—

पव्वदवावीकूडा सच्चाओ पंडुगादिय सिलाओ

वणवेदितोरणैहिं णाणामणिणिम्मिण्हिं जुदा ॥ ६३८ ॥

पर्वतवापीकूटाः सर्वे पांडुकादिकाः शिलाः ।

वनवेदीतोरणैः नानामणिनिर्मितैः युताः ॥ ६३८ ॥

अर्थ—पर्वत वावडां कृत् पांडुक आदि शिला ष् सर्व ही नाना प्रकार मणि कर निर्मापित ऐसे जु वन अर वेदी अर तोरण तिन करि संयुक्त जाननें । पर्वतादिककें चौगिरद वन हैं तिनकें वेदी हैं । तीह वेदीकें तोरणसहित द्वार पाईए हैं ॥ ६३८ ॥

अर्गें जंबूवृक्षका स्थानादिक परिवारसहित ग्यारह माथानिकरि कहें हैं;—

णीलसमीचे सीतापुच्छतटे मंदराचलासाणे ।

उत्तरकुरुम्हि जंबूथली सपंचसयतलवासा ॥ ६३९ ॥

नीलसर्मापे सीतापूर्वतटे मंदराचलैशान्यां ।

उत्तरकुरौ जंबूस्थली सपंचशततलव्यासा ॥ ६३९ ॥

अर्थ—नील नामा कुलाचल पर्वतकें सर्मापि दक्षिण सन्मुख जाती सीतानदीका पूर्व दिशासंबंधी तट मेरु पर्वततें ईशान नामा त्रिदिशा तहां उत्तरकुर नामा भोगभूमिका क्षेत्रविषे जंबूनामा वृक्षकी स्थली है । जैसे वृक्षकें थाहला इहां हो हैं तैसें तहां स्थली जाननी सो वह स्थली पांचसै योजन प्रमाण है । तलव्यास कहिए नीचे चौड़ाई जाकी ऐसी है ॥ ६३९ ॥

अंते दलवाहला मज्जे अद्दुदय वट्ट हेममया

मज्जे थलिस्स पीढीमुदयतियं अट्टवारचळ ॥ ६४० ॥

अंते दलवाहल्या मध्ये अष्टोदया वृत्ता हेममया ।

मध्ये स्थल्याः पीठमुदयत्रयं अष्टद्वादशचतुः ॥ ६४० ॥

अर्थ—बहुरि सो स्थली अंतविषे छेहडै तो आव योजन प्रमाण मोटी है । बहुरि मध्यविषे वीचि आठ योजन ऊंची है गोल आकार लिए है अर मुवर्णमई है । बहुरि तीह स्थलीकें मध्य वीचि आठ योजन ऊंचा वारह योजन नीचे चौड़ा च्यारि योजन उपरि चौड़ा ऐसा पाठ है पाठ नाम पीढका है ॥ ६४० ॥

तत्थलिउवरिमभागे वाहिं वाहिं पवेढिऊण ठिया ।

कंचणवल्लयसमाणा वारंबुजवेदिया णेया ॥ ६४१ ॥

तत्थल्युपरिमभागे वहिर्वहिः प्रवेष्ट्य स्थिताः ।

कांचनवल्लयसमानाः द्वादशांबुजवेदिकाः ज्ञेयाः ॥ ६४१ ॥

अर्थ—तीह स्थलीका उपरला भागविषे वाह्य वेदि करि मुवर्णका वलय समान आव योजन ऊंची ताकै आठवें भाग चौड़ी नाना रत्ननिकरि व्याप्त ऐसी वारह अंबुज वेदिका जाननी ।
भाचार्थ—स्थलीकें उपरि प्रथम वेदीको वेदि दूसरी वेदी है । दूसरीको वेदि तीसरी है । ऐसें वारह वेदी जाननी । ते सर्व वेदी मुवर्णमई रत्नजडित हैं आव योजन ऊंची हैं । एक योजनकें सोलहं भाग प्रमाण चौड़ी हैं ॥ ६४१ ॥

चउगोउरव वेदीचाहिरदो पडमाविदियगे मुण्णं

तदिए मुरुत्तमाणं अट्टदिसे अट्टसयरुक्खा ॥ ६४२ ॥

चतुर्गोपुरका वेदीबाह्यतः प्रथमद्वितीयके शून्यं ।

तृतीये सुरोत्तमानां अष्टदिशासु अष्टशतवृक्षाः ॥ ६४२ ॥

अर्थ—ते बारह वेदी प्रत्येक च्यारि द्वारनिकरि संयुक्त हैं । वहुरि इन वेदीनिविषै सर्वतैं बाह्य वेदीतैं लगाय अभ्यन्तर वेदीनिकै बीच अंतराल है । तहां बाह्य वेदी अर ताकै अभ्यन्तर वेदीकै बीच जो अंतराल ताकौं प्रथम अंतराल कहिए । ऐसैं क्रमतैं माहीं माहिं द्वितीयादि अंतराल जाननैं । तहां प्रथम अंतराल अर द्वितीय अंतरालविषै तौं सून्य है । तहां जंबूवृक्ष आदि नाहीं हैं । वहुरि तीसरा अंतरालविषै उत्कृष्ट यक्षदेवनिके आठों दिशानिविषै मिलि करि एकसो आठ वृक्ष हैं ॥ ६४२ ॥

तुरिए पुण्वदिसाए देवीणं चारि पंचमे दु वणं

वाचीय वट्टचउरस्सादी छठे हवे गयणं ॥ ६४३ ॥

तुर्ये पूर्वदिशि देवीनां चत्वारः पंचमे तु वनं ।

वाप्यः वृत्तचतुरस्रादयः पष्टे भवेत् गगनं ॥ ६४३ ॥

अर्थ—चौथा अंतरालविषै पूर्व दिशाविषै यक्षनिकी देवांगनानिके च्यारि जंबूवृक्ष हैं । वहुरि पांचवां अंतरालविषै वन है । तहां वनविषै गोल चौकोर आदि बावड़ी हैं । वहुरि छठां अंतराल-विषै शून्य है । जंबूवृक्ष आदि रचना तहां नाहीं है ॥ ६४३ ॥

चउदिस सोलसहस्सं तणुरक्खे सत्तमम्हि अट्टमगे ।

ईसाणुत्तरवादे चदुस्सहस्सं समाणाणं ॥ ६४४ ॥

चतुर्दिक्षु षोडशसहस्रं तनुरक्षाणां सप्तमे अष्टमके ।

ऐशान्युत्तरवातासु चतुःसहस्रं समानानाम् ॥ ६४४ ॥

अर्थ—सातवां अंतरालविषै च्यारचौं दिशानिविषै मिलि करि सोलह हजार तिनही यक्षनिके अंगरक्षक देवनिके वृक्ष हैं । वहुरि आठवां अंतरालविषै ईशान दिशा अर उत्तर दिशा अर वायवी दिशानिविषै मिलि करि च्यारि हजार सामानिक देवनिके वृक्ष हैं ॥ ६४४ ॥

णवमत्तिए जलणजमे णेरिदि अब्भंतरत्तिपरिसाणं ।

वत्तीस ताल अडदालसहस्सा पायवा कमसो ॥ ६४५ ॥

नवमत्रिके ज्वलनयाम्पयोः नैर्ऋत्यां अभ्यन्तरत्रिपरिपदां ।

द्वात्रिंशत् चत्वारिंशत् अष्टचत्वारिंशत् सहस्राणि पादपाः क्रमशः ॥ ६४५ ॥

अर्थ—नवमत्रिके कहिए नवां दशवां ग्यारवां अंतरालविषै क्रमतैं अग्नि यम नैर्ऋति दिशानिविषै अभ्यन्तर मध्य बाह्य परिषद् देवनिके वत्तीस हजार चालीस हजार अठतालीस हजार पादप कहिए जंबूवृक्ष क्रमतैं हैं ॥ ६४५ ॥

सेणामहत्तराणं वारसमे पच्छिमम्हि सत्तेव

मुक्खजुदा परिवारा पजमादो पंचयज्झहिया ॥ ६४६ ॥

सेनामहत्तराणां द्वादशे पश्चिमायां संसैव ।

मुख्ययुताः परिवाराः पद्मेभ्यः पंचाभ्यधिकाः ॥ ६४६ ॥

अर्थ—वारुहां अंतरालविषै पश्चिम दिशाविषै सात प्रकार सेनाका जु महत्तर प्रधान तिनके सात जंबूवृक्ष हैं । ऐसैं एक मुख्य वृक्ष संयुक्त सर्व परिवारके वृक्ष पन्न नामा द्रहविषै जो श्री-देवीकै कमलनिका प्रमाण कहा था तातैं पांच अधिक जाननें । इहां चौथा अंतरालविषै च्यारि देवांगनानिके वृक्ष अर एक मुख्य वृक्ष ऐसैं पांच अधिक जाननें । १०८।४।१६०००।४०००।३२०००।४००००।४८०००।७।१ ए सर्व जंबूवृक्ष एक लाख चालीस हजार एकसौ वास भए ॥ ६४६ ॥

दलगाढवासमरमय जोयणदुगतुंग सुस्थिरस्कंधो

पीठिय उवरिं जंबू वज्रदलद्वयासदीह चउसाहा ॥ ६४७ ॥

दलगाढव्यासमरकतः योजनद्विकतुंगः सुस्थिरस्कंधः ।

पीठादुपरि जंबू वज्रदलाष्टव्यासदीर्घः चतुःशाखः ॥ ६४७ ॥

अर्थ—आध योजन है गाव कहिए पृथ्वीविषै जड़ जाकी बहुरि मरकत मणिमई बहुरि पीठतैं उपरि दोय योजन ऊंचा बहुरि भलै प्रकार स्थिर है पेढ जाका ऐसा मुख्य जंबूवृक्ष है । बहुरि स्कंध जो पेढ ताकै उपरि वज्रमई आध योजन चौड़ी आठ योजन लंबी च्यारि शाखा कहिए ढाहली हैं ॥ ६४७ ॥

णाणारयणुवसाहा पवालसुमणा मिदिंगसरिसफला ।

पुढविमया दसतुंगा मज्जग्गे छच्चदुव्वासा ॥ ६४८ ॥

नानारत्नोपशाखः प्रवालसुमनाः मृदंगसदृशफलः ।

पृथ्वीमयः दशतुंगः मध्येग्रे पट्चतुर्व्यासः ॥ ६४८ ॥

अर्थ—बहुरि सो जंबूवृक्ष नाना प्रकार रत्नमई उपशाखाः कहिए छोटी ढाहली ते हैं जाके पाइए ऐसा है । बहुरि प्रवाल कहिए मृगा तीह समान वर्णन धरै है सुमन कहिए फूल जाकै ऐसा है । बहुरि मृदंग समान है फल जाकै ऐसा है । बहुरि पृथ्वीकायमई है वनस्पतीरूप नाहीं है । जांमूणिके वृक्षकासा आकार है । तातैं जंबूवृक्ष नाम है । बहुरि दश योजन ऊंचा है मध्यविषै छह योजन चौड़ा है । ऊपरि च्यारि योजन चौड़ा है । इस जंबूवृक्षकी वेदीका अर स्थली पीठ वृक्षका ऐसैं अवस्थान जाननां ॥ ६४८ ॥

उत्तरकुलगिरिसाहे जिणगेहो सेससाहतिदयम्हि ।

आदरअणादराणं जक्खकुलुत्थाणमावासा ॥ ६४९ ॥

उत्तरकुलगिरिशाखायां जिनगेहः शेषशाखात्रितये ।

आदरानादरयोः यक्षकुलोत्थयोरावासाः ॥ ६४९ ॥

अर्थ—तीह मुख्य जंबूवृक्षकी उत्तर दिशा संबंधी नीळ कुलाचलकी तरफ जो शाखा तीह उपरि तौ श्री जिनमंदिर है । बहुरि अत्रशेष तीन शाखानिके उपरि यक्षकुलविषै उपजे ऐसे आदर अर अनादर नामा व्यंतर देव तिनके मंदिर हैं ॥ ६४९ ॥

आगै परिवार वृक्षनिका प्रमाण अर तिनका स्वामित्वकौं कहै हैं;—

जंबूतरुदलमाणा जंबूरुखस्स कहिदपरिवारा ।

आदरअणादराणं परिवारावासभूदा ते ॥ ६५० ॥

जंबूतरुदलमाणा जंबूवृक्षस्य कथितपरिवाराः ।

आदरानादरयोः परिवारावासभूतास्ते ॥ ६५० ॥

अर्थ—मुख्य जंबूद्वीपका जो उचाई आदि प्रमाण कक्षा तीहसों परिवाररूप अन्य जंबूवृक्ष-निका आधा प्रमाण है बहुरि ते आदर अनादरनिका परिवारके आवास रूप हैं । भावार्थ—परिवाररूप जंबूवृक्षनिका शाखानिके उपरि आदर अनादर देवनिका जो परिवार तिनके मंदिर पाईए हैं ॥ ६५० ॥

आगै शाल्मली वृक्षका स्वरूपकौं गाथा दोग करि कहै हैं;—

सीतोदावरतीरे णिसहसमीवे सुरदिणेरदिए ।

देवकुरुम्हि मणोहररूपथले सामली सपरिवारो ॥ ६५१ ॥

सीतोदापरतीरे निपधसमीपे सुराद्रिनैर्कल्यां ।

देवकुरौ मनोहररूप्यस्थले शाल्मली सपरिवारः ॥ ६५१ ॥

अर्थ—उत्तर सनमुख जाती सीतोदा नदीका पश्चिम दिशा संबंधी तटविपै निपद्ध कुलाचलके समीप मेरुपर्वततै नैऋत दिशाविपै देवकुरु भोगभूमिका जो क्षेत्र तहां मनोहर रूपामई शाल्मली वृक्षनिका स्थली है । तहां अपनां परिवार वृक्षनिकरि संयुक्त शाल्मली वृक्ष हैं ॥ ६५१ ॥

जंबुसमवर्णणो सो दक्खिणसाहम्हि जिणगिहं सेसे ।

दिससाहतिए गरुडवइवेणूवेणादिधारिगिहं ॥ ६५२ ॥

जंबुसमवर्णनः स दक्षिणशाखायां जिनगृहं शेषे ।

दिशाशाखात्रये गरुडपतिवेणुवेण्वादिधारिगृहम् ॥ ६५२ ॥

अर्थ—यहु शाल्मली वृक्ष जंबूवृक्ष समान है वर्णन जाका ऐसा है सो वर्णन जंबूवृक्षका किया सोई सर्व याका जाननां । त्रिशेष इतनां याकी दक्षिण शाखा उपरि जिनमंदिर है । अवशेष दिशा संबंधी तीन शाखानिके उपरि गरुड कुमारनिके स्वामी ऐसे वेणु अर वेणुधारीदेव तिनके मंदिर हैं । परिवार वृक्षनिका शाखानिके उपरि इनहीके परिवाररूप देवादिकानिके मंदिर जाननें ॥ ६५२ ॥

आगै भोगभूमिकर्मभूमिका विभाग कहै हैं;—

कुरुओ हरिरम्मगभू हेमवदेरणवदखिदी कमसो ।

भोगधरा वरमज्झिमवराय कम्मावणी सेसा ॥ ६५३ ॥

कुरु हरिरम्यकभुवौ हैमवतैरण्यवताक्षिती क्रमशः ।

भोगधराः वरमध्यमावराः कर्मावनयः शेषाः ॥ ६५३ ॥

अर्थ—देवकुरु अर उत्तर कुरुक्षेत्रविषै दोग उत्तम भोगभूमि हैं । बहुरि हरि अर रम्यक क्षेत्रविषै दोग मध्यम भोगभूमि हैं । बहुरि हैमवत अर हैरण्यवत क्षेत्रविषै दोग जघन्य भोग भूमि हैं । अवशेष सर्व भरत एरावत विदेह क्षेत्रविषै कर्मभूमि है ॥ ६५३ ॥

आर्गे यमकगिरिका स्वरूप गाथा दोग करि कहैं हैं;—

णीलणिसहादु गत्ता सहस्समुभए तडे वरणईणं ।

दुगदुगसेला पुब्बो चित्तो अवरो विचित्तकखो ॥ ६५४ ॥

नीलनिपघतो गत्वा सहस्समुभये तटे वरनद्योः ।

द्विकद्विकशैलौ पूर्वः चित्रः अपरः विचित्राख्यः ॥ ६५४ ॥

अर्थ—नील निपद्ध कुलाचलर्तं मेरुकी तरफ आर्गे हजार योजन जाइ उत्कृष्ट सीता सीतोदा नदीनिका पूर्व पश्चिम दोऊ तटनिविषै दोग पर्वत हैं । तिनविषै सीताका पूर्वतटविषै प्रात चित्र नामा पर्वत है । पश्चिम तटविषै प्रात विचित्र नामा पर्वत है ॥ ६५४ ॥

जमगो मेघो वृष्टा पंचसयंतरठिया तदुदयधरा ।

वदणं सहस्समद्धं गिरिणामसुरा वसंति गिरिकूडे ॥ ६५५ ॥

यमकः मेघः वृत्ताः पंचशतांतरस्थिताः तदुदयधराः ।

घटनं सहस्समर्धं गिरिनामसुरा वसंति गिरिकूटे ॥ ६५५ ॥

अर्थ—सीतोदाका पूर्व तटविषै यमक अर पश्चिम तटविषै मेघनामा पर्वत है । ऐसैं ए च्यारि यमकगिरि गोल हैं । बहुरि चित्रविचित्रकै वीचि अर यमक मेवकं वीचि पांचसै योजनका अंतराल है तीह अंतरालविषै सीता वा सीतोदा नदी जाननी । बहुरि तिन च्यारवौं पर्वतनिकी उचाई हजार योजन नीचैं चौड़ाई हजार योजन उपरि चौड़ाई पांचसै योजन प्रमाण हैं । बहुरि तिन पर्वत कूटनिकै उपरि अपनां अपनां जो पर्वतका नाम तिस ही नाम धारक देव वसैं हैं ६५५

आर्गे मेरुकी पूर्व पश्चिम दक्षिण उत्तर दिशानिविषै स्थित जे द्रह तिनका प्रमाण बहुरि एक एक द्रहके दोऊ तटनिविषै तिष्ठते ऐसे कांचन पर्वत तिनकी संख्या ताका तिनका उत्सेध सहित गाथा चारि करि कहैं हैं;—

गमिय तदो पंचसयं पंचसरा पंचसयमिदंतरिया ।

कुरुभद्रशालमज्जे अणुणदिदीहा हु पञ्जमदहसरिसा ॥ ६५६ ॥

गत्वा तत पंचशतं पंच सरांसि पंचशतमितांतरिताः ।

कुरुभद्रशालमध्ये अनुनदिदीर्घाणि हि पञ्जदसदृशानि ॥ ६५६ ॥

अर्थ—यमक गिरि जहां पाईए तीहस्यौं पांचसै योजन जाइ सीता अर सीतोदा नदीविषै देवकुरु उत्तरकुरु भोगभूमिके दोग क्षेत्र अर पूर्व पश्चिम भद्रशालके दोग क्षेत्र तिनविषै पांच पांच द्रह हैं । ते द्रह पांचसै पांचसै योजन प्रमाण परस्पर अंतराल धरैं हैं । बहुरि ते द्रह नदीके अनुसारि यथायोग्य दीर्घ हैं । आयाम कमलादिक करि पञ्जद्रह समान हैं । भावार्थ—यमक गिरि जहां नदीनिकै तटि पाईए थे तीह क्षेत्रस्यौं पांचसै योजन परैं मेरुकी तरफ सीता वा सीतोदा नदीविषै एक एक द्रह है । तीह द्रहस्यौं पांचसै योजन परैं जाय और एक द्रह है । ऐसे पांच पांच द्रह देवकुरु अर उत्तर क्षेत्रविषै जाननैं । बहुरि तिनही सीता सीतोदा नदीविषै पांच पांच द्रह पूर्व पश्चिम भद्रशालविषै जाननैं । ऐसैं ए बीस द्रह

सीता सीतोदा नदीकै वीचि वीचि जाननें । तहां जितनां नदीका चौड़ाईका प्रमाण तितना ही द्रह-
निका चौड़ाईका प्रमाण जाननां । बहुरि पद्म द्रह समान हजार योजन तिन द्रहनिकी लंबाईका
प्रमाण जाननां । सो इन द्रहनिकी चौड़ाई तौ नदीनिकी चौड़ाईविषै अर लंबाई नदीनिका प्रवाह-
विषै जाननी । बहुरि जैसे पद्मद्रहविषै कमलादिक कहे हैं तैसें इन द्रहनिविषै भी कमलादिक
जाननें ॥ ६५६ ॥

णीलुत्तरकुरुचंदा एरावदमल्लवंत णिसहा य ।

देवकुरुसूरसुलसाविज्जू सीददुगदहणामा ॥ ६५७ ॥

नीलोत्तरकुरुचंद्रा ऐरावतमाल्यवंतौ निपघथ ।

देवकुरुसूरसुलसविद्युतः सीताद्विकहदनामानि ॥ ६५७ ॥

अर्थ—नील १ उत्तर कुरु १ चन्द्र १ ऐरावत १ माल्यवत १ ए पंच बहुरि निपद्म १
देवकुरु १ सूर १ सुलस १ विद्युत १ ए पंच सीता अर सीतोदा नदीनिविषै जे द्रह हैं तिनके
नाम जाननें ॥ ६५७ ॥

णइणिग्गमदारजुदा ते तत्परिवारवर्णणं चेसिं ।

पञ्चमव्व कमलगेहे णागकुमारीउ णिवसंति ॥ ६५८ ॥

नदीनिर्गमद्वारयुतानि तानि तत्परिवारवर्णनं चैषां ।

पद्ममिव कमलगेहेषु नागकुमार्यो निवसंति ॥ ६५८ ॥

अर्थ—ते सर्व द्रह नदीके प्रवेश करनेका अर निकसनेका द्वारनि करि संयुक्त हैं ।
भावार्थ—नदीनिका प्रवाहकै वीचि द्रह हैं अर तिन द्रहनिकै वेदिका है । सो वेदिका नदीके प्रवेश
करनेके अर निकसनेके द्वारनि करि संयुक्त है । बहुरि इन द्रहनिका कमलादिकरूप सर्व परिवार
वर्णन पद्म नामा द्रह समान जाननां । इतना विशेष, इन द्रहनिविषै जे कमल हैं तिनके उपरि
जे मन्दिर हैं तिनविषै अपनां अपनां परिवार सहित नागकुमारी वसै हैं ॥ ६५८ ॥

दुतडे पण पण कंचणसेला सयसयतदद्धमुदयतियं ।

ते दहमुहा णगक्खा सुरा वसंतीह सुगवण्णा ॥ ६५९ ॥

द्वितटे पंच पंच कांचनशैलाः शतशततदर्धमुदयत्रयम् ।

ते हृदमुखा नगाख्याः सुरा वसंति इह शुक्वर्णाः ॥ ६५९ ॥

अर्थ—तिन द्रहनिके दोऊ तटनिविषै पंक्तिरूप पांच पांच कांचन पर्वत हैं । तिन पर्वतनिकी
उचाई सौ योजन है । नीचे भू व्यास सौ योजन है उपरि मुखव्यास ताका आधा पचास योजन
है । बहुरि ते सर्व पर्वत अपने अपने द्रहके सनमुख हैं । इहां प्रश्न—पर्वतनिकै सनमुखणों कैसें
होइ? ताका समाधान—इन पर्वतनिकै उपरि जे देवानिके नगर हैं । तिनके द्वार प्रवाहानिके सनमुख
हैं । तातैं इन पर्वतनिकों द्रह सनमुख कहे । बहुरि तिन पर्वतनिके उपरि अपनां अपनां पर्वतका जो
नाम तिस नामके धारक देव वसै हैं । ते देव शुक्वर्ण हैं । सूवाकासा वर्ण संयुक्त हैं ॥ ६५९ ॥ :

आगैं तहांतैं उपरि नदीनिका गमनस्वरूप कहै हैं;—

द्रहदो गंतूणगो सहस्सदुगणउदिदोणि वे च कला ।
णदिदारजुदा वेदी दक्खिणउत्तरगभदसालस्स ॥ ६६० ॥
हदतः गत्वाप्रे सहस्रद्विकनवतिद्वि द्वे च कले ।
नदीद्वारयुता वेदी दक्षिणोत्तरगभद्रशालस्य ॥ ६६० ॥

अर्थ—द्रहर्ते आर्गे दोय हजार वाणवै योजन अर एक योजनका उगणीस भागनिविपे दोय कला प्रमाण जाइ नदीका प्रवेश करनेके जो द्वार तीह करि संयुक्त दक्षिण भद्रसाल अर उत्तर भद्रसालकी वेदी तिष्ठे हैं । कैसै सो याकी वासना कहिए है । दक्षिण भद्रसाल अर्द्धाईसै योजन उत्तर भद्रसाल अर्द्धाईसै योजन मेरु व्यास दश हजार योजन इनकों जोडें दश हजार पांचसै योजन भए । सो इनकों विदेहका व्यास तैतीस हजार छसै चौरासी योजन च्यारि कला तीहमेंसों घटाइ २३१८४।४ ÷ १९ ताका आधा करिए तत्र ग्यारह हजार पांचसै वाणवै योजन दोय कला होइ । वहुरि यामेँ यमकगिरि कुलाचलका अंतराल हजार योजन अर यमक गिरिका व्यास हजार योजन अर यमक गिरि द्रहर्के अंतराल पांचसै योजन अर पाचौं द्रहनिकी लंबाई पांच हजार योजन अर पांचौं द्रहनिके बीचि च्यारि अंतराल तिनके दोय हजार योजन इस सवनिकों जोडें नव हजार पांचसै योजन होइ सो घटाएँ दोय हजार वाणवै योजन दोय कला प्रमाण अंतका द्रह अर भद्रसालकी वेदीके बीचि अंतराल जाननां ॥ ६६० ॥

आर्गे दिग्गज पर्वतनिका स्वरूप गाथा दोय करि कहैं हैं;—

कुरुभद्रसालमज्जे महाणदीणं च दोसु पासेसु ।
दो दो दिसागइंदा सयतत्तियतइल्लुदयतिया ॥ ६६१ ॥
कुरुभद्रशालमध्ये महानद्योश्च द्वयोः पार्श्वथीः ।
द्वौ द्वौ दिशागजेंद्रौ शततावत्तइल्लमुदयत्रयाणि ॥ ६६१ ॥

अर्थ—देवकुरु उत्तर कुरु भोगभूमिनिविपे वहुरि पूर्व पश्चिम भद्रसालनिविपे महानदी सीता सीतोदा तिनके दोऊ तटनिविपे दोय दोय दिग्गजेन्द्र पर्वत हैं । ते ए सर्व आठ भए सो तिन आठों दिग्गज पर्वतनिकी उंचाई सौं योजन अर नीचें चौडाई सौं योजन ऊपरि चौडाई पचास योजन प्रमाण है ॥ ६६१ ॥

तण्णामा पुञ्जादी पउमुत्तरणीलसोत्थियंजणया ।
कुमुदपलासवतंसयरोचणमिह दिग्गजिंद्रसुरा ॥ ६६२ ॥
तन्नामानि पूर्वादि. पद्मोत्तरनीलस्वस्तिकांजनकाः ।
कुमुदपलाशावतंसरोचनमिह दिग्गजेंद्रसुराः ॥ ६६२ ॥

अर्थ—पूर्वादि दिशानिविपे तिनके नाम कहिए हैं । पूर्व भद्रसालविपे पद्मोत्तर १ नील १ देवकुरुविपे स्वस्तिक १ अंजन १ पश्चिम भद्रसालविपे कुमुद १ पलाश १ उत्तर कुरुविपे अवतंश १ रोचन १ तिन दिग्गजानिके नाम हैं । तिन पर्वतनिकेँ उपरि दिग्गजेन्द्र देव तिष्ठे हैं ॥ ६६२ ॥

आर्गे गजदंत पर्वतनिका नामादिक गाथा दोय करि कहैं हैं;—

मल्लव महसोमणसो विज्जुप्पह गंधमादाणिभदंता ।

ईसाणादो वेल्लुरियरुप्पतवणीयहेममया ॥ ६६३ ॥

माल्यवान् महासौमनसः विद्युत्प्रभः गंधमादन इभदंताः ।

ईशानतः वैदूर्यरूप्यतपनीयहेममयाः ॥ ६६३ ॥

अर्थ—माल्यवान् १ महासौमनस १ विद्युत्प्रभ १ गंधमादन १ ऐसैं नामधारक गजदंत पर्वत हैं । ते क्रमतैं वैदूर्य मणि अर रूपो अर तायो सोनों अर सोनों तीह समान वर्ण धरैं हैं । बहुरि ते क्रमतैं मेरुकी ईशानतैं लगाय च्यारयौं विदिशानिविषै तिष्ठैं हैं ॥ ६६३ ॥

णीलणिसहे सुरदिं पुट्ठा मल्लवगुहादु सीदा सा ।

विज्जुप्पहगिरिगुहदो सीदोदा णिस्सरित्तु गया ॥ ६६४ ॥

नीलनिषधौ सुराद्रिं स्पृष्टाः माल्यवद्रुहायाः सीता सा ।

विद्युत्प्रभगिरिगुहातः सीतोदा निसृत्य गता ॥ ६६४ ॥

अर्थ—ते गजदंत पर्वत नील वा निषध कुलाचल अर मेरुगिरिकौं स्पशैं हैं । भावार्थ—मेरुकी च्यारयौं विदिशानिविषै मेरुपर्वतसौं लगाय नील वा निषध कुलाचलपर्यंत छेव गजदंत पर्वत हैं । बहुरि तहां सीता नामा नदी मुडि करि माल्यवत नामा गजदंत पर्वतकै नदी निकसनेकी गुफा है तामैं होइ मेरुकी अर्द्ध प्रदक्षिणा देइ पूर्व भद्रसालादिविषै गमन करै है । बहुरि सीतोदा नदी मुडि करि विद्युत्प्रभ नामा गजदंतकै नदी निकसनेकी गुफा है । तामैं होइ मेरुकी अर्द्ध प्रदक्षिणा देइ पश्चिम भद्रसालादिविषै गमन करै है ॥ ६६४ ॥

अब विदेह देसनिका विभागकौं कहैं हैं;—

उभयंतगवणवेदियमज्झगवेभंगणादितियाणं च ।

मज्झगवक्खारचऊ पुव्ववरविदेहविजयद्धा ॥ ६६५ ॥

उभयांतगवनवेदिकामध्यगविभंगनदीत्रियाणां च ।

मध्यगवक्षारचतुर्भिः पूर्वापरविदेहविजयार्थाः ॥ ६६५ ॥

अर्थ—दोऊ अंतविषै तौ वन वेदिका अर मध्यविषै प्राप्त तीन विभंगा नदी अर मध्यविषै प्राप्त च्यारि वक्षारगिरि पर्वत तिन करि पूर्व पश्चिम विदेहके देश सीता सीतोदा नदीनिके दोऊ तटनिविषै आधे आधे हैं । भावार्थ—मेरुकी पूर्व दिशाविषै पूर्व विदेह है । पश्चिम दिशाविषै पश्चिम विदेह है । बहुरि पूर्व विदेहविषै वीचि सीता नदी है । अर पश्चिम विदेहकै वीचि सीतोदा नदी है । सो इन दोऊ नदीनिके दक्षिण उत्तर तट करि च्यारि विभाग हो है । बहुरि एक एक विभागविषै आठ आठ विदेह देश हैं । तहां पूर्व वा पश्चिम भद्रसालकी वेदी ताकै आगैं वक्षार ताकै आगैं विभंगा ताकै आगैं वक्षार ताकै आगैं विभंगा ताकै आगैं वक्षार ताकै आगैं विभंगा ताकै आगैं वक्षार ताकै आगैं देवारण्य वा भूतारण्यवनकी वेदी ऐसैं ए नव भए । सो इन नवनिके वीचि वीचि आठ विदेह देश हैं । या प्रकार बर्त्तास विदेह देश जाननैं ॥ ६६५ ॥

आगैं वक्षार पर्वत अर विभंगा नदीनिका नामादिक गाथा छह करि कहैं हैं;—

तण्णामा सीटुत्तरतीरादो पढमदो पदक्खिणदो ।

चेत्तादिकूटपज्जादिमकूडा णल्लिण एगसेल्लगगो ॥ ६६६ ॥

तन्नामानि सीतोत्तरतीरात् प्रथमतः प्रदक्षिणतः ।

चित्रादिकूटपद्मादिमकूटौ नलिनः एकशैलकगः ॥ ६६६ ॥

अर्थ—सीता नदीका उत्तर तट तार्कां प्रथम करि प्रदक्षिणार्तं तिन वक्षार पर्वत वा विभंगा नदीनिके नाम ऐसं हैं । तहां सीता नदीका उत्तर तटविपै भद्रसाळकी वेदीतें आगें ल्गाय क्रमत्तं चित्रकूट १ पद्मकूट १ नलिन १ एकशैल १ नाम धारक च्यारि वक्षार पर्वत हैं ॥ ६६६ ॥

गाह्वद्रहपंकवदिणादि तिकूडवेमवणअंजणप्पादि ।

अंजणगो तत्तजला मत्तजलुम्मत्तजल सिंधु ॥ ६६७ ॥

गाध्वद्रहपंकवतीनद्यः त्रिकूटवैश्रवणात्रनात्मादिः ।

अंजनकाः तत्तजला मत्तजला उन्मत्तजला सिंधुः ॥ ६६७ ॥

अर्थ—गाधवती १ द्रह्वती १ पंकवती १ नाम धारक तीन विभंगा हैं । वहुरि सीताका दक्षिण तटविपै देवारण्य वेदीतें आगें ल्गाय क्रमत्तं त्रिकूट १ वैश्रवण १ अंजनात्मा १ अंजन १ नाम धारक च्यारि वक्षार पर्वत हैं । वहुरि तत्तजला १ मत्तजला १ उन्मत्तजला १ नाम तीन विभंगा नदी हैं ॥ ६६७ ॥

सुह्वावं विजडावं आसीविस सुह्वहा य वक्खारा ।

खारोदा सीतोदा सोदोवाहिणि णदी मज्जे ॥ ६६८ ॥

श्रद्धावान् विजटावान् आशीविषः सुखावहश्च वक्षाराः ।

क्षारोदा सीतोदा श्रोतोवाहिनी नद्यः मध्ये ॥ ६६८ ॥

अर्थ—पश्चिम विदेह सीतोदा नदीका दक्षिण तटविपै भद्रसाळ वेदीतें आगें ल्गाय क्रमत्तं श्रद्धावान् १ विजटावान् १ आशीविष १ सुखावह १ नाम धारक च्यारि वक्षार पर्वत हैं । वहुरि क्षारोदा १ सीतोदा १ श्रोतोवाहिनी १ नाम धारक तीन विभंगा नदी वक्षारनिके वीचि वीचि हैं ॥ ६६८ ॥

तो चंद्रसूरणागादिममाला देवमाल वक्खारा ।

गंभीरमालिणी फेणमालिणी उम्मिमालिणी सरिदा ॥ ६६९ ॥

ततः चंद्रसूर्यनागादिममालदेवमालाः वक्षाराः ।

गंभीरमालिनी फेनमालिनी जर्मिमालिनी सरितः ॥ ६६९ ॥

अर्थ—तहां पीछें पश्चिम विदेह सीतोदा नदीका उत्तर तटविपै देवारण्य वेदीतें आगें ल्गाय क्रमत्तं चंद्रमाल १ सूर्यमाल १ नागमाल १ देवमाल १ ए च्यारि वक्षार पर्वत हैं । वहुरि गंभीरमालिनी १ फेनमालिनी १ जर्मिमालिनी १ ए तीन विभंगा नदी हैं ॥ ६६९ ॥

हेममया वक्खारा वेभंगा रोहिसरिसवण्णगगा ।

ताहिं पवेसतोरणगेहे णिवसंति दिक्खणा ॥ ६७० ॥

हेममया वक्षाराः विभंगा रोहितसदृशवर्णनकाः ।

तासां प्रवेशतोरणगेहे निवसन्ति दिक्न्याः ॥ ६७० ॥

अर्थ—ते सर्व वक्षार पर्वत सुवर्णमय हैं । बहुरि ते विभंगा नदी सर्व रोहित नदी समान वर्णन लिए हैं । जैसे रोहित नदीका निर्गमादिविषै व्यासादिकका प्रमाण है सोई विभंगा नदीनिविषै है । सो ए विभंगा नदी निषद्ध वा नील कुलाचलनिकै निकटि कुंड हैं तिनमेंसौं निकसी है । तहां निकसतैं साढ़ा बारा योजन चौड़ी हैं । बहुरि निकासि सूधी जाइ सीता वा सीतोदाविषै प्रवेश करै हैं । तहां प्रवेश करतै एकसौ पच्चीस योजन चौड़ी हैं । बहुरि इन एक एककी परिवार नदी अठार्हस हजार है । बहुरि निकसनैका कुंडकी वेदीका तोरण द्वार अठारह योजन अर तीन चौथा भाग प्रमाण ऊंचा है । अर प्रवेश करनेका सीता वा सीतोदाकी वेदीका तोरण द्वारण एकसौ साढ़ा सित्यासी योजन ऊंचा है । ऐसैं रोहित समान वर्णन जाननां । बहुरि तिनका निकसनैका प्रवेश करनेका तोरण द्वारनकै उपरि मंदिर हैं । तहां दिक्कुमारी वसै हैं ॥ ६७० ॥

आगैं तिन वक्षारनिकै उपरि तिष्ठते देवनिकौ कहैं हैं;—

वीसदिवक्खाराणं सिहरे तत्तन्विसेसणामसुरा ।

चिद्धंति तण्णगाणं पुह कंचणवेदियावणोहिं जुदा ॥ ६७१ ॥

विंशतिवक्षाराणां शिखरे तत्तद्विशेषनामसुराः ।

तिष्ठन्ति तन्नगानां पृथक् कांचनवेदिकावनैः युताः ॥ ६७१ ॥

अर्थ—च्यारि गजदंत सोलह वक्षार मिलि वीस वक्षार पर्वत भए तिनका शिखरि अपने अपने वक्षार पर्वतका जो नाम तिसही नामके धारक देव तिष्ठै हैं । बहुरि ते पर्वत जुदे जुदे सुवर्ण मय वेदी अर वननि करि संयुक्त हैं ॥ ६७१ ॥

अब देवारण्य वननिका स्थान कहैं हैं;—

पुण्ववरविदेहंते सीतदु दुतडेसु देवरण्णाणि ।

चारि लवणुवहिपासे तन्वेदी भद्रसालसमा ॥ ६७२ ॥

पूर्वापरविदेहांते सीताद्वयोः द्वितटेषु देवारण्यानि ।

चत्वारि लवणोदधिपाश्चे तद्वेदी भद्रसालसमा ॥ ६७२ ॥

अर्थ—पूर्व पश्चिम विदेहकै अंति सीता अर सीतोदा नदीका दक्षिण उत्तर दोऊ तटनि-विषै च्यारि देवारण्य नामा वन हैं । जैसे पूर्व पश्चिम भद्रसालकी वेदी निषद्ध नीलकौं स्पर्श करि तिष्ठै है । तैसे लवणसमुद्रकै निकटि देवारण्यकी वेदी निषद्ध नीलकौं स्पर्श करि तिष्ठै है । भावार्थ— विदेहकै अंति समुद्रकै निकटि देवारण्य नामा वन हैं ॥ ६७२ ॥

अब तिन वननिके वृक्षादिक कहैं हैं;—

जंवीरजंबुकेलीकंकिल्लीमलिवल्लिपहुदीहिं ।

बहुदेवसरीवावीपासादगिहेहिं जुत्ताणि ॥ ६७३ ॥

जंवीरजंजूकदलीकंकैलिमल्लिवल्लिप्रभृतिभिः ।

बहुदेवसरोवापीप्रासादगृहैः युक्तानि ॥ ६७३ ॥

अर्थ—ते देवारण्य वन जंभीरीं जामूणि केलि कंकली मालती वेलि आदि वृक्षनि कारि संयुक्त हैं । बहुरि बहुत देव सरोवर अर वावर्डी अर प्रासाद मंदिरनि करि संयुक्त हैं ॥ ६७३ ॥

आगै विदेह देशनिका ग्रामादिकका लक्षण तीन गाथानि करि कहैं हैं;—

देसे पुह पुह गामा छण्णउदीकोडि णयरखेडा य ।

खर्वड मडंव पट्टण द्रोणा संवाह दुर्गाटवी ॥ ६७४ ॥

देशे पृथक् पृथक् ग्रामाः पण्णवतिकोव्यः नगरखेटाः च ।

खर्वडा मडंवाः पट्टनानि द्रोणाः संवाहा दुर्गाटव्यः ॥ ६७४ ॥

अर्थ—विदेह क्षेत्रविपै तिष्ठते जे वत्तीस देश तिन एक एक विपै पृथक् पृथक् छिनवै कोडि ग्राम हैं । बहुरि नगर खेट खर्वड मडंव पत्तन द्रोण संवाह ए दुर्गाटवी हैं ॥ ६७४ ॥

छव्वीसमदो सोलं चउवीसचउकमेव अडदालं ।

णवणउदी चोदस अडवीसं कमसो सहस्सगुणा ॥ ६७५ ॥

पड्विंशमतः पोटशः चतुर्विंशं चतुष्कमेव अष्टचत्वारिंशत् ।

नवनवतिः चतुर्दश अष्टाविंशं क्रमशः सहस्रगुणानि ॥ ६७५ ॥

अर्थ—छव्वीस सोलह चौवीस च्यारि अठतालीस निन्याणवै चौदह अठईस क्रमतैं हजार गुणे हैं । भावार्थ—एक एक विदेह देशविपै छर्वास हजार नगर है । सोलह हजार खेट हैं । चौवीस हजार खर्वड हैं । च्यारि हजार मडंव हैं । अठतालीस हजार पत्तन हैं । निन्याणवै हजार द्रोण हैं । चौदह हजार संवाह हैं । अठईस हजार दुर्गाटवी हैं ॥ ६७५ ॥

वइ चउगोउरसालं णदिगिरिणगवेढि सपणसयगामं ।

रयणपदसिंधुवेलावलइय णगुवरि द्वियं क्रमसो ॥ ६७६ ॥

वृत्तिः चतुर्गोपुरशालः नदीगिरिनगवेष्ट्यं सपंचशतग्रामं ।

रत्नपदसिंधुवेलावलयितः नगोपरि स्थितं क्रमशः ॥ ६७६ ॥

अर्थ—वृत्ति जो वाडि तीह करि वेष्टित सो ग्राम हैं । बहुरि च्यारि दरवाजे कोट संयुक्त नगर हैं । बहुरि नदी अर पर्वत दोऊनि करि वेष्टित खेट हैं । बहुरि पर्वत करि वेष्टित खर्वड है । पांचसै ग्रामनि करि संयुक्त अडंव है । जहां रत्न वस्तु निपजै सो पत्तन हैं । नदी करि वेष्टित द्रोण है । बहुरि उप समुद्रकी वेला करि वेष्टित जो होइ सो संवाह है । पर्वतकै उपरि जो होइ सो दुर्गाटवी है । ऐसैं क्रमतैं ग्रामादिकका स्वरूप जाननां ॥ ६७६ ॥

आगै विदेह देशविपै जो उपसमुद्र हैं ताकै अभ्यतर जे द्वीप हैं तिनका स्वरूप कहैं हैं;—

छप्पणंतरदीवा छव्वीससहस्स रयणआयरया ।

रयणाण कुक्खिवासा सत्तसथं उवसमुद्दम्हि ॥ ६७७ ॥

षट्पंचाशदंतरद्वीपाः षड्विंशसहस्रं रत्नाकराः ।

रत्नानां कुक्षिवासाः सप्तशतानि उपसमुद्रे ॥ ६७७ ॥

अर्थ—एक एक विदेह देशविषै एक एक उपसमुद्र है सो मुख्य नगरी अर महानंदीके वीचि आर्यखंडविषै पाईए है । तीह उपसमुद्रकैविषै टापू है । तहां छप्पन तौ अंतरद्वीप हैं । बहुरि छवीस हजार रत्नाकर हैं तहां रत्न उपजै हैं । रत्ननिके बेचने लैनेके स्थानभूत कुक्षिवास सातसै हैं ॥ ६७७ ॥

आगै मागधादि तीन देवनिका स्थान कहैं हैं;—

सीतासीतोदाणदितीरसमीवे जलमिह दीवतियं ।

पुन्वादी मागधवरतणुप्पभासामराण हवे ॥ ६७८ ॥

सीतासीतोदानदीतीरसमीपे जले द्वीपत्रयं ।

पूर्वादिना मागधवरतनुप्रभासामराणां भवेत् ॥ ६७८ ॥

अर्थ—सीता सीतोदा नदीके तीर समीप जलविषै पूर्व पश्चिम करि मागध १ वरतनु १ प्रभास १ देवनिके तीन द्वीप हैं । भावार्थ—चक्रवर्ती करि साधने योग्य मागध वरतनु प्रभास देव तिनके स्थान जैसे भरत एरावतके समुद्रविषै हैं । तैसे विदेह देशनिके सीता सीतोदा नदीविषै है । पूर्व विदेहके सीता नदीके तीर जलविषै है । पश्चिम विदेहके सीतोदा नदीके तीर समीप जलविषै है । तहां एक एक देशसंबंधी दोय दोय नदी जिन द्वारनि करि सीता सीतोदाविषै प्रवेश करै हैं । तिन द्वारनिके अर तिन द्वारनिके वीचि द्वार है ताके समीप जलविषै तिन देवनिके द्वीप जानने ॥ ६७८ ॥

आगै विदेह क्षेत्रविषै प्रात वर्षादिकका स्वरूप गाथा दोय करि कहैं हैं;—

वरिसंति कालमेहा सत्तविहा सत्त सत्त दिवसवही ।

वरिसाकाले धवला वारस द्रोणाभिहाणवभा ॥ ६७९ ॥

वर्षेति कालमेघाः सप्तविधाः सप्त सप्त दिवसावधीन् ।

वर्षाकाले धवला द्वादश द्रोणाभिधाना अभ्राः ॥ ६७९ ॥

अर्थ—सात प्रकार काल मेघ हैं । ते सात सात दिन मर्याद लिए वर्षाकालविषै वर्षे हैं । बहुरि स्वेतवर्ण द्रोण नामा वारह अभ्र कहिए वादले ते तैसेही सात सात दिन मर्याद लिए वर्षे हैं । ऐसे वर्षाकालविषै एकसौ तेतीस दिन वर्षा हो है ॥ ६७९ ॥

देसा दुर्भिक्षखीदीमारिकुदेववर्णालिगिमदहीणा ।

भरिदा सदावि केवलिसलागपुरिसिद्धिसाह्विहि ॥ ६८० ॥

देशा दुर्भिक्षेतिमारिकुदेववर्णालिगिमतहीनाः ।

भृताः सदापि केवलिशलाकापुरुषार्थिसाधुभिः ॥ ६८० ॥

अर्थ—विदेह क्षेत्रविषै तिष्ठते देश ते अतिवृष्टि १ अनावृष्टि १ मूस १ ठीडी १ सुवा १ अपनी फौज १ अन्य वैरीकी फौज १ ऐसे सात प्रकार ईति करि रहित हैं । बहुरि गाय मनुक्षा दिक जातैं अधिक भरै ऐसी भरी तिन करि रहित हैं । बहुरि जिनदेवतैं अन्य कुदेव जिनलि-

गीतें अन्य कुलिगी जिनमततै अन्य कुमत तिन करि रहित हैं । वहुरि ते देश सदा ही केवलज्ञानी वहुरि तीर्थकरादि शलाका पुरुष वहुरि ऋद्धिधारी साधु तिन करि भरे हैं ॥ ६८० ॥

आगें तीर्थकर सकल चक्री अर्द्धचक्रीनिकी पंचमेरु अपेक्षा करि जवन्य उक्कष्ट संख्या करि प्रवर्त्तन कहैं हैं;—

तिस्थद्धसयलचक्री सट्टिसयं पुह वरेण अवरेण ।

वीसं वीसं सयले खेत्ते सत्तरिसयं वरदो ॥ ६८१ ॥

तीर्थार्धसकलचक्रिणः पट्टिशतं पृथक् वरेण अवरेण ।

विंशं विंशं सकले क्षेत्रे सप्ततिशतं वरतः ॥ ६८१ ॥

अर्थ—तीर्थकर अर अर्द्धचक्री नारायण प्रतिनारायण अर सकल चक्री चक्रवर्ती ए प्रथक प्रथक एक एक विदेह देशविषै एक एक होइ तव उक्कष्टपनै करि एकसौ साठि होंइ । वहुरि जघन्यपनै करि सीता सीतोदाका दक्षिण उत्तर तटविषै एक एक होइ ऐसैं एक मेरु अपेक्षा च्यारि होहिं मिलि करि पंच मेरुके विदेह अपेक्षा करि वीस हो है । वहुरि ते उक्कष्टपनैथकी पांच भरत पांच ऐरावतसम्बन्धी मिलाएं तीर्थकरादिक एकसौ सत्तरि हो हैं ॥ ६८१ ॥

अव चक्रवर्तीकी संपदाका स्वरूप कहैं हैं;—

चुलसीदिलकरवभदिभ रहा हया विगुणवयकोडीओ ।

णवणिहि चोदसरयणं चक्रिस्थीओ सहस्सच्छणउदी ॥ ६८२ ॥

चतुरशीतिलक्षभद्रेभाः रथा हया द्विगुणनवकोव्यः ।

नवनिधयः चतुर्दशरत्नानि चक्रिस्त्रियः सहस्रं पणवतिः ॥ ६८२ ॥

अर्थ—चौरासी लाख कल्याणरूप हाथी हैं । तितनेही चौरासी लाख रथ हैं । घोडे दुगुणा नव कोडि ताके अठारह कोडि हैं । वहुरि छह ऋतु योग्य वस्तुका देनेवाला कालनिधि है भाज-नपात्रका दायक महाकालनिधि है । अन्नका दायक पांडुनिधि है । आयुषका दायक माणवकनिधि हैं । वाजित्रका दायक शंखनिधि है । मंदिरका दायक नैसर्पनिधि है । वस्त्रका दायक पद्मनिधि है । आभूषणका दायक पिंगलनिधि है । नानाप्रकार रत्नसमूहका दायक नाना रत्ननिधि है । ऐसैं नवनिधि हैं । गाढाके आकारिनिधि है तामैं ऐसैं वस्तु निकस्या करै है । वहुरि चक्र १ असि १ छत्र १ दंड १ मणि १ चर्म १ काकिणी १ ए सात अचेतन अर ग्रहपति १ सेनापति १ हाथी १ घोड़ो १ सिलप १ स्त्री १ पुरोहित १ ए सात सचेतन ऐसैं चौदह रत्न हैं । वहुरि छिनवैं हजार स्त्री हैं । ऐसैं चक्रवर्तीके संपदा हैं ॥ ६८२ ॥

अव राजाधिराजादिकनिका लक्षण गाथा तीन करि कहैं हैं;—

अण्णे सगपदविठिया सेणागणवणिजदंडवइ मंती ।

मह्यर तलयर वण्णा चउरंगपुरोहमच्चमहमच्चा ॥ ६८३ ॥

अन्ये स्वकपदवीस्थिताः सेनागणवणिगदंडपतिः मंत्री ।

महत्तरः तलवरः वर्णः चतुरंगपुरोहितामात्यमहामात्यः ॥ ६८३ ॥

अर्थ—अन्य राजादिक हैं ते अपनी अपनी पदवीविषै स्थित हैं । तहां सेनापति कहिए सेनाका नायक बहुरि गणक पती कहिए ज्योतिषी आदिकका नायक बहुरि वणिक्पति कहिए व्यापारीनिका नायक बहुरि दंडपति कहिए समस्त सेनाका नायक बहुरि मंत्री कहिए पंचांग मंत्रविषै प्रवीण बहुरि महत्तर कहिए कुलविषै बड़ा बहुरि तलवर कहिए कोटवाल बहुरि वर्ण कहिए क्षत्रियादिक च्यारि प्रकार वर्ण बहुरि चतुरंग कहिए च्यारि प्रकार सेना बहुरि पुरोहित कहिए हितकार्यका अधिकारी बहुरि आमात्य कहिए देशका अधिकारी बहुरि महामाल्य कहिए सर्व राज्य-कार्यका अधिकारी ॥ ६८३ ॥

इदि अट्टारसेढीणहिओ राजो ह्वेज्जमउडधरो ।

पंचसयरायसामी अहिराजो तो महाराजो ॥ ६८४ ॥

इति अष्टादशश्रेणीनामधिपो राजा भवेत् मुकुटधरः ।

पंचशतराजस्वामी अधिराजः ततः महाराजः ॥ ६८४ ॥

अर्थ—ऐसैं अठारह श्रेणीनिका जो स्वामी सो राजा कहिए सोई मुकुटधारी हो है । बहुरि ऐसैं पांचस राजानिका स्वामी सो अधिराजा हो है । बहुरि हजार राजनिका स्वामी महाराजा हो है ॥ ६८४ ॥

तह अद्धमंडलीओ मंडलिओ तो महादिमंडलिओ ।

तियछक्खंडाणहिवा पहुणो राजाण दुगुणदुगुणाणं ॥ ६८५ ॥

तथा अर्धमंडलिकः मंडलिकः ततो महादिमंडलिकः ।

त्रिकपट्खंडानामधिपाः प्रभवः राज्ञां द्विगुणद्विगुणानाम् ॥ ६८५ ॥

अर्थ—तैसैं दोष हजार राजानिका स्वामी अर्द्धमंडलीक हो है । बहुरि चारि हजार राजानिका स्वामी मंडलीक हो है । बहुरि आठ हजार राजानिका स्वामी महामंडलीक हो है । बहुरि सोलह हजार राजानिका स्वामी तीन खंडका अधिपति नारायण वा प्रतिनारायण हो है । बहुरि बत्तीस हजार राजानिका स्वामी छह खंडका अधिपति चक्रवर्ती हो है । ऐसैं अधिराजादिक सर्व राजातैं दूणे दूणे क्रमतैं जानैं ॥ ६८५ ॥

अब तीर्थकरका विशेष स्वरूप कहैं हैं;—

सयलभुवणेकणाहो तित्थयरो कोमुदीव कुंदं वा ।

धवलैहिं चामरैहिं चउसट्ठिहिं विज्जमाणो सो ॥ ६८६ ॥

सकलभुवनैकनाथः तीर्थकरः कौमुदीव कुंदं वा ।

धवलैः चामरैः चतुःपट्टिभिः वीज्यमानः सः ॥ ६८६ ॥

अर्थ—जो सकल लोकका एक अद्वितीय नाथ है । बहुरि गड्डलनी समान वा कुंदेका फूल समान स्वेत चौसठि चमरनि करि वीज्यमान है सो तीर्थकर जाननां ॥ ६८६ ॥

आगैं विदेह देशनिके नाम गाथा श्लोक च्यारि करि कहैं हैं;—

कच्छा सुकच्छा महाकच्छा चउत्थी कच्छकावदी ।

आवत्ता लांगलावत्ता पोक्खला पोक्खलावदी ॥ ६८७ ॥

कच्छा सुकच्छा महाकच्छा चतुर्थी कच्छकावती ।

आवर्ता लांगलावर्ता पुष्कला पुष्कलावती ॥ ६८७ ॥

अर्थ—कच्छा १ सुकच्छा १ महाकच्छा १ चौथी कच्छकावती १ आवर्ता १ लांगलावर्ता १ पुष्कला १ पुष्कलावती १ ए आठ देश सीता नदीका उत्तर तटविपै भद्रसाल वेदीतैं आगैं लगाय करि क्रमतैं जाननैं ॥ ६८७ ॥

वच्छा सुवच्छा महावच्छा चउत्थी वच्छकावदी ।

रम्मा सुरम्मगा चैव रमणेज्जा मंगलावदी ॥ ६८८ ॥

वत्सा सुवत्सा महावत्सा चतुर्थी वत्सकावती ।

रम्या सुरम्यका चैव रमणीया मंगलावती ॥ ६८८ ॥

अर्थ—वत्सा १ सुवत्सा १ महावत्सा १ चौथी वत्सकावती १ रम्या १ सुरम्यका १ रमणीया १ मंगलावती १ ए आठ देश सीता नदीका दक्षिण तटविपै देवारण्यकी वेदीतैं उरैं लगाय करि क्रमतैं जाननैं ॥ ६८८ ॥

पम्मा सुपम्मा महापम्मा चउत्थी पम्पकावदी ।

शंखा च णलिणी चैव कुमुदा सरिदा तथा ॥ ६८९ ॥

पद्मा सुपद्मा महापद्मा चतुर्थी पद्मकावती ।

शंखा च नलिनी चैव कुमुदा सरित्तथा ॥ ६८९ ॥

अर्थ—पद्मा १ सुपद्मा १ महापद्मा १ चौथी पद्मकावती १ शंखा १ नलिनी १ कुमुद १ सरित १ ए आठ देश सीतोदा नदीका दक्षिण तटविपै भद्रसाल वेदीतैं आगैं लगाय क्रमतैं जाननैं ॥ ६८९ ॥

वप्पा सुवप्पा महावप्पा चउत्थी वप्पकावदी ।

गंधा खल्लु सुगंधा च गंधिला गंधमालिणी ॥ ६९० ॥

वप्रा सुवप्रा महावप्रा चतुर्थी वप्रकावती ।

गंधा खल्लु सुगंधा च गंधिला गंधमालिनी ॥ ६९० ॥

अर्थ—वप्रा १ सुवप्रा १ महावप्रा १ चौथी वप्रकावती १ गंधा १ सुगंधा १ गंधिला १ गंधमालिनी १ ए आठ देश सीतोदा नदीका उत्तर तटविपै देवारण्य वेदीतैं उरैं लगाय क्रमतैं जाननैं ॥ ६९० ॥

आगैं इन देशनिविपै खंड कैसैं जानिए ऐसैं प्रश्न कहतैं उत्तर कहैं हैं;—

विजयं पडि वेयड्ढो गंगासिंधुसम दोण्णि देण्णि णई ।

तेहिं कया छक्खंडा विदेह वत्तीस विजयाणं ॥ ६९१ ॥

विजयं प्रति विजयार्थः गंधासिंधुसमे द्वे द्वे नद्यौ ।

तैः कृतानि षट्खंडानि विदेहे द्वात्रिंशत् विजयानाम् ॥ ६९१ ॥

अर्थ—देश देश प्रति एक एक विजयार्द्ध पर्वत है । कुलाचलतें लगाय महानदी पर्यंत जो देशनिकी लंबाई तीहकै मध्य प्रदेशविषै विजयार्द्ध पर्वत जाननां । सो विजय कहिए देश सो इस करि आधा किया तातैं याका विजयार्द्ध ऐसा सार्थाक नाम है । बहुरि तिनही देशनिविषै गंगा सिंधुसमान निकसतैं सवा छह योजन चौड़ी प्रवेश करतैं साढ़ा वासठि योजन चौड़ी इत्यादि गंगासिंधुका जो प्रमाण तीह सदृश दोय दोय नदी हैं । तिन नदी अर विजयार्द्धनि करि विदेह संबंधी बत्तीस देशनिविषै प्रत्येक छह छह खंड किए हैं ॥ ६९१ ॥

आगैं तहां तिष्टते विजयार्द्धनिका वा नदीनिका व्यास गाथा दोय करि कहैं हैं;—

ते पुन्वावरदीहा जणवयमज्जे गुहादु पुन्वं वा ।

गंगादु पीलमूलगकुंडा रत्ततुग गिसहणिससरिदा ॥ ६९२ ॥

ते पूर्वापरदीर्घा जनपदमध्ये गुहाद्वयं पूर्वं वा । .

गंगाद्वयं नीलमूलगकुंडा रक्ताद्विकं निपधनिःसृताः ॥ ६९२ ॥

अर्थ—ते विजयार्द्ध पूर्व पश्चिम लंबे हैं । बहुरि जनपद जो देश तीहकै मध्यभागविषै हैं । बहुरि तहां विजयार्द्धविषै दोय गुफा हैं सो गुफा पूर्वं भरतका विजयार्द्धविषै कही तैसैं ही इहां जाननी । बहुरि एक एक देशविषै दोय दोय नदी हैं । तहां सीता वा सीतोदाका दक्षिण तटविषै जे देश हैं तिनविषै जे दोय दोय नदी हैं तिनका नाम गंगा सिंधु है । बहुरि उत्तर तटविषै जे देश हैं तिनविषै जे दोय दोय नदी हैं तिनका नाम रक्ता रक्तोदा है । तहां गंगासिंधु दोय नदी नील पर्वतकै निकटि मूलविषै स्थित जो कुंड तीहसों उत्तर सनमुख निकसि सूधी आइ विजयार्द्धकी गुफामें होइ सीता वा सीतोदाविषै तिसकी वेदीका तोरण द्वारविषै प्राप्त होइ प्रवेश करै है । बहुरि रक्ता रक्तोदा दोय नदी निपध पर्वतकै निकटि मूलविषै स्थित जो कुंड तीहसों दक्षिण सनमुख निकसि सूधी आइ विजयार्द्धकी गुफामें होइ सीता वा सीतोदाविषै तिसकी वेदीका तोरण द्वारविषै प्राप्त होइ प्रवेश करै है ॥ ६९२ ॥

दसदसपणोत्ति पणं तीसं दसयं च रूपगिरिधासा ।

खयराभिजोग सेढी सिहरे सिद्धादिकूडं तु ॥ ६९३ ॥

दश दश पंचांतं पंचाशत् त्रिंशत् दशकं च रूपगिरिव्यासा ।

खचराभियोग्या श्रेणी शिखरे सिद्धादिकूटं तु ॥ ६९३ ॥

अर्थ—तीह विजयार्द्धकै दश योजन ऊंची प्रथम श्रेणी है । पचास योजन प्रमाण नीचें उपरि समान व्यास धरै है । बहुरि तातैं उपरि दस योजन ऊंची दूसरी श्रेणी है । तीस योजन समान व्यास धरै है । ताकै उपरि पांच योजन ऊंचा उपरिका शिखर है । दश योजन समान व्यास धरै है । भावार्थ—विजयार्द्ध पर्वत नीचैतैं लगाय दश योजनकी उचाई पर्यंत पचास योजन चौड़ा है । बहुरि उपरि दक्षिण उत्तरविषै दश दश योजनकी चौड़ी कटनी छूटि बीचिमें दश योजन उचाई पर्यंत तीस योजन चौड़ा है । बहुरि उपरि दक्षिण उत्तरविषै दश दश योजन कटनी छूटि बीचिमें पांच योजन उचाई पर्यंत दश योजन चौड़ा है । बहुरि तहां दक्षिण उत्तर दोऊ तट-

विषै प्राप्त प्रथम श्रेणीविषै विद्याधर वसै हैं । बहुरि द्वितीय श्रेणी जो कटनी तिह विषै आमियोग्य देव वसै हैं । बहुरि शिखरविषै सिद्धायतन आदि नवकूट हैं ॥ ६९३ ॥

आगै तहां ही द्वितीयादि श्रेणीविषै विशेष कहै हैं;—

सौहम्मआभिजोगगमणिचित्तपुराणि विदियसेहिम्हि ।

वेयडुकुमारवई सिहरतले पुण्णभद्रवखे ॥ ६९४ ॥

सौधर्माभियोग्यगमणिचित्रपुराणि द्वितीयश्रेण्याम् ।

विजयार्धकुमारपतिः शिखरतले पूर्णभद्राख्ये ॥ ६९४ ॥

अर्थ—तहां ही द्वितीय श्रेणीविषै सौधर्म संबंधी आभियोग्य देवनिके मणिमई नानाप्रकार नगर हैं । बहुरि तिस विजयार्द्धका शिखरविषै पूर्णभद्र नामा कूट तीह उपरि विजयार्द्ध कुमार पति देव वसै हैं ॥ ६९४ ॥

आगै तहां प्रथम दोऊ श्रेणिनिविषै तिष्टते विद्याधरनिके नगर तिनकी संख्या वा तिनके नाम पंद्रह गाथानि करि कहै हैं;—

पणवण्णं पणवण्णं विदेहवेयडूढपढमभूमिम्हि ।

णयरणि पण्णसट्ठी जंबूजभयंतवेयडूढे ॥ ६९५ ॥

पंचपंचाशत् पंचपंचाशत् विदेहविजयार्धप्रथमभूमौ ।

नगराणि पंचाशत् षष्टिः जंबूभयांतविजयार्धे ॥ ६९५ ॥

अर्थ—विदेह संबंधी विजयार्द्धनिकी दक्षिण उत्तररूप प्रथम दोऊ श्रेणी तीहविषै पचावन पचावन नगर विद्याधरनिके हैं । बहुरि जंबूद्वीपका दोऊ अंत जे भरत ऐरावत तिनि संबंधी विजयार्द्ध तहां प्रथम दोऊ श्रेणीविषै पचास साठि नगर हैं ॥ ६९५ ॥

सेलायामे दक्खिणसेठीए पण्णमुत्तरे सट्ठी ।

तण्णामा पुच्चादी किणामिद किणरंगीदं ॥ ६९६ ॥

शैलायामे दक्षिणश्रेण्यां पंचाशदुत्तरस्यां षष्टिः ।

तन्नामानि पूर्वोदितः किनामितं किन्नरगीतं ॥ ६९६ ॥

अर्थ—भरत ऐरावत संबंधी विजयार्द्ध तीहंकी पूर्व पश्चिम लंबाईविषै दक्षिण श्रेणीविषै तौ पचास नगर हैं । उत्तर श्रेणीविषै साठि नगर हैं तिन नगरनिके नाम पूर्व दिशातै लगाय अनुक्रमतै कहिए हैं । किनामित १ किन्नरगीत १ ॥ ६९६ ॥

णरगीदं बहुकेदू पुंडरियं सीहसेदगरुडधजं ।

सिरिपहधर लोहगलमरिंजयं वज्जअगलडूपुरं ॥ ६९७ ॥

नरगीतः बहुकेतुः पुडरीकं सिंहश्वेतगरुडध्वजं ।

श्रीप्रमधरं लोहार्गलमरिंजयं वज्जार्गलाड्यपुरं ॥ ६९७ ॥

अर्थ—नरगीत १ बहुकेतु १ पुंडरीक १ सिंहध्वज १ श्वेतध्वज १ गरुडध्वज १ श्रीप्रम १ श्रीधर १ लोहार्गल १ अरिंजय १ वज्जार्गल १ वज्जार्गलपुर १ ॥ ६९७ ॥

होइ विमोइ पुरं जय सयडचदुव्वहुमुही य अरजक्खा ।
 विरजक्खा रहणूपुर मेहलअग्गपुर खेमचरी ॥ ६९८ ॥
 भवति विमोचि पुरंजयं शकटचतुर्वहुमुखी च अरजस्का ।
 विरजस्का रथनूपुरं मेखलाग्रपुरं क्षेमचरी ॥ ६९८ ॥

अर्थ—भवति कहिए नगर है । विमोचिपुर १ जय १ शकटमुखी १ चतुर्मुखी १ बहुमुखी
 १ अरजस्का १ विरजस्का १ रथनूपुर १ मेखलाग्रपुर १ क्षेमचरी १ ॥ ६९८ ॥

अवराजिद कामादीपुष्पं गगणचरि विणयचरि सुक्कं ।
 तो सजयंतिणगरं जयंति विजया वइजयती य ॥ ६९९ ॥
 अपराजितं कामादिपुष्पं गगनचरी विनयचरी शुक्रं ।
 ततः संज तिनगरं जयंति विजया वैजयंती च ॥ ६९९ ॥

अर्थ—अपराजित १ मपुष्प १ गगनचरी १ विनयचरी १ शुक्र १ संजयंतिनगर १
 जयंती १ विजया १ वैजयंती १ ॥ ६९९ ॥

खेमंकर चंदाहं सुराहं चित्तकूड महकूडं ।
 हेमतिमेहविचित्रकूडं वेसवणकूडमदो ॥ ७०० ॥
 क्षेमकरं चंद्राभं सूर्याभं चित्रकूटं महाकूटं ।
 हेमत्रिमेघविचित्रकूटं वैश्रवणकूटमतः ॥ ७०० ॥

अर्थ—क्षेमंकर १ चंद्राभ १ सूर्याभ १ चित्रकूट १ महाकूट १ हेमकूट १ त्रिकूट १
 मेघकूट १ विचित्रकूट १ वैश्रवणकूट १ ॥ ७०० ॥

सूरपुर चंदपुर णि ज्जोदिणि विमुहि णिच्चवाहिणियो ।
 सुमुही चरिमा पच्छिमभागादो अज्जुणी अरुणी ॥ ७०१ ॥
 सूर्यपुरं चंद्रपुरं नित्योद्योतिनी विमुखी नित्यवाहिनी ।
 सुमुखी चरमा पश्चिमभागात् अर्जुनी अरुणी ॥ ७०१ ॥

अर्थ—सूर्यपुर १ चन्द्रपुर १ नित्योद्योतिनी १ विमुखी १ नित्यवाहिनी १ सुमुखी १ अंतकी
 नगरी १ ऐसै दक्षिण श्रेणीविषै पचास नगरी हैं । अब उत्तर श्रेणीविषै पश्चिम भागतेँ ल्गाय क्रमतेँ
 नगरीनिके नाम कहिए हैं । अर्जुनी १ अरुणी १ ॥ ७०१ ॥

केलास वारुणीपुरि विज्जुप्पह किलिकिलं च चूडादी ।
 मणि सासिपह वंशालं पुष्पादी चूलमिह दसमं ॥ ७०२ ॥
 कैलाशो वारुणी पुरी विद्युत्प्रभं किलिकिलं च चूडादिः ।
 मणिः शशिप्रभं वंशालं पुष्पादिः चूलमिह दशमं ॥ ७०२ ॥

अर्थ—कैलाश १ वारुणीपुरी १ विद्युत्प्रभ १ किलिकिल १ चूडामणि १ शशिप्रभ १
 वंशाल १ पुष्पचूलनामा दशवां नगर है ॥ ७०२ ॥

तत्तोवि हंसगर्भं बलाहकं तेरसं शिवंकरयं ।

सिरिसोथ चमर शिवमंदिर वसुमक्का वसुमती य ॥ ७०३ ॥

ततोपि हंसगर्भं बलाहकं त्रयोदशं शिवंकरं ।

श्रीसौधं चमरं शिवमंदिरं वस्तुमक्का वसुमती च ॥ ७०३ ॥

अर्थ—तहां पीछे हंसगर्भ १ बलाहक १ शिवंकर १ तेरव्हां है श्रीसौध १ चमर १ शिवमंदिर १ वसुमक्का १ वसुमती १ ॥ ७०३ ॥

सिद्धत्थं सत्तुंजय ध्यमाल सुरिंदकंत गयणादि ।

णंदणमवि वीदादिमसोगो अलगा तदो तिलगा ॥ ७०४ ॥

सिद्धार्थं शत्रुंजयं ध्वजमालं सुरेन्द्रकांतं गगनादिः ।

नंदनमपि वीतादिमशोकः अलका ततस्तिलका ॥ ७०४ ॥

अर्थ—सिद्धार्थ १ शत्रुंजय १ ध्वजमाल १ सुरेन्द्रकांत १ गगननंदन १ अशोका १ विशोका १ वीतशोका १ अलका १ तहां पीछे तिलका १ ॥ ७०४ ॥

अंबरतिलकं मंदर कुमुदं कुंदं च गयणवल्लभयं ।

तो दिव्यतिलकं भूमीतिलकं गंधर्वणयरमतो ॥ ७०५ ॥

अंबरतिलकं मंदरं कुमुदं कुंदं च गगनवल्लभं ।

ततो दिव्यतिलकं भूमीतिलकं गंधर्वनगरमतः ॥ ७०५ ॥

अर्थ—अंबरतिलक १ मंदर १ कुमुद १ कुंद १ गगनवल्लभ १ तहां पीछे दिव्यतिलक १ भूमीतिलक १ गंधर्वनगर १ इहांते आगे ॥ ७०५ ॥

मुक्ताहारं नेमिसमग्निमहाज्वालसिरिणिकेदवुरं ।

जयावह सिरिवासं मणिवज्रं भद्राश्वपुरं धनंजयं ॥ ७०६ ॥

मुक्ताहारं नेमिसमग्निमहाज्वालं श्रीनिकेतपुरं ।

जयावहं श्रीवासं मणिवज्रं भद्राश्वपुरं धनंजयं ॥ ७०६ ॥

अर्थ—मुक्ताहार १ नेमिस १ अग्निज्वाल १ महाज्वाल १ श्रीनिकेतपुर १ जयावह १ श्रीनिवास १ मणिवज्र १ भद्राश्वपुर १ धनंजय १ ॥ ७०६ ॥

गोक्षीरफेणमक्खोभं गिरिसिहरं च धरणि धारिणियं ।

दुर्गं दुर्धरणयरं सुदर्शनं तो महेंद्रविजयपुरं ॥ ७०७ ॥

गोक्षीरफेणमक्खोभं गिरिशिखरं च धरणि धारिणिकं ।

दुर्गं दुर्धरनगरं सुदर्शनं ततो महेंद्रविजयपुरं ॥ ७०७ ॥

अर्थ—गोक्षीरफेण १ अक्षोभ १ गिरिशिखर १ धरणिपुर १ धारणीपुर १ दुर्ग १ दुर्धर-नगर १ सुदर्शन १ तहां पीछे महेंद्रपुर १ विजयपुर ॥ ७०७ ॥

पगरी सुगंधिणी वज्रद्धतरं रयणपुण्वआयरयं ।

रयणपुरं चरिमं ते रयणमया राजधानीओ ॥ ७०८ ॥

नगरी सुगंधिनी वज्राद्धतरं.रत्नपूर्वमाकरं ।

रत्नपुरं चरमं ताः रत्नमया राजधान्यः ॥ ७०८ ॥

अर्थ—सुगंधिनी नगरी १ वज्राद्धतर २ रत्नाकर १ रत्नपुर १ अंतका नगर है । ऐसी साठि नगरी उत्तर श्रेणीविषै हैं । ते ए सर्व नगरी रत्नमई हैं । बहुरि राजानिका जहां वास पाइए ऐसी राजधानी हैं ॥ ७०८ ॥

पायारगोउरद्वलचरियासरवण विराजिया तत्थ ।

विज्जाहरा तिविज्जा वसंति छक्कम्मसंजुत्ता ॥ ७०९ ॥

प्राकारगोपुराद्वाल्चर्यासरोवनैः विराजिता तत्र ।

विद्याधरा त्रिविद्या वसंति पट्टकर्मसंयुक्ताः ॥ ७०९ ॥

अर्थ—कोट दरवाजा मंदिर मार्ग सरोवर वन इनकरि ते नगरी विराजित हैं । तहां तिन नगरीनिविषै विद्याधर वसै हैं । ते विद्याधर साधित कुल जातिविद्यानि करि त्रिविद्य हैं । जाकी आप साधिए सो साधित विद्या १ बहुरि पितृपक्ष कुलकर्मते चली आई सो कुलविद्या १ बहुरि मातृपक्ष जातिविषै चली आई सो जाति विद्या १ ऐसी तीन विद्यानि करि संयुक्त हैं । बहुरि इज्या वार्त्ता दत्ति स्वाध्याय संयम तप इन पट कर्मनि करि संयुक्त हैं । तहां पूज्यका पूजना सो इज्या, असि मषि आदि जीवनैका उपायरूप व्यापार सो वार्त्ता १ दान दैनां सो दत्ति १ पठन पाठन करनां सो स्वाध्याय १ अविरति त्याग करनां सो संयम १ तपश्चरण करना सो तप जाननां॥७०९॥

भागै विजयार्द्ध कर किया पट खंडविषै म्लेच्छखंडविषै तिष्ठता जो वृषभाचल ताका स्वरूपकां निरूपै हैं;—

सत्तरिसयवसहगिरी मज्झगयमिलेच्छखंडवहुमज्झे ।

कणयमणिकंचणुदयति भरिया गयचक्किणामेहिं ॥ ७१० ॥

सप्ततिशतं वृषभगिरयः मध्यगतम्लेच्छखंडवहुमध्यं ।

कनकमणिकांचनोदयत्रिकं भृता गतचक्किनामभिः ॥ ७१० ॥

अर्थ—कुलाचल विजयार्द्ध दोय नदीनिकै वीचि मध्यका जो म्लेच्छ खंड तीहका बहुत मध्य प्रदेशविषै वृषभाचल है सो एक एक देशविषै एक एक है । सो पांचौ मेरुसंबंधी विदेह देश अर भरत ऐरावतविषै एकसौ सत्तरि वृषभाचल हैं । ते सुवर्णवर्ण हैं मणिमई हैं । कांचन पर्वत समान उदयादि तीन तिनके हैं । सो उचाई सौयोजन, नीचै भूव्यास सौ योजन, उपरि मुख व्यास पचास योजन जाननां । बहुरि अतीत कालविषै भए चक्रवर्ती तिनके नामनि करि भरया है । जो चक्रवर्ती होइ सो तिस पर्वतविषै अपनां नाम अक्षर लिखै है ॥ ७१० ॥

भागै तैसैही आर्यखंडकै मध्य तिष्ठै है जो राजधानी नगरी तीहविषै व्यास आयाम कहै हैं;—

सत्तरिसयणयराणि य उवजलधिगअज्जखंडमज्झहिं ।

चक्कीण णवय वारस वासायामेण होंति कमे ॥ ७११ ॥

सप्ततिशतनगराणि च उपजलधिगार्यखंडमध्ये ।

चक्रिणां नव द्वादश व्यासायामाभ्यां भवन्ति क्रमेण ॥ ७११ ॥

अर्थ—उप समुद्र कहिए खाड़ी समुद्र तार्कां प्राप्त जो आर्यखंड तीहकें मध्य व्यास जो चौड़ाई अर आयम जो लंबाई तिनकरि क्रमतें नव वारह योजन प्रमाण पंच मेरुसंबंधी विदेह देश अर भरत ऐरावतनिविषै एकसौ सत्तरि चक्रवर्तीनिके व्यास योग्य मुख्य नगर हैं ॥ ७११ ॥

आगैं तिन नगरनिके नाम गाथा वा श्लोक च्यारि करि कहैं हैं;—

खेमा खेमपुरी चैव रिद्धापुत्री तथा ।

खग्गा य मंजुसा चैव ओसही पुंडरीकिणी ॥ ७१२ ॥

क्षेमा क्षेमपुरी चैव अरिष्टा अरिष्टपुरी तथा ।

खड्गा च मजूपां चैव औपधी पुंडरीकिणी ॥ ७१२ ॥

अर्थ—पूर्वोक्त कच्छादि विदेह देशनिविषै मुख्य राजधानी नगरीनिके क्रमतें नाम कहिए हैं ।
क्षेमा १ क्षेमपुरी १ अरिष्टा १ अरिष्टपुरी १ खड्गा १ मंजूपा १ औपधी १ पुंडरीकिणी १ ॥ ७१२ ॥

सुसीमा कुंडला चैवापराजिद पदंकरा ।

अंका पद्मावती चैव सुभा रत्नसंचया ॥ ७१३ ॥

सुसीमा कुंडला चैव अपराजिता प्रमंकरा ।

अंका पद्मावती चैव शुभा रत्नसंचया ॥ ७१३ ॥

अर्थ—सुसीमा १ कुंडला १ अपराजिता १ प्रमंकरा १ अंका १ पद्मावती १ शुभा १ रत्नसंचया १ ॥ ७१३ ॥

अस्सपुरी सीहपुरी महापुरी तह य होदि विजयपुरी ।

अरया विरया चैव असोगया वीदसोगा य ॥ ७१४ ॥

अश्वपुरी सिंहपुरी महापुरी तथा च भवति विजयपुरी ।

अरजा विरजा चैव अशोका वीतशोका च ॥ ७१४ ॥

अर्थ—अश्वपुरी १ सिंहपुरी १ महापुरी १ तैसैं ही विजयपुरी १ अरजा १ विरजा १ अशोका १ वीतशोका १ ॥ ७१४ ॥

विजया च वड्जयती जयंत अचराजिदा य बोधव्या ।

चक्रपुरी खग्गपुरी होदि अयोज्झा अवज्झा य ॥ ७१५ ॥

विजया च वैजयंती जयंता अपराजिता च बोद्धव्या ।

चक्रपुरी खड्गपुरी भवति अयोध्या अवध्या च ॥ ७१५ ॥

अर्थ—विजया १ वैजयंती १ जयंता १ अपराजिता १ जाननी १ चक्रपुरी १ खड्गपुरी १ अयोध्या १ अवध्या १ तैसैं ए वत्तीस नाम जाननें । वड्हरि भरत ऐरावत विषै चक्रवर्तीके नगरनिका नाम कोई एक नियमरूप नाहीं तातैं इनि पूर्वोक्त नामनिविषै कोई एक नाम हो है । तातैं जुदा नाम न कहा ॥ ७१५ ॥

आगैं तिन नगरनिका विशेष स्वरूप गाथा दोय करि कहैं हैं;—

रयणकवाडवरावर सहस्सदलदार हेमपायारा ।
वारसहस्सा वीही तत्थ चउप्पह सहस्सेकं ॥ ७१६ ॥

रत्तकपाटवरावराः सहस्रदलद्वारा हेमप्राकाराः ।

द्वादशसहस्राणि वीध्यः तत्र चतुष्पथानि सहस्रैकम् ॥ ७१६ ॥

अर्थ—तिन नगरनिकै द्वारनिविपै रत्नमई किवाड़ हैं । उक्कष्ट वड़े हजार द्वार हैं । जवन्य छोटे ताके आधे पांचसै द्वार हैं सुवर्ण मई कोट है तीह नगरकै अभ्यंतर वारह हजार वीथी गली हैं । तहां एक हजार चतुष्पथ चोपटा मार्ग हैं ॥ ७१६ ॥

णयराण वहिं परिदो वणाणि तिसदं ससद्धि पुरमज्जे ।
जिणभवणा णरवड्जणगेहा सोहंति रयणमया ॥ ७१७ ॥

नगराणां वहिः परितः वनानि त्रिशतं सषष्टिः पुरमध्ये ।

जिनभवनानि नरपतिजनगेहानि शोभंते रत्नमयानि ॥ ७१७ ॥

अर्थ—नगरनिकै बाह्य चौगिरद साठि सहित तीनसै वन कहिए वाग हैं । बहुरि नगरकै मध्य जिन मंदिर अर नरपति राजाका मंदिर अर अन्य जननिके मंदिर रत्नमई सोभै हैं । इहां विदेह क्षेत्रविषै मेरु आदिका अवस्थान ऐसैं जाननां ॥ ७१७ ॥

अत्र नाभि गिरिनिका अवस्थान अर तिनका उत्सेध आदिक गाथा दोयकरि कहैं हैं;—

थिरभोगावणिमज्जे णाभिगिरीओ हवंति वीसाणि ।

वट्टा सहस्सतुंगा मूलवरिं तत्तिया रुंदा ॥ ७१८ ॥

स्थिरभोगावनिमध्ये नाभिगिरयः भवंति त्रिंशतिः ।

वृत्ताः सहस्रतुंगा मूलोपरि तावंतः रुंदाः ॥ ७१८ ॥

अर्थ—स्थिर भोग भूमि हैमवत हरि रम्यक हैरप्यवत क्षेत्र तिनके मध्य प्रदेशविषै एक एक नाभि गिरि गोल हैं । बहुरि हजार योजन ऊंचे हैं । बहुरि नीचें वा उपरि तितनेही हजार योजन चौड़े हैं । भाव यह ऊभा ढोलके आकारि हैं ते पंचमेरु संबंधी वीस नाभि गिरि हैं ॥ ७१८ ॥

सङ्गहावं विजडावं पडमगंधवण्णाम सुक्किला सिहरे ।

सकंदुगणुचर सादीचारणपडमप्पहास वाणसुरा ॥ ७१९ ॥

श्रद्धावान् विजटावान् पद्मगंधवन्नामानि शुक्लाः शिखरे ।

शक्रद्विकानुचराः स्वातिचारणपद्मप्रभासाः वानसुराः ॥ ७१९ ॥

अर्थ—हैमवतादि विषै श्रद्धावान् १ विजटावान् १ पद्मवान् १ गंधवान् १ जैसे पंचमेरु संबंधी चारि नाभि गिरिनिके नाम हैं । बहुरि ते नाभिगिरि स्वैतवर्ण हैं । बहुरि तिनि नाभि गिरिनिके शिखरि सौवर्ष ईशान इन्द्रके अनुचर चाकर स्वाति १ चारण १ पद्म १ प्रभासनामा व्यंतर देव वसैं हैं ॥ ७१९ ॥

अब हिमवत् आदि कुलाचल अर विजयार्द्र पर्वत तिनके उपरि तिष्ठते जे कूट तिनकी संख्यादिक कहें हैं;—

एकारसदृग्वणव अष्टेकारस हिमादिकूलाणि ।

वेयद्द्वानं णव णव पुव्वगकूलम्हि जिणभवणं ॥ ७२० ॥

एकादशाष्ट नव नव अष्टैकादश हिमादिकूटानि ।

विजयार्धानां नव नव पूर्वकूटे जिनभवनानि ॥ ७२० ॥

अर्थ—ग्यारह ११ आठ ८ नव ९ नव ९ आठ ८ ग्यारह ११ प्रमाण क्रमतेँ हिमवत् आदि कुलाचलनि उपरि कूट हैं । बहुरि विजयार्द्र पर्वतनिके उपरि नव नव कूट हैं । नीचेतें बहुरि चौडे उपरि थोडे चौडे गोल आकार पर्वतनिके उपरि ए कूट जाननें । तहां पूर्वदिशाविपै प्रात सिद्धायतन नामा कूट तिन उपरि जिन मंदिर हैं ॥ ७२० ॥

आगें कहे कूट तिनके नाम आदिक गाथा दश करि कहें हैं;—

कमसो सिद्धायदणं हिमवं भरहं इला य गंगा य ।

सिरिकूडरोहिदस्सा सिंधु सुरा हेमवदय वेसवणं ॥ ७२१ ॥

क्रमशः सिद्धायतनं हिमवान् भरतं इला च गंगा च ।

श्रीकूटं रोहितास्या सिंधुः सुरा हैमवतकं वैश्रवणं ॥ ७२१ ॥

अर्थ—क्रमकरि तिनके नाम कहिए हैं । सिद्धायतन १ हिमवत १ भरत १ इला १ गंगा १ श्रीकूट १ रोहितास्या १ सिंधु १ सुराकूट १ हैमवतक १ वैश्रवण १ औसैं हिमवत् कुलाचल उपरि ग्यारह कूट हैं ॥ ७२१ ॥

पढमे जिणिंदगेहं देवीओ जुवदिणावकूडेसु ।

सेसेसु कूडणामा वेंतरदेवावि णिवसंति ॥ ७२२ ॥

प्रथमे जिनेंद्रगेहं देव्यो युवतीनामकूटेषु ।

शेषेषु कूटनामानः व्यंतरदेवा अपि निवसंति ॥ ७२२ ॥

अर्थ—तहां प्रथम सिद्धायतन कूट उपरि जिनेंद्र मंदिर है । बहुरि स्त्रीलिंग रूप नाम धारक जे कूट हैं जैसेँ हिमवत् उपरि इला गंगा श्री रोहितास्या सिंधु सुराकूट है तिन उपरि व्यंतर देवी वसैं हैं । बहुरि अवशेष कूटनिके उपरि अपनें अपनें कूटके नाम धारक व्यंतर देव वसैं हैं ॥ ७२२ ॥

बट्टा सव्वे कूडा रयणमया सगणगस्स तुरियुदया ।

तत्तिय भूवित्थारा तदद्धवदणा हु सव्वत्थ ॥ ७२३ ॥

वृत्ताः सर्वे कूटा रत्नमयाः स्वकनगस्य तुर्योदयाः ।

तावद्भूविस्ताराः तदर्धवदना हि सर्वत्र ॥ ७२३ ॥

अर्थ—ते सर्व कूट वृत्ताः कहिए गोल हैं । बहुरि रत्नमई हैं । बहुरि जितनी अपनें अपनें पर्वतकी उचाई ताके चौथे भाग प्रमाण ऊंचे हैं । बहुरि नीचेँ भूव्यास तितना ही उचाईके समान

जाननें । तिस भूमिविस्तारतैं आधा उपरि मुख व्यास है । अैसें इन दोय गाथानिकरि कहा विशेष सो सर्वत्र महाहिमवदादिकनिके कूटनिविषै भी जाननां ॥ ७२३ ॥

तो सिद्ध महाहिमवं हेमवदं रोहिदा ह्रीकूडं ।
हरिकंता हरिवरिसं वेळुरियं पच्छिमं कूडं ॥ ७२४ ॥
ततः सिद्धं महाहिमवान् हैमवतं रोहिता हीकूटं ।
हरिकांता हरिवर्षं वैडूर्यं पश्चिमं कूटं ॥ ७२४ ॥

अर्थ—तहां पीछें सिद्धकूट १ महा हिमवत् १ हैमवत् १ रोहिता १ हीकूट १ हरिकांता हीरवर्ष १ वैडूर्य अंतका कूट १ अैसें महा हिमवत् उपरि आठ कूट हैं ॥ ७२४ ॥

सिद्धं णिसहं च हरिवरिसं पुव्वविदेह हरिधिदीकूडं ।
सीतोदा गाममदो अवरविदेहं च रुजगंतं ॥ ७२५ ॥
सिद्धं निषधं च हरिवर्षं पूर्वविदेहं हरिधृतिकूटं ।
सीतोदा नाम अतः अपरविदेहं च रुचकांतम् ॥ ७२५ ॥

अर्थ—सिद्धकूट १ निषध १ हरिवर्ष १ पूर्वविदेह १ हरिकूट १ धृतिकूट १ सीतोदा नाम कूट १ यातैं परैं अपर विदेह कूट अंतविषै रुचक कूट अैसें निषध पर्वत उपरि नवकूट हैं ॥ ७२५ ॥

सिद्धं णीलं पुव्वविदेहं सीदा य किञ्चित् णरकंता ।
अवरविदेहं रम्मगमपदंसणमंतिमं णीले ॥ ७२६ ॥
सिद्धं नीलं पूर्वविदेहं सीता च कीर्तिः नरकांता ।
अपरविदेहं रम्यकं अपदर्शनं अंतिमं नीले ॥ ७२६ ॥

अर्थ—सिद्ध १ नील १ पूर्व विदेह १ सीती १ कीर्ति १ नरकांता १ अपरविदेह १ रम्यक १ अंतका अपदर्शन १ ए नील पर्वत उपरि नवकूट हैं ॥ ७२६ ॥

सिद्धं रुक्मी रम्मग नारी बुद्धी य रूप्यकूलाखा ।
हेरण्णं कूडमदो मणिकंचणमट्टमं होदि ॥ ७२७ ॥
सिद्धं रुक्मी रम्यकं नारी बुद्धिश्च रूप्यकूलाख्या ।
हैरण्यं कूटमतो मणिकांचनमष्टमं भवति ॥ ७२७ ॥

अर्थ—सिद्ध १ रुक्मी १ रम्यक १ नारी १ बुद्धि १ रूप्यकूला नाम १ हैरण्य कूट १ यातैं मणिकांचन आठवां कूट हो है । ए रुक्मी उपरि आठ कूट हैं ॥ ७२७ ॥

सिद्धं सिहरि य हेरण्णं रसदेवी तदो य रक्तखा ।
लच्छी सुवर्ण रक्तवती गंधवदीय कूडमदो ॥ ७२८ ॥
सिद्धं शिखरी च हैरण्यं रसदेवी ततश्च रक्ताख्या ।
लक्ष्मीः सुवर्ण रक्तवती गंधवती कूटमतः ॥ ७२८ ॥

अर्थ—सिद्धायतन १ शिखरी १ हैरण्य १ रसदेवी १ तहां पीछें रक्तानाम १ लक्ष्मी १ सुवर्ण १ रक्तवती १ गंधवती कूट १ यातैं परैं ॥ ७२८ ॥

एरावतमणिकंचणकूटं सिंहिरिम्हि सन्वसेलाणं ।
मूले सिंहरेषि हवे दहेवि वणखंडमेदस्स ॥ ७२९ ॥
ऐरावतमणिकांचनकूटं शिखरे सर्वशैलानाम् ।
मूले शिखरेपि भवेत् हदेपि वनखंडमेतस्य ॥ ७२९ ॥

अर्थ—ऐरावत १ मणि कांचन १ कूट १ ए शिखरी पर्वत उपरि ग्यारह कूट हैं । ऐसैं ए कूट कहे इन कूटनिका ऐसा आकार जानना । बहुरि सर्व ही पर्वतनिकै मूलविपै नीचै अर शिखरिविपै उपरि अर द्रहनिविपै चौगिरद वन खंड हैं ॥ ७२९ ॥

याका कहा सो कहैं हैं;—

गिरिदीहो जोग्यणदलवासो वेदी दुकोसतुंगजुदा ।
धनुपणसयवासा णगवणणदिदहपहुदिएसु समा ॥ ७३० ॥
गिरिदैर्य्यं योजनदलव्यासं वेदी द्विक्रोशतुंगयुता ।
धनुःपंचशतव्यासा नगवननदीहृदप्रभृतिषु समा ॥ ७३० ॥

अर्थ—इस वनखंडका जितनां अपने अपने पर्वतका लंबाईका प्रमाण है तितनां लंबाईका प्रमाण है । बहुरि आध योजन चौड़ाईका प्रमाण है । बहुरि तिस वन खंडका वेदी सो पांचसै धनुष चौड़ी दोय कोस लंबी है । सो ए वेदी पर्वत वन नदी द्रह आदिविपै लंबाई चौड़ाईका प्रमाण करि समान है । जैसे वागकै चौगिरद विनां कांगुरां भीति हो है ताका नाम वेदी जाननां ॥७३०॥

अब पर्वतादिकनिविपै सर्वत्र वेदिकानिकी संख्या कहैं हैं;—

तिसदेकारससेले णडदीकुंडे दहाण छवीसे ।
तावदिया मणिवेदी णदीसु सगमाणदो दुगुणा ॥ ७३१ ॥
त्रिशतैकादशशैलेषु नवतिकुंडेषु हदानां पड्विंशतौ ।
तावंत्यः मणिवेद्यः नदीषु स्वकमानतः द्विगुणाः ॥ ७३१ ॥

अर्थ—जंबूद्वीपविपै तीनसै ग्यारह पर्वत हैं तहां तितनी ही मणिमई वेदी हैं । बहुरि निवै कुंड हैं तहां तितनी ही मणिमई वेदी हैं । बहुरि छवीस द्रह हैं । तहां तितनी ही मणिमई वेदी हैं । बहुरि जे नदी हैं तहां दोऊ पार्श्वनिविपै वेदी पाईए है । तातैं अपने नदीनिका प्रमाणतैं दूणी मणिमई वेदी हैं । यातैं इस कहे अर्थको विशेष वर्णें हैं । जंबूद्वीपविपै एक तौ मेरु १ छह कुलाचल ६ च्यारि यमक पर्वत ४ दोयसै कांचनगिरि २०० आठ दिग्गज पर्वत हैं ८ सोलह वक्षार हैं १६ च्यारि गजदंत हैं ४ चौंतीस विजयार्द्ध हैं ३४ चौंतीस वृषभाचल हैं ४ च्यारि नाभि गिरि हैं ४ इनकों मिलाएं तीनसै ग्यारह पर्वतनिकी संख्या हो है । बहुरि गंगादि महानदी जहां कुलाचलतैं पडैं हैं ते कुंड चौदह १४ विभंगानदी जिनतैं उपजै हैं ते कुंड वारह १२ गंगा सिंधु समान विदेह देशनिविपै दोय दोय नदी जिनतैं उपजै हैं ते कुंड चौंसठि ए मिलैं निवै कुंड हो हैं । बहुरि कुलाचलनिकै उपरि द्रह छह ६ सीतानदीविपै द्रह दश १० सीतोदा नदीविपै द्रह दश १० ए सर्व मिलैं छवीस द्रह हो हैं । बहुरि गंगा सिंधु रक्ता रक्तोदा इन एक एककै परिवार नदी चौदह हजार

हैं। सो अपना गुणकार नदीनिका प्रमाण च्यारि करि गुणें छप्पन हजार भई। रोहित रोहितास्या सुवर्णकूला इन एक एककै परिवार नदी अठाईस हजार हैं सो अपना गुणकार च्यारिकरि गुणें एक लाख बारह हजार हो है। हरित हरिकांता नारी नरकांता इन एक एककै परिवार नदी छप्पन हजार हैं। सो अपना गुणकार च्यारि करि गुणें दोय लाख चौईस हजार हो है। देव कुरु उत्तर कुरुविपै तिष्ठती सीता सीतोदा इन एक एक कै परिवार नदी चौरासी हजार हैं। सो अपना गुणकार प्रमाग द्योयकरि गुणें एक लाख अडसठि हजार हो है। बहुरि बारह विभंगा नदी इन एक एककै परिवार नदी अठाईस हजार हैं सो अपना गुणकार बारह करि गुणें तीन लाख छत्तीस हजार हो है। बहुरि गंगा सिंधु वा रक्ता रक्तोदा नाम धारक विदेह देशनिविपै तिष्ठती चौसठि नदी तिन एक एकके परिवार नदी चौदह हजार हैं सो अपना गुणकार चौसठि करि गुणें आठ लाख छिनवै हजार हो है। इन सर्व अंकनिकों मिलाएं सतरह लाख वाणवै हजार परिवार नदी हो हैं। बहुरि गुणकाररूप अंकनिकों जोड़ैं मुख्य नदी निवै हो हैं। सर्व मिलाएं जंबूद्वीपविपै सतरह लाख वाणवै हजार निवै नदी हो हैं। इनके दोऊ पाञ्चनिविपै वेदी है। तातै दूणा किए पैतास लाख चौरासी हजार एकसौ असी नदीनिकै मणिमई वेदी जाननी ॥ ७३१ ॥

आगैं भरत ऐरावत विषै तिष्ठते विजयार्द्ध तिनके कूटनिकों अर तहां तिष्ठते देवनिकों गाथा च्यारि करि कहै हैं;---

सिद्धं दक्खिणअद्धादिमभरहं खंडयप्पवादमदो ।

तो पुण्णभद्द वेयड्डुकुमारं माणिभद्दक्खं ॥ ७३२ ॥

सिद्धं दक्षिणार्धादिमभरतं खंडप्रपातमतः ।

ततः पूर्णभद्रं विजयार्धकुमारं माणिभद्राख्यं ॥ ७३२ ॥

अर्थ—सिद्धकूट १ दक्षिणार्द्धभरतकूट १ खंडप्रपात १ पूर्णभद्र १ विजयार्द्ध कुमार १ माणिभद्रनामा कूट १ ॥ ७३२ ॥

तामिस्सगुहगमुत्तरभारहकूडं च चरिमं वेसवणं ।

सिद्धुत्तरद्धतामिस्सादिमगुहगं च माणिभद्दमदो ॥ ७३३ ॥

तामिश्रगुहमुत्तरभरतकूटं च चरमं वैश्रवणं ।

सिद्धोत्तरार्धतामिश्रादिमगुहं च माणिभद्रमतः ॥ ७३३ ॥

अर्थ—तामिश्रगुहकूट १ उत्तर भरतकूट १ अंतका वैश्रवणकूट १ ए भरतसंबंधी विजयार्द्ध ऊपरि नवकूट हैं। यातैं परैं ऐरावतसंबंधी विजयार्द्ध उपरि कूट कहिये हैं। सिद्धकूट १ उत्तरार्द्ध ऐरावत कूट १ तामिश्रगुह १ मणिभद्र १ यातैं परैं ॥ ७३३ ॥

तो वेयड्डुकुमारं पुण्णादीभद्द खंडयपवादं ।

दक्खिणरेवतअद्धं वेसवणं पुण्वदो दुवेयड्डे ॥ ७३४ ॥

ततो विजयार्धकुमारं पूर्णादिभद्रं खंडप्रपातं ।

दक्षिणैरावतार्धं वैश्रवणं पूर्वतः द्विविजयार्धं ॥ ७३४ ॥

अर्थ—तहां पीछे विजयार्द्धिकुमार कूट १ पूर्णभद्र १ खंडप्रपात १ दक्षिणैरावतार्द्ध १ वैश्रवण १ ए नव कूट हैं । ए अठारह कूट भरत ऐरावत संबंधी विजयार्द्धिनिकै उपरि पूर्व दिशातें लगाय क्रमतैं हैं ॥ ७३४ ॥

कंचणमयाणि खंडप्पवादए णट्टमाल तामिस्से ।
कदमालो छक्खडे वसंति सगणामवाणसुरा ॥ ७३५ ॥
कंचनमयानि खंडप्रपाते नृत्यमालः तामिश्रे ।
कृतमालः पट्कूटेपु वसंति स्वकनामवानसुराः ॥ ७३५ ॥

अर्थ—ते सर्वकूट सुवर्ण मय हैं । तहां खंड प्रपात नामा कूट उपरि नृत्य माल नामा व्यंतर देव वसै है । बहुरि तामिश्र कूट उपरि कृतमाल नामा व्यंतर देव वसै हैं । बहुरि अन्य छह कूटनिकै उपरि अपने अपने कूट हीके नाम धारक व्यंतर देव वसै हैं ॥ ७३६ ॥

आगैं कहे विजयार्द्ध तिनके सिद्ध कूट उपरि जिन मंदिर हैं तिनका उत्सेधादिक तीन गाथाकरि कहै हैं;—

कोशायामं तद्वलवित्थारं तुरियहीणकोसुदयं ।
जिणगेहं कूडुवरिं पुच्चमुहं संठियं रम्मं ॥ ७३६ ॥
क्रोशायामं तद्वलविस्तारं तुरीयहीनक्रोशोदयं ।
जिनगेहं कूटोपरि पूर्वमुखं संस्थितं रम्यं ॥ ७३६ ॥

अर्थ—सिद्ध कूटकै उपरि एक कोश लंबा ताका आधा चौड़ा चौथाई घाटि ऊंचा पूर्व दिशा सनमुख रमणीक जिनमंदिर तिष्ठै हैं । भावार्थ—विजयार्द्धिनिके सिद्धकूट उपरि जो चैत्यालय हैं सो दोय हजार धनुष लंबा हजार धनुष चौड़ा पंद्रहसै धनुष ऊंचा जाननां ॥ ७३६ ॥

आगैं गजदन्त है नाम जिनका जैसे च्यारि वक्षार अर और सोलह वक्षार तिनके कूटनिकी संख्या अर तिन कूटनके नामादिक गाथा आठ करि कहै हैं;—

णव सत्त य णव सत्त य ईसाणदिसा दुदंतसेलाणं ।
वक्खाराणं चउच्चउकूडं तण्णाममणुकमसो ॥ ७३७ ॥
नव सत्त च नव सत्त च ईशानदिशः द्विदंतशैलानां ।
वक्खाराणां चत्वारि चत्वारि कूटानि तन्नामानि अनुक्रमशः ॥ ७३७ ॥

अर्थ—ईशान दिशातें लगाय च्यारि गजदंत पर्वतानिके क्रमकरि नव सात नव सात कूटनिकी संख्या है । बहुरि अन्य सोलह वक्षार तिनके च्यारि च्यारि कूट हैं तिन कूटनिके नाम अनुक्रम करि कहै हैं ॥ ७३७ ॥

सिद्धं मल्लवमुत्तरकउरव कच्छं च सागरं रजदं ।
पुण्णादिभद सीदा हरिसहकूडं हवे णवमं ॥ ७३८ ॥
सिद्धं माल्यवान उत्तरकौरवं कच्छं च सागरं रजतं ।
पूर्णादिभद्रं सीता हरिसहकूटं भवेत् नवमं ॥ ७३८ ॥

अर्थ—सिद्ध कूट १ माल्यवत १ उत्तर कौरव १ कछ १ सागर १ रजत १ पूर्णभद्र १ सीता १ हरिसह कट नवमां हो है । ए माल्यवत गजदंत उपरि नव कूट हैं ॥ ७३८ ॥

तो सिद्धं सोमणस कूडं देवकुरु मंगलं विमलं ।

कंचण वसिष्ठमंते सिद्धं विज्जुप्पहं ततो ॥ ७३९ ॥

ततः सिद्धं सौमनसं कूटं देवकुरु मंगलं विमलं ।

कांचनं अवशिष्टमंते सिद्धं विद्युत्प्रभं ततः ॥ ७३९ ॥

अर्थ—तहां पीछें सिद्धकूट १ सौमनस कूट १ देव कुरु कूट १ मंगल १ विमल १ कांचन १ अंत विषै वशिष्ट कूट जैसे ए सौमनस गजदंत उपरि सातकूट हैं । बहुरि तहां पीछें सिद्ध कूट १ विद्युत्प्रभ ॥ ७३९ ॥

देवकुरु पञ्चम तवणं सोत्थियकूडं सदज्जलं ततो ।

सीतोदा हरि चरिमं तो सिद्धं गंधमादण्यं ॥ ७४० ॥

देवकुरुः पक्कं तपनं स्वस्तिककूटं शतज्वालं ततः ।

सीतोदा हरि चरमं ततः सिद्धं गंधमादनकं ॥ ७४० ॥

अर्थ—देव कुरु १ पक्क १ तपन १ स्वस्तिककूट १ शतज्वालं १ तहां पीछें सीतोदा १ अंतका हरिकूट १ ऐसे ए विद्युत् प्रभ गजदंत उपरि नव कूट हैं । बहुरि तहां पीछें सिद्धकूट १ गंधमादन ॥ ७४० ॥

उत्तरकुरु गंधादीमालिणि तो लोहिदक्ख फलिहंते ।

आणंदं सायरदुग तिया सुभोगा य भोगमालिणिया ॥ ७४१ ॥

उत्तरकुरुः गंधादिमालिनी ततो लोहिताक्षं स्फटिकमंते ।

आनंदं सागरद्विके स्त्रियौ सुभोगा च भोगमालिनी ॥ ७४१ ॥

अर्थ—उत्तरकुरु १ गंध मालिनी १ तहां पीछें लोहितनामा कूट. १ स्फटिक १ अंत विषै आनंदकूट १ ए गंधमादन गजदंत उपरि सात कूट हैं । ए कहे गजदंत संबंधीकूट तिनविषै सागर अर रजत नामा कूटनि विषै सुभोगा अर भोगमालिनी नामा व्यंतर देवी वसै हैं ॥ ७४१ ॥

विमलदुगे वच्छादीमित्त सुमित्ता य वारिसेण बला ।

तवणदुगे भोगंकर भोगवदी फलिहलोहिदे देवी ॥ ७४२ ॥

विमलद्विके वत्सादिमित्रा सुमित्रा च वारिषेणा बला ।

तपनद्विके भोगंकारी भोगवती स्फटिकलोहितयोः देव्यौ ॥ ७४२ ॥

अर्थ—विमल अर कांचन कूटनिविषै वत्समित्रा अर सुमित्रा नामा व्यंतर देवी वसै हैं । बहुरि तपन अर स्वस्तिक नाम कूटनि विषै वारिषेणा अर अबला नामा व्यंतर देवी वसै हैं । बहुरि स्फटिक अर लोहित कूटनिकै उपरि भोगंकरा भोगवती नामा व्यंतर देवी वसै हैं ॥ ७४२ ॥

सिद्धं वक्खारक्खं हेहुवरिमदेसणामकूडदुगं ।

दुगणव पण सोलं दुगकला य वक्खारदीहत्तं ॥ ७४३ ॥

सिद्धं वक्षारख्यं अघस्तनोपरिमदेशनामकूटद्वयं ।

द्विनव पांच पौडश द्विककला च वक्षारदावत्त्वम् ॥ ७४३ ॥

अर्थ—यातं उपरि सोलह वक्षार गिरिनि उपरि च्यारि च्यारि कूट हैं । तहां एक तौ सिद्ध कूट है । वहुरि एक जो जो अपनें अपनें वक्षारका नाम तीह नामका धारक कूट है । वहुरि दौय जो जो अपनें अपनें वक्षारके पूर्व पश्चिम पार्श्वविषे दौय विदेह देशनिका जे नाम तिन नामनिके धारक कूट हैं । ऐसैं च्यारि च्यारि कूट जाननें । जैसें चित्रकूट वक्षार उपरि सिद्धायतन १ चित्रकूट १ कला १ सुकला ए च्यारि कूट हैं । ऐसैं ही अन्यत्र जाननें । वहुरि वक्षार पर्वतनिकी लंबाई दौय नव पांच सोलह ताके सोलह हजार पांचसै वाणवै योजन अर एकका उगणीसवां भाग विपै दौय कला इतने प्रमाण जाननी । यहु कैसैं १ तेतीस हजार छसै चौरासी योजन च्यारि कला विदेहका विष्कंभ है । तामें सीता सीतोदानदीका विवक्षित व्यास पांचसै योजन ५०० घटाइ अवशेष ३३१८४।४÷१९ कों आधा किए १६५९२।२÷१९ वक्षार गिरिनिकी लंबाईका प्रमाण आवै है ॥ ७४३ ॥

कुलगिरिसमीपकूडे दिक्कणाओ वसंति सेसेसु ।

वाणा कूटपमाहिद् णगदीहो कूडअंतरयं ॥ ७४४ ॥

कुलगिरिसमीपकूटे दिक्कन्याः वसंति शेषेषु ।

वानाः कूटप्रमाहितं नगदैर्घ्यं कूटांतरं ॥ ७४४ ॥

अर्थ—कुलगिरि कहिए कुलाचल तिनके समीप जे वक्षारक हिए गजदंत वा वक्षार पर्वत तिनके ऊपरि जो कूट हैं तहां दिक्कुमारी वसैं हैं । अवशेष दौय गजदंतनिके सात सात कूट दौय गजदंतनिके पांच पांच कूट वक्षार गिरिनिके दौय दौय कूट तिन उपरि व्यंतर देव वसैं हैं । सिद्धकूट उपरि जिन मंदिर है ही । वहुरि अपनां अपनां कूटके प्रमाणका भाग अपनां अपनां पर्वतकी लंबाईका प्रमाणकों दीएं जो जो प्रमाण आवै तितनां तितनां कूट कूटनिके वीचि अंतराल है । तहां दौय गजदंतनिके नव नवकूट दौय गजदंतनिके सात सात कूट वक्षार गिरिनिके च्यारि च्यारि कूट जाननें । वहुरि गज दंतनिकी लंबाई तीस हजार दौयसै नव योजन छह कला है । वक्षार गिरिनिकी लंबाई सोलह हजार पांचसै वाणवै योजन दौय कला है । तहां नव कूटनिका अंतरालके तीस हजार दौयसै नव योजन छह कला प्रमाण गजदंत क्षेत्र होय तौ एक कूटका अंतरालका कितनां क्षेत्र होय । ऐसैं त्रैराशिक किए तीन हजार तीनसै छप्पन योजन पाए अर अवशेष पांच योजनका नवां भाग अर छहकलाका नवां भागकों समछेद करि मिलाएं ९५÷१७१६÷१७१ एकसौ एकका एकसौ इकहत्तरिवां भाग प्रमाण एक कूटका अंतराल होइ यहु ही नव कूटनिके वीचि अंतराल जाननां । वहुरि ऐसैंही सात कूटनिका अंतरालका त्रैराशिक विधान जाननां । इहां प्रमाण राशि सात सात फल राशि गजदंत क्षेत्र ३०२०९।६÷१९ इच्छा राशि एक १ लब्धिराशि च्यारि हजार तीनसै पंद्रह योजन अर वियासीका एकसौ तेतीसवां भाग प्रमाण सात कूटनिके वीचि वीचि अंतराल जाननां । वहुरि च्यारि कूटनिका अंतरालका सालह हजार पांचसै वाणवै योजन दौय कला प्रमाण वक्षार

गिरिका क्षेत्र हाइ तौ एक कूटके अंतरालका केता क्षेत्र होइ अँसैं त्रैराशिक करि अंश अंशीकीं भाग देइ मिलाएँ च्यारि हजार एकसौ अठतालीस योजन अर एकका अठतालीसवां भाग प्रमाण च्यारि कूटनिके वाँचि अंतराल हो है ॥ ७४४ ॥

आगैं वक्षारनिकी उचाई तहां तिष्ठते अकृत्रिम चैत्यालयनिका स्थान ताहि निर्देश करै है;—

वक्षारसयाणुदओ कुलगिरिपासम्हि चउसयाणुट्टा ।

णइमेरुस्स य पासे पंचसया तत्थ जिणगेहा ॥ ७४५ ॥

वक्षारशतानामुदयः कुलगिरिपार्श्वे चतुःशतं वृद्धया ।

नदीमेरोश्च पार्श्वे पंचशतानि तत्र जिणगेहाः ॥ ७४५ ॥

अर्थ—पांचमेरुसंबंधी गजदंतसहित वक्षारगिरि एकसौ है । तिनकी उचाई कुलाचलनिकै निकटि तौ च्यारिसै योजन प्रमाण है । वहरि तातैं परैं अनुक्रमकरि वधते वधते विदेहविषै प्राप्त जे वक्षारगिरि तेतौ सीता वा सीतोदा नदीकै निकटि अर गजदंत मेरु गिरिकै निकटि पांचसै योजन ऊंचे हैं । तहां पांचसै योजन उचाई जहां पाईए तहां सिद्धकूट जाननां । तीह उपरि जिन मंदिर हैं ॥ ७४५ ॥

आगैं नव आदि कूटनिकी उंचाई ल्यावनेकौं करणसूत्र कहैं हैं;—

गिरितुरियं पढमंतिमकूडुदओ उभयसेसमवहरिदं ।

वेगपदेण चयो सो इष्टगुणो मुहजुदो इष्टं ॥ ७४६ ॥

गिरितुरीयं प्रथमांतिमकूटोदयः उभयशेषमपहतं ।

व्येकपदेन चयः स इष्टगुणः मुखयुतः इष्टः ॥ ७४६ ॥

अर्थ—वक्षार गिरिनिकी उंचाईका चौथा भाग प्रमाण तौ तहां उपरि तिष्ठता प्रथम अर अंतकूटकी उंचाईका प्रमाण जाननां । वहरि इनविषै प्रथम कूटकी उंचाईका प्रमाण अंतकूटकी उंचाईका प्रमाणमैसौं घटाएँ जो अवशेष रहै ताकौं प्रथम हानिवृद्धिका अभाव है । तातैं एक घाटि अपनां अपनां कूट प्रमाण गच्छका भाग दिएँ हानिचयका प्रमाण आवैं है । सो हानिचय एक घाटि अपनां इष्ट जेथवां कूट होइ तीह प्रमाण गछकरि गुण्या हुवा अर प्रथम कूटकी उंचाईका प्रमाण रूप जो मुख तीह करि संयुक्त किया हुवा द्वितीयादि इष्ट कूटकी उंचाईका प्रमाण आवैं है । तहां वक्षार गिरिनिकी उंचाई आदि अंतविषै च्यारिसै पांचसै योजन तिनका चौथा भाग प्रथम कूटकी उंचाई सौ योजन अंतकूटकी उंचाई एकसौ पच्चीस योजन इन दोऊनका अवशेष ग्रहैं पच्चीस योजन याकौं एक घाटि गछ दोय गजदंतनिविषै आठ दोय गजदंतनिविषै छह वक्षार गिरिनिविषै तीन ताका भाग दिएँ जो जो प्रमाण आवैं सो सो दोय गजदंतनिविषै तीन योजन एकका आठवां भाग दोय गजदंतनिविषै च्यारि योजन एकका छठा भाग वक्षारनिविषै आठ योजन एकका तीसरा भाग प्रमाण हानिचय हो है । याकौं एक घाटि गछकरि गुणें मुख युक्त किएँ द्वितीयादि कूटनिकी उंचाईका प्रमाण आवैं है । तहां नवकूट वाला गजदंतनिविषै जेथवां दूसरा तीसरा आदि कूटविषै विवक्षित होइ तीह प्रमाण गछमै सौं एक घटाइ अवशेष एक दो आदि रहे तीह करि हानि

चयकों गुणं द्वितियादि कूटविषै जो जो प्रमाण होइ ३।१ ÷ ८६।१ ÷ ४।९।३ ÷ ८।१२।१ ÷ २।१५।५ ÷ ८।१।८।३ ÷ ४।२।१।७ ÷ ८।२।५ तार्की मुख जो आदि कूटकी उचाई सौ योजन तीह कारि जोडैं द्वितीयादि कूटनिकी उचाईका प्रमाण आवै है १०३।१ ÷ ८।१०६।१ ÷ ४।१०९।३ ÷ ८।११२।१ ÷ २।११।५।५ ÷ ८।११।८।३ ÷ ४।१२।१।७ ÷ ८।१२।५। अैसेही सात कूट च्यारि कूटनिकी उचाईका प्रमाण ल्यावना ॥ ७४६ ॥

अब भरत आदि क्षेत्रनिका आश्रयकारि परिवार रूप नदीनिका प्रमाण गाया च्यारि करि कहैं हैं;—

भरहइरावदसरिदा विदेहजुगले च चोइससहससा ।

णइपरिवारा तत्तो दुगुणा हरिरम्मगखिदित्ति ॥ ७४७ ॥

भरतैरावतसरितः विदेहयुगले च चतुर्दशसहस्राणि ।

नदीपरिवाराः ततः द्विगुणा हरिरम्यकक्षेत्रांतं ॥ ७४७ ॥

अर्थ—भरत ऐरावतविषै च्यारि नदी अर पूर्व पश्चिम विदेह युगलविषै गंगादि चौसठि नदी तिन एक एक नदीकी चौदह हजार परिवार नदी हैं । तार्ते परैं भरततैं हरिक्षेत्रपर्यंत ऐरावततैं रम्यकपर्यंत दूणा दूणा अनुक्रम जाननां । भावार्थ—हैमवत हैरण्यवत संबंधी च्यारि नदीनिकै एक एककै अठारह हजार परिवार नदी हैं । अर हरि रम्यक क्षेत्रसंबंधी च्यारि नदीनिकै एक एककै छप्पन हजार परिवार नदी हैं ॥ ७४७ ॥

वाढालसहससं पुह कुरुदुणदी दुगदुपासजादणदी ।

चोइसलखडसदरी विदेहदुगसव्वणइसंखा ॥ ७४८ ॥

द्राचत्वारिंशत्सहस्राणि पृथक् कुरुद्वयनद्यः द्विकद्विपाईजातनद्यः ।

चतुर्दशलक्षाष्टसप्ततिः विदेहद्विकसर्वनदीसंख्या ॥ ७४८ ॥

अर्थ—देवकुरु उत्तर कुरुविषै नदीनिका दोय पार्श्वनितैं उपजी प्रथक प्रथक वियालीस हजार नदी हैं । भावार्थ—देव कुरुविषै सीतोदा नदीका पूर्व पार्श्वविषै वियालीस हजार पश्चिम पार्श्वविषै वियालीस हजार परिवार नदी हैं । अैसें देव कुरुविषै निपजी चौरासी हजार नदी हैं । बहुरि उत्तर कुरुविषै सीता नदीका पूर्व पार्श्वविषै वियालीस हजार पश्चिम पार्श्वविषै वियालीस हजार परिवार नदी हैं । अैसें उत्तर कुरुविषै निपजी चौरासी हजार नदी है । बहुरि विदेह क्षेत्रविषै प्राप्त सर्व नदीनिकी संख्या अठहत्तरि अधिक चौदह लाख है । सो कैसें ? विदेहविषै प्राप्त गंगासिधु समान चौसठि नदी तिनकी प्रत्येक परिवार नदी चौदह हजार हैं । बहुरि विभंगा नदी वारह तिनकी प्रत्येक परिवार नदी अठारह हजार । देव कुरु उत्तर कुरुविषै सीता सीतोदाकी प्रत्येक परिवार नदी चौरासी हजार इन परिवार नदीनिका प्रमाणकीं मूल नदीनिका प्रमाणरूप अपनां अपनां गुणकार गुणें तहां मूलनदी अठहत्तरि मिलाएं सर्व मिळी हुई विदेहविषै चौदह लाख अठहत्तरि नदी हो हैं ॥ ७४८ ॥

लखलखितियं वाणउदीसहसस वारं च सव्वणइसंखा ।

भरहेरावदपहुदी हरिरम्मगखेत्तओत्ति णादव्वा ॥ ७४९ ॥

लक्षत्रयं द्वावतिसहस्रं द्वादश च सर्वनदीसंख्या ।

भरतैरावतप्रभृति हरिरम्यकक्षेत्रांतं ज्ञातव्या ॥ ७४९ ॥

अर्थ—तीन लाख वाणवै हजार बारह सर्व नदीनिका संख्या भरत ऐरावत आदि हरि रम्यकपर्यंत जाननी। सो कैसें ? भरतविषै गंगासिंधुकी प्रत्येक परिवार नदी चौदह हजार हैं। हैमवत-विषै रोहितास्याकी प्रत्येक परिवार नदी अठाईस हजार, हरि क्षेत्रविषै हरित हरिकांताकी प्रत्येक परिवार नदी छप्पन हजार। जैसेही ऐरावतविषै रक्ता रक्तोदाकी प्रत्येक परिवार नदी चौदह हजार हैरण्यवतविषै सुवर्ण कूला रूप्यकूडाकी प्रत्येक परिवार नदी अठाईस हजार, रम्यक क्षेत्रविषै नारी नरकांताकी प्रत्येक परिवार नदी छप्पन हजार। इन परिवार नदीनिका प्रमाणकों अपनां अपनां मुख्य नदीका प्रमाणरूप गुणकार करि गुणें बारह मुख्य नदी मिलाएं तीन लाख वाणवै हजार बारह नदी हो हैं ॥ ७४९ ॥

सत्तरसं वाणउदी णभणवसुण्णं णइण परिमाणं ।

गंगासिंधुमुहाणं जंबूदीवप्पभूदाणं ॥ ७५० ॥

सप्तदश द्वावतिसहस्रं नदीनां परिमाणं ।

गंगासिंधुमुखानां जंबूद्वीपप्रभृतानाम् ॥ ७५० ॥

अर्थ—सतरह वाणवै विंसी नव विंसी इन अंकनिकरि भए सतरह लाख वाणवै हजारनि-जंबूद्वीपविषै उत्पन्न गंगासिंधु प्रमुख सर्व नदीनिका प्रमाण है। सो यह प्रमाण विदेह नदी अर अन्य क्षेत्रनदीनिका-पूर्वें दोय गाथानि करि जो प्रमाण कह्या ताको मिलाएं संतें हो है ॥ ७५० ॥

आगें जंबूद्वीपविषै तिष्ठते मेरु आदि तिनका पूर्व पश्चिम अपेक्षा करि व्यास निरूपै हैं;—

गिरिभद्रशालविजयावक्षारविभंगदेवरण्णाणं ।

पुब्बावरेण वासा एवं जंबूविदेहम्हि ॥ ७५१ ॥

गिरिभद्रशालविजयवक्षारविभंगदेवारण्यानाम् ।

पूर्वावरेण व्यासा एवं जंबूविदेहे ॥ ७५१ ॥

अर्थ—मेरु भद्रशाल विदेह देश वक्षारगिरि विभंगा नदी देवारण्य इनका जंबूद्वीपसंबंधी विदेह क्षेत्रविषै पूर्व पश्चिम अपेक्षा व्यास ऐसें आगें कहिए हैं तीह प्रकार जाननां ॥ ७५१ ॥

गिरिपहुदीणं वासं इट्ठुणं सगुणेहिं गुणिय जुदं ।

अवणिय दीवे सेसं इट्ठुणोवट्ठिदे दु तव्वासं ॥ ७५२ ॥

गिरिप्रभृतीनां व्यासं इट्ठुणं स्वकगुणैः गुणयित्वा युतं ।

अपनीय द्वीपे शेषं इष्टगुणापवर्तिते तु तद्व्यासं ॥ ७५२ ॥

अर्थ—जो व्यास जाननां होइ तिस मेरु आदिक कोईका व्यासको छोड़ि अन्य सर्वगिरि आदिनिका वक्षमाण व्यासको अपनां अपनां गुणकारकरि गुणि सर्वकू मिलाइ जो प्रमाण होइ सो जंबूद्वीपका व्यासमेंसौं घटाइ अवशेष रहै तिनको जाका व्यास जाननां होइ ताका जो प्रमाण ताका भाग दिएं जाननेको इष्टरूप गिरि आदिकका व्यास प्रमाण आवै है। ताका

उदाहरण—मेरुका व्यास जाननां होइ तौ मेरु त्रिना औरनिका व्यास भद्रसालका वाईस हजार योजन विदेहदेसका वाईसै वारह योजन सात आठवां भाग, वक्षारका पांचसै योजन, विभंगाका एकसौ पच्चीस योजन, देवारण्यका दोय हजार नवसै वाईस योजन । इनकों अपनां अपनां प्रमाण पूर्व पश्चिम भद्रसाल दोय विदेह देश एक तटसंबंधी सोलह वक्षार, एक तटसंबंधी आठ विभंगा, एक तटसंबंधी छह देवारण्य एक तटसंबंधी दोय इन प्रमाणरूप गुणकार करि गुणें भद्रसाल-क्षेत्र चवालीस हजार विदेह देश क्षेत्र पैतीस हजार च्यारिसै छह, वक्षारक्षेत्र च्यारि हजार, विभंगाक्षेत्र साढा सातसै, देवारण्य क्षेत्र पांच हजार आठसै चवालीस योजन होइ । इन सबकों मिलाए निवै हजार होइ सो जंबूद्वीपका व्यास लाख योजनमैसौं घटाए दश हजार अवशेष रहे । इनकों इष्ट मेरुका प्रमाण एक ताका भाग दिएं भी दश हजार ही रहे सोई मेरु गिरिका व्यास जाननां । जैसेही और-निका व्यास जाननां ॥ ७५२ ॥

जैसे ल्याया हुआ व्यासका प्रमाणके सिद्ध भए अंक कहै हैं;—

दसवावीससहस्सा वारसवावीस सत्तअष्टकला ।

कमसो पणसय पणघण वावीसुगुतीसमंककमो ॥ ७५३ ॥

दशद्वाविंशसहस्राणि द्वादशद्वाविंशतिः सप्ताष्टकला ।

क्रमशः पंचशतानि पंचघनः द्वाविंशैकोनत्रिंशदंकक्रमः ॥ ७५३ ॥

अर्थ—मेरुका दश हजार योजन बहुरि भद्रसालका वाईस हजार योजन बहुरि विदेह देशका वारह वावीस अंकनि करि दोय हजार दोय सै वारा योजन अर सप्ताष्ट कला कहिए सात आठवां भाग बहुरि वक्षारका पांचसै योजन बहुरि विभंगाका पंचका घन एकसौ पच्चीस योजन बहुरि देवारण्यका वाईस गुणतीस अंकनि करि दोय हजार नवसै वाईस योजन अनुक्रमतै पूर्व पश्चिम करि व्यासका प्रमाण है ॥ ७५३ ॥

अब धातुकी खंड पुष्करार्द्ध विषै तिष्ठते मेरु तिनका अर तिन संबंधी दोय भद्रसालनिका व्यास निरूपै हैं;—

चउणउदिसयं णवसत्तडसत्तिगिलक्खट्टमपणसत्तं ।

पण्णरसं वे लक्खा खुल्ले तं भद्रसालदुगे ॥ ७५४ ॥

चतुर्नवतिशतानि नवसप्ताष्टसत्तैकलक्षमष्टपंचसत्त ।

पंचदशे द्वे लक्षे क्षुल्लके ते भद्रसालद्वये ॥ ७५४ ॥

अर्थ—चौराणवसै योजन क्षुल्लक च्यारि मेरुनिका व्यास है । बहुरि नव सात आठ सात अंकनि करि उत्तर एक लाख ताके एक लाख सात हजार आठसै गुण्यासी योजन धातुकी खंड संबंधी मेरुनिका पूर्व पश्चिम भद्रसालका व्यास हैं । बहुरि आठ पांच सात पंद्रह अंकनि करि उत्तर दोय लाख ताके दोय लाख पंद्रह हजार सातसै अठावन योजन पुष्करार्द्ध संबंधी मेरुनिकै पूर्व पश्चिम भद्र सालका व्यास है ॥ जैसे क्षुल्लक मेरु तिनके दोऊ भद्र साल विषै व्यास जाननां । बहुरि पढम वणडसीदंसो दक्खिण उत्तरग भद्रसालवणे इत्यादि पूर्वोक्त गाथा करि धातुकीखंडका पूर्व

पश्चिम भद्रसालका अंक १०७८७९ बहुरि पुष्करार्द्ध संबंधी पूर्व पश्चिम भद्र सालका अंक। २१५७
५८ तिनकों अठ्यासीका भाग दिएं तिनके दक्षिण उत्तर भद्रसाल वनका व्यास हो है। सो धातुकी
खंड विपै बारहसै पचीस योजन अर गुण्यासी अठ्यासीवां भाग अर पुष्करार्द्ध विपै दोय हजार
च्यारिसै इकावन योजन अर पैतीस चवालीसवां भाग प्रमाण दक्षिण उत्तर भद्रसालका व्यास
जाननां ॥ ७५४ ॥

आगें दोय द्वीप संबंधी विदेह देशनिका व्यासकी संख्या कहैं हैं;—

तियणभच्छणव तिण्णद्वमं तु चउणउदिसत्तणउदेकं ।

जोयण चउत्थभागं दुदीवविजयाण विक्खंभो ॥ ७५५ ॥

त्रिनभःषण्णव त्र्यष्टमं तु चतुर्णवतिसत्तनवत्येकं ।

योजनं चतुर्थभागं द्विद्वीपविजयानां विक्खंभः ॥ ७५५ ॥

अर्थ—तीनं विन्दी छह नव अंकनि करि नव हजार छसै तीन योजन अर तीन आठवां भाग
प्रमाण धातुकी खंड संबंधी विदेह देशनिका व्यास है। बहुरि चौराणवै सित्याणवै एक अंकनि करि
उगणीस हजार सातसै चौराणवै योजन अर योजनका चौथा भाग प्रमाण पुष्करार्द्ध संबंधी विदेह
देशनिका व्यास है। ऐसै दोय द्वीपके विदेह देशनिका पूर्व पश्चिम अपेक्षा व्यास है ॥ ७५५ ॥

अब तीन द्वीपनिविपै तिष्ठते गजदंतनिका आयाम गाथा दोय करि कहैं हैं;—

सरिसायदगजदंता णवणभदुगसुण्णतिण्णि छच्चकला ।

तिघणदुगच्छक्कपणतिय णवणकदिणवयच्छप्पणं ॥ ७५६ ॥

सदशायतगजदंता नवनभोद्विकशून्यत्रीणि पट्कलाः ।

त्रिघनद्विकपट्पंचत्रीणि नवपंचकृतिनवकषट्पंचाशत् ॥ ७५६ ॥

अर्थ—जंबूद्वीपविपै तिष्ठते समान लंबाई धरै च्यारि गजदंत तिनका नव विन्दी दोय
विन्दी तीन अंकनि करि तीस हजार दोय सै नव योजन अर एकका उगणीस भागविपै छह कला
लंबाईका प्रमाण है। बहुरि धातुकी खंडविपै जे दोय गजदंत लवण समुद्रकी तरफ हैं तिनकी लंबाईका
थोड़ी है। तातैं ते अल्प गजदंत कहिए। बहुरि जे दोय गजदंत कालोदधिकी तरफ हैं तिनकी
लंबाई बहुत है। तातैं ते महागजदंत कहिए। तहां तीनका घन दोय छह पांच तीन अंकनि करि तीन
लाख छप्पन हजार दोयसै सत्ताईस योजन अल्प गजदंतनिका आयाम है। बहुरि नव पांचका
वर्ग नव छह पांच इन अंकनि करि पांच लाख गुणहत्तरि हजार दोयसै गुणसठि योजन महागज-
दंतनिका आयाम है ॥ ७५६ ॥

सोलैकद्विविसद्विगि णवेक्कदुगदोणिदुकदिणभदोणि ।

देउत्तरकुरुचावं जीवा वाणं च जाणेज्जो ॥ ७५७ ॥

षोडशैकपष्टिद्विप्रष्टयेकं नवैकद्विकद्वयद्विकृतिनभोद्वे ।

द्वेवोत्तरकुरुचापं जावां वाणं च ज्ञातव्याः ॥ ७५७ ॥

अर्थ—पुष्करार्द्धविषै कालोद समुद्रकी तरफ दोग गजदंत स्तोक लंबाई धरै हैं । ते अल्प गजदंत कहिए । अर मानुषोत्तरकी तरफ दोग गजदंत बहुत लंबाई धरै हैं ते महागजदंत कहिए । तहां सोलह इकसठि वासठि एक इन अंकनि करि सोलह लाख छब्बीस हजार एकसौ सोलह योजन अल्प गजदंतनिका आयाम है । बहुरि नव एक दोग दोग दोगका वर्ग विन्दी दोग इन अंकनि करि वीस लाख वियासी हजार दोगसै उगणीस २०८२२१९ योजन महागजदंतनिका आयाम है । इहां प्रसंग पाइ धातुकी-खंड पुष्करार्धसंबंधी किछू वर्णन किया है सो तिनकी रचनादिक आगैं लिखेंगे तैसैं जाननी । बहुरि देव कुरु उत्तर कुरु नामधारक भोगभूमि क्षेत्रकी जीवा चाप वाण आगैं कहिए है तिस प्रकार करि जाननैं । भावार्थ—देवकुरु उत्तर कुरुका क्षेत्र धनुषाकार है ऐसैं जाननां । तहां धनुषकै जो चिह्ना ताकौं जीवा कहिए चिह्ना अर धनुषकै वीचि मध्यविषै जेता वाणका क्षेत्र सो वाण कहिए । धनुषका जो पीठ ताकौं चाप कहिए है । सो इहां दोग गजदंतनिकै वीचि जितनां कुलाचलनिकी लंबाईका प्रमाण सो तो जीवा जाननी । अर जीवा अर मेरु गिरि वीचि मध्यविषै जो क्षेत्र सो वाण जाननां । अर दोग गजदंतनिकी लंबाई मिलि चाप हो है । सो इनका विधान कहिए है ॥ ७५७ ॥

आगैं चापादिकके ल्यावनेका विधान गाथा नव करि कहैं हैं;—

वक्खारवास विरहिय पहमवणे दुगुणिते जुदे मेरुं ।

जीवा कुरुस्स चावं गजदंतायाममेलिदे होदि ॥ ७५८ ॥

वक्षारव्यासं विरहितं प्रथमवने द्विगुणिते युते मेरौ ।

जीवा कुरोः चापो गजदंतायाममेलिते भवति ॥ ७५८ ॥

अर्थ—वक्षार जो गजदंत ताका व्यास प्रथम भद्रसालवनमैसौं घटाइ दूणां करि मेरु मेरु व्यास जोड़ें कुरु क्षेत्रकी जीवाका प्रमाण हो है । तहां जंबूद्वीप विषै वक्षार व्यास पांचसैं योजन भद्रसाल नव वाईस हजार योजनमैसौं घटाइ अवशेष २१५०० दूणा करि ४३००० मेरुका व्यास दश हजार योजन जोड़ें देव कुरु वा उत्तर कुरु क्षेत्रकी जीवाका प्रमाण तरे-पन हजार योजन हो है । पूर्व पश्चिम भद्रसालकी वेदीके निकटि गजदंत कुलाचलनिस्यौं जाइ अडे है तातैं दोग गजदंतनिके वीचि इतनीं कुलाचलकी लंबाई जाननी । बहुरि दोग गजदंतनिका आयाम मिलाएं कुरु क्षेत्रका चाप हो है । सो जंबूद्वीप विषै तीस हजार दोगसै नव योजन छह कला गजदंतका आयाम है ताकौं दूणा किए देवकुरु वा उत्तर कुरुका चाप साठि हजार च्यारिसै अठारह योजन बारह कला प्रमाण हो है ॥ ७५८ ॥

मेरुगिरिभूमिवासं अवणीय विदेहवस्सवासादो ।

दलिते कुरुविक्रवंभो सो चैव कुरुस्स वाणं च ॥ ७५९ ॥

मेरुगिरिमूमिव्यासं अपनीय विदेहवर्ष्यासतः ।

दलिते कुरुविष्कंभः स चैवं कुरोः वाणः च ॥ ७५९ ॥

अर्थ—मेरु गिरिका भूम्यास विदेह क्षेत्रका व्यासमै घटाइ आधा किए कुरु क्षेत्रका विष्कंभ हो है । सो जंबूद्वीप विषै एकसौ निवै शलाकानिका एक लाख योजन होइ, तौ विदेह-

की चौसठि शलाकानिका केता क्षेत्र होइ जैसे त्रैराशिक करि दश करि अपवर्त्तन किए छह लाख चालीस हजारका उगणीसवां भाग प्रमाण विदेह क्षेत्रका व्यास हो है । यमैं मेरु गिरिका भूव्यास दशहजार योजन समछेद करि घटाएं साढा च्यारि लाखका उगणीसवां भाग होइ याकौं आधा किए दोय लाख पच्चीस हजारका उगणीसवां भाग प्रमाण कुरु क्षेत्रका व्यास हो है । कुलाचल अरु मेरुविषै इतनां अंतराल है सोई यहु कुरु क्षेत्रका वाण जाननां ॥ ७५९ ॥

अब याकौं धरि जीवाकी कृति अर चापकी कृति कौं ल्यावैं हैं;—

इसुहीणं विक्खंभं चउगुणिदिसुणा हदे दु जीवकदी ।

वाणकदिं छहिं गुणिदे तत्थ जुदे धणुकदी होदि ॥ ७६० ॥

इषुहीनं विष्कंभं चतुर्गुणितेषुणा हते तु जीवाकृतिः ।

वाणकृतिं षड्भिः गुणिते तत्र युते धनुःकृतिः भवति ॥ ७६० ॥

अर्थ—वाण करि हीन जो वृत्त विष्कंभ ताकौं चौगुणा वाण करि गुणें जीवाकी कृति हो है । बहुरि वाणकी कृतिकों छह गुणी करि तिस जीवाकी कृति विषै मिलाएं धनुषकी कृति हो है । जिस राशिका वर्गमूल ग्रहण करनां होइ ऐसा जो वर्गरूप राशि ताका नाम कृति है । सो जबूद्वीप विषै देव कुरु वा उत्तर कुरुका आगैं कहिए हैं जो वृत्त विष्कंभका प्रमाण एक कोडि इकईस लाख पैसठि हजार च्यारिसै निवै योजनका एकसौ इकहत्तरिवां भाग $१२१६५४९० \div १७१$ तामैं-सौं वाणका जो प्रमाण दोय लाख पच्चीस हजार योजनका उगणीसवां भाग $२२५०० \div १९$ ताकौं भाज्य भाजक नव गुणांकरि समछेद करि $२०२५००० \div १७१$ घटाइ अवशेष एक कोडि एक लाख चालीस हजार च्यारिसै निवैका एकसौ इकहत्तरिवां भाग रह्या $१०१४०४९० \div १७१$ ताकौं चौगुणा वाणका प्रमाण नव लाखका उगणीसवां भाग करि गुणिए तहां गुणकारकी पांच विंदी गुण्यकै आगैं स्थापिए $१०१४०४९०००००० \div १७१$ । बहुरि गुण्यका भागहार एकसौ इकहत्तरिकों चौगुणा वाणविषै नवका अंक था तीह सहित अपवर्त्तन किए उगणीस भए । बहुरि चौगुणा वाण गुण्यविषै उगणीसका भागहार था तिसकरि याकौं गुणें तीनसौ इकसठि भए । जैसे एक लाख एक हजार च्यारिसे च्यारि कोडि निवै लाखका तीनसै इकसठिवां भाग प्रमाण कुरुक्षेत्रकी जीवाकी कृति भई । याका वर्गमूल ग्रहण किए दशलाख सात हजारका उगणीसवां भाग भया सो अपनां भागहारका भाग दिए तरेपन हजार योजन प्रमाण देवकुरु वा उत्तर कुरुकी जीवा हो है । बहुरि दोय लाख पच्चीस हजार योजनका उगणीसवां भाग प्रमाण जो वाण $२२५००० \div १८$ ताकी कृति करिए $५०६२५०००००० \div ३६१$ बहुरि ताकौं छह गुणा करि याकौं $३०३७५०००००० \div ३६१$ पूवैं कही थी जो जीवाकी कृति $१०१४०४९०००००० \div ३६१$ तामैं जोडिए $१३१७७९९०००००० \div ३६१$ तब धनुषकी कृति हो है । याका वर्गमूल ग्रहण करि $११४७९५४ \div १९$ अपनां भागहारका भाग दिए साठि हजार च्यारिसै अठारह योजन अर बारह उगणीसवां भाग $६०४१८।१२ \div १९$ प्रमाण देवकुरु वा उत्तर कुरुका चाप हो है । बहुरि पूवैं कही जो वाणकी कृति $५०६२५००००००० \div ३६१$ ताका वर्ग मूल ग्रहणकरि $२२५००० \div १९$ अपनां भाग

जीवाहतेपुपादं जीवाइपुयुतदलं च प्रत्येकं ।

दशकरणिवाणगुणिते सूक्ष्मेतरफलं च धनुःक्षेत्रे ॥ ७६२ ॥

अर्थ—जीवा करि गुण्या हुवा वाणका चौथा भागकों जुदा स्थापिए । बहुरि जीवा अर वाणकों जोड़ि ताका आधाकों जुदा स्थापिए । तहां पहलें स्थापन किया ताका विष्कंभ वग इत्यादि सूत्रतै वर्ग करि दश गुणां करि मूल ग्रहण योग्य राशि रूप करिए ताका वर्ग मूल ग्रहण किं धनुपाकार क्षेत्रका सूक्ष्म क्षेत्रफलं हो है । बहुरि पीछे स्थापन कीया ताकों वाण करि गुणें वादर क्षेत्र फल हो है । सो जंबू द्वीपके कुरु क्षेत्रनिविपै दोय लाख पचीस हजारका उगणीसवां भाग प्रमाण वाण है ताका चौथा भाग $५६२५० \div १९$ कों जीवा तरेपन हजार करि गुणिए है $२९८१२५०००० \div १९$ बहुरि विष्कंभ वगदह गुण इत्यादि सूत्रतै याका वर्ग करि दश गुणां करि करणि करिए है । $८८८७८५१५६२५०००००००० \div ३६१$ याका वर्ग मूल ग्रहण किं नवसै वियालीस कोड़ि पिचहत्तरि लाख चालीस हजार दोयसै चौहत्तरि योजनका उगणीसवां भाग प्रमाण कुरु क्षेत्रका सूक्ष्म फल हो है । तार तम्य करि एक योजनके लंत्रे चौड़े खंड कल्पे इतने हो हैं । बहुरि जीवा तरेपन हजार योजन ताकों उगणीस करि समछेद करि $१००७००० \div १९$ वाणका प्रमाण दोय लाख पचीस हजारका उगणीसवां भागमें जोड़ि $१२३२००० \div १९$ ताकों आधाकरि $६१६००० \div १९$ बहुरि याकों वाण $२२५००० \div १९$ करि गुणें तरह हजार आठसै साठि कोड़िका तीनसै इकसठिवां भाग प्रमाण कुरु क्षेत्रका स्थूल क्षेत्र फल हो है । स्थूल पनै करि एक एक योजन लंत्रे चौड़े खंड कल्पे इतने हो हैं ॥ ७६२ ॥

आगें अन्य प्रकार करि वृत्त विष्कंभ अर वाणके ल्यावनेकों करण सूत्र कहै हैं;—

दुगुणिसु कदिजुद जीवावग्गं चउवाणभाजिए वट्टं ।

जीवा धणुकदिसेसो छवभत्तो तप्पदं वाणं ॥ ७६३ ॥

द्विगुण्येपुं कृतियुतं जीवावर्गं चतुर्वाणभक्ते वृत्तं ।

जीवा धनुःकृतिशेषः पड्भक्तः तत्पदं वाणम् ॥ ७६३ ॥

अर्थ—दुगुण वाणका वर्ग करि जोड्या हुवा जीवाका वर्गकों चौगुणा वाणका भाग दिएं वृत्त विष्कंभ हो है । बहुरि जीवाकी कृति चापिकी कृतिमेंसों घटाइ अवशेषकों छहका भाग दिएं जो प्रमाण होइ ताका पद कहिए वर्गमूल सो वाण हो है । सो जंबूद्वीपके कुरु क्षेत्रनि विपै दोय लाख पचीस हजारका उगणीसवां भाग प्रमाण वाणकों दूणा करि $४५०००० \div १९$ ताका वर्गकरि $२०२५००००००० \div ३६१$ यामें जीवा तरेपन हजार प्रमाण ताका वर्ग २८०९०००००० सम छेद करि १०१४०४९०००००० जोड़िए $१२१६५४९०००००० \div ३६१$ बहुरि याकों चौगुणा वाणका प्रमाण $९००००० \div १९$ का पूर्वोक्त अपवर्तन त्रिधान करि भाग दीएं एक कोड़ि इकईस लाख पैसठि हजार च्यारिसै निवैका एकसौ इकहत्तरिवां भाग प्रमाण कुरुक्षेत्रका वृत्त विष्कंभ हो है । बहुरि पूर्वोक्त जीवाका वर्गकों ४ समछेद करि १०१४०४९०००००० धनुषकी कृति $१३१७७९९०००००० \div ३६१$ मैसों घटाइ $३०३७५०००००० \div ३६१$ अवशेषका छहका

भाग दिएं जो प्रमाण ५०६२५००००००० ÷ ३६१ होइ ताका वर्ग मूल ग्रहण किए दौय लाख पच्चीस हजारका उगणीसवां भाग प्रमाण कुरु क्षेत्रका वाण हो है ॥ ७६३ ॥

आगैं अन्य प्रकारका करि वाण ल्यावनेकों करण सूत्र कहैं हैं;—

जीवाविक्रखंभाणं वर्गविसेसस्स होदि जम्मूलं ।

तं विक्रखंभा सोहय सेसद्धामिसुं विजाणाहि ॥ ७६४ ॥

जीवाविष्कंभयोः वर्गविशेषस्य भवति यन्मूलं ।

तत् विष्कंभात् शोधय शेषार्धमिपुं विजानीहि ॥ ७६४ ॥

अर्थ—जीवाका वर्ग वृत्त विष्कंभका वर्गमैसौं घटाएं अवशेष जो रहै ताका जो वर्गमूल ताको वृत्त विष्कंभका प्रमाणमैसौं घटाएं अवशेष रहै ताका आधा वाणका प्रमाण जानहु । सो जंबूद्वीपके कुरु क्षेत्रविपै जीवा तरेपन हजार ताका वर्ग २८०९००००००० कों वृत्त विष्कंभ एक कोड़ि इक ईस लाख पैसठि हजार च्यारिसैं निवैका एक सौ इकहत्तरिवां भाग प्रमाण ताका वर्ग १४७९९९१४६९४०१०० मैसौं जीवाका वर्गका समछेद करि ८२१३७९६९०००००० ÷ २९२४१ घटाएं अवशेष जो रहे ६५८६११७७ ९४०१०० ÷ २९२४१ ताका वर्गमूल का जो प्रमाण ८११५४९० ÷ १७१ ताको पूर्वोक्त वृत्त विष्कंभका प्रमाण १२१६५४-९० ÷ १७१ मैसौं घटाएं अवशेष जो रहै ४०५००००६ ÷ १७१ ताका आधा वीस लाख पच्चीस हजारका एकसौ इकहत्तरिवां भाग मात्र होइ सो इहां भाग हार एकसौ इकहत्तरिकों नव गुणा उगणीस रहे सो स्थापि पूर्वोक्त अर्द्ध प्रमाणके भाज्यकों २०२५००० नवका भाग दिएं दौय लाख पच्चीस हजार भाज्य होइ अर अवशेष उगणीस भागहार रहे सो इतनां कुरुक्षेत्रका वाण जाननां ॥ ७६४ ॥

आगैं अन्य प्रकार करि वृत्त विष्कंभ अर वाणके ल्यावनेकों करण सूत्र कहैं हैं;—

दुगुणिसुहिदधणुवग्गो वाणोणो अद्धिदो हवे वासो ।

वासकदिसहिदधणुकदिदलस्स मूलेवि वासमिसुसेसं ॥ ७६५ ॥

द्विगुणेपुहितधनुर्वर्गो वाणोनः अर्धितो भवेत् व्यासः ।

व्यासकृतिसहितधनुष्कृतिदलस्य मूलेपि व्यासमिपुशेषं ॥ ७६५ ॥

अर्थ—दूणा वाणका भाग धनुषका वर्गकों दिएं जो प्रमाण होइ तामैं वाणका प्रमाण घटाइ अवशेषकों आधा किए वृत्त विष्कंभका प्रमाण हो है । बहुरि वृत्त व्यासका वर्ग करि जोड्या हुवा ऐसा जो धनुषके वर्गका आधा प्रमाणका वर्ग मूल तामैंसौं वृत्त विष्कंभका प्रमाण घटाए वाणका प्रमाण हो है । सो जंबूद्वीपके कुरु क्षेत्रविपै वाण दौय लाख पच्चीस हजारका उगणीसवां भाग ताको दूणा करि ४५०००० ÷ १९ याका भाग पूर्वोक्त धनुषका वर्गकों १३१७७९९०००००० ÷ ३६१ पूर्वोक्त प्रकार अपवर्तन विधान करि दीएं एक लाख चौवन हजार एकसौ अठईस अर अवशेष च्यारिसैं साठका आठसै पचावनवां भाग होइ सो अवशेषके भाज्य भाणककों पंचकरि अपवर्तन किए वाणवैका एकसौ इकहत्तरिवां भाग होइ सो इनकों समछेद करि मिलाइ २६३५५९८० ÷ १७१ यामैं समछेद विधानकरि वाणका प्रमाण २०२५००० ÷ १७१ घटाएं अवशेष २४३३०९८० ÷ १७१

कों आघाकरि १२१६५४९० ÷ १७१ अपनां भाग हारका भाग दिएं ७११४३३७ ÷ १७१ कुरुक्षेत्रका वृत्त विष्कंभ हो है । वहुरि समछेद करि अपने अंशकरि जोड्या हुवा जो वृत्त विष्कंभका प्रमाण १२१६५४९० ÷ १७१ ताका वर्ग करि १४७९९९१४६९४०१०० ÷ २९२४१ यामें पूर्वोक्त धनुषकी कृति १३१७७९९०००००० ÷ ३६१ ताका अर्द्धप्रमाण ६५८८९९५०००० ÷ ३६१ कों भाज्य भाजककों इक्यासी गुणां करि समछेद करि ५३३७०८५९५००००० ÷ २९२४१ जोडिए २०१३७०००६४४०१०० ÷ २९२४१ याका वर्गमूलका जो प्रमाण १४१९०४९० ÷ १७१ तामै वृत्त विष्कंभ १२१६५४९० ÷ १७१ कों घटाइ अवशेष बीस लाख पचीस हजारकों एकसौ इकहत्तरिवां भाग होइ सो इहां भाग हार उगणीस नवरूप स्थापि नव करि तिस भाज्यकों भाग दिएं दोय लाख पचीस हजारका उगणीसवां भाग होइ सो वाणका प्रमाण है ॥ ७६५ ॥

आगैं अन्य प्रकार करि धनुषकी कृति अर जीवाकी कृति ल्यावर्नेकों करण सूत्र कहैं हैं;—

इसुदलजुदविवर्षंभो चउगुणिदिसुणा हदे दु धणुकरणी ।

वाणकदिं छहिं गुणिदं तत्थूणे होदि जीवकदी ॥ ७६६ ॥

इषुदलयुतविष्कंभः चतुर्गुणितेपुणा हते तु धनुःकरणी ।

वाणकृतिं षड्भिः गुणितं तत्रोने भवति जीवकृतिः ॥ ७६६ ॥

अर्थ—वाणका अर्द्ध प्रमाण करि ' जोड्या हुवा विष्कंभ ताकों चौगुणा वाणका प्रमाण करि गुणें धनुषकी कृति हो है । वहुरि वाणकी कृतिकों छह गुणी करि ताकों तिस धनुषकी कृतिमें स्यों घटाएं जीवाकी कृति हो है । सो इस जंबूद्वीपके कुरु क्षेत्रविषै वाण दोय लाख पचीस हजारका उगणीसवां भाग ताकों आधा करि ११२५०० ÷ १९ याकों नव करि समछेद करि १०१२५०० ÷ १७१ पूर्वोक्त वृत्त विष्कंभका प्रमाण १२१६५४९० ÷ १७१ विषै जोडि याकों १३१७९९९० ÷ १७१ चौगुणा वाण ९००००० ÷ १९ करि गुणिए तहां गुण्य राशिका भागहार एकसौ इकहत्तरिकों उगणीस नव गुणाकरि दोय जायगा स्थापिए १९।९ वहुरि गुणकारकी पांच विंदी गुण्य राशिके आगैं स्थापिए १३१७७९९०००००० वहुरि गुणकारका नवका अंक करि गुण्यका भागहार दोय जायगा स्थापन किया था तामें नवका अंककरि अपवर्त्तन करिए अवशेष गुण्यका भाग हार उगणीस अर गुणकारका भागहार परस्पर गुणें तीनसै इकसठि भागहार होइ जैसे करतैं धनुषकी कृतिका प्रमाण १३१७७९९०००००० ÷ ३६१ हो है । वहुरि वाणका वर्ग करि ५०६२५०००००० ÷ ३६१ ताकों छह गुणाकरि ३०३७५०००००० ÷ ३६१ तिस धनुषकी कृति १३१७७९९०००००० ÷ ३६१ मैसों घटाएं अवशेष १०१४०४९००००० ÷ ३६१ प्रमाण जीवाकी कृति हो है । जैसे इसुहीणं विष्कंभ इत्यादि सात गाथानि करि कहाँ जु विधान सो भरतादि क्षेत्रनि विषै अर हिमवन आदि कुलाचलनिविषै भी करना । जातैं जंबूद्वीपविषै इनका भी धनुषाकार क्षेत्र हो है । सो कैसे सो कहिए हैं । पूर्व पश्चिमकी तरफ क्षेत्र वा पर्वतनिका जो लंबाईका आदिविषै प्रमाण सोतौ जीवा जाननी । सो विजयार्द्धके समीप भरतकी

प्रमाण सो दक्षिण भरतकी जीवा है । विजयार्धकी उत्तर दिसाका तटका प्रमाण विजयार्धकी जीवा है । हिमवतके समीप भरतका प्रमाण संपूर्ण भरतकी जीवा है । हिमवतका उत्तर तटका प्रमाण हिमवतकी जीवा है । महाहिमवतके समीप हैमवतका प्रमाण हैमवतकी जीवा है । महाहिमवतके उत्तर तटका प्रमाण महाहिमवतपर्यंतकी जीवा है । निपदके समीप हरिका प्रमाण हरिकी जीवा है । निपदके उत्तर ताटका प्रमाण सो निपदकी जीवा है । विदेश क्षेत्रका मध्यविषे विदेहका प्रमाण विदेहकी जीवा है । जैसे पूर्व पश्चिम लंबाईका प्रमाण तो जैसे धनुषकी चिह्न हो है तैसे जीवा जाननी । अर जैसे धनुष हो है तैसे जीवाका एक पार्श्वते ल्याय दूसरे पार्श्व पर्यंत जंबूद्वीपका जो तट परिविस्तर पाइए सो चाप जानना । वा यार्की धनुष वा धनुः पृष्ठ भी कहिए । बहुरि जैसे चिह्न धनुषके बीचि वाणका क्षेत्र हो है तैसे तिस जीवाका मध्यते ल्याय सनमुख जंबूद्वीपका अंतपर्यंत जो प्रमाण सो वाण जानना । जैसेही उत्तर ऐरावत आदि क्षेत्र इपरी आदि कुल-चलनिका कथन जानना । विशेष इतना जहां उत्तर ताटका कक्षा है तहां दक्षिण तट जानना । क्षेत्र कुलचलनिका जो नाम है सो तही नाम जानना ॥ ७६६ ॥

आर्गं अत्र दक्षिण भरत अर विजयार्द्ध अर उत्तर भरत क्षेत्रके वाण व्यावर्नेकीं सूत्र कहैं हैं;—

रूपगिरिहीनभरतव्यासदलं दक्षिणद्वीपभरतद्वीपम् ।

णगजुद णगसरमुत्तरभरतद्वीपं भरतद्वीपद्विवाणो ॥ ७६७ ॥

रूपगिरिहीनभरतव्यासदलं दक्षिणार्धभरतेषुः ।

नगयुते नगशरः उत्तरभरतयुते भरतक्षेत्रवाणः ॥ ७६७ ॥

अर्थ—रूप गिरि जो विजयार्द्ध ताका व्यास योजन पचास सो भरतका व्यास पांचसै छवीस छह कलमेंसीं घटाइ अवशेष ४७६६ ÷ १९ कों आवा किं दोयसै अठतीस योजन तीन कला प्रमाण दक्षिण आधा भरतका वाण हो है । यार्में विजयार्द्ध पर्वतका व्यास पचास योजन जोड़े दोयसै अठतीस योजन तीन कला प्रमाण विजयार्द्धका वाण हो है । यार्में उत्तर भरतका व्यास दोयसै अठतीस योजन तीन कला जोड़े पांचसै छवीस योजन छह कला संपूर्ण भरतका वाण हो है । इन तीनों वाणनिके समछेद करि अपना अपना अंश मिलाए दक्षिण भरतका च्यारि हजार पांचसै पच्चीसका उगणीसवां भाग विजयार्द्ध पांच हजार च्यारिसै पिचहत्तरिका उगणीसवांभाग संपूर्ण भरतका दश हजारका उगणीसवां भाग प्रमाण जानना ॥ ७६७ ॥

आर्गं हिमवत आदि पर्वतनिका अर हैमवत आदि क्षेत्रनिका वाण व्यावर्नेकीं करण सूत्र कहैं हैं;—

हिमणगपद्द्वीपासो दुगुणो भरतद्वीपो य णिसहोत्ति ।

ससवाणा णिसहसरो सविदेहद्वीपो विदेहस्य ॥ ७६८ ॥

हिमनगप्रभृतिव्यासः द्विगुणः भरतो नितश्च निपघातम् ।

स्वस्ववाणा निपघशरः सविदेहद्वीपो विदेहस्य ॥ ७६८ ॥

अर्थ—हिमवत पर्वत आदिका व्यास दूणा करि भरतका व्यास घटाएँ निषध पर्वत स्वकीय स्वकीय वाण हो हैं । सो एकसौ निषै शलाकानिका एक लाख योजन क्षेत्र होइ तौ हिमतव आदिकी दोय च्यारि आठ सोलह वत्तीस शलाकानिका कीत क्षेत्र होइ जैसे त्रैराशिक करि अपवर्तन किएँ हिमवत आदिका व्यास हो है । सो हिमवतका बीस हजारका हैमवतका चालीस हजारका महा हिमवतका असी हजारका हरिका एक लाख साठि हजारका निषधका तीन लाख बीस हजारका उगणीसवां भाग प्रमाण व्यास है । सो याकों दूणा करि यामें सर्वत्र भरतका वाण दश हजारका उगणीसवां भाग घटाएँ हिमवत आदिका क्रमतेँ तीस हजार एक लाख $४०००० \div १९$ । $८०००० \div १९$ । $१६०००० \div १९$ । $३२०००० \div १९$ । $६४०००० \div १९$ । पचास हजार तीन लाख दश हजार छह लाख तीस हजारका उगणीसवां भाग प्रमाण वाण जाननां । बहुरि निषधका वाण छह लाख तीस हजारका उगणीसवां भाग तामें विदेहके व्यास छह लाख चालीस हजारका उगणीसवां भाग ताका आधा तीन लाख बीस हजारका उगणीसवां भाग जोड़े अर्द्ध विदेहका वाण नव लाख पचास हजारका उगणीसवां भाग प्रमाण हो है । अब इन वाणनकों धरिं तिन क्षेत्र वा पर्वतनिकी जीवा कृति अर धनुः कृतिकौं हसुहीणं विष्कंभं इत्यादि करण सूत्र करि ल्याईएँ सो कहिएँ हैं । दक्षिण भरत विषै समच्छेदरूप वाण च्यारि हजार पांचसै पचीसका उगणीसवां भाग ताकौं जंबू-द्वीपका व्यास लाख योजन सो इहां वृत्त विष्कंभ जाननां । ताकौं उगणीसकरि समच्छेद करि $१९-००००० \div १९$ यामेंसौं घटाइएँ $१८९५४७५ \div १९$ अब शेषकौं चौगुणा वाण $१८१०० \div १९$ करि गुणें $३४३०८०९७५०० \div ३१$ जीवाकी कृति हो है । याका वर्ग मूल ग्रहण करि $१८-५२२४ \div १९$ अपनां भाग हारका भाग दीएँ नव हजार सातसै अठतालीस योजन वारह उगणीसवां भाग प्रमाण दक्षिण भरत क्षेत्रकी शुद्ध जीवा हो है । बहुरि वाण $४५२५ \div १९$ का वर्ग करि $२०४७५६२५ \div ३६१$ याकौं छह गुणा करि $१२२८५३७५० \div ३६१$ यामें तीह जीवाकी कृति ३४३०८०९७५०० कौं जोड़े $३४४३०९५१२५० \div ३६१$ धनुषकी कृति हो है । याका वर्ग मूल ग्रहण करि $१८५५५५ \div १९$ अपनां भागहारका भाग दिएँ नव हजार सात सै छयासठि योजन एक उगणीसवां भाग प्रमाण दक्षिण भरतका धनुष हो है । बहुरि विजयार्द्ध विषै समच्छेदरूप वाण पांच हजार च्यारिसै पिचहत्तरिका उगणीसवां भाग प्रमाण ताहि समच्छेदरूप वृत्त विष्कंभ उगणीस लाखका उगणीसवां भाग प्रमाणमैसौं घटाइ अवशेष $१८९४५२५ \div १९$ कौं चौगुणा वाणका प्रमाण $२१९०० \div १९$ करि गुणें $४१४९००९७५०० \div ३६१$ विजयार्द्धकी जीवाकी कृति हो है । याका वर्ग मूल ग्रहण करि $२०३६९१ \div १९$ अपनां भागहारका भाग दीएँ दश हजार सातसै बीस योजन अर ग्यारह उगणीसवां भाग प्रमाण विजयार्द्ध पर्वतकी जीवा हो है । बहुरि वाण $५४७५ \div १९$ का वर्ग करि $२९९७५६२५ \div ३६१$ ताकौं छह गुणा करि $१७९८५३७५० \div ३६१$ तीह विषै पूर्वोक्त जीवाकी कृति $४१४९००९-७५०० \div ३६१$ जोड़ें $४२६६९९५१२५० \div ३६१$ धनुषकी कृति हो है । याका वर्ग मूल ग्रहण करि $२०४१३२ \div १९$ अपनां भाग हार १९ का भाग दिएँ दश हजार सात सै तियालीस योजन

अर पंद्रह उगणीसवां भाग प्रमाण विजयार्द्ध पर्वतका धनुष हो है । वहुरि उत्तर भरतका समष्टेद रूप वांण दश हजारका उगणीसवां भाग ताकों समष्टेदरूप वृत्त विष्कंभ उगणीस लाखका उगणीसवां भाग प्रमाणमेंसौं घटाइ अवशेष १८९०००÷१९ कौं चौगुणा वाण ४००००÷१९ करि गुणें ७५६००००००००÷३६१ जीवाकी कृति हो है । याका वर्ग मूल ग्रहण करि २७४९-५४÷१९ अपनां भाग हार १९ का भाग दिएं चौदह हजार च्यारिसैं इकहत्तरि योजन पांच उगणीसवां प्रमाण उत्तर भरत क्षेत्रकी जीवा हो है । वहुरि वाण १००००÷१९ का वर्ग करि १००००००००÷३६१ ताकों छह गुणा करि ६००००००००÷३६१ यात्रिपै जीवाकी कृति ७५६००००००००÷३६१ जोड़ें ७६२००००००००÷३६१ धनुषकी कृति हो है । याका वर्ग मूल ग्रहण करि २७६०४३÷१९ अपना भाग हार १९ का भाग दिएं चौदह हजार पांचसैं अठईस योजन अर ग्यारह उगणीसवां भाग प्रमाण उत्तर भरत क्षेत्रका धनुष हो है । वहुरि हिमवत पर्वतका वाण तीस हजारका उगणीसवां भाग ताकों वृत्त विष्कंभ उगणीस लक्षका उगणीसवां भाग में सौं घटाइ अवशेष १८७००००÷१९ कौं चौगुणावाण १२००००÷१९ करि गुणें २२४४००००००००÷३६१ जीवाकी कृति हो है । याका वर्ग मूल ग्रहण करि ४७३७०९÷१९ अपना भाग हार १९ का भाग दिएं चौईस हजार नवसैं वत्तीस योजन अर किल्लू घाटि एक उगणीसवां भाग प्रमाण हिमवतकी जीवा हो है । वहुरि वाण ३००००÷१९ का वर्ग करि ९००००००००÷३६१ याकों छह गुणां करि ५४००००००००÷३६१ तीह विपै जीवाकी कृति २२४४०००००००००÷३६१ जोड़ें धनुषकी कृति हो है । याका वर्ग मूल ग्रहण करैं ४७९३७४÷१९ अपनां भाग हार उगणीस १९ का भाग दिएं पचीस हजार दोय सैं तीस योजन अर च्यारि उगणीसवां भाग प्रमाण हिमवत पर्वतका धनुषहो है । वहुरि हैमवत क्षेत्रका वाण हजारका उगणीसवां भाग ताकों वृत्त विष्कंभ उगणीसवां भागमेंसौं घटाइ अवशेष १८३००००÷१९ कौं चौगुणा वाण २८००००÷१९ करि गुणें ५१२४०००००००००÷३६१ जीवाकी कृति हो है । याका वर्ग मूल ग्रहण करि ७१५८२२÷१९ अपना भाग हार १९ का भाग दिएं सीतास हजार छसैं वहतरि योजनां अर किचिदून सोलह उगणीसवां भाग प्रमाण हैमवत क्षेत्रकी जीवा हो है । वहुरि ७००००÷१९ वर्ग करि ४९०००००००००÷३६१ ताकों छह गुणां करि २९४०००००००००÷३६१ यामैं जीवाकी कृति ५१२४०००००००००÷३६१ जोड़ें ५४१८०००००००००÷३६१ धनुषकी कृति हो है । याका वर्ग मूल ग्रहण करि ७३६०७०÷१९ अपनां भाग हार १९ का भाग दिएं अठतीस हजार सातसैं चालीस योजन अर दश उगणीसवां भाग प्रमाण हैमवत क्षेत्रका धनुष हो हैं । वहुरि महा हिमवत पर्वतका वाण एक लाख पचास हजारका उगणीसवां भाग ताकों वृत्त विष्कंभ उगणीस लाखका उगणीसवां भागमेंसौं घटाइ अवशेष १७५००००÷१९ कौं चौगुणा वाण ६०००००÷१९ करि गुणें १०५००००००००००÷३६१ जीवाकी कृति हो है । याका वर्ग मूल ग्रहण करि १०२४६९५÷१९ अपना भाग हारका

भाग दिए तरेपन हजार नवसै इकतीस योजन अर छह उगणीसवां भाग प्रमाण महा हिमवत पर्वतकी जीवा हो है । बहुरि वाण १५००००÷१९ का वर्गकरि २२५००००००००० याकों छह गुणाकरि १३५००००००००००÷३६१ याविपै जीवाकृति १०५००००००००००÷३६१ जोड़ें ११८५००००००००००÷३६१ धनुषकी कृति हो है । या वर्ग मूल ग्रहण करि १०८८-५७७÷१९ अपनां भाग हार १९ का भाग दिए सत्तावन हजार दोयसै तरेणवै योजन अर दश उगणीसवां भाग प्रमाण महा हिमवत पर्वतका धनुष हो है । बहुरि हरि क्षेत्रका वाण तीनलाख दश हजारका उगणीसवां भाग ताकों वृत्त विष्कंभ उगणीस लाखका उगणीसवां भागमैसै घटाइ अवशेष कौं १५९००००÷१९ चौगुणा वाण १२४००००÷१९ करि गुणें १९७१६००००००००÷३६१ जीवाकी कृति हो है । याका वर्ग मूल ग्रहण करि १४०४१३६÷१९ अपनां भाग-हार उगणीस १९ का भाग दिए तिहेत्तरि हजार नवसै एक योजन अर सतरह उगणीसवां भाग प्रमाण हरि क्षेत्रकी जीवा हो है । बहुरि वाण ३१००००÷१९ का वर्गकरि ९६१०००००-०००÷३६१ ताकों छह गुणांकरि ५७६६ विंदी ८÷३६१ यामें जीवाकी कृति १९७१६ विंदी ८÷३६१ जोड़ें २५४८२ विंदी ८÷३६१ धनुषकी कृति हो है । याका वर्ग मूल ग्रहण करि १५९६३०८÷१९ अपनां भाग हार उर्नीसका भाग दिए चौरासी हजार सोलह योजन च्यारि उगणीसवां भाग प्रमाण हरिवर्ष क्षेत्रका धनुष हो है । बहुरि निषध पर्वतका वाण छह लाख तीस हजारका उगणीसवां भाग ताकों वृत्त विष्कंभ उगणीस लाखका उगणीसवां भागमैसौ घटाइ अवशेष १२७००००÷१९ कौ चौगुणा वाण २५२००००÷१९ करि गुणें ३२००४ विंदी ८÷३६१ जीवाकी कृति हो है । याका वर्गमूल ग्रहण करि १७८८९६६÷१९ अपनां भागहारका भाग दिए चौराणवै हजार एकसौ छप्पन योजन अर दोय उगणीसवां भाग प्रमाण निषध पर्वतकी जीवा हो है । बहुरि वाण ६३००००÷१९ का वर्ग करि ३९६९ विंदी ८÷३६१ ताकों छह गुणा करि २३८१४ विंदी ८÷३६१ तामें जीवाकी कृति ३२००४ विंदी ८÷३६१ जोड़े ५५८१८ विंदी ८÷३६१ धनुषकी कृति हो है । याका वर्गमूल ग्रहण करि २३६२५८३÷१९ अपनां भाग हार १९ का भाग दिए एकलाख चौईस हजार तीनसै छियालीस हजार योजन अर नव उगणीसवां भाग प्रमाण निषध पर्वतका धनुष हो है । बहुरि अर्द्ध विदेहका वाण नवलाख पचास हजार योजनका उगणीसवां भाग ताकों वृत्त विष्कंभ उगणीस लाखका उगणीसवां भागमै-सौ घटाइ अवशेष ९५००००÷१९ कौ चौगुणा वाण ३८०००००÷१९ करि गुणें ३६१ विंदी १०÷३६१ जीवाकी कृति होइ याका वर्गमूल ग्रहण करि १९÷१९ विंदी ५ अपनां भागहार १९ का भाग दिए एक लक्ष योजन प्रमाण अर्द्ध विदेहकी जीवा हो है । बहुरि वाण ९५०००० ÷१९ का वर्ग करि ९०२५÷३६१ विंदी ८ याकों छह गुणा करि ५४१५÷३६१ विंदी आठ यामें जीवा कृति ३६१÷३६१ विंदी १० जोड़े ९०२५÷३६१ विंदी ९ धनुषकी कृति हो है । याका वर्गमूल ग्रहण करि ३००४१६४÷१९ अपनां भागहारका भाग दिए एक लाख अठावन हजार एकसौ चौदह योजन विदेह क्षेत्रका अर्द्ध मध्यविपै धनुष हो है । बहुरि बैसै

हीं दक्षिण भरतवत् उत्तर ऐरावतका विजयार्द्धवत् विजयार्द्धका संपूर्ण भरतवत् संपूर्ण ऐरावतका हिमवत शिखरी पर्वतका हैमवत हैरण्यवत्क्षेत्रका महाहिमवत् रुक्मी पर्वतका हरिवत् रम्यक्षेत्रका निपधवत् नील पर्वतका अर्धविदेह वत् अर्द्ध विदेहका वाण जीवा धनुः पृष्ठका कयन जाननां ॥ ७६८ ॥

आगें दक्षिण भरतादि क्षेत्र या पर्वतनिका जीवा धनुपनिके पूर्वे ल्याए अंक नव गाथानि करि कहैं हैं;—

दक्षिणभरहे जीवा अडचउसगणवय होंति वारकला ।

चापं छछकसगसयणवयसहस्सं च एककला ॥ ७६९ ॥

दक्षिणभरते जीवा अष्टचतुःसप्तनव भवंति द्वादशकलाः ।

चापं पट्पट्सप्तशतनवसहस्रं च एककला ॥ ७६९ ॥

अर्थ—दक्षिण भरत क्षेत्रविषै जीवा आठ च्यारि सात नव इन अंकनि करि नव हजार सातसै अठतालीस योजन अर वारह कला प्रमाण है । वहुरि तिसहीका चाप जो धनुप सो छ्यासठि अधिक सातसै करि सहित नव हजार योजन अर एक कला प्रमाण है ॥ ७६९ ॥

वेयडुंते जीवा णभदुगसगदहसहस्सेगारकला ।

तेदालसगणभेकं पण्णरसकला य तच्चावं ॥ ७७० ॥

विजयाधि^त जीवा नभोद्विकसप्तदशसहस्रैकादशकला ।

त्रिचत्वारिंशत् सप्त नभःएकं पंचदशकलाश्च तच्चापं ॥ ७७० ॥

अर्थ—विजयार्द्धका अंत विषै जीवा विंटी दोइ सात इन अंकनि करि सातसै बीस सहित दश हजार योजन अर ग्यारह कला प्रमाण है । वहुरि ताका चाप तियालीस सात विंटी इन अंकनि करि दश हजार सातसै तियालीस योजन अर पंद्रह कला प्रमाण है ॥ ७७० ॥

भरहस्संते जीवा इगिसगचउचोइसं च पंचकला ।

चावं अडदुगपणचउरेकं एकारसकला य ॥ ७७१ ॥

भरतस्यांते जीवा एक सप्त चतुश्चतुर्दश च पंचकलाः ।

चापं अष्टद्विकपंचचतुरंके एकादशकलाः च ॥ ७७१ ॥

अर्थ—भरत क्षेत्रका अंत विषै एक सात च्यारि चौदह इन अंकनि करि चौदह हजार च्यारिसै इकहत्तरि योजन अर पांचकला प्रमाण है । वहुरि ताका चाप आठ दोय पांच च्यारि एक इन अंकनि करि चौदह हजार पांचसै अठाईस योजन अर ग्यारह कला प्रमाण है ॥ ७७१ ॥

हिमवण्णगंत जीवा दुगतिगणवचउदुगं कला चूणा ।

चावं णभतियदुगपणवीससहस्सं च चारिकला ॥ ७७२ ॥

हिमवन्नगंते जीवा द्विकत्रिकनवचतुर्द्वयं कला चोना ।

चापं नभस्त्रिद्विपंचविंशतिसहस्रं च चतुःकला ॥ ७७२ ॥

अर्थ—हिमवत पर्वतका अंतविषै जीवा दोय तीन नव च्यारि दोय इन अंकनि करि चौईस हजार नवसै वत्तीस योजन अर किंचिदून एक कला प्रमाण है । वहुरि ताका चाप विंटी

तीन दोय पांच इन अंकनि करि पांच हजार दोयसै तीस तीह करि अधिक वीस हजार योजन अर च्यारि कला प्रमाण है ॥ ७७२ ॥

हेमवदंतिमजीवा चउसगछस्सगति उणसोलकला ।

धणुहं णभचउसगअडतिण्णि विसेसहियदसयकला ॥ ७७३ ॥

हेमवतांतिमजीवा चतुःसप्तपट्सप्तत्रयः ऊनपोडशकला ।

धनुः नभश्चतुःसप्ताष्टत्रीणि विशेषाधिकदशकला ॥ ७७३ ॥

अर्थ—हेमवत क्षेत्रका अंत विषै जीवा च्यारि सात छह सात तीन इन अंकनि करि सैं-तीस हजार छसै चहौत्तरि योजन अर किछू घाटि सोलह कला प्रमाण है । बहुरि ताका धनुप विन्दी च्यारि सात आठ तीन इन अंकनि करि अठतीस हजार सातसै चालीस योजन अर किछू अधिक दश कला प्रमाण है ॥ ७७३ ॥

महाहिमवचरिमजीवा इगतिणवत्तिदयपंच छक्ककला ।

तच्चावं तियणवदुगसगवण्णसहस्स दसयकला ॥ ७७४ ॥

महाहिमवच्चमरजीवा एकत्रिनवत्रितयपंच षट्कलाः ।

तच्चापं त्रिनवद्विसप्तपंचाशत्सहस्रं दशकलाः ॥ ७७४ ॥

अर्थ—महाहिमवत पर्वतका अंत विषै जीवा एक तीन नव तीन पंच इन अंकनि करि तरेपन हजार नवसै इकतीस योजन अर छह कला प्रमाण है । बहुरि ताका चाप तीन नव दोय इन अंकनि करि दोयसै तेरणवै तिन करि सहित सत्तावन हजार योजन अर दश कला प्रमाण है ॥ ७७४ ॥

हरिजीवा इगिणभणवतियसत्तयमिह कलावि सत्तरसा ।

चावं सोलसणभचउसीदिसहस्सं च चारि कलां ॥ ७७५ ॥

हरिजीवा एकनभोनवत्रिसप्तक इह कला अपि सप्तदश ।

चापं षोडशनभश्चतुरशीतिसहस्रं च चतस्रः कलाः ॥ ७७५ ॥

अर्थ—हरिक्षेत्र विषै जीवा एक विन्दी नव तीन सात इन अंकनि करि तेहत्तरि हजार नवसै एक योजन अर सत्तरह कला प्रमाण है । बहुरि ताका चाप सोलह विन्दी इन अंकनि करि सोलह तिन करि अधिक चौरासी हजार योजन अर च्यारि कला प्रमाण है ॥ ७७५ ॥

णिसहावसाणजीवा छप्पणइगिचारिणवय दोण्णि कला ।

धणुपुट्टं छादालतिचउवीसेकं च णवय कला ॥ ७७६ ॥

निषधावसानजीवा पट्पंचकचतुर्नवकं द्वे कले ।

धनुःपृष्ठं षट्चत्वारिंशत् त्रिचतुर्विंशत्येकं च नव कलाः ॥ ७७६ ॥

अर्थ—निषद्ध पर्वतका अंतविषै जीवा छह पांच एक च्यारि नव इन अंकनि करि चौरा-णवै हजार एकसौ छप्पन योजन अर दोय कला प्रमाण है । बहुरि धनुःपृष्ठ छियालीस तीन चौबीस एक इन अंकनि करि एक लाख चौईस हजार तीनसै छियालीस योजन अर नव कला प्रमाण है ॥ ७७६ ॥

जीवदु विदेहमज्जे लक्खा परिहिदलमेवमवरद्धे ।

माधवचंद्रोद्धरिया गुणधर्मप्रसिद्ध सच्चकला ॥ ७७७ ॥

जीवाद्रयं विदेहमध्ये लक्षं परिधिदलं एवमपराधे ।

माधवचंद्रोद्धृताः गुणधर्मप्रसिद्धाः सर्वकलाः ॥ ७७७ ॥

अर्थ—विदेहके मध्य जीवा अर धनुष ए दोऊ क्रमते जीवा तौ लक्ष योजन प्रमाण अर धनुष्य जंबूद्वीपकी परिधिका जो प्रमाण ३१६२२७ कोश ३ दंड १२८ अंगुल १३३ ताके अर्द्ध प्रमाण किछू घाटि एक लाख अठावन हजार एक सौ चौदह योजन प्रमाण है । ऐसैं ही ऐरावतादिक क्षेत्र वा पर्वतनिका कथन अर दूसरी तरफका आधा जंबूद्वीप विपै जाननां । बहुरि गुण कहिए चिळा जीवा अर धर्म कहिए धनुष तिनविपै प्रसिद्ध कहिए पूर्वैं कही ऐसी जु सर्वकला कहिए योजनका अंश ते माधव कहिए नारायण नव अर चंद्र कहिए चंद्रमा एक इन अंकानि करि उगणीस भए तिनकरि उद्धृत कहिए भागरूप जाननी । भावार्थ—पूर्वैं जो जीवा अर धनुषका कथन विपै कला कही है सो एक कलाका प्रमाण एक योजनका उगणीसवां भाग जाननां । बहुरि गुण धर्म इत्यादि पदका दूसरा अर्थ कहिए हैं—गुण ज्ञानादिक धर्म अहिंसादिक विपै प्रसिद्ध ऐसी जु सर्व कला चातुर्य तातैं माधवचंद्र नाम त्रैविद्य देव ताकरि उद्धृत कहिए प्रकाशित हैं । भावार्थ—माधव चंद्र आचार्यने गुण धर्म संवंधी सर्वकला प्रगट करी हैं ऐसा दूसरा अर्थ भी जाननां ॥ ७७७ ॥

आगैं जीवानिकी चूलिका अर धनुषनकी पार्श्वभुजाकौ कहैं है;—

पुण्वरजीवसेसे दलिते इह चूलियात्ति णाम इवे ।

धणुदुगसेसे दलिते पासभुजा दक्खिणुत्तरदो ॥ ७७८ ॥

पूर्वापरजीवाशेषे दलिते इह चूलिका इति नाम भवेत् ।

धनुर्द्विकशेषे दलिते पार्श्वभुजः दक्षिणोत्तरतः ॥ ७७८ ॥

अर्थ—दक्षिणविपै तौ भरतादिक विपै अर उत्तरविपै ऐरावतादिविपै जो पूर्वापर जीवा कहिए पहलै अर पीछे कही जे जीवा तिनविषैं अधिक प्रमाणमें सौं हीन प्रमाण घटाइ अवशेष रहै ताका आधा किए जो प्रमाण होइ ताका चूलिका असा नाम हो है । बहुरि पूर्व अपर धनुषनिविपै अधिकमेंसौं हीन घटाइ अवशेषकौ आधा किए जो प्रमाण होइ ताका नाम पार्श्वभुजा है सो इसहीकौ कहैं हैं । पहलैं कहा दक्षिण भरत ताकी जीवा नव हजार सातसैं अठतालीस योजन वारह कला अर ताके पीछैं कहा विजयार्द्ध ताकी जीवा दश हजार सातसैं बीस योजन ग्यारह कला इन दोऊनिविपै अधिक प्रमाण विजयार्द्धकी जीवा तामैं हीन प्रमाण दक्षिण भरतकी जीवा घटाइए तव अवशेष नवसैं बहत्तरि योजन रहे अर ग्यारह कलामैं वारह कला घटे नाहीं तातैं एक योजन घटाइ ताकी उगणीस कलामेंसौं वारह कला घटाइ अवशेष सात कला ग्यारह कलाविपै मिलाएं नवसैं इकहत्तरि योजन अर अठारह कला होइ ताका आधा करनां सो विषम राशिका आधा न होइ तातैं योजन प्रमाणमेंसौं एक घटाइ अवशेष नवसैं सत्तरिका आधा किए च्यारिसै पिच्यासी तौ योजन होइ अर घटाया एकका आधा ३ अर अठारह कलाका आधा ३३ तिनका समछेद करि ३३ ३८ मिलाएं

सैंतीस अठतीसवां भाग होइ सो विजयार्द्ध पर्वतकी चूलिका च्यारिसै पिच्यासी योजन अर सैंतीस अठतीसवां भाग प्रमाण है । विजयार्द्धका उत्तर तटकी सूधितें दक्षिण तट एक तरफ इतनां घटि है । बहुरि दक्षिण भरतका चाप नव हजार सातसै छयासठि योजन एक कला अर विजयार्द्धका चाप दश हजार सातसै तियालीस योजन पंद्रह कला सो अधिकर्मसों हीन घटाइ अवशेष नवसै सत-हत्तरि योजन चौदह कला होइ ताका पूर्ववत आधा किं च्यारिसै अठयासी योजन अर तेतीस अठतीसवां भाग प्रमाण विजयार्द्धकी पार्श्वभुजा हो है । विजयार्द्धका उत्तर तटतें ल्गाय चापके प्रमाणतें विजयार्द्धका दक्षिण तटतें ल्गाय चाप एक तरफ इतनां घाटि जाननां । जैसेही विजयार्द्धकी जीवावा चाप संपूर्ण भरतकी जीवा चापविपै घटाइ अवशेषकों आधा किं संपूर्ण भरतकी चूलिका वा पार्श्वभुजा हो है । संपूर्ण भरतकी जीवा चाप हिमवत पर्वतकी जीवा चापविपै घटाइ अवशेषकों आधा किं हिमवत पर्वतकी चूलिका वा पार्श्वभुजा हो है । सो हिमवतकी चूलिका पांच हजार दोयसै तीस योजन पंद्रह अठतीसवां भाग अर पार्श्वभुजा पांच हजार तीनसै पचास योजन इक्-तीस अठतीसवां भाग प्रमाण है । महा हिमवतकी चूलिका आठ हजार एकसौ अठाईस योजन नव अठतीसवां भाग अर पार्श्वभुजा नव हजार दोयसै छिहत्तरि योजन उगणीस अठतीसवां भाग प्रमाण है । निषधकी चूलिका दश हजार एकसौ सत्ताईस योजन दोय उगणीसवां भाग अर पार्श्वभुजा बीस हजार एकसौ पैसठि योजन पांच अठतीसवां भाग प्रमाण है । अर्धविदेहकी चूलिका दोय हजार नवसै इकईस योजन अठारह उगणीसवां भाग अर पार्श्वभुजा सोलह हजार आठसै तियासी योजन उगणीस अठतीसवां भाग प्रमाण हो हैं । जैसे ही अन्यत्र चूलिका वा पार्श्वभुजाका प्रमाण ल्यावनां ॥ ७७८ ॥

आगैं भरत ऐरावत क्षेत्रनिविपै कालके वर्त्तनेका अनुक्रमकों प्रतिपादन करै हैं;—

भरहेसुरेवदेसु य ओसप्पुस्सपिणित्ति कालदुगा ।

उस्सेधाउवलणं हाणीवद्धी य होंत्तित्ति ॥ ७७९ ॥

भरतेषु ऐरावतेषु च अवसर्पिण्युत्सर्पिणीति कालद्वयं ।

उत्सेधायुर्वलानां हानिवृद्धी च भवत इति ॥ ७७९ ॥

अर्थ—पांचमेरु संवंधी पांच भरत क्षेत्र पांच ऐरावतक्षेत्रनिविपै अवसर्पिणी अर उत्स-र्पिणी ए दोयकाल वर्ते हैं । तिन कालनिविपै तिष्ठते जीवनिके क्रमतें शरीरकी उचाई आयु शरीरका बल तिनकी हानि वा वृद्धि हो है । अवसर्पिणीकालविपै हानि हो है, उत्सर्पिणीविपै वृद्धि हो है । जैसे-जाननां ॥ ७७९ ॥

आगैं इन दोय कालनिके भेदनिका नाम कहैं हैं;—

सुसमसुसमं च सुसमं सुसमादी अंतदुस्समं कमसो ।

दुस्सममतिदुस्सममिदि पढमो विदियो दु विवरीयो ॥ ७८० ॥

सुषमसुषमः च सुषमः सुषमादिः अंतदुःषमः क्रमशः ।

दुषमः अतिदुःषम इति प्रथमः द्वितीयस्तु विपरीतः ॥ ७८० ॥

अर्थ—सुषम सुषम १ अर सुषम १ अर सुषम दुःषम १ अर दुःपमसुषम १ अर दुःषम अर अतिदुःषम १ जैसे क्रमकरि पहला अवसर्पिणीकाल छह भेद संयुक्त है । वहरि दूसरा उत्सर्पिणी काल इसतैं विपरीत अनुक्रम करि छह भेद संयुक्त है । तहां अँति दुःपम १ दुषम १ दुःपम सुषम १ सुषम दुःपम १ सुषम १ सुषम सुषम ऐसा क्रम जाननां ॥ ७८० ॥

आगैं प्रथमादि कालनिका स्थिति प्रमाण कहैं हैं;—

चदुतिदुगकोडकोडी वादालसहस्रवासहीणेकं ।

उदधीणं हीणदलं तत्तियमेत्तद्विदी ताणं ॥ ७८१ ॥

चतुस्त्रिद्विककोटिकोटिः द्वाचत्वारिंशत्सहस्रवर्षहीनैकम् ।

उदधीनां हीनदलं तावन्मात्रा स्थितिः तेषां ॥ ७८१ ॥

अर्थ—तिन छहैं कालनिकी क्रमतैं स्थिति सुषम सुषमकी च्यारि कोडा कोडी सागर, सुषमकी तीन कोडाकोडी सागर सुषम दुःपमकी दोय कोडा कोडी सागर दुःपम सुषमकी च्यारि कोडाकोडी सागर सुषमकी तीन कोडाकोडी सागर, सुषम दुषमकी दोय कोडाकोडी सागर दुःपम सुषमकी वियालीस हजार वर्ष घाटि एक कोडाकोडी सागर, दुषमकी घटाया प्रमाण ४२००० का आधा इकईस हजार वर्ष, अतिदुःषमकी भी इकईस हजार वर्ष प्रमाण जाननी ॥ ७८१ ॥

आगैं छह काल संबधी जीवनिका आयु प्रमाण कहैं हैं;—

तत्थादि अंत आऊ त्तिदुगेकं पल्लपुव्वकोडी य ।

वीसहियसयं वीसं पण्णरसा हँति वासाणं ॥ ७८२ ॥

तत्रादौ अंते आयुः त्रिद्विकैकं पल्यं पूर्वकोटिः ।

विंशाधिकशतं विंशं पंचदश भवंति वर्षाणां ॥ ७८२ ॥

अर्थ—तहां इन कालनि विषै प्रथम कालकै आदि विषै जीवनिका आयु तीन पल्य है । ताके अंत विषै दोय पल्य है । वहरि सोई दोय पल्य आयु द्वितीय कालके आदि विषै है ताके अंत विषै एक पल्य है । वहरि सोई एक पल्य आयु तृतीयकालके आदि विषै है ताके अंत विषै कोटि पूर्व वर्ष प्रमाण है । वहरि सोई कोटि पूर्व वर्षका आयु चतुर्थ कालका आदि विषै है ताके अंत विषै एक सौ वीस वर्ष प्रमाण है । वहरि सोई एकसौ वीस वर्षका आयु पंचम कालके आदि विषै है ताके अंत विषै वीस वर्षका आयु है । वहरि सोई वीसवर्षका आयु षष्ठम कालका आदि विषै है ताके अंत विषै पंद्रह वर्ष प्रमाण आयु है ॥ ७८२ ॥

तैसेही मनुक्षनिकी उचाईका प्रमाण कहैं हैं;—

त्तिदुगेककोसमुदयं पणसयचारं तु सत्तरदणी य ।

दुगमेकं चय रदणी छक्कालादिभिह अंतभिह ॥ ७८३ ॥

त्रिद्विकैकक्रोशमुदयः पंचशतचापं तु सत्तरत्तयः च ।

द्विकमेकं च रत्तिः षट्कालादौ अंते ॥ ७८३ ॥

अर्थ—मनुक्षनिके शरीरकी उचाई प्रथम कालकी आदि विपै तीनकोश ताके अंत विपै दोय कोश सोई दूसरा कालकी आदि विपै दोय कोश ताके अंत विपै एक कोश सोई तृतीय कालकी आदि विपै एक कोश ताके अंत विपै पांचसँ धनुष सोई चतुर्थ कालकी आदि विपै पांचसँ धनुष अंत विपै सात हाथ सोई पंचम कालकी आदि विपै सात हाथ अंतविपै दोय हाथ सोई षष्ठम कालकी आदि विपै दोय हाथ अर अंत विपै एक हाथ प्रमाण है । ऐसँ छह कालनिका आदि अंत विपै मनुक्षनिका उत्सेध जाननां ॥ ७८३ ॥

आगँ छह काल वर्त्ती मनुक्षनिका वर्णका अनुक्रम कहँ हैं;—

उदयरवी पुण्ड्र पियंगुसामा य पंचवर्णा य ।
 लुक्खसरीरावण्णे धूमसियामा य छक्काले ॥ ७८४ ॥
 उदयरवयः पूर्णेदवः प्रियंगुश्यामाश्च पंचवर्णाश्च ।
 रूक्षशरीरावर्णाः धूमश्यामाः च पट्काले ॥ ७८४

अर्थ—प्रथम काल विपै मनुक्ष उदय होता सूर्यके समान वर्ण युक्त हैं । दूसरे काल विपै संपूर्ण चंद्रमा समान वर्ण युक्त है । तीसरे काल विपै हरित श्याम वर्ण संयुक्त हैं । चौथा काल विपै पांचौ वर्ण संयुक्त हैं । पांचवां काल विपै कांति करि हीन द्रवा मिश्र रूप पांच वर्ण संयुक्त हैं । छठा काल विपै धुवांवत् श्याम वर्ण संयुक्त हैं । ऐसँ छह कालनि विपै वर्णका अनुक्रम जाननां ॥ ७८४ ॥

आगँ तिनके आहारका अनुक्रम कहँ हैं;—

अट्टमच्छट्ठचउत्थेणाहारो पडिदिणेण प्रायेण ।
 अतिप्रायेण य कमसो छक्कालणरा हवंतित्ति ॥ ७८५ ॥
 अष्टमपष्टचतुर्थेनाहारः प्रतिदिनेन प्रायेण ।
 अतिप्राचुर्येण च क्रमशः पट्कालनरा भवंतीति ॥ ७८५ ॥

अर्थ—पहला काल विपै अष्टम वेलायां कहिए तीन दिनके आंतरे आहार करै हैं । बहुरि दूसरा काल विपै षष्ठम वेलायां कहिए दोयदिनके आंतरे आहार करै है । बहुरि तीसरा काल विपै चतुर्थ वेलायां कहिए एक दिनके आंतरे आहार करै है । बहुरि चौथा काल विपै प्रति दिन कहिए दिन प्रति एक वार आहार करै है । बहुरि पांचवां काल विपै प्रायेण कहिए बहुतवार आहार करै है । बहुरि छठा काल विपै अतिप्रायेण कहिए अति प्रचुर वृत्ति करि वारंवार आहार करै हैं । ऐसँ छह कालनि विपै मनुक्षनिके आहारका अनुक्रम है ॥ ७८५ ॥

आगँ भोग भूमियांनिकै आहारका प्रमाण कहँ हैं;—

वदरक्खामलयप्पमकप्पहुमदिण्णदिव्वाहारा ।
 वरपहुदितिभोगभुमा मंदकसाया विणीहारा ॥ ७८६ ॥
 वदराक्षामलकप्रमकल्पद्रुमदत्तदिव्याहाराः ।
 वरप्रभृतित्रिभोगभूमानः मंदकपाया विनीहाराः ॥ ७८६ ॥

अर्थ—सुपम सुपमादि तीन कालनि विषै उक्क्यादि तीन भोग भूमिके उपजे मनुक्ष क्रमते वदरीफल अर अक्षफल अर आंवला प्रमाण कल्पवृक्षनिकरि दीया दिव्य आहार ग्रहण करै हैं । वहुरि ते मंद कपायी हैं । वहुरि मल मूलादि नीहार करि रहित हैं ॥ ७८६ ॥

आगै तिन भोगभूमियांनिकै कल्पवृक्षनिका प्रमाण कहैं हैं;—

तूरंगपत्तभूसणपानाहारंगपुष्पजोइतरू ।
गेहेगा वत्थंगा दीवंगेहिं दुमा दसहा ॥ ७८७ ॥
तूर्यंगपात्रभूपणपानाहारंगपुष्पज्योतितरवः ।
गेहांगा वस्त्रांगा दीपांगैः दुमा दशथा ॥ ७८७ ॥

अर्थ—वाजित्रनिके दाता तूर्यंग अर पात्रनिके दाता पात्रांग अर आभूपणनिके दाता भूपणांग अर पीवनेकी वस्तुके दाता पानांग अर आहारके दाता आहारांग अर फूलनिके दाता पुष्पांग अर उद्योतमई ज्योतिरंग अर मंदिरनिके दाता गृहांग अर वस्त्रनिके दाता वस्त्रांग अर दीपकनिके दाता दीपांग कल्प वृक्ष हैं । जैसे कल्प वृक्ष दश प्रकार हैं ॥ ७८७ ॥

आगै भोगभूमिका स्वरूप कहैं हैं;—

दृष्णसम मणिभूमी चउरंगुलसुरसगंधमलगतणा ।
खीरेच्छुतोयमधुघदपूरिदवावीदहाइण्णा ॥ ७८८ ॥
दर्पणसमा मणिभूमिः चतुरंगुलसुरसगंधमृदुतणा ।
क्षीरेक्षुतोयमधुघृतपूरितवापीन्हदाकीर्णा ॥ ७८८ ॥

अर्थ—दर्पण जो आरसा तीह समान मणिमई भोगभूमि जाननी । वहुरि सो च्यारि अंगुल ऊंचे भला रस गंधसहित कोमल तिणानि करि संयुक्त हैं । अर दुग्ध वा मिष्ठ रस वाः जल वा मधु समान रस वा घृतकरि पूर्ण ऐसी वावड़ी वा द्रह तिन करि व्याप्त हैं ॥ ७८८ ॥

आगै भोगभूमियानिकै उपजनें मरणेका विधान गाथा तीन करि कहैं हैं;—

जादजुगलेसु दिवसा सगसग अंगुल्लेहे रंगिदए ।
अथिरथिरगदि कलागुणजोवणदंसणगहे जंति ॥ ७८९ ॥
जातयुगलेषु दिवसाः सप्तसप्त अंगुल्लेहे रंगिते ।
अस्थिरस्थिरगत्योः कलागुणयौवनदर्शनग्रहे यांति ॥ ७८९ ॥

अर्थ—माताके गर्भते जुगपत स्त्री पुरुष युगल उपजै हैं । तिनके उत्पत्ति दिनसौं लगाय सात दिन पर्यंत अनुक्रमते अंगूठाका चाटनां वहुरि ऊंचा वा नीचा होना वहुरि डिगता चलनां वहुरि स्थिर रूप नीके चलनां वहुरि कला गुणका ग्रहण होनां वहुरि यौवनका ग्रहण होनां वहुरि परस्पर दर्शनका ग्रहण होनां हो है । जैसे गुणचास दिननि करि संपूर्णता हो है ॥ ७८९ ॥

तदंपदीणमादिमसंहदिसंठाणमज्जणामजुदा ।

सुलहेसुवि णो तिच्ची तेसिं पंचक्खविसएसु ॥ ७९० ॥

तदंपतीनामादिमसंहतिसंस्थानं आर्यनामयुताः ।

सुलभेषु अपि नो तृप्तिः तेषां पंचाक्षविषयेषु ॥ ७९० ॥

अर्थ—तिन दंपति कहिए स्त्री पुरुष जुगलनिकै आदिका संहनन संस्थान हो है । वज्र वृषभ नाराच संहनन हो है समचतुरस्र संस्थान हो है । बहुरि ते मंद कपायी हैं तातैं आर्य ऐसे नाम संयुक्त हैं । बहुरि तिनकै सुलभ पाए हैं पंच इन्द्रीनिकै विषय तौभी तिन विषै तृप्ति न हो है । भावार्थ यह जो विषयनिस्यौं अरुचि न हो है ॥ ७९० ॥

चरिमे खुदजंभवसा णरणारि विलीय सरदमेधं वा ।

भवणतिगामी मिच्छा सोहम्मदुजाङ्गो सम्मा ॥ ७९१ ॥

चरमे क्षुतजृभवशात् नरनार्यो विलीय शरन्मेधं वा ।

भवनत्रिगामिनः मिथ्याः सौधर्मद्वियायिनः सम्यंचः ॥ ७९१ ॥

अर्थ—आयुका अंत विषै पुरुष तौ छींक करि, स्त्री जंभाई करि मरण पाइ शरद कालका मेघवत विलय हो हैं । तिनके शरीरका अंश भी पड़ा न रहै । बहुरि ते मरि करि मिथ्यादृष्टि तौ भवन वासी व्यंतर ज्योतिष्क विषै उपजै हैं । अर सम्यगदृष्टी सौधर्म ईशान विषै उपजै हैं अन्यत्र नाहीं उपजै हैं । जैसे प्रथम कालकी आदि विषै उत्कृष्ट भोग भूमि है । बहुरि क्रमतैं घटि द्वितीय कालकी आदि विषै मध्य भोगभूमि है । बहुरि क्रमतैं घटि तृतीय कालकी आदि विषै जघन्य भोग भूमि है । क्रमतैं घटि अंत विषै कुलकरादि होइ कर्मभूमि हो है । ॥ ७९१ ॥

सो कर्मभूमिके प्रवेशका अनुक्रम अर तहां तिष्ठते कुलकरनिका स्वरूप तीन गाथानि करि प्रतिपादन करै हैं;—

पल्लवमं तु सिद्धे तदिए कुलकरणरा पडिस्सुदिओ ।

सम्मदि खेमंकरधर सीमंकरधर विमलादिवाहणओ ॥ ७९२ ॥

पल्याष्टमे तु शिष्टे तृतीये कुलकरनराः प्रतिश्रुतिः ।

सम्मतिः क्षेमंकरधरः सीमंकरधरः विमलादिवाहनः ॥ ७९२ ॥

अर्थ—तृतीय काल विषै पल्याका आठवां भाग अवशेष रहै कुलकर मनुक्ष उपजै हैं । ते कौन ? प्रतिश्रुति १ सन्मति १ क्षेमंकर १ क्षेमंकर १ सीमंकर १ सीमंकर १ विमलवाहन १ ॥ ७९२ ॥

चक्षुम्म जस्ससी अहिचंदो चंदाहओ मरुद्देआ ।

होदि पसेणजिदंको णाभी तण्णंदणो वसहो ॥ ७९३ ॥

चक्षुष्मान् यशस्वी अभिचंद्रः चंद्राभः मरुद्देवः ।

भवति प्रसेनजितांकः नाभिस्तनंदनो वृषभः ॥ ७९३ ॥

अर्थ—चक्षुष्मान् १ यशस्वी १ अभिचंद्र १ चंद्राभ १ मरुद्देव १ प्रसेनजित १ नाभि १ जैसे चौदह कुलकर हो हैं । तिस नाभिकुलकरका नंदन वृषभनाथ प्रथम तीर्थकर है ॥ ७९३ ॥

इनशशिताराश्रापदविभयं दंडादिसीमाचिह्नकृतिं ।

तुरगादिवाहनं शिशुमुखदर्शननिर्भयं ब्रुवन्ति ॥ ७९९ ॥

अर्थ—पहला कुलकर है सो प्रजानिकै ज्योतिरंग जातिके कल्प वृक्ष मंद होतैं सूर्य चंद्रमा दीखनें लगा तातैं उपजा जो भय ताकूं निवारै है । बहुरि दूसरा कुलकर तारा दीखनेतैं उपज्या भयकौं निवारै है । बहुरि तीसरा कुलकर जे मृग आदि जीव कर भए तिनका घेरनेका उपाय करि भयकौं निवारै है । बहुरि चौथा कुलकर मृग आदि जीव अति क्रूर भए तिनका दंडादिक उपाय करि भयकौं निवारै है । बहुरि पांचवां कुलकर कल्प वृक्ष थोड़ा फल देंतैं लगे तहां प्रजानिकै परस्पर झगड़ा देखि सीमा जो अपनी अपनी मर्यादा ताकौं करै है । बहुरि छठा कुलकर कल्प वृक्ष बहुत मंद फल देंतैं लगे तहां प्रजानिकै तिस मर्यादा भए भी झगड़ा होतैं ते तिससीमा विषै चिह्न जो सहनानी ताकौं करै हैं । बहुरि सातवां कुलकर गमन करनेविषै घोड़ा आदि वाहनकौं करै है । बहुरि आठवां कुलकर बालकका जन्म भए पीछैं भी किछू काल माता पिता जीवनें लगे तहां बालकनिका मुख देखनेतैं भया जो भय तातैं निर्भयपणाकौं कहै हैं ॥ ७९९ ॥

आशीर्वादादिं ससिपहुदिहिं केलिं च कदिचिदिणओत्ति ।

पुत्तेहिं चिरं जीवण सेदुवहित्तादि तरणविहिं ॥ ८०० ॥

आशीर्वादादिं शशिप्रभृतिभिः केलिं च कतिचिदिनांतम् ।

पुत्रैः चिरं जीवनं सेतुवहित्रादिभिः तरणविधिम् ॥ ८०० ॥

अर्थ—नवमां कुलकर बालक जनम भए पीछैं माता पिता बहुत काल जीवनें लगे तहां बालनिकै ताई आशीर्वादादिक दैनां सिखावै हैं । बहुरि दशवां कुलकर बालक जनम भए पीछैं के-तेइक दिन पर्यंत माता पिता जीवनें लगे तहां बालकनि सहित चंद्रमा दिखावनां आदि केलि क्रीड़ाकौं यिस खावै हैं । बहुरि ग्यारहवां कुलकर बालक जन्म भए पीछैं माता पिता बहुत घनें काल जीवनें लगे ताका प्रजानिकै भय भया ताकौं निवारै हैं । बहुरि बारहवां कुलकर मेघवृष्टि होनेतैं नदी आदि जल स्थान भए तिनके तरणेका विधानं जिहाज नाव आदि बतावै हैं ॥ ८०० ॥

सिक्खन्ति जराउच्छिदिं णाभिविणासिंदचावतडिदादिं ।

चरिमो फलअकदोसहिभुत्तिं कम्मावणी तत्तो ॥ ८०१ ॥

शिक्षयति जरायुच्छिदिं नाभिविनाशं इंद्रचापतडिदादिं ।

चरमः फलाकृतौषधिभुक्तिं कर्मावनिस्ततः ॥ ८०१ ॥

अर्थ—तेरहवां कुलकर जरा सहित बालकनिका जनम होनें लगा तहां जरायुके छेदनेकौं सिखावै हैं । बहुरि अंतका कुलकर नाल सहित बालकनिका जनम होनें लगा तहां नाभि छेदनेकौं सिखावै है । अर इन्द्र धनुष वीजुरी इत्यादि होनें लगे तिनके देखनेतैं प्रजानिका उपज्या भयकौं निवारै हैं । अर वृक्षानिके फलनिकी आकृति विषै यहु औषध है, यहु भोजन योग्य है, इत्यादि सिखावै है । बहुरि इहांतैं परैं कर्मभूमि प्रवतैं है ॥ ८०१ ॥

पुरगामपट्टणादी लोयियसत्थं च लोयववहारो ।
धम्मो वि दयामूलो विणिम्मियो आदिवम्हेण ॥ ८०२ ॥
पुरग्रामपट्टणादिः लौकिकशास्त्रः लोकव्यवहारः ।
धर्मोपि दयामूलः विनिर्मितः आदिब्रह्मणा ॥ ८०२ ॥

अर्थ—नगर ग्राम पत्तन आदि रचना अर लौकिक कार्य संबंधी शास्त्र अर असि मसि आदि लौकीक व्यवहार अर दया है मूल जाका अैसा धर्म सो आदि ब्रह्मा श्री वृषम तीर्थकर देव स्थापन कीया है ॥ ८०२ ॥

आगैं चौथा काल विषै उपजे जे शलाका पुरुष तिनकों निरूपै हैं;—

चउवीसवारतिघणं तित्थयरा छत्तिखंडभरहवई ।
तुरिए काले होंति हु तेवद्विसलागपुरिसा ते ॥ ८०३ ॥
चतुर्विंशतिः द्वादश त्रिघनः तीर्थकराः पट्टत्रिखंडभरतपतयः ।
तुर्ये काले भवन्ति हि त्रिपष्टिशलाकापुरुपास्ते ॥ ८०३ ॥

अर्थ—चौबीस तीर्थकर अर बारह पट्टखंड भरतका पति चक्रवर्ती अर तीनका घन सत्ताईस त्रिखंड भरतका पति तहां नव नारायण नव प्रतिनारायण नव बलमद्र अैसैं ए तरेसठि शलाका पुरुष चौथे काल विषै हो हैं ॥ ८०३ ॥

आगैं तीर्थकरनिका शरीरका उत्सेध कहैं हैं;—

धणु तणुतुंगो तित्थे पंचसयं पण्ण दसपण्णकमं ।
अट्टसु पंचसु अट्टसु पासदुगे णवयसत्तकरा ॥ ८०४ ॥
धनूंषि तनुतुंगः तीर्थे पंचशतं पंचाशदशपंचोनक्रमः ।
अष्टसु पंचसु अष्टसु पार्श्वद्विकयोः नव सत्तकराः ॥ ८०४ ॥

अर्थ—तीर्थकरनिके शरीरकी उचाई क्रमतैं अैसैं धनुष प्रमाण है । पहला तीर्थकरकैं पांचसै बहुरि द्वितीयादि आठ कै पचास पचास घाटि ४५० । ४०० । ३५० । ३०० । २५० । २०० । १५० । १०० । बहुरि दशवां आदि पांचकै दश दश घाटि ९० । ८० । ७० । ६० । ५० । बहुरि पंद्रहां आदि आठकैं पांच पांच घाटि ४५ । ४० । ३५ । ३० । २५ । २० । १५ । १० । धनुष प्रमाण शरीर ऊंचा है । बहुरि पार्श्वद्विक विषै पार्श्व जिनका नव हाथ वर्द्धमान जिनका सात हाथ शरीर ऊंचा है ॥ ८०४ ॥

आगैं तीर्थकरनिका आयु गाथा दोय करि कहैं हैं;—

तिथाऊ चुलसीदीविहत्तरीसट्टि पणसु दसहीणं ।
विगि पुव्वलक्खमेत्तो चुलसीदि विहत्तरी सट्टी ॥ ८०५ ॥
तीर्थायुः चतुरशीतिद्वासत्ततिषष्टिः पंचसु दशहीनं ।
द्वयेकं पूर्वलक्षमात्रं चतुरशीतिः द्वासत्ततिः षष्टिः ॥ ८०५ ॥

अर्थ—तीर्थकरनिका आयु क्रमतेँ चौरासीलाख पूर्व बहत्तरि लाख पूर्व साठि लाख पूर्व यातेँ उपरि पांच तीर्थकरनिका दश दश घटि लाख पूर्व सो पचास चाळीस तीस वीस दश लाख पूर्व बहुरि दोय लाख पूर्व एक लाख पूर्व बहुरि यातेँ उपरि चौरासी लाख बहत्तर लाख साठि लाख ॥ ८०५ ॥

तीसदसएकलकरवा पणणवदीचदुरसीदिपणवण्णं ।

तीसं दसिगिसहस्सं सय वावत्तरिसमा कमसो ॥ ८०६ ॥

त्रिंशद्दशैकलक्षाणि पंचनवतिचतुरशीतिपंचपंचाशत् ।

त्रिंशत् दशैकसहस्रं शतं द्वासप्ततिसमाः क्रमशः ॥ ८०६ ॥

अर्थ—तीस लाख दस लाख एक लाख तातेँ उपरि पिच्याणवै हजार चौरासी हजार पचावन हजार तीस हजार दस हजार एक हजार बहुरि एक सौ अर बहत्तरि इतनेँ वर्ष प्रमाण वृषभादि तीर्थकरनिका क्रमकरि आयु है ॥ ८०६ ॥

अव तीर्थकरनिका अंतराल गाथा सातकरि कहें हैं;—

उवर्हीण पण्णकोडी सतिवासडमासपक्खया पढमं ।

अंतरमेत्तो तीसं दस णव कोडी य लक्खगुणा ॥ ८०७ ॥

उदधीनां पंचाशत्कोटिः सत्रिवर्षाष्टमासपक्षकः प्रथमं ।

अंतरमितः त्रिंशत् दश नव कोटिश्च लक्षगुणाः ॥ ८०७ ॥

अर्थ—पूर्व तीर्थकर पीछें पिछला तीर्थकर जेतेँ काल पीछें होइ ताका नाम अंतरकाल है । सो पहला अंतर पचास कोडिसागर तीन वर्ष आठ महिना एक पक्ष प्रमाण है । जतनेँ काल भएँ वृषभ देव पीछें अजित नाथ भएँ अैसेँ ही यातेँ उपरि क्रमतेँ तीस लाख कोडि सागर दश लाख कोडि सागर नव लाख कोडि सागर अंतर जाननां ॥ ८०७ ॥

दसदसभजिदा पंचसु तो कोडी सायराण सदहीणा ।

छब्बीससहस्ससमा छावट्टीलक्खएणावि ॥ ८०८ ॥

दश दश भक्तानि पंचसु ततः कोटिः सागराणां शतहीना ।

पट्त्रिंशसहस्रसमा पट्पट्टिलक्षकेनापि ॥ ८०८ ॥

अर्थ—तातेँ उपरि पांचवां अंतरकाँ आदि दैकरि पंच अंतरनि विपै नव लाख कोडि सागर दश दश करि भाजित तिनका निवै हजार कोडि नव हजार कोडि नव हजार कोडि नवसै कोडि निवै कोडि नव कोडि सागर प्रमाण जानना । तातेँ उपरि दशवां अंतर एकसौ सागर अर छयासठि लाख छवीसहजार वर्षकरि हीन एक कोडि सागर प्रमाण जाननां ॥ ८०८ ॥

चलवण्णतीसणवचउजलहितियं पल्लतिण्णिपादूर्णं ।

पल्लस्स दलं पादो सहस्सकोडीसमाहीणो ॥ ८०९ ॥

चतुःपंचाशत् त्रिंशन्नवचतुर्जलधित्रयं पल्यत्रयपादोनं ।

पल्यस्य दलं पादः सहस्रकोटिसमाहीनः ॥ ८०९ ॥

अर्थ—तार्ते उपरि ग्यारह्वां अंतर आदिक चौवन सागर तांस सागर नव सागर च्यारि सागर प्रमाण है । बहुरि पंद्रह्वां अंतर पीण पत्य घाटि तीन सागर प्रमाण है । सोलह्वां आवपत्य है । सत्तरह्वां हजार कोडि वर्ष वाटि चौथाई पत्य प्रमाण अंतर है ॥ ८०९ ॥

वस्सा कोडिसहस्सा चउवण्णछपंचलक्खवस्साणि ।

तेसीदिसहस्समदो सगसयपण्णाससंजुत्तं ॥ ८१० ॥

वर्षाणि कोटिसहस्राणि चतुष्पंचाशत् पट् पंचलक्षवर्षाणि ।

त्र्यशतिसहस्रमतःसप्तशतपंचाशत्संयुक्तं ॥ ८१० ॥

अर्थ—तार्ते उपरि अठारह्वां आदि अंतर हजार कोडि वर्ष चौवन लाख वर्ष छह लक्ष वर्ष पांच लाख वर्ष तियासी हजार सातसै पचास वर्ष प्रमाण है ॥ ८१० ॥

सदलविसदं समातिय पक्खडमामूणमंतिमं तंतु ।

मोक्खंतरं सगाउगहीणं तमिणं जिणंतरयं ॥ ८११ ॥

सदलद्विशतं समात्रयं पक्षाष्टमासोनमंतिमं तत्तु ।

मोक्षांतरं स्वकायुष्कहीनं तदिदं जिनांतरं ॥ ८११ ॥

अर्थ—बहुरि अंतरका तेइसवां अंतर तीन वर्ष आठ मास एक पक्ष हीन दोयसै पचास वर्ष ताका दोयसै छियालीस वर्ष तीन मास एक पक्ष प्रमाण है । जैसे यह चौबीस तीर्थकरनिकै वीचि तेईस अंतराल कहे ते ए सर्व मोक्षतैं मोक्षांतर जाननां । वृषभ देवके मोक्ष जानां अर अजितदेवके मोक्ष जानां इन दोऊनकै वीचि जितनां काल भया सो प्रथम अंतर जाननां । जैसे ही अन्य मोक्षतैं मोक्षांतर जाननें । बहुरि यह ही अंतर अपनां अपनां आयु करि हीन किए जिनतैं जिनकां अंतर जाननां । प्रथम अंतरका प्रमाण विषे अजित देवका आयुका प्रमाण घटाए प्रथम तीर्थकरका मुक्ति जाननां अर द्वितीय तीर्थकरका जनम होनां तिनकै वीचि कालका प्रमाण होइ । जैसे ही अन्य जिनतैं जिनानंतर जाननें ॥ ८११ ॥

वीरजिणतित्यकालो इगिवीससहस्सवास दुस्समगो ।

इह सो तेत्तियमेत्तो अइदुस्समगोवि मिलिदब्बो ॥ ८१२ ॥

वीरजिनतीर्थकालः एकविंशतिसहस्रवर्षाणि दुःपमः ।

इह स तावन्मात्रः अतिदुःपमकोपि मेलयितव्यः ॥ ८१२ ॥

अर्थ—दुःखम नामा काल वीर तीर्थकरका तीर्थकाल है । सो इकईस हजार वर्ष प्रमाण है । बहुरि इहां अति दुःखम काल सो प्रसिद्ध रूप तितनाहीं इकईस हजार वर्ष मात्र है । सोभी मिलावना ॥ ८१२ ॥

तदिय तुरिए काले तिवासअडमासपक्खपरिसेसे ।

वसहो वीरो सिद्धो पुब्बे तित्थेयराउस्सं ॥ ८१३ ॥

तृतीयं तुर्ये काले त्रिवर्षअष्टमासपक्षपरिशेषे ।

वृषभो वीरः सिद्धः पूर्वे तीर्थकरायुष्यं ॥ ८१३ ॥

अर्थ—तीसरा कालका तीन वर्ष आठ महीनां एक पक्ष अवशेष रहें वृषभ देव सिद्ध भए । बहुरि चौथा कालका सोई तीन वर्ष आठ मास एक पक्ष अवशेष रहें वीर जिन सिद्धभए बहुरि पहला पहला तीर्थकरका अंतर विषै उत्तर उत्तर तीर्थकरका आयु प्रमाण तिष्ठै है औसा जाननां । पहला अंतर वृषभ देवका तीर्थकाल है । तामैं उत्तर अजित जिनका आयु प्रमाणका संयुक्तपना जाननां । औसैं ही अन्य जाननां । वीर जिन मुक्ति होनैका कालतैं चतुर्थ कालका अवशेष तीन वर्ष आठ मास एक पक्ष सो पार्श्व तिनका अंतर विषै मिलाएं अढ़ाईसै वर्ष होइ अर और सर्व अंतर मिलाएं संतै एक कोड़ा कोड़ि सागर प्रमाण हो है ॥ ८१३ ॥

अब जिनधर्म उल्लेख होनेका काल कहैं हैं;—

पल्लतुरियादि चय पल्लंतचउत्थूण पाद परकालं ।

ण हि सद्धम्मो सुविहीदु संतिअंते सगंतरए ॥ ८१४ ॥

पल्यतुर्यादिः चयः पल्यमंतं चतुर्थोनं पादपरकालं ।

न हि सद्धर्मः सुविधितः शांत्यंते सतांतरे ॥ ८१४ ॥

अर्थ—पल्यका चौथा भाग आदि अर तितनांही चय प्रतिस्थान वधनेका प्रमाण अर अंत विषै एक पल्य तातैं परैं चौथाई चौथाई पल्य घाटि यावत चौथाई पल्य अंतविषै होइ इन प्रमाण कालनिविषै सुबुधि जो पुष्पदंत तातैं लगाय शांतिनाथपर्यंत सात अंतरनिविषै वक्ता श्रोता आचरन-करनेवालेनिकै अभावतैं समीचीन जैनधर्म नास्तिरूप हो है । भावार्थ—नवमां पुष्पदंत शीतलका अंतरविषै पाव पल्य शीतल श्रेयोका अंतरविषै आध पल्य श्रेयो वासपूज्यका अंतरविषै पौण पल्य वासुपूज्य विमलका अंतरविषै एक पल्य विमल अनंतका अंतरविषै पौण पल्य अनंत धर्मका अंतर-विषै आधिपल्य धर्मशांतिका अंतरविषै पाव पल्यप्रमाण कालविषै जिनधर्मका अभाव चतुर्थकालमें भया है ॥ ८१४ ॥

चक्की भरहो सगरो मघव सणकुमार संतिकुंथुजिणा ।

अरजिण सुभोममहपउमा हरिसेणजयब्रह्मदत्तक्खा ॥ ८१५ ॥

चक्रिणः भरतः सगरः मघवा सनत्कुमारः शांतिकुंथुजिनौ ।

अरजिनः सुभौममहापद्मौ हरिषेणजयब्रह्मदत्ताल्पाः ॥ ८१५ ॥

अर्थ—भरत १ सगर १ मघवान् १ सनत्कुमार १ शांति जिन १ कुंथुजिन १ अर जिन १ सुभौम १ महापद्म १ हरिषेण १ जय १ ब्रह्मदत्त १ ए वारह चक्रवर्ती हैं ॥ ८१५ ॥

इनका वर्तनाकालकों गाथा दोय करि कहैं हैं;—

भरहदु वसहदुकाले मघवदु धम्मदुगअंतरे जादा ।

तिजिणा सुभोमचक्की अरमल्लीणंतरे होदि ॥ ८१६ ॥

भरतद्वयं वृषभद्वयकाले मघवद्वौ धर्मद्वयांतरे जातौ ।

त्रिजिनाः सुभौमचक्की अरमल्लयोरंतरे भवति ॥ ८१६ ॥

अर्थ—भरत सगर ए दौय तौ क्रमतेँ वृषभ अर अजित जिनके कालविषै भए । वहुरि मधवान् अर सनत्कुमार ए दौय धर्म शांति जिनके बीचि अंतर कालविषै भए । वहुरि शांति कुंथु अर ए तीन आप ही तीर्थकर भी भए तातेँ जिनांतर कहना न आवै । वहुरि सुभौमचक्री अर मल्लि जिनके बीचि अंतर कालविषै भए ॥ ८१६ ॥

मल्लिदुमज्जे णवमो मुणिसुच्चयणामिजिणंतरे दसमो ।

णमिदुविरहे जयक्खो वल्लो णेमिदुगअंतरगो ॥ ८१७ ॥

मल्लिद्वयमध्ये नवमो मुनिसुव्रतनमिजिनांतरे दशमः ।

नमिद्विविरहे जयाख्यो ब्रह्मो नेमिद्वयांतरगः ॥ ८१७ ॥

अर्थ—मल्लि मुनिसुव्रतके मध्य अंतरविषै नवमां महापद्मचक्री भया । वहुरि मुनिसुव्रत नमि जिनका अंतरविषै दशवां हरिषेण चक्री भया । वहुरि नमि नेमि जिनका अंतरविषै जयनामा चक्री भया नेमि पार्श्वका अंतरविषै ब्रह्मदत्त चक्री भया है ॥ ८१७ ॥

आगेँ चक्रवर्तिनिका शरीरका वर्ण उचाई तिनका आयु गाथा तीन करि कहै हैं;—

सव्वे सुवण्णवण्णा तद्देहुदआ धणूण पंचसयं ।

पण्णाम्मूर्णं सदलं वादालिगिदालयं तालं ॥ ८१८ ॥

सर्वे सुवर्णवर्णा तद्देहोदयो धनुषां पंचशतं ।

पंचाशदूनं सदलं द्वाचत्वारिंशदेकचत्वारिंशत् चत्वारिंशत् ॥ ८१८ ॥

अर्थ—सर्व ही चक्रवर्ती सुवर्ण समान वर्ण संयुक्त हैं । वहुरि तिन भरतादि चक्रीनिके शरीरकी उचाई क्रमकरि पांचसै अर पचास घटी ताका साढा च्यारिसै अर आधा सहित त्रियालीस अर आधा सहित इक्तालीस अर चालीस अर ॥ ८१८ ॥

पणतीस तीस अडदुवीसं पण्णरसगाउ चुलसीदि ।

वावत्तरिपुव्वाणं पणतिगिवासाणमिह लक्खा ॥ ८१९ ॥

पंचत्रिंशत् त्रिंशदष्ट द्विःखविंशतिः पंचदशकमायुः चतुरशीतिः ।

द्वासप्ततिपूर्वाणां पंचत्रिकैकवर्षाणामिह लक्षाणि ॥ ८१९ ॥

अर्थ—पैंतीस अर तीस अर अठाईस अर वाईस अर बीस अर पंद्रह अर सात धनुषप्रमाण है । यातेँ परेँ तिनका आयु क्रमतेँ कहिए है । चौरासी लाख पूर्व अर वहत्तिर लाख पूर्व अर पांच लाख अर तीन लाख अर एक लाख वर्ष प्रमाण । वहुरि । ॥ ८१९ ॥

संवच्छरा सहस्सा पण्णउदी चउरसीदि सट्ठी य ।

तीसं दसयं तिदयं सत्तसया वम्हदत्तस ॥ ८२० ॥

संवत्सराः सहस्राः पंचनवतिः चतुरशीतिः पाष्टिश्च ।

त्रिंशत् दशकं त्रितयं सप्तशतानि ब्रह्मदत्तस्य ॥ ८२० ॥

अर्थ—पिच्याणवै हजार अर चौरासी हजार अर साठि हजार अर तीस हजार अर दश हजार हजार अर तीन हजार वर्ष अर ब्रह्मदत्तका सातसै वर्ष प्रमाण आयु है ॥ ८२० ॥

आगँ तिन चक्रवर्तीनिकै नवनिधि हो हैं तिनके नाम कहै;—

कालमहाकालमाणवर्षिगलणैसप्पपउमपांडु तदो ।

संखो णाणारयणं णवणिहिओ देति फलभेदं ॥ ८२१ ॥

कालमहाकालमाणवर्षिगलणैसर्पपद्मपांडुस्ततः ।

शंखः नानारत्नः नवनिधयः ददति फलमेतत् ॥ ८२१ ॥

अर्थ—काल १ महाकाल १ माणवक १ पिंगल १ नैसर्ष १५ पद्म १ पांडु १ शंख
नाना रत्न १ ए नव निधि हैं । ते ए आगँ कहिए है फल ताकों देवै हैं ॥ ८२१ ॥

आगँ नवनिधिनिकरि दिया हुवा फलकों कहै हैं;—

उडु जोगकुसुमदामप्पहुदिं भाजणयमाउहाभरणं ।

गेहं वत्थं धणं तूरं वहुरयणमणुकमसो ॥ ८२२ ॥

ऋतुयोग्यकुसुमदामप्रभृति भाजनायुधाभरणं ।

गेहं वस्त्रं धान्यं तूर्यं वहुरत्नमनुक्रमशः ॥ ८२२ ॥

अर्थ—ते कालादिक निधि अनुक्रमतैं ऋतु योग्य पुष्पमाल आदि वस्तुकों वहुरि भाजनकों
वहुरि आयुधकों वहुरि आभरणकों वहुरि मंदिरकों वहुरि वस्त्रकों वहुरि धान्यकों वहुरि वाजित्रकों
वहुरि बहुत प्रकार रत्नकों देवै हैं । भावार्थ—निधि आठ पद्या सहित गाडौक आकारि हैं इनमैसाँ
ए वस्तु निकासिए हैं ॥ ८२२ ॥

आगँ तिनके चौदह रत्ननिका संज्ञा पूर्वक उपजनेका स्थान कहै हैं;—

सेणगिहथवदि पुरहो गयहयजुवई हवंति वेयड्डे ।

सिरिगेहे कागिणिमणिचम्माउहगेसिदंडछत्तमरो ॥ ८२३ ॥

सेनागृहस्थपतिः पुरोधा गजो हयो युवतिः भवंति विजयार्धे ।

श्रीगेहे काकिणीमणिचर्मायुधके असिदंडछत्रमरः ॥ ८२३ ॥

अर्थ—सेनापति सेनाका नायक अर ग्रहपति भंडारी अर स्थपति कारीगर अर पुरोधाः पुरोहित
अर गज हाथी अर हय घोडो अर युवति स्त्री ए रत्न विजयार्धे पर्वत विषै उपजै हैं । वहुरि वृष-
भाचलनि विषै नाम लिखनें आदिकों कारण काकिणी रत्न अर गुफा विषै उज्जास आदिकों कारण
चूड़ामणि रत्न अर सेनाकों म्लेच्छराज कृत जलवाधानिवारण आदिकों कारण चर्म रत्न ए तीन
श्रीदेवीका मंदिरविषै उपजै हैं । वहुरि असि खड्ग अर दंड गुफा द्वार उद्धाटन आदिकों कारण अर छत्र
उपरिम वाधा निवारण आदिकों कारण अर चक्र रत्न वैरीनिका अभावकों कारण ए च्यारि रत्न
आयुधशालाविषै उपजै हैं ॥ ८२३ ॥

आगँ तिनके गतिविशेष कहै हैं;—

मघवं सणकुमारो सणकुमारं सुभोम वम्हा य ।

सत्तमपुढविं पत्ता मोक्खं सेसहचक्करा ॥ ८२४ ॥

मधवान् सनत्कुमारः सनत्कुमारं सुभौमो ब्रह्मश्च ।

सप्तमपृथिवीं प्राप्तौ मोक्षं शेषाष्टचक्रधराः ॥ ८२४ ॥

अर्थ—मधवान् सनत्कुमार ए दोग्य तौ सनत्कुमार नामा स्वर्गको प्राप्त भए । बहुरि सुभौम ब्रह्मदत्त ए दोग्य सातवीं नरक पृथ्वीको प्राप्त भए । बहुरि अवशेष आठ चक्री मोक्ष पदको प्राप्त भए ॥ ८२४ ॥

अत्र अर्द्ध चक्री नारायण तिनके नाम कहैं हैं;—

तिविद्बहुविद्बस्यंभू पुरिसुत्तमपुरिससिंहपुरिसादी ।

पुंडरियदत्त नारायण किण्हो अर्द्धचक्रधरा ॥ ८२५ ॥

त्रिपृष्टद्विपृष्टस्वयंभूः पुरुपोत्तमः पुरुपासिंहः पुरुपादिः ।

पुंडरीकदत्तः नारायणः कृष्णः अर्धचक्रधराः ॥ ८२५ ॥

अर्थ—त्रिपृष्ट १ द्विपृष्ट १ स्वयंभू १ पुरुपोत्तम १ पुरुपासिंह १ पुरुप पुंडरीक १ पुरुप दत्त १ नारायण (लिलमन) १ कृष्ण १ ए नव अर्द्ध चक्री हैं । इहां प्रसंग पाइ बलभद्र नारायणनिके आयुध रत्न कहिए हैं । असि १ शंख १ धनुष १ चक्र १ मणि १ शक्ति १ गदा १ ए सात नारायणके आयुध रत्न हैं । बहुरि रत्ननिकी माला १ हल १ मुसील १ गदा १ ए च्यारि बलभद्रके आयुध रत्न हैं ॥ ८२५ ॥

आगे तिन नारायणनिका वर्तनाकाल कहैं है । जो नारायणनिका वर्तनाकाल सोई बलभद्र वा प्रतिनारायणका वर्तना काल क्रमते जाननां;—

सेयादिपणसु हरिपण छट्टरदुगविरह मल्लिदुगमज्जे ।

दत्तो अट्टम सुव्वयदुगविरहे नेमिकालजो किण्हो ॥ ८२६ ॥

श्रेयोआदिपंचसु हरिपंच पष्टः अरद्विकविरहे मल्लिद्विकमध्ये ।

दत्तः अष्टमः सुव्रतद्वयविरहे नेमिकालजः कृष्णः ॥ ८२६ ॥

अर्थ—श्रेयो जिन आदि पांच तीर्थकरनिविपै क्रमते त्रिपृष्ट आदि पांच नारायण भए हैं । बहुरि छठा पुरुप पुंडरीक नारायण अरहमल्ल तीर्थकरनिका अंतरविपै भया है । बहुरि पुरुपदत्त है सो मल्लि मुनिसुवृत्तके मध्य अंतरविपै भया है । बहुरि आठवें नारायण मुनिसुवृत्त नमि जिनका विरहकाल जे अंतर तीर्थविपै भया है । बहुरि कृष्ण है सो नेमीश्वर जिनका कालविपै उपज्या है ॥ ८२६ ॥

आगे बलभद्र प्रतिनारायणनिका नाम गाथा दोग्य करि कहैं हैं;—

बलदेवा विजयाचलसुधर्मसुप्रहसुदर्शना नंदी ।

तो नंदिमित्र रामा पञ्चमा उवरिं तु पडिसत्तू ॥ ८२७ ॥

बलदेवाः विजयाचलसुधर्मसुप्रहसुदर्शना नंदी ।

ततो नंदिमित्रः रामः पद्मः उपरि तु प्रतिशत्रवः ॥ ८२७ ॥

अर्थ—विजय १ अचल १ सुधर्म १ सुप्रह १ सुदर्शन १ नंदी १ नंदिमित्र १ राम १ पद्म १ धैसै ए नव बलदेव हैं ॥ ८२७ ॥

बहुरि यातैं उपरि तिन नारायण बलिभद्रनिके प्रतिशत्रु जे प्रति नारायण ते कहिए हैं;—

अस्सग्गीओ तारय मेरयय णिसुंभ कइइहंत महु ।

बलि पहरण रावणया खचरा भूचर जरासंधो ॥ ८२८ ॥

अश्वप्रीवः तारकः मेरकश्च निशुंभः कैटभांतो मधुः ।

बलिः प्रहरणः रावणः खचराः भूचरो जरासंधः ॥ ८२८ ॥

अर्थ—अश्वप्रीव १ तारक १ मेरक १ निशुंभ १ मधुकैटभ १ बलि १ प्रहरण १ रावण १ ए आठ तौ विद्याधर हैं । अर जरासिंध भूमि गोचरी है । औसैं ए नव प्रतिनारायण हैं ॥ ८२८ ॥

आगैं बलदेव आदि तीनोंका उत्सेध समान है सो कहैं हैं;—

देहुदओ चापाणं सीदी तिसु दसयहीण पणदालं ।

णवदुगवीसं सोलं दस बलकेसव ससत्तुणं ॥ ८२९ ॥

देहोदयः चापानां अशीतिः त्रिषु दशहीनं पंचचत्वारिंशत् ।

नवद्विकविंशतिः षोडश दश बलकेशवानां सशत्रूणां ॥ ८२९ ॥

अर्थ—शत्रु जो प्रतिनारायण तिन सहित बलिभद्र अर नारायण तिनका समान शरीरका उच्चत्व प्रथमादिकका क्रमतैं असी धनुष बहुरि तीन विपैं दश दश घाटि ताके सत्तरि साठि पचास धनुष बहुरि पैतालीस गुणतीस वाईस सोला दश धनुष प्रमाण है ॥ ८२९ ॥

आगैं नारायण वा प्रतिनारायणनिका समान आयु हैं ताकों कहैं हैं;—

सम चुलसीदि वहत्तरि सट्ठी तीस दस लक्ख पणसट्ठी ।

वत्तीसं वारकें सहस्समाउस्समसद्धचकीणं ॥ ८३० ॥

समा चतुरशीतिः द्वासप्ततिः षष्टिः त्रिंशत् दश लक्षाणि पंचषष्टिः ।

द्वात्रिंशत् द्वादशैकं सहस्रं आयुष्यमर्धचक्रिणाम् ॥ ८३० ॥

अर्थ—अर्ध चक्री जे नारायण वा प्रतिनारायण तिन प्रथमादिकका आयु क्रमतैं चौरासी लाख वर्ष वहत्तर लाख वर्ष साठि लाख वर्ष तीस लाख वर्ष दश लाख वर्ष पैसठि हजार वर्ष वत्तीस हजार वर्ष बारह हजार वर्ष एक हजार वर्ष प्रमाण है ॥ ८३० ॥

आगैं बलदेवनिका आयु कहैं हैं;—

सगसीदि दुसु दसूणं सगतीसं सत्तरससमा लक्खा ।

सगसट्ठीतीस सत्तर सहस्स वारसयमाउ बले ॥ ८३१ ॥

सप्ताशीतिः द्वयोः दशोनं सप्तत्रिंशत् सप्तदश समा लक्षाणि ।

सप्त षष्टिः त्रिंशत् सप्तदश सहस्रं द्वादशशतमायुः बले ॥ ८३१ ॥

अर्थ—बलदेवनिका आयु प्रथमादिकके क्रमतैं सित्यासी लाख बहुरि दोयविषै दश दश घाटि ताके सत्तहत्तरि लाख अर सत्तसठि लाख बहुरि सैंतीसलाख सतरह लाख सत्तसठि हजार सैंतीस हजार सतरह हजार बारहसै वर्ष प्रमाण है ॥ ८३१ ॥

आगैं नारायणादि तीन जिस गतिकों प्राप्त भए ताहि गाथा दोय करि कहैं हैं;—

पहमो सत्तमिमण्णे पण छट्ठी पंचमिं गदो दत्तो ।
 नारायणो चउत्थीं कसिणो तदियं गुरुयपात्वा ॥ ८३२ ॥
 प्रथमः सप्तमीमन्ये पंच पष्ठीं पंचमीं गतो दत्तः ।
 नारायणः चतुर्थीं कृष्णः तृतीयां गुरुपापात् ॥ ८३२ ॥

अर्थ—पहला त्रिपुष्ट सातवीं नरक पृथ्वीकों प्राप्त भया द्वितीयादि पांच नारायण छठी पृथ्वीकों प्राप्त भए । गुरुपदत्त पांचवीं पृथ्वीकों प्राप्त भया नारायण चौथी पृथ्वीकों प्राप्त भया । कृष्ण तीसरी पृथ्वीकों प्राप्त भए । ऐसैं ए नारायण महत् पापतैं नरक पृथ्वीकों प्राप्त भए हैं ॥ ८३२ ॥

णिरयं गया पडिरिवो बलदेवा मोक्खमट्ट चरिमो दु ।
 बह्मं कल्पं किण्हे तित्थयरे सोवि सिज्जेदि ॥ ८३३ ॥
 निरयं गताः प्रतिरिपवो बलदेवा मोक्षं अष्ट चरमस्तु ।
 ब्रह्म कल्पं कृष्यो तीर्थकरे सोपि सेत्स्यति ॥ ८३३ ॥

अर्थ—इनके प्रतिवेरी प्रतिनारायण तेऊ तिस नारायणकों प्राप्त भई जो जो नरक पृथ्वीताकों प्राप्त भए हैं । बहुरि बलदेव आदिके आठ तौ मोक्ष पदकों प्राप्त भए है । अंतका नौमा पद्म नामा बलिभद्र ब्रह्म स्वर्गकों प्राप्त भया । सोभी कृष्ण नारायणका जीव तीर्थकर होसी तिस समय सिद्ध पदकों पासी ॥ ८३३ ॥

आगे नारदनिके नामादिक गाथा दोय करि कहैं हैं;—

भीम महभीम रुद्रा महरुहो कालओ महाकालो ।
 तो दुम्मुह गिरयमुहा अधोमुहो नारदा एदे ॥ ८३४ ॥
 भीमो महामीमः रुद्रो महारुद्रो कालो महाकालः ।
 ततो दुर्मुखो निरयमुखः अधोमुखो नारदा एते ॥ ८३४ ॥

अर्थ—भीम १ महामीमः १ रुद्र १ महारुद्र १ काल १ महाकाल १ दुर्मुख १ नरक मुख १ अधोमुख १ ऐसैं ए नव नारद हैं ॥ ८३४ ॥

कलहप्पिया कदाइं धम्मरदा वासुदेवसमकाला ।
 भव्वा गिरयगदिं ते हिंसादोसेण गच्छंति ॥ ८३५ ॥
 कलहप्रियाः कदाचिद्धर्मरताः वासुदेवसमकालाः ।
 भव्याः नरकगतिं ते हिंसादोषेण गच्छंति ॥ ८३५ ॥

अर्थ—ए नारद कलह जिनकों प्यारा जैसे हैं । बहुरि कदाचित् धर्मविवै भी रत हैं । बहुरि नारायणादि होतैं ए हो हैं । तातैं नारायण समान है वर्तनाकाल जिनका जैसे हैं । बहुरि भव्य हैं । परंपरा मुक्तिगामी हैं । बहुरि ते नारद हिंसादोष करि नरक गति ही कों प्राप्त हो हैं ॥ ८३५ ॥

अब रुद्रनिकी संज्ञा पूर्वक संख्या कहैं हैं;—

भीमावलि जिदस रुद्र विसालणयण सुष्पदिद्वचला ।
तो पुंडरीय अजितंधर जिदणाभीय पीठ सच्चइजो ॥ ८३६ ॥
भीमावलिः जितशत्रुः रुद्रः विशालनयनः सुप्रतिष्ठोऽचलः ।
ततः पुंडरीकः अजितंधरो जितनाभिः पीठः सत्यकिजः ॥ ८३६ ॥

अर्थ—भीमावलि १ जितशत्रु १ रुद्र १ विशाल नयन १ सुप्रतिष्ठ १ वल १ पुंडरीक १
अजितं धर १ जित नाभि १ पीठ १ सत्यक्यतनय ऐसैं ए ग्यारह रुद्र हैं ॥ ८३६ ॥

आगैं तिनका वर्तनाकाल कहैं हैं;—

उसहदुकाले पढमदु सत्तण्णे सत्तसुविहिपहुदीसु ।
पीठो संतिजिणिंदे वीरे सच्चइसुदो जादो ॥ ८३७ ॥
वृषभाद्रिकाले प्रथमद्वौ सप्तान्ये सप्तसुविधिप्रभृतिपु ।
पीठः शांतिजिनेंद्रे वीरे सत्यकिसुतो जातः ॥ ८३७ ॥

अर्थ—वृषभ अजित जिनिके कालनि विपै क्रमतैं पहला अर दूसरा रुद्र भया । बहुरि तातैं
परैं अन्य तृतीयादि सात रुद्र ते पुष्पदंतादि सात तीर्थंकरनिका कालनिविपै क्रमतैं भए । बहुरि पीठ
रुद्र शांति जिनेंद्रका काल विपै भया ॥ ८३७ ॥

आगैं तिनके शरीरका उत्सेध कहैं हैं;—

पणसय पणुणसयं पंचसु दसहीणमद्व चउवीसं ।
तक्कायधनुस्सेहो सच्चइतणयस्स सत्तकरा ॥ ८३८ ॥
पंचशतं पंचाशदूनशतं पंचसु दशहीनं अष्ट चतुर्विंशतिः
तत्क्कायधनुस्सेधः सत्यकितनयस्य सत्तकरः ॥ ८३८ ॥

अर्थ—तिन रुद्रनिके शरीरका उच्चत्व क्रमतैं पांचसै धनुष अर ते पचास घाटि ताके घ्यारि
सै पचास धनुष बहुरि सौ धनुष बहुरि पांच विपै दश दश घाटि ताकै निवै असी सत्तारि
साठि पचास धनुष बहुरि अठईस धनुष चौबीस धनुष, बहुरि सत्यकितनयका सात हाथ प्रमाण
है ॥ ८३८ ॥

आगैं तिन रुद्रनिका आयु कहैं हैं;—

तेसीदिगिसत्तारि विगि लक्खापुण्वाणि वासलक्खाओ ।
चुलसादि सट्टि दसु दसहीणदल्लिगि वस्सणवसट्टी ॥ ८३९ ॥
व्यशीतिरेकसप्ततिः द्वयेकं लक्षपूर्वाणि वर्षलक्षानि ।
चतुरशीतिः षष्टिः द्वयोः दशहीनदीलैकं वर्षनवषष्टिः ॥ ८३९ ॥

अर्थ—तिन रुद्रनिका आयु क्रमकारि तियासी लाख पूर्व इकहत्तरि लाख पूर्व, दोय लाख
पूर्व, एक लाख पूर्व, चौरासी लाख, साठि लाख अर दोय विपै दश दश घाटि ताके पचास लाख
चालीस लाख बहुरि ताके आधे बीस लाख बहुरि एक लाख बहुरि गुणहत्तरि वर्ष प्रमाण है
॥ ८३९ ॥

आर्गे तिन रुद्रनि करि प्राप्त भई गतिकों कहैं हैं;—

पहमदु माघत्रिमण्णे पण मघविं अट्टमो दु रिट्टमहिं ।

दो अंजणं पवण्णा मेघं सच्चइत्तणु जादो ॥ ८४० ॥

प्रथमद्वौ माघवीमन्ये पंच मघवीमष्टमस्तु अरिष्टमहीं ।

द्वौ अंजनां प्रपन्नौ मेघां सत्यकितनुर्जातः ॥ ८४० ॥

अर्थ—तिन रुद्रनि विपै पहला दूसरा तौ माघवी नामा सप्तम नरक पृथ्वीकों प्राप्त भय अन्य तृतीयादि पांच मघवी छठी पृथ्वीकों प्राप्त भए । आठवां अरिष्टा पांचवीं पृथ्वीकों प्राप्त भया । तार्ते परै नवमां दशवां ए दोय अंजना चौथी पृथ्वीकों प्राप्त भए । सत्यकितनय मेघा तीसरी पृथ्वीकों प्राप्त भया है ॥ ८४० ॥

आर्गे तिन रुद्रनिका विशेष स्वरूप कहैं हैं;—

विज्जाणुवादपढणे दिट्टफला णट्टसंजमा भव्वा ।

कदिचि भवे सिज्झीति हु गहिदुज्झियसम्ममाहिमादो ॥ ८४१ ॥

विद्यानुवादपठने दृष्टफला नष्टसंयमा भव्याः ।

कतिचिद्भवेत्प्र सिध्यति हि गृहीतोऽज्ञितसम्यमहिम्नः ॥ ८४१ ॥

अर्थ—ते रुद्र विद्यानुवाद नामा पूर्वका पठन होतैं इह लोक संबधी फलके भोक्ता भए । वहुरि नष्ट भया हैं अंगीकार किया हुवा संजम जिनका अैसे हैं । वहुरि भव्य हैं ते ग्रहि करि छोड्या जो सम्यक्त्व ताके महात्म्यते केते इक पर्याय भए सिद्ध पद पावहिंगे ॥ ८४१ ॥

आर्गे चक्री अर्द्ध चक्री रुद्र इनका वर्तना कालकों वहुरि रचना विशेष करि युगपत पांच गायानि करि कहैं हैं;—

जिणसमकोट्टहविदा समकाले सुण्णहेट्ठिमे रचिदा ।

उह्यजिणंतरजादा सण्णेया चक्किहरिरुदा ॥ ८४२ ॥

जिनसमकोट्टस्थापिताः समकाले शून्याधस्तते रचिताः ।

उभयजिनांतरजाता संज्ञेया चक्रिहरिरुद्राः ॥ ८४२ ॥

अर्थ—जिनदेवनिका समान कोठानि विपै स्थापित किए चक्री अर्द्ध चक्री रुद्र ते तिनके समान काल विपै भए जाननें । वहुरि शून्यके नीचे स्थापे ते दोय जिननिके अंतर विपै भए जाननें । भावार्थ—चारि पंक्ति करि एक एक पंक्ति विपै चौतीस चौतीस कोठे करिए । तहां प्रथम पंक्ति विपै आर्गे जैसे कहिए हैं तैसे क्रमते, जिनका वा शून्यका स्थापन करनां सो जिस कोट विपै जिन स्थापन किया ताके नीचे तीन पंक्ति कोठानि विपै जो चक्री अर्द्ध चक्री रुद्र स्थापन किए तैतौ चक्री आदि तिन जिननिके काल विपै भए जाननें । वहुरि जो नीचले कोठानि विपै शून्य स्थापन करी तो आदिका चक्री तहां अभाव जाननां वहुरि जिस उपरला कोठा विपै शून्य स्थापन किया ताके नीचे जो चक्री आदि स्थापे तो तिन पिछला आगिला दोय जिननिका बीच अंतर काल विपै ते चक्री आदि भए जाननें । वहुरि जो शून्य स्थापन किया तौ जहां तिनका अभाव जाननां ॥ ८४२ ॥

आगैं तिन कोष्टनिके स्थापनेका क्रम कैसे है सो कहैं हैं;—

पण्णर जिण खदु तिजिणा सुण्णदु जिण गगणजुगल जिण खदुगं ।

जिण खं जिण खं दुजिणा इदि चोत्तीसालया णेया ॥ ८४३ ॥

पंचदश जिनाः खद्वयं त्रिजिनाः शून्यद्वयं जिनाः गगनयुगलं जिनः खद्वयं ।

जिनः खंजिनः खं द्विजिनौ इति चतुस्त्रिंशदालया ज्ञेयाः ॥ ८४३ ॥

अर्थ—वृषभादि पंद्रह जिन तातैं आगैं दोय शून्य तातैं आगैं तीन जिन आगैं शून्य दोय आगैं जिन आगैं शून्य दोय आगैं जिन आगैं शून्य आगैं जिन आगैं शून्य आगैं दोय जिन जैसे क्रम करि चौतीस कोठे प्रथम पंक्ति विषै जाननां ॥ ८४३ ॥

ताकै नीचे दूसरी पंक्ति विषै कहा सो कहैं हैं ।

चक्किदु तेरस सुण्णा छच्चक्की गयणातिदय चक्की खं ।

चक्की णभदुग चक्की गयणं चक्कर सुण्णदुगं ॥ ८४४ ॥

चक्किद्वौ त्रयोदश शून्यानि पट्चक्किणः गगनत्रितयं चक्की खं ।

चक्की नभोद्विकं चक्की गगनं चक्करः शून्यद्वयं ॥ ८४४ ॥

अर्थ—चक्की दोय तातैं आगैं तेरह शून्य तातैं आगैं छह चक्की आगैं शून्य तीन आगैं चक्की आगैं शून्य आगैं चक्की आगैं शून्य दोय आगैं चक्की आगैं शून्य आगैं चक्की आगैं शून्य दोय जैसे क्रम करि द्वितीय पंक्ति विषै कोष्ट जाननें ॥ ८४४ ॥

दसगयणपंचकेसवछस्सुण्णा परमणाभणभविण्हू ।

गयणाति केसव सुण्णदु मुरारि सुण्णत्तियं कमसो ॥ ८४५ ॥

दशगगनं पंचकेशवाः पट्शून्यानि पद्मनाभनभोविष्णुः ।

गगनत्रयं केशवः शून्यद्वयं मुरारिः शून्यत्रयं क्रमशः ॥ ८४५ ॥

अर्थ—तीसरी पंक्तिविषै दशशून्य तातैं आगैं पांच नारायण आगैं छह शून्य आगैं एक नारायण आगैं शून्य आगैं नारायण आगैं शून्यतीन आगैं नारायण आगैं शून्यदोय आगैं नारायण आगैं शून्य तीन जैसे क्रमकरि कोष्ट स्थापन करनें ॥ ८४५ ॥

रुद्धदुगं छस्सुण्णा सत्त हरा गयणजुगलमीसाणो ।

पण्णर णभाणि तत्तो सच्चइतणओ महावीरेः ॥ ८४६ ॥

रुद्रद्विकं षट्शून्यानि सप्तहराः गगनयुगलमीशानः ।

पंचदशनभांसि ततः सत्यकीतनयः महावीरे ॥ ८४६ ॥

अर्थ—चौथी पंक्तिविषै रुद्र दोय तातैं आगैं छह शून्य तातैं आगैं सात रुद्र आगैं शून्य दोय आगैं रुद्र आगैं पंद्रह शून्य आगैं सत्यकीतनय नामा रुद्र श्री महावीर जिनका काल चौतीसवां कोठाविषै हैं । जैसे क्रम करि स्थापन करनें । आगैं च्यारि पंक्तिके कोष्टनि करि वर्तना काल जाननां ॥ ८४६ ॥

आगैं तीर्थकारनिके शरीरका वर्णादिक अर तिनका वंश गाथा तीन करि कहैं है;—

पद्मपद्मवसुपुञ्जा रक्ता धवला ह्य चंद्रपद्मसुविदी ।
णीला मुपासपासा नेमीमुणिसुव्वया किण्हा ॥ ८४७ ॥
पद्मप्रभवामुपूज्यौ रक्तौ धवलौ हि चंद्रप्रभमुविर्वा ।
नीलौ मुपार्श्वपार्श्वौ नेमिमुनिमुव्रतौ कृष्णौ ॥ ८४७ ॥

अर्थ—पद्मप्रभ वामुपूज्य ए दोय रक्त वर्ण हैं । वहुरि चंद्रप्रभ पुष्पदंत ए दोय श्वंत वर्ण हैं । वहुरि मुपार्श्व पार्श्व ए दोय नील वर्ण हैं । वहुरि नेमि मुनिमुव्रत ए दोय कृष्ण वर्ण हैं ॥ ८४७ ॥

सेसा सोलस हेमा वसुपुञ्जो मल्लिणेमिपासजिणा ।
वीरो कुमारसवणा महवीरो णाहकुलतिलको ॥ ८४८ ॥
शेषाः षोडश हेमा वामुपूज्यो मल्लिनेमिपार्श्वजिनाः ।
वीरः कुमारश्रमणा महावीरो नाथकुलतिलकः ॥ ८४८ ॥

अर्थ—अवशेष सोलह तीर्थंकर सुवर्ण समान वर्ण धरें हैं । वहुरि वामुपूज्य मल्लिनेमि पार्श्व वर्द्धमान ए पांच तीर्थंकर कुमार श्रमण हैं । विना विवाह किए दीक्षा ग्रहण किया हैं । अवशेष उगणीस तीर्थंकर- विवाह राज भए पीछे दीक्षा ग्रहण किया है । वहुरि महावीर तौ नाथ वंशके तिलक हैं ॥ ८४८ ॥

पासो ह्य उगवंसो हरिवंसो मुव्वओ विं नेमीसो ।
धम्मजिणो कुंथु अरा कुरुजा इक्खाउया सेसा ॥ ८४९ ॥
पार्श्वस्तु उग्रवंशः हरिवंश सुव्रतोपि नेमीशः ।
धर्मजिनः कुंथुः अरः कुरुजाः इक्खाकवः शेषाः ॥ ८४९ ॥

अर्थ—वहुरि पार्श्वजिन उग्रवंशी हैं । मुनिमुव्रत नेमि हरिवंशी हैं । धर्म कुंथु अर जिन कुरुवंशविषे उपजे हैं । अवशेष सतरह तीर्थंकर इक्खाकु वंशविषे उत्पन्न हैं ॥ ८४९ ॥
अब शक अर कल्कीकी उत्पत्ति कहें हैं;—

पणच्छस्सयवस्सं पणमासजुदं गमिय वीरणिव्वुइदो ।
सगराजो तो कक्की चटुणवतियमहियसगमासं ॥ ८५० ॥
पंचपट्टशतवर्षे पंचमासयुतं गत्वा वीरनिर्वृतेः ।
शकराजो ततः कल्की चतुर्णवत्रिकमधिकसप्तमासं ॥ ८५० ॥

अर्थ—श्री वीरनाथ चौबीसवां तीर्थंकरको मोक्ष प्राप्त होनेतें पीछे छसै पांच वरप पांच मास सहित गए विक्रम नाम शक राजा हो है । वहुरि तातें उपरि च्यारि नव तीन इन अंकनि करि तीनसै चौराणवै वर्ष अर सात मास अधिक गए कल्की हो है ॥ ८५० ॥

अब कल्कीका कार्य गाथा छह करि कहें हैं;—

सो उम्मग्गाहिमुहो चउम्मुहो सदरिवासपरमाज्ज ।
चालीस रज्जओ जिदभूमी पुच्छइ समंतिगणं ॥ ८५१ ॥

स उन्मार्गाभिमुखः चतुर्मुखः सततिवर्षपरमायुष्यः ।

चत्वारिंशत् राज्यः जितभूमिः पृच्छति स्वमंत्रिगणं ॥ ८५१ ॥

अर्थ—सो कल्की उन्मार्ग जो विपरीत आचरण तीह विषै सन्मुख है। वहुरि चतुर्मुख जाका नाम है। वहुरि सत्तरि वर्ष प्रमाण जाका परम आयु है। तीह विषै चार्लस वर्ष प्रमाण राज्य करै है। वहुरि सो कल्की जीता है पृथ्वी जानै ऐसा होत संता अपने मंत्रिके समूहको ऐसे पूछे है ॥ ८५१ ॥

अम्हाणं के अवसा णिगंधा अत्यि केरिसायारा ।

णिद्धणवत्था भिक्षाभोजी जहसत्थामिदिवयणे ॥ ८५२ ॥

अस्माकं के अवशा निर्प्रथाः संति कीदृशाकाराः ।

निर्धनवत्त्वा भिक्षाभोजिनः यथाशास्त्रमिति वचने ॥ ८५२ ॥

अर्थ—हमारे वश नहीं ऐसा कौन है? तब मंत्री कहै हैं। निर्प्रथ जैन गुरु अवश हैं। तब वहुरि कल्की पूछे है। ते कैसे आकारि हैं? तब मंत्री कहै है धन वस्त्र रहित हैं। शास्त्र अनुसारि भिक्षा वृत्ति करि भोजन करै हैं। ऐसा मंत्रीका प्रतिवचन सुणि ॥ ८५२ ॥

कहा सो कहै हैं;—

तप्पाणिउडे णिवडिद् पढमं पिंडं तु सुक्कमिदि गेज्झं ।

इदि णियमे सचिवकदे चत्ताहारा गया मुणिणो ॥ ८५३ ॥

तत्पाणिपुटे निपत्तितं प्रथमं पिंडं तु शुल्कमिति ब्राह्मं ।

इति नियमे सचिवकृते त्यक्ताहारा गताः मुनयः ॥ ८५३ ॥

अर्थ—तिन निरग्रंथनिका पाणिपात्र विषै स्थापित किया पहला पिंड प्राप्त सो शुल्क है हांसिल है। जैसे करि सो प्रथम पिंड ग्रहण करना जैसे राजाके मंत्रिनि सहित नियम किए संते आहार समय तैसे ही करने करि छोड्या है आहार जिनिने जैसे होते संते मुनि वनादि विषै गए हैं ॥ ८५३ ॥

तं सोढुमक्खमो तं णिहणादि वज्जाजहेण असुरवई ।

सो भुंजदि रयणपहे दुक्खग्गाहेक्कजलरारिं ॥ ८५४ ॥

तं सोढुमक्षमः तं निहंति वज्रायुधेन असुरपतिः ।

स भुंक्ते रत्नप्रभायां दुःखप्राह्येकजलरारिं ॥ ८५४ ॥

अर्थ—तिस अपराध सहनेको समर्थ न भया ऐसा असुर कुमारनिका स्वामी चमर नामा इन्द्र सो वज्र आयुध करि तिस कल्की राजाको हनै है। सो कल्की मरि रत्नप्रभा नाम नरक भूमि विषै दुःख करि ग्रहण रूप एक सागर प्रमाण आयुको भोगवै है ॥ ८५४ ॥

तम्भयदो तस्स सुदो अजिदंजयसण्णिदो सुरारिं तं ।

सरणं गच्छइ चेलयसण्णाए सह समाहिलाए ॥ ८५५ ॥

तद्भयतः तस्य सुतः अजितंजयसंज्ञितः सुरारिं तं ।

शरणं गच्छति चेलकासंज्ञया सह स्वमहिलया ॥ ८५५ ॥

अर्थ—तीह असुरमतिके भयतैं तिस कल्की राजाका अजितंजय नामा पुत्र सो चेलका नामा अपनी स्त्री सहित तिस अपने पिताका वैरी चमर देवेन्द्रनकै शरण प्राप्त हो है ॥ ८५५ ॥

सम्मदंसणरयणं हिययाभरणं च कुणादि सो सिग्धं ।

पच्चखं दद्वृणिह सुरकयजिणधम्ममाहप्पं ॥ ८५६ ॥

सम्यग्दर्शनरत्नं हृदयाभरणं च करोति स शीघ्रं ।

प्रत्यक्षं दृष्ट्वा इह सुरकृतजिनधर्ममाहात्म्यं ॥ ८५६ ॥

अर्थ—बहुरि सो अजितंजय प्रत्यक्ष जिनधर्मका माहात्म्यको देखि शीघ्र ही जैनश्रद्धानरूप सम्यग्दर्शनको अपने हृदयका आभरण करै है ॥ ८५६ ॥

आगैं अंतके कल्कीका स्वरूप गाथा पांच करि कहैं हैं;—

इदि पडिसहस्सवस्सं वीसे कक्कीणादिक्कमे चरिमो ।

जलमंथणो भविस्सदि कक्की सम्मग्गमत्थणओ ॥ ८५७ ॥

इति प्रतिसहस्सवर्षे विंशतौ कल्कीनामतिक्रमे चरमः ।

जलमंथनो भविष्यति कल्की सन्मार्गमंथनः ॥ ८५७ ॥

अर्थ—ऐसैं हजार हजार वर्ष प्रति एक एक कल्की होइ । कल्कीनिकै वीचि वीचि एक एक उपकल्की होइ इतनां विशेष अन्य ग्रंथतैं जाननां सो वीस कल्की अतिक्रम भए अंतका इकईसवां जलमंथन नामा कल्की भले मार्गाका मथनेवाला विनासनेवाला होसी ॥ ८५७ ॥

इह इंद्रायसिस्सो वीरंगद साहु चरिम सव्वसिरी ।

अज्जा अग्गिल सावय वरसाविय पंगुसेणावि ॥ ८५८ ॥

इह इंद्रराजशिष्यो वीरंगदः साधुश्चरमः सर्वश्रीः ।

आर्या अग्गिलः श्रावकः वरश्राविका पंगुसेनापि ॥ ८५८ ॥

अर्थ—तीह कालविषै इंद्रराजा नामा आचार्यका शिष्य वीरंगद नामा अंतका साधु होसी । बहुरि सर्वश्री नामा अजिका होसी । बहुरि अग्गिल नामा श्रावक होसी । बहुरि पंगुसेना नामा उक्कष्ट श्राविका होसी ॥ ८५८ ॥

पंचमचरिमे पक्खडमासतिवासावसेसए तेण ।

मुणिपढमपिंडगहणे सण्णसणं करिय दिवसतियं ॥ ८५९ ॥

पंचमन्नरमे पक्षाष्टमासत्रिवर्षे अवशेषे तेन ।

मुनिप्रथमपिंडग्रहणे संन्यसनं कृत्वा दिवसत्रयं ॥ ८५९ ॥

अर्थ—ते मुनि आदि च्यारयो पंचमाकालकै अति एक पक्ष आठ मास तीन वर्ष अवशेष रहैं तीह कल्की राजाकरि पूर्वोक्त प्रकार मुनिका पहला ग्रास ग्रहण करत सतैं तीन दिन पर्यंत संन्यास मरण करि ॥ ८५९ ॥

कहा सो कहैं हैं;—

सोहम्मे जायंते कत्तियअमवास सादि पुच्चण्हे ।
इगिजलहिठिदी मुणिणो सेसतिए साहियं पल्लं ॥ ८६० ॥
सौधमें जायंते कार्तिकामावस्यायां स्वातौ पूर्वाह्णे ।
एकजलधिस्थितयो मुनयः शेषत्रयः साधिकं पत्यं ॥ ८६० ॥

अर्थ—तहां मुनि तौ कार्तिक मास अमावास्या तिथि स्वाति नक्षत्र पूर्वाह्न समयविषै मरिकारि एक सागर आयुके धारी सौधर्म स्वर्गविषै उपजैं हैं । बहुरि अवशेष अर्जिका श्रावक श्राविका ए तीन तहां ही सौधर्म स्वर्गविषै साधिक पत्य आयुके धारी उपजैं हैं ॥ ८६० ॥

तव्वासरस्स आदीमज्झंते धम्मरायअग्गीणं ।
णासो तत्तो मणुसा णग्गा मच्छादिआहारा ॥ ८६१ ॥
तद्वासरस्य आदिमध्यांते धर्मराजाग्नीनां ।
नाशः ततो मनुष्या नग्ना मत्स्याद्याहाराः ॥ ८६१ ॥

अर्थ—तीह दिनका आदि मध्य अंतविषै क्रमतैं धर्मका अर राजाका अर अग्निका नाश हो है । तातैं पै मनुक्ष हैं सो नग्न वस्त्रादि रहित अर मछली आदिका है आहार जिनकैं जैसे होसा ॥ ८६१ ॥

आगैं धर्मादिकका नाशका कारण कहैं हैं;—

पुद्गलअइरुक्खादो जलणे धम्मे णिरासएण ह्दो ।
असुरवइणा णरिंदे सयलो लोओ ह्वे अंधो ॥ ८६२ ॥
पुद्गलातिरौक्ष्यात् ज्वलने धर्मे निराश्रयेण हते ।
असुरपतिना नरेंद्रे सकलो लोको भवेत् अंधः ॥ ८६२ ॥

अर्थ—काल निमित्ततैं पुद्गल द्रव्य अतिरुखा भावरूप परणया तातैं अग्निका नाश भया बहुरि मुनिआदिका अभाव भए धर्मके आश्रयके अभावतैं धर्मका नाश भया । बहुरि असुर कुमारका इन्द्र करि मारया हुवा राजाका नाश भया । जैसे नाश होतैं पीछैं समस्त लोक आंधा हो है ॥ ८६२ ॥

आगैं तिस काल विषै तिष्ठते जीवनिकै गति विषै गमन अर गतितैं आगमनका स्वरूप कहैं हैं;—

एत्थ मुदा णिरयदुगं णिरयतिरक्खादु जणणमेत्थ ह्वे ।
थोवजलदाइ मेहा भू णिस्सारा णरा तिक्खा ॥ ८६३ ॥
अत्र मृता निरयद्वयं नरकतिर्यग्भ्यां जननमत्र भवेत् ।
स्तोकजलदायिनो मेघा भूः निस्सारा नरास्तीत्राः ॥ ८६३ ॥

अर्थ—इस अति दुःषम काल विषै जीव मरे हुए नरक तिर्यच दोय गतिकों प्राप्त हो हैं । अन्यत्र न प्राप्त हो हैं । बहुरि नरक तिर्यच गतितैं आये हुए जनिनिर्हाका इहां जनम हो है

अन्यका न हो है । बहुरि इस काल विषै मेव हैं ते स्तोक जलके देने वाले हो हैं । पृथ्वी रत्नादि सारवस्तु रहित हो है । मनुक्ष तीत्र कपायादि युक्त हो हैं ॥ ८६३ ॥

अत्र अति दुःपम कालका अंत विषै जो वर्तै है ताका अनुक्रम गाथा च्यारि करि कहै हैं;—

संवत्तयणामणिलो गिरितरुभूपहुदि चुण्णणं करिय ।

भमदि दिसंतं जीवा मरंति मुच्छंति छटंते ॥ ८६४ ॥

संवर्तकनामानिलः गिरितरुमृप्रभृतीनां चूर्णनं कृत्वा ।

भ्रमति दिशांतं जीवा प्रियंते मूर्च्छंति पष्टांते ॥ ८६४ ॥

अर्थ—छठाकालका अंत विषै संवर्तक नामा पवन सो पर्वत वृक्ष पृथ्वी आदिकका चूर्णकों करि स्वक्षेत्र अपेक्षा दिशानिका अंत प्रति भ्रमण करै है । बहुरि तहां तिष्ठते जीव तीह पवन करि मूर्च्छाकों पावै हैं बहुरि मरै हैं ॥ ८६४ ॥

खगगिरिगंगदुवेदी खुद्रविलादिं विसंति आसण्णा ।

णंति दया खचरसुरा मणुस्सजुगलादिवहुजीवे ॥ ८६५ ॥

खगगिरिगंगाद्वयवेदीं क्षुद्रविलादिं विसंति आसन्नाः ।

नयंति दयाः खचराः सुरा मनुष्ययुगलादिवहुजीवान् ॥ ८६५ ॥

अर्थ—विजयार्द्ध पर्वत अर गंगा सिंधुनदी अर इनकी वेदी अर तिनकै क्षुद्र विल आदिक तिन प्रति तिनहीके निकट वर्ती प्राणी प्रवेश स्वयमेव करै हैं । बहुरि दयावान विद्याधर वा देव हैं ते मनुक्ष युगल आदि दैकरि बहूत जीवनिकों तिस बाधा रहित स्थानकों प्राप्त करै हैं ॥ ८६५ ॥

छट्टमचरिमे होंति मरुदादी सत्तसत्त दिवसवही ।

अदिसीदस्वारविसपरुसग्गीरजधूमवरिसाओ ॥ ८६६ ॥

पष्टचरमे भवंति मरुदादयः सत्तसत्त दिवसावधि ।

अतिशीतक्षारविपपरुपाग्निरजोधूमवर्षाः ॥ ८६६ ॥

अर्थ—छठा कालका अंत विषै पवन आदि सात वर्षा सात सात दिन पर्यंत हो हैं । ते कौन ? पवन १ अत्यंत शीत १ क्षार रस १ विष १ कठोर अग्नि १ घूलि १ धुआं १ इन सात-रूप परिणए पुद्गलनिकी वर्षा गुणचास दिन विषै हो है ॥ ८६६ ॥

तेहिंत्तो सेसजणा णस्संति विसग्गिवरिसदड्ढमही ।

इग्गिजोयणमेत्तमधो चुण्णीकिज्जदि हु कालवसा ॥ ८६७ ॥

तेम्यः शेषजनाः नश्यंति विपाग्निवर्षदग्धमही ।

एकयोजनमात्रमधः चूर्णीक्रियते हि कालवशात् ॥ ८६७ ॥

अर्थ—तिन वर्षानितें अवशेष रहे मनुक्षादिक ते भी नष्ट हो हैं । बहुरि विष अर अग्नि-की वर्षानि करि दग्ध भई पृथ्वी सो एक योजन मात्र नीचा ताई कालकै वशतें चूर्ण हो है ॥ ८६७ ॥

अत्र उत्सर्पणी कालके प्रवेशका अनुक्रम गाथा तीन करि कहै हैं;—

उत्सर्पिणीयपदमे पुक्खरखीरघदमिदरसा मेघा ।

सत्ताहं वरसांति य णग्गा मत्तादिआहारा ॥ ८६८ ॥

उत्सर्पिणीप्रथमे पुष्करक्षीरघृतामृतरसान् मेघाः ।

सप्ताहं वर्षति च नग्ना मृताद्याहाराः ॥ ८६८ ॥

अर्थ—उत्सर्पिणीका अति दुःषम नामा प्रथमकाल विषै आदि ही मेघ हं ते जल १ दुग्ध १ घीव १ अमृत १ रसानिर्को क्रमते सात सात दिन पर्यंत वर्षे है । वहुरि तिसकाल विषै तिष्ठते जीव ते वज्रादि रहित नग्न हैं । वहुरि मृतिका आदिका आहार जिनिर्कै जैसे हो हैं ॥ ८६८ ॥

उण्हं छंडदि भूमी छविं सणिद्धत्तमोसहिं धरादि ।

वल्लिदागुम्मतरू वड्ढेदि जलादिवरसेहिं ॥ ८६९ ॥

उष्णं त्यजति भूमिः छविं सस्निग्धत्वमौषधिं धरति ।

वल्लितागुल्मतरवो वर्धते जलादिवर्षैः ॥ ८६९ ॥

अर्थ—जलादिकानिकी वर्षानिकरि पृथ्वी है सो पूर्वे भया था जो अग्नि आदिकी वर्षा करि उष्णपणा ताकीं छांडे है । वहुरि छवि जो शोभा ताकीं धारै है । वहुरि सच्चिकण पणांकीं धारै है । वहुरि अन्न आदि औषधिकीं धारै है । वहुरि वेलि आदि वधै हैं । तहां पृथ्वी विषै जड़विना फैले ताकीं वेलि कहिए । वृक्षका आश्रय करि जो फैले ताकीं लता कहिए । कदाचित भी स्थूल पेडकीं जे न प्राप्त होइं तिनकीं गुल्म कहिए । स्थूल पेड़ रूप होने योग्य जो होइ तिनकीं वृक्ष कहिए । जलादिकानिकी वर्षानि करि ए वधै हैं ॥ ८६९ ॥

णदितीरगुहादिठिया भूसीयलगंधगुणसमाहृया ।

णिग्गमिय तदो जीवा सव्वे भूमिं भरंति क्रमे ॥ ८७० ॥

नदीतीरगुहादिस्थिता भूशीतलगंधगुणसमाहृताः ।

निर्गत्य ततो जीवाः सर्वे भूमिं भरंति क्रमेण ॥ ८७० ॥

अर्थ—गंगासिंधु नदीके तीर वा विजयार्धकी गुफा आदि विषै पूर्वे प्राप्त भए थे जे जीव ते अबै भया जो पृथ्वी विषै शीतल सुगंध गुण तीह करि बुलाए हुए सर्व ही तहांतें निकासि अनुक्रम करि पृथ्वीकीं भरै हैं । वहुरि इहांतें क्रमसौ आयुकायादिक जीवनिर्कै क्रमते वधै हैं ॥ ८७० ॥

अब उत्सर्पिणीका दूसरा काल आदि विषै वर्त्तनाका अनुक्रम कहै हैं;—

उत्सर्पिणीयविदिए सहस्ससेसेसु कुलयरा कणयं ।

कणयप्पहरायद्धयपुंगव तह णलिण पउम महपउमा ॥ ८७१ ॥

उत्सर्पिणीद्वितीये सहस्रशेषेषु कुलकराः कनकः ।

कनकप्रभराजध्वजपुंगवाः तथा नलिनः पद्मः महापद्मः ॥ ८७१ ॥

अर्थ—अति दुःषम प्रथम काल पूर्ण भए पीछे दूसरा दुःषम नामा काल प्रवर्त्तै है । तामें एक हजार वर्ष अवशेष रहै सोलह कुलकर हो हैं । वहुरि ते कनक १ कनकप्रभ १ कनक राज १ कनक ध्वज १ कनक पुंगव १ नलिन १ नलिन प्रभ १ नलिन राज १ नलिनध्वज १ नलिन

पुंगव १ पद्म १ पद्म प्रभ १ पद्म राज १ पद्म ध्वज १ पद्म पुंगव १ महा पद्म १ जैसे नाम धारक सोलह कुलकर हो हैं ॥ ८७१ ॥

आगे तिनका कार्य वा तृतीय काल विपै तिष्ठते तेरसठि शलाका पुरुष तिनकों गाथा च्यारि करि कहैं हैं;—

तस्सोलसमणुहिं कुलायाराणलपक्कपहुदिया होंति ।

तेवट्टिणरा तदिण्ण सेणियचर पढमतित्थयरो ॥ ८७२ ॥

तत्पोडशमनुभिः कुलाचारानलपक्कप्रभृतयो भवन्ति ।

त्रिपट्टिनरास्तृतीये श्रेणिकचरः प्रथमतीर्थकरः ॥ ८७२ ॥

अर्थ—तिन सोलह मनुभिः कहिए कुलकरनि करि क्षत्रियादि कुलके आचार अग्नि करि अन्नादि पचावनेका विधान इत्यादि कार्य शिखाए हुए प्रवर्तें हैं । बहुरि तहां पीछें तीसरा दुःखम सुखमा नामा काल प्रवर्तें है । तीह विपै तेरसठि शलाका पुरुष हो हैं । तहां श्रेणिक नामा राजाका जीव तौ प्रथम तीर्थकर देव हो है ॥ ८७२ ॥

महपउमो सुरदेवो सुपासणामो सयंपहो तुरियो ।

सच्चप्पभूद देवादीपुत्तो होदि कुलपुत्तो ॥ ८७३ ॥

महापद्मः सुरदेवः सुपार्श्वनामा स्वयंप्रभः तुर्यः ।

सर्वात्मभूतो देवादिपुत्रो भवति कुलपुत्रः ॥ ८७३ ॥

अर्थ—महापद्म १ सुरदेव १ सुपार्श्व १ स्वयंप्रभ चौथौ १ सर्वात्मभूत १ देव पुत्र १ कुल पुत्र ॥ ८७३ ॥

तित्थयस्सुदंक्क पोट्टिल जयकित्ती मुणिपदादिसुच्चदओ ।

अरणिप्पावकसाया विउल्लो किण्हचरणिम्मलओ ॥ ८७४ ॥

तीर्थकर उदंक्कः प्रौष्टिलः जयकीर्तिः मुनिपदादिसुव्रतः ।

अरनिष्पापकपाया विपुलः कृष्णचरो निर्मलः ॥ ८७४ ॥

अर्थ—उदंक्क तीर्थकर १ प्रौष्टिल १ जयकीर्ति १ मुनिसुव्रत १ अर १ निःपाप १ निःकपाय १ विपुल १ कृष्ण नारायणका जीव निर्मल तीर्थकर १ ॥ ८७४ ॥

चित्तसमाहीगुत्तो सयंभु अणिवट्टओ य जय विमलो ।

तो देवपाल सच्चइपुत्तयरोऽणंतविरियंतो ॥ ८७५ ॥

चित्रसमाधिगुत्तः स्वयंभूरनिवर्तकश्च जयो विमलः ।

ततो देवपालः सत्यकिपुत्रचरोऽनंतवीर्योन्तः ॥ ८७५ ॥

अर्थ—चित्र गुप्त १ समाधि गुप्त १ स्वयंभू १ अनिवर्तक १ जय १ विमल १ देवपाल १ सत्यकितनय रुद्रका जीव अंतका अनंत वीर्य १ जैसे नाम धारक चौबीस तीर्थकर हो हैं ॥ ८७५ ॥

आगे तहां प्रथम अंत तीर्थकरनिका आयु उत्सेध कहैं हैं;—

पद्मजिणो सोलससयवस्साऊ सत्तहत्थदेहुदओ ।
चरिमो दु पुव्वकोडीआउ पंचसयधणुतुंगो ॥ ८७६ ॥

प्रथमजिनः षोडशशतवर्षायुः सप्तहस्तदेहोदयः ।

चरमः तु पूर्वकोव्यायुः पंचशतधनुस्तुंगः ॥ ८७६ ॥

अर्थ—पहला महापद्म जिन एकसौ सोलह वर्ष प्रमाण आयु सात हाथ शरीरका उच्चत्व धरै है । वहुरि अंतका अनंत वीर्य जिन कोडि पूर्व वर्ष प्रमाण आयु पांचसै धनुष शरीरका उच्चत्व धरै है ॥ ८७६ ॥

आगै चक्री अर्द्धचक्री बलिभद्रनिके नाम गाथा च्यारि करि कहैं हैं;—

चक्री भरहो दीहादिमदंतो मुक्तगूढदंता य ।
सिरिपुव्वसेणभूदी सिरिकंतो पउम महपउमा ॥ ८७७ ॥

चक्रिणः भरतः दीर्घादिमदंतो मुक्तगूढदंतौ च ।

श्रीपूर्वसेनभूती श्रीकांतः पद्मो महापद्मः ॥ ८७७ ॥

अर्थ—प्रथमही चक्रवर्ती कहिए हैं । भरत १ दीर्घ दंत १ मुक्त दंत १ गूढ दंत १ श्री-
षेण १ श्रीभूति २ श्रीकांत १ पद्म १ महापद्म १ ॥ ८७७ ॥

तो चित्तविमलवाहण अरिष्टसेणो वलो तदो चंदो ।
महचंद्र चंद्रहर हरिचंद्रा सीहादिचंद्र वरचंद्रा ॥ ८७८ ॥

ततः चित्रविमलवाहनौ अरिष्टसेनः वलाः ततः चंद्रः ।

महाचंद्रः चंद्रधरः हरिचंद्रः सिंहादिचंद्रो वरचंद्रः ॥ ८७८ ॥

अर्थ—तहां पीछैं चित्र वाहन १ विमल वाहन १ अरिष्ट सेन १ ए वाराह चक्रवर्ति हो हैं ।
तहां पीछैं भव बलिभद्र कहिए हैं । चंद्र १ महाचंद्र १ चंद्रधर १ हरिचंद्र १ सिंहचंद्र १ वरचंद्र
॥ ८७८ ॥

तो पुण्णचंद्रसुहचंद्रा सिरिचंद्रो य केशवा णंदी ।
तत्पुव्वमित्तसेणा णंदी भूदी यचलणामा ॥ ८७९ ॥

ततः पूर्णचंद्रः शुभचंद्रः श्रीचंद्रः च केशवाः नंदी ।

तत्पूर्वमित्रसेनौ नंदिभूतिश्चाचलणामा ॥ ८७९ ॥

अर्थ—तहां पीछैं पूर्ण चंद्र १ शुभचंद्र १ श्रीचंद्र १ जैसें ए नव बलदेव हो हैं । यार्ते पैरें
केशव जे नारायण ते कहिए हैं । नंदी १ नंदिमित्र १ नंदिषेण १ नंदिभूति १ अचल ॥ ८७९ ॥

महअइवला तिविद्धो दुविद्ध पडिसत्तुणो य सिरिकंठो ।
हरिणीलअस्ससुसिहिकंठा अस्सहयमोरगीवा य ॥ ८८० ॥

महातिबलौ त्रिपृष्ठः द्विपृष्ठः प्रतिशत्रवः च श्रीकंठः ।

हरिनीलाश्वसुशिखिकंठाः अश्वहयमयूरप्रीवाश्च ॥ ८८० ॥

अर्थ—महावल् १ अतिवल् १ त्रिपृष्ठ १ द्विपृष्ठ १ अैसेँ ए नव वासुदेव हो हैं । यातँ परँ तिनके प्रतिशत्रु जे प्रतिनारायण ते कहिए हैं । श्रीकंठ १ हरिकंठ १ अश्वकंठ १ सुकंठ १ शिखिकंठ १ अश्वग्रीव १ हयग्रीव १ मयूर ग्रीव अैसेँ ए नव प्रतिवासुदेव हो हैं ॥ ८८० ॥

अव कहे जु ए अर्थ तिनका उपसंहार कहै हैं;—

एसो सव्वो भेओ परूविदो विंदियतदियकालेसु ।

पुव्वं व गहीदव्वो सेसो तुरियादिभोगमही ॥ ८८१ ॥

एपः सर्वो भेदः प्ररूपितः द्वितीयतृतीयकालयोः ।

पूर्वमिव गृहीतव्यः शेषः तुर्यादिभोगमही ॥ ८८१ ॥

अर्थ—यहु सर्व ही भेद उत्सर्पिणीके दूसरे तीसरे कालनिका प्ररूपण किया बहुरि अवशेष चतुर्थ आदि कालनि विषै भोगभूमि है अैसे प्रवोक्त प्रकार ग्रहण करना । तहां अनुक्रमतँ आयु कायादि करि वृद्धि रूप चतुर्थ सुपम दुःपमकाल विषै जवन्व भोगभूमि है । पंचम सुपम काल विषै मध्य भोगभूमि है । षष्ठम सुपम सुपम काल विषै उत्कृष्ट भोग भूमि है ॥ ८८१ ॥

अैसेँ भरत ऐरावत क्षेत्रनि विषै कहे जे छह काल तिनकों अन्य क्षेत्र विषै जोड़नेकों गाथा तीन कहै हैं;—

पढमादो तुरियोत्ति य पढमो कालो अवद्विदो कुरवे ।

हरिरम्मगे य हेमवदेरणवदे विदेहे य ॥ ८८२ ॥

प्रथमतः तुर्यातं च प्रथमः कालः अवस्थितः कुर्वोः ।

हरिस्यके च हैमवद्वैरण्यवतयोः विदेहे च ॥ ८८२ ॥

अर्थ—पहला कालतँ लगाय चौथा काल पर्यंत नियम कहिए हैं । तहां पहला काल तौ देव-कुरु उत्तर कुरु विषै अवस्थित है । भावार्थ—पहला सुपम सुपम कालकी आदि विषै जो वर्तना है सो वर्तना देव कुरु उत्तर कुरु विषै सदा काल पाइए है । बहुरि ऐसै ही दूसरा काल हरि अर रम्यक क्षेत्र विषै अवस्थित है । बहुरि तीसरा काल हैमवत अर हैरण्यवत क्षेत्र विषै अवस्थित है । बहुरि चौथा काल विदेह क्षेत्र विषै अवस्थित ही है ॥ ८८२ ॥

भरह इरावद पण पण मिलेच्छखंडेसु खयरसेठीसु ।

दुस्समसुसमादीदो अंतोत्ति य हाणिवड्डी य ॥ ८८३ ॥

भरतः ऐरावतः पंच पंच म्लेच्छखंडेषु खचरश्रेणिषु ।

दुःपमसुपमादितः अंत इति च हानिवृद्धी च ॥ ८८३ ॥

अर्थ—भरत ऐरावत संबधी पांच पांच मलेच्छ खंड अर विजयार्द्धकी विधाधर रहनेकी श्रेणी तिन विषै दुःखम सुपम कालका आदितँ लगाय ताहीका अंत पर्यंत हानि वृद्धि हो है । सो अवसर्पिणी विषै तौ चौथा कालकी आदितँ लगाय अंत पर्यंत आर्य खंडवत् अनुक्रमतँ आयु आदि-ककी हानि हो है । तहां पांचवा छठा काल नाहीं प्रवत्तै है । भावार्थ—जो आर्य खंड विषै अव सर्पिणीका चौथा कालका अंतविषै वर्तना है सोई आर्यखंडविषै अवसर्पिणीका पांचवां छठा अर

उत्सर्पिणीका पहला दूसरा काल प्रवर्तते भी तहां एकरूप वर्तना है। बहुरि उत्सर्पिणीका तीसरा कालका आदि तैं लगाय ताहीका अंत पर्यंत आयु आदिककी वृद्धि हो है। तहां चौथा पांचवां छठा काल नाहीं वत्तै है। भावार्थ-इहां आर्य खंड विपै उत्सर्पिणीका चौथा पांचवां छठा अव-
सर्पिणीका पहला दूसरा तीसरा काल प्रवर्तते मी उत्सर्पिणीके तीसरा कालका अंत विपै जो वर्तना पाइए सो तहां एकरूप वर्तना है ॥ ८८३ ॥

पढमो देवे चारिमो णिरए तिरिए णरेवि छक्काला ।

तदिथो कुणरे दुस्समसरिसो चरिमुवहिदीवद्धे ॥ ८८४ ॥

प्रथमः देवे चरमः निरये तिरश्चि नरोपि पट्टकालाः ।

तृतीयः कुनरे दुःषमसदृशः चरमोदधिद्वीपार्थे ॥ ८८४ ॥

अर्थ—देव गतिविषै प्रथम काल वर्तै है। नरक गतिविषै अंतका छठा काल वर्तै है।
भावार्थ—इहां अति सुख अति दुखकी अपेक्षा पहला छठा कालका वर्तना कहा है। आयु आदि अपेक्षा न कहा है। बहुरि ऐसैं ही तिर्यंच गति अर मनुक्ष गतिविषै छहों काल वर्तै है। बहुरि कु-
मनुष्य भोगभूमि समुद्रनिविषै हैं। तहां तीसरा काल वर्तै है। बहुरि आधा स्वयंभू रमण द्वीप अर सर्व स्वयंभूरमण समुद्रविषै दुःखम समान सर्वकाल वर्तै है ॥ ८८४ ॥

ऐसैं जंबूद्वीपके वर्णनकों समाप्त करि लवण समुद्रके वर्णनकों आरंभ करत संता तिन दौऊनिके वीचि तिष्ठता जो कोट ताका स्वरूप निरूपणके मिस करि समस्त द्वीप समुद्रनिके अंत विषै पाइए हैं जे प्रकार तिनकों गाथा दोगकरि प्ररूपै हैं;—

चउगोउरसंजुत्ता भूमिमुहे वार चारि अट्टुदया ।

सयलरयणप्पया ते वेकोसवगाढया भूमि ॥ ८८५ ॥

चतुर्गोपुरसंयुक्ता भूमौ मुखे द्वादश चत्वारः अष्टोदयाः ।

सकलरत्नात्मकास्ते द्विक्रोशावगाढा भूमि ॥ ८८५ ॥

अर्थ—च्यारि गोपुर जे द्वार तिन करि संयुक्त हैं। बहुरि भूमौ कहिए नीचें ब्राह्म योजन चौडे हैं। मुखे कहिए उपरि च्यारि योजन चौडे हैं। बहुरि आठ योजन ऊंचे हैं। बहुरि सकल नाना प्रकार रत्नमई हैं ऐसैं ते प्राकार हैं। बहुरि ते दोग कोश भूमिकों अवगाहि करि तिष्ठै हैं।
भावार्थ—पृथ्वी विषै दोग कोश इनकी नीच हैं ॥ ८८५ ॥

वज्जमयमूलभागा वेलुरियकयाइरम्मसिहरजुदा ।

दीवोवहीणमंते पायारा होंति सन्वत्थ ॥ ८८६ ॥

वज्जमयमूलभागा वैदूर्यकृतातिरम्याशिखरयुताः ।

द्वीपोदधीनामंते प्राकारा भवंति सर्वत्र ॥ ८८६ ॥

अर्थ—वज्रमई तिनका मूल भाग कहिए नीच है। बहुरि वैदूर्य रत्न करि निर्मापित अति रमणीक शिखरनि करि संयुक्त हैं। जैसे प्राकार कहिए वेदिका दिवाल सो द्वीपनिका वा समुद्र-
निका अंत विषै परिधिरूप सर्वत्र है ॥ ८८६ ॥

आगै तिन प्राकारानिकै उपरि तिष्ठती जु वेदिका ताकाँ निरूपै हैं;—

पायाराणं उवरिं पुह मज्जे पञ्चवेदिया हेमी ।
वेकोसपंचसयधनुतुंगा वित्थारया क्रमसो ॥ ८८७ ॥
प्राकाराणामुपरि पृथक् मध्ये पञ्चवेदिका हेमी ।
द्विक्रोशपंचशतधनुस्तुंगविस्तारा क्रमशः ॥ ८८७ ॥

अर्थ—तिन प्राकारानिकै उपरि मध्य विपै पृथक् पृथक् पञ्च वेदिका कांगुरेनिकी पंक्ति हैं ।
सो सुवर्ण मई हैं दोय कोश उंची हैं पांचसै धनुष चौड़ी हैं ॥ ८८७ ॥

आगै तिस पञ्च वेदिकाकै माहीं अर वारै दोऊ तरफाँ तिष्ठते जु वनादिक तिनकाँ गाथा च्यारि
कीर कहैं हैं;—

तिस्से अंतो वार्हि हेभसिलातलजुदं वणं रम्मं ।
वाची पासादोवि य चित्ता अर्थति तर्हि वाणा ॥ ८८८ ॥
तस्याः अंतर्वहिः हेमशिलातलयुतं वनं रम्यं ।
वाप्यः प्रासादा अपि च चित्रा आसते तत्र वानाः ॥ ८८८ ॥

अर्थ—तिन वेदिकानिकै मांही वारै पैली वा वैली दोऊ तरफाँ सुवर्णमय शिलातल करि
संयुक्त रमणीक वन हैं । तहां चित्र नाना प्रकार वावड़ी वा प्रासाद कहिए मंदिर हैं । तहां मंदिरनि
विषै वान व्यंतर देव तिष्ठै हैं ॥ ८८८ ॥

वरमज्जजहण्णाणं वावीणं चाव विसद् वित्थारा ।
पण्णासूणं क्रमसो गाढा सगवासदसभागो ॥ ८८९ ॥
वरमध्यजघन्यानां वापीनां चापाः द्विशतं विस्ताराः ।
पंचाशदूनं क्रमशो गाधः स्वकव्यासदशमभागः ॥ ८८९ ॥

अर्थ—उच्छ्रष्ट मध्य जघन्य वावड़ीनिका विस्तार जो चौड़ाईका प्रमाण दोयसै अर पचास
घाटि क्रमतैं है सो दोयसै ड्यौढसै एकसौ योजन प्रमाण है । बहुरि तिनका गाध जो ओंड़ाईका
प्रमाण सो अपने व्यासकै दशवै भाग है । से क्रमतैं बीस पंद्रह दश योजन प्रमाण जाननां ॥ ८८९ ॥

वासुदयादीहत्तं जहण्णपासादयस्स चावाणं ।
पण्णपणसदरिसयमिह दारे छव्वार चउ गाढो ॥ ८९० ॥
व्यासोदयदीर्घत्वं जघन्यप्रासादस्य चापानां ।
पंचाशत्पंचसप्ततिशतं इह द्वारे पट् द्वादश चतुर्गाढः ॥ ८९० ॥

अर्थ—जघन्य प्रासादनिकी चौड़ाई उचाई लंबाईका प्रमाण क्रमतैं पचास पिचहत्तरि एकसौ
धनुष प्रमाण है । बहुरि इनके द्वारनिविपै चौड़ाई उंचाई छह अर बारह धनुष प्रमाण है अर गाध
जो अवकाश रूप इनकी नींव सो च्यारि धनुष प्रमाण है ॥ ८९० ॥

मज्झिमउक्कस्साणं विगुणा तिगुणा क्रमेण वासादी ।
दौदोदारा मणिमय णट्टणकीडादिगेहावि ॥ ८९१ ॥

मध्यमोत्कृष्टानां द्विगुणा त्रिगुणाः क्रमेण व्यासादिः ।

द्विद्विद्वाराः मणिमया नर्तनक्रीडादिगेहा अपि ॥ ८९१ ॥

अर्थ—मध्यम अर उत्कृष्ट प्रासादनिका व्यासादिक जघन्य प्रासादनिके व्यासादिकतै क्रमतै दूणे अर तिगुणे हैं । अर तिनके द्वारनिके भी तैसैं ही जघन्य प्रासादनिके द्वारनितैं दूणे अर तिगुणे व्यासादिक हैं । बहुरि ते जघन्य व्यासादिक धरैं प्रासाद दोय दोय द्वारनि करि संयुक्त हैं । तहां मणिमई नर्तन गेह क्रीडा गेह आदि रचना पाइए है । तहां मध्य प्रसादनिकी चौड़ाई उंचाई लंबाई सौ ड्यौढसै दोयसै योजन, उत्कृष्ट प्रासादनिकी ड्यौढसै सवादोसै तीनसै योजन प्रमाण है । बहुरि मध्य प्रासादनिके द्वारनिकी चौड़ाई उंचाई गाध बारह चौईस आठ धनुष है, उत्कृष्ट प्रसादनिके द्वारनिकी चौईस छत्तीस बारह धनुष प्रमाण है ॥ ८९१ ॥

अब अधिकार भूत प्राकारनिके द्वारनिके नाम वा तिनके व्यासादिक कहैं हैं;—

विजयं च वैजयंत जयंतमपराजियं च पुष्पादी ।

दारचउक्काणुदओ अडजोयणमद्धविस्थारो ॥ ८९२ ॥

विजयं च वैजयंतं जयंतमपराजितं च पूर्वादि ।

दारचतुष्काणामुदयः अष्टयोजनानि अर्धविस्ताराः ॥ ८९२ ॥

अर्थ—विजय १ वैजयंत १ जयंत १ अपराजित १ ऐसैं नाम धारक तिन प्राकारनिकै पूर्वादि दिशानि विषै द्वार हैं । तिन च्यारि द्वारनिका उच्चत्व आठ योजन है, विस्तार तातैं आधा च्यारि योजन है ॥ ८९२ ॥

आगैं तिन द्वारनिकै ऊपरि रचनाका स्वरूपकीं आदि दै करि वर्णन गाथा तीन करि कहैं हैं;—

तोरणजुददारुवरिं दुगवास चउक्कतुंग प्रासादो ।

वारसहस्सायददलवासं विजयपुरमुवरि गयणतले ॥ ८९३ ॥

तोरणयुतद्वारोपरि द्विव्यासः चतुष्कतुंगः प्रासादः ।

द्वादशसहस्रायतदलव्यासं विजयपुरमुपरि गगनतले ॥ ८९३ ॥

अर्थ—तिन तोरण संयुक्त द्वारनिकै उपरि दोय योजन चौड़ा च्यारि योजन उंचा प्रासाद है । तिसकै उपरि आकाश तल विषै बारह हजार योजन लंबा तातैं आधा छह हजार योजन चौड़ा विजय नामा नगर है ॥ ८९३ ॥

एवं सेसतिदारे विजयादिठिदी दु साहियं पल्लं ।

जगदीमूले वारस दाराणि णदीणि णिग्गम्मणे ॥ ८९४ ॥

एवं शेषत्रिद्वारे विजयादिस्थितिस्तु साधिकं पल्यं ।

जगतीमूल्ये द्वादश द्वाराणि नदीनां निर्गमने ॥ ८९४ ॥

अर्थ—अबशेष तीन द्वारनि विषै भी ऐसैं ही प्रासाद वा वैजयंतादि नगर जाननें । बहुरि तिन नगरनि विषै तिष्ठते विजयादि व्यंतर देवनिका आयु साधिक पल्य प्रमाण है । बहुरि

जगती जो जंबूद्वीपकी वेदी ताके मूल विषे सीता सांतोदा विना अवशेष बारह नदी निकसनेके बारह द्वार हैं । सीता सांतोदा पूर्व पश्चिम द्वार करि ही समुद्र विषे प्रवेश करै है । तानें इनके जुदे द्वारनिका अभाव है ॥ ८९४ ॥

पायारंतवभागे वेदिजुदं जोयणद्ववास वणं ।

दारुणपरिहितुरियो विजयादीदारअंतरयं ॥ ८९५ ॥

प्राकारांतमणि वेदीयुतं योजनाव्य्यासं वनं ।

द्वारोनपरिवितुर्यो विजयादिद्वारांतरं ॥ ८९५ ॥

अर्थ—तिस प्राकारके मांहिर्छी तरफ वेदिका सहित आव योजन चौड़ा पृथ्वी उपरि वन है । बहुरि तिस प्राकारके चारथी द्वारनिका व्यास सोलह योजन सो जंबूद्वीपका सूक्ष्म परिधि प्रमाण ३१६२२८ विषे घटाइ अवशेष ३१६२१२ के च्यारि भाग किए गुण्यासी हजार तेरपन योजन प्रमाण विजयादिक द्वारनिका परस्पर अंतराल है । जैसे ही अन्यत्र जानना । जैसे ट्रांप अर समुद्रके बीचि तिष्ठता जो प्राकार ताका वर्णन सहित जंबूद्वीपका वर्णन समाप्त मया ॥ ८९५ ॥

आगे लवण समुद्रके अम्यंतरवर्ती जे पाताल तिनका स्थान वा तिनकी संख्या वा तिनके व्यासादिकका परिमाण कहें हैं;—

लवणे दिसविदिसंतरदिसामु चड चड सहस्र पायाला ।

मज्जुदयं तलवदणं लखं दसमं तु दसमकमं ॥ ८९६ ॥

लवणे दिशाविदिशांतरदिशामु चत्वारि सहस्रं पातालानि ।

मध्योदयः तलवदनं लक्षं दशमं तु दशमकमं ॥ ८९६ ॥

अर्थ—लवण समुद्रके मध्यभाग परिधिविषे च्यारि दिशानिविषे अर च्यारि त्रिदिशानिविषे अर इन आठनिके बीचि आठ अंतर दिशा विषे अनुक्रमते च्यारि च्यारि एक हजार पाताल हैं । गर्त खाड़ा ताका नाम पाताल है । तहां दिशासंबंधी च्यारि पाताल तिनका उदयका मध्य भागविषे व्यास एक लाख योजन है । बहुरि उदय जो उचाई ताका प्रमाण तैसैही एक लाख योजन है । नीचे ही नीचे तल व्यास ताका दशवां भाग दश हजार योजन है । उपरि मुख व्यास तैसै ही दश हजार योजन है । भावार्थ—ए पाताल ऊभा मृदंगके आकारि हैं । सो समभूमितें नीचेका जो उंढाईका प्रमाण सो उचाई जाननी । ताका मध्यविषे तो व्यास अधिक है । अर ताके उपरि वा नीचे क्रमते घटता घटता नीचे ही नीचे अर उपरि समभूमिविषे समान व्यास है । इहां प्रश्न जो लक्ष योजन पर्यंत उंढाई कैसे संभवै ? ताका समाधान—रत्नप्रभा पृथ्वी एक लाख असी हजार योजन मोटी है । तहां खरभाग पंकभाग पर्यंत ते पाताल उंढे जानने । बहुरि त्रिदिशासंबंधी च्यारि पातालनिके दिशासंबंधी पातालनितें दशवां भागका अनुक्रम जाननां सो मध्य व्यास दश हजार उदय दश हजार तल व्यास एक हजार मुख व्यास एक हजार योजन प्रमाण है । बहुरि अंतर दिशा संबंधी हजार पातालनिका त्रिदिशा संबंधी पातालनितें दशवां भागका अनुक्रम जाननां । सो मध्य व्यास हजार तल व्यास एकसौ मुख व्यास एकसौ योजन प्रमाण है ॥ ८९६ ॥

आर्गे दिशा संबन्धी पातालनिका नामादिक कहे हैं;—

बडवामुहं कदंबगपायालं ज्वकेसरं वट्टा ।

पुन्वादिवज्जकुड्डा पणसयवाहल्ल दसम क्रमा ॥ ८९७ ॥

बडवामुखं कदंबकं पातालं यूपकेसरं वृत्तानि ।

पूर्वादिवज्जकुट्यानि पंचशतवाहल्यं दशमं क्रमात् ॥ ८९७ ॥

अर्थ—बडवामुख १ कदंबक १ पाताल १ यूपकेसर १ ऐसें पूर्वादि दिशा संबन्धी पातालनिके नाम हैं । बहुरि ते सर्व पाताल वृत्त कहिए गोल हैं । बहुरि वज्रमई कुञ्चकारि संयुक्त है । तहां दिशा संबन्धी पातालनिके कुञ्चका बाहुल्य जो मोटाईका प्रमाण सो पांचसैं योजन है । बहुरि याका दशवां अंश पचास योजन विदिशा संबन्धी पातालनिका कुञ्च बाहुल्य है ॥ ८९७ ॥

आर्गे तिन पातालनिके अभ्यंतर वर्ती जल अर पवन तिनके प्रवर्तनेका क्रम कहे हैं;—

हेट्टुवरिमत्तियभागे णियदं वादं जलं तु मज्झमिह ।

जलवादं जलवड्डी किण्हे सुक्के य वादस्स ॥ ८९८ ॥

अधस्तनोपरिमत्तियभागे नियतः वातो जलं तु मध्ये ।

जलवातः जलवृद्धिः कृष्णे शुक्ले च वातस्य ॥ ८९८ ॥

अर्थ—तिन पातालनिका उचाईका तीन भाग करिए तहां दिशा संबन्धी पातालनिका तीसरा भाग तेतीस हजार तीनसैं तेतीस योजन अर एक योजनका तीसरा भाग प्रमाण है । विदिशा संबन्धीनिका तीन हजार तीनसैं तेतीस योजन एक योजनका तीसरा भाग प्रमाण है । अंतर दिशा संबन्धीनिका तीनसैं तेतीस योजन एक योजनका तीसरा भाग प्रमाण है । तहां नीचला तीसरा भाग विपै तौ केवल पवन ही पाइए है । बहुरि उपरिका तीसरा भाग विपै केवल जल ही पाइए है । बहुरि मध्यका तीसरा भाग विपै जल पवन मिश्ररूप पाइए है । तहां कृष्णपक्ष विपै तीह मध्यका तृतीय भाग विपै तिष्ठता जलकी हानि हो है । बहुरि शुक्ल पक्ष विपै तहां ही तिष्ठता पवनका वृद्धि हो है ॥ ८९८ ॥

अत्र तिस हानि वृद्धिके प्रमाण कों कहे हैं;—

तम्मज्झिमत्तियभागे लवणसिहा चरिमपणसहस्से य ।

पण्णरदिणोहिं भजिदे इगिदिण जलवादवाड्ढि जलवड्डी ॥ ८९९ ॥

तन्मध्यमत्तियभागे लवणशिखा चरमपंचसहस्से च ।

पंचदशदिनैः भक्ते एकदिने जलवातवृद्धिः जलवृद्धिः ॥ ८९९ ॥

अर्थ—तिन पातालनिका मध्य तृतीय भागका पूर्वोक्त प्रमाण ताको पंद्रहदिननिका भाग दिएं जो प्रमाण होइ । दिशा ३३३३३ । १÷३ विदिशा ३३३३ । १÷३ अंतर दिशा ३३३ । १÷२ तितना मध्य तृतीय भाग विपै एक एक दिन प्रति । दिशा २२२२ । १÷९ विदिशा २२२३ अंतर दिशा २२ । ३ कृष्णपक्ष विपै जलकी वृद्धि अर शुक्ल पक्ष विपै पवनकी वृद्धिका प्रमाण हो है । पातालनिका मध्य तृतीय भाग विपै नीचे पवन उपरि जल है सो दिन दिन प्रति कृष्णपक्ष विपै

पवनकी जायगा जल होता जाय है । अर शुक्ल पक्ष विषै जलकी जायगा पवन होता जाय है ऐसा भाव जाननां । बहुरि लवण समुद्रकी जो शिखा समभूमितैं ऊंचा जलका प्रमाण ताका अंतका जो पांच हजार योजन ताकूं पंद्रह दिननिका भाग दिएं तीनसै तेतीस योजन एक तृतीय भाग आया सो लवण समुद्रकी शिखा विषै दिन दिन प्रति जल वधनेका प्रमाण हो है । समभूमितैं झारह हजार योजन ऊंचा जल है ताके ऊपरि शुक्ल पक्ष विषै इतनां इतनां जल ऊंचा चढि पूर्णिमाके दिनि सोलह हजार योजन ऊंचा जल हो है । कृष्णपक्ष विषै तैसैं ही घटि तितनां हीं आनि रहै है ऐसा भाव जाननां । अब इस ही अर्थको वनें हैं । पंद्रह दिननिकों तेतीस हजार तीन सै तेतीस योजन एक तृतीय भाग घटनें वधनें रूप हानिचय होय तौ एक दिन कै केता होइ । ऐसैं त्रैराशिक करि समछेद विधानतैं अंशी ९९९९९÷३ अंश ३ निकों मिलाय १००००÷३ भागहार तीनको प्रमाण राशि रूप पंद्रहका भाग हार करि गुणें पैतीलीस होइ १०००००÷४५ इस भागहारका भाग दिएं दोय हजार दोय सै वाईस योजन भए अर अवशेष १०÷४५ को पांचकरि अपवर्तन किएं दोय नवमां भाग भया सो इतनां मध्य तृतीय भाग विषै दिन दिन प्रति जल पवन घटै वधै है । ऐसैं ही लवण समुद्रकी शिखा विषै वा विदिशा अंतर दिशा संबंधी पातालनि विषै क्रमकरि मध्य जलवातका शिखाका हानि वृद्धिका अनुक्रम जाननां ॥ ८९९ ॥

ऐसैं हानि वृद्धि युक्त जो लवण समुद्र ताको भूमुख व्यास कहै है;—

पुण्णदिणे अमावासे सोलेकारससहस्स जलउदओ ।

वासं मुहभूमीए दसयसहस्सा य वेलक्खा ॥ ९०० ॥

पूर्णदिने अमावास्यायां षोडशैकादशसहस्रं जलोदयः ।

व्यासः मुखभूम्योः दशसहस्रं च द्विलक्ष्यं ॥ ९०० ॥

अर्थ—पूर्णिमाके दिन तौ सोलह हजार योजन लवण समुद्र विषै जल ऊंचा हो है । बहुरि अमावस्याके दिन ग्यारह हजार योजन जल ऊंचा हो है । भावार्थ—लवण समुद्रका मध्य भाग विषै अमावस्याके दिन समभूमितैं ग्यारह हजार योजन जल ऊंचा रहै है । बहुरि दिन दिन प्रति तीन सै तेतीस योजन अर एक तृतीय भाग प्रमाण जलकी उचाई वधै सो पूर्णिमाके दिन सोलह हजार योजन होइ तहां पीछें दिन प्रति तितनी ही घटै ऐसैं जलकी उचाईकी हानि वृद्धि है । बहुरि सोलह हजार योजनकी उचाई विषै मुख व्यास दश हजार योजन है । अर भूव्यास दोय लाख योजन है । भावार्थ—समभूमितैं उपरि सोलह हजार योजन जल ऊंचा है । तहां तिस जलकी चौड़ाईका प्रमाण दश हजार योजन है सो मुख व्यास जाननां । बहुरि समभूमि विषै दोय लाख योजन समुद्रकी चौड़ाई है सो भूव्यास जाननां । बहुरि सोलह हजार योजनकी उचाई विषै एक लाख निवै हजार योजन चौड़ाईका प्रमाण घठ्या तौ पांच हजार योजनकी उचाई विषै कितनां घठ्या ऐसैं अपवर्तन करि गुणें ९५०००० अपनां भागहारका भाग दिएं गुणसठि हजार तीनसै पिचहत्तरि योजन भए । या विषै मुख व्यास दस हजार जोड़ें ग्यारह हजारकी उचाई विषै मुख व्यास हो है । भावार्थ—समभूमितैं ग्यारह हजार योजन ऊंचा जल है । तहां तिसकी

चौड़ाई गुणहत्तरि हजार तीनसै पिचहत्तरि योजन है । बहुरि भूव्यास समुद्रकी चौड़ाई प्रमाण दोय लाख योजन है ही ॥ ९०० ॥

अब जंबूद्वीप संबंधी चंद्रमा सूर्यकै अर लवण समुद्रका जलकै तिर्यग रूप अंतरालका कहै हैं;—

मुरवायारो जलही हाणिदलं सोदयेण संगुणियं ।

विसमुद्रचारमंबुहिजंबूचंद्रविअंतरयं ॥ ९०१ ॥

मुरजाकारः जलधिः हानिदलं स्वोदयेन संगुण्य ।

विसमुद्रचारमंबुधिजंबूचंद्रव्यंतरं ॥ ९०१ ॥

अर्थ—लवण समुद्र है सो मृदंगकै आकारि है । जैसे मृदंग है सो मध्यतैं उपरि वा नीचै क्रम हानिरूप है । तैसें लवण समुद्रके जलका व्यास है । सो भूमिकी बरोबरि स्थानतैं ऊपरि उचाईविषै अर नीचै ओड़ाईविषै क्रमतैं हानि रूप है । सो भूमितैं लगाय जो उचाईविषै हानिका आधा प्रमाण उचाई करि भाजित ताकों चंद्रमा सूर्यकी उचाई करि गुणिए तामैं समुद्र संबंधी चार क्षेत्र घटाइए जो होइ तीह प्रमाण समुद्रकै अर जंबूद्वीप संबंधी चंद्रमा सूर्यकै तिर्यगरूप अंतराल है । इसही अर्थकों कहै हैं । जलका मुख व्यास दश हजार योजन ताकों भूमिव्यास दोय लाख योजन विषै घटाए अंबशेष १९०००० हानिका प्रमाण हो है । याकों एक पार्श्वका ग्रहण करनेकों आधा किए पिच्याणवै हजार योजन हो हैं । पीछैं सोलह हजार योजनकी उचाईके पिच्याणवै हजार योजन हानि होइ तौ एक योजनकी उचाईके केती होइ जैसे त्रैराशिक करि हजारका अपवर्तन किए पिच्याणवैका सोलहवां भाग आवै है । बहुरि एक योजनकी उचाईके पिच्याणवैका सोलहवां भाग हानिचय होय तौ आठसै असी योजन उचाईके कितनां होइ जैसे त्रैराशिक किए ऐसा $९५।८८० \div १६$ भया इहां आठसै असीका गुणकारकों सोलह करि अपवर्तन किए पचावन गुणां पिच्याणवै भया इनकों परस्पर गुणें पांच हजार दोयसै पचीस योजन तहां चंद्रकी बरोबरि हानिका प्रमाण आया । भावार्थ—समभूमितैं जहां आठसै असी योजन ऊंचा जल है तहां समुद्र तटतैं बावनसै पचीस योजन परैं सो जल पाइए हैं । ऐसा जाननां । बहुरि चंद्रमाका विमान वाह्य परिधि अपेक्षा समुद्र तटतैं समुद्र चार क्षेत्र प्रमाण परैं पाइए हैं । तातैं तामैं समुद्रका चार क्षेत्र तीनसै तीस योजन अर योजनका अठतालीस इकसठिवां भाग प्रमाण घटावनां सो तीनसै तीस घटाए अठतालीससै पिच्याणवै रहे । अर इनमें एक ग्रहण करि तामैं अठतालीस इकसठिवां भाग घटावनेकों इकसठि करि समछेद करि $६१ \div ६१$ तामैं विं प्रमाण $४८ \div ६१$ घटाए तेरह इकसठि भाग रहै हैं । भावार्थ—चंद्रमाका विमानकी बरोबरि जो जल ऊंचा है ताकै अर याकै तिर्यगरूप बीचि अंतराल अठतालीससै चौराणवै योजन अर योजनके तेरह इकसठिवां भाग मात्र जाननां । बहुरि समुद्रकै तटतैं पिच्याणवै योजनका सोलहवां भाग परैं जाइ एक योजन मात्र समभूमितैं जल ऊंचा होइ तौ तीनसै तीस योजन अर अठतालीस इकसठिवां भाग परैं जाइ जल कितनां ऊंचा होइ । जैसे त्रैराशिक किए । तहां चारक्षेत्र तीनसै तीस योजनकों अर सूर्यविं प्रमाण अठतालीस इकसठिवां भागकों समछेद करि परस्पर

मिलाएँ बीस हजार एकसौ अठहत्तरिका इकसठिवां भाग भया २०१७८÷६१ याकों पिच्याणवैका सोलह्वां भागका भाग देनां सो भिन्न गणित करि छेदलवकों पलटि करि भाज्यकों सोलह करि अर भागहारकों पिच्याणवै करि गुणें अैसा ३२२८४८÷५७९५ भया । इहां भाग दिएं पचावन योजन अर इकतालीससै तेईस योजनका सतावनसै पिच्याणवां भाग मात्र लव्व प्रमाण आया । सो इतना चंद्र विमानकै नीचें समभूमितें जलकी उचाईका प्रमाण है । वहुरि याकों चंद्रमाकी उचाई आठसै असी योजन तामें घटाएं आठसै चौईस योजन अर सोलहसै बहत्तरि योजनका सत्तावनसै पिच्याणवां भाग मात्र प्रमाण भया सो चंद्रमाकै अर ताकै नीचें समुद्र जल है ताकै ऊर्ध्वरूप वीचिमें अंतराल जाननां । अर सूर्यका तिर्यग अंतर आदि ल्याइए है । समभूमितें एक योजनकी उचाईकै समुद्र तटतें परें पिच्याणवै योजनका सोलह्वां भाग मात्र क्षेत्र होइ तौ आठसै योजनकी उचाई विपै केता होइ ? अैसैं त्रैराशिक करि सोलह करि आठसैं गुणकारका अपवर्त्तन किए पचास गुणां पिच्याणवै भया । परस्पर गुणें साढा सैंतालीससै भए । इहां समुद्र चारक्षेत्र तीनसैं तीस योजन अर अठतालीस इकसठिवां भाग घटाएं चवालीससै उगणीस योजन अर तेरह इकसठिवां भाग मात्र भया सोई सूर्यकै अर ताकी वरोवरि ऊंचा जल ताकै वीचिमें तिर्यगरूप अंतराल जाननां । वहुरि चंद्रमा अर समुद्रकै जो ऊर्ध्वरूप अंतराल कहा ८२४ । १६७२÷५७९५ तामें असी योजन घटाएं अवशेष ७४४ । १६७२÷५७९५ सूर्यकै अर ताकै नीचें समुद्र जल ताकै वीचि ऊर्ध्वरूप अंतराल जाननां । अर प्रसंग पाइ करि लवण समुद्र संबंधी सूर्यनिकै निकटि जल कितनां ऊंचा है सो साधिएं है—लवण समुद्र विपै च्यारि सूर्य हैं । सो एक एक परिधि विषै दोग दोग हैं । तातें दोग परिधिनिकै दोग सूर्य तिनके व्यास ग्रहण करनेकों सूर्यका व्यास योजनका अठतालीस इकसठिवां भाग मात्र ताकां दूणां करि ९६÷६१ याकों इकसठि करि समछेद किया हुवा लवण समुद्रका व्यास अैसा १२२०००००÷६१ तामें घटाएं अैसा १२१९९९०४÷६१ सर्व अंतराल क्षेत्र हो है । वहुरि दोग अंतरालनिका इतनां १२१९९९०४÷६१ क्षेत्र होइ तौ एक अंतरालका कितनां होइ अैसैं त्रैराशिक करि दोगकरि अपवर्त्तन किए अैसा ६०९९९५२ ÷६१ भया इहां भाग दिएं एकघाटि एक लाख योजन अर योजनका तेरह इकसठिवां भाग मात्र प्रमाण ९९९९९।१३÷६१ आया । सो यहु लवण समुद्र संबंधी दोग परिधिवर्ती दोग सूर्यनिकै वीचि अंतराल जाननां । वहुरि याकों आधा किए ४९९९९।३७÷६१ लवण समुद्र संबंधी सूर्य अर वेदिकानि वीचि अंतराल हो है । भावार्थ—जंबूद्वीपकी वेदीतें परें गुणचास हजार नवसै निन्याणवै योजन अर सैंतीस इकसठिवां भाग जाइ लवण समुद्र संबंधी प्रथम परिधि विपै सूर्य है । अर लवण समुद्रकी वेदीतें इतनेही योजन उरें द्वितीय परिधि विपै सूर्य है । दोजानिकै वीचि अंतराल निन्याणवै हजार नवसै निन्याणवै योजन अर तेरह इकसठिवां भाग मात्र है । दोज सूर्यनिका व्यास योजनका छिनवै इकसठिवां भाग मात्र है । इन सवनिकों जोडैं लवण समुद्रका व्यास दोग लाख योजन प्रमाण हो है । वहुरि सूर्य अर वेदिकाकै वीचि ऐसा ४९९९९।३७÷६१ अंतरालकों इकसठि करि समछेद करि अपने अंश सहित जोडैं ऐसा ३०४९९७६÷६१ भया ।

पीछें जो पिच्याणवै योजनका सोलह्वां भागमात्र तटतैं परैं जल एक योजन ऊंचा होइ तौ सूर्य वेदिकाका अंतराल ३०४९७६÷६१ मात्र तटतैं परैं जल केता ऊंचा होइ ऐसैं त्रैराशिक करि प्रमाण राशिरूप भागहारके छेद लवनिकौं पलटि परस्पर गुणें ऐसा ४८७९९६१६÷५७९५ भया । इहां भागहारका भाग दिएं चौरासीसै बीस योजन अर सत्तावनसै सोलहका सत्तावनसै पिच्याणवैवां भाग ८४२०।५७१६÷५७९५ मात्र लवण समुद्रसंबंधी सूर्यानिकै निकटि लवण समुद्रका जल ऊंचा है इहां जलके वीचि सूर्यादिक विचरै हैं ऐसा जाननां ॥ ९०१ ॥

अब पातालनिका अंतरालकौं निरूपै हैं;—

मज्झिमपरिधिचउत्थं विवरमुहं तंवि मज्झमुहमद्धं ।

सयगुणपणघणहीणं तं सयछब्बीसभाजिदे विरहं ॥ ९०२ ॥

मध्यमपरिधिचतुर्थं विवरमुखं तदपि मध्यमुखमर्थं ।

शतगुणपंचघनहीनं तत् शतपड्विंशभाजिते विरहं ॥ ९०२ ॥

अर्थ—लवण समुद्रका मध्यम सूची व्यास तीन लाख योजन ताका स्थूल परिधि नवलाख येजनि ताका चौथा भाग दोय लाख पचीस हजार योजन मात्र दिशा संबंधी एक पातालके मुखका अंतरतैं लगाय दूसरे पातालके मुखका अंत पर्यंत क्षेत्र है । यामैं पातालका मध्य व्यास एक लाख योजन घटाएं तौ तिन पातालनिकी उचाईका मध्य विपै परस्पर अंतराल एक लाख पचीस हजार योजन मात्र हो है । अर ताहीमैं पातालका मुख व्यास दश हजार योजन घटाएं तिन पातालनिकै मुखनिका वीचि अंतराल दोय लाख पंद्रह योजन मात्र हो है । बहुरि यामैं विदिशा संबंधी पातालका मुखव्यास हजार योजन घटाइ अवशेष २१४००० का आधा किएं दिशा संबंधी पाताल अर विदिशा संबंधी पातालनिका मुखनिकै वीचि अंतराल एक लाख सात हजार योजन हो है । बहुरि यामैंसौ गुणां पांचका घन बारह हजार पांचसै तिनकों घटाइ अवशेष ९४५०० कों एकसौ छबीसका भाग दिएं दिशा विदिशा संबंधी पातालनिकै वीचि जे पाताल हैं तिनका मुखनिकै वीचि परस्पर अंतराल सातसै पचास योजन मात्र हो है ॥ ९०२ ॥

अब लवणोदक समुद्रके पालक जे नागकुमार देव तिनके विमाननिकी संख्याकौं तीन स्थाननिका आश्रयकरि कहैं हैं;—

बेलंधर भुजगविमाणण सहस्साणि वाहिरे सिहरे ।

अंते वावत्तरि अडवीसं वादालयं लवणे ॥ ९०३ ॥

बेलंधरभुजगविमानानां सहस्साणि बाह्ये शिखरे ।

अंते द्वासप्ततिः अष्टविंशतिः द्वाचत्वारिंशत् लवणे ॥ ९०३ ॥

अर्थ—जंबूद्वीपकी अपेक्षा लवण समुद्रका बाह्यविषै शिखरविषै बेलंधर जातिके भुजग जे नागकुमार देव तिनके विमान क्रमतैं बहत्तरि हजार अठाईस हजार वियालीस हजार हैं ॥ ९०३ ॥

आगैं तिन विमाननिका जहां अबस्थान है तिस स्थान विशेषकों अर विमाननिके व्यासकों कहैं हैं;—

दुतडादो सत्तसयं दुकोसअद्वियं च होइ सिहरादो ।

णयराणि हु गयणतले जोयणदसगुणसहस्सवासाणि ॥ ९०४ ॥

द्वितटात् सप्तशतं द्विंशोशाविकं च भवति शिखरात् ।

नगराणि हि गगनतले योजनदशगुणसहस्रव्यासानि ॥ ९०४ ॥

अर्थ—छवण समुद्रके दोऊ तटतें सातसै योजन अर ताके शिखरतें दौयकोस अधिक सातसै योजन छोड़ि उपरि जाइ आकाशविषे दश हजार योजन व्यास छपें नगर हैं । भावार्थ—छवण समुद्रका बाह्य अर अर्धतर जो तट ताके ऊपरि सातसै योजन जाइ अर छवण समुद्रके मध्य जल ऊंचा है ताके उपरि सातसै योजन अर दौय कोस जाइ बेलंघर जातिके नागकुमार देवनिके नगर हैं । ए नगर आकाशविषे जलतें उपरि जाननं । तिनका प्रत्येक व्यास दश हजार योजन मात्र जाननां ॥ ९०४ ॥

आगें दिशा संवंधी पातालनिके दोऊ पार्श्वनिविषे तिष्ठते पर्वतनिकां अर तहां वास करते जे देवादिक तिनकां गाथा च्यारि करि कहें हैं;—

बडवामुहपहुदीणं पासदुगे पच्चदा हु एकैका ।

पुव्वे कौस्तुभसेलो इय विदियो कौस्तुभासो हु ॥ ९०५ ॥

बडवामुखप्रभृतीनां पार्श्वद्वये पर्वता हि एकैकाः ।

पूर्वस्यां कौस्तुभशैलः इह द्वितीयः कौस्तुभासस्तु ॥ ९०५ ॥

अर्थ—बडवा मुख आदि जे दिशा संवंधी पाताल तिनके दोऊ पार्श्वनिविषे एक एक पर्वत है । तहां पूर्वदिशा संवंधी पातालका पूर्व दिशाविषे कौस्तुभ नामा पर्वत है बहुरि इहां दूसरा पश्चिमदिशा विषे औस्तुभास नामा पर्वत है ॥ ९०५ ॥

तहिं तण्णामदुवाणा दक्खिणदो उदगउदकवासणगा ।

इह सिवसिवदेवमुरा संखमहासंख गिरिटु पच्छिमदो ॥ ९०६ ॥

तत्र तन्नामद्विवानां दक्षिणद्वये उदकउदकवासणौ ।

इह शिवशिवदेवमुरौ शंखमहाशंखौ गिरिट्वयौ पश्चिमद्वये ॥ ९०६ ॥

अर्थ—तिन पर्वतनिके उपरि तिन पर्वतनिके समान नामके धारक दौय व्यंतर देव वसै हैं । बहुरि दक्षिण दिशासंवंधी पातालके दोऊ पार्श्वनिविषे उदग अर उदक वास नामा पर्वत हैं । इनके उपरि शिव अर शिवदेवनामा व्यंतर देव वसै हैं । बहुरि पश्चिम दिशासंवंधी पातालके दोऊ पार्श्वनिविषे शंख अर महाशंख नामा पर्वत हैं ॥ ९०६ ॥

तत्थुदथुदवासमरा दगदगवासिद्दिजुगलमुत्तरदो ।

लोहिदलोहिदार्थका तहिं वाणा विविधवण्णया ॥ ९०७ ॥

तत्रोदकोदवासामरौ दकदकवासाद्रियुगलमुत्तरद्वये ।

लोहितलोहितांकौ तत्र वाणा विविधवर्णनकाः ॥ ९०७ ॥

अर्थ—तिन पर्वतनिके उपरि उदक अर उदकवास नामा व्यंतर देव वसै हैं । बहुरि उत्तर दिशासंवंधी पातालके दोऊ पार्श्वनिविषे दक अर दकवास नामा पर्वत युगल है । तिनके उपरि

लोहित अर लोहतांक नामा व्यंतर वसैं हैं । ते सर्व व्यंतर विविध नाना प्रकार वर्णना जो विभूत्या-
दिक ताकरि संयुक्त हैं ॥ ९०७ ॥

धवला सहस्समुग्गय सव्वणगा अद्धघडसमायारा ।

उभयतडादो गत्ता वादालसहस्समत्थांति ॥ ९०८ ॥

धवलाः सहस्समुद्रताः सर्वनगाः अर्धघटसमाकाराः ।

उभयतटात् गत्वा द्वाचत्वारिंशत्सहस्समासते ॥ ९०८ ॥

अर्थ—ते सर्व पर्वत धवल वर्ण हैं । अर जलतैं हजार योजन ऊंचे हैं । अर आधा घड़कै
समान इनका आकार है । बहुरि बाह्य तटतैं उरैं अर अम्यंतर तटतैं परैं एसैं उभय तटतैं वियालीस
हजार योजन जाइ तिष्ठै हैं ॥ ९०८ ॥

आगैं लवण समुद्रकै अम्यंतर जे द्वीप हैं तिनकों अर तिनके व्यासादिककों गाथा च्यारि
करि कहैं हैं;—

तडदो गत्ता तेत्तियमेत्तियवासा हु विदिस अंतरगा ।

अडसोलस ते दीवा वट्टा सूरक्खचंदक्खा ॥ ९०९ ॥

तडतः गत्वा तावन्मात्रव्यासा हि विदिक्षु अंतरकाः ।

अष्टषोडश ते द्वीपा वृत्ताः सूर्याख्यचंद्राख्याः ॥ ९०९ ॥

अर्थ—उभय तटनितैं तितनैं ही योजन जाइ तितनैंही व्यासके धारक विदिशा अर अंतर
दिशानिविषै आठ अर सोलह सूर्य नामा अर चंद्रनामा द्वीप वृत्ताकार हैं । भावार्थ—अम्यंतर
तटतैं परैं अर बाह्य तटतैं उरैं वियालीस हजार योजन जाइ वियालीस हजार योजन मात्र व्यास
करि संयुक्त विदिशा अर अंतर दिशानिविषै द्वीप । हैं । तहां च्यारयौं विदिशानिके दोऊ पार्श्वनि-
विषै आठ सूर्यनामा द्वीप हैं । अर दिशा विदिशानिके वीचि जे आठ अंतर दिशा तिनके दोऊ
पार्श्वनिविषै सोलह चंद्रनामा द्वीप हैं । ते सर्व द्वीप गोल आकार हैं । इहां द्वीपनाम टापूका
जाननां ॥ ९०९ ॥

तडदो वारसहस्सं गंतूणिह तेत्तियुदयविन्थारो ।

गोदमदीओ चिट्टदि वायव्वदिसम्भि वट्टुलओ ॥ ९१० ॥

तटतो द्वादशसहस्सं गत्वेह तावदुदयविस्तारः ।

गौतमद्वीपः तिष्ठति वायव्यादिशि वर्तुलः ॥ ९१० ॥

अर्थ—इहां लवण समुद्रके अम्यंतर तटतैं परैं वारह हजार योजन जाइ तितनांही ऊंचा
१२००० अर तितनांही १२००० व्यासका धारक गोल आकार लिं वायु विदिशाविषै गौतम
नामा द्वीप तिष्ठै है ॥ ९१० ॥

बहुवण्णपासादा वणवेदीसहिय तेसु दीवेषु ।

तस्सामी वेलंधरणागा सगदीवणामा ते ॥ ९११ ॥

बहुवर्णनप्रासादाः वनवेदीसहितेषु तेषु द्वीपेषु ।

तत्स्वामिनो वेलंधरणागाः स्वकद्वीपनामानस्ते ॥ ९११ ॥

अर्थ—ते ए सर्व द्वीप वन अर वेदिकानि करि सहित हैं । तिनविषै बहुत वर्णना करि संयुक्त मंदिर हैं । बहुरि तिनही द्वीपनिके स्वामी वेलंघर जातिके नागकुमार हैं । ते अपनै अपनै द्वीपके नाम समान नामके धारक हैं ॥ ९११ ॥

मागहतिदेवदीवत्तिदर्यं संखेज्जजोयणं गत्ता ।

तीरादो दक्खिणदो उत्तरभागेवि होदित्ति ॥ ९१२ ॥

मागघन्निदेवद्वीपत्रितयं संख्यातयोजनं गत्वा ।

तीरात् दक्षिणतः उत्तरभागेपि भवतीति ॥ ९१२ ॥

अर्थ—भरत क्षेत्रविषै जो समुद्रका दक्षिण तट तार्ते परै संख्यात योजन परै जाइ मागघ अर वरतनु अर प्रभास नाम धारक जे तीन देव तिनके तिनही नाम धारक तीन द्वीप हैं ।

भावार्थ—भरत क्षेत्रकी दोय नर्दाके प्रवेश द्वार अर एक जंबूद्वीपका द्वार इन तीनों द्वारनिके सनमुख केते इक योजन जाइ मागधादिक देवनिके द्वीप हैं । इनकों चक्रवर्ति सावै है । बहुरि तैसैही ऐरावत क्षेत्रका उत्तर भागविषै भी तीन द्वीप हैं ॥ ९१२ ॥

अब लवणोदक समुद्र कालोदक समुद्रके अम्यंतर तिष्ठते छिनवै कुमनुष्यनिके द्वीप तिनकों कहै हैं;—

दिसिविदिसंतरगा हिमरजदाचलसिहरिरजदपणिधिगया ।

लवणदुगे पल्लुठिदी कुमणुसदीवा हु छण्णउदी ॥ ९१३ ॥

दिशाविदिशांतरकाः हिमरजताचलशिखरिरजतप्रणिधिगताः ।

लवणद्विके पल्यस्थितयः कुमनुष्यद्वीपा हि पण्णवतिः ॥ ९१३ ॥

अर्थ—लवण समुद्रकी दिशानि विषै च्यारि अर विदिशानि विषै च्यारि अर दिशा विद-शानिके बीचि जे अंतर दिशा तिन विषै आठ अर हिमवन कुलाचल भरत संवंधी वैताड्यशिखरी कुलाचल ऐरावत संवंधी वैताड्य इन पर्वतनिके दोऊ अंतनिके निकटि दोय तिनके मिले हुए आठ ऐसै सर्व मिलि लवण समुद्रका अम्यंतर तट विषै चौईस द्वीप हैं । बहुरि बाह्य तट विषै भी ऐसै ही चौईस हैं । मिलिकरि अठतालीस भए । ऐसैही कालोदक समुद्रके दोऊ तटनि विषै अठतालीस द्वीप हैं । ऐसे सर्व मिलि छिनवै कुमनुष्यनिके द्वीप जाननै । बहुरि तहां तिष्ठते मनुष्य एक पल्य प्रमाण आयुके धारक हैं ॥ ९१३ ॥

आगै दोऊ तटनि विषै तिनका अंतराल अर तिनका विस्तारको क्रम करिकहै हैं;—

दसगुण पण्णं पण्णं पणवण्णं सट्ठिभुवहिमहिगम्म ।

सय पणवण्णं वण्णं पणुवीसं वित्थडा कमसो ॥ ९१४ ॥

दशगुणं पंचाशत् पंचाशत् पंचपंचाशत् पष्ठिरुदधिमाधिगम्य ।

शतं पंचपंचाशत् पंचाशत् पंचविंशतिः विस्तारः क्रमशः ॥ ९१४ ॥

अर्थ—ते द्वीप क्रमतै दस गुणा पचास अर पचास अर पचावन अर साठि योजन तटिनतै समुद्र विषै जाइ सौ पचावन पचावन पच्चीस योजन विस्तार संयुक्त क्रमतै जाननै । भावार्थ—अम्यंतर

तटर्त परें अर ब्राह्म तटर्त उरें दिशा संवंधी द्वीप पांचसै योजन विदिशा संवंधी द्वीप पांचसै योजन अंतर दिसा संवंधी पांचसै पचास योजन पर्वत निकटवर्ती छसै योजन जाय समुद्र विषै द्वीप हैं । तहां दिशा संवंधी सौं योजन विदिशा संवंधी पचावन योजन अंतर दिशा संवंधी पचास योजन पर्वत निकटवर्ती पचास योजन प्रमाण विस्तार धरें गोल आकार द्वीप जानने ॥ ९१४ ॥

आगैं तिन द्वीप रूप पर्वतनिका जलतैं उपरि वा नीचैं उच्चत्व कहैं हैं:—

इगिगमणे पणणउदिमतुंगो सोल्लगुणमुवरि किं पयदे ।

दुगजोगे दीउदधो सवेदिया जोयणुग्गया जलदो ॥ ९१५ ॥

एकगमणे पंचनवतितुंगः षोडशगुणमुपरि किं प्रकृते ।

द्विकयोगे द्वीपोदयः सवेदिका योजनोद्रता जलतः ॥ ९१५ ॥

अर्थ—इहां ऐसा जाननां सम भूमिका वरोवरि तौं लवण समुद्रके जलका व्यास दोय लाख योजन है । अर क्रमतैं घटता घटता सम भूमितैं नीचैं एक हजार योजन ऊंडा जल है । तहां जलका व्यास दश हजार योजन है अर सम भूमितैं उपरि सोलह हजार योजन ऊंचा जल है । तहां जलका व्यास दश हजार योजन है सो हानिचयका प्रमाण ल्याइ जहां ए द्वीप हैं तहां सम भूमितैं नीचैंको जो जलकी उंडाईका प्रमाण होइ सो तौं जलका नीचैं उच्चत्व जाननां । अर सम भूमितैं उपरि जो जलकी ऊंचाईका प्रमाण होइ सो जलका उपरि उच्चत्व जाननां सो कहिए है । सम भूमिकी वरोवरि जल व्यास दोय लाख योजन सो तो भूमि अर घटता घटता नीचैं जलव्यास दश हजार योजन सो मुख भूमिमैं मुखको घटाइ अवशेष १९०००० कां एक पार्श्व ग्रहण करतैंको आधा किए पिच्याणवै हजार योजन भए । बहुरि पिच्याणवै हजार योजनका जलव्यास विषै हानि होतैं हजार योजन जलकी नीचैंतैं उचाई होइ तौं एक योजनका हानि विषै केती होइ ऐसैं त्रैराशिक किए तटर्त एक योजन गएं सम भूमितैं नीचैं जलकी उंचाईका प्रमाण एक योजनका पिच्याणवैवां भाग आया १÷९५ बहुरि तटर्त एक योजन गएं जो एक योजनका पिच्याणवैवां भाग मात्र जलका उचाई होइ तौं पांचसै वा साढा पांचसै वा छहसै योजन तटर्त गएं केती उचाई होइ । ऐसैं त्रैराशिक किए तहां प्रमाण राशिरूप भागहारका भाग दिएं अर अवशेष छेदलव रहे तिनका पांच करि अपवर्तन किए तटर्त पांचसै आदि योजन गएं तहां सम भूमितैं नीचैं जलका उदय क्रमतैं पांच योजन पांच उगणीसवां भाग अर पांच योजन पांच उगणीसवां भाग अर पांच योजन पंद्रह उगणीसवां भाग अर छह योजन छह उगणीसवां भाग प्रमाण आवै है । सो दिशा संवंधी आदि द्वीपनिके निकटि इतनां तौं सम भूमितैं नीचैं जलका उच्चत्व जाननां । भाव यहु तहां इतनां ऊंडा जल है । अब सम भूमितैं उपरि जलका उदय ल्याईए हैं—समभूमिकी वरोवरि जल व्यास दोय लाख योजन सो भूमि अर उपरि जल व्यास दश दश हजार योजन सो मुख भूमिमैं मुख घटाइ अवशेषको आधा किए पिच्याणवै हजार योजन भए । सो समभूमितैं उपरि सोलह हजार योजन उंचाई विषै पिच्याणवै हजार योजन जल व्यास विषै हानि होइ तौं एक योजनका उचाई विषै केती होइ ऐसैं त्रैराशिक

किं पिच्याणवैका सोलह्वां भाग प्रमाण आया । वहुरि तटतै पिच्याणवैका सोलह्वां भाग मात्र जल परै भए एक योजन जल ऊंचा होइ तौ तटतै एक योजन परै भए जल केता होइ जैसे त्रैराशिक किं तटतै एक योजन परै जल है सो सोलहका पिच्याणवैवां भाग मात्र ऊंचा जलका प्रमाण आया । वहुरि तटतै एक योजन परै जल भए सोलह गुणां पिच्याणवैवां भाग जल ऊंचा होइ तौ पांचस वा साढा पांचसै वा छसै योजन तटतै परै जल केता ऊंचा होइ जैसे त्रैराशिक किं अर पांच करि अपवर्तन किं ऐसा । $१६०० \div १९$ $१६०० \div १९$ $१७६० \div १९$ $१९२० \div १९$ इहां भागहारका भाग दिं पांचसै आदि योजन तटतै परै जलकी उचाई क्रमतै चौरासी योजन च्यारि उगणीसवां भाग अर चौरासी योजन चार उगणीसवां भाग अर वाणवै योजन वारह उगणीसवां भाग अर एकसौ एक योजन एक उगणीसवां भाग मात्र जाननीं । दिशा विदिसा संबंधी द्वीपनिकै निकटि समभूमितै जल इतनां ऊंचा है । वहुरि समभूमितै नीचै अर उपरि जो जलकी उचाई ताकों मिलां जलका अवगाह प्रमाण तिस तिस द्वीपकी उचाई जाननी अर वेदिका करि सहित ते द्वीप जलतै उपरि एक योजन ऊंचे हैं । तटतै एक योजन भी जल विषै प्राप्त उचाई विषै मिलां । भूमि तलतै दिशा संबंधी द्वीपनिका निवै योजन नव उगणीसवां भाग अर विदिशा संबंधीनिका निवै योजन नव उगणीसवां भाग अर अंतर दिशा संबंधीनिका निन्याणवै योजन आठ उगणीसवां भाग अर पर्वत सनमुखनिका एक सौ आठ योजन सात उगणीसवां भाग मात्र उच्चत्व जाननां जैसे कह्या सर्व विधान सो कौस्तुभ आदि पर्वत द्वीपनि विषै भी जाननां । तटतै जितनै योजन दूर कहै हैं ताकै अनुसारि यथा संभवतै उंचाईका वा जलतै उंचाईका प्रमाण ल्यावनां ॥ ९१५ ॥

अब तिन कुभोगभूमिनि विषै उत्पन्न मनुक्षनिकी आकृतिनका स्थान पांच गाथानि करि कहै हैं;—

एगुरुगा लंगलिगा वेसणगाऽभासगा य पुच्वादी ।

शकुलिकण्णा कण्णप्पावरणा लंबकण्ण ससकण्णा ॥ ९१६ ॥

एकोरुकाः लंगलिकाः वैपाणिकाः अभाषकाः च पूर्वादिपु ।

शकुलिकर्णाः कर्णप्रावरणाः लंबकर्णाः शशकर्णाः ॥ ९१६ ॥

अर्थ—एकोरुका कहिए एक ही जांघवाले अर लंगुलिका कहिए पूंछ संयुक्त अर वैपाणिका कहिए सांग युक्त अर अभाषका कहिए न बोलने वाले गूगे जैसे ए च्यारि तौ पूर्वादिक दिशा संबंधी द्वीपनि विषै वसै हैं । वहुरि शकुलिकर्णाः कहिए शकुलि समान हैं कान जिनकै अर कर्ण-प्रावरणा कहिए कान है वस्त्र समान शरीर आच्छादनकों कारण जिनकों अर लंबकर्णा कहिए लांबा है कान जिनकै अर शशकर्णा कहिए सुसाका समान हैं कान जिनकै जैसे ए च्यारि विदिशानि विषै वसै हैं ॥ ९१६ ॥

सिंहस्ससाणमहिसवराहमुहा वग्घधूयकपिवदणा ।

झसकालमेसगोमुहमेघमुहा विज्जुदप्पणिभवदणा ॥ ९१७ ॥

सिंहास्वामिहिवराहमुखाः व्याघ्रघृककापिवदनाः ।

झपकालमेपगोमुखमेघमुखाः विद्युदर्पणेभवदनाः ॥ ९१७ ॥

अर्थ—नाहर घोड़ा कुत्ता भैंसा सूर वधेरा घूघू बांदरा समान है मुख जिनका जैसे सिंह मुख अर अश्व मुख अर सुनक मुख अर महिप मुख अर वराह मुख अर व्याघ्र वदन अर घूघू वदन अर कपि वदन हैं । ते ए आठ भए । बहुरि मीन काल मीढा गज मेघ वीजुरी आरसा हार्थी समान है मुख जिनका जैसे झप मुख अर गोमुख अर मेघ मुख अर विद्युद्वदन अर दर्पण वदन अर इम वदन हैं तेत आठ भए । इहां विशेष कहा आकारतै अन्य सर्व आकार मनुक्षका जाननां ॥ ९१७ ॥

अग्निदिसादी सक्कुलिकण्णादी सिंहवदणणरपमुहा ।

एगूरुगसक्कुलिसुदिपहुदीणं अंतरे णेया ॥ ९१८ ॥

अग्निदिशादिपु शक्कुलिकर्णादयः सिंहवदननरप्रमुखाः ।

एकोरुशक्कुलिश्रुतिप्रभृतीनां अंतरे ज्ञेयाः ॥ ९१८ ॥

अर्थ—अग्निदिशादिक जे विदिशा तिन विपै क्रमतै शक्कुलि कर्ण आदि वसै हैं । बहुरि सिंह वदन युक्त मनुक्ष आदि आठ क्रमतै एको रूक शक्कुलिकर्णनिका अंतरालादि आठ अंतराल-निविपै वसै हैं ऐसै जाननें ॥ ९१८ ॥

गिरिमत्थयत्थदीवा पुञ्जुत्ता सगणगस्स पुञ्जुदिसे ।

पच्छा भणिदा पच्छिमभागे अत्थंति ते कमसो ॥ ९१९ ॥

गिरिमस्तकस्यद्वीपाः पूर्वोक्ताः स्वकनगत्य पूर्वदिशि ।

पश्चात् भणिताः पश्चिमभागे आसते ते क्रमशः ॥ ९१९ ॥

अर्थ—हिमाचल अर भरत वैताड्य अर शिखरी अर ऐरावत वैताड्य इन च्यारि पर्वतनिका मस्तक विपै तिष्ठते द्वीपनिकेवासी झपमुख आदि जाननें । तहां झपमुख काल मुख आदि च्यारि युगलनि विपै जिनका पहलै कहे ते तौ अपने अपने पर्वतकी पूर्वदिशा विपै तिष्ठै हैं । पीछै कहे ते तिस पर्वतका पश्चिम भाग विपै तिष्ठै हैं ॥ ९१९ ॥

एगोरुगा गुहाए वसंति जेमंति मिहतरमट्टि ।

सेसा तरुतलवासा कल्पहुमदिण्णफलभोजी ॥ ९२० ॥

एकोरुका गुहायां वसंति जेमंति मृष्टतरमृत्तिकां ।

शेषाः तरुतलवासाः कल्पद्रुमदत्तफलभोजिनः ॥ ९२० ॥

अर्थ—पूर्वै कहे कुमनुक्ष तिन विपै एकोरुक तौ गुफा विपै वसै हैं अर तहांकी अधिक भीठी मृत्तिकाकाँ जीमै हैं भखै हैं । बहुरि अवशेष सर्व वृक्षनिकै नीचै वसै हैं । अर कल्पवृक्षानिकरि दिए फलनिकाँ भखै हैं । तहां जन्मादिककी जघन्य भोग भूमिवत् प्रवृत्ति जाननी ॥ ९२० ॥

आगै तिन छिनवै द्वीपनिकी संख्याका विशेष वर्णन कहै हैं;—

चउवीसं चउवीसं लवणदुतीरेसु कालहुतडोवि ।

दीवा तावदियंतरवासा कुणरा वि तण्णामा ॥ ९२१ ॥

चतुर्विंशं चतुर्विंशं लवणद्वितीयोः कालद्वितयोरपि ।

द्वीपाः तावदंतरव्यासाः कुनरा अपि तन्नामानः ॥ ९२१ ॥

अर्थ—लवण समुद्रके दोय तीरनि विपै चौबीस चौबीस द्वीप हैं । वहुरि कालोदक समुद्रके दोय तटनि विपै भी चौबीस चौबीस द्वीप हैं । इहां दिशा विदिशा अंतर दिशा संबंधी द्वीप तौ सर्वत्र तीरनिकी दिशा विदिशा अंतरदिशानि विपै हैं ही । वहुरि पर्वत संबंधी द्वीप लवण समुद्रके अभ्यन्तर तट विपै तौ जंबूद्वीप संबंधी पर्वतानिके दोऊ अंतनिविपै स्थित हैं । अर लवण समुद्रके बाह्य तट विपै अर कालोदकके अभ्यन्तर तट विपै धातुकी खंड संबंधी पर्वतानिका एक एक अंत विपै स्थित हैं अंसा जाननां । वहुरि द्वीपनिका तटतैं अंतराल अर व्यास लवण समुद्रवत तितनैं ही पूर्वोक्त प्रमाण जाननैं । वहुरि तिन द्वीपनि विपै वसते कुमनुक्ष भी तिस तिस द्वीप नाम समान हैं नाम जिनका ऐसे हैं ॥ ९२१ ॥

आगैं तिन कुभोग भूमि रूप कुमनुक्षनिके द्वीपनि विपै जे उपजै हैं तिनकीं गाथा तीन करि कहैं हैं;—

जिणलिंगे मायावी जोइसमंतोवर्जाधि धणकंखा ।

अङ्गउरवसण्णजुदा करौंति जे परविवाहंपि ॥ ९२२ ॥

जिणलिंगे मायाविनो ज्योतिर्मंत्रोपजीविनः धनकांक्षिणः ।

अतिगारवसंज्ञायुताः कुर्वंति ये परविवाहमपि ॥ ९२२ ॥

अर्थ—जे जीव जिन लिंग धारि तीह जिन लिंग विपै कपट संयुक्त मायावी हैं । वा जिन लिंग विपै ज्योतिप मंत्र वैद्य आदि करि आहारादिरूप कपट आजीविका करै हैं । वा जिन लिंग विपै धन चाहैं हैं । वा जिन लिंग विपै ऋधि यज्ञ साता रूप गारव करि उपयुक्त हैं । वा जिन लिंग विपै आहार भय मैथुन परिग्रहरूप संज्ञानि करि संयुक्त हैं । वा जिन लिंग विपै अन्य ग्रहस्थनिका परस्पर विधि मिलाइ विवाह करै हैं ॥ ९२२ ॥

दंसणविराहिया जे दोसं णालोचयंति दूसणगा ।

पंचगितवा मिच्छा मोणं परिहरिय भुंजंति ॥ ९२३ ॥

दर्शनविराधका ये दोपं नालोचयंति दूषणकाः ।

पंचाग्नितपसः मिथ्याः मौनं परिहृत्य भुंजते ॥ ९२३ ॥

अर्थ—जे जिन लिंग विपै सम्यग्दर्शनके विराधक हैं । जे जिन लिंग विपै अपनैं किए हुए दोपकीं श्री गुरुनिकै निकटि आलोचना न करै हैं । जे जिन लिंग विपै अन्य जीवनिकीं दोष लगावै हैं । जे मिथ्यादृष्टी पंचाग्नि साधन आदि तप करै हैं । जे मौनकीं छोड़ि भोजन करै हैं ॥ ९२३ ॥

दुब्भावअसुचिसूदगपुष्पवईजाइसंकरादीहिं ।

कयदाणा वि कुवत्ते जीवा कुणरेसु जायंते ॥ ९२४ ॥

दुर्भावाशुचिसूतकपुष्पवतीजातिसंकरादिभिः ।

कृतदाना अपि कुपात्रेषु जीवाः कुनरेषु जायंते ॥ ९२४ ॥

अर्थ—खोटे भावकारि वा अपवित्रताकारि वा मृतादिकका सूतक करि वा पुष्पवती स्त्रीका संसर्ग करि वा परस्पर विपरीत कुलनिका मिलनें रूप जो जातिसंकर ताकों आदि दैकारि संयुक्त जे दान करै हैं । बहुरि जे कुपात्रनि, विपै दान करै हैं ते ए जीव कुमनुक्षनि विपै उपजै हैं जातैं ए जीव मिथ्यात्व पाप सहित किंचित पुण्य उपार्जन करै हैं ॥ ९२४ ॥

अथ धातुकी खंड अर पुष्करार्ध द्वीपनि विषै रचना विषैका एक विधान है तातैं आगैं करिए हैं जे क्षेत्र तिनके विभागकों कारण भूत ऐसे जे तिन द्वीपनिके दोऊ पार्श्वनि विषै तिष्ठते इष्वाकार पर्वतनिकों कहै हैं;—

चउरिसुगारा हेमा चउकूड सहस्सवास णिसहुदया ।

सगदीववासदीहा इगिइगिवसदी हु दक्खिणुत्तरदो ॥ ९२५ ॥

चतुरिष्वाकारा हेमाः चतुःकूटाः सहस्रव्यासा निपद्योदयाः ।

चक्रद्वीपव्यासदीर्घा एकैकवसतयः हि दक्षिणोत्तरतः ॥ ९२५ ॥

अर्थ—धातुकी अर पुष्करार्ध विपै मिलाए हुए चारि इष्वाकार पर्वत हैं ते सुवर्ण मय हैं । अर च्यारि च्यारि कूटनि करि युक्त हैं पूर्व पश्चिम विपै हजार योजन चौडे हैं । निषध कुलाचल समान च्यारिसै योजन ऊंचे हैं । दक्षिण उत्तर विषै अपने अपने द्वीपका व्यास समान च्यारि व आठ लाख योजन लंबे हैं । एक एक क्षेत्रादि रचना रूप वसती लीएं हैं । ऐसैं इष्वाकार तिन दोऊ द्वीपनिकी दक्षिण अर उत्तर दिसानि विपै तिष्ठे हैं ॥ ९२५ ॥

आगैं तिन दोऊ द्वीपनि विषै तिष्ठते कुलाचल आदि तिनका स्वरूप निरूपै हैं;—

कुलगिरिवक्खारणदीदहवणकुंडाणि पुक्खरदलोत्ति ।

ओवेहुस्सेहसमा दुगुणा दुगुणा दु वित्थिण्णा ॥ ९२६ ॥

कुलगिरिवक्खारनदीद्रहवनकुंडानि पुक्खरदल इति ।

अवगाधोत्सेधसमा द्विगुणा द्विगुणाः तु विस्तीर्णाः ॥ ९२६ ॥

अर्थ—धातुकी खंडतैं लगाय पुष्करार्ध पर्यंत तिस एक एक द्वीप विषै तिष्ठते दोऊ मेरु संबंधी कुलाचल बारह बहुरि गजदंतनि करि सहित वक्खार चालीस बहुरि गंगा सिंधु आदि अर विभंगा अर कछादि विदेह संबंधी दोय दोय मिलाई हुई नदी एकसौ असी । बहुरि कुलाचलनिके उपरि तिष्ठते अर भोग भूमि भद्रसालनिके मध्य तिष्ठते मिले हुए द्रह बावन बहुरि पर्वत नदी आदिनिके पार्श्व विषै तिष्ठते वन संख्याते अर गंगादिकनिके पडनेके अर विभंगा विदेह नदीनिके उपजनेके मिले हुए कुंड एकसौ असी ए सर्व उंडाई उंचाई इत्यादि करि तौ जंबू द्वीप विषै तिष्ठते कुलाचल आदिकनिके समान जाननें । अर इनका विस्तार जो चौड़ाईका प्रमाण सो जंबू द्वीप संबंधीनितैं दूणे दूणे हैं । जंबूद्वीप संबंधी कुलाचलादिकनिका विस्तार तौ धातुकी खंडसंबंधीनिका दूणा है । धातुकी खंड संबंधीनिकातैं, पुष्करार्ध संबंधीनिका दूणा है ॥ ९२६ ॥

आगैं ज्यौढ द्वीप विषै तिष्ठते क्षेत्र अर कुलाचलनिके आकारकों निरूपै हैं;—

सयलुद्धिणिभा वस्सा दिवड्ढदीवम्हि तत्थ सेलाओ ।

अंते अंकमुह्हाओ खुरप्पसंठाणया बाहिं ॥ ९२७ ॥

शकटोर्धनिभा वर्षाः द्व्यर्धद्वीपे तत्र शैलः ।

अंतः अंकमुखाः क्षुरप्रसंस्थानका वहिः ॥ ९२७ ॥

अर्थ—एक तौ घातकी खंड अर आधा पुष्कर अैसें ज्यौद्व द्वीपविषै जे क्षेत्र ते तौ शकटो-
द्विका जो गाड़ाकी ऊर्धिका तीह समान जाननें अर तहां शैल जे कुलाचल ते अम्यंतरविषै तौ
अंकमुख हैं अर ब्राह्मविषै क्षुरप्रसंस्थान कहिए हैं । सो इनका आकार ऐसा जाननां । इहां घातकी
खंडकी पुष्करार्द्धकी रचना ऐसी जाननी ॥ ९२७ ॥

आगै घातकी खंड पुष्करार्द्धनि विषै पर्वतनिके क्षेत्रादिकका आकारकी रचना करि रोक्य
हुवा क्षेत्रकी कहता तिनकी परिधिनीकां ल्यावै हैं;—

दुगचउरदृडसगइगि दुकला चउरदृडपंचपणातिणि ।

चउकलमगरुद्धधरा जाणादिममज्जचरिमपरिहिं च ॥ ९२८ ॥

द्विकचतुरष्टससैकं द्विकले चतुरष्टपट्पंचपंचत्रीणि ।

चतुष्कलमगरुद्धधरा जानीहि आदिममव्यचरमपरिधीन् च ॥ ९२८ ॥

अर्थ—दोय च्यारि आठ आठ सात एक इनके अंकनि करि एक लाख अठहत्तिर हजार
आठसै वियालीस योजन अर एक योजनके उगवीस भागनिविषै दोय कला इतनां तौ घातकी खंडका पर्व-
तनिकरि रोक्या हुवा क्षेत्र है । बहुरि च्यारि आठ छह पांच पांच तीन इनके अंकनि करि पैतीस लाख
पचावन हजार छसै चौरासी योजन अर उगणीस भागनिविषै च्यारि कला इतनां पुष्करार्द्धका पर्वतनिकरि
रोक्या हुवा क्षेत्र है । बहुरि तिन द्वीपनिविषै भरतादि क्षेत्रनिका व्यास जाननेंके अर्थ तिनकी
आदि परिधि मध्य परिधि ब्राह्म परिधि हे शिष्य तू जानि । इहां पर्वतनि करि रोक्या हुवा क्षेत्र
लंयावनेका विधानकों प्रगट करै है । घातकी खंडविषै क्षेत्रनिका विस्तार तौ विषमरूप है ।
अर पर्वतनिका विस्तार जंबूद्वीप संबंधीनितैं दूणा ही है । तातैं जंबूद्वीप संबंधी पर्वतनि करि रोक्या
हुवा क्षेत्र कहि इन द्वीपसंबंधी पर्वतनि करि रोक्या हुवा क्षेत्र कहिए है । भरत आदि क्षेत्रनिकी
शलाका तौ क्रमतैं एक च्यारि सोलह चौसठि सोलह च्यारि एक सो मिलाई हुई एकसौ छह भई अर
हिमवत आदि पर्वतनिकी शलाका क्रमतैं दोय आठ बत्तीस आठ दोय सो मिलाई हुई चौरासी हुई
ए सर्व पर्वत सर्व क्षेत्रनिकी शलाका मिलाइए सो मिश्र शलाका कहिए है । सो मिश्र शलाका
एकसौ निवै भई । प्रवृत्तिविषै शलाकाका नाम विसवा है । अैसें इन एकसौ निवै मिश्र शलाकानिका
क्षेत्रपर्वतनिका मिल्या हुवा क्षेत्र एक लाख योजन होइ तौ क्षेत्र रहित शुद्ध पर्वत शलाका चौरासी
तिनका केता क्षेत्र होइ अैसें त्रैराशिक किए जंबूद्वीपविषै पर्वतनिकरि रोक्या हुवा क्षेत्र चौरासी गुणां
एक लाखकों एकसौ निवैका भाग दीजिए इतनां भया १ ल ८४ ÷ १९० बहुरि एक शलाका
क्षेत्रका घातकी खंडविषै दूणां विस्तार होइ तौ इतनें १ ल ८४ ÷ १९० शलाका क्षेत्रका कितनां
होइ ऐसैं त्रैराशिक किए तातैं दूणां घातकी खंडका एक मेरु संबंधी एक भागविषै पर्वतनि करि
रोक्या हुवा क्षेत्र अैसा २ ल ८४ ÷ १९० आया । बहुरि एक भागविषै इतनां २ ल ८४ ÷ १९०
क्षेत्र है तौ दोय मेरु संबंधी दोय भागनि विषै केता होइ ऐसैं त्रैराशिक किए तातैं दूणां ऐसा

४ ल ८४ ÷ १९० धातकी खंड विषै कुलाचलनिकरि रोक्या हुवा क्षेत्र प्रमाण आया । अब याहीका अन्य विधान कहै हैं । धातकी खंड विषै जंबूद्वीपतैं पर्वत वा क्षेत्रनिका दूणा प्रमाण है तातैं शलाकाका प्रमाण भी तहां दूणां भया । सो पर्वतनिकी शुद्ध शलाका एकसौ अडसठि तिनका पूर्वोक्त इतनां ४ ल ८४ ÷ १९० क्षेत्र होइ तौ मिश्र शलाका जंबूद्वीप शलाकातैं दूणी तीनसै असी तिनका केता क्षेत्र होइ ऐसैं त्रैराशिक किए इतनां भया ४ ल ८४ ÷ ३८० ÷ १९०।१६८ इहां इछा तीनसै असीका दोग करि संभेदन किए अर दोग करि चौरासीकों गुणें ऐसा ४ ल १६८।१९० ÷ १९०।१६८ भया अपवर्तन किए धातकी खंडका मिश्र क्षेत्र च्यारि लाख योजन भया । इहां मिश्र क्षेत्र वा मिश्र शलाका ऐसैं हैं नाहीं जातैं जंबूद्वीपवत क्षेत्रनिका पर्वतनितैं दूणां अनुक्रमका इहां अभाव है । तथापि जंबूद्वीप अपेक्षा कथन दिखावनैकों कल्पना करि कहा है । बहुरि तीनसै असी मिश्र शलाकानिका क्षेत्र च्यारि लाख योजन होइ तौ एकसौ अडसठि शुद्ध पर्वत शलाकानिका केता होइ ऐसैं त्रैराशिक किए ऐसा ४ ल १६८ ÷ ३८० भया । इहां दोग करि अपवर्तन किए पूर्वोक्त प्रमाण ही चौरासी गुणा च्यारि लाख एक सौ निवै करि भाजित क्षेत्र आया ४ ल ८४ ÷ १९० इहां इछा चौरासी करि गुणें ऐसा ३३६००००० ÷ १९० भाग-हारका भाग दिए एक लाख छिहंतर हजार आठसै वियालीस योजन अर दोग उगणीसवां भाग मात्र १७६८४२।२ ÷ १९ कुलाचलनि करि रोक्या हुवा क्षेत्र जाननां । यामैं दोजं इष्वाकारनिका व्यास दोग हजार योजन जोड़ैं पूर्वोक्त प्रमाण १७८८४२।२ ÷ १९ धातकी खंडका पर्वतनिकरि रोक्या हुवा क्षेत्र प्रमाण हो है । बहुरि धातकी खंडके कुलाचलनिका व्यासतैं पुष्करार्द्धके कुलाचलनिका दूणा व्यास है । तातैं पूर्वोक्त कुलाचलनिका रोक्या हुवा क्षेत्र प्रमाण बैसा १७८४२।२ ÷ १९ ताको दूणा करि ३५३६८४।४ ÷ १९ यामैं दोग इष्वाकारनिका व्यास दोग हजार योजन जोड़ैं पूर्वोक्त प्रमाण ३५५६८४।४ ÷ १९ पुष्करार्द्धका पर्वतनिकरि रोक्या हुवा क्षेत्रप्रमाण हो है । अब क्षेत्र व्यास ल्यावनेकों कहिए हैं । धातकी खंडका व्यास च्यारि लाख योजन ताको आदि मध्य अंत करि तीन जायगा स्थापि बहुरि लवणादीणं वासं इत्यादि पूर्वोक्त सूत्र करि ताकी लवण समुद्रकै निकटि आदि सूची पांचलाख योजन अर मध्य विषै मध्य सूची नव लाख योजन अर कालोदक समुद्रकै निकटि बाह्यसूची तेरह लाख योजन आवै है । ताको ल्याइ विष्कंभवग्गदह गुणकरिणी वट्टस परिहियं होदि इस करण सूत्र करि मूल ग्रहण योग्य करिणीरूप परिधि बैसा आवै है । आदि २५ विदी ११ मध्य ८१ विदी ११ बाह्य १६९ विदी ११ इनका वर्ग-मूल ग्रहण किए धातकी खंडका अभ्यंतर परिधि पंद्रह लाख इक्यासी हजार एकसौ गुणतालीस योजन मध्य परिधि अठाईस लाख छियासी हजार नवसै इकसठि योजन बाह्य परिधि इकतालीस लाख दश हजार नवसै इकसठि योजन प्रमाण हो है । इन तीनों परिधिनि विषै पूर्वोक्त धातकीखंडका पर्वतनिकरि रोक्या हुवा क्षेत्र १७८८४२।२ ÷ १९ घटाएं क्रमतैं पर्वत रहित क्षेत्र अभ्यंतर परिधि विषै चौदह लाख दोग हजार दोगसै सित्याणवै योजन मध्य परिधि विषै छवीस लाख सडसठि हजार दोगसै आठ योजन बाह्य परिधि विषै गुणतालीस लाख बत्तीस हजार एकसौ उगणीस योजन प्रमाण हो है । इहां योजननिके अंश अधिक हीन है तिनको नाहीं गिने हैं । स्थूल रूप वर्णन किया है ॥९२८॥

इन तीन पर्वत रहित क्षेत्रनिकों धरि अब भरतादि क्षेत्रनिका अभ्यंतर आदि विष्कंभ कहें हैं;—

भरहइरावदवस्सा विदेहवस्सोत्ति चउविगुण वस्सा ।

गिरिविरहियपरिहीणं हारो विण्णिसयवारं च ॥ ९२९ ॥

भरतैरावतवर्पात् विदेहवर्पात् चतुःद्विगुणा वर्पाः ।

गिरिविरहितपरिधीनां हारः द्विशतं द्वादश च ॥ ९२९ ॥

अर्थ—भरत क्षेत्रतै वा ऐरावत क्षेत्रतै लगाइ विदेह क्षेत्र पर्यंत क्षेत्रनिका विष्कंभ क्रमतै चौगुणां है । तातै भरतकी एक हैमवतकी चारि हरिकी सोलह विदेहकी चौसठि ऐरावतकी एक हैरण्यवतकी चारि रम्यककी सोलह शलाका जाननी । सब मिलाए एक सौ छह शलाका भई दोय मेरु संबंधी दोऊ भागनिके ग्रहण करनेको दूणी किए दोयसै बारह शलाका भई तातै पर्वत रहित परिधि प्रमाणको दोयसै बारहका भागहार जाननां । कैसें सो कहिए हैं । दोयसै बारह शलाकानिका अभ्यंतर परिधि विषै पर्वत रहित क्षेत्र इतनां १०।२२९७ होइ तौ भरतादिकानिकी एक आदि १।४।१६।६४।१।४।१६ शलाकानिका केता होइ ऐसै त्रैराशिक करि भरतकी एक शलाका अपेक्षा पर्वत रहित क्षेत्रको भागहार दोयसै बारहका भाग दिए भरतका अभ्यंतर विष्कंभ छह हजार छहसै चौदह योजन अर एक योजनके दोयसै बारह अंशानि विषै एकसौ गुणतीस अंश प्रमाण हो है । ऐसै ही विधानकरि तिस भरतका मध्य विष्कंभ बारह हजार पांचसै इक्यासी योजन अर छत्तीस अंश प्रमाण हो है । बाह्य विष्कंभ अठारह हजार पांचसै सैंतालीस योजन अर एकसौ पचावन अंश प्रमाण हो है । ऐसैही हैमवत आदि विषै भी विधान करनां । अथवा भरतके अभ्यंतर आदि विष्कंभनिकों क्रमतै चारि चारि गुणों हैमवत हरि विदेह क्षेत्रके अभ्यंतर आदि विष्कंभ हो हैं । ऐसैही ऐरावत पर्यंत जानना । बहुरि पुष्करार्द्धकी कालोदक समुद्रके निकटि अभ्यंतर सूची गुणतीस लाख योजन अर व्यासका मध्य विषै मध्य सूची सैंतीस लाख योजन अर मानुपोत्तरके निकटि बाह्य सूची पैंतालीस लाख योजन प्रमाण है । इनका पूर्वोक्त विधान किए पुष्करार्द्धका अभ्यंतर परिधि इक्याणवै लाख सत्तरि हजार छसै पांच योजन, मध्य परिधि एक कोडि वियालीस लाख तीस हजार दोयसै गुणचास योजन प्रमाण हो है । इन विषै पर्वतनि करि रोक्या हुआ क्षेत्र तीन लाख पचावन हजार छसै चौरासी योजन घटाए पर्वतनिकरि रहित क्षेत्र अभ्यंतर परिधिविषै अठ्यासी लाख चौदह हजार नवसै इकईस योजन अर मध्य परिधिविषै एक कोडि तेरह लाख चवालीस हजार सातसै तियासी योजन, अर बाह्य परिधिविषै एक कोडि अडतीस लाख चहोत्तरि हजार पांचसै पैंसठि योजन प्रमाण है । इनको भरतकी शलाका एक ताकारि गुणों अर दोयसै बारहका भाग दिए पुष्करार्द्धके भरतका अभ्यंतर विष्कंभ इकतालीस हजार पांचसै गुण्यासी योजन अर योजनके दोयसै वारा अंशानिविषै एकसौ तहेत्तरि अंश प्रमाण हैं । मध्य विष्कंभ तरेपन हजार पांचसै बारह योजन अर एक सो निन्याणवै अंश प्रमाण है । बाह्य विष्कंभ पैंसठि हजार चारिसै छियालीस योजन अर तेरह अंश प्रमाण है । बहुरि याको चौगुणा किए हैमवतके बहुरि याको चौगुणां किए हरिके बहुरि याको चौगुणा किए

विदेहके अभ्यन्तर मध्य बाह्य विष्कंभनिका प्रमाण हो है । ऐसैं ही भरत हैमवत हरि ऐरावत हैरण्यवत रम्यक क्षेत्रनिके विष्कंभ जाननें ॥ ९२९ ॥

नाम	अभ्यन्तर विष्कंभ		मध्य विष्कंभ		बाह्य विष्कंभ	
भरत	६६१४	१२९÷२१२	१२५८१	३६÷२१२	१८५४७	१५५÷२१२
हैमवत	२६४५८	९२÷२१२	५०३२४	१४४÷२१२	७४१९०	१९६÷२१२
हरि	१०५८३३	१५६÷२१२	२०१२९८	१५२÷२१२	२९६७६३	१४८÷२१२
विदेह	४२३३३४	२००÷२१२	८०५१९४	१८४÷२१२	११८७०५४	१६८÷२१२
ऐरावत	६६१४	१२९÷२१२	१२५८१	३६÷२१२	१८५४७	१५५÷२१२
हैरण्यवत्	२६४५८	९२÷२१२	५०३२४	१४४÷२१२	७४१९०	१९६÷२१२
रम्यक	१०५८३३	१५६÷२१२	२०१२९८	१५२÷२१२	२९६७६३	१४८÷२१२

नाम	अभ्यन्तर	विष्कंभ	मध्य	विष्कंभ	बाह्य	विष्कंभ
भरत	४१५७९	१७३÷२१२	५३५१२	१९९÷२१२	६५४४६	१३÷२१२
हैमवत	१६६३१९	५६÷२१२	२१४०५१	१६०÷२१२	२६१७८४	५२÷२१२
हरि	६६५२७७	१२÷२१२	८५६२०७	४÷२१२	१०४७१३६	२०८÷२१२
विदेह	२६६५११०५	३५÷२१२	३४२४८२८	१६÷२१२	४१८८५४७	१९६÷२१२
ऐरावत	४१५७९	१७३÷२१२	५३५१२	१९९÷२१२	६५४४६	१३÷२१२
हैरण्यवत्	१६६३१९	५६÷२१२	२१४०५१	१६०÷२१२	२६१७८४	५२÷२१२
रम्यक	६६५२७७	१२÷२१२	८५६२०७	४÷२१२	१०४७१३६	२०८÷२१२

अब धातकी खंडका विदेह क्षेत्र विषै तिष्ठते कछादिक देस तिनका आयामकों गाथा तीन करि कहै हैं;—

गिरिजुद् दुभद्रसालं मज्झिमसूइम्हि धणरिणे सूई ।

पुन्ववरमेरुवाहिरअब्भन्तरभद्रसालअंतस्स ॥ ९३० ॥

गिरियुतं द्विभद्रशालं मध्यमसूचौ धनर्णे सूची ।

पूर्वापरमेरुवाह्याभ्यन्तरभद्रशालांतस्य ॥ ९३० ॥

अर्थ—इहां विदेहके कछादिक देशनिका दक्षिण उत्तर विषै व्यास है सौ परिधिविषै है तातैं तहांकी परिधि कहिए हैं । धातकी खंडकी मध्यविषै मध्यसूची भई । बहुरि याविषै इतनां सूची व्यास और जोड़ें वा घटाएं जहां जेता सूची व्यास होइ सो कहिए हैं । पूर्व पश्चिम मेरुनिका आधा आधा व्यास ग्रहण किए एक मेरुका व्यास समान चौराणवैसौ योजन भए । अर तिन दोऊ मेरुनिके कालोदकी तरफ जे दोय बाह्य भद्रसाल तिनका व्यास दोघलाख पंद्रह हजार सातसै अठावन योजन इनको जोड़ि २२५१५८ मध्य सूची नव लाख योजन विषै धन किए जोड़ें

पूर्व पश्चिम मेरुके जे दोय भद्रसाल तिनकी कालोदकी तरफ अंत विपै बाह्य सूची ग्यारह लाख पचीस हजार एकसौ अठावन योजन प्रमाण हो है । बहुरि तिस मध्य सूची नवलाख योजन विषै दोय मेरुनिका आधा आधा व्यास अर दोय अम्यंतर भद्र शालनिका व्यास जोड़ि २१५१५८ ऋण किए घटाएं लवण समुद्रकी तरफ जो अंत तहां अम्यंतर सूची व्यास छह लाख चहौत्तरि हजार आठसै वियालीस योजन हो है ऐसै सूची व्यास ल्याइ अत्र इनकी परिधि कहिए हैं । बहुरि इस अम्यंतर सूचीव्यासका ६७४८४२ विष्कंभवग्गदहगुण इत्यादि करण सूत्र करि कारणि रूपपरिधि किए ऐसा ४५५४११७२४९६४० भया याका वर्गामूल ग्रहें इकईस लाख चौतीस हजार सैंतीस योजन तिस अम्यंतर भद्रसालकी सूचीका परिधि हो है । बहुरि यामैं धातकी खंडका पर्वतनिकारि रोक्क्या हुवा क्षेत्र एक लाख अठहत्तरि हजार आठसै वियालीस योजन घटाएं पर्वत रहित परिधि उगणीस लाख पचावन हजार एकसै पिच्याणवै योजन मात्र हो है ॥ ९३० ॥

गिरिरहिदपरिहिगुणिदं अडकदिणा विसयवारसेहिं हिदं ।

णादिहीणदलं दीहं कच्छादिमगंधमालिणी अंते ॥ ९३१ ॥

गिरिरहितपरिधिगुणितं अष्टकृतिना द्विशतद्वादशैः हितं ।

नदीहीनदलं दीर्घं कच्छादिमं गंधमालिनी अंते ॥ ९३१ ॥

अर्थ—दोयसै वारह शलाकानिका पर्वत रहित परिधि प्रमाण क्षेत्र १९५५१९५ होइ तौ चौसठि विदेहकी शलाकानिका केता होइ ऐसै त्रैराशिक करि पर्वत रहित परिधिकौ आठकी कृति चौसठि ताकरि गुणिए १२५१३२४८० अर प्रमाण राशि दोयसै वाराका भाग दीजिए तब लवण्य समुद्रकी तरफ जो अम्यंतर भद्रशालकी अम्यंतर सूची स्थानविषै विदेह क्षेत्रका विष्कंभ पांच लाख निवै हजार दोयसै सैंतालीस योजन अर योजनके दोयसै वारह अंशनिविषै एकसौ सोलह अंश प्रमाण हो है । इहां सीतोदा नदीका व्यास एक हजार योजन ताको घटाइ अवशेष ५८९२४७।११६÷२१२ का आधा किए दोय लाख चौराणवै हजार छसै तेईस योजन अर योजनके दोयसै वारह अंशनिविषै एकसौ चौसठि अंश प्रमाण अम्यंतर भद्रशालकी वेदीके निकटि गंधमालिनी नामा देशका अंतविषै दक्षिण उत्तरकी लंबाईका प्रमाण है । पूर्व ल्याया हुवा धातकी खंडके बाह्य भद्रसालका सूची व्यास ११२५१५८ ताकी करणि रूप परिधि किए ऐसा १२६-५९८०५२४९६४० भया याका मूल ग्रहें ताका परिधिका प्रमाण पैंतीस लाख अठावन हजार वासठि योजन प्रमाण हो है । यामैं पर्वतनि करि रोक्क्या हुवा क्षेत्र १७८८४२ घटाएं तेतीस लाख गुण्यासी हजार दोयसै बीस रहे तिनको पूर्वोक्त प्रकार त्रैराशिक करि आठकी कृति जो चौसठि ताकरि गुणें ऐसा २१६२७००८० याको दोयसै वारहका भाग दिए कालोद समुद्रकी तरफ जो बाह्य भद्र सालकी सूचीका स्थान विषै तिस भद्रसालकी वेदीके निकटि विदेह क्षेत्रका विस्तार दश लाख बीस हजार एकसौ इकतालीस योजन अर योजनके दोयसै वारह अंशनि विषै एकसौ अठ्यासी अंश प्रमाण हो है । यामैं सीता नदीका व्यास एक हजार योजन घटाइ अवशेष १०:१९ १४१ । १८८ २१२ का आधा किए बाह्य भद्रसालकी वेदीके निकटि कछा देशका

अभ्यन्तर आयाम पांच लाख नव हजार पांचसै सत्तरि योजन अर योजनके दोयसै वारह अंशनि विषै दोयसै अंश प्रमाण हो है ॥ ९३१ ॥

अत्र कछादिक देशनिका मध्यविषै आयाम अर अंतविषै आयाम ल्यावनेको व्याख्यान गाथा दोय करि कहै हैं;—

विजयावखारारणं विभंगणदिदेवरण्य परिहीओ ।

विण्णिसयवारभजिदा वत्तीसगुणा तहिं वड्डी ॥ ९३२ ॥

विजयवक्षारणां विभंगनदीदेवारण्यानां परिधयः ।

द्विशतद्वादशभक्ता द्वात्रिंशद्गुणा तस्मिन् वृद्धयः ॥ ९३२ ॥

अर्थ—विदेहनिके देश अर वक्षार पर्वत अर विभंगा नदी अर देवारण्य वन इन च्यारिनिके जे परिधि तिनको वत्तीस करि गुणें दोयसै वारहका भाग दिएं तहां तहां आयामविषै वृद्धिका प्रमाण हो है ॥ ९३२ ॥

सगसगवड्डी णियणियपढमायामिह संजुदा मज्झें ।

दीहो पुणरावि सहिदो तिरिए णियचरिमदीहत्तं ॥ ९३३ ॥

स्वस्वकवृद्धयः निजनिजप्रथमायामे संयुता मध्ये ।

दीर्घः पुनरपि सहितः तिर्यक् निजचरमदीर्घत्वम् ॥ ९३३ ॥

अर्थ—देश आदि कहे जे च्यारि तिनका अपनां अपनां आयामविषै. जो जो वृद्धिका प्रमाण ताको आप आपकै पहल्लें जो था ताका आयामविषै जोडें अपना अपना मध्यविषै आयाम प्रमाण हो है । वहुनि तिस तिस मध्य आयामविषै वृद्धिप्रमाण जोडें तहां तहां अपनां अंतविषै आयाम प्रमाण हो है । सो इन दोऊ गाथानिके अर्थको वणें हैं । धातकी खंडका व्यास च्यारि लाख योजन तामें मेरु अर दोय भद्रशालनिका व्यास दोय लाख पचीस हजार एकसो अठावन योजन घटाएँ विदेहका भद्रशालनिके परै पूर्व पश्चिम विषै अंतका क्षेत्र एक लाख चहांत्तरि हजार आठसै वियालीस योजन प्रमाण हो है । याको आधा किएं एक तरफका आधा अंतक्षेत्र सिल्यासी हजार च्यारिसै इकईस योजन प्रमाण हो है । पूर्व पश्चिम विषै भद्रशालकी वैदीतें परै समुद्र पर्यंत लंबा विदेहनिका इतनां क्षेत्र है यामें च्यारि वक्षारनिका व्यास च्यारि हजार योजन अर तीन विभंगा नदीनिका व्यास साढा सातसै योजन अर देवारण्यका व्यास अठावनसै चवालीस योजन इनको मिलाइ १०५९४ घटाएं अवशेष छिहत्तरि हजार आठसै सत्ताईस योजन प्रमाण विदेहका एक तरफ पर्वतादि रहित देश संवंधी शुद्ध क्षेत्रका व्यास हो है । याको धारि वहुनि आठ देशनिका शुद्ध क्षेत्र इतनां ७६८२७ भया तौ एक देशका कितनां होइ । जैसे त्रैराशिक किएं कछ नामा देशका पूर्व पश्चिमविषै व्यास नव हजार छसै तीस योजन अर योजनके तीन आठवां भाग प्रमाण हो है । इहां समछेद करि अंश अंशी मिलाएं छिहत्तरि हजार आठसै सताईसका आठवां भाग भया । याका विष्कंभवग्गदहगुण इत्यादि करण सूत्र करि करणि रूप परिधि किएं ऐसा ५९०२३८७९२९० ÷ ६४ भया । याका त्रिर्गमूल ग्रहें ऐसा २४२९४८ ÷ ८ भया ।

इहां भागहारका भाग दिएं कछा देशके व्यासका परिधि तीस हजार तीनसै अडसठि योजन अर आधा योजन प्रमाण भया । इहां अंश अंशीनिकों समछेद करि मिलाए साठि हजार सातसै सैंतीसका आधा ६०७३७÷२ भया । बहुरि धातकी खंडका एक भाग विषै कछा देशका व्यासकी इतनां ६०७३७÷२ परिधि भया तौ दोय मेरु संबंधी दोऊ भागनिका केता होइ ऐसैं ताकों दोय करि गुणें ऐसा ६०७-३७।२÷२ भया । बहुरि पीछैं पर्वतनिका तौ समान व्यास है तातैं वृद्धिका अभाव जानि पर्वतनिकी एकसौ अडसठि शलाकानिकों धातकी खंडकी सर्व मिश्र शलाका तीनसै असीनिमें घटाइ अवशेष क्षेत्र शलाका दोयसै वारह रहीं सो दोयसै वारह शलाकानिका पूर्वोक्त ऐसा ६०७३७।२ वृद्धि क्षेत्र होइ तौ चौसठि विदेहकी शलाकानिका केता होइ ऐसैं त्रैराशिक करि चौसठि करि गुणें दोयसै वारहका भाग दिएं ऐसा ६०७३७।२।६४÷२।२१२ विदेहका सर्व वृद्धि क्षेत्र प्रमाण भया । बहुरि नदीनिका दक्षिण उत्तर तट रूप दोय प्रांतनिविषै इतनां ६०७३७।२।६४÷२।२।२ वृद्धिक्षेत्र होइ तौ एक प्रांत विषै कितनां होइ ऐसैं त्रैराशिककरि ताकों दोयका भाग दिएं भद्रशालकी वेदीका आया-मतैं कछा देशका अंत विषै आयामका वृद्धि प्रमाण क्षेत्र ऐसा ६०७३७।२।६४÷२।२।२।२ भया । बहुरि मुखभूमिसमासाद्ध मध्यफलं इस न्यायकरि आदितैं अंत विषै वृद्धिका जो यह प्रमाण भया ताकों आधा करनेकों दोयका भाग दिएं ऐसा ६०७३७।२।६४÷२।२।२।२ भया । इहां यथा योग्य अपवर्त्तन किएं साठि हजार सातसै सैंतीसका आधा प्रमाण जो कछा देशके व्यासका परिधि ताकों वत्तीस करि गुणिए अर दोयसै वारहका भाग दीजिए इतनां ६०७३७।३२÷२।२।२ वृद्धिका प्रमाण आया याप्रकार गाथा विषै कहाथा जो देशके व्यासका परिधिकों वत्तीस गुणा करैं दोयसै वारहका भाग दिएं वृद्धि प्रमाण होइ सो सिद्ध भया । बहुरि इस कछा देशका वृद्धिप्रमाणके वत्तीसका गुणकारको दोयका भागहारकरि अपवर्त्तन किएं सोलहका गुणकार भया ताकरि गुणें ऐसा ९७१७९२÷२।२ इहां भागहारका भाग दिएं देश संबंधी वृद्धि क्षेत्र पैतालीससै तियासी योजन अर दोयसै वारह अंशनि विषै एकसौ छिनवै अंश प्रमाण आया । याकों भद्रशालका अंत आयाम समान जो पूर्वोक्त कछा देशका अभ्यंतर आयाम ऐसा ५०९५७०।२००÷२।२ तामें जोड़ें कछा देशका मध्य विषै आयाम पांचलाख चौदह हजार एकसौ चौवन योजन अर एकसौ चौरासी अंश प्रमाण हो है । बहुरि याविषै पूर्वोक्त देश संबंधी क्षेत्र वृद्धि प्रमाण जोड़े पांचलाख अठारह हजार सातसै अड़तीस योजन अर एकसौ अडसठि अंश प्रमाण कछा देशका अंत विषै आयाम हो है । बहुरि अव वक्षार पर्वतका व्यास हजार योजन याका विष्कंभवग्गदहगुण इत्यादि सूत्र करि करणिरूप परिधि किएं ऐसा १००००००० याका वर्गमूल ग्रहें वक्षार व्यासका परिधि इकतीससै वासठि योजन भया । बहुरि एक भाग विषै इतनां ३१६२ परिधि भया तौ दोय भाग विषै कितनां होइ ऐसैं ताका दूणां भया ३१६२।२ बहुरि दोयसै वारह शलाकानिका ऐसा ३१६२।२ वृद्धिक्षेत्र होइ तौ विदेहकी चौसठि शलाकानिका केता होइ ऐसैं विदेह विषै प्रांत परिधिका वृद्धि क्षेत्र ऐसा ३१६२।२।६४÷२।२ भया । बहुरि नदीके तट रूप दोय प्रांत क्षेत्र विषै इतनां ३१६२।२।६४÷२।२ क्षेत्र भया तौ एक प्रांत विषै केता होइ ऐसैं किएं ऐसा

३१६२।२।६४ ÷ २१२।२ वक्षारका अंत विषै परिधिका वृद्धि प्रमाण भया । बहुरि मुख भूमि समासार्द्धं मध्यफलं इस न्याय करि ताका आधा करनेकों ताकों दोय भाग दिएं औसा भया ३१६२।२।६४ ÷ २१२।२।२ इहां यथायोग्य अपवर्तन किएं वक्षारका परिधि प्रमाण इक्तीससै बासठि योजनकों बत्तीस करि गुणें दोयसै बारहका भाग दिएं परिधि विषै क्षेत्र वृद्धिका प्रमाण हो है । औसै गाथा विषै कहा था वक्षार परिधिकीं बत्तीस करि गुणें दोयसै बारहका भाग दिएं वृद्धि प्रमाण हो है सो कथन सिद्ध भया । इहां गुणकार बत्तीस करि गुणें औसा १०११८४ ÷ २१२ भागहारका भाग दिएं च्यारिसै सतहत्तरि योजनके दोयसै बारह अंशनि विषै साठि अंश प्रमाण वक्षारका आदि आयामतैं मध्य आयाम विषै वृद्धि प्रमाण हो है । सो जो पूर्वोक्त कछा देशका बाह्य आयाम प्रमाण सोई वक्षार पर्वतका आदि आयाम प्रमाण औसा ५१८७३।१६८ ÷ २१२ यामैं पूर्वे ल्याया हुवा वक्षार वृद्धिक्षेत्र ४७७।६० ÷ १२ जोडैं वक्षारका मध्य विषै आयाम ५१९२१६।१६ ÷ २१२ औसा हो है । बहुरि यामैं तिस हां वक्षारका वृद्धि क्षेत्र जोडैं वक्षारका अंत विषै आयाम प्रमाण औसा ५१९६९३।७६ ÷ २१२ बहुरि जो यह वक्षारका बाह्य आयाम सोही सुकछा देशका आद्य आयाम ऐसा ५१९६९३।७६ ÷ २१२ यामैं पूर्वेल्याया हुवा देश संबंधी वृद्धिक्षेत्र प्रमाण औसा ४५८३।१९६ ÷ २१२ ताकों जोडैं सुकछाका मध्य आयाम औसा ५२४२-७७।६० ÷ २१२ यामैं तिस ही देश संबंधी वृद्धिक्षेत्र प्रमाणकों ४५८३।१९६ ÷ २१२ जोडैं सुकछाका अंत विषै आयाम ऐसा ५२८६१।४४ ÷ २१२ भया । बहुरि इहां विभंगा नदीका व्यास अढाईसै योजन ताका बिष्कंभवग्गदहगुण इत्यादि सूत्र करि करणि रूप परिधि औसा ६२५०० याका वर्गमूल ग्रहैं विभंगा व्यासका परिधि सातसै निवै योजन प्रमाण आया । बहुरि एक भाग विषै इतनां ७९० क्षेत्र होइ तौ द्वीपके दोऊ भागनि विषै केता होइ औसै ताकों दूणां करना ७९०।२ बहुरि दोयसै बारह शलाकानिका इतनां ७९०।२ वृद्धि क्षेत्र होइ तौ चौसठि शलाकानिका केता होइ औसै ताकों चौसठि करि गुणें दोयसै बारहका भाग दिएं विदेह संबंधी वृद्धि क्षेत्र प्रमाण औसा ७९०।२।६४ ÷ २१२ बहुरि नदीके तट रूप दोय प्रांतनि विषै एता ७९०।२।६४ ÷ २१२ वृद्धि क्षेत्र भया तौ एक प्रांत विषै केता होइ औसै ताकों दोयका भाग दिएं औसा ७९०।२।६४ ÷ २१२।२ विभंगाका अंत विषै वृद्धि प्रमाण आया । बहुरि मुख भूमि समासार्द्धं मध्यफलं इस न्याय करि ताका आधा करनेकों दोयका भाग दिएं मध्य विषै वृद्धि प्रमाण औसा ७९०।२।६४ ÷ २१२।२।२ आया । यहां यथायोग्य अपवर्तन किएं विभंगा नदीके व्यासका परिधि सातसै निवै योजन ताकों बत्तीस करि गुणें दोयसै बारहका भाग दिएं विभंगा नदी संबंधी वृद्धि प्रमाण गाथा करि उक्त सिद्ध भया । इहां बत्तीस गुणकार करि गुणें औसा २५२८० ÷ २१२ भागहारका भाग दिएं एकसौ उगणीस योजन अर योजनके दोयसै बारह अंशनि विषै वावन अंश प्रमाण विभंगा संबंधी वृद्धि प्रमाण आया । बहुरि जो सुकछा देशका बाह्य आयाम प्रमाण सोई विभंगा नदीका आदि आयाम प्रमाण औसा ५२८८६१।४४ ÷ २१२ यामैं विभंगा संबंधी वृद्धि क्षेत्र प्रमाण ११९।५२ ÷ २१२ जोडैं विभंगाका मध्य विषै आयाम

औसा ५२८९८० । ९६ ÷ २१२ यामें विभंगाका वृद्धि प्रमाण जोड़े विभंगाका अंत विषै आयाम
 औसा ५२९०९९ । १४८ ÷ २१२ यार्तै परै महा कछा आदि देशनिका आयाम अर वक्षारनिका
 आयाम अर विभंगानिका आयाम पूर्व पूर्व विषै अपनां अपनां वृद्धि क्षेत्र जोड़नें करि ल्यावनें । बहुरि
 देवारण्यका व्यास अठावनसै चवालीस योजन ताका विष्कंभ वग्गदहगुण इत्यादि सूत्र करि करणि
 रूप परिधि औसा ३४१५२३३६० याका वर्गमूल प्रहें देवारण्यका परिधि अठारह हजार च्यारिसै
 असी योजन प्रमाण हो है । बहुरि द्वीपका एक भाग विषै इतनां १८४८० क्षेत्र भया तौ दोऊ
 भागानि विषै केता होइ ऐसै ताको दूणां करनां १८४८०।२ बहुरि दोयसै बारह शलाकानिका
 इतनां १८४८०।२ क्षेत्र होइ तौ चौसठि शलाकानिका केता होइ ऐसै ताके चौसठि करि गुणें
 दोयसै बारहका भाग दिएं विदेह क्षेत्र विषै प्राप्त देवारण्यका वृद्धि क्षेत्र प्रमाण औसा १८४८०।
 २।६४ ÷ २१२ बहुरि नदीके तट रूप दोऊ प्रांतनिविषै इतनां १८४८०।२।६४ ÷ २१२ वृद्धि
 क्षेत्र प्रमाण आया तौ एक प्रांत विषै केता होइ ऐसै ताको दोयका भाग दिएं औसा १८४८०।
 २।६४ ÷ २१२।२ देवारण्यका आदितै अंत विषै वृद्धि प्रमाण आया । बहुरि मुखभूमिसमासाद्ध
 मध्यफलं इस न्यायंकरि ताका आधा किएं औसा १८४८०।२।६४ ÷ २१२।२।२ इहां यथायोग्य
 अपवर्तन किएं देवारण्यका परिधि अठारह हजार च्यारिसै असी योजनको बत्तीस करि गुणें दोयसै
 बारहका भाग दिएं देवारण्य संबंधी वृद्धि क्षेत्र प्रमाण गाथोक्त सिद्ध भया । इहां गुणकार बत्तीस
 करि गुणें औसा ५९१३६० ÷ २१२ भागहारका भाग दिएं सताईससै निवासी योजन अर
 योजनके दोयसै बारह अंशनि विषै वाणवै अंश प्रमाण देवारण्य संबंधी वृद्धि क्षेत्र प्रमाण आया ।
 बहुरि पुष्कलावती नामा देशका जो बाह्य आयाम सोई देवारण्यवनका आदि आयाम पांच लाख
 सित्यासी हजार च्यारिसै सैंतालीस योजन अर योजनके दोयसै बारह अंशनि विषै सौ । अंश प्रमाण
 है । इस प्रमाण ल्यावनेका विधान कहै हैं । नदीका एक तट विषै आठ देश च्यारि वक्षार तीन
 विभंगा हैं । बहुरि आदितै मध्य विषै अर मध्यतै अंत विषै ऐसै एक एक विषै दोय दोय बार
 अपनां अपनां वृद्धि प्रमाण वधै है तातै देश वृद्धिका प्रमाण औसा ४५८३।१९६ ÷ २१२ याको
 सोलह करि गुणें औसा ७३३२८ । ३१३६ ÷ २१२। बहुरि वक्षार वृद्धिका प्रमाण औसा
 ४७७।६० ÷ २१२ याको आठ करि गुणें औसा १८१६।४८० ÷ २१२ बहुरि विभंगा वृद्धि
 प्रमाण औसा ११९।५२ ÷ २१२ याको छह करि गुणें औसा ७१४।३१२ ÷ २१२ इहां जे
 अंश हैं तिन सर्व अंशानिकों जोड़े तिनमें कछा देशका आदि आयाम विषै जे दोयसै अंश कहे थे
 तिनको जोड़ें सर्व अंश इकतालीससै अठाईस भंग इनको दोयसै बारहका भाग दिएं उगणीस
 योजन पाए अर अब शेष सौ अंश रहे । तातै देवारण्यका आदि आयाम विषै सौ तौ अंश जाननें ।
 बहुरि उगणीस तौ ए योजन अर वृद्धिनिके योजन अर कछा देशका आदि आयामके पांच लाख
 पिच्याणवैसै सत्तरि योजन इन सबनिकों जोड़ें देवारण्यका आदि आयाम विषै पांच लाख सित्यासी
 हजार च्यारिसै सैंतालीस योजन जाननें । बहुरि इस देवारण्यका आदि आयाम विषै ५८७४४७।
 १००० ÷ २१२ देवारण्य संबंधी वृद्धि क्षेत्र ऐसा ३७८९।९२ ÷ २१२ जोड़ें देवारण्यका मध्य

आयाम औसा ५९०२३६।१९२÷२१२ यामें बहुरि तिस देवारण्य संबंधी वृद्धि क्षेत्र जोड़ें कालोद समुद्रकै निकटि देवारण्यका बाह्य आयाम औसा ५९३०२६।७२ ÷ २१२ हो है । या प्रकार जैसे सीता नदीका उत्तर तट विषै वर्णन किया तैसे ही सीताका दक्षिण तट विषै भी देश वक्षार विभंगा देवारण्यनिका व्यास अर परिधि अर वृद्धिक्षेत्र अर आयाम तहां तहां ल्यावनें । बहुरि जैसे यह मेरुकी पूर्व दिशा विषै अधिक अधिक अनुक्रम करि कथन किया है तैसे मेरुकी पश्चिम दिशा विषै भद्रसालतें हीन हीन अनुक्रमकरि वर्णन जाननां । तहां हानि प्रमाण वृद्धि प्रमाणवत् जाननां । बहुरि याही प्रकार पुष्करार्थ विषै भी देश वक्षार विभंगा देवारण्यनिके यथा-संभव व्यासनिका परिधि ल्याइ द्वीपका दोऊ भागनिके प्रहण निमत्ति गुणकार दोय करि गुणि दोयसै बारह क्षेत्र शलाकाका भाग देइ चौसठि विदेह शलाकाका भाग देइ लब्ध प्रमाण जो विदेह वृद्धि क्षेत्र ताको दोयका भाग दिएं जो एक प्रांत संबंधी वृद्धि क्षेत्र भया ताको मुखभूमि-समासार्थ इस न्याय करि आधाकरि अपवर्तनकरि तहां तहां लब्ध मात्र वृद्धि क्षेत्रका प्रमाण जाननां । ताको अपनां अपनां आदि आयाम विषै जोड़ें अपनां अपनां मध्य आयाम हो है । बहुरि अपनां अपनां मध्य आयाम विषै अपनां अपनां वृद्धि क्षेत्र जोड़ें अपनां अपनां बाह्य आयाम हो है । बहुरि पूर्व पूर्वका बाह्य आयाम सोई उत्तर उत्तरका आदि आयाम जाननां । मेरुकी पश्चिम दिशा विषै हीन क्रम जाननां ॥ ९३३ ॥

आगैं धातुकी खंड पुष्कर द्वीपनि विषै किछू विशेष स्वरूप गाथा दोयकरि कहैं हैं;—

धादइपुक्खरदीवा धादइपुक्खरतरुहि संजुत्ता ।

तेसिं च वण्णणा पुण जंबूदुमवण्णणं व हवे ॥ ९३४ ॥

धातकीखंडपुष्करद्वीपौ धातकीपुष्करतरुभ्यां संयुक्तौ ।

तयोः च वर्णना पुनः जंबूद्रुमवर्णना इव भवेत् ॥ ९३४ ॥

अर्थ—धातकी खंड द्वीप अर पुष्कर द्वीप क्रमतैं धातकी वृक्ष अर पुष्कर वृक्ष करि संयुक्त हैं । बहुरि तिन वृक्षनिका वर्णन जंबूद्वीप विषै जैसे जंबू वृक्षका कथा तैसे जाननां ॥ ९३४ ॥

धादइगंगारत्तदु हिमसिहरिणगोवरिं उजुं जादि ।

णवणभतिणविगि चलणं जंबू वा पुक्खरे दुगुणं ॥ ९३५ ॥

धातकीगंगारक्ताद्दे हिमशिखरिनगोपरि ऋजुं यातः ।

नवनभच्चिनवैकं चलनं जंबू वा पुक्खरे द्विगुणं ॥ ९३५ ॥

अर्थ—धातकी खंड संबंधी गंगा सिंधु दोय नदी अर रक्ता रक्तोदा दोय नदी क्रमतैं हिम-वत पर्वत उपरि अर शिखरी पर्वत उपरि पूर्व वा पश्चिम दिशाको नवविदी तीन नव एक इन अंक रूप उगणीस हजार तीनसै नव योजन सूधी जाइ है । पीछें मुड़नां आदि वर्णन जंबूद्वीप संबंधी वत् जाननां । बहुरि पुष्कर द्वीप विषै पर्वत उपरि नदीनिका सूधा गमन तातैं दूणां अठतीस हजार छसै अठारह योजन प्रमाण जाननां ॥ ९३५ ॥

ऐसैं पुष्करार्द्ध पर्यंत जो मनुक्षलोक ताका व्याख्यान करि यातैं बाह्य जो तिर्यग्लोक ताका प्रतिपादन करत संता ही प्रथम ही मनुक्षलोक वा तिर्यग्लोक विषै तिष्ठते पर्वत अर समुद्र तिनका अवगाहकों जनावै है;—

मेरुणरलयवाहिरसेलोगाढं सहस्सपरिमाणं ।

सेसाणं सगतुरियं सञ्जुवहीणं सहस्सं तु ॥ ९३६ ॥

मेरुनरलोकवाह्यशैलावगाधं सहस्रपरिमाणं ।

शेषाणां स्वकतुर्यं सर्वोदधीनां सहस्रं तु ॥ ९३६ ॥

अर्थ—मेरु गिरिनिका अर मानुषोत्तर विना सर्व मनुक्ष लोककै बाह्य तिष्ठते जे पर्वत तिनका तौ अवगाध हजार योजन प्रमाण जाननां । बहुरि मनुक्ष लोककै अभ्यंतर तिष्ठते जे अवशेष हिमवत आदि पर्वत तिनका अवगाध अपने अपने उचाईका प्रमाणकै चौथा भाग प्रमाण जाननां । इहां जैसे मंदिरकें नींव हो है तैसें पृथ्वीकै मध्य जो उंडाई ताका नाम अवगाध जाननां । बहुरि सर्व जे समुद्र तिनका अवगाध जो उंडाईका प्रमाण सो हजार योजन जानहु । तहां लवण समुद्र विषै आदि मध्य अंत विषै विशेष पूर्वे कहा है सो जाननां । अन्य समुद्र सर्वत्र समान अवगाह युक्त हैं ॥ ९३६ ॥

अव मानुषोत्तर पर्वतका स्वरूप गाथा तीन करि कहैं हैं;—

अंते टंकच्छिण्णो वाहिं कमवट्टिहाणि कणयणिहो ।

णदिगिगमपहचोदसगुहाजुदो माणुसुत्तरगो ॥ ९३७ ॥

अंतः टंकच्छिन्नो बाह्ये क्रमवृद्धिहानिकः कनकनिभः ।

नदीनिर्गमपथचतुर्दशगुहायुतः मानुषोत्तरः ॥ ९३७ ॥

अर्थ—पुष्कर द्वीपकै मध्य मानुषोत्तर नामा पर्वत तिष्ठै है । सो अभ्यंतर मनुक्ष लोककी तरफ तौ टंकच्छिन्न है । नीचैतैं लगाय उपरि पर्यंत भी तिस समान एकसा है । बहुरि बाह्य तिर्यक लोककी तरफ शिखरतैं लगाय क्रमतैं वधता अर मूलतैं लगाय क्रमतैं घटता है । ताका आकार ऐसा जाननां । बहुरि सो मानुषोत्तर पर्वत सुवर्ण सारिखा वर्णयुक्त है । बहुरि नदी निकसनेके मार्ग ऐसे चौदह गुहा द्वार तिन करि युक्त हैं । भावार्थ—मानुषोत्तरकै चौदह गुफारूप द्वार हैं । तिन द्वारनि करि चौदह महा नदी निकसि बाह्य जाय हैं । ऐसा मानुषोत्तर जाननां ॥ ९३७ ॥

मणुसुत्तरुदयभूमुहमिगिर्वासं सगसयं सहस्सं च ।

बावीसहियसहस्सं चउवीसं चउसयं कमसो ॥ ९३८ ॥

मानुषोत्तरोदयभूमुखमेकाविंशं सप्तशतं सहस्रं च ।

द्वाविंशाधिकसहस्रं चतुर्विंशतिः चतुःशतं क्रमशः ॥ ९३८ ॥

अर्थ—मानुषोत्तर पर्वतका उदय जो उचाई सो इकईस अधिक सातसै युक्त एक हजार योजन प्रमाण है । १७२१ । बहुरि भू व्यास जो मूल विषै चौड़ाई सो बाईस अधिक एक हजार योजन प्रमाण है । १०२२ । बहुरि मुख व्यास जो शिखर विषै चौड़ाई सो चौईस अधिक च्यारिसै योजन प्रमाण है ४२४ ॥ ९३८ ॥

तण्णगसिहरे वेदी चात्राणं चदुस्सहसतुंगजुदा ।
 सोहइ वलयायारा चरणण्णिदकोसवित्थारा ॥ ९३९ ॥
 तन्नगशिखरे वेदी चापानां चतुःसहस्रतुंगयुता ।
 शोभते वलयाकारा चरणान्वितक्रोशविस्तारा ॥ ९३९ ॥

अर्थ—तिस मानुपोत्तरका शिखर विषै उपरि घ्यारि हजार धनुष उचाई करि युक्त अर सवा कोस चौडी ऐसी जैसे पर्वत वलयाकार हैं तैस ताके उपरि वलयाकार वेदी सोभै हैं ॥ ९३९ ॥

आगै इस पर्वत उपरि तिष्ठते कूटनिकां कहैं हैं;—

णइरिदिवायव्वदिसं वज्जिय छस्सुवि दिसासु कूडाणि ।
 तियतियमावलियाए ताणब्भंतरदिसासु चउवसई ॥ ९४० ॥
 नैऋतिवायव्यदिशं वर्जयित्वा पट्स्वपि दिशासु कूटानि ।
 त्रिकत्रिकमावल्या तेपामभ्यंतरदिशासु चतुष्कवसत्यः ॥ ९४० ॥

अर्थ—नैऋती अर वायवी इन दोय दिशानिकां वर्जि करि अवशेष छह दिशानि विषै पंक्ति रूप तीन तीन कूट हैं । पर्वतकी परिधि विषै तिनकी पंक्ति जाननी । बहुरि तिन कूटनिकां अभ्यंतर मनुक्ष लोककी तरफ घ्यारि दिशानि विषै जिन मंदिररूप घ्यारि वसतिका हैं ॥ ९४० ॥

आगै तिन कूटनि विषै वसते जे देव तिनकां कहैं हैं;—

अग्नीसाणलकूडे गरुडकुमारा वसंति सेसे दु ।
 दिग्गयवारसकूडे सुवण्णकुलदिकुमारीओ ॥ ९४१ ॥
 अग्नीशानपट्कूटे गरुडकुमारा वसंति शेषेण तु ।
 दिग्गतद्वादशकूटेण सुवर्णकुलदिकुमार्यः ॥ ९४१ ॥

अर्थ—आग्नेय दिशा अर ईशान दिशा संबधी जे छह कूट तिन विषै तौ गरुड कुमार देव वसै हैं । बहुरि अवशेष दिशा संबधी बारह कूट तिन विषै सुवर्ण कुमार देव अर दिकुमारी देवांगना वसै हैं ॥ ९४१ ॥

आगै मानुपोत्तरका स्थानादिक कहैं हैं;—

पणदाललक्खमाणुसस्सेत्तं पारिवेढिऊण सो होदि ।
 उदयचउत्थोगाढो पुक्खरविदियद्धपढमम्हि ॥ ९४२ ॥
 पंचचत्वारिंशल्लक्षमानुपक्षेत्रं परिवेष्टय स भवति ।
 उदयचतुर्थीवगाधः पुष्करद्वितीयाधप्रथमे ॥ ९४२ ॥

अर्थ—पैतालीस लक्ष योजन व्यास प्रमाण जो मनुक्ष क्षेत्र ताकां वेढि करि पुष्कर द्वीपका दूसरा आधा ताका प्रथम भाग जो आदि क्षेत्र तीह विषै मानुपोत्तर है । ताका अवगाध जो पृथ्वी विषै उंड़ाईका प्रमाण सो उचाईका चौथा भाग मात्र हो है । सो च्यारिसै तीस योजन अर चौथाई योजन प्रमाण जाननां ॥ ९४२ ॥

आगै कुंडल गिरि अर रुचक गिरि तिनका उदय भूव्यास मुखव्यास कहैं हैं;—

कुंडलगो दसगुणिओ पणसदरिसहस्स तुंगओ रुजगे ।

चउरासीदिसहस्सा सन्वत्थुभयं सुवण्णमयं ॥ ९४३ ॥

कुंडलगौ दशगुणितौ पंचसप्ततिसहस्रं तुंगो रुचके ।

चतुरशीतिसहस्राणि सर्वत्रोभयौ सुवर्णमयौ ॥ ९४३ ॥

अर्थ—मानुपोत्तरका भू व्यास मुख व्यासतै कुंडल पर्वतका भू व्यास मुख व्यास दस गुणां है । भावार्थ—कुंडल गिरि मूल विषै दस हजार दौयसै बीस योजन चौड़ा है । शिखर विषै च्यारि हजार दौयसै चालीस योजन चौड़ा है । बहुरि तिस कुंडल गिरिका उच्चत्व प्रमाण पचहत्तीर हजार योजन है । बहुरि रुचक पर्वत सर्वत्र उचाई विषै वा भूव्यास मुखव्यास विषै समानरूप चौरासी हजार योजन प्रमाण है । बहुरि ए दोऊ कुंडल गिरि अर रुचक गिरि सुवर्णमय हैं ॥ ९४३ ॥

अब कुंडल गिरिकै उपरि जे कूट तिनकों गाथा तीन करि कहै हैं;—

चउ चउ कूडा पडिदिसमिह कुंडलपव्वदस्स सिहरंभिह ।

ताणव्भंतरदिग्गय चत्तारि जिण्णिदकूडाणि ॥ ९४४ ॥

चत्वारि चत्वारि कूटानि प्रतिदिशमिह कुंडलपर्वतस्य शिखरे ।

तेपामभ्यंतरदिग्गतानि चत्वारि जिनेद्रकूटानि ॥ ९४४ ॥

अर्थ—इस कुंडल पर्वतका शिखरविषै एक एक दिशा प्रति च्यारि च्यारि कूट परिधिविषै पंक्तिरूप हैं । तिनके अभ्यंतर मनुक्ष लोककी तरफ दिशानिविषै प्राप्त च्यारि जिनेन्द्र कूट हैं । ऐसैं बीस कूट हैं ॥ ९४४ ॥

वज्जं तप्पह कणयं कणयप्पह रजदकूडं रजदाहं ।

सुमहप्पह अंककप्पह मणिकूडं च मणिपहयं ॥ ९४५ ॥

वज्रं तत्प्रभं कनकं कनकप्रभं रजतकूटं रजताभं ।

सुमहप्रभं अंकमंकप्रभं मणिकूटं च मणिप्रभं ॥ ९४५ ॥

अर्थ—बहुरि वज्र १ वज्रप्रभ १ कनक १ कनक प्रभ १ रजतकूट १ रजताभ १ सुप्रम १ महाप्रभ १ अंक १ अंकप्रभ १ मणिकूट १ मणिप्रभ १ ॥ ९४५ ॥

रुजगरुजगाह हिमवं मंदरमिह चारि सिद्धकूडाणि ।

अत्थंति सेसि कूडे कूडक्खसुरा कदावासा ॥ ९४६ ॥

रुचकरुचकाभे हिमवत् मंदिरमिह चत्वारि सिद्धकूटानि ।

आसते शेपेपु कूटेपु कूटाख्यसुराः कृतावासाः ॥ ९४६ ॥

अर्थ—रुचक १ रुचकाभ १ हिमवत १ मंदर १ ए सोलह कूट जाननें । इन्तै अन्य च्यारि सिद्धकूट हैं । तिनविषै चैत्यालय हैं । अर अवशेष सोलह कूट तिनविषै कूट समान नामके धारक देव वास करते संते तिष्ठै हैं ॥ ९४६ ॥

अब रुचक पर्वतकै उपरि जे कूट तिनकों अर तहां वास करती देवांगना तिनकों अर तिनके देवांगनानिका कार्यकौ तेरह गाथानि करि कहै हैं;—

पुन्वादिसु पुह अड अड अंते चउ चारि चारि कूडाणि ।

रुजगे सव्ववभंतरचत्तारि जिणिंदकूडाणि ॥ ९४७ ॥

पूर्वादिषु पृथक् अष्टौ अष्टौ अंतः चतसृषु चत्वारि चत्वारि कूटानि ।

रुचके सर्वाभ्यंतरचत्वारि जिनेन्द्रकूटानि ॥ ९४७ ॥

अर्थ—रुचक गिरिविषै पूर्व आदि च्यारि दिशानिविषै प्रथक् प्रथक् परिधिविषै पंक्तिरूप आठ आठ कूट हैं । बहुरि तिनकै अभ्यंतर मनुक्ष लोककी तरफ च्यारि दिशानिविषै एक वार च्यारि कूट हैं । बहुरि तिनकै अभ्यंतर एक वार च्यारि कूट हैं । बहुरि तिनकै भी अभ्यंतर एक वार च्यारिकूट हैं । ऐसै एक एक दिशा विषै तीन तीन कूट ए भए ऐसै चवालीस कूट भए । बहुरि तिन सबनिकै अभ्यंतर वर्ती जे च्यारि कूट कहे ते जिनेन्द्र कूट हैं । चैत्यालय युक्त हैं । इनिकाऽऐसै स्थान जाननां ॥ ९४७ ॥

कणयं कंचण तवणं सोत्थियकूडं सुभद्रमंजणयं ।

अंजनमूलं वज्रं तत्थेदा दिक्कुमारीओ ॥ ९४८ ॥

कनकं कांचनं तपनं स्वस्तिककूटं सुभद्रमंजनकं ।

अंजनमूलं वज्रं तत्रैता दिक्कुमार्यः ॥ ९४८ ॥

अर्थ—कनक १ कांचन १ तपन १ स्वस्तिककूट १ सुभद्र १ अंजनक १ अंजन मूल १ वज्र १ ए पूर्व दिशाविषै आठ कूट हैं । तहां ए आगै कहिए हैं दिक्कुमारी ते वसै हैं ॥ ९४८ ॥

विजयाय वइजयंती जयंति अवरजिदाय णंदेति ।

णंदवती णंदुत्तर णामातो णंदिसेणेत्ति ॥ ९४९ ॥

विजया वैजयंती जयंती अपराजिता नंदा इति ।

नंदवती नंदोत्तरा नाम्न्यतो नंदिपेणा इति ॥ ९४९ ॥

अर्थ—विजया १ वैजयंती १ जयंती १ अपराजिता १ नंदा १ नंदावती १ नंदोत्तरा १ नंदिषेणा ए आठ दिक्कुमारनिकी देवांगना वसै हैं ॥ ९४९ ॥

फलिह रजदं व कुमुदं णल्लिणं पडमं ससीय वेसवणं ।

बेलुरियं देवीओ इच्छापढमा समाहारा ॥ ९५० ॥

स्फटिकं रजतं वा कुमुदं नल्लिनं पद्मं शशी वैश्रवणं ।

वैडूर्यं देव्यः इच्छाप्रथमा समाहारा ॥ ९५० ॥

अर्थ—स्फटिक १ रजत १ कुमुद १ नल्लिन १ पद्म १ शशी १ वैश्रवण १ वैडूर्य १ ए आठ दक्षिण दिशाविषै कूट हैं । इनविषै वास करती देवांगना कहिए है । इच्छा १ समाहारा १ ॥ ९५० ॥

सुपइण्णाय जसोहर लच्छी सेसवदि चित्तगुत्तेत्ति ।

चरिम वसुंधरदेवी अमोहमह सोत्थियं कूडं ॥ ९५१ ॥

सुप्रकीर्णा यशोधरा लक्ष्मीः शेषवती चित्रगुप्ता इति ।

चरमा वसुंधरा देव्यः अमोघमथ स्वस्तिकं कूटं ॥ ९५१ ॥

अर्थ—सुप्रकीर्णा १ यशोधरा १ लक्ष्मी १ शेषवती १ चित्रगुता १ वसुंधरा १- ऐसै ए आठ देवी वसै हैं । बहुरि अमोघ १ स्वस्तिक कूट १ ॥ ९५१ ॥

तो मंदर हेमवदं रज्जं रज्जुत्तमं च चंद्रमपि ।

पच्छिम सुदर्शनं पुण इलादियाय सुरादेवी ॥ ९५२ ॥

ततो मंदरं हेमवतं राज्यं राज्योत्तमं च चंद्रमपि ।

पश्चिमं सुदर्शनं पुनः इलादिका सुरादेवी ॥ ९५२ ॥

अर्थ—तहां पीछें मंदर १ हेमवत् १ राज्य १ राज्योत्तम १ चंद्र १ सुदर्शन १ ए आठ पश्चिम दिशा विषै कूट हैं । इहां तिष्ठती देवी कहिए हैं । इलादेवी सुरादेवी ॥ ९५२ ॥

पृथ्वी पद्मावती इगिणासो देवी य णवमिया सीता ।

भद्रा तो विजयादीचउकूडं कुंडलं रुचकं ॥ ९५३ ॥

पृथ्वी पद्मावती एकनासा देवी च नवमिका सीता ।

भद्रा ततो विजयादिचतुष्कूटानि कुंडलं रुचकं ॥ ९५३ ॥

अर्थ—पृथ्वी १ पद्मावती १ एकनासा देवी १ नवमिका १ सीता १ भद्रा १ ए आठ देवी वसै हैं । बहुरि तहां पीछें विजय १ वैजयंत १ जयंत १ अपराजित ए च्यारि कूट अर कुंडल १ रुचक १ ॥ ९५३ ॥

तो रयणवतं सन्वादीरयणं उत्तरे अलंबूसा ।

विदिया तु मिस्सकेशी देवी पुण पुंडरीगिणि सा ॥ ९५४ ॥

ततो रत्नवत् सर्वादिरत्नं उत्तरे अलंबूपा ।

द्वितीया तु मिश्रकेशी देवी पुनः पुंडरीकिनी सा ॥ ९५४ ॥

अर्थ—तहां पीछें रत्नवत् १ सर्व रत्न १ ए आठ उत्तर दिशा विषै कूट हैं । इन विषै तिष्ठती देवी कहिए हैं । अलंबूपा १ मिश्रकेशी देवी १ पुंडरीकिणी १ ॥ ९५४ ॥

वारुणि आसा सच्चा हिरि सिरि पुन्वगयदिकुमारीओ ।

भिंगारं धरिदूणिह दक्षिणदेवीओ मुकुरंदं ॥ ९५५ ॥

वारुणी आशा सत्या हीः श्रीः पूर्वगतदिकुमार्यः ।

भृंगारं घृत्वा इह दक्षिणदेव्यो मुकुरंदं ॥ ९५५ ॥

अर्थ—वारुणी १ आशा १ सत्या १ ही १ श्री १ ए आठ देवी वसै हैं इन विषै पूर्व-दिशा संबधी दिक्कुमारी हैं । ते भृंगार जो झारी ताकों धारिकरि अर दक्षिण दिशा संबधी दिक्कुमारी मुकुरंद जो आरसो ताकों धारि करि ॥ ९५५ ॥

पच्छिमगा छत्तत्तयं उत्तरगा चामरं प्रमोदयुदा ।

तित्थयरजणणिसेवं जिणजणिकाले पकुर्वन्ति ॥ ९५६ ॥

पश्चिमगाः छत्रत्रयं उत्तरगाः चामरं प्रमोदयुताः ।

तीर्थकारजननीसेवां जिनजनिकाले प्रकुर्वन्ति ॥ ९५६ ॥

अर्थ—पश्चिमदिशा संबंधी देवी तीन छत्रनिकीं धारि करि अर उत्तर दिशा संबंधी देवी चामरनिकीं धारि करि महा प्रमोद करि संयुक्त होती ते सर्व देवी तीर्थकरका उत्पत्ति काल विषै तीर्थकरकी जो माता ताकी सेवा करै हैं ॥ ९५६ ॥

पुन्वे विमलं कूलं णिच्चालोयं सयंपहं अवरै ।

णिच्चुज्जोदं देवी कमसो कणया सदादिदहा ॥ ९५७ ॥

पूर्वयोः विमलं कूटं नित्यालोकं अपरयोः ।

नित्योद्योतं देव्यः क्रमशः कनका शतादिदहा ॥ ९५७ ॥

अर्थ—रुचक पर्वतके अर्धंतर कूटनि विषै पूर्व दिशा विषै तो विमलकूट दक्षिण दिशा विषै नित्यालोककूट पश्चिम दिशा विषै स्वयंप्रभकूट उत्तर दिशा विषै नित्योद्योत कूट ऐसै च्यारि कूट हैं । इहां तिष्ठती देवी क्रमतै कनका १ शतहदा १ ॥ ९५७ ॥

कणयादिचित्त सोदामणि सव्वदिसप्पसण्णदं देति ।

तित्थयरजम्मकाले कूलं वेल्लुरियरुजगमदो ॥ ९५८ ॥

कनकादिचित्रा सौदामिनी सर्वदिशाप्रसन्नतां दधते ।

तीर्थकरजन्मकाले कूटं वैडूर्यं रुचकमतः ॥ ९५८ ॥

अर्थ—कनकाचित्रा १ सौदामिनी १ ऐसै ए च्यारि देवी वसै हैं ते तीर्थकरका जनम काल विषै सर्व दिशानिकीं प्रसन्न धारै हैं निर्मल करै हैं । बहुरि इन्तै अर्धंतर पूर्वादि दिशानि विषै वैडूर्य १ रुचक १ ॥ ९५८ ॥

मणिकूडं रज्जुत्तममिह रुजगा रुजगकीत्ति रुजगादी ।

कांता रुजगादिपहा जिणजादयकम्मकादिकुसला ॥ ९५९ ॥

मणिकूटं राज्योत्तममिह रुचका रुचककीर्तिः रुचकादिः ।

कांता रुचकादिप्रभा जिनजातककर्मकृतिकुशलाः ॥ ९५९ ॥

अर्थ—मणिकूट १ राज्योत्तम १ ए च्यारि कूट हैं । इहां तिष्ठती रुचका १ रुचक कीर्ति १ रुचक कांता १ रुचक प्रभा १ ए च्यारि देवी हैं । ते तीर्थकरका जन्म विषै जात कर्म करनेविषै कुशल हैं ॥ ९५९ ॥

आगै कुंडल रुचक संबंधी कूटनिका व्यासादिक कहै हैं;—

सव्वेसिं कूडाणं जोयणपंचसय भूमिविस्थारो ।

पणसयमुदओ तद्वल्लमुहवासो कुंडले रुजगे ॥ ९६० ॥

सर्वेषां कूटानां योजनपंचशतं भूमिविस्तारः ।

पंचशतमुदयः तद्वल्लमुखव्यासः कुंडले रुचके ॥ ९६० ॥

अर्थ—कुंडल गिरि अर रुचक गिरिविषै कहे जे ए कूट तिन सबनिका पांचसै योजन ता भूमि विस्तार कहिए मूलविषै चौड़ाईका प्रमाण है । अर उदय जो उंचाईका प्रमाण सोभी पांचसै योजन है । अर तिनका मुख व्यास जो उपरि चौड़ाईका प्रमाण सो ताका आधा अढ़ाईसै योजन है ।

इहां जैसे पुष्कर दीपकै मध्य बलयाकार मानुपोतर पर्वत है तैसे ही कुंडल द्वीपकै मध्य कुंडलगिरि अर रुचक द्वीपकै मध्य रुचक गिरि बलयाकार जाननां ॥ ९६० ॥

आगे द्वीप समुद्रनिके जे देव स्वामी हैं तिनको पांच गाथानि करि कहैं हैं;—

जंबूदीचे वाणो अणादरो सुद्धिदो य लवणेवि ।

धादइखंडे सामी प्रभासपियदंसणा देवा ॥ ९६१ ॥

जंबूद्वीपे वानौ अनादरः सुस्थितश्च लवणेपि ।

धातकीखंडे स्वामिनौ प्रभासप्रियदर्शनौ देवौ ॥ ९६१ ॥

अर्थ—जंबू द्वीप अर लवण समुद्रविषै तौ स्वामी अनादर अर सुस्थित नामा व्यंतर देव हैं । धातकी खंडविषै स्वामी प्रभास अर प्रियदर्शन देव हैं ॥ ९६१ ॥

कालमहकाल पञ्चमा पुंडरियो माणुसुत्तरे सेले ।

चक्रखुमसुचक्रखुम्मा सिरिपहधर पुक्खरुवहिम्हि ॥ ९६२ ॥

कालमहाकालौ पद्मः पुंडरीकः मानुषोत्तरे शैले ।

चक्षुष्मसुचक्षुष्माणौ श्रीप्रभधरौ पुष्करोदधौ ॥ ९६२ ॥

अर्थ—कालोदक समुद्रविषै स्वामी काल महाकाल देव हैं । पुष्करार्द्ध अर मानुषोत्तरविषै स्वामी पद्म अर पुंडरीक देव हैं । पुष्कर द्वीपका बाह्य दूसरा अर्धविषै स्वामी चक्षुष्मान अर सुचक्षुष्मान हैं । पुष्कर समुद्रविषै स्वामी श्रीप्रभ अर श्रीधर हैं ॥ ९६२ ॥

वरुणो वरुणादिपहो मज्झो मज्झिमसुरो य पांडुरओ ।

पुष्पादिदंत विमला विमलप्रह सुप्पहा महप्पहओ ॥ ९६३ ॥

वरुणो वरुणादिप्रभो मध्यः मध्यमसुरः च पांडुरः ।

पुष्पादिदंतः विमलो विमलप्रभः सुप्रभः महाप्रभ ॥ ९६३ ॥

अर्थ—वारुणी द्वीपविषै स्वामी वरुण अर वरुणप्रभ हैं । वारुणी समुद्रविषै स्वामी मध्य अर मध्यम देव हैं । क्षीर द्वीपविषै स्वामी पांडुर अर पुष्यदंत हैं । क्षीर समुद्रविषै स्वामी विमल अर विमलप्रभ हैं । घृत द्वीपविषै स्वामी सुप्रभ अर महाप्रभ हैं ॥ ९६३ ॥

कणय कणयाह पुण्णा पुण्णप्पह देवगंधमहगंधा ।

तो नंदी नंदिपहो भद्रसुभद्दा य अरुण अरुणपहा ॥ ९६४ ॥

कनकः कनकाभः पुण्यप्रभो देवगंधमहागंधौ ।

ततो नंदी नंदिप्रभः भद्रसुभद्रौ च अरुणः अरुणप्रभः ॥ ९६४ ॥

अर्थ—घृत समुद्र विषै स्वामी कनक अर कनकप्रभ हैं । क्षौद्र द्वीप विषै स्वामी पुण्य अर पुण्य प्रभ हैं । क्षौद्र समुद्र विषै स्वामी देव गंध अर महागंध हैं । तहां पीछें नंदाश्वर द्वीप विषै स्वामी नंदि अर नंदिप्रभ हैं । नंदाश्वर समुद्र विषै स्वामी भद्र अर सुभद्र हैं । अरुण द्वीप विषै स्वामी अर अरुण अरुणप्रभ हैं ॥ ९६४ ॥

ससुगंध सच्चगंधो अरुणसमुद्रम्हि इदि पहू दो हो ।

दीचसमुद्दे पढमो दक्खिणभागम्हि उत्तरे विदियो ॥ ९६५ ॥

ससुगंधः सर्वगंधः अरुणसमुद्रे इति प्रभू द्वौ द्वौ ।

द्वीपसमुदे प्रथमः दक्षिणभागे उत्तरे द्वितीयः ॥ ९६५ ॥

अर्थ—अरुण समुद्र विषै नायक ससुगंध अरु सर्वगंध देव हैं । जैसे ही द्वीप अरु ससुद्र विषै दोय दोय स्वामी व्यंतर देव हैं । तहां दोय दोय विषै जाका नाम पहलें कछा सो दक्षिण भाग विषै अरु जाका पीछें नाम लिया सो उत्तर भाग विषै स्थित ज्ञाननां ॥ ९६५ ॥

अब नंदीश्वर द्वीपको विशेष रूप प्रतिपादन करत संता आचार्य प्रथम ताका बलय व्यास कहै है;—

आदीदो खलु अष्टमण्डीसरदीववलयविक्रंभो ।

सयसमाहियतेवट्टीकोडी चुलसीदिलक्खा य ॥ ९६६ ॥

आदितः खलु अष्टमनंदीश्वरद्वीपवलयविष्कंभः ।

शतसमधिकत्रिषष्टिकोटिः चतुरशीतिलक्षश्च ॥ ९६६ ॥

अर्थ—आदिका जंबूद्वीपतैं लगाय आठवां नंदीश्वर द्वीप है । ताका विलय विष्कंभ जो बलयाकार विषै चौड़ाई सो सौ अधिक तेरसठि कोडि चौरासी लाख योजन प्रमाण है । कैसें सो कहिए हैं । नंदीश्वर द्वीप सहित यातैं पहलै द्वीप वा समुद्रनिकी संख्या पंद्रह है सो पंद्रहका गछ करि रुज्जाहियपदं इत्यादि पूर्वोक्त सूत्र करि एकसौ तेरसठि कोडि चौरासी लाख योजन प्रमाण व्यास आवै है ॥ ९६६ ॥

आगैं इस द्वीप विषै च्यारौं दिशानि विषै तिष्ठते पर्वत तिनके नाम अरु संख्या अरु स्थानकों निरूपैं हैं;—

एकचउकट्टंजणदहिमुहरइयरणगा पडिदिसम्हि ।

मज्झे चउदिसवावीमज्झे तव्वाहिरदुकोणे ॥ ९६७ ॥

एकचतुष्काष्ठांजनदधिमुखरतिकरनगाः प्रतिदिशं ।

मध्ये चतुर्दिग्वापीमध्ये तद्वाह्यद्विकोणे ॥ ९६७ ॥

अर्थ—एक एक दिशा प्रति मध्य विषै अरु च्यारि दिशा संबधी वावड़ीनिकै मध्य अरु तिन वावड़ीनिका बाह्य दोय दोय कोणादि विषै क्रमतैं एक च्यारि आठ संख्या लिएं अंजन दाधिमुख रतिकर नामा पर्वत नंदीश्वर द्वीप विषै जाननैं । भावार्थ—नंदीश्वरकी चारों दिशा तहां एक एक दिशा विषै बीचि तौ एक अंजन गिरि है । तिस अंजन गिरकी च्यारों दिशानि विषै च्यारि वावड़ी हैं । तिन वावड़ीनिकै बीचि च्यारि दाधिमुख पर्वत हैं । बहुरि तिन वावड़ीनिके दोय कोण तौ अंजन गिरिकी तरफ अरु दोय कोण दूसरी तरफ तहां दूसरी तरफ जे दोय दोय बाह्य कोण तिनके निकटि आठ रतिकर पर्वत हैं । ऐसें एक दिशा विषै तेरह पर्वत च्यारि वावड़ी भई । च्यारों दिशानि विषै वावन पर्वत सोलह वावड़ी जाननी ॥ ९६७ ॥

आगैं तिन पर्वनिका वर्ण वा परिमाणकों कहैं हैं;—

अंजनदहिकणयणिहा चुलसीदिदहेक्कजोयणसहस्सा ।

वड्ढा वासुदणय सरिसा वावण्णसेलाओ ॥ ९६८ ॥

अंजनदधिकनकनिभाः चतुरशीतिदशैकयोजनसहस्राः ।

वृत्ताः व्यासोदयेन सदृशाः द्वापंचाशच्छैलाः ॥ ९६८ ॥

अर्थ—अंजन गिरि तौ अंजन जो कज्जल तीह समान स्याम वर्ण हैं । दधिमुख दही समान स्वेत वर्ण है । रतिकर ताया सुवर्ण समान रक्तता लिए पीत वर्ण है । बहुरि अंजन गिरिका प्रमाण चौरासी हजार योजन दधिमुखका दश हजार योजन रतिकरका एक हजार योजन है । बहुरि ते सर्व वृत्त हैं । गोल आकारि हैं । व्यास उदयकारि समान हैं । अंजनादिक चौरासी दश एक हजार योजन क्रमते ऊंचे हैं । अर इतना ही मूल विपै वा उपरि समान चौड़े हैं । ऊंमा ढोलकै आकार सम व्यास रूप हैं । ऐसे सर्व मिले हुए वावन पर्वत हैं ॥ ९६८ ॥

आगे तिन वावडीनिके नाम गाथा दोय करि कहैं हैं;—

णंदा णंदवदी पुण णंदुत्तर णंदिसेण अरविरया ।

गयवीदसोगविजया वईजयंती जयंती य ॥ ९६९ ॥

नंदा नंदवती पुनः नंदोत्तरा नंदिषेणा अरविरजे ।

गतवीतशोकाविजयाः वैजयंती जयंती च ॥ ९६९ ॥

अर्थ—नंदा १ नंदवती १ बहुरि नंदोत्तरा १ नंदिषेणा १ ए च्यारि पूर्व दिशाविपै हैं । बहुरि अरजा १ विरजा १ गतशोका १ वीतशोका ए च्यारि दक्षिणविपै हैं । बहुरि विजया १ वैजयंती १ जयंती १ ॥ ९६९ ॥

अवराजिदा य रम्या रमणीया सुप्रभा य पुन्वादी ।

रयणतडा लखपमा चरिमा पुण सन्वदोभद्रा ॥ ९७० ॥

अपराजिता च रम्या रमणीया सुप्रभा च पूर्वोदितः ।

रत्नतद्व्यः लक्षप्रमाः चरमा पुनः सर्वतोभद्रा ॥ ९७० ॥

अर्थ—अपराजिता १ ए च्यारि पश्चिमदिशा विपै हैं । बहुरि रम्या १ रमणीया १ सुप्रभा १ अंत विपै यशोभद्रा १ ए च्यारि उत्तरविपै हैं । जैसे ए सर्व वावडी रत्नमय तट युक्त हैं लक्ष योजन प्रमाण हैं । ते पूर्वोदिक दिशानिविपै क्रमते जाननी ॥ ९७० ॥

अब तिन वावडीनिका स्वरूप कहैं हैं;—

सन्वे समचउरस्सा टंकुक्किण्णा सहस्समोगाढा ।

वेदियचउवणजुत्ता जलयरउम्मुक्कजलपुण्णा ॥ ९७१ ॥

सर्वाः समचतुरस्त्राः टंकोत्कीणाः सहस्रमवगाधाः ।

वेदिकाचतुर्वनयुक्ता जलचरोन्मुक्तजलपूर्णाः ॥ ९७१ ॥

अर्थ—ते सर्व वापी समचतुरस्त्र हैं । लाख योजन ही लंबी अर इतनी ही चौड़ी समचौकोर आकार युक्त हैं । बहुरि टंकोत्कीर्ण हैं । उपरि नीचे एकरूप हैं । बहुरि एक हजार योजन ऊंडी हैं । बहुरि वेदिका अर च्यार्यों दिशानिविपै च्यारि वन तिन करि संयुक्त हैं । बहुरि जलचर जीवनि करि रहित जल करि संपूर्ण भरी हैं ॥ ९७१ ॥

आगेँ तिन वावडीनिके बननिका स्वरूप कहै हैं;—

वावीणं पुन्वादिसु असोयसत्तच्छदं च चंपवणं ।

चूदवणं च क्रमेण य सगवावीदीहदलवासा ॥ ९७२ ॥

वापीनां पूर्वादिषु अशोकसत्तच्छदं च चंपवनं ।

चूतवनं च क्रमेण च स्वकवापीदीर्घदलव्यासानि ॥ ९७२ ॥

अर्थ—तिन एक एक वापीनिकी पूर्वादिक दिशानिविषै अनुक्रम करि अपनी अपनी वावड़ी समान एक लाख योजन लंबे अर तातैं आधे पचास हजार योजन चौड़े जैसे अशोक अर सत्तच्छद अर चंपक अर आम्र बन हैं । जैसे नंदाश्वर द्वीपविषै सर्व चौंसठि बन जाननैं ॥ ९७२ ॥

अब अंजनादि पर्वतनिके उपरि प्रत्येक एक एक चैत्यालयकौ कहत संता आचार्य सो तिन चैत्यालयनिके चतुर्णिकाय देवनि करि काल विशेष विषै किया हुवा पूजा विशेष ताकौ कहनैके अर्थ पांच गाथानिकर कहै हैं;—

तन्वावण्णगोमुवि वावण्णजिणालया हवन्ति तर्हि ।

सोहम्मादी वारसकप्पिदा ससुरभवणतिया ॥ ९७३ ॥

तद्द्वापंचाशन्नगेष्वपि द्वापंचाशज्जिनालया भवन्ति तेषु ।

सौधर्मादयो द्वादशकल्पेद्राः ससुरभवनत्रिकाः ॥ ९७३ ॥

अर्थ—तिन वावन पर्वतनिके उपरि वावन जिन मंदिर हैं । तिनविषै अन्य कल्पवासी देव अर भवनत्रिक देव तिन करि सहित सौधर्म आदि वारह स्वर्गनिके इन्द्र हैं ॥ ९७३ ॥

ते कहा करै हैं ते कैसे हैं सो कहै हैं;—

गयहयकेसरिवसहे सारसपिकहंसकोकगरुडे थ ।

मयरसिहिकमलपुष्पयविमाणपहुदिं समारुढा ॥ ९७४ ॥

गजहयकेसरिवृषभान् सारसपिकहंसकोकगरुडान् च ।

मकरशिखिकमलपुष्पकविमानप्रभृतिं समारुढाः ॥ ९७४ ॥

अर्थ—हस्ती १ घोटक १ सिंह १ वृषभ १ सारस १ कोकिला १ हंस १ चकवो १ गेरुड १ माछलें १ मोर १ कमल १ पुष्पक विमान इत्यादिकानि ऊपरि समारुढ हैं । भावार्थ—सौधर्मादिक वारह इंद्रनिके हस्ती आदि मुख्य वाहन हैं । तिन उपरि चढे हैं ॥ ९७४ ॥

बहुरि कैसे हैं;—

दिव्यफलपुष्पहस्ता संस्थाभरणा सचामरानीया ।

बहुधयतूरारावा गत्ता कुर्वन्ति कल्याणं ॥ ९७५ ॥

दिव्यफलपुष्पहस्ता शस्ताभरणाः सचामरानीकाः ।

बहुध्वजतूरारावाः गत्वा कुर्वन्ति कल्याणं ॥ ९७५ ॥

अर्थ—दिव्य फल पुष्प आदि पूजन द्रव्य हस्त विषै धारै हैं । बहुरि प्रशस्ति आभरण पहरै हैं । चामरनि करि सहित सेनायुक्त हैं । बहुत ध्वजा अर वाजित्रनिके शब्द करि संयुक्त हैं । ऐसे

होत संतं अपनें स्याननितं तहां नंदीखर द्वीपविषे जाइ पेंद्रब्ज आदि जो जिन पूजनरूप कल्याण ताहि करै हैं ॥ ९७५ ॥

पडिवरिसं आसाहे तह कत्तियफगुणे य अट्टमिदो ।

पुण्णादिणोत्ति यभिवखं दो दो पहरं तु समुरेहिं ॥ ९७६ ॥

प्रतिवर्षमापाहे तथा कार्तिके फाल्गुने च अष्टमीतः ।

पूर्णादिनांतं चाभीक्ष्णं द्वौ द्वौ प्रहरौ तु स्वमुरैः ॥ ९७६ ॥

अर्थ—वर्ष वर्ष प्रति आषाढ मास विषे अर तैसै ही कार्तिक मास विषे अर फाल्गुन मास विषे अष्टमी तिथिते व्याय पूर्णिमा दिन पर्यंत अर्भाक्ष्ण कहिए निरंतर दोय दोय पहर अपनें अपनें देवनि करि सहित ॥ ९७६ ॥

कौन कहा करै हैं सो कहै हैं;—

सोहम्मो ईसाणो चमरो बइरोयणो पदक्खिणदो ।

पुच्चवरदक्खिणुत्तरदिसासु कुच्चंति कल्लाणं ॥ ९७७ ॥

सौवर्म ईशानः चमरो वैरोचनः प्रदक्षिणतः ।

पूर्वापरदक्षिणोत्तरदिशासु कुर्वति कल्याणं ॥ ९७७ ॥

अर्थ—प्रथम स्वर्ग युगलके इन्द्र सौवर्म अर ईशान बहुरि असुर कुमारनिके इन्द्र चमर अर वैरोचन ए च्यारथीं प्रदक्षिणा रूप पूर्व पश्चिम दक्षिण उत्तर दिशानि विषे कल्याण जो जिन पूजन ताहि करै हैं । पूर्ववाला दक्षिण जाइ तव उत्तरवाला पूर्वकी आवे ऐसैं प्रदक्षिणारूप महोत्सव युक्त पूजन करै हैं ॥ ९७७ ॥

अब तीन लोक विषे तिष्ठते जु अक्रत्रिम चैत्यालय्य तिनका सामान्य करि व्यासादिक कहै हैं;—

आयामदळं वासं उभयदळं जिणघराणमुच्चत्तं ।

दारुदयदळं वासं आणिद्वाराणि तस्सद्धं ॥ ९७८ ॥

आयामदळं व्यासं उभयदळं जिनगृहाणामुच्चत्वं ।

द्वारोदयदळं व्यासः आणुद्वाराणि तस्यार्थं ॥ ९७८ ॥

अर्थ—उत्कृष्ट आदि चैत्यालय्यनिका जो आयाम ताका आधा तौ तिनका व्यास है । बहुरि आयाम अर व्यास दोलनिका मिलाइ ताका आधा जिन मंदिरनिका उच्चत्वं है । भावार्थ—उत्कृष्ट मध्य जवन्य चैत्यालय्यनिका लंबाई क्रमते सौ पचास पचास योजन प्रमाण आगे कहेंगे ताका आधा पचास पचास साढा बारह योजन प्रमाण तिनकी चौडाईका प्रमाण जाननां । बहुरि लंबाई चौडाईको मिलाइ १५०।७५।७५ ÷ २ आधा किए पिचहत्तरि साढासंतीस पाँणा उगणीस योजन प्रमाण तिनकी उचाईका प्रमाण हो है । बहुरि तिन चैत्यालय्यनिके जे द्वार तिनकी उचाईते आधा द्वारनिका व्यास प्रमाण है । भावार्थ—उत्कृष्ट मध्य जवन्य चैत्यालय्यनिके बड़े द्वारनिका उचाई सोढह आठ च्यारि योजन कहेंगे ताका आधा आठ च्यारि दोय योजन तिनकी चौडाईका प्रमाण

जाननां । बहुरि अन्य छोटे द्वार ते तिस बड़े द्वारतैं आधा प्रमाण उदय व्यास संयुक्त हैं । भावार्थ—
उत्कृष्ट मध्य जघन्य चैत्यालयनिके छोटे द्वारनिका उचाई आठ च्यारि दौय योजन है । चौड़ाई
च्यारि दौय एक योजन है ॥ ९७८ ॥

इस ही कहे अर्थकों विशेषतैं गाथा दौयकरि कहैं हैं;—

वरमज्झिमअवराणं दलकमं भद्रशालणंदणगा ।

पंदीसरगविमाणगजिणालया होंति जेढा दु ॥ ९७९ ॥

वरमध्यमावराणां दलक्रमं भद्रशालनंदनकाः ।

नंदीश्वरकविमानगजिणालया भवति ज्येष्ठा हि ॥ ९७९ ॥

अर्थ—उत्कृष्ट मध्य जघन्य चैत्यालयनिका व्यासादिक क्रमतैं आधा आधा जानहु । तहां
भद्रशाल अर नंदनवन अर नंदीश्वर अर दीप वैमानिकनिके विमान इन विषै प्राप्त जे जिनालय हैं
ते तौ व्यासादिक कीर उत्कृष्ट हैं ॥ ९७९ ॥

सौमणसरुजगकुंडलवक्वारिसुगारमाणुसुत्तरगा ।

कुलगिरिजा वि य मज्झिम जिणालया पांडुगा अवरा ॥ ९८० ॥

सौमनसरुचककुंडलवक्षारेष्वाकारमानुषोत्तरगाः ।

कुलगिरिजा अपि च मध्यमा जिनालया पांडुगा अवराः ॥ ९८० ॥

अर्थ—सौमनस वन अर रुचक कुंडल वक्षार इष्वाकार मानुषोत्तर पर्वत अर कुलाचल इन
विषै प्राप्त जिनालय हैं ते मध्यम हैं । पांडुक वन विषै प्राप्त जिनालय हैं ते जघन्य हैं ॥ ९८० ॥

याकै अनंतरि उत्कृष्ट जिनालयनिका आयाम अवगाध द्वारनिका उच्चत्व कहैं हैं;—

जोयणसय आयामं दलगाढं सोलसं तु दारुदयं ।

जेढाणं गिहपासे आणिद्वाराणि दो द्वो दु ॥ ९८१ ॥

योजनशतमायामः दलगाधः षोडश तु द्वारोदयः ।

ज्येष्ठानां गृहपार्श्वे आणुद्वारे द्वे द्वे तु ॥ ९८१ ॥

अर्थ—उत्कृष्ट जिनालयनिका आयाम सौ योजन प्रमाण है । अर आध योजन अवगाध
कहिए पृथ्वी मांहीं नींव है । बहुरि सोलह योजन तिनके द्वारनिका उच्चत्व है । बहुरि यह बड़ा द्वार
तौ सनमुख दिशा विषै है । अर जिन मंदिरनिके दोऊ पार्श्वनि विषै दौय दौय छोटे द्वार हैं ।
पीछैको द्वार हैं नाहीं ॥ ९८१ ॥

आगै उत्कृष्ट आदि विशेष रहित जे वसतिका कहिए जिनालय तिनका आयाम कितनां
है सो कहैं हैं;—

वेयडुजंबुसामलिजिणभवणाणं तु कोस आयामं ।

सेसाणं सगजोगं आयामं होदि जिणदिहं ॥ ९८२ ॥

विजयार्धजंबूशाल्मलिजिनभवनानां तु क्रोश आयामः ।

शेषाणां स्वकयोग्यः आयामो भवति जिनदृष्टः ॥ ९८२ ॥

अर्थ—विजयार्द्र पर्वत जंबूवृक्ष शालमली वृक्ष इन विषै जिन मंदिरनिका आयाम जो लंबाई सो एक कोश प्रमाण है । अवशेष भवनवासीनिके भवन व्यंतरनिके आवास इत्यादिकनि विषै प्राप्त जे जिनभवन तिनका अपना अपना यथा योग्य आयाम जिन देव देखै हैं । बहुत प्रकार है ताँतें इहां न कहा है ॥ ९८२ ॥

आगेँ कहे जे जिन भवन तिनका परिवार गाथा सात करि कहै हैं;—

चलगोचरमणिसालति वीहिं पडि माणथंभ णवथूहा ।

वणधयचेदियभूमी जिणभवणाणं च सव्वेसिं ॥ ९८३ ॥

चतुर्गोपुरमणिशालत्रयं वीथीं प्रति मानस्तंभा नवस्तूपाः ।

वनध्वजाचैत्यभूमयः जिनभवनानां च सर्वेपां ॥ ९८३ ॥

अर्थ—सर्व जिन भवननिके च्यारि द्वारनि करि संयुक्त मणिमई तीन कोट हैं । बहुरि वीथी जो द्वार होइ करि जानेंकी गली तिन एक एक वीथी प्रति एक एक मानस्तंभ है । अर नव नव स्तूप हैं । बहुरि तिन तीन कोटनिके वीचि वीचि अंतराल तिन विषै बाह्यतें लगाय पहला दूसरा कोटकै वीचि वन हैं, दूसरा तीसरा कोटकै वीचि ध्वजा हैं । तीसरा कोटकै वीचि चैत्यालय चैत्यभूमि है ॥ ९८३ ॥

जिणभवणे अट्टसया गठभगिहा रयणथंभवं तत्थ ।

देवच्छंदो हेमो दुगअडचउवासदीहुदओ ॥ ९८४ ॥

जिनभवनेपु अष्टशतानि गर्भगृहाणि रत्नस्तंभवान् तत्र ।

देवच्छंदो हेमः द्विकाष्ठचतुर्व्यासदीर्घोदयः ॥ ९८४ ॥

अर्थ—तिन जिन भवननि विषै एकसौ आठ गर्भ ग्रह हैं । जैसेँ वास करनेके कोठा आदिस्थान तैसेँ गर्भ ग्रह जानने । बहुरि तहां जिन मंदिरके मध्यविषेँ रत्ननिका स्तंभनि करि युक्त सुवर्ण मई दोय योजन चौड़ा आठ योजन लंबा च्यारि योजन ऊंचा देवछंद कहिए छप्पर मंडप है ॥ ९८४ ॥

सिंहासणादिसहिया विणीलकुंतल सुवज्जमयदंता ।

विद्रुमअहरा किसलयसोहायरहत्थपायतला ॥ ९८५ ॥

सिंहासनादिसहिता विनीलकुंतलाः सुवज्जमयदंताः ।

विद्रुमाधराः किसलयशोभाकरहस्तपादतलाः ॥ ९८५ ॥

अर्थ—सिंहासन छात्रादिक करि संयुक्त बहुरि विशेषपनेँ नील हैं मस्तकादिविषै केश जिनके अर भले वज्रमई दंत जिनके अर विद्रुम जो मूंगा तिस सारिखे रक्त होठ हैं जिनके अर किसलय जो नवीन कूपल तिस सारिखे हैं रक्तता लिएँ शोभा युक्त हस्त तल अर पाद तल जिनके ऐसी जिन प्रतिमा हैं । इहां केशादिककासा आकार रूप पुद्गल परणए हैं ऐसा जाननां ॥ ९८५ ॥

दसतालमाणलक्खणभरिया पेक्खंत इव वदंता वा ।

पुरुजिणतुंगा पडिमा रयणमया अट्टअहियसया ॥ ९८६ ॥

दशतालमानलक्षणभरिताः प्रेक्ष्यमाणा इव वदंत इव ।

पुरुजिनतुंगाः प्रतिमाः रत्नमया अष्टाधिकशताः ॥ ९८६ ॥

अर्थ—दश ताल प्रमाण लक्षणनिकरि भरी हैं । तालका प्रमाण वारह अंगुल जाननां । बहुरि ते प्रतिमा तीर्थकर वत जानों कि चोर्धैं हैं जानों बोलें हैं । बहुरि पुरुजिन जो पहला वृषभ तीर्थ-
कर तीह समान पांचसै धनुष उंची हैं । बहुरि रत्न मय हैं । ऐसी एकसौ आठ जिन प्रतिमा तिन
गर्भ ग्रहनि विपै एक एक विराज मान हैं ॥ ९८६ ॥

चमरकरणागजकरवगवत्तीसंमिहुणगोहि पुह जुत्ता ।

सरिसीए पंतीए गम्भगिहे सुट्टु सोहंति ॥ ९८७ ॥

चमरकरनागयक्षगद्वात्रिंशन्मिथुनैः पृथक् युक्ताः ।

सदृश्या पंक्त्या गर्भगृहे सुट्टु शोभंते ॥ ९८७ ॥

अर्थ—बहुरि ते प्रतिमा कैसी हैं ? चमर है हाथ विपै जिनकै ऐसे जु नागकुमारनिके वा
यक्षनिके वत्तीस युगल तिनकरि संयुक्त जुदे जुदे एक एक गर्भ गृह विपै सदृश रूप वरोवरि पंक्ति
करि भले प्रकार सोभैं हैं । भावार्थ—वत्तीस नाग कुमार वा यक्षनिके युगल तिनके हस्त विपै चौसठि
चमर हैं तिन करि वीज्यमान हैं ॥ ९८७ ॥

सिरिदेवी सुददेवी सव्वाण्हसणक्कुमारजक्खाणं ।

रूवाणि य जिणपासे मंगलमट्टविहमावि होदि ॥ ९८८ ॥

श्रीदेवी श्रुतदेवी सर्वाहसनत्कुमारयक्षाणां ।

रूपाणि च जिणपार्श्वे मंगलमट्टविधमपि भवति ॥ ९८८ ॥

अर्थ—तिन जिन प्रतिमानिके पार्श्व विपै श्री देवी अर सरस्वती देवी अर सर्वाह यक्ष अर
सनत्कुमार यक्ष इनके रूप जे आकार ते तिष्ठैं हैं । भावार्थ—जिनप्रतिमाके निकटि इन च्यारनिका
प्रतिबिंब हो है । इहां प्रश्न—जो श्री तौ धनादिक रूप है अर सरस्वती जिनवानी है । इनका
प्रतिबिंब कैसैं हो है । ताका समाधान—श्री अर सरस्वती दोऊ लोक विपै उत्कृष्ट हैं । तातैं इनका
देवांगनाका आकार रूप प्रतिबिंब हो है । बहुरि दोऊ यक्ष विशेष भक्त हैं । तातैं तिनके आकार
हो हैं । बहुरि आठ प्रकार मंगल द्रव्य जिनप्रतिमानिकै निकटि सोभैं हैं ॥ ९८८ ॥

भिंमारकलसदप्पणवीयणधयचामरादवत्तमह ।

सुवइट्ट मंगलाणि य अट्टहियसयाणि पत्तेयं ॥ ९८९ ॥

भृंगारकलशदर्पणवीजनध्वजचामरातपत्रमथ ।

सुप्रतिष्ठं मंगलानि च अष्टाधिकशतानि प्रत्येकम् ॥ ९८९ ॥

अर्थ—झारी १ कलश १ आरसा १ वीजनां १ ध्वजा १ चामर १ छत्र १ अर ठौना
१ ए आठ मंगल द्रव्य हैं । ते एक एक मंगल द्रव्य एकसौ आठ प्रमाण तहां हो हैं ॥ ९८९ ॥

आगैं गर्भ ग्रहतैं बाह्य स्वरूपकौं गाथा च्यारि करि कहैं हैं;—

मणिकणयपुष्पसोहियदेवच्छंदस्स पुव्वदो मज्जे ।

वसईए रूपकंचणघडासहस्साणि वत्तीसं ॥ ९९० ॥

मणिकनकपुष्पशोभितदेवच्छंदस्य पूर्वतो मध्ये ।

वसत्यां रूप्यकांचनघटसहस्राणि द्वात्रिंशत् ॥ ९९० ॥

अर्थ—मणि अर सुवर्ण मय पुष्पनिकरि सोभित ऐसा जु देवछंद ताके पूर्व विपै आगें वसती जो जिन मंदिर ताका मध्य विपै रूपा अर सोनामई बत्तीस हजार घडे हैं ॥ ९९० ॥

महदारस्स दुपासे चउवीससहस्ममत्थि ध्रुवघटा ।

दारवहिं पासदुगे अट्टसहस्साणि मणिमाला ॥ ९९१ ॥

महाद्वारस्य द्विपार्श्वे चतुर्विंशसहस्रं संति ध्रुवघटाः ।

द्वारवहिः पार्श्वद्वये अष्टसहस्राणि मणिमालाः ॥ ९९१ ॥

अर्थ—महा द्वार जो बड़ा द्वार ताके दोऊ पार्श्वनि विपै दांहिणी बाई तरफ चौईस हजार धूपके घडे हैं । बहुरि तिस महा द्वारके बाह्य दोऊ पार्श्वनि विपै आठ हजार मणिमय माला हैं ॥ ९९१ ॥

तम्मज्झ हेममाला चउवीसं वटणमंडवे हेमा ।

कलसामाला सोलस सोलसहस्साणि ध्रुवघटा ॥ ९९२ ॥

तन्मध्ये हेममाला चतुर्विंशतिः वदनमंडपे हेमाः ।

कलशमालाः षोडश षोडशसहस्राणि ध्रुवघटाः ॥ ९९२ ॥

अर्थ—तिन मणिमय मालानिके वीधि चौईस हजार सुवर्णमय माला हैं । बहुरि तिस महाद्वारके आगें सन्मुख मुख मंडप है तिस विपै सुवर्णमय कलश अर सुवर्ण मय माला सोलह सोलह हजार हैं । बहुरि तिसही विपै सोलह हजार धूपके घडे हैं ॥ ९९२ ॥

महुरझणझणणिणादा मोत्तियमणिणिम्मिया सकिंकिणिया ।

बहुविहघंटाजाला रइदा सोहांति तम्मज्झे ॥ ९९३ ॥

मधुरझनझननिनादाः मौक्तिकमणिनिर्मिताः सकिंकिणिकाः ।

बहुविघघंटाजाला रचिताः शोभंते तन्मध्ये ॥ ९९३ ॥

अर्थ—तिस ही मुख मंडपका मध्य विपै मीठा है झण झण शब्द जिनका अर मोती मणिनि करि निपजी किंकणी जे छोटी घंटा तिन करि सहित नाना प्रकार घंटानिके समूह अनेक रचना करि युक्त सोभें हैं ॥ ९९३ ॥

बहुरि तिम मंदिरके झुलुक द्वारादिकका स्वरूप कहैं हैं;—

वसईमज्झगदक्खिणउत्तरतणुदारगे तदद्धं तु ।

तपुट्ठे मणिकंचणमालडचउवीसगसहस्सं ॥ ९९४ ॥

वसतिमध्यगदक्षिणोत्तरतनुद्वारे तदर्थं तु ।

तत्पुट्ठे मणिकांचनमाला अष्टचतुर्विंशकसहस्राणि ॥ ९९४ ॥

अर्थ—वसती जो जिन मंदिर ताका दक्षिण उत्तर पार्श्वका मध्यविपै प्राप्त छोटा द्वार है । तिसविपै मुख्य महा द्वारविपै कहा जो सर्व विधान तातैं आधा आधा है । इहां मणिमाला आदिका

प्रमाण पूर्वोक्तै आधा है । बहुरि तिस मंदिरका पृष्ठ भाग जो पीछैका भाग तहां मणिमाला अर सुवर्ण माला क्रमै आठ हजार अर चौईस हजार जाननी । माला तौ चौगिरद भीतिके लंबती जाननी । घड़े पृथ्वीविषै तिष्ठते जाननै । घंटा मंडपके माहीं लंबती जाननी ॥ ९९४ ॥

बहुरि कहा जो मुख मंडपादिक ताका व्यासादिक अर ताके आगै स्थित जे सर्व तिनका स्वरूप गाथा पंद्रह करि कहै हैं;—

जिणगिहवासयामो तत्पुरदो सोलसोच्छिओ होदि ।

मुहमंडओ तदग्गे पेकखण चउरस्स मंडवओ ॥ ९९५ ॥

जिनगुहव्यासायामः तत्पुरतः षोडशोच्छ्रितो भवति ।

मुखमंडपः तदग्रे प्रेक्षणः चतुरस्रः मंडपः ॥ ९९५ ॥

अर्थ—जिन मंदिरके समान पचास अर सौ योजन जाका व्यास अर आयाम है अर सोलह योजन ऊंचा है असा मुख मंडप तिस जिनमंदिरके आगै जाननां । बहुरि तिस मुख मंडपके आगै चौकोर प्रेक्षण मंडप है ॥ ९९५ ॥

सदवित्थारो साहियसोलुदओ हेमपीडियं पुरदो ।

चउरस्सं जोयणदुगसमुच्छयं सीदिवित्थारं ॥ ९९६ ॥

शतविस्तारः साधिकषोडशोदयः हेमपीठं पुरतः ।

चतुरस्रं योजनद्विकसमुच्छ्रयं अशीतिविस्तारं ॥ ९९६ ॥

अर्थ—सो प्रेक्षण मंडप सौ योजन चौड़ा है साधिक सोलह योजन ऊंचा है । बहुरि तिस प्रेक्षण मंडपके आगै दोय योजन ऊंचा असी योजन चौड़ा चौकोर सुवर्ण मई पीठ है । पीठ नाम चौतराका जाननां ॥ ९९६ ॥

तम्मज्झे चउरस्सो मणिमय चउविंदवास सोलुदओ ।

अट्टाणमंडओ तत्पुरदो तालुदयथूवमणिपीठं ॥ ९९७ ॥

तन्मध्ये चतुरस्रः मणिमयः चतुर्विंदव्यासः षोडशोदयः ।

आस्थानमंडपः तत्पुरतः चत्वारिंशदुदयस्तूपमणिपीठं ॥ ९९७ ॥

अर्थ—तिस पीठका मध्य विषै चौकोर मणिमय च्यारिका घन चौसठि योजन प्रमाण चौड़ा सोलह योजन ऊंचा आस्थान मंडप कहिये सभामंडप है । बहुरि ताके आगै चालीस योजन ऊंचा स्तूपनिका मणिमय पीठ है ॥ ९९७ ॥

तं पुण चउगोउरजुदवारंबुजवेदियाहिं संजुत्तं ।

मज्झे मेहलतियजुद चउघणदीहुदयवास बहुरयणो ॥ ९९८ ॥

तत् पुनः चतुर्गोपुरयुतद्वादशांबुजवेदिकाभिः संयुक्तः ।

मध्ये मेखलात्रययुतः चतुर्धनदीर्घोदयव्यासः बहुरस्रः ॥ ९९८ ॥

अर्थ—बहुरि सो पीठ च्यारि द्वारनि करि संयुक्त जो बारह अंबुज वेदी तिन करि संयुक्त है । बहुरि तिस पीठके मध्य तीन मेखला जो कटनी तिन करि संयुक्त च्यारिका घन चौसठि योजन तिह प्रमाण लंबा वा ऊंचा वा चौड़ा ऐसा बहुत रत्नमय ॥ ९९८ ॥

कहा सो कहैं हैं;—

ध्रुवो जिगर्विवाचिदो णवण्हमेवं कमेण तत्पुरदो ।
 वासायामसहस्रं वारसवेदिजुद् हेममयपीठं ॥ ९९९ ॥
 स्तूपः जिनर्विवाचितः नवानामेवं क्रमेण तत्पुरतः ।
 व्यासायामसहस्रं द्वादशवेदीयुतं हेममयपीठं ॥ ९९९ ॥

अर्थ—जिन द्विव करि संचित स्तूप है तीन कटनी लिएं जो रत्न राशि ताका नाम स्तूप है । ताकै ऊपरि जिर्निवव विराजै हैं । सो नव स्तूप हैं । तिनका ऐसैं ही क्रमकरि स्वरूप है । बहुरितिस स्तूपकै आगैं हजार योजन लंबा वा चौड़ा गिरद विपै वारहवेदीनि करि संयुक्त सुवर्ण मय पीठ है ॥ ९९९ ॥

तहिं चउदीहिगिवासक्खंधा बहुमणिमया ससालतिया ।
 वारहजोयणआयदचउमहसाहा अणेयतणुसाहा ॥ १००० ॥
 तस्मिन् चतुर्दीर्घकव्यासस्कंधौ बहुमणिमयौ सशलत्रयौ ।
 द्वादशयोजनायतचतुर्महाशाखौ अनेकतनुशाखौ ॥ १००० ॥

अर्थ—तिस पीठ उपरि च्यारि योजन लंबा अर एक योजन चौड़ा है स्कंध पेंड जिनका अर बहुत मणि मय अर गिरद विपै तिन कोटनि करि संयुक्त अर वारह योजन लंबी हैं । च्यारि महा शाखा जिनकै अर छोटी शाखा अनेक हैं जिनकै ऐसे हैं ॥ १००० ॥

वारहजोयणवित्थडसिहरा सिद्धत्थचेत्तणामतरु ।
 णाणादलपुष्पफला पंचाहियपउमपरिवारा ॥ १००१ ॥
 द्वादशयोजनविस्तृतशिखरौ सिद्धार्थचैत्यनामतरु ।
 नानादलपुष्पफलौ पंचाधिकपद्मपरिवारौ ॥ १००१ ॥

अर्थ—बहुरि वारह योजन चौड़ा है शिखर कहिए उपरिम भाग जिनका बहुरि नाना प्रकार पांन फूल फल युक्त हैं । बहुरि पद्मादि द्रहनि विपै जो मुख्य कमलके परिवार कमलनिका प्रमाण कहा तातैं पांच अधिक हैं परिवारके वृक्ष जिनिके ऐसे सिद्धार्थ नामा अर चैत्यनामा दोय वृक्ष हैं ॥ १००१ ॥

मूलगपीठणिसण्णा चउदिसं चारि सिद्धजिणपडिमा ।
 तत्पुरदो महकेदू पीठे चिहंति विविहवण्णगा ॥ १००२ ॥
 मूलगपीठनिषण्णा चतुर्दिक्षु चतस्रः सिद्धजिनप्रतिमाः ।
 तत्पुरतः महाकेतवः पीठे तिष्ठंति विविधवर्णनकाः ॥ १००२ ॥

अर्थ—तिन वृक्षनिका मूल विपै प्राप्त जो पीठ ताकै उपरि तिष्ठते ऐसे च्यारों दिशानि विपै च्यारि सिद्धार्थ वृक्षका मूल विपै तौ सिद्ध प्रतिमा अर चैत्य वृक्षका मूल विपै अरहंत प्रतिमा विराजमान है । इहां ऐसा जानिए है जो सिद्धि प्रतिमानिकै छत्रादिक नाहीं हैं । अरहंत प्रतिमाकै है । विशेष जैसा होइ तैसा सिद्धांततैं जानि लेनां । बहुरि तिस वृक्षके आगैं पीठ है ताविपै नाना प्रकार वर्णन करि युक्त महा ध्वजा तिष्ठै हैं ॥ १००२ ॥

सोलुदय कोसवित्थड कणयत्थंभग्गं हा रयणमया ।

चित्तवडछत्तित्तिया बहुगा जणणयणमणरमणा ॥ १००३ ॥

षोडशोदयाः क्रोशविस्ताराः कनकस्तंभाप्रगा हि रत्नमयाः ।

चित्रपटलत्रितया बहुका जननयनमनोरमणाः ॥ १००३ ॥

अर्थ—सोलह योजन ऊंचे अर एक कोश चौड़े ऐसे ध्वजानिके सुवर्ण मय स्तंभ हैं । तिन स्तंभनिका अप्र भाग विषै प्राप्त अर रत्न मय अर बहुत अर मनुक्षानिके नेत्र मनकों रमणीक ऐसे नाना प्रकारके ध्वजाकार रूप वस्त्र अर तीन छत्र सोभै हैं । इहां वस्त्रकासा आकार वर्णकोमलता ललितता लिं रत्नरूप पुद्गल परिणए हैं तातैं वस्त्र भी रत्नमय जाननें ॥ १००३ ॥

तत्पुरदो जिणभवणं तच्चउदिस विविहकुसुम चउ दहगा ।

दसगाढसयदलायदवासा मणिकणयवेदिजुदा ॥ १००४ ॥

तत्पुरतः जिनभवनं तच्चतुर्दिशं विविधकुसुमाः चत्वारो हदाः ।

दशावगाधशतदलायतव्यासाः मणिकनकवेदीयुताः ॥ १००४ ॥

अर्थ—तिस ध्वजा पीठकै आगैं जिन मंदिर हैं ताकी च्यारयौं दिशानि विषै नाना प्रकारका फूलनि करि संयुक्त दश योजन ऊंचे सौ योजन लंबे ताके आधे पचास योजन चौड़े मणि सुवर्णमय वेदीनिकारि संयुक्त च्यारि द्रह हैं ॥ १००४ ॥

पुरदो सुरकीडणमणिपासाददु होंति वीहिपासदुगे ।

पण्णुदयं दलवासा तत्पुरदो तोरणं होदि ॥ १००५ ॥

पुरस्तात् सुरकीडनमणिमयप्रासादद्वयं भवति वीधिपार्श्वद्वये ।

पंचाशदुदयं दलव्यासं तत्पुरतस्तोरणं भवति ॥ १००५ ॥

अर्थ—ताकै आगैं जो मार्ग रूप वीथी है । ताके दोऊ पार्श्वनि विषै पचास योजन ऊंचे ताका आधा पच्चीस योजन चौड़े देवनिके क्रीड़ा करनेके स्थान मणिमय दोय मंदिर हैं । बहुरि ताकै आगैं तोरण हैं ॥ १००५ ॥

तं मणित्थंभग्गठियं मुत्ताघंटासुजाल पण्णुदयं ।

तद्वलजोयणवासं जिणविंवकदंवरमणिज्जं ॥ १००६ ॥

तत् मणिस्तंभाप्रस्थितं मुत्ताघंटासुजालं पंचाशदुदयम् ।

तद्वलयोजनव्यासं जिनविंवकदंवरमणीयं ॥ १००६ ॥

अर्थ—सो तोरण मणिमय स्तंभनिका अप्र भाग विषै स्थित हैं । दोय स्तंभनिकै वीधि भीति रहित मरगोलकासा आकार ताका ही नाम तोरण है । बहुरि सो तोरण मोतीमाल अर घंटा समूह करि युक्त हैं । ए जाकैं लंबे हैं । बहुरि सो तोरण पचास योजन ऊंचा ताका आधा पच्चीस योजन चौड़ा है । बहुरि सो तोरण जिन विंबनिकै समूह करि रमणीक हैं । जिनविंबनिका आकार जा विषै पाईए हैं ॥ १००६ ॥

पुरदो पासाददुगं फलिहादिमसालदारपासदुगे ।

अब्भंतरं सदुदयं दलवासं रयणसंघडियं ॥ १००७ ॥

पुरतः प्रासादद्वयं स्फटिकादिमशालद्वारपार्श्वद्वये ।

अभ्यन्तरं शतोदयं दलव्यासं रत्नसंवटितम् ॥ १००७ ॥

अर्थ—तिस तोरणके आगे स्फटिकमय जो प्रथम कोट ताँके अभ्यन्तर कोटके द्वारका दोऊ पार्श्वनि विषे सो योजन ऊंचे ताका आधा पचास योजन चौड़े रत्न निर्मापित दोय मंदिर हैं । ऐसै प्रथम कोट पर्यंत वर्णन किया ॥ १००७ ॥

जं परिमाणं भणितं पुब्वगदारम्ह मंडवादीणं ।

दक्षिणउत्तरदारे तदद्धमाणं गहीदब्बं ॥ १००८ ॥

यत् परिमाणं भणितं पूर्वदारे मंडपादीनाम् ।

दक्षिणोत्तरदारे तदर्घमानं प्रहीतव्यं ॥ १००८ ॥

अर्थ—पूर्व द्वार विषे मंडपादिकनिका जो परिमाण कहा ताँके आधा प्रमाण दक्षिण द्वार अर उत्तरद्वार विषे ग्रहण करना । अन्य वर्णन तीनों तरफां समान है ॥ १००८ ॥

वंदणभिसेयणच्चणसंगीयवलयमंडवेहिं जुदा ।

क्रीडणगुणणीगहेहिं य विसालवरवट्टसालेहिं ॥ १००९ ॥

वंदनाभिपेकनर्तनसंगीतावलोकमंडपैः युतानि ।

क्रीडनगुणनगृहैश्च विसालवरपट्टशालैः ॥ १००९ ॥

अर्थ—बहुरि ते चैत्यालय सामायिकादि क्रिया करनेके स्थान वंदना मंडप अर स्नान करनेके स्थान अभिपेक मंडप अर नृत्य करनेके स्थान नर्तन मंडप अर सांगीत साधन करनेके स्थान सांगीत मंडप अर अवलोकन करनेके स्थान अवलोकन मंडप तिन करि संयुक्त हैं । बहुरि क्रीडा करनेके स्थान क्रीडन गृह शास्त्रादिक अभ्यासनेके स्थान गुणनग्रह तिन करि अर विस्तीर्ण उक्त पट्ट चित्राम आदि दिखावनेके स्थान पट्टशाला तिनकरि संयुक्त हैं ॥ १००९ ॥

अब पहला अर दूसरा कोटके बीचि जो अंतराल ताका स्वरूपको कहें हैं;—

सिंहगयवसहगरुडसिंहिदिणहंसारविंदचक्रधया ।

पुह अट्टसया चउदिसमेकैके अट्टसय खुल्ला ॥ १०१० ॥

सिंहगजवृषभगरुडशिखीद्विनहंसारविंदचक्रध्वजाः ।

पृथक् अष्टशतानि चतुर्दिशमेकैकस्मिन् अष्टशतं खुल्लाः ॥ १०१० ॥

अर्थ—सिंह १ हस्ती १ वृषभ १ गरुड १ मयूर १ चंद्रमा १ सूर्य १ हंस १ कमल १ चक्र इन दशनिका आकार करि संयुक्त ध्वजा हैं ते पृथक् पृथक् एकसौ आठ हैं । अर प्रत्येक जिन मंदिरकी चारों दिशानि विषे हैं । ऐसै मुख्य ध्वजा चारि हजार तीनसौ बीस भई । बहुरि इहां एक एक मुख्य ध्वजा विषे एकसौ आठ खुल्लक छोटी ध्वजा हैं ॥ १०१० ॥

आगे दूसरा अर तीसरा कोटके बीचि जो अंतराल ताका स्वरूपको गाथा तीन करि कहें हैं;—

चउवणमसोयसत्तच्छदचंपयचृदमेत्थ कप्पतरू ।

कणयमयकुसुमसोहा मरगयमयविविहपत्तड्ढा ॥ १०११ ॥

चतुर्वनमशोकसप्तच्छदचंपकचूतमत्र कल्पतरवः ।

कनकमयकुसुमशोभाः मरकतमयविविधपत्राढ्याः ॥ १०११ ॥

अर्थ—अशोक अर सप्तछद अर चंपक अर आम्र इन मई च्यारि वन हैं । बहुरि इहां सुवर्ण, मई फूलनि करि शोभित अर मरकत मणिमय नाना प्रकार यंत्रनिकरि पूर्ण ऐसे कल्प वृक्ष हैं ॥ १०११ ॥

वेलुरियफला विद्रुमविसालसाहा दसप्पयारा ते ।

पल्लंकापाडिहेरग चउदिसमूलगय जिणपाडिमा ॥ १०१२ ॥

वैदूर्यफला विद्रुमविशालशाखाः दशप्रकारास्ते ।

पल्यंकप्रातिहार्यगाः चतुर्दिशामूलगता जिनप्रतिमाः ॥ १०१२ ॥

अर्थ—बहुरि ते वैदूर्य रत्न मय फल संयुक्त हैं । बहुरि विद्रुम मृगा मय डाली युक्त है । ऐसे कल्प वृक्ष भोजनांग आदि भेद लीएं दश प्रकार तिन वननि विपै हैं । बहुरि तिन वननिविषै चैत्यवृक्षानिकै निकटि पल्यंक आसन छत्रादि प्रातिहार्य संयुक्त च्यारों दिशानि विपै वृक्षनिका मूलकै निकटि प्राप्त ऐसी जिन प्रतिमा हैं ॥ १०१२ ॥

सालत्तयपीठत्तयजुत्ता मणिसाहपत्तपुष्पफला ।

तच्चउवणमज्झगया चेदिगरुक्खा सुसोहंति ॥ १०१३ ॥

शालत्रयपीठत्रययुक्ताः मणिशाखापत्रपुष्पफलाः ।

तच्चतुर्वनमध्यगताः चैत्यवृक्षाः सुशोभंते ॥ १०१३ ॥

अर्थ—तीन कोट तीन पीठ करि संयुक्त अर मणिमय डाली पांन फूल फल युक्त ऐसे च्यार्यों वननिकै मध्य प्राप्त जिन विंन सहित चैत्य वृक्ष भले प्रकार सोभै हैं ॥ १०१३ ॥

आगै नंदादिक वापी अर मान स्तंभ तिनका विशेष स्वरूप कहै हैं;—

णंदादीय तिमिहल तिवीढया भंति धम्मविहवावि ।

पडिमाधिद्वियमुड्ढा वणभूचउवीहिमज्झग्ग्हि ॥ १०१४ ॥

नंदादिकाः त्रिमेखलाः त्रिपीठका भांति धर्मविभवा अपि ।

प्रतिमाधिष्ठितमूर्धानः वनभूचंतुर्वीथीमध्ये ॥ १०१४ ॥

अर्थ—पूर्वै कही जे नंदादिक सोलह वावड़ी ते तीन कटनीनि करि संयुक्त सोभै हैं । बहुरि वननिकी जु भूमि ताकै निकटि द्वारनिर्तै आवनेका मार्गरूप जो वीथी तिनका मध्य विषै जिन प्रतिमाका स्थान भूत है मस्तक भाग जिनका जैसे धर्म विभवा अपि कहिए धर्म रूप विभव संयुक्त मानस्तंभ हैं तेज तीन पीठ युक्त सोभै हैं । ऐसै जिनालयका वर्णन जाननां ॥ १०१४ ॥

इतिश्री नेमिचंद्राचार्यविरचित त्रिलोकसारमें छठा

नरतिर्यलोकका अधिकार समाप्त भया ॥ ६ ॥



मूलग्रंथकारका वक्तव्य ।



आगें ग्रंथका अंत विषे मंगल करनेकों सर्व जे सर्वज्ञके प्रतिविब तिनकों वंदना करै हैं;—

जिणसिद्धाणं पडिमा अकिट्टिमा किट्टिमा दु अदिसोहा ।

रयणमया हेममया रूपमया ताणि वंदामि ॥ १०१५ ॥

जिनसिद्धानां प्रतिमा अकृत्रिमाः कृत्रिमास्तु अतिशोभाः ।

रत्नमया हेममया रूप्यमया ताः वंदे ॥ १०१५ ॥

अर्थ—अकृत्रिम तौ अनादि निधन अर कृत्रिम करी हुई ऐसी रत्नमय वा सुवर्णमय रूपामय जे अरहंतनिकी अर सिद्धनिकी प्रतिमा तिन विबनिकों में वंदौ हौं ॥ १०१५ ॥

बहुरि अंत संबंधी मंगलकै ही अर्थि संख्या करि संयुक्त जे समुदायरूप जिन मंदिर तिनकों नमस्कार करत संता सूत्र कहैं हैं;—

कोडी लख सहस्सं अट्टय छप्पण सत्तणउदी य ।

चउसदमेगासीदी गगणगए चेदिए वंदे ॥ १०१६ ॥

कोट्यः लक्ष्याणि सहस्राणि अष्ट षट्पंचाशत् सत्तनवतिः च ।

चतुःशतमेकाशीतिः गगनगतानि चैत्यानि वंदे ॥ १०१६ ॥

अर्थ—आठ कोडि छप्पन लाख सत्याणवै हजार च्यारिसै इक्यासी लोकाकाशविषे प्राप्त जे चैत्यालय तिनकों में वंदौ हौं । यहु भवनवासी वैमानिक देव अर मेरु आदि मध्य लोकसंबंधी चैत्यालयनिकी संख्या जाननी । ज्योतिष्क व्यंतरसंबंधी चैत्यालय असंख्यात हैं तातें गणना विषे न कहे ॥ १०१६ ॥

अब इस शास्त्रकों समाप्त करता संता आचार्य अंतसंबंधी मंगलकै ही अर्थि त्रिलोकविषे प्राप्त जे अकृत्रिम वा कृत्रिम जिन मंदिर संबंधी वंदना करत संता गाथा सूत्र कहैं हैं;—

तिहुयणजिणिंदगेहे अकिट्टिमे किट्टिमे तिकालभवे ।

वणकुमरविडंगा मरणरखेचरवंदिए वंदे ॥ १०१७ ॥

त्रिभुवनजिनेद्रगेहान् अकृत्रिमान् कृत्रिमान् त्रिकालभवान् ।

वानकुमारविद्युतांगामरणरखेचरवंदितान् वंदे ॥ १०१७ ॥

अर्थ—अकृत्रिम अर कृत्रिम अतीत अनागत वर्तमान त्रिकाल संबंधी जे व्यंतर भवनवासी ज्योतिष्क कल्पवासी मनुक्ष विद्याधरनि करि वंदित त्रिभुवन स्थित जिनेन्द्र मंदिर तिनकों में वंदौ हौं ॥ १०१७ ॥

अंतसंबंधी मंगलकै अनंतरि ग्रंथकर्ता है सो अपनी उद्धतताकों परिहरै है;—

इदि णेमिचंदमुणिणा अप्पसुदेणभयणंदिवच्छेण ।

रइयो तिलोयसारो खमंतु तं बहुसुदाइरिया ॥ १०१८ ॥

इति नेमिचंद्रमुनिना अल्पश्रुतेनाभयनंदिवत्सेन ।

रचितद्विलोकसारः क्षमंतु तं बहुश्रुताचार्याः ॥ १०१८ ॥

अर्थ—इस प्रकार करि अल्प श्रुतज्ञानका धारी अर अभयनंदि नामा सिद्धांत चक्रवर्तीका वत्स शिष्य अैसा नेमिचंद्र सिद्धांत चक्रवर्ती आचार्य ताकरि यहू त्रिलोकसार नामा ग्रंथ रच्या है । ताकौ बहुश्रुत धारक आचार्य हैं ते कहीं चूक भई होइ तहां क्षमा करौ ॥ १०१८ ॥

संस्कृत टीकाकारका वक्तव्य ।

अब तिस त्रिलोकसारकौ अलंकार रूप जानै किया अैसा माधवचंद्र त्रैविद्य देव सो भी अपनी उद्धतताकौ त्यागै हैं;—

गुरुणेमिचंद्रसम्मदकादिवयगाहा तहिं तहिं रइदा ।

माधवचंद्रतिविज्जेणिणमणुसरणिज्जमज्जेहिं ॥ १ ॥

गुरुनेमिचंद्रसंमतकतिपयगाथाः तत्र तत्र रचिताः ।

माधवचंद्रत्रैविद्येनेदमनुसरणीयमार्यैः ॥ १ ॥

अर्थ—अपना गुरु नेमिचंद्र सिद्धांत चक्रवर्ती तिनके सम्मत लिएं उपदेश लिएं अथवा ग्रंथकरता नेमिचंद्र सिद्धांती देव तिनके अभिप्रायका अनुसार लिएं केती एक गाथा इस ग्रंथविषै माधवचंद्र त्रैविद्य देव करि भी तहां तहां रची हैं । अैसा भी आर्य जे प्रधान आचार्य तिन करि अनुसारि जाननां ॥ १ ॥

अब ग्रंथका अलंकार रूप सोधनादि रूप कर्त्ता श्री माधवचंद्र त्रैविद्य देव सो भी अंतसंबंधी मंगल करतसंता अपनां अभीष्ट फलकी यांचा करै है;—

अरहंतसिद्धआइरियुवज्झयासाहु पंचपरमेष्ठी ।


इय पंचणमोकारो भवे भवे मम सुहं दितु ॥ २ ॥

अरहंतसिद्धाचार्योपाध्यायसाधवः पंचपरमेष्ठिनः ।

इति पंचनमस्कारः भवे भवे मम सुखं ददतु ॥ २ ॥

अर्थ—चारि घाति कर्म रहित अनंत चतुष्टय युक्त अरहंत, अर सर्व कर्म रहित कृतकृत्य दशाकौ प्राप्त सिद्ध, अर मुनि संघ विषै प्रधान आचार्य, अर ग्रंथाभ्यास अधिकारी उपाध्याय, अर सामान्यमुनि साधु ए पंच परमेष्ठी हैं । आत्माके सर्व प्रकार हितसाधक परम इष्ट हैं तातैं इनकौ परमेष्ठी कहिए । इस प्रकार इन पंच परमेष्ठिनिका नमस्काररूप जो पंच नमस्कार मंत्र है सो भव भव विषै मोकहुं सुख देहु । सुख नाम निराकुलताका है निराकुलता वीतरागभावनिर्तै हो है । तातैं परमवीतराग भावरूप शुद्धात्मस्वरूप जनित परम आनंदकी प्राप्ति करहु ॥ २ ॥

भाषाटीकाकारका वक्तव्य ।




कवित्त—ग्रंथ त्रिलोकसारकी भाषाटीका पूरन भई प्रमान,
याके जानें जानतु है सब नानारूप लोक संस्थान ।
तार्तें ध्यावै धर्म ध्यानकीं पावै सकल प्रकाशक ज्ञान,
पाय त्रिलोकसार गुणमहिमा अविचल पद पर्यैए निरवान ॥ १ ॥

चौपाई—वाचक शब्द वाच्य है अर्थ, इनिकै यहू संबंध समर्थ ।
इनिका कर्ता नाही कोय, जानै इनिको ज्ञाता होय ॥ २-॥

सवैया इकर्तासा'।

पृथ्वी शब्द पृथ्वा अर्थ इनके संबंध ऐसौ पृथ्वी शब्द जाननेतैं पृथ्वी अर्थ जानिए,
ऐसैं सांचे शब्द अर सांचे अर्थ जगमाहि तिनिकै संबंध सो स्वभाव ही तैं मानिए ।
तार्तैं इस ग्रंथ माहि जेते शब्द जेते अर्थ तिनको नवीन कर्ता कोऊ नाहि मानिए,
तिनकीं जो जानै अर भापै जोरि शब्दनिकीं व्यवहारमात्र सो तौ कर्ता पहिचानिए ॥ ३ ॥
ऐसी परिपाटी माहि इहां वर्धमान जिन अए तिनिहूनै तिनिको स्वरूप जान्यौ है,
इच्छा विन दिव्यध्वनि तिनिकै प्रगट भयी ताकरि स्वरूप किछू तैसो ही बखान्यौ है ।
गोतम गणेश मुनि ऐसो उपकार कीनों ताकौ अनुसार सब ग्रंथनिमें आन्यौ है,
तिनिकरि ज्ञानवंत होई छोटे ग्रंथ जोरि किनिहूनै नाना भांति अर्थ प्रमान्यौ है ॥ ४ ॥

इति श्रीपंडितवर टोडरमल्लजीकृत त्रिलोकसारकी भाषावचनिका समाप्त हुई ॥



त्रिलोकसार भाषाटीका समाप्त ।